

Xohk' ew xosk' : ir keank'in  
verjin srjanin mej (Yetmahow  
Hratarakowt'iwn)

Ormanian, Malachie (1841-1918). Xohk' ew xosk' : ir keank'in verjin srjanin mej (Yetmahow Hratarakowt'iwn). 1929.

**1/** Les contenus accessibles sur le site Gallica sont pour la plupart des reproductions numériques d'oeuvres tombées dans le domaine public provenant des collections de la BnF. Leur réutilisation s'inscrit dans le cadre de la loi n°78-753 du 17 juillet 1978 :

- La réutilisation non commerciale de ces contenus est libre et gratuite dans le respect de la législation en vigueur et notamment du maintien de la mention de source.

- La réutilisation commerciale de ces contenus est payante et fait l'objet d'une licence. Est entendue par réutilisation commerciale la revente de contenus sous forme de produits élaborés ou de fourniture de service.

[CLIQUER ICI POUR ACCÉDER AUX TARIFS ET À LA LICENCE](#)

**2/** Les contenus de Gallica sont la propriété de la BnF au sens de l'article L.2112-1 du code général de la propriété des personnes publiques.

**3/** Quelques contenus sont soumis à un régime de réutilisation particulier. Il s'agit :

- des reproductions de documents protégés par un droit d'auteur appartenant à un tiers. Ces documents ne peuvent être réutilisés, sauf dans le cadre de la copie privée, sans l'autorisation préalable du titulaire des droits.

- des reproductions de documents conservés dans les bibliothèques ou autres institutions partenaires. Ceux-ci sont signalés par la mention Source gallica.BnF.fr / Bibliothèque municipale de ... (ou autre partenaire). L'utilisateur est invité à s'informer auprès de ces bibliothèques de leurs conditions de réutilisation.

**4/** Gallica constitue une base de données, dont la BnF est le producteur, protégée au sens des articles L341-1 et suivants du code de la propriété intellectuelle.

**5/** Les présentes conditions d'utilisation des contenus de Gallica sont régies par la loi française. En cas de réutilisation prévue dans un autre pays, il appartient à chaque utilisateur de vérifier la conformité de son projet avec le droit de ce pays.

**6/** L'utilisateur s'engage à respecter les présentes conditions d'utilisation ainsi que la législation en vigueur, notamment en matière de propriété intellectuelle. En cas de non respect de ces dispositions, il est notamment passible d'une amende prévue par la loi du 17 juillet 1978.

**7/** Pour obtenir un document de Gallica en haute définition, contacter [reutilisationcommerciale@bnf.fr](mailto:reutilisationcommerciale@bnf.fr).

ՄԱՂԱՔԻԱ ԱՐՔԵՊՍ. ՕՐՄԱՆԵԱՆ

---

ԽՈՂՔ ԵՒ ԽՕՍՔ

ԻՐ ԿԵԱՆՔԻՆ ՎԵՐՋԻՆ ՇՐՋԱՆԻՆ ՄԷՋ

(ՅԵՏԻՄԻՆԸ ՀՐԱՏԱՐԱԿՈՒՄԻՆ)



ՏՊԱՐԱՆ ՍՐԲՈՅ ՅԱԿՈՐԵԱՆՑ

ԵՐՈՒՍԱՂԵՄ

1929


41223847

ՄԱՂԱՔԻԱ ԱՐՔԵՊՍ. ՕՐՄԱՆԵԱՆ

# ԽՈՂՔԻ ԵՒ ԽՕՍՔ

ԻՐ ԿԵԱՆՔԻՆ ՎԵՐՋԻՆ ՇՐՋԱՆԻՆ ՄԷՋ

(ՅԵՏՄԱԿՈՒ ՀՐԱՏԱՐԱԿՈՒՔԻԼԵՆ)



ՀՐԱՄԱՆԱԻ

ՍՐԲՈՅ ԱՌԱՔԵԼԱԿԱՆ ԱԹՈՌՈՅՍ ԵՐՈՒՍԱՂԷՄԻ

ՊԱՏՐԻԱՐՔ

Տ. ԵՂԻՇԷ Ս. ԱՐՔԵՊԻՍԿՈՊՈՍԻ ԴՈՒՐԵԱՆ



ՏՊԱՐԱՆ ՍՐԲՈՅ ՅԱԿՈՐԵԱՆՑ

ԵՐՈՒՍԱՂԷՄ

1929



2008-124208

ՏՊԱԳՐԵԱԼ ԾԱԽԻԻՔ


ՏԷՐ ՄԱՏԹԷՈՍ ԵՊԻՍԿՈՊՈՍԻ ԳԱՅԸԳՃԵԱՆ՝

Ի ՅԻՇԱՏԱԿ ԾՆՈՂԱՅ ԻԻՐՈՑ

ԱԻԵՏԻՍԻ ԵՒ ՆՈՒՆԵԱՅ

ԳԱՅԸԳՃԵԱՆ

Օրմանեան Սրբազանի 1916 ին երուսաղէմ հանել տուած վերջին լուսանկարը:



Bm  
L&A

*Erasmus van der Meer  
1871. 12. 24*

## Ե Ր Կ ՈՒ Խ Օ Ս Ք

---

Հոգեդոյս Տէր Մաղափիս Արքեպս. Օրնակեանի Ազգապատումի Գ. Մասին հրատարակութեան ետքը, Ս. Աթոռիս Տպարանին յոյս կը տեսնե՞ իր Խոհի՞ Եւ Խօսքը, իր ինքնակենսագրութիւնը:

Օրնակեանի Սրբագան իր սոյն գործովն ինքզինքը կը ներկայացնէ պատմութեան թելին վրայ, խօսելով իր անձին, իր կեանքին եւ իր գործունեութեան մասին, եւ ասիկա իրաւունքն է հեղինակին:

Բայց թէ ո՞րչափ իրաւունք ունի իր դատմաներուն մէջ անոնց հանդեպ՝ որոնց հետ շփում եւ գործակցութիւն ունեցած է, ընթերցողներուն կը թողուի վերապահումներ ընել, եթէ ուզեն:

Պէտք է ըսել որ Խոհի՞ Եւ Խօսքին մասնաւոր ուշադրութեան արժանի էջերը անոնք են ուր հեղինակը իր կարծիքները կը յայտնէ հայ ժողովուրդի քաղաքական ճակատագրի մասին եւ դիտել կուտայ եւրոպական պետութիւններու մեզի անկախ սիւնապատի տեսնելը:

Հրատարակելով սոյն հատորն իր անթողչութեամբը՝ հայ ժողովուրդին առիթ տուած պիտի ըլլանք իր անկեղծ քաղաքական Զարակներէն մեկուն կեանքը գնահատելու, իբրեւ Հայաստանայց Եկեղեցւոյ Պաշտօնայ, իբրեւ Ուսուցիչ, իբրեւ Քարոզիչ Աւետարանի, իբրեւ Մատենագիր եւ իբրեւ Վարչագէտ Գործիչ մը:

Շնորհակալութեամբ կ'արձանագրենք որ Տիար Գեորգ Մոսիշեան (ի Կ. Պոլիս)՝ որուն քով կը գտնուէր Խոհի՞ Եւ Խօսքին թնագիրը, սիրով տրամադրեց Ս. Աթոռիս, զայն հրատարակուած տեսնելու փափաքով:





# Խ Ո Ղ Ք Ե Ի Խ Օ Ս Ք

Ի քեզ Տե՛ր յուսացայ,  
մի՛ ամաչեցից յաւիտեան:

Ա

Երուսաղեմ, 1915 Վեհաճար 12/25, Եջ.

Երեկ զիշեր, 1915 ՎեհարՎար 11/24, չորեքշաբթի, ժամը 3 տաճկականը, կամ 8,45 եւրոպական ժամահաշուով, լրացուցի կենացս 74րդ տարին: Երբոր այդ վայրկեանին աչքերս կը դարձրնեմ ետև, կը տեսնամ որ բաւական ապրեր եմ: Ըսել է թէ կեանքի վերջերուն մօտեցեր եմ, մանաւանդ որ այս օրերու մահերն ալ կ'ազդեն կեանքի վերջաւորութեան վրայ մտածել: Հագիւ ամիս մը առաջ, յունուար 6/19 երեքշաբթի, վախճանեցաւ եղբայրս, բժիշկ Կոմիտաս, ինէ չորս ու կէս տարու պզտիկ. անկէ քանի մը ամիս առաջ ալ, 1914 հոկտեմբեր 25/7 նոյեմբեր, վախճանեցաւ քեռայրս Միհրան Տէր-Ներսէսեան, ինէ տասներհինգ տարի պզտիկ: Իրաւ մահը տարիքին չնայլի, բայց կեանքի տեւողութեան ալ սովորական չափ մը կայ, եւ Դաւիթ մարգարէ իւր ատենը զայն եօթանասունի վրայ կը դնէր, իսկ առ առաւելն ութսուն: Ըսել է որ ես սովորականը անցուցեր եմ, և յաւելուածական շրջանին մէջ կը գտնուիմ: Այս մտածմունքները կը թելադրեն ԽՈՂՔ ԵԻ ԽՕՍՔ մակադրութեան ներքև գիրի առնել կեանքիս և ընթացքիս և գործերուս մասին բռնած ուղղութիւնս և հետեւած սկզբունքներս, ըլլայ իբր խոստովանու-

թիւն, ըլլայ իբր կենսագրութիւն, յուսալով որ աչքս լոյսին փակելէս ետքը, երբ այս տողերս ի լոյս ելլան, կարենան իմ վրայ ուղիղ դատաստան մը կազմելու նպաստել, և ուրիշներու ալ օգտակար ըլլալ:

Միտք չունիմ ժամանակի և կամ նիւթի դասաւորութիւն պահել, որուն համար պէտք էր ծրագիր կազմել, այլ ինչ որ երբ որ միտքիս ներկայանայ, զայն պիտի գրեմ անջատ և ընդհատ հատուածներով:

Այսօր կը գտնուիմ Երուսաղէմ, ուր հասած եմ 1914 մայիս 6/19ին, երեքշաբթի օր, ապրիլ 26/9 մայիսին Կոստանդնուպոլիսէն մեկնած: Պաշտօնս է Լիազօր Պատուիրակութիւն, Երուսաղէմի խնդիրը վերջացնելու և Երուսաղէմը կարգադրելու յանձնարարութեամբ, բայց ինը ամիս է, նշանաւոր գործ մը եղած չէ, զի ընդհանուր պատերազմը և Ազգ. Պատրիարքարանի ուղղութիւնը դժուարացուցին գործունեայ դեր մը վարել: Ուստի լաւագոյն պարագաներու սպասելով, առ այժմ կը բաւականանամ վանական վարչութեան հսկել և ներքին հանդարտութիւնը պահել:

Այսչափ ինչ այսօր իբր սկզբնաւորութիւն և իբր կանխաքանութիւն:

## Բ

Երուսաղէմ, 1915 փետրուար 15/28 Կիր.

Գոհութիւն Աստուծոյ, աւողջութիւնս տեղն է, Երուսաղէմի մէջ ալ օգտուեցայ ու չմնասուեցայ. բժշկական գննութիւններ նպաստաւոր արդիւնք տուին, և տեսնողներն ալ զիս լաւ կը գտնեն: Բայց ասոր հետ մէկտեղ մարմնոյս մեքենան իր հինցած ըլլալը կը մատնէ: Մազերս թափած, կէս ճաղատ, աչքերս վատացած, ակնոցով ալ համարձակ կարդալ չեմ կրնար, ականջներս ծանրացած, ակռաներս արուեստական, պորտս գօտիի կա-

բօտ , ծունկերս յօղացաւով , ուքիս երակները ուռած , առածգա-  
 կան գուլպայի պարտաւորուած , վերջապէս ամէն մասեր տկա-  
 րացած : Ներքին կազմութեան կողմանէ ալ թէպէտ բաւական  
 տոկոսն էի , բայց 1913 օգոստոսի վերջին օրերու մահացու հի-  
 ւանդութենէ ետքը , շատ փոփոխուեցայ , և ստամոքսի և ուղե-  
 ղի մասին խիստ զգուշութեամբ ապրելու ստիպուած եմ : Այս կէտե-  
 րը կը յիշեմ ըսելու համար թէ հինցած մեքենան շուտով կրնայ  
 խանգարուիլ ու չգործել , որչափ ալ սիրտս ու թոքերս բժշկական  
 զննութեամբ առողջ կը վկայուին :

Ահա այդ պարագաները , որ զիս կը յորդորեն ներկայ գըր-  
 ուածիս ձեռնարկել , և վերջին մտածումներս ու յայտարարու-  
 թիւններս հետզհետէ գիրի առնել :

Գ

Երուսաղեմ , 1915 մարտ 28/10 ապրիլ Եր .

Կեանքիս ամենէն ցայտուն և ամենէն նշանաւոր կէտը եկե-  
 ղեցի փոխելս է , ուստի առաջ կ'ուզեմ սոյն պարագային վրայ  
 խօսիլ : Այդ տեսակ փոփոխութիւններ կամ դարձեր , յաճախ  
 բախտախնդրութեան ձեւեր կը ներկայեն , և ես ընելէս առաջ ալ  
 այդ բանը գիտէի , ուստի աշխատեցայ այդ ձեւէն խուսափիլ :  
 Հռոմէադաւան ծնողաց զաւակ եմ եղած , մանկութենէ անոր մէջ  
 սնած , տասը տարիներ հազիւ լրացուցած , Հռոմի մէջ Անտոն-  
 եանց վանքն եմ մտած , և կատարեալ կերպով անոնց ուղղու-  
 թեամբ կրթուած , և նոյն միաբանութեան մէջ ուխտադիր կրօ-  
 նաւորած եմ տասնութնեորդ տարիս լրացնելէ ամիս մը ա-  
 ռաջ : Անկէ ետքը սկսած եմ լատին եկեղեցական վարժարաննե-  
 րու հետեւիլ , և հռոմէական կղերին օրրանն եղող Ս . Ապողինա-  
 րի կամ Հռոմէական Դպրանոցի համալսարանական ուսմանց ըն-  
 թացքն եմ լրացուցած , երկու տարի իմաստասիրութեան , չորս տա-  
 րի աստուածաբանութեան և երեք տարի կանոնագիտութեան

դասերը աւարտած, և երեք ճիւղերու մէջ զատ զատ մագիստրոսութեան (Doctorat) աստիճաններ ստացած եմ: Աստուածաբանութեան ընթացքը աւարտած եմ ցանցառ տեղի ունեցող, իսկ արեւելցիի մը կողմէ բնաւ չկատարուած, հրապարակական եւ հանդիսական քննութեան (Atto pubblico) ձեւով և Պապի հովանաւորութեամբ: Հռոմէական Աստուածաբանական կաճառին ալ անդամ ընտրուած եմ՝ պայմանեալ քննութիւնները լրացնելով: Մէկ խօսքով կաթողիկոսութեան թափանցած և անով տոգորուած ու զարգացած անձ մը եղած եմ, անոր մէջ բարձր դիրք մըն ալ գրաւելու ճշմարտանման հուսանականութեամբ: Ասոր հետ մէկտեղ հռոմէացուանութենէ հրաժարած եմ, ինչ որ շատերուն զարմանալի երեւցած է, և ասոր մեկնութիւնն է որ հարկ կը սեպեմ տալ:

Առաջին միտքը ծագած է յիս, նոյն իսկ ուսանողութեանս օրերէն, քանի տեսած և ուսած եմ հռոմէացուանութեան քաշկրտատուք պատճառաբանութիւնները, նախապաշարեալ տեսութիւնները, այլալեակ մեկնութիւնները և կամայական եղրակացութիւնները: Այս կէտը այնչափ յայտնի էր որ դպրոցական վարժութիւններու մէջ, զուտ հռոմէական վարդապետութիւններու գէժ բուռն առարկութիւններս, դասընկերներուս ալ դիտողութեան առարկայ եղած էին, որոնք սովոր էին կրկնել, թէ հերձուածող մը (scismatico) ըլլալս կը տեսնուի, զի անոնց աչքին ամէն արեւելցի ուղղադաւան չէ, զի հռոմէական չէ: Քանի դասարաններու մէջ յառաջեցի, այդ ըմբռնումս ալ աճեցաւ: Սոյն աճումին հետզհետէ ոյժ տուին հռոմէական պապութեան կամ պապական վարչութեան կողմէ նախ հայ Անտոնեան միաբանութեան, և յետոյ հայ կաթողիկոսութեան հասարակութեան հանդէպ բռնուած ընթացքները, և դանոնք օտարացնելու և լատինութեան ձուլելու համար կատարուած գործողութիւններն ու բռնադատիչ միջոցները, միշտ կաթողիկոսութեան պահանջից պատրուակին ներքեւ: Ասոնք իմ վրաս շատ ներգործեցին, և աշակերտական միջոցիւ ստացած տեսութիւնները զօրացուցին: Տասնըհինգ տարիներ անցուցեր էի ի Հռոմ, 1851էն մինչև 1866, երբ առաջին անգամ Կ. Պոլիս դարձայ, և հայ կաթողիկոսութեան ու հայ Անտոնեան միաբանութեան կողմէ պապական վարչութեան հետ յուզուած խնդիրներուն մէջ մտայ, և գործով և մանաւանդ զրիչով, Հը-

ռոմի հետ մաքառելու ասպարէզին հետեւեցայ, և ընդդիմադիր  
 լաւ գործիչ մը դարձայ: Պատմական յիշատակներով գրուածս  
 խճողել չեմ ուզեր, բաւական ըլլայ յիշել Անտոնեան կանոնա-  
 գիրքին և միաբանական վարչութեան խնդիրը, Լիբանանի հոռ-  
 մէական կաթողիկոսութեան գործը, Հասունեանի կաթողիկոսա-  
 նալը, Ռեւերսուրուս (Reversurus) կոնգակի նորութիւնները, հա-  
 սարակութեան ընդդիմանալը, 1869ի եպիսկոպոսական ժողովը,  
 Վատիկանի ժողովին բացուելը, հայ կաթողիկէներուն յուզումնե-  
 րը, հակահասունեան գործունէութիւնը, որոնց մէջ գտնուած եմ  
 շարունակ, գործիչի և գրիչի դերերը միանգամայն վարելով: Ա-  
 սոնց հետեւանքն էր Հռոմի Անտոնեան վանքը պարպելնիս, եւ  
 Գազանճեան Սուքիաս արքեպիսկոպոսի և Զրաճեան Դաւիթ վար-  
 դապետի հետ գիշերախօսն գաղտագողի Հռոմէ փախչելնիս 1870  
 ապրիլ 19|1 մայիսին, պապական հալածանքէ և սպանալիքէ  
 ազատելու համար: Երբոր Կ. Պոլիս դառնալով պայքարին գլուխն  
 անցնողներէն մէկն ալ ես եղայ, քանիներ ինծի խրատ կուտա-  
 յին, թէ կաթողիկոսութեան մէջ պապութեան դէմ մաքառիլ հնար  
 չէ, և պարտութիւնը ակներեւ է, և ապագային չխայտառակուե-  
 լու միջոցը, կանուխէն ետ քաշուիլն է: Այն թուականէն ես կը  
 պատասխանէի, որ ետ դառնալու պարագան մտածողը թո՛ղ ըստ  
 այնմ գործէ, իսկ ես աւելի առաջ երթալու համար ճանապայ ե-  
 լած եմ:

Տարի մը Կ. Պոլիս մնացի, 1870 մայիս 17|29էն մինչև 1871  
 ապրիլ 24|5 մայիս, և այդ միջոցին միշտ պայքարին գլուխը  
 գտնուեցայ, և բոլոր թղթակցութեանց և յայտարարութեանց  
 գիրերը ես պատրաստեցի: Հինգ օրով նորէն Հռոմ հասայ, ուր  
 հինգ տարի մնացի, մինչև 1876 ապրիլ 30|12 մայիս, Անտոն-  
 եան միաբանութեան ելեւմտական շահերը պաշտպանելու և կար-  
 գադրելու պաշտօնով, բայց անկէ աւելի պապութեան դէմ հա-  
 կահասունեան պայքարը մղելու աշխատեցայ: Կոստանդնու-  
 պոլսոյ հետ անընդհատ նամակագրութիւն կատարեցի, Հռոմի  
 լրագիրներուն շարունակեալ թղթակցութիւններ տուի, անջատ  
 հրատարակութիւններ և բացատրական յօդուածներ գրեցի, մին-  
 չև իսկ 307 երեսով Le Vatican et les Arméniens հատոր մը  
 հանեցի: Մահամերձ ուղեղային հիւանդութիւն մըն ալ անցու-  
 ցի 1875ին, և չպակսեցան յետին վայրկեանի մէջ զիս դարձի բե-

րելու փորձողներ, զորս իբր դիակի շուրջ հաւաքուող ազուաւներ  
որակեցի և մերժեցի: Հասուն ինքն ալ, 1875 օգոստոս 27|8  
սեպտեմբերին, Վիէննայի մէջ, փորձեց զիս իրեն ձգել, մահա-  
ցու հիւանդութենէ ազատիլս իբր ապաշխարութեան աստուածա-  
յին հրաւէր մեկնելով, որուն պատասխանեցի, թէ հանդարտ խիղ-  
ճով նայեցայ մահուան երեսը, և Աստուծոյ կեանքս պահելը կը  
նկատեմ իբր սկսած ճանպաս ծայրը հասցնելու ընծայուած շը-  
նորհք:

Այդ ոստոստուն յիշատակները կը քաղեմ ցուցնելու համար  
թէ հռոմէադաւանութենէ հեռանալու միտքը իմ վրայ, ո՛չ կիրքի  
մը վայրկենական որոշում և ո՛չ շահադիտութեան կեղծիք էր, այլ  
երկար ատեն խորհուած և կշռուած, և խոհական քայլերով յա-  
ռաջացած գործ մը եղած է: Հռոմէ դառնալով Կ. Պոլիս հասած  
էի 1876 մայիս 7|19ին, և Անտոնեանց և Հակահասունեանց պաշ-  
տօնական գործերուն մէջ մտած էի, բայց որոշ խորհուրդն էր իմ  
դիտումը, և 1877 փետրուար 11|23ին, ճիշդ ծննդեանս 37րդ  
տարեդարձին օրը, Վարժապետեան Ներսէս պատրիարքին ներ-  
կայացայ, Յովհաննէս Մկրեան աւագ քահանային առաջնորդու-  
թեամբ, և Հայոց պատրիարքարանի իրաւասութեան ներքեւ ըն-  
դունուիլս խնդրեցի: Սիրալիր եւ պատուադիր ընդունելութեան  
հանդիպեցայ անձիս նկատմամբ, բայց խնդիրքիս վերապահու-  
թեամբ: Յովհաննէս Կիւմշեան և Յարութիւն Նորատունկեան  
տեարց ալ ներկայութեամբ պատրիարքը յայտարարեց, թէ մինչ  
Մխիթարեանք Հայերը իբր կաթոլիկ կ'ուզեն ձեւացնել, Օրման-  
եան կաթոլիկները հայ ձեւացնել կ'աշխատի. այս կ'ըսէր, վասն-  
զի կարգացած էր Le Vatican et Les Arméniens հատորս, զոր  
Հռոմէ իրեն ղրկած էի: Ներկաներէն Յարութիւն Նորատունկեան  
վրայ կը բերէր, թէ ինքն Օրմանեանը ա'յնպէս ճանչցած էր 1863-  
ին, նոյն իսկ Վատիկանին ստուերից ներքեւ: Ներսէս պատրիարք  
չուզեց որ անմիջապէս դիտումս գործադրեմ, այլ Հակահասունե-  
անց տազնապի օրեր անցընելը գիտնալով՝ պատասխանեց. «Տեղդ  
կեցի՛ր ու խմորէ՛, մենք քեզ արդէն կը ճանչնանք»:

Այդ օրէն մինչև վերադարձիս գործադրութիւնը երկու տա-  
րի և ութնուկէս ամիսներ անցան, և բոլոր այդ միջոցին միեւ-  
նոյն նպատակին հետեւեցայ, պաշտօնական պահանջները յար-  
գելով: Հակահասունեան պատրիարքարանի մէջ ատենադպիրի և

ժողովական քարտուղարի և հաշուակալի պաշտօնները կը վարէի, Անտոնեան միաբանութեան մէջ տնօրէն ժողովոյ անդամակիցի և ելեւմտից տեսուչի պաշտօնները կը կատարէի, բայց և միանգամայն Հայոց պատրիարքարանի մէջ Վիճակագրական Յանձնաժողովոյ անդամակիցի, և Ազգ. Մատենադարանի տեսուչի, և Հայկական Խնդրին գործակիցի պաշտօններուն կոչուած էի: Պատրիարքին մօտ և պատրիարքարանի մէջ կը գտնուէի շարունակ, լրագրական խմբագրութեանց կը յաճախէի, ամէն դասակարգի ազգայնոց հետ մտերմացած էի, թէ ոչ պաշտօնապէս, գործնականապէս Հայոց պատրիարքարանին կը պատկանէի: Ընդհանուր ժողովոյ գումարումներուն օրերը Ազգ. Մատենադարանի սրահը կը լեցուէր երեսփոխաններով և խմբագիրներով, և յարբերութիւններս կ'ընդարձակուէին հետզհետէ: Երջանկայիշատակներսէս պատրիարքի անպայման համակրութիւնը կը վայելէի: Միեւնոյն միջոցին սկսայ ազգային լսարաններու մէջ ալ բանախօսել, միշտ ազգային նիւթերու վրայ ճառելով, և ընդհանուր գնահատումի արժանանալով, և խօսածներս հրատարակելով:

Երբոր Յովնան Քիւբէլեան արքեպիսկոպոս, Հակահասունեանց պատրիարքը, 1879 փետրուար 27/11 մարտին, գիշերախառն փախուստով դնաց Հասունեանի յարեցաւ, Հակահասունեանց դիրքը բոլորովին խախտեցաւ, և անկայուն գործին մէջ շարունակելը աննպատակ դարձաւ: Ես այլեւս պաշտօնական քայլեր առնելու քաջալիրուեցայ: Անտոնեանները ամբողջ միաբանութեամբ Հայոց պատրիարքարանի հպատակեցնելու խորհուրդը առաջարկեցի, բայց հաւանութեան չհանդիպեցայ. ծերեր մէկ տեսակ, երիտասարդներ ուրիշ մտածումներով ետ քաշուեցան: Միայն Հայր Պողոս վարդապետ Պոյնուէյրիեան, ազատամիտ ծերունին, զիս քաջալիրեց, ցաւելով որ իր տարիքը չէր ներեր այդպիսի փոփոխութիւն մը կատարել: Պապութեան ընդդիմադիր Հակահասունեանց դրութիւնը անփոփոխ պահելով, լոկ ազգային տեսակէտէն Հայոց պատրիարքարանի միանալու առաջարկն ալ յղացայ, համամիտներ գտայ, ներսէս պատրիարքի հաւանութիւնն ալ ստացայ մըտերմաբար, Հակահասունեանց ժողովին առջևն ալ հանեցի, բայց նորէն ընդունելութեան չհանդիպեցայ: Անձնաւորութիւններ և պատճառանքներ յիշել այստեղ զանց կ'ընեմ: Կը մնար համախոհներու խումբ մը կազմել, և պարզապէս ազգութեամբ և դա-

ւանութեամբ Հայոց պատրիարքարանին միանալ . և այս նպատակին համամիտներ բաւական գտնուեցան , նոյն իսկ ծանօթ անուններ , Յովհաննէս Սազըզեան , Միքայէլ Փորթուկալեան , Կոմիտաս Բէքմէզեան . բայց այս անգամ ալ , երբոր վճռական քայլը պիտի առնուէր , ակնածութիւններ և վարանումներ զօրացան , և եօթանասուն անձնաւորութեանց ստորագրութիւնները և հաւանութիւնները առնուեցան և ցուցակագրուեցան , որոնց մէջ կը տեսնուէին՝ Ազնաւորեան , Խուրտաճեան , Եսայեան , Կէօզէեան , Ալիշան , Օրմանեան և ուրիշ ծանօթ գերդաստաններու անուններ : Եկեղեցականութենէ ես միայն կը գտնուէի , և ես էի պատրիարքին հետ բանակցողը : Բայց այս բոլոր գործողութիւններ բաւական ատեն զրուեցին , և վերջապէս սպասեցինք որ Ներսէս պատրիարքն ալ հրաժարականի խնդիրը փակէ , և անկէ ետքը որոշուեցաւ պաշտօնական վերադարձի օրը 1879 հոկտեմբեր 25/9 նոյեմբեր , Գիւտ Սաչի կիրակին : Նոյն օրը խմբովին էմինէօնիւէ Գումգաբու երթալնիս , և պատրիարքարանի մէջն ուշուրջը եկեղեցական եւ պաշտօնական և ժողովրդական արտասովոր համախմբութիւնը , երկու կողմերէն խօսուած ատենաբանութիւնները , և նոյն երեկոյին Մայր Եկեղեցւոյ մէջ ծայրագոյն վարդապետութեան աստիճան ստանալս , մեծ ու շքեղ հանդէսի մը կերպարանն առին , և կատարուած գործողութիւնը բարձրացուցին :

Պատմական պարագաները բաւական են հաստատել , թէ ի՛նչպէս խորին համոզման , հանդարտ կշռադատութեան , խելահաս հետապնդութեան , և կանոնաւոր յառաջացման գործ մը եղած է իմ կողմէս հռոմէադաւան եկեղեցիէ հրաժարելով , հայադաւան եկեղեցւոյ վերադարձս :

Թերեւս պէտք էր որ նաև վարդապետական տեսակէտէն արդարացնէի իմ համոզումս , և կերպով մը հաւատոյ դաւանութիւն մը աւելցնէի այս տողերուն , բայց այս կէտը լիովին կատարած կ'ըմբռնեմ ՀԱՅՈՑ ԵԿԵՂԵՑԻ Երկասիրութեամբս , զոր գաղղիերէն գրեցի և հայերէնի վերածեցի , և անգղիերէն և ռուսերէն թարգմանութիւններն ալ հրատարակուեցան : Անոր մէջ կը գտնէ ուղղը Հայ Եկեղեցւոյ մասին ունեցած կարծիքս , անոր կատարեալ ուղղափառութեան մասին համոզումս , և ուրիշ դաւանութեանց հետ բաղդատական տեսութիւններս , ուստի աւելորդ կը



սեպեմ Սոսերուս եւ Սոսերուս մէջ այդ կէտերուն վերադառնալ :  
Քրիստոնէական սկզբունքներու և աւետարանական վարդապե-  
տութիւններու խորապէս համոզեալ մըն եմ, իսկ անոնց ճշդա-  
գոյն և հաւատարմագոյն գրութիւնը կը ճանչնամ Հայ Եկեղեցւոյ  
մէջ, և անոր հետեւած եմ Ճշմարտութեան հետեւելու նպատակով :

Ուրախ եմ որ Հայ Եկեղեցւոյ կողմէն ալ անկեղծօրէն գնա-  
հատուած եմ; և ներքին գոհունակութեամբ և արդարացի պար-  
ծանքով կը յիշեմ, որ վերադարձէս վեց ամիս չըրացած, Կար-  
նոյ կարեւոր վիճակին առաջնորդ հաստատուեցայ, յարակից վի-  
ճակներու յաւելմամբ, և հետզհետէ Մայր Աթոռոյ Ճեմարանին  
աստուածաբանութեան ուսուցիչ նշանակուեցայ, Կոստանդնու-  
պոլսոյ պատրիարքութեան Դպրեվանքին կազմակերպիչ և վարիչ  
և ուսուցիչ անուանուեցայ, և վերջապէս Կոստանդնուպոլսոյ պա-  
տրիարքութեան բարձրացայ. ամէնն ալ փափուկ պաշտօններ, ու-  
րոնցմէ սովորաբար հեռու կը պահուէին հռոմէադաւանութենէ  
վերադարձողները :

Այսչափը բաւական ըլլայ կեանքիս ամենէն ցոյտուն եւ  
ամենէն նշանաւոր նկատուած պարագայի մասին :

Դ

Երուսաղեմ, 1915 Վայիս 3/16 Կիր .

Որպէսզի միտքս ու համոզումներս յստակ կերպով պատկե-  
րացնեմ, հարկ է որ կարեւորագոյն կէտերը միառմի նշանակեմ  
այստեղ, զի տեսակ մը խոստովանութիւն կամ բարոյական կը-  
տակ կը նկատեմ սոյն գրութիւնը : Կը խոստովանիմ թէ կը սը-  
տէի, եթէ Հաւատքի ու Գիտութեան լռին պայքարը, որ ներկայ  
դարուս մէջ հրապարակի վրայ ալ կը մղուի, իմ վրայ ազդած  
չէ ըսէի : Որչտի ալ ուսմանց ընթացքս և դաստիարակութիւնս  
կրօնական ուղղութեամբ եղած են, այսու ամենայնիւ թէ՛ ուս-  
մամբ, թէ՛ ընթերցմամբ, թէ՛ յարաբերութեամբ և թէ՛ մօտէն շըփ-  
մամբ, արտաքին գիտութեանց և պատմական հետազօտութեանց

և ներկայ դարուս ուղղութեանց օտար մը եղած չեմ: Իմ միտքս ալ ընկճուած է դաւանական խորհուրդներու ծանր բեռերուն ներքեւ, իմ տեսութիւններս ալ զգածուած են անիմանալիներու մթութեան առջեւ: Բայց մտախոհ զգուշաւորութեամբ և հանդարտ խորհրդածութեամբ կրցած եմ միտքս հանդարտեցնել, եւ ներքին խաղաղ մտայնութիւն և կացութիւն մը կազմել: Այդ մասին իմ միտքիս վրայ մեծապէս ներգործած են բնական կամ նիւթական աշխարհի գաղտնիքները, որոնցմէ դիւրաւ բարձրացած եմ գերբնական և հոգեկան գաղտնիքներուն իրականութեան: Երրորդութեան խորհուրդն՝ իսկ անմարտելի և անտանելի չեմ գտած, բայց Մարգեղութեան և Հաղորդութեան խորհուրդները աւելի ճնշած են միտքս, աստուածային բնութեան հետ համաձայնեցնելու դժուարութեանց կողմէն: Այսու հանդերձ անոր հրպատակիլս ալ դիւրացած է, քրիստոնէութեան վրայ ունեցած բարձր և զօրաւոր, իրական և ճշմարիտ համոզմանս ուժով, զի երբ հիմ մը հաստատուն է, անոր շէնքն ու մասերը խարխուլ չեն կրնար ըլլալ:

Այդ համոզմանս շնորհիւ կրցած եմ ոչ միայն լուս հաւատացեալ մը, այլեւ աստուածաբանական ճշմարտութեանց լուս ուսուցիչ մըն ալ ըլլալ, հեռի մնալով միշտ հռոմէադաւան դրութեան չափազանցեալ և մենամոլ տեսութիւններէն, և հիմնուելով հայադաւան լայնախոհ և ներողամիտ դրութեան վրայ, ինչպէս գործերովս ալ ապացուցած եմ:

Հաւատքին անհրաժեշտութեան համոզումը կը քաղեմ մարդկային բնութեան իսկ իր կազմակերպութիւնը լրացնելու համար Հաւատքի պէտք ունենալէն բնական և կենցաղական շրջանակին մէջ: Հաւատքին պակասութիւնը ահագին դատարկ մը կը ձգէ մտաւորական բնութեան մէջ, և որովհետեւ գիտութիւնն ալ կ'ընդունի թէ բնութիւնը դատարկ է կը խորշի, անկէ կը հետեւցնեմ թէ, Հաւատքը անհրաժեշտ պէտք մըն է միտքին դատարկը լրացնելու: Այդ է Հաւատքի մասին ունեցած հաւատքս:

Հաւատքի չափ, և թերեւս Հաւատքէ ա'լ աւելի զօրաւոր եղած է Յոյսի վրայ համոզումս, այն Յոյսը որ աստուածային Նախախնամութեան և Հովանաւորութեան սկզբունքը կ'ազդէ մարդուն: Այդ ազդեցութեամբ է որ առ Աստուած դիմումը և հայցուածը, կամ սովորական բառով աղօթքը, անկեղծութեամբ և

համոզմամբ կիրարկած եմ ամէն պարագային: Ամէն գործի ըս-  
կիզբին կամ ընթացքին, ամէն դժուարութեանց առթիւ, ամէն  
նեղութեանց մէջ, ամէն շփոթութեանց հանդէպ, առ Աստուած  
դիմումը հաստատուն սովորութիւն եմ ըրած պատանեկան տա-  
րիքէս ի վեր: Նախադասած աղօթքս է Շնորհալիին Պահապան  
անկնայնին, զոր երիցս կը կրկնեմ որեւէ պարագային: Ես ալ  
ինձի համար հառաչանքներ շարադրած ունիմ. ինչպէս՝ Տէր իմ,  
Հայր իմ, Անրհ՛, ողորմհ՛, օրհնհ՛, օգնհ՛, փրկհ՛ ազաւհ՛, պարգեւհ՛  
շնորհհ՛. կամ թէ՛ Տէր իմ Յիսուս, դու ես իմ յոյս, հայեալ՛ց յիմ  
կոյս, մի՛ յիկն խոյս, յիշե՛ր ընդ քոյս, գերք մանուկ կոյս, անգօր սի-  
բոյս, ծագեալ՛ յիս յոյս, մտաքս ի յոյգ: Աղօթքի մէջ սիրած եմ հե-  
տեւիլ Եկեղեցւոյ այն գեղեցիկ սկզբունքին, որ վեհ է և վսեմ,  
թէ՛ Դու Տէր, գիտես զպէսս մեր եւ զկարիս առաւել քան զոր գիտեմք  
եւ իմանամք. որով աղօթքիս ելքին վրայ անխռով միտքով մը կը  
նայիմ: Չեմ ցուիր եթէ վիշտի և նեղութեան, հակառակութեան  
և հալածանքի հանդիպիմ, բաւական է որ վերջէն վերջ յաջող ելք  
մը ունենամ, զի մի՛ երբեք աստանեցայց: Փորձառութիւնն ալ շատ  
օգտած է այդ համոզումս զօրացնելու, զի շատ փոթորկալից եւ  
վտանգաւոր, դժուարին ու շփոթ վիճակներէ անցած եմ, բայց,  
Աստուծոյ փառք, ամէնն ալ վերջ ի վերջոյ յաջող երեւոյթ ա-  
ռած են, և ընկճուած ու անպատուուած վիճակ ունեցած չեմ:  
Աւազակի և դաւաճանի, զրպարտողի և բանսարկուի, հալածիչի  
և թշնամիի ամբաստանութեան արկածներ ալ անցուցած եմ, բայց  
մինչև այս օրս ամենուն մէջ ալ աստուածային հովանաւորու-  
թեան արդիւնքը տեսած եմ, և առ Աստուած յոյսս և վստահու-  
թիւնս աճած է, և ապահով աչքով մը նայած եմ և կը նայիմ  
ամէն ձախող պատահարի վրայ:

Յոյսը զօրացուցած է յիս Աստուածսիրութիւնը, ուսկից կը  
բղխի Ընկերսիրութիւնը: Աստուածասիրութիւնը՝ իմ համոզմամբ՝  
Պատուիրանապահութիւնն է, իսկ գլուխ պատուիրանին Սէրն է:  
Չանացած եմ հաւատարիմ մնալ աստուածային պատուիրաննե-  
րուն, որոնք Սինայի բարձունքէն հռչակուեցան, և Կափառնա-  
ումայ լեռնէն իրենց լրումը ստացան: Կատարեալ գիտակցութեան  
և ուղիղ խիղճի և անաչառ տեսութեան կանոններով գործելու  
հետեւած եմ միշտ, և այժմ ալ ներքին խայթ մը չեմ զգար ը-  
րածներուս և ըսածներուս մասին: Չեմ համարձակիր զիս չսխա-

լած կարծել, բայց կրնամ չսխալելու աշխատած ըսել. ուրիշ է գործին արդիւնքը և ուրիշ է գործողին դիտումը: Ազատ գաղափար ունեցած եմ մարդկային կամայականութենէ բղխած օրէնքներուն, կամ պատահական սովորութենէ յառաջ եկած պարտաւորութեանց մասին, ի՛նչ և ո՛վ ալ ըլլայ անոնց նիւթն ու հեղինակը: Միայն թէ յարգած եմ երկու կարեւոր պայմանները, որք են չգայթակղեցնել և չվնասել: Այս եղած է իմ բարոյական կեանքիս ամփոփումը. և ի՛նչ որ ըրած եմ թէ՛ անհատականս և թէ՛ պաշտօնական, թէ՛ անձնական և թէ՛ հանրային տեսակէտէն, այդ սկզբունքներու մէջ կը գտնեն իրենց մեկնութիւնը, ըսեմ նաև, իրենց արդարացումը:

Առաջ  
Երևան  
Երկրորդ  
Մասնակց  
Գրքի  
Գրքի  
Գրքի

Ե

Երուսաղեմ, 1916 փետրուար 12/15 Ուր.

Տարի մը լրացաւ այն օրէն որ Խոհիս ու Խօսիս գլխի առնել ձեռնարկեցի, և դեռ շատ քիչ բան եմ գրած, կարծես թէ առողջ օրեր անցընելս վստահութիւն կը ներշնչէր զայն յետաձգելու, բայց աւելի միտքս պատմական խնդիրներով զբաղեցնելս էր պատճառը, զի ԱԶԳԱՊԱՏՈՒՄ ս շարունակելու և լրացնելու եռանդը բորբոքեցաւ սրտիս մէջ, որով կրցայ ցարդ վերջին ժի՛. դարուն առաջին կէսին անցքերը պատմագրել: Այսօր կեանքիս 75րդ տարւոյն լրման հանգրուանին, քանի մը տողեր միայն կ'աւելցընեմ այստեղ, յետաձգումը բացատրելու, և ոչ գործին շարունակութեան ձեռնարկելու միտքով: Առողջ եմ տակաւին Աստուծոյ շնորհիւ, ընդհանուր թերահաւատութիւն մը ազդելու չափ, թէ իրօք եօթանասունևհինգամեայ ծերունի մը չըլլամ: Աշխատութեան տոկունութիւնս, խօսելու և քարոզելու աշխոյժս, շարժումի և քայքի ձեւերս, և ամէն սովորական զբաղումներու ճշդ գապահութիւնս, նկատողութեան կ'առնուին, և 10-15 տարի նուազ տարիք մը կը ցուցնեն կ'ըսեն: Եթէ Աստուած պարգեւէ,

պիտի աշխատիմ օրերս արդիւնաւորել, աւելի գրական երկասիրութիւններով քան պաշտօնական գործերով:

## Զ

Դամասկոս, 1917 Յոյեմբեր 22/5 դեկտեմբեր ԴՂ:

Ծանօթ առածը կ'ըսէ թէ մարդ կը մտադրէ, իսկ Աստուած կը տրամադրէ (L'homme propose, Dieu dispose), և այդ ճշմարտութիւնը իրականացած կը տեսնեմ սոյն գրութեանս վրայ: Ի՛նչ էր իմ դիտումս և ի՛նչ եղած է արդիւնքը: Սկսելէս երկու տարի և ինն ումիս անցած է, և տակաւին հազիւ քանի մը տողեր գրած եմ: Պատճառը յայտնի է. առաջ դասատուութեանց և Ա.Զ.Գ.Ա.Պ.Ա.ՏՈՒՄԻ և վերջէն միայն Ա.Զ.Գ.Ա.Պ.Ա.ՏՈՒՄԻ աշխատիլս, զի երբ միտքը մէկ նիւթով զբաղուած է, ուրիշ նիւթերով խըճողել օգտակար չէ. իսկ այս աշխատութիւնն ալ երկրորդական կարեւորութիւն ունենալուն, բնական էր որ յետաձգուէր, եւ անգամ մը յետաձգուելէ ետքը գրեթէ մոռացութեան տրուէր: Այս օրեր որ և է կանոնաւոր զբաղումի գրութիւն չունիմ, եւ սկսուած գրութիւնները շարունակելու միջոցներէ զրկուած ըլլալով, տեսրս ձեռք կ'առնեմ քանի մը տողեր աւելցնելու, որչափ որ պարագաները ներեն:

Կը գտնուիմ Դամասկոս, ուր հասած եմ նոյեմբեր 13/26ին, երկուշաբթի օր, ընկերակցութեամբ Խապոյեան Սահակ կաթողիկոսի և Ոսկերչեան Մովսէս վարդապետի, կէսօրէն ետքը: Տիրող համաշխարհական պատերազմին մէկ ճիւղն ալ Պաղեստինի կողմը տարածուեցաւ, Անգղիական բանակը Եգիպտոսէ յառաջացաւ, և հետզհետէ Պաղեստին մտաւ, և երբ Քեբրոն և Յոպպէ գրաւեց, Երուսաղէմի գրաւումն ալ հաւանական նկատուեցաւ, և հոկտեմբեր 28/10 նոյեմբերին լատին և յոյն և հայ պատրիարքներու ազդարարուեցաւ, որ իրենց ժողովականներուն հետ պէտք է Երուսաղէմէն մեկնին և Նազարէթ բնակին, որպէսզի հոգեւոր

պետեր թշնամուոյն իշխանութեան ներքե մտած չըլլան: Իմ խօս-  
քըս չկար և միայն հոկտեմբեր 31|13 նոյեմբերին ինծի ալ գրաւոր  
ազդարարութիւն եղաւ մեկնելու: Անհրաժեշտ էր համակերպիլ  
և պատրաստութեանց ձեռնարկեցի, բայց հազիւ նոյեմբեր 6|19ին,  
երկուշաբթի օր, վանքէ և քաղաքէ մեկնեցանք, միւս օր Սա-  
մարունուոյ յունական վանքը հասանք, և 11|24ին անտի մեկ-  
նելով, փոխանակ Նազարէթի ուղղակի Դամասկոս առաջնորդուե-  
ցանք և 11|24է 12|25 կէս գիշերին Աֆուլէ կայարանը կառքերը  
թողլով երկաթուղիով շարունակեցինք: Սինոզի ժողովականներ  
մեզի հետ չէին կրցած մեկնիլ, փոխադրութեան միջոց չգտնուե-  
լուն, և հազիւ 11|24ին մեկնելով 16|29ին Դամասկոս հասան  
Եղիշէ Չիլինկիրեան, Կարապետ Մազլըմեան ու Պետրոս Սարաճ-  
եան եպիսկոպոսներ, և Գրիգորիս Պոյաճեան ու Գարեգին Սա-  
չատուրեան վարդապետներ, և անոնց հետ կաթողիկոսին սպա-  
սաւորող Վարդան Գէորգեան սարկաւազը ու Մկրտիչ Կէնճալ-  
եան խոհարարը: Ժողովականներէն ետև մնացած են Ստեփանոս  
Յովակիմեան արքեպիսկոպոս հիւանդ, Գիւտ Մխիթարեան եպիս-  
կոպոս փոխանորդ, և Դաւիթ Տէրտէրեան Ծ. վարդապետ լու-  
սարարապետ, և վերջին երկուքին համար կառավարիչի հաւա-  
նութիւնը ստացուած է: Այստեղ Դամասկոսի մէջ տակաւին ե-  
րերեալ տատանեալ վիճակ մը կայ, մեր վանատունը անբաւա-  
կան է ամենուն բնակութեան, կառավարութիւնը տեղեր կը հո-  
գայ, իսկ ես վանատան մէջ կէս լքուած բայց դիրքը լաւ սնն-  
եակ մը կը բնակիմ: Մի քանի օրերը պաշտօնական այցելու-  
թիւններով և տեղաւորուելու զբաղումներով անցան, և հազիւ  
այս առտու կ'սկսիմ Սոնի ու Սոսիս գրել:

է

Համար

Նախագի

Կարգադր

Կարգադր

Կարգադր

Կարգադր

Դամասկոս, 1917 նոյեմբեր 23|6 դեկտեմբեր Եշ.

Կեանքս երկու մեծ միջոցներու կը բաժնուի. մին հռոմէա-  
դաւանութեան մէջ 1841 փետրուարէ մինչև հոկտեմբեր 1879 և

միւսը 1879 նոյեմբերէն մինչև այսօր հայադաւանութեան մէջ : Առաջին միջոցին վրայօք խօսիլ զանց կ'ընեմ առայժմ, զի ժամանակագրական և կանոնաւոր կենսագրութիւն գրել չէ նպատակս, այլ միայն իմ անձիս ու համոզումներուս և գործերուս մասին գաղափար մը տալ, յետիններու ի յիշատակ և եղելութեանց ի լուսարանութիւն : Այս երկրորդ միջոցի կեանքս շատ մը հանգրուաններու կը բաժնուի, իրարմէ տարբեր գրողումներով, Ղալաթիոյ քարոզչութիւն, Կարնոյ առաջնորդութիւն, Բերայի քարոզչութիւն՝ առաջնորդութիւնը պահելով, և նորէն Կարին դառնալով, Էջմիածնի ուսուցչութիւն, Դպրեվանքի պատրաստութիւն, Արմաշի վանահայրութիւն՝ վերատեսչութեան եւ ուսուցչութեան հետ, Կոստանդնուպոլսոյ պատրիարքութիւն, առանձնացեալ աշխատութիւն, Երուսաղէմի պատուիրակութիւն և վարչութիւն, և ամենէն վերջ դարձեալ առանձնացեալ աշխատութիւն Երուսաղէմի մէջ. այդ տարբեր դիրքերուն մէջ աշխատած եմ ինքզինքս զսպել և տարբեր ուղղութեանց չժառայել, և անհատական սկզբունքներէս չխախտուիլ :

Բնական բերմամբ վարչական գործերու սիրահար չեմ եղած, և ուսումնական ու դրական աշխատութիւնները նախագասած եմ, նոյն իսկ անհատական առաւելութեանց տեսակէտէն, զի գրական արդիւնքները մշտնջենական յիշատակ կը թողուն, մինչ վարչականներ ապաշնորհ հետեւանքներ կ'արտադրեն : Ասով մէկ տեղ մտադիւր յանձն առի վարչական պաշտօններ երբոր օրինաւոր և պարտաւորիչ կերպով ինձի առաջարկուեցան : Իբրև հաստատուն կանոն ըրի ինձի ոչ մի պաշտօնի հետամուտ ըլլալ և ոչ մի պաշտօնէ խուսափիլ, համոզուած ըլլալով թէ անհնար է մարդուն ապագայն գուշակել նախապէս և յաջողութիւնները իւրովի նախակարգել, ուստի լուսագոյն սեպեցի գործոց և զբաղմանց որոշումը իրենց հոսանքին թողուլ, որով գոնէ սիրտի տագնապէ և խիղճի խայթէ և պատասխանատուութենէ ազատ կը մնայի : Վարչական շրջանակին մէջ երկու գլխաւոր պաշտօններս եղան Կարնոյ առաջնորդութիւնը և Կոստանդնուպոլսոյ պատրիարքութիւնը :

Կարնոյ առաջնորդութեան կոչուեցայ հայադաւան եկեղեցին ընդգրկելէս վեց ամիս ետքը միայն, և պատուոյ խնդիր ըրի ըսել չտալ թէ Վոսփորի ասիանց վայելմամբ գաւառներ երթալէ

կը փախչի. 1879 հոկտեմբեր 28ին էր վերագարձս, 1880 մայիս 29ին Կարին կը մտնէի: Անգամ մը գործի ձեռնարկելէս ետքը ձեռնթափ ըլլալ ալ չուզեցի, 1882ին յուզուած խնդիրն ալ զիս չկուսեցուց, 1883 մարտ 24ին Կարինէ մեկնած օրս հրապարակաւ յայտարարեցի թէ խնդիրը կարգադրելու և դառնալու համար կ'երթամ, և ոչ թէ Կոստանդնուպոլիս մնալու համար: Իրօք ալ յաջողեցայ ինքզինքս արգարացնել, բանտարկեալները ազատել, առաջնորդութիւնը ձեռքէ չթողուլ, և հրաժարելով պատրիարքական փոխանորդութեան ընտրուելու առաջարկն ալ մերժեցի, և վերջապէս տարիուկէս բացակայութենէ ետքը 1884 հոկտեմբեր 9ին դարձեալ Կարին մտայ, և առաջնորդութեան պաշտօնը շարունակեցի:

Կարնոյ առաջնորդութենէ հրաժարիլս ալ անձնական նախաձեռնութեամբ չկատարուեցաւ, այլ Մակար կաթողիկոսի 1887 յունիս 10ի կոնդակով տրուած հրամանին զօրութեամբ, որ յունիս 24ին ձեռքս հասաւ, 28ին հրաժարականս Գաւառ. Ժողովէ ընդունուեցաւ, յուլիս 6ին մեկնեցայ, և Կ. Պոլիս հանդիպելով սեպտեմբեր 3ին էջմիածին հասայ, և 17ին աստուածաբանական ուսուցչութեան պաշտօնը ստանձնեցի, որուն կոչուած էի կաթողիկոսական հրամանով: Ըստ այսմ եթէ գաւառական առաջնորդութենէ հրաժարեցայ եօթը տարի զայն վարելէ ետքը, ոչ անձնական նախաձեռնութեամբ և ոչ պատրուակեալ պատճառով ըրի զայն, այլ բարձրագոյն բացարձակ հրամանով, և առաջնորդութիւնը ուսուցչութեամբ փոխանակելով, որչափ ալ այդ վերջին պաշտօնը ինձի աւելի հաճելի ըլլար:

Ը

Իսթանպուլ, 1917 նոյեմբեր 24/7 դեկտեմբեր. Ուր.

Նմանօրինակ պարագաներու ներքե կատարուեցաւ պատրիարքութեան ընտրուիլս: Երբոր Մատթէոս Իզմիրլեան պատրիարք պաշտօնը թողուց, և կոտորածներու շիտթներու մէջ պատ-



րիարքական ընտրութեան ձեռնարկը սկսաւ, ես Արմաշ էի, եւ  
 երբ 1896 հոկտեմբեր 14ին Կ. Պոլիս դարձայ, ոչ մի մասնակցու-  
 թիւն չունեցայ ընտրողական ձեռնարկին մէջ, և ուրիշ անուաներ  
 կը խօսուէին իբրև հաւանական պատրիարքացուներ, և տեղապահ  
 Բարթողիմէոս արքեպիսկոպոս Չամիչեան ամէն ճիգ կը թափէր  
 իր ընտրութիւնը յաջողցնելու: Երբ այս ու այն անցողաբար զիս  
 ալ իբր պատրիարքացու կը յիշէր, սովոր էի պատասխանել թէ  
 այդ պաշտօնը վերադարձողներու տալ սովորութիւն չէ: Այսու  
 հանդերձ դնելով վերցնելով իմ անունիս շուրջը կը միանան,  
 Տատեան Յարութիւն բաշայի և իր կազմած խորհրդակցութեանց  
 նախաձեռնութեամբ, և նոյեմբեր 6ին, Կ. Պոլիս դառնալէս ե-  
 րեք շաբաթ ետքը, պատրիարք կ'ընտրուիմ: Ընտրութեան լուրը  
 իբրև հարուած մը աղդեց վրաս, և գրեթէ հիւանդացայ, բայց  
 խուսափիլ չխորհեցայ, միշտ հաւատարիմ իմ սկզբունքիս,  
 պաշտօնի հետամուտ չլինել և պաշտօնէ չխուսափիլ: Երբոր նո-  
 յեմբեր 7ի առտուն Բնդհանուր Ժողովոյ ատենապետն ու ատե-  
 նագլխիւրը ընտրութիւնը կը հաղորդէին և ընդունիլս կը յանձնա-  
 րարէին, իմ պատասխանս եղաւ, թէ պատիժէ հրաժարելու սովո-  
 րութիւն չի կայ, որ ես ալ այդ պատիժէն հրաժարէի: Իրօք ալ  
 պատրիարքութիւնը այն դժնդակ պարագայից մէջ պատիւ չէր,  
 պատիժ էր: Հազիւ թէ աղդն ալ ընտրութիւն մը ընելու ար-  
 ատնուած և զայն կատարել յաջողած էր, հրաժարիլը ազգը նորէն  
 տաղնապի մատնել պիտի ըլլար: Պաշտօնն ալ այնպէս ծանրացած  
 էր, որ շատեր անկէ կը փախչէին, և յաջող պարագաներու մէջ  
 չեմ կարծեր որ ներէին և հաւանէին իմ ընտրուելուն: Դարձեալ  
 պարտաճանաչութեան սկզբունքն էր որ զիս յանձնառութեան կը  
 յորդորէր: Պետական հաստատութիւնը մինչև նոյեմբեր 17 յա-  
 պաղեցաւ, և այդ միջոցին Բարթողիմէոս տեղապահ կը հաղոր-  
 դէր, թէ հաստատութեան դէմ դժուարութիւն հանողներ կան,  
 որուն ես պատասխանեցի, որ եթէ դիմնայի թէ ո՛վ է, ձեռքը  
 պագնելու կը փութայի որ զիս փորձանքէ ազատելու կ'աշխատի:  
 և կարծեմ թէ դժուարութիւն հանողներուն գլխաւորը ինքն էր,  
 իւր հետապնդութեանց մէջ ձախողելէն վշտացած: Բայց վերջա-  
 պէս հաստատութիւնը տրուեցաւ 17ին, և 20ին պատրիարքա-  
 կան ուխտը կատարելով գործի ձեռնարկէցի, 23ին կայսեր ներ-  
 կայացայ և 26ին Բարձրոյն Դուռ այցելեցի:

Ինչ համոզմամբ և սկզբունքով պատրիարքութիւնը ստանձնեցի, նոյն կերպով ալ զայն պահեցի տասներկու տարիներ, ինծի նուիրական պարտք համարելով ազգը ընտրողական տաղնապի չմատնել, և կամ անտէրունչ մնալու վիճակին չենթարկել: Կայսեր անձին և կառավարութեան կողմէ զիս հեռացնելու միտք չտեսայ, մայրաքաղաքի և գաւառաց հայութեան կողմէ միշտ համակրութիւն վայելեցի, նոյնպէս արտասահման գտնուող եւ իրենց սեփական ծրագիրները մշակող կուսակցական մարմիններէ, որոնցմէ շարունակ ստիպում կրեցի, կամ իրենց գաղափարներուն համակերպիլ ու ձեռնարկները քաջալերել և կամ պատրիարքութենէ հրաժարիլ: Զիս բռնադատելու համար երեսունի չափ ըսպառնական նամակներ տեղացուցած են վրաս, անգամ մը մահափորձ ալ ըրած են հրագէնով և ուսէս վիրաւորած, բայց ես հարկ չեմ տեսած ընթացքս փոփոխել, որչափ ալ կանուխէն աւելի համարձակ գաղափարներու ծառայած ըլլամ: Ուրիշ է անհատական անձ մը ըլլալ, և ուրիշ է հանրութեան օգուտին պատասխանատուութիւնը կրել:

Դեսպանատուներուն հետ յարաբերութիւնս կատարեալ եւ լաւ էր, եւրոպական լրատու գործակալութեանց հետ ալ շարունակ հաղորդակցութեան մէջ էի, պետական պաշտօնատանց ընթացքին ներքնապէս տեղեակ էի, չէի կրնար ինզլինքս խաբել, և ազգին մէջ շփոթ և տէրութեան կողմէ բռնութիւն յարուցանելով կարծել թէ Եւրոպա անմիջապէս միջամտութիւն պիտի գործէ Հայոց պաշտպանութեան, ինչ որ կուսակցական մարմիններու երազն էր, և անոր վրայ կը հիմնուէր իրենց ծրագիրը: Այդ նպատակին կը գիտէին բոլոր իրենց շարժումները, ոչ միայն աստ և սնդ խլրատումներ յուզելու կ'աշխատէին, ոչ միայն Պապը-Ալին և Երլտըղը ռումբեր պայթեցնելով գրգռել կը ջանային, այլ և սուտ լուրեր կը հասցնէին կայսեր, որպէսզի խիստ միջոցներ և բռնութիւններ և կոտորածներ ձեռք առնէ, և եւրոպական տէրութիւնք պաշտպանութեան հասնին, և Հայոց կացութեան բարւոքումը իրագործուի: Այդ յեղակարծ տեսութիւնը իրականութենէն շատ հեռու էր, ո՛չ կրնայի համակերպիլ, և ո՛չ ալ կըրնայի գործակցիլ, ինծի նուիրական պարտաւորութիւն կը սեպէի անցեալ վտանգներուն հետեանքները դարմանել, նորանոր վրտանգներու առիթ չտալ, շատ արիւն կորսնցնող հիւանդը խիստ

փորձերու չենթարկել, ինչպէս կուսակցականաց յայտնապէս ըսած էի, և ժամանակին պահանջած ձևերը գործածել, պետական բռնութիւնները մեղմել, թէ ոչ ամբողջական՝ գոնէ մասնակի դիւրութիւններ պատրաստել, ներքին վարչութիւնը կազմակերպել, նպաստներու ուժ տալ, նոր սերունդը պատրաստել, և հնարաւորով գոհանալ:

Այդ ուղղութեամբ վարեցի պաշտօնս վարչական ժողովներու համամտութեամբ, և ուրախ եմ յայտարարել, որ եթէ մեծ յառաջդիմութիւն չգոյացաւ, գոնէ վտանգներու առջևն առնուեցաւ, քիչ ու շատ կանոնաւոր ընթացք գոյացաւ, ներքին վարչութիւն կազմակերպուեցաւ, կարօտութիւն և կրթութիւն և խեղճութիւն խնամուեցան, դպրոցներ և որբանոցներ կազմուեցան, և բաւական գոհացուցիչ կացութիւն մը իրականացաւ, զոր կարօտով կը յիշեն ազատութեան օրերուն մէջ չարաչար տառապանքներու և տապնապներու մատնուողները:

Թ

Դաւնասկոս, 1917 Յուլիսի 25/7 դեկտեմբեր Շք.

Պաշտօնի հետամուտ չըլլալու և պաշտօնէ չխուսափելու սկզբունքը պաշտօնէ չհրաժարելու ալ կը տարածուի, և չեմ յիշեր երբեք անձնական տեսութեամբ հրաժարիլս, այլ միշտ պարտուց կամ պատշաճից պահանջմամբ պաշտօն փոխած եմ: Ասոր հետևանքն էր, հակառակ բազմատեսակ դժուարութեանց, պատրիարքութենէ ալ վճռաբար չհրաժարիլս, թէպէտ պայմանական հրաժարականի ձևը քանի մը անգամ գործածեցի կառավարութեան հանդէպ մասնաւոր յաջողութիւններ ձեռք ձգելու համար: Երբոր 1908 յուլիս 11 ին մայրաքաղաքի մէջ ալ հռչակուեցաւ նախընթաց յուլիս 10 ի օրը Մակեդոնիոյ մէջ հռչակուած ազատութիւնը, ականքեւ էր որ պէտք էր տեղի տային նախընթաց կացութեան մէջ պաշտօն վարողները, որոց մէկն ալ ես էի:

Այդ պարագային մէջ երկու կէտերու վրայ յատուկ մտա-

գրութիւն դարձուցի: Մէկը իբրև անապարանօք փախչող չերեւալ, և միւսը՝ պատրիարքական իշխանութիւնը օրինաւոր մարմինի մը յանձնել, որ պէտք էր ըլլար օրինաւորապէս ընտրուած Ընդհանուր ժողովը: Յուլիս 11 էն 16 այդ նպատակին նախապատրաստութեանց զբաղեցայ, Համագումար հաւաքելու և Երեսփոխանութիւն կազմելու հետեւեցայ, սակայն ժողովրդական շարժումը կանխեց, պատրիարքութիւնը Օրմանեանի ձեռքէն ազատելու շտապեցան, ցոյցեր կազմելու ձեռնարկեցին, և մտերիմ բարեկամներ յորդորեցին հրաժարականը կանխել, ինչ որ սակայն իմ սկզբունքիս համաձայն չէր, զի անձնական տեսութեամբ գործել եւ դժուարութեանց երեսէն փախչիլ պիտի ըլլար: Այս համոզմամբ նոյնիսկ յուլիս 16 ի առտուն ժողովի իջայ, հակառակ կրկնուած ազդարարութեանց. պէտք էր շարժումը տեսնէի և ըստ այնմ ընելիքս կարգադրէի, թէպէտ ստոյգ կ'երևար հրաժարելու հարկը: Ժողովրդական շարժումը ոչ թիւով և ոչ կազմակերպութեամբ կարեւորութիւն չէր ներկայեր, բայց հրաժարականը տուի, երբ տեսայ որ Սառն ժողովը անուղղի մատնուած, իմ հրաժարելովս զինքն ազատած կը կարծէր և զիս հրաժարելու կը յորդորէր: Ես յօժարակամ տուի հրաժարականը, դժուար չէր նախատեսել յառաջ գալիք անտեղութիւններ, որոց պատասխանատու կրնայի սեպուիլ եթէ կանխէի, բայց այս դատողութեանէ կ'ազատէի, երբոր արտաքին պարագայից պատշաճը, չըսեմ հարկը, զիս կ'ստիպէր հրաժարիլ, որով այլևս ես անտեղութեանց պատճառ չէի կրնար սեպուիլ: Յուլիս 16 ին ժողովին մէջ հրաժարականս գրեցի և քաշուեցայ, և կատարեալ ձեռնթափութեան վիճակն առի, ուրախանալով որ ազատ եմ, և ցաւելով որ գործը կարողագոյն ձեռքերու չյանձնուեցաւ, և ազգային աղէտներ չպակսեցան, այլ աւելցան իսկ:

Աւելորդ կը դատեմ որոնել թէ ո՛ր կողմէ ծագած էր ինձի դէմ շարժումը: Կուսակցականաց և յատկապէս Դաշնակցականաց միտքն ու դրդումը յայտնի էին, բայց իրենց գլխաւորները տակաւին խմբուած չէին, թէպէտ հետեւողներ ունէին: Միւս կողմէ դրամ իւրացուցած ըլլալու գրոյցը, շարժումին գլուխը գանուողներուն անձնաւորութիւնները, հետեւողներուն նախընթացը, յայտնի կը ցուցնէին Երուսաղէմի ղեռնդական խնդիրին հետ կապակցութիւնը, իբր թէ Օրմանեանը ղեղձարար ցուցնե-

լով, Մագսուտեան Ղևոնդ վարդապետ զեղծարարութեան ամբաստանութենէն պիտի արգարանար:



Իստանպուլ, 1917 Յոյեմբեր 30 | 13 դեկտեմբեր Եջ.

Գործունեայ կեանքիս ընդհանուր նկարագիրը վարչական պաշտօնավարութիւնն է եղած, զանազան աստիճաններու մէջ, պարզ քարոզչութենէն մինչև պատրիարքութիւն, ի բաց թողլով առայժմ ուսուցչական պաշտօնները զորս վարած եմ Կ. Պոլսոյ կեդրոնականին, Արմաշու Դպրեվանքին և էջմիածնայ Ճեմարանին մէջ: Վարչական պաշտօնները տպերախտ տապարէզ մը կը կազմեն, մանաւանդ մեր ազգին մէջ, որովհետև պէտքերը և պահանջները շատ ու շատ են, իսկ միջոցներու դիւրութիւնները քիչ և տնրաւական, որ է ըսել, կատարեալ յաջողութիւնը անհրճարին: Այդ խոր համոզումը ունենալով մէկտեղ, վարչական պաշտօններ վարելս իրաւ անտրամաբան պիտի ըսուէր, եթէ պարտաճանաչութեան սկզբունքը առաջնորդած չըլլար: Մարդ ո՛ր կացութեան մէջ ալ գտնուի, անոր պահանջները լրացնելու պարտաւոր է. և իմ կոչման էական մաս կը կազմէին վարչական պաշտօնները: Կը մնայ ուրեմն քանի մը բացատրութիւններ տալ թէ ի՛նչ հոգւով և ի՛նչ սկզբունքներով վարուեցայ ստանձնած պաշտօններուս մէջ: Իրաւ պաշտօններ բնութեամբ և ընդարձակութեամբ կը տարբերին և տարբեր կերպեր կը պահանջեն, բայց կան այնպիսի սկզբունքներ որ ընդհանուր բնոյթ ունին, և անոնցմէ կ'սկսին:

Առաջին պայմանը ինքն իր գործին տէր ըլլալն է: Գիտեմ որ սահմանադրական և խորհրդակցական դրութիւնը պաշտօնի գլուխ գտնուողները կը պարտաւորէ իւրովի և աղիկամի չգործել, այլ ո՛չ թէ իր ինքնութիւնը ուրանալ: Ընդհանուր կարծիքը գլուխ գտնուողը պատասխանատու կը ճանչնայ և ձախողուածի առթիւ կը մեղադրէ, ուստի դիմաբաժանեալ իրաւուն-

քով, գլուխ գտնուողը պէտք է առաջնութիւնը և առաջնորդութիւնը ձեռքէ թողու, և ստրկաբար ծառայէ այնպիսիներու, որոնք կ'ընեն ու կ'ըլլան և առանց պատասխանատուութեան դուրս կ'ելլան: Այս կէտին մէջ աշխատած եմ, որչափ հնար է, իմ գործերուս տէրը ես ըլլալ, օրէնքին և կանոնին ապահոված չափը ձեռքէ չհանել, խնդիրները ներկայելու մէջ պատշաճ զգուշաւորութիւնը գործածել, ժողովականներու միաքերը կանուխէն պատրաստել, գործին կամ խնդիրին թեր ու դէմ պարագաները յըստակօրէն հաղորդել, և այս կերպերով որոշումը իր նախադասած կողմը հակեցնել: Դիւրին և յայտնի խնդիրներու մէջ չեմ քաշուած կանուխէն կարծիք պարզել և որոշումը փութացնել, իսկ դժուարին ու ծանր խնդիրներու մէջ թողած եմ որ ժողովականներ նախապէս իրենց բաժանեալ կարծիքը եւ գաղափարները յայտնեն, վիճին ու վիճաբանին, և երբոր կը դադրին, այն ատեն միայն խօսք առած, խօսքերը ամփոփած և որոշումը փութացուցած եմ: Ժողովական որոշումները յաճախ իմ տեսութեանց համաձայն տրուած են, և այս ոմանց առիթ տուած է ըսել թէ միշտ իր կամքը առջև կը տանի; սակայն օրէնքի հակառակ պարագայ մը ցոյց տալ չեն կրցած, իսկ ճարտար կերպերու կիրառութիւնը ոչ մի օրէնք չէ արգելած, և ես ալ օձիքս ուրիշի ձեռք տալ չեմ ուզած, ինչպէս ռամկօրէն բացատրութեամբ կը զրուցուի:

Երկրորդ պայման. անձնական օգուտ չփնտռելն է, կրկին տեսակէտի ներքև, այսինքն՝ նիւթապէս շահ և օգուտ, և բարոյապէս փառք ու պատիւ: Նիւթական շահի իղձերէն հեռու մնացած եմ թէ՛ բնական բերմամբ և թէ՛ նախնական դաստիարակութեամբ, և առ այս առաջնորդած է զիս Անտոնեան միաբանութեան մէջ կամուտը աղքատութեան ուխտադրութիւնը, այսինքն ոչինչ կրնալ սեփականելը: Այնպէս որ այսօր բացարձակապէս ոչինչ ունիմ բացի գիրերէս ու գիրքերէս, և երեսնամեայ միջոցին մէջ կազմած մօտ 1500 ոսկույ խնայողութիւնս, 1907ին Տէր-Ներսէսեան քեռայրիս և իր զաւակներուն փոխանցած եմ ամուրի քոյրս Եւգինէն պահելու պայմանով: Կաշառք ըսուած բանէն դանգ մը անգամ չեմ ստացած, և ստանալէ իսկ վախցած եմ, այդ ճիւղին ճարտարութիւնը չունենալով, և պատիւս վտանգելու կասկածով: Պատուոյ նուէրներ այնչափ քիչ

ու հազուադէպ եղած են, որ յիշելու իսկ պէտք չեմ զգար: Իրաւունքներս գանձելու իսկ հետապնդութիւն չեմ ունեցած, և Կարնոյ առաջնորդութիւնը 200, Արմաշու վերատեսչութիւնը իբր 100, և Կ. Պոլսոյ պատրիարքութիւնը 700 օսմ. ոսկի լիբալի պահանջով թողած եմ: Բայց խեղճ ալ չեմ ապրած, ձեռքս բաց է եղած, տնական ծախուց բեռն եմ ունեցած, և պարտք ունենալէ զգուշացած եմ: Ուստի կրնամ համարձակ ըսել, թէ պաշտօններս նիւթական շահի չեմ ծառայեցուցած և անոնցմէ նիւթական շահ չեմ քաղած:

Գալով բարոյական օգուտին, այսինքն փառքին և պատիւին, համարձակ ըսեմ թէ անոր առջև անզգայ չեմ եղած, և մինչև իսկ հրատարակութեամբ ալ միտքս յայտնած եմ՝ թէ փառասիրութիւնը վատ իղձ մը չէ, և թէ փառամոլութենէ տիրապէս տարբեր է: Փառքը ստուեր է կոչուած, և համամիտ եմբայց ստուեր չի դոյանար եթէ իր մը չգտնուի. փառքը գոյացնող իրը արդիւնքն է, արդիւնքին ստուերը փառքն է. ուղիղ է արդիւնքին հետեիլ, ուսկից փառքը ինքնին կը գոյանայ. սխալ է փառքին հետեիլ առանց արդիւնքին հետեւելու լոկ երևոյթէն հետապնդելով: Ուղիղը փառասիրութիւնն է, սխալը փառամոլութիւնն է. այս է իմ բարոյական և իմաստասիրական տեսակէտը, և այդ սկզբունքով առաջնորդուած եմ պաշտօնավարութեանցումէջ. արդիւնքն եմ ըրած ինձի նպատակակէտ, փառքն ու պատիւը զոր վայելած եմ, անոր անբաժին հետեւանքն է եղած, որուն համար առանձին փոյթ կամ ճիգ չեմ ունեցած:

Արդիւնաւորութիւնը զանազան աստիճաններու կրնայ բաժնուիլ, զոր օրինակ, պարտադիր չափէն աւելի բան մը ընել, պարտադիր չափը լիովին լրացնել, պարտադիր չափին համեմատաբար մօտենալ, դժուարութիւններու և արգելքներու նրկատառութեամբ գործերը չափել: Յաւակնութիւն չունիմ յայտարարելու թէ պարտադիր չափը լրացուցած եմ, կամ թէ չափէն աւելի բան մը ըրած եմ: Համեմատաբար մօտենալու մէջ ալ վերապահութեամբ միայն կրնամ խօսիլ, իսկ համարձակ կրնամ խօսիլ՝ եթէ դժուարութիւններու և արգելքներու նկատառութիւնը յարգուի: Այս է պատճառը որ յարգանք ու պատիւ վայելած եմ լուրջ դասակարգէն, որ գիտէ պարագաները կշռել, որուն հակառակ եղած է յախուռն և անկշռադատ դասակարգին ըմբռնումը:

Բախտ ըսեմ թէ դիպուած, ոչ դիւրին գործի ձեռնարկած եմ և ոչ դիւրութեամբ պաշտօն վարած եմ: Ղալաթիոյ քարոզչութեան մտայ Ղալաթիոյ Օճախ կուսակցութեան բժախնդրութեանց զայրացած միջոցին և Օճախին հետ պայքարիլ պարտաւորուեցայ: Կարնոյ առաջնորդութեան անցայ ուսու թուրք պատերազմին վաղորդայնին, երբ ամենայն ինչ խառնակ և շփոթ էր, և երևակայեալ հայկական շարժումի տագնապին բռնուեցայ: Ճեմարանի ուսուցչութիւնը ստանձնեցի, երբ նախընթաց մը չկար և ամենայն ինչ նոր ի նորոյ կազմել հարկ էր, նոյն իսկ ծրագիրը և ձեռնարկ տեսրը: Արմաշու Իպրեվանքը ի հիմանց նոր հաստատութիւն էր և վանքն ալ լքեալ և այրեացաւեր վիճակ ունէր: Կ. Պոլսոյ պատրիարքութիւնս սկսաւ 1895 և 1896 տարիներու կոտորածներու միջոցին և շարունակեց համիտական հալածանաց և բռնութեանց ներքե: Բայց օրհնեալ է Աստուած, ո՛չ մէկուն մէջէն ամօթով ելայ, թէպէտ ամենուն հաճոյ չերեցաւ իմ ընթացքս: Քարոզչութիւնս, առաջնորդութիւնս, ուսուցչութիւնս, երբեք չքննադատուեցան. Արմաշ արդարացած է հոնկէ ելլող ընտիր աշակերտներով, իսկ քննադատեալ պատրիարքութիւնս ալ այսօր համարձակ կը փառաբանուի, ինծի յաջորդող դրութեան և վարչութեան յառաջ բերած ահռելի բաղդատութեամբ, գաղթականութիւններով և կոտորածներով. բայց ցաւ է ինձ այդ փառաբանութիւնը, թո՛ղ ազգը չկրէր, և ես ալ արդարացած չըլլայի: Վկայեալ արդիւնքները բաւական են. ուրիշին ձախողուածէն յառաջ եկող փառքը ինծի պէտք չէ:

Պաշտօնավարութեանցս արդիւնքները յիշել պատմութիւն է, և ես պատմութիւն գրել չեմ ձեռնարկած, ըմբռնումներուս և զգացումներուս բացատրութիւնը տալն է նպատակս, և այդ մասին գրուածը թո՛ղ բաւական համարուի:



Կարգի  
Կարգի  
Կարգի  
Կարգի  
Կարգի  
Կարգի



Կարգապահական ընթացքին սիրահար չըլլալով մէկտեղ կեանքիս  
 ընթացքը զիս վարչական փորձառութեան վարժեցուց, և ահա  
 թէ ի՛նչ եղան այդ փորձառութենէն քաղած ըմբռնումներս :

ԺԼ

Դաւնաւկոս, 1917 դեկտեմբեր 4/17 ԲՂ.

Վարչական ընթացքին սիրահար չըլլալով մէկտեղ կեանքիս  
 ընթացքը զիս վարչական փորձառութեան վարժեցուց, և ահա  
 թէ ի՛նչ եղան այդ փորձառութենէն քաղած ըմբռնումներս :

Որեւէ գործ մը ներկայացած կամ որեւէ ձեռնարկ մը ըս-  
 կսելու ատեն, ուշի ուշով քննել նախընթացն ու պարագաները,  
 նպաստաւոր ու աննպաստ հանգամանքները, յաջողութեան ու  
 ճախողութեան կշիռը, և այնպէս գործին ձեռք զարնել, ելքը  
 անհաւանական և յաջողութիւնը անստոյգ ձեռնարկներէ զգու-  
 շանալ, ինքզինքը ճախողուածի վտանգէն հնարաւոր չափով հե-  
 ոու պահել : Այս եղած է փորձառութենէն քաղած մէկ կանոնս :  
 Հետեւարար հետամուտ եղած եմ որեւէ գործին պարագաները  
 առաջուրնէ լաւ սերտել, և եթէ հաւանական յաջողութեան նը-  
 շանները չտեսնեմ, ձեռնարկելէ զգուշանալ : Ոմանց տեսակէտով  
 այդ ընթացքը վախկոտութիւն, թուլութիւն, ապիկարութիւն կը  
 կարծուի, և ետեւը առջեւ չկշռելով գործի ձեռնարկողներ աշ-  
 խոյժ, արի և գործունեայ կը դատուին : Իմ փորձառութիւնս  
 հակառակը կը հաստատէ : Յախուռն և անկշռազատ ձեռնարկներ  
 պարզապէս անիմաստ ընթացք են, որոնց հետեւանքները ձեռ-  
 նարկողին վրայ կը ծանրանան : Իր գործունէութեան մէջ ճախո-  
 ղիւր պզտիկութիւն կը բերէ գործողին վրայ, յաղթանակի առա-  
 ւելութիւն կուտայ դիմացինին, դիւրաւ մերժուելու դուռ կը  
 բանայ, պատիւը կը նուազեցնէ, յարգն ու վարկը կը վտանգէ,  
 որ է ըսել՝ բարոյական առաւելութիւններէ կը կապտէ գործողը,  
 որ նիւթական առաւելութիւններէ գերազոյն կշիռ ունի գործիչ-  
 ներու համար : Երրորդ հաւանական յաջողուածի և դժուարու-  
 թեանց դէմ յարմար միջոցներու նախատեսութիւնը կը ստանայի,  
 որեւէ ձեռնարկէ չէի խուսափեր, և յաջողիւս շտաբերը կը գրգը-  
 ոէր նորանոր խնդիրներով ներկայանալ, և երբ անոնց մէջ հա-

ւանականութենէ զուրկ դործեր տեսնելով ձեռնարկելէ կը զգուշանայի, սովոր էին գանգաւոր թէ ուզեսնե կ'ընես, իբր թէ իրենց նպաստաւոր կամք չունենայի, որուն ես կը պատասխանէի՝ թէ կրնասնե կ'ուզես: Այդ ըմբռնումիս զօրութեամբ դիւրաւ կը մեկնուին պատրիարքական գործունէութեանս մասին խօսուած շատ մը խժբժանքները:

Ուրիշ գործնական սկզբունք մըն ալ ըրած եմ ինծի, մասնաւոր և անհատական գործերով ինքզինքս շատ չժանրաբեռնել, երբ ընդհանուր և հանրային գործեր կան կատարուելիք: Անհատական գործեր աւելի նպաստաւոր են անձնական շահերու, գովաբաններ պատրաստելու, երևոյթներով փայլելու. և գործի գլուխ գտնուողներ դիւրաւ կը սահին այդ կողմը: Ես աշխատեցայ, որչափ հնար է, այդ սայթաքումէն զգուշանալ: Ազգային վիճակը, ընդհանուր տագնապը, հանրային տառապանքը, իշխանական բռնութիւնը, այնչափ և այնպիսի կենսական գործերով պաշարած էին պատրիարքական գործունէութիւնը, և զրաւած էին պատասխանատու գործողին ուշնուրուշը, որ մեծեղեռն զեղծում եղած պիտի ըլլար իւր չափաւոր տարողութիւնը անհատականութիւններով զբաղեցնել, հանրային գործին վնասով: Ահա ուրիշ կէտ մըն ալ որ իմ վարչական գործունէութիւնս դատափետողներուն նիւթ ընծայեց դժգոհութեան և հակառակութեան և մինչև իսկ թշնամութեան, իբր զի իրենց անհիմն կամ անիրաւի բաղձանքներուն նախադասած էի ընդհանուր կարեւոր և իրաւացի պահանջները:

Աւելի ծանր դիտողութիւններու առիթ տուաւ սիրտի խընդիրը, մինչև իսկ հռչակելով թէ Օրմանեան սիրտ չունի: Սիրտ անունը կրկին իմաստով կը գործածուի սովորական խօսակցութեան մէջ, երբեմն իբր կորով և երբեմն իբր գորով: Իբր կորով կը նշանակէ դժուարութեանց դէմ արիանալ, վտանգներու դէմ խոյանալ, արգելքներու դէմ քաջանալ. և այդ իմաստով կ'առնուի *արտոս*, այսինքն սիրտ ունեցող անունը: Իսկ իբր գորով իմացուած ատեն կը նշանակէ զգացումով առատանալ, ախուժակներ խօսիլ, արգահատանաց բացատրութիւններ շուայլել, երբեմն ալ կեղծ կամ իրաւ արտասուել, և ասանկներ են բռնախորտ կոչուածները: Իմ սիրտ չունենալը հարկաւ առաջին իմաստով առնելը հնար չէ, զի դժուարութիւններու հանդէպ և սպառնալիք-

ներու ներքե տասուերկու տարիներ պաշտօնիս վրայ անյողդողդ  
 մնալս բաւական է զիս արդարացնել, նիւթական ո՛չ մի առաւե-  
 լութիւն չվայելելով մէկտեղ: Իսկ երկրորդ իմաստին գալով,  
 մարդ զգացումի հետ միտք ալ ունի, և իւր գերագոյն ձիրքը  
 միտքն է, իսկ զգացումը անբաններու ալ հասարակ է: Արդ՝ պա-  
 հանջել որ մարդը զգացումով առաջնորդուի, զայն ստորնացնել  
 է և ոչ թէ բարձրացնել, և իմ համոզմամբ կատարելագոյն է  
 մարդը՝ որ միտքով, խորհրդածութեամբ և կշռադատութեամբ կ'ա-  
 ռաջնորդուի, և պատահական զգացումը իրեն ուղեցոյց և կա-  
 նոն չ'ընդունիր, երևոյթով չի խաբուիր, ամէն ցոյցի դիւրաւ ա-  
 կանջ չի կախեր: Կ'ընդունիմ որ եղեր են պարագաներ, որոնց  
 մէջ աղաչանքներ, պաղատանքներ, թախանձանքներ, արտա-  
 սուքներ ինծի իբրև փաստ երևցած չեն խնդրանք մը կատա-  
 րելու, երբոր գործին պարագաները և մասնաւոր տեղեկութիւն-  
 ներ, և հետապնդեալ զննութիւններ անոնց արդարացի ըլլալը  
 չեն հաստատած, և հետևաբար անոնց ընթացք ալ չեմ տուած:  
 Բայց չեմ ընդունիր որ անարգած և մերժած ըլլամ դիմումներ,  
 որոց իսկութեանը միտքով ալ վերահասու եղած եմ, բայց եթէ  
 վերև բացատրուած առաջին կէտին համաձայն անոնց ելքը հա-  
 լանական չեմ տեսած, այս առթիւ ալ պարտ ու պատշաճ  
 բացատրութիւնը տալ զանց չեմ ըրած: Այս պարագաներու ներ-  
 քե աւելի արդար էր ինծի համար ըսել, թէ զգացումներով կա-  
 ռավարուող մը չէ, թէ միտքի կշռադատութեանց յամառ հետե-  
 լող մըն է, և ոչ թէ ըսել թէ սիրտ չունի: Հանրային խեղճու-  
 թեան հանդէպ կարեկից և նպաստող և հոգացող ըլլալուս լու-  
 սաւոր փաստ մըն է նպաստից գործը, որ տասուերկու տարի-  
 ներու մէջ ութսուն և երեք հազար օսմ. ոսկւոյ գումարի յանձ-  
 զեցաւ, և որով կարօտներ և որբեր, դպրոցներ և վիճակներ լիա-  
 պէս օգտուեցան, զրեթէ բովանդակ իմ անձնական նախածեո-  
 նութեամբ:

Այդ քանի մը տողերը բաւական ըլլան վարչական ընթացք  
 քիս մէջ հետևած ուղղութիւնս պարզելու:



## ԺԲ

Դանասկոս, 1917 դեկտեմբեր 6/19. ԴՂ.

Վարչական կեանքին գլխաւոր պայմաններէն մէկն ալ իւրաքանչիւր անձի և իւրաքանչիւր դասակարգի հետ պահուելիք յարաբերութեանց եղանակն է, զոր վարուելակերպ պիտի կոչէի, եթէ այդ նորահնար բարդութեանց հետևող ըլլայի: Կարի իրաւունքով կ'ըսէր մեր ազգային փորձառուներէն մէկը, թէ գործի և խօսքի մը իսկութենէն աւելի զօրաւոր է կերպը: Քանի մը տող ալ աւելցնեմ ուրեմն պատրիարքութեանս մէջ զանազաններու հետ գործածած յարաբերութեանցս կերպին մասին:

Վերէն սկսելով առաջին կը ներկայանայ Ապտիւլ Համիտ կայսեր անձը, որուն հետ ուղղակի յարաբերութիւն պահել ըստիպուած էի, վասնզի բոլոր պետական գործեր, մինչև իսկ մանր և մասնաւոր դիպուածներ, պալատին մէջ ամփոփուած էին և իր բացարձակ կամքէն կախում ունէին: Երես առ երես տեսակցութեան առիթներ ունեցած եմ, բայց նա սովորաբար միջնորդներով կը գործէր, որոնք իրեն ձեռքին ներքև պարզ գործիքներ էին, և Հայոց խնդիրներուն համար որոշուած միջնորդը առաջին քարտուղար Թահսին բաշան էր, և անոր հետ էր իմ սովորական յարաբերութիւնը, իբրև պարզ միջնորդի և խողովակի դերին մէջ, և ոչ թէ որոշում տուող կամ գործ կարգադրող պաշտօնէի դերին մէջ:

Զիս խժբժել ուզողներ իրենց բերնին ծամոց ըրին իբր թէ Համիտի կամակատար հետևող և հաճոյակատար ծառայ եղած ըլլամ, ինչ որ ճշմարտութենէ հեռու է: Զօրաւոր և բռնաւոր ինքնակալը խոնարհեցնել և հնազանդեցնել միտքէ անցընելն ալ յիմարութիւն էր, և զիս այս վիճակի մէջ տեղնել ուզել՝ եղջերուաքաղ էր: Ինձի կը մնար յարմար կերպերով, ճարտար դարձուածներով, հնարաւոր միջոցներով Համիտի Հայերու դէմ ունեցած ատելութիւնը մեղմացնել, հալածանքները թեթեւցնել, ար-

գելքները նուազեցնել, ազգին կոցութիւնը բարւոքել, ներքին  
 կազմակերպութիւնը պահպանել, մէկ խօսքով՝ քիչ ու շատ տա-  
 նելի վիճակ մը պատրաստել: Այդ ծրագիրը Համիտին ուզածը  
 չէր, և երբ ես անոր կը հետևէի, Համիտի հետևող եղած չէի  
 ըլլար, և այսչափը բաւական է իմ վրաս յարուցուած զրպար-  
 տութիւնը փարատելու: Պատմական յիշատակներով չերկարաբա-  
 նելու համար բաւական կը սեպեմ մտադրութիւն հրաւիրել, թէ  
 ի՞նչ աղետալի կոցութեան և քայքայեալ վիճակի մէջ էր ազգը  
 1896 նոյեմբերին, երբ պատրիարքութեան կոչուեցայ, և ի՞նչ  
 կարգադրութիւններ հետզհետէ իրականացան իմ պաշտօնավա-  
 րութեանս միջոցին: Արտաքուստ կոտորածներ դադարեցան,  
 ներքուստ վարչական և կրթական և բարւոքման առաւելու-  
 թիւններ իրականացան: Իրաւ չէ նաև կարծել, թէ Համիտի սի-  
 րելի և վստահելի անձ մը եղած ըլլամ: Երկու տեսութեամբ Հա-  
 միտ զիս գործածել կը սիրէր. գիտեմ, կ'ըսէր, որ գիտնական եմ,  
 գիտնական անձը առաջինի կ'ըզայ (ալե՞ս էն է Ֆաշէլ օւլ-ը), և այս  
 ըսելով կ'իմանար թէ խոհական ընթացք կը պահեմ, և յախուռն  
 ու անխորհուրդ ձեռնարկներէ կը զգուշանամ: Միւս կողմէն զիս  
 ալ կուսակցականաց մտերիմ և մասնակից եղած գիտնալով, կը  
 կարծէր թէ իմ խօսքս անոնց մօտ ազդեցութիւն կ'ունենայ և իմ  
 խորհուրդներուս կ'անսան: Այդ միտքով էր որ սաէպ ինծի կը  
 կրկնուէր որ եթէ ուզէի կրնայի կուսակցականութիւնը ջնջել,  
 որուն ես կը պատասխանէի, թէ երկու միջոց միայն ունիմ տրա-  
 մադրելի, խրատ և աղօթք, խրատը լսող չի կայ, աղօթքը ու-  
 զող չի կայ, և եթէ կ'ուզեն կրնան զիս զօրացնել իմ առա-  
 ջարկներս գործադրելով, և այս ալ կայսեր և կառավարու-  
 թեան ձեռքն էր: Իսկ իմ ընթացքս եղած է բռնական ըն-  
 թացքը մեղմացնել գրգռութիւնները արգիլելով, մեղմօրինակ  
 տրամադրութիւններ հրաւիրել պատիւի և օգուտի թելադրու-  
 թիւններով, նպաստաւոր տրամադրութիւններ զարթուցանել ան-  
 ուղղակի տեղեկատուութիւններով, պարագաները յօգուտ գոր-  
 ծածել ներքին ծանօթութիւններով, տեսակ տեսակ միջնորդու-  
 թիւններ ստեղծել պատահարները ուսումնասիրելով, որոնց հե-  
 տևանքը եղած է Համիտի բռնութեանց նուազումը և ազգային  
 կոցութեան բարւոքումը: Ասով ո՛չ թէ ես Համիտի հետևած և  
 ծառայած, այլ Համիտը իմ նպատակիս մօտեցուցած կ'ըլլամ:

Կոտորածներուն դադարիլը, նպաստի գործին ընդարձակուիլը, կեդրոնական և գաւառական վարչութեանց կազմակերպուիլը, ազգայնոց կենցաղին և զբօղմանց կանոնաւորուիլը, Ազգ. Սահմանադրութեան ջնջուելու վտանգէն ազատուիլը գոհունակութեամբ վկայուած արդիւնքներ են, և իմ ընթացքը լիովին կ'արդարացնեն: Երկու կէտերու վրայ պարտաւոր եմ վերապահութիւն ընել: Գաւառացւոց մայրաքաղաք գալու արգելքին դէմ մասնաւոր պաշտպանութիւններ ըրած եմ, բայց ընդհանուր ազատութեան չեմ աշխատած, վասնզի ուզած եմ որ ազգային գաւառներ ազգայիններով բազմամարդանան, և հայաբնակ նահանգները անհայացնելու վտանգը հեռանայ: Ամէն զեղծումի և բռնութեան և անտեղութեան դէմ բողոքած եմ համարձակ եւ առանց բացառութեան, միայն կուսակցականաց նախաձեռնութեամբ կատարուած սպանութեանց հանդէպ լուծ եմ, մերայնոց ամբաստանող չըլլալու համար: Նոյն իսկ իմ վրաս զէնք պարպողներուն դէմ դատախազ չեմ կանգնած, և մահափորձի գործադիրին մահապարտութեան վճիռը զողորեցնելու միջնորդած և յաջողած եմ:

Որչափ ալ Համիտ ամէն բան իր ձեռքը ամփոփած էր, սակայն կ'ուզէր որ նախարարութեանց յարաբերութիւններն ալ պահուէին, ուստի հարկ կ'ըլլար որ նախարարներուն մօտ դիմումներ ալ զանց չընէի, գիտնալով մէկտեղ թէ ո՛չ որոշում և ո՛չ գործադրութիւն պիտի քաղէի դիմումներէս: Արդէն նախարարութիւն ինքն ալ գիտէր, թէ ոչ գործիչի, այլ առերևոյթ միջնորդի դեր վարելու կոչուած էր, առ առաւելն յանձնակաւարի դերը կրնար վարել, երբոր այս կամ այն գործը ասոր կամ անոր ուսումնասիրելու կամ բանակցելու կը յանձնուէր: Մեծ եպարգոս Խալիլ Րիֆաթ բաշա, փոխանորդն ալ փոխանորդուողն ալ վերը փնտռե, կ'ըսէր, երբոր զինքն որոշման կը ստիպէի: Արդարութեան և Կրօնից նախարար Ապտիւրրահման բաշա, ինչո՞ւ զիս կը նետէս, կը պատասխանէր, քանի որ գործոց ընթացքը գիտես: Ներքին Գործոց նախարար Մէհտուհ բաշա, յարմար առթիւ կը հարողորդէ ըսելով կը գոհանար, գործը վրայէն թօթափելով: Այս անցուդարձերու մէջ միայն արթուն և ճարտար վարմունքն էր որ կրնար կերպով մը շփոթ կացութենէ ազատել: Սաստիկ փոթորիկի ատեն ալէկոծեալ ծովի վրայ գտնուող նաւապետի դե-

րըն էր ինծի վիճակածը, և ամէն ատեն և նոյնիսկ եկեղեցական բեմէն յայանապէս ըսած եմ, թէ նաւապետին պարտքը ո՛չ հողմը դադրեցնել է և ո՛չ ալիքները իջեցնել, այլ միայն նաւը ընկղմելէ ազատել, և թէ իմ պարտքս աստ և այժմ ազգին գոյութեանը աշխատիլն է, անոր զարգացման աշխատանքը ետև կը մնայ:

Արտաքին յարաբերութեանց շրջանակին մէջ կը մտնայ նաև դեսպանատուններու հետ պահուելիքը, և հետևաբար զանց չէի կրնար ընել այդ կէտն ալ, քանի որ անոնց տրամագրութիւններէն կախում ունէին պետական գործերը: Վեց մեծ տէրութեանց դեսպաններուն հետ ալ մօտէն յարաբերութիւն պահած եմ, օսմ. կառավարութեան հանդէպ անոնց պահած դիրքին մօտէն տեղեկացած եմ, դաշնադիրներու գործադրութեան և քրքրիստոնէից պաշտպանութեան համար ունեցած տրամագրութիւններուն և հրահանգներուն ներքին ծանօթութիւն ունեցած եմ, և ըստ այնմ առաջնորդուած եմ իմ պաշտօնական քայլերուս մէջ: Առանց մանրամասնութեանց մտնելու բաւական ըլլայ աւելցնել, թէ դործունեայ դեր մը գտած չեմ անոնց մօտ, իսկ ազգային շարժումներով անոնք ստիպելու միտքն ալ երազատեսութիւնս սեպած եմ:

ԺԳ

Իստանպուլ, 1917 դեկտեմբեր 7/20 ԵՂ.

Ազգայիններու հետ յարաբերութիւններս սովորականէն տարբեր եղած չեն: Ժողովականներու հետ կանոնական ճշգրտութիւնները յարգած եմ, այնպէս որ տասուերկու տարիներու մէջ երբեք գժտութեան և հակառակութեան տեղի արուած չէ. իսկ հրաժարելէս ետքը խօսուած կամ գրուած զրոյցները՝ խժբժողներու ձայնակից ըլլալու մարմաշով յղացուած մտացածին բաներ են: Բոլոր պաշտօնավարութեանս միջոցին անգամ մը միայն անհամաձայնութիւն տեղի ունեցաւ իմ և Տնտեսականին միջև, որուն

չներեցի Տնտեսականի և Ելեւմտականի պաշտօնները միանգամայն կատարելի, և ինքն իրեն հսկող ու քննիչ ըլլալու թող չլտուի, զի ինքնագլուխ գործելով Շիրինեան և Տանձիկեան ազգային գումար մը վտանգեցին, և գուցէ կորսուէր ալ՝ եթէ վըրան հասնելով չդարմանէի: Սակայն կանոնական ճշգուծիւնները պահելով մէկտեղ, ո՛չ նախագահական առաւելութիւնս նուազեցուցի, ո՛չ ինքնութիւնս ուրացայ, և ո՛չ ալ իմ տեսութեանցներհակ գործունէութեան տապարէզ տուի:

Ժողովուրդին հետ յարաբերութիւններս դիւրամատոյց և ընդհանուր եղան, մինչև իսկ պատրիարքական պատիւը նուազեցուցած ըստելու չափ: Ուստի, եթէ երբեք կարելուր գործելու միջոցին եկողներ չընդունեցայ, կամ թէ ծանօթ և քննուած գործերու համար կրկին և կրկին թախանձողները մերժեցի, կամ թէ ոմանք փոխանորդի նախաքննութեան յղեցի, կամ թէ ընդունելութեանց ժամանակ և չափ սահմանեցի, չեմ կարծեր թէ զիս ժողովրդականութենէ օտար դատելու փաստ ընձեռած ըլլամ: Մայրաքաղաքի բոլոր թաղերը այցելած եմ, օգտուելով իւրաքանչիւրին տօնական օրերու աւիթներէն, որպէսզի թաղին և թաղեցւոց և թաղականաց որպիսութեանց և գործերուն անձամբ և մօտէն գիտակ ըլլալով, յարմարական կարգադրութիւններ կարենամ ընել խնդիրներ ծագած ատեն:

Քաւառներու և վիճակներու հետ տեւական և հաստատուն յարաբերութիւն եմ պահած, ամէն գիրերու պատասխանած եմ դիւանները ձանձրացնելու չափ, փորձով գլտնալով, որ խնդրանքնին գոհացնել անհնարին եղած պարագային իսկ, քաւառացւոց մեծ միսիթարութիւն է գոնէ երկտող պատասխան մը առնել, որով կը յուսողրուին թէ լքուած և երեսէ թողուած չին:

Քաւառական վիճակներու առաջնորդները և տեղապահները մեծաւ մասամբ դպրեվանքցիներով հոգացուած ըլլալով, կանուխ ազգարարութեամբ և կարելուր հրահանգներով զօրացուցած եմ: Մէկուն կամ մէկալին դէմ կառավարութեան կամ կառավարիչներու կողմէն կասկածի կամ գանգատի նշաններ տեսած ատենս, իսկոյն ջանացած եմ հեռացնել, որպէսզի պաշտօնապէս չաղտեղուին և ուրիշ տեղ կարենան գործածուիլ, մինչ հակառակութեանց հանդիպած ատեննին, եթէ մէկ զրպարաութիւն ջրես՝ երկու կ'ըստեղծեն, և եթէ երկուքն ալ ջրես՝ չորս ևս կ'ստեղծեն, և վեր-



Չապէս անձը կը նշաւակուի, կաս ինչպէս կ'ըսուէր՝ Բիւլէ Կ'ըլլայ, և նորէն գործածուիլը անհնարին կը դառնայ: Այս ոճը իմ անձիս համար ալ գործածած եմ, զի երբ 1883ին իմացայ որ զիս իբրև կասկածաւոր կարինէ հեռացնել կ'ուզուի, թող չտուի որ հրաման արձակուի, այլ ես կանխեցի հեռանալ, որով պաշտօնական գրութիւն և գործողութիւն արգիլուեցաւ, և երբ 1884 սեպտեմբերին յաջողութեամբ պիտի դառնայի, Կրօնից նախարարը կը վարանէր թէ ի՛նչ հիմամբ յանձնարարագիր պիտի տայ, զի պաշտօնական գրութեանց մէջ յիշատակութիւն չէր գտնար: Այսպէս Մուշեղ Սերոբեան վարդապետը Արաբկիրէ հանելով Ատանա յղեցի, և Թաթուլ Դուրեան վարդապետը Չարսանձագէ հանելով Պիլէճիք յղեցի, իսկ Բաբգէն Կիւլէսէրեան վարդապետի Մուշի մէջ յանկարծական հակառակութեան հանդիպիլը արգիլեց որ ուրիշ տեղ պաշտօնի կոչուի:

Ներքիններու կարգէն պիտի յիշուին կուսակցականներն ալ, որոնք Համիտէ ոչ նուազ դժուարութիւն պատճառեցին իմ պաշտօնավարութեան: Անոնք զիս իրենց կամակից գիտնալով 1882ի Կարնոյ դէպքերուն հետեւանօք, իմ պատրիարքական ընտրութեան չէին ընդգիմացած, մինչև իսկ ընտրութիւնս շնորհաւորեցին իբր իրենց տեսութեանց համակիր և գործողի, բայց երբ տեսան որ դերերը փոխուելով՝ Մաղաքիա պատրիարքը իրենց սպասած Օրմանեանը չէ, և ազգային պաշտպանութիւնն ու խնամքը զինքն նոր պատասխանատուութեան կ'ենթարկէ, սկսան զիրերով եւ այցելութիւններով իրենց տեսութեանց համակերպելու ստիպել, և երբ այս ճանպուհ մէջ ալ չյաջողեցան՝ սպառնալից գիրերով, և մինչև իսկ օտարազգի միջնորդներով հրաժարելու բռնադատել ձեռնարկեցին: Իսկ ես ինքզինքս պահնորդ զինուորի պահպանութեան դիրքին վրայ նկատելով, ինձի պարտք համարեցի ո՛չ տեղս լքանել և ո՛չ սխալ ուղղութեան ծառայել: Այդ լռին պայքարը շարունակեց ամբողջ պատրիարքութեանս միջոցին, մինչև որ Ազատութեան հռչակմամբ, 1908 յուլիսին, դերերը փոխուեցան, և ես՝ յորդորեալ բայց ոչ ակամայ՝ հրաժարեցայ և քաշուեցայ: Երեսունի մօտ ըսպառնալից նամակներ հաւաքուած ունիմ, կերպ կերպ ճանապարհներով ինձի հասած, մինչև իսկ գերմանական թղթատարութեան ձեռքով յղուածներ, տունին դուռնէն դրուած կամ պատուհանէն նետուածներէն սկսելով: Խիստ լռութիւն պահած եմ անոնց մա-

սին, որպէսզի արքունիքին և ոստիկանութեան տնտեսի հալածանքներու առիթ ընծայած չլլամ, և երբ անուղղակի զրոյցներ ալ հասած են ոստիկանութեան ականջը, հերքելու և ցրելու համարձակած եմ միշտ նոյն նպատակով: Սպառնալեաց նամակներու յաջորդեց 1903 յունուար 6ի մահափորձը Գումգաբուի Մայր Եկեղեցին Ծնունդի պատարագի միջոցին: Բայց այն ալ չբաւեց զիս դասալքութեան համոզել: Վերջին ատեններ ոճը փոխելով, կուսակցութեանց զէնք և դրամ հայթայթած լինելու գիրերն ալ հասուցին, զիրքս վտանգելու դիտումով, և ասոնք միայն իբրև ծիծաղի առարկայ արքունիքին հաղորդեցի՝ թիւրիմացութեանց առջևն առնելու համար: Զանց կ'ընեմ յիշել և մանրամասնել յատուկ միջնորդներու ձեռքով յիշատակագիրերուս պատճէնները ուղելնին, բանակցութեանց տեղեկութիւնները պահանջելնին, զիս մատնելու ճոռոմաբան խրոխտանքներնին, և ուրիշ նմանօրինակ միջադէպերը, որոնք զիս չխոտորեցուցին իմ համոզմանս և խղճիս ուղղութենէն շեղելու, և այլընդայլոյ կերպերով ազգային կացութիւնը վտանգելու կամ մասնաւորներու վնասելու, ինչ ալ ըլլար խնդիրի պարագայն, կամ ո՛վ ոք ըլլար նկատեալ անձը:

Այս քանի մը տողերը բաւական կը սեպեմ կուսակցութեանց հանդէպ բռնած զիրքիս իսկութիւնը բացատրելու:

ԺԴ

Իստանբուլ, 1917 ղեկտեմբեր 8/21 Ուր.

Համոզումներուս և ուղղութեանս բացատրութիւնները տալու առթիւ, յատկապէս ընդարձակուած եղայ պատրիարքական գործունէութեանս վրայ, ինչ որ բնական հետեւանքն էր գործին կարեւորութեան և շատ խօսուած ու խժբժուած ըլլալուն: Ի դէպ էր վլխաւոր խնդիրներու վրայ ալ խօսիլ և իւրաքանչիւրին մասին բացատրութիւններ տալ, բայց այս կէտերուն պիտի չմտնեմ այս տեղ. անոնց մասին այլուր խօսած եմ: Իմ մասին յարուց-

ուած զրպարտութեանց առաջին արարուածը դրամական զեղծարարութիւնն էր, իբրև թէ նպաստից գումարէն ահագին իւրացումներ ըրած ըլլամ: Ասոր պատասխան իսկոյն նպաստից գործին կամ Յանձնաժողովին հաշուական Տեղեկագիրը մանրամասնօրէն պատրաստեցի, տպագրեցի, և պաշտօնական անձանց և նուիրող ու վայելող շրջանակներու ցրուեցի, և դրամական զեղծարարութեան զրպարտութիւնները լռեցին: Միեւնոյն ատեն կուսակցական մարմիններ հրապարակ եկան, և վարչական զեղծումներու զրպարտութիւնները մէջտեղ հանեցին: Միեւնոյն կերպը որոշեցի պահել, և ՅԻՇՍՏԱԿԱԳԻՐԻՐԻ ԵՐԿՈՏԱՍԱՆՍԱՄԵԱՅ ՊԱՏՐԻԱՐԻՈՒԹԵԱՆ գրութիւն մը պատրաստել սկսայ, վարչական գործունէութեանս ընդհանուր գիծերը և մասնաւոր խնդիրներու մէջ հետեւած ընթացքս բացատրող, վստահ ըլլալով թէ այս կերպով վարչական զեղծումներու զրպարտութիւններն ալ կը լռեցնեմ: Բայց մինչեւ որ այդ միտքս լրացնեմ ու գործադրեմ, երեսփոխանութեան առջև պաշտօնական ամբաստանութեան ձեռնարկը սկսաւ, ոչ առանց վերընտրեալ պատրիարքին գիտակցութեան և կամակցութեան: Այլեւս տարաժամ պիտի ըլլար իմ հրատարակութիւնս, և գուցէ խժբժողներու և զրպարտողներու նիւթ ալ պիտի ընծայէր ըստ կամս քաշկրտելու: Ուստի գրութիւնը ի կախ թողուցի, հրատարակութիւնը յետաձգեցի, և թող տուի որ պաշտօնական գործողութիւննին շարունակեն և ինչ որ պիտի ըսեն եւ պիտի ընեն, խօսին ու գործեն: Բայց գրութիւնը ձեռքէ չթողուցի, և որեւէ առթիւ պատրաստ ունենալու համար տպագրեցի, սակայն հրապարակ չհանեցի, և երբ որ տարուէ տարի յետաձգումներէ ետքը երեսփոխանութիւնը անպարտութեան վճիռ արձակեց 1912 դեկտեմբեր 21ին, հրատարակութիւնն այլեւս աւելորդ եղաւ, և այսօր տպագրեալ օրինակները պահուած կը մնան, և մահուանէս առաջ մէջտեղ հանելու միտք չունիմ: Այդ Յիշատակագիրին մէջ բաւական ընդարձակօրէն բացատրուած են պատրիարքական գործունէութեանս ընդհանուր կէտերը և մասնաւոր խնդիրները. զորօրինակ նպաստից գործը, Կիլիկիոյ խընդիրը, Լահէյի հեռագիրը, հրաժարականի կէտը, պետական յարաբերութիւնը, վարչութեան համերաշխութիւնը, և ուրիշ մասնաւոր գործեր, և այս է պատճառը որ անոնց մասին այստեղ գրել զանց կ'ընեմ. անոնք ալ օր մը ԽՈՀՔ ԵՒ ԽՕՍՔիս հետ մէջ-

տեղ կ'ելլան և հետաքրքիրները կը գոհացնեն: Միայն Երուսաղէմի խնդիրը կը պակսի բացատրութեանց կարգին, թէպէտ գործին ընթացքը և վարած դերս յայտնի են. ես այդ կէտը լուսաբանելն ալ յարմար պատեհին կը թողում, և ուրիշ կէտեր բացատրելու կ'անցնիմ:

## ԺԵ

Դաւաակոս, 1917 դեկտեմբեր 9/22 Եր.

Ընդհանուր տեսութիւններ, գործնական սկզբունքներ, ընթացքի ուղղութիւններ կ'ուզեմ յառաջ բերել, զի ասոնք են որ մարդը կը կերպարանեն իրեն իսկութեան մէջ, և անոր գործերը կը զոտելու և դնահատելու կամ քննադատելու կը ծառայեն: Բայց ծրագիր թո՛ղ չփնտռէ այդ տողերուս հանդիպողը, ինչպէս սկիզբէն ըսած եմ, պատահաբար յիշած կէտերն են զորս պիտի բացատրեմ ուրոյն և իրարմէ անկախ և անկապ հատուածներով:

Շատ խօսուած խնդիրներէն մին Պարսիի և Իրաւունքի խընդիրն է: Այդ մասին իմ տեսութեամբ Իրաւունքը Պարտքի ծընունդ է, և Պարտքը Իրաւունքէն առաջ է. Իրաւունքը ո՛չ այլ ինչ է՝ եթէ ոչ Պարտքը կատարելու պայման կամ իշխանութիւն: Ամենէն ընդարձակ իրաւունքի տէր եղող աստիճանը կամ պաշտօնը, ամենէն ընդարձակ և բազմատեսակ պարտքերու ներքե գտնուողն է: Հետեւաբար պէտք է Պարտքը բացատրել քան թէ Իրաւունքի վրայ խօսիլ. և անկէ կ'սկսիմ ես ալ:

Պարսիի ծագումը յառաջ կուգայ իւրաքանչիւր անձի կենցաղական յարաբերութիւններէն. եթէ մարդ որեւէ յարաբերութիւն չունենար, պարտք ալ պիտի չունենար, և պարտք չունենալով իրաւունք ալ պիտի չունենար, թէպէտեւ առանց յարաբերութեան բանական արարած մը ենթադրել տրամաբանական չէ: Յարաբերութեանց և անոնցմէ ծագած պարտքերուն գալով՝ յարմար կը տեսնամ անոնք երեք տեսակի վերածել. Պարսիի, Պահանջի, և Պաշտի: Պարսիի կ'անուանեմ առաջին տեսակը

Պարսֆ ընդհանուր առումէն զանազանելու համար . և այս բաժանման ներքե կ'իմանամ պաշտօնի , աստիճանի , գրադման , կայսութեան , հրամանի , պատուէրի զօրութեամբ կատարուելիք գործերը , որոնք օրէնքէ կամ կանոնէ մը կը բղխին և պարտադիր ուժ ունին : Հասարակ խօսակցութեանց և ճշդաբան գրութեանց մէջ ասոնք են որ Պարսաւորութիւն անունի ներքե կ'իմացուին , և այս մասին երկարաբանել աւելորդ կը դատեմ : Անոնց զօրութիւնը բացարձակ է , և զանցառութիւնը՝ յանցանք , մեղք , ոճիր , եղեռն անուններով կ'որակուի , և օրինազանցութեան պատասխանատուութիւն կը հրաւիրէ , դատի և դատաստանի նիւթ կը կազմէ , և դատապարտութեան ու պատիժի հիմ ու փաստ կը դառնայ : Տեսութիւնս իւր վերացական և ընդհանրական պարունակին մէջ պահելու համար , աստուածայինի և մարդկայինի , եկեղեցականի և քաղաքականի , ընկերականի և անհատականի տարբերութեանց միջամուխ չեմ ըլլար . խոսիտք ու խօսիտք են գրքածներս , և ոչ գիտական ճշդաբանութիւններ :

Պահանջի անունի ներքե կ'իմանամ այն պարտաւորութիւնները , որոնք օրէնքէ կամ կանոնէ մը չեն բղխիր , այլ պարագայից և հանգամանաց և դիպուածոց հետեւանօք գործելու և գործադրելու ստիպողականութիւն կը ստեղծեն : Պահանջից զօրութիւնը կը ծագի երբեմն անձնապաշտպանութենէ ու անձնդիւրութենէ , երբեմն շահէ ու օգուտէ , և երբեմն սէրէ ու գթութենէ , և ամէնքն ալ երբեմն հանրային և երբեմն անհատական բնոյթ ունին : Պահանջից հակառակ գործողը յանցաւոր և յանցապարտ չ'ըսուիր , բայց թերութիւն և պակասութիւն ըրած կ'ըլլայ , եւ մարդկային զգացումէ , սիրտի թելադրութենէ , և միտքի ուղղութենէ զուրկ կամ օտարացեալ կը սեպուի : Թէպէտ դատաստան և դատապարտութիւն չ'արտասանուիր այսպիսիներու դէմ , բայց հանրային կարծիքի և խոհական տեսութեանց մեղադրանքը կը հրաւիրէ , բարոյական ստորնութիւն և լռին անարգութիւն կը ծանրանայ Պահանջից դէմ գործողներու վրայ , որ շատ աւելի կը ճնշէ ու կը նեղէ , քան թէ պաշտօնական դատաստանով տրտասանուած պատիժ մը :

Երբորդ տեսակը Պարսաւորութիւն կոչեցի , և անով կ'իմանամ պարտաւորութիւն մը , որ պարզապէս կը ծագի սիրտի անգնուութենէ , միտքի փափկանկատութենէ , կենցաղական քաղաքավարութենէ

և ընկերական զարգացումէ: Պարտաւորութեան ծանրութիւնը առաջին տեսութեամբ շատ թեթեւ կ'երեւի, որովհետեւ օրէնք կամ կանոն, պահանջք կամ ստիպում չկան, և պարտադիր հարկ չեն դնել. յարմարութիւնն ու վայելչութիւնն է միայն որ Պասշանից գործադրութեան կը յորդորէ: Սակայն եթէ լաւ զննենք, Պասշանից զանցառութեան պատճառած ստորնութիւնը շատ աւելի մեծ է, քան թէ Պարսեաց և Պահանջից զանցառութեան յառաջ բերածը: Պասշանից զանցառուն նովին իսկ անկիրթ եւ կոպիտ, ազնուութենէ և զարգացումէ զուրկ, գիտակցութենէ և ճաշակէ անմասն մէկ մը եղած ըլլալ կը յայտնէ, գռեհիկ և սինլըքոր անձի պատկերը կը ներկայացնէ, և բանգէտներու ու զարգացեալներու արհամարհանքին կ'ենթարկուի: Մտնաւանդ թէ նոյնիսկ իրեն նմաններն ալ զինքն կ'անարգեն, որոնք եթէ իրենց աչքին դերանը չեն տեսնար, ուրիշին շիւղը մեղադրելու փութաջան են:

Տրուած բացատրութիւնները վերացականէն գործնականի վերածելու համար, պէտք է դիտել տամ որ ուղիղ չէ Պարսաւորութեան զօրութիւնը լոկ օրինական տեսակէտէն չափել, եւ Պարսիք Պահանջի ու Պահանջի Պասշանի անցնելով աստիճանաբար նուազեցնել պարտադիր ստիպողականութիւնը: Այդ տեսութիւնը կ'արդարանար եթէ մարդը լոկ բնական վիճակի մէջ ըմբռնէինք, և բանական առաւելութեան և մարդկային զարգացման տեսակէտները անտեսէինք: Ուր ընդհակառակն եթէ մարդը կատարելագործեալի և կատարելագործեալ աստիճանի մէջ նրկատենք, պէտք է ընդունիլ թէ մեծագոյն ջանքը պէտք է թափել կատարելագոյն կացութեան վրայ, և առաւելութիւն տալ այս տեսակէ յառաջ եկող հետեւանքներուն. այս տեսութեամբ պէտք է որ Պասշանից պարտաւորութիւնները աւելի մտադրութիւն հրաւիրեն, մինչ Պարսեաց պարտաւորութիւնները, և մինչև աստիճան մը Պահանջից պարտաւորութիւնները իրենց բնութեամբը յառաջ կ'անցնին և գործադրութեան կը մղեն:

Այդ կէտերը հնար էր օրինակներով լուսարանել, եթէ դասախօսական ոճին հետեւէինք. իսկ աւելորդ կը դառնան պարզ տեսութիւններ յայտնուած ատեն:

ԺԶ

Իստանբուլ, 1917 դեկտեմբեր 12/25 ԳՂ.

Պատրաստութեան գաղափարին դիմաբաժանեալն է Ազատութեան գաղափարը, իւր բազմատեսակ առումներուն ներքե, և ներկայ ժամանակը այդ գաղափարով տողորուած է, և ամէն դասակարգ իր հաճոյից համաձայն բացատրութիւն կուտայ, և իրականացման կը ձգտի, և այդ գաղափարներու իրարու անհամաձայնութենէն կը ծագին թիւրիմացութիւններ, հակառակութիւններ, մրցումներ, կռիւներ, և մինչև իսկ պատերազմներ և աղէտաբեր հետեւանքներ: Անուրանալի է թէ Ազատութեան գաղափարը բնածին է մարդկութեան համար, և բանաստեղծը իբր ազատութեան սկզբնաւորութիւն մեկնեց խանձարրապատ մանկիկին թեւերը պարզելու ճիգը: Բայց մենք փիլիսոփայական տեսութիւնները եւ վերացական բացատրութիւնները թողունք, և գործնական ու մերկացութեան պատշաճեալ տեսակէտէն նկատենք ձեռք առած խնդիրնիս:

Խնդիրը այսպէս սեղմ և որոշ շրջանակի մէջ ամփոփուած տեսն՝ իբրև հիմնական սկզբունք կը նկատեմ, Ազատութեան լըրումը հաստատեալ պայմաններու և կանոններու և օրէնքներու ներքե գործածելու մէջ, զի անպայման գործունէութիւնը, ըստ հաճոյս գործելը, ըստ քմաց ապրիլը Ազատութեան զեղծում կը դառնայ: Ինչ որ անհատի մը համար իրաւացի կը սեպուի, պէտք կ'ըլլայ ամէն անհատի համար ալ իրաւացի ընդունիլ, և այս անգամ ըստ հաճոյս գործող անհատը իրեն դէմ կ'ունենայ բիւրաւոր ըստ հաճոյս գործող անհատներ, որոնք կրնան իր վրայ բռնանալ, զինքն զրկել, և անհաճոյ կացութեան ենթարկել: Արդ, որպէսզի մարդ ապահովութիւն ստանայ, պէտք է որ պայմաններ ու կանոններ ու օրէնքներ զսպեն և արգիլեն ուրիշներուն ըստ հաճոյս և ըստ քմաց գործելը, և որպէսզի հաւասարակշռութիւնը պահուի և գործադրութիւնը ապահովուի, պէտք է որ ինքն ալ այն կապերուն ենթարկուի: Ահա՛ թէ ինչպէս անհա-

տական ազատութեան հիմնակէտը պայմաններու ենթարկուելուն մէջն է, որով կանոնին լուծը կ'ըլլայ քաղցր, և օրէնքին բեռը կ'ըլլայ փոքրագի:

Որովհետեւ իմ անձնական խոհիս ու խօսիս լուսաբանել է գըրութեանս նպատակը, նիւթերնիս աւելի մասնաւորելով կը փութամ յայտարարել, թէ վերոյիշեալ սկզբունքներու խորին համոզմամբ երբեք դժուարութիւն չեմ զգացած կանոնին հնազանդիլ եւ Օրէնքին հպատակիլ. բաւական է միայն որ կանոնի եւ Օրէնքի գոյութեան մասին կասկած չյարուցուի, զի գիտական սկզբունքով ալ անստոյգ օրէնքը օրէնք չէ և պարտաւորութիւն չ'արտադրեր: Ազատութեան պայման սեպած եմ նաև ուրիշ իրաւունքը խղճմտօրէն յարգել, որպէսզի փոխադարձաբար իմս ալ յարգուի, զի եթէ ես ուրիշին իրաւունքը բռնադատեմ, ուրիշին ալ իմս բռնադատելու իրաւունք տուած ըլլալ կը կարծեմ:

Ազատութեան լրումն սեպած եմ ես ինծի կանոններ սահմանելը, և չափուած ու կշռուած ու կանոնաւորուած գործունէութիւն պահելը: Այդ ոճը կը դիւրացնէ գործունէութիւնը, կ'ապահովէ արդիւնքը, և կ'ազատէ ինչ ընելու անորոշութենէ, եւ անօգուտ ժամավաճառութենէ: Ինչ ընելիքնին կանխաւ որոշած չեղողներ յաճախ օգտակար ժամերը պարտապի կը վատնեն, մինչև որ մտածեն, փնտռեն ու որոշեն թէ ի՞նչ ընելու են. իբր թէ ինքզինքնին կանոնէ ազատ կը կարծեն, բայց իրօք անստուգութեան կը ծառայեն: Ազատութեան գաղափարը կապէ և կանոնէ զերծ ըլլալը չէ. կարգ ու կանոն, չափ ու կշիռ, կերպ ու պայման Ազատութեան դաստիարակն ու պահապանն են:

Սօսքերնիս անհատական շրջանակէ հանրայինին փոխադրած ատեննիս ալ միևնոյն եզրակացութեան կը յանգիւնք, և առաւելապոյն զօրութեամբ: Յորչափ մարդ ինքն իր մէջ կը պարունակուի և ինքն իր հանդէպ կը գտնուի, շահ ու վնաս իր անհատականութեան կը պատկանին, պատասխանատուութիւնն ալ իրմէ դուրս չի տարածուիր և իրեն դէմ պահանջող ու դատախազ չ'ունենար: Բայց գործը կը ծաւալի խնդիրը կը ճապաղի, դատախազը կը բազմանայ և պատասխանատուութիւնը կը ծանրանայ հանրային շրջանակի մէջ, և խոհեմութիւն ու զգաստութիւն կը պահանջեն այդ կացութիւնը չհրաւիրել:



Այդ տեսութիւններ իմ միտքիս վրայ ազդած են ամէն առ-  
տէն, և կարգ ու կանոնէ չեմ խորշած, զայն իբր Ազատութեան  
պայման նկատելով:

ԺԷ

Գաւառակոս, 1917 դեկտեմբեր 12/25 ԳՂ

Գրք  
Գրք  
Գրք  
Գրք  
Գրք

Յառաջաբանին մէջ ակնարկեցի, որ Խոնքս ու Խոսքս եթէ տե-  
սակ մը խոստովանութիւն է, կրնայ միանգամայն իբրև թելադրու-  
թիւն ծառայել զայն գնահատողներուն, և այս նպատակով յիշեմ  
ուրիշ կէտ մըն ալ որ մեծապէս նպաստած է իմ գործունէու-  
թեան:

Ամէն գործողի գլխաւոր փորձաքարներէն մին անակնկալի և  
յանկարծականի դիմաց գտնուիլն է, իսկ միւս կողմէն գործողին  
հնար չէ առաջիկայն ու ապագայն ստուգութեամբ գիտնալ կամ  
գուշակել:

Այս երկսայրի կացութեան հանդէպ իմ գործածած միջոցս  
եղած է՝ անմիջապէս որ գործ մը, խնդիր մը, դիպուած մը առ-  
ջև կուգայ, զայն խորհրդածութեան նիւթ ընել, պարագաները  
զննել, և հաւանական ու անհաւանական կերպերը ու վերջաւո-  
րութեան տեսակները նկատողութեան առնել, և միտքին մէջ ո-  
րոճալ: Այս նախահոգ միջոցը բնական կերպով կը մատնանչէ լաւ  
ու վատ, օգտակար ու վնասակար կողմերը, և միտքը կը նախա-  
պատրաստէ անակնկալի դիմաց չգտնուիլ, և ինչ ալ ըլլայ եւքը,  
ընելիքը գիտնալ և պատրաստութիւնները կատարած ըլլալ թէ՛  
մտաւորապէս և թէ՛ գործնականապէս: Միեւնոյն պատճառով նա-  
խահոգ զգուշաւորութեան ալ դուռ կը բացուի, որ եթէ մտաւոր  
հետազօտութեանց մէջ վտանգաւոր կամ վնասակար պարագայ  
մը կը նախատեսուի, զայն խափանելու կամ դարմանելու միտ-  
քըն ալ միանգամայն կը զարթնու, և միտքիդ մէջ ծագած եղա-  
նակը իրագործելու պատրաստուած կ'ըլլաս, և արտասովոր աշ-  
խատութեան վտանգը հեռացուցած և վնասը դարմանած կ'ըլլաս:

Այդ արդիւնքը յաջողութեան երաշխաւորութիւններուն առաջինըն է, և ես մեծապէս օգտուած եմ իմ գործունէութեանս մէջ:

Միևնոյն կերպը գործածած եմ պաշտօնագիր մը, ծանուցագիր մը, նամակ մը պատրաստելու համար: Օր առաջ սկսած եմ խնդիրը միտքիս մէջ շրջաշրջել, բացատրութիւններ և դարձուածներ բանաձեւել, շփոթն ու անբուականը մէկդի թողուլ, լուսագոյնը որոնել և որոշել, այնպէս որ երբ գրիչը ձեռքս կ'առնեմ երկար դննութեանց տեղի մնացած չ'ըլլար, և դրութիւնս թէ՛ արագ և թէ՛ լուսագոյն կերպով կը լրանայ:

Ես մեծապէս օգտուած եմ այդ եղանակէն, և կը կարծեմ թէ ուրիշներուն ալ օգտակար կրնայ ըլլալ: Հարկաւ բացառիկ պարագաներ կը հանդիպին, որոնց մէջ գործին կամ խնդիրին ծագումն ու լրումը այնպէս իրարու մօտ ըլլան որ այդ նախահոգ խորհրդածութեան ատեն մնացած չ'ըլլար: Սակայն այդ առիթին մէջ ալ սովորական գործերէ ստացուած ունակութիւնը միտքը զօրացուցած կ'ըլլայ, և նմանօրինակ պարագաներէ ստացուած գործունէութիւնը բացառիկ պարագաներու մէջ օգտակար կ'ըլլայ, և նախահոգութիւնը անուղղակի կերպով իւր ազդեցութիւնը կը տարածէ բովանդակ գործունէութեան վրայ:

ԺԸ

Իստանպուլ, 1917 դեկտեմբեր 14/27 ԵՂ.

Ընդհանուր տեսութիւններէ ինչ ինչ բացատրեցի արդէն, պահ մըն ալ կեանքիս հանգրուաններէն գլխաւորներուն վրայ կ'անդրադառնամ, ոչ այնչափ պատմական ճշդութեան և ամբողջութեան հետեւելով, որչափ անոնց մէջ տեսութեանց և զգացմանց մասը նկատի ունենալով, վասնզի օրագրական յիշատակներս ալ տրամադրելի չունիմ, և միայն յիշողութեանց զօրութեամբ պիտի գրեմ:

Մանկութեան տարիներ կատարեալ գիտակցութենէ և մանաւանդ խորհրդածութենէ զուրկ են, և հետաքրքրական պարա-

գաներ չեն ներկայեր: Ծնունդս տեղի ունեցած է 1841 փետրուար 11|23ի արեւին մարը մտնելէն երեք ժամ ետքը, Լէքէճեան Անտոնի տունը, Բերա, Եօղուրթհանէ փողոց, որուն մէկ մասին մէջ վարձքով կը բնակէին ծնողքս՝ Անտոն Օրմանեան դեղագործ և Եղիսարեթ Միասէրեան, տնաչէն և ձեռագործի ճարտար կին, հայ հռոմէադաւան հասարակութենէն երկուքն ալ: Ծննդեանս օրը հանդիպած է բուն բարեկենդանի երեքշաբթիին, և բարեկենդանեան պուարճութիւնները մինչև այն երեկոյ կը տւեն արեւմտեայց և հռոմէադաւանաց սովորութեամբ. որով այս կողմ մօրս երկանց ժամուն միւս կողմ բարեկենդանի փակման զուարճութիւնք կը կատարուին եղեր: Ծնողացս անդրանիկը՝ 1840 փետրուար 11|23ին ծնած՝ Պետրոս կոչուած էր, մօրենական մեծ հօրը անուանով, որով զիս ալ Պօղոս կը կոչեն 1841 փետրուար 18|2 մարտին մկրտութեանս ատեն, բայց Պետրոս մանկիկ քիչ ետքը կը վախճանի օգոստոս 4|16ին, և անդրանկութեան կարգը ինծի կ'անցնի: Նոյն միջոցին հայրս սեփական տուն շինելու կը հետևէր Ֆէրիտիյէ փողոցին մէջ, ուր քիչ ետքը կը փոխադրուին, և այնտեղ կ'անցնին մանկութեանս տարիները:

Նշանաւոր պարագայ մը, զոր անտիական հասակիս մասին ծնողքներէս լսած եմ, կանուխ և ինքնաբերաբար արթնցած դըպրոցի փափաքն է եղած: Չեմ իմանար թէ ի'նչպէս ծագած է այդ իղձը, որովհետև երիցագոյն եղբայր և օրինակ ունեցած չեմ, գուցէ հօրս խօսակցութիւններէն, որ դպրոցասէր և ուսումնատենչ անձ մը եղած է, մինչ մայրս դպրոց տեսած չէր: Դպրոց ուզելու փափաքով մինչև իսկ տունին սեմին վրայ կուլամ եղեր, երբ դրացի տունէն Սիոսեանց օրիորդը իբրև վարպետ զիս ներս կ'առնէ, և միջոց մը անոր մօտ երթեւեկելէն ետքը Շահինեան քոյրերու մօտ կը դնեն զիս, որոնք պզտիկ տղաներ կը կարդացնէին մեր տունէն քանի մը դուռ անդին: Ուսումնական և գրական կեանքին փափաքը, որ մինչև այսօր վառ կը մնայ սիրտիս մէջ, շատ կանուխէն սկսած կ'ըլլայ իմ ներսս:

Քանի մը տարիներ տնական վարպետ տուտուներու մօտ անցընելէն ետքը, եօթը տարեկան եղած ատենս, զիս կանոնաւոր դըպրոց մը յանձնելու միտքով, կը դնեն վենետկոյ Միսիթարեանց Սպարգաղաճը փողոցին մէջ եղող դպրատունը, որ սովորաբար Հ. Անանիայի դպրոց անուանով կը յիշուէր: Այդ ընտրութեան կը միտի

հայրս իբր զի Համազգեսաց Ընկերութեան առաջին անդամակիցներէն մէկն էր, և Մխիթարեանց մասին համակիր գաղափար ունէր, որոնք յիշեալ Ընկերութեան հիմնադիր եղած էին: Անոնց դպրոցը կ'սկսիմ յաճախել 1848 տարւոյ մեծ արձակուրդին աւարտելէն ետքը դպրոցներուն վերաբացուելուն:

Սակայն տան խոստովանահայրը Հ. Աթանաս Տողրամաճեանն էր, և հօրս մտերիմներէն էր Հ. Եղիա Նահապետեան, հօրս պաշտպան և իմ կնքահայր դեղապործ Մաղաքիա Փափազեանի ազգականը, երկուքն ալ Անտոնեան միաբանութենէն, որոնք նոյնպէս դպրոց բացած էին Չէօբլիւքչէշմէ փողոցին վրայ, որ Հ. Աթանասի դպրոց անունով կը յիշուէր: Ասոնք դիւրաւ կը համոզեն հայրս իրենց յանձնել իրենց զաւակը, որով իբր երկու ամիս ետքը՝ 1848 նոյեմբեր 15/27 ին՝ կը փոխադրուիմ այդ դպրոցը, ուր շուտով կը յառաջանամ ընթերցանութեան, գրութեան, քերականութեան և Աւետարանի թարգմանութեան դասերուն մէջ, և 1850 տարւոյ վերաբացումին կ'անցնիմ դպրոցին բարցրագոյն կարգը ինէ տարիքով բաւական մեծ աշակերտակիցներու հետ:

Ժամանակը հասած էր բարձրագոյն վարժարանի աշակերտելու, և հօրս միտքը կ'ըլլայ դարձեալ Մխիթարեանց յանձնել, և Ռափայէլեան կամ Մուրատեան վարժարաններէն մէկը յղել: Նորէն վրայ կը հասնի Նահապետեան վարդապետը, և կ'առաջարկէ Անտոնեանց Հռոմայ վանքը յղել զաւակը, ուր կատարեալ ուսման ընթացք կրնար կատարել և դառնալ, կամ եթէ յօժարէր՝ եկեղեցականութեան հետեւիլ, որ անյարմար ալ չէր, զի երեք ևս մասնչ զաւակ ունեցած էր հայրս, Վիչէն 1844 փետրուար 21/5 մարտին, Կոմիտաս 1845 հոկտեմբեր 11/23 ին, և Սերովբէ 1849 մարտ 24/5 ապրիլին ծնած, առանց համրելու 1843 յունուար 18/30 ին ծնած և միւս օրը արկածով մեռած Մարտիրոսը: Այսպէս կ'որոշուի Հռոմ Անտոնեանց Ս. Գրիգոր Լուսաւորիչի վանքն երթալս, և պատրաստութիւնները լրացուելով կ'ուղեւորիմ 1851 մայիս 13/25 ին ընկերակցութեամբ ինծի հասակակից Անտոն Նաույեանի, և մեզմէ երեք տարի մեծ Հերոնիմոս Պաղտասարեանի, և Զմիւռնիա, Մալթա, Մեսինա, ու Զիվիթա-Վէքքիա հանդիպելով, մայիս 25/6 յունիսին կը մտնենք Անտոնեանց վանքը, Վատիկան թաղաքաժինին մէջ, Ս. Պետրոսի սիւնազարդ հրապարակին աջակողմը Սանթ Ուֆիցիօ (Sant Ufficio) փողոց թիւ 1, Քավալէճճիէրի

գրան (Porta de Cavalleggeri) յարակից, Շաբաթ մը ետքը, յու-  
նիս 2/14ին շաբաթ երեկոյ, աշխարհիկ տարազը հասնելով եկեղե-  
ցական սքեմ կը հազնինք երեքնիս, երբ ես տակաւին տասը  
տարեկան և երեք ամսուան էի:

Անտոնեան միաբանութեան կանոնով ուխտադիր կրօնաւո-  
րութեան կ'ընդունուին 18 տարեկաններ, նախընթացաբար փորձի  
երկու տարիներ անցունելէ ետքը, որ նորընծայութեան միջոց կը  
կոչուի: Տասնևվեց տարեկանէ պզտիկ աշակերտներ ալ կ'ընդունուին  
պարզապէս ուսումնական զարգացման համար, որոնց ուսանող  
անունը կուտան, և կ'սպասեն որ տարիքնին հասնելուն նորընծայ  
օրհնուին և պաշտօնապէս ի փորձ ընդունուին: Ըստ այսմ իմ դիր-  
քըս պիտի ըլլար ուսանողներու վիճակը, որոնք նորընծաներու  
հետ հաւասար կեանք և զբաղանք ունէին, միեւնոյն կարգադրու-  
թեանց և սովորութեանց կը հետեւէին, և միեւնոյն դասարան կը  
կազմէին, յատուկ տեսուչի և օգնականի մը հսկողութեան ներքե:  
Տեսուչն էր Հ. Սուքիաս Գազանձեան, և օգնականը Հ. Յովհաննէս  
Ծաղիկեան, որուն քիչ ետքը յաջորդեց Հ. Սերովբէ Հանրմեան:  
Գասատուները միաբաններէն էին, որոց զխաւօրն էր Հ. Մի-  
քայէլ Միասէրեան ծերունին, հայերէն լեզուի ուսուցիչ. միայն  
իտալերէն և գաղղիերէն լեզուներու համար կը պաշտօնավարէր  
Լիպորիօ Ռուպինօ (Liborio Rubino) Սիկիլիացի ուսուցիչը: Իսկ  
ուսումնական ծրագիրը կը պարունակէր նախակրթական ուսմանց  
բոլոր ճիւղերը, համարողութիւնը մինչև գրահաշիւ, և լեզուներ  
ու կարգին լատիներէնի ալ յաւելմամբ:

Եկեղեցական և կրօնական զբաղմանց մասին վանական կար-  
գը անթերի էր. առաւօտ և երեկոյ ժամերգութիւն, օրական եր-  
կու թիւ պատարագի ներկայութիւն, օրը երկիցս իբր կէս կէս  
ժամ մտածական աղօթք, որ է հոգևորական և խրատական գիր-  
քի մը ընթերցանութիւնը, իւր կեանքին և վարքին հետ բաղ-  
դատական խորհրդածութիւններով ընդհատուած, թերութիւննե-  
րը ուղղելու առաջադրութեամբ և միջոցներու որոշմամբ, և ուղ-  
ղութեան մէջ յառաջանալու իղձերով և կամքով: Ասոնց հետ  
նաև գիշերային Եկեղեցի ժամերգութիւն, շաբաթը երեք անգամ  
Վարդարան, երկու անգամ բազկատարած Ողորմեա սաղմոս հըն-  
գիցս, և օրուան մէջ մերթ ընդ մերթ աղօթքներ: Հոգևոր կեան-  
քի մէջ զարգանալու համար շաբաթը մէկ անգամ Հոգևոր հայր

նշանակուած փորձառու վարդապետին իր կեանքն ու սիրտն ու միտքը յայտնել, և անոր տուած խրատները և ցուցած միջոցները գործադրել: Ընդհանրապէս բոլոր կրթութիւններ նպատակ ունէին կամապաշտութենէ հեռանալ, անձնահաճութիւն ուրանալ, և համակերպութեան և հպատակութեան հետեիլ:

Ուսումնական վարժութեանց մէջ միշտ փութաջան ու յառաջադէմ գտնուած ըլլալս համարձակ կրնամ յայտարարել. վանական կեանքի յարմարիլս անկեղծ եղած է, և իմ ընթացքս գանգատի և դիտողութեան ընդհանրապէս տեղի տուած չէ: Եկեղեցական պաշտամանց սիրող եղած եմ, միայն երգեցողութեանց անյարմար և անկար դատուած եմ, և այդ մասին եղած վարժութիւններէն հեռի պահուած եմ, և մինչև վերջն ալ այնպէս մնացած եմ: Այս պայմաններով կրօնաւորութեան փափաքող և ընդունելի գտնուած եմ, որով 1855 դեկտեմբեր 25/6 յունուար 1856 ին նորընծայ օրհնուած եմ վանահայր Հ. Կղեմէս Միքայէլեանի ձեռամբ, տասնուհինգերորդ տարիս դեռ չլրացուցած, զի ոչ միայն տասնուվեց տարիքը լրացածի տեղ սկսուածի փոխանակուած է, այլև երեսունուվեց օր ալ կանխած եմ բացառիկ արտօնութեամբ: Վանք մտած տտենս դասարանը մինչև տասնուերկուք բարձրացաւ, իսկ նորընծայ օրհնուելէն ետքը մինչև երկու ալ իջաւ, ոմանց յառաջելովը և ոմանց ետ դառնալովը: Նախակրթական ընթացքը յառաջացած ըլլալով ճարտասանութեան և իմաստասիրութեան դասեր առնել սկսայ Հ. Ռափայէլ Միասէրեանի ուսուցչութեամբ, որ յաջորդած էր ծերունի Հ. Միքայէլ Միասէրեանի, և լատիներէնի ալ արտաքին դասատու նշանակուած էր: Նորընծաներու արժանաւորութիւնը հաւաստելու համար երեք անգամ քուէարկութիւն կը կատարուէր վանական ժողովէն, 12 եւ 18 եւ 24 ամիսներու լրանալուն, եւ այդ փորձերէն ալ կատարեալ յաջողութեամբ անցնելով, վերջապէս կրօնաւորական կոչման մտնելու արժանաւոր դատուեցայ, և Անտոնեան միաբանութեան անդամակից գրուեցայ հանդիսական արարողութեամբ և ուխտադիր օրհնութեամբ:

## ԺԹ

Դասնասկոս, 1917 դեկտեմբեր 15/28 Ուր .

Կրօնաւորական օրհնութիւնը տեղի ունեցաւ 1858 յունուար 12/24ին, տասնըութը տարիքը սկսուած առնելով, և ամիս մըն ալ բացառիկ արտօնութեամբ կանխելով: Օրհնութիւնը կատարողը դարձեալ Հ. Կղեմէս Միքայէլեան վանահայրն էր, Ս. Անտոնի տօնին առթիւ հանդիսաւոր ձայնաւոր պատարագի կիրակին էր, և Բրօքականտայի նախագահ Աղեքսանդր Պարնապօ կարտինալն ալ ներկայ էր: Այս առթիւ վեղար և փիլոն կը տրուի ընծայելոյն, և խաչ մը ու լուցեալ մօմ մը կը տրուի ձեռքը իբր իւր կոչման խոհրդանշանակ: Պօղոս անունս արդէն Մաղաքիայի փոխուած էր նորընծայ օրհնուելուս առթիւ, համաձայն հօրս բաղձանքին, ի յիշատակ իւր պաշտպան և իմ կնքահայր Մաղաքիա Փափազեանի, ինչպէս որ ինծի յատկապէս յանձնարարած էր, իսկ ես լուծ էի, սակայն ինքն ուղղակի վանահօր ալ գրած է եղեր, ինչպէս որ դիւանը ձեռքս անցնելուն պահուած նամակներու կարգին տեսայ: Կրօնաւորաց պաշտօնական կոչումը Միակնն (Monachus, Moin) է Անտոնեան միաբանութեան մէջ, իբրև հին միաբանութիւն, և իրարու հետ եղբայր անունով կը կոչուին. որով ես ալ եղայ Եղբայր Մաղաքիա Օրնակեան Միակնն Անտոնեան:

Արեւմտեան հռոմէական եկեղեցւոյ մէջ կրօնաւորական ուխտերը միանձնական միաբանութեանց համար երեք են. մեծաւորին հնազանդութիւն, մշտնջենաւոր կուսակրօնութիւն, եւ կամաւոր աղքատութիւն: Իսկ Անտոնեան միաբանութեան մէջ չորրորդ մըն ալ աւելցած է. աւագութեանց չցանկալ եւ չհետապնդել: Ես ալ այդ ուխտերը կատարեցի ամենայն անկեղծութեամբ:

Այստեղ ի դէպ կը համարիմ զարտուղութիւն մը ընել կուսակրօնութեան ուխտին մասին, որուն ես ալ հրաւիրուեցայ եւ կատարեցի, երբ տակաւին տասնուվեց տարեկան և տասնումէկ

ամսուան պատանի մըն էի, երիտասարդութեան և անձինտիրութեան ասորիքէն ալ բաւական առաջ: Շատ խօսուած է անփորձ պատանիներու և նորահաս երիտասարդներու մշտնջենաւոր ուխտերու, և յատկապէս կուսակրօնութեան ուխտին հրաւիրուելուն դէմ, իբր թէ բնութեան բռնաբարութիւն մը, և անմեղ ու անպատասխանատու անձեր անտանելի զրկումի և կեանքի թունաւորման ենթարկելու ձեռնարկ մը ըլլար: Այս տեսութեամբ համարձակ կը դատապարտեն կուսակրօն կրօնաւորութիւնը, և առաւելն աշխարհի փորձերէն և փորձանքներէն անցնողներու միայն կը ներեն այդ ուխտով կապուիլ, իբր ըրածնուն գիտակ անձեր:

Այդ մասին բնական և բանական տեսութեանց փորձառական տեղեկութիւններն ալ խառնելով՝ հետեւեալ բացատրութիւնները կրնամ աւելցնել:

Նախ և առաջ բնութեան հակառակ չեմ կարծեր՝ բնութեան բերմունքները կանոնաւորել և զսպել, ընդհակառակն անբանական կը կարծեմ մարմնոյ հաճոյքներու և հեշտանքներու և բերմունքներու անպայման հետեիլ, և կերպով մը մարմինին գերի ըլլալ, հոգւոյ գերազանցութիւնը անարգել, միտքի կանոններուն չհպատակիլ, և լաւն ու օգտակարը պարզապէս նիւթայնակոնութեամբ չափել: Ամէն կրօնք, ամէն օրէնք իրենց համար զրկումի դրութիւն մը ունին, և այդ դրութեան վրայ կը հաստատեն իրենց վսեմութիւնը: Մանրամասնութիւնք ընդհանրապէս ծանօթ են և պարզելու պէտք չեմ տեսնար: Այս սկզբունքով բնաւ անտեղի և անբնական չկրնար ըսուիլ որ ոմանք ինքզինքնին մարմնական հեշտանքներէ զրկել ուզեն, և կուսակրօն կենցաղի հետեին:

Սակայն դիտել կը արուի, թէ զրկումի յանձնառուն պէտք է որ ինչէ զրկուիլը լաւ գիտնայ, ինչ որ չ'արդարանար նորահաս պատանիներու և երիտասարդներու ուխտադրութեան մէջ: Այդ մասին փորձառութենէ քաղած պատասխանս է, թէ շատ աւելի դիւրին է կիսովի տեղեկութեամբ կատարուած որոշումը, քան թէ ամէն պարագաներու ծանօթութեամբ և գործադրական հմտութեամբ տրուածը: Յայտնի և վկայուած իրողութիւն մըն է թէ աւելի անժոյժ են այրիներ և ապօրէն կենակցութեանց հետեւողներ, քան թէ սկիզբէն մարմնական գործերէ հեռու մնա-



ցածներ: Մարդը ունակական կենդանի ըստւած է, և ամէն ճիւղի մէջ ունակութիւն ունեցողներ ունակութենէ հեռանալու կը դժուարանան, և մինչև որ ծանր վախ մը կամ վերահաս վտանգ մը զիրենք չստիպէ՝ ունակութենէն չեն հրաժարիր: Այդ կէտը կը ճշմարտուի նոյնիսկ աւելորդ և պատահական ունակութեանց հետեւողներու վրայ, ինչպէս են ծխողներ ու խմողներ. հարկաւ աւելի պիտի ծանրանայ բնական ունակութեանց վրայ: Հետեւապէս ո՛չ միայն անտեղի չեմ նկատեր նորահասներու ուխտագրութիւնը, այլև իրենց դիւրութիւն մը ընծայուած կը կարծեմ, երբ որ պաշտօնական և օրինական դարձած կենցաղի մը պայմաններուն թեթեւութեան կը պատրաստուի: Ամուրի եկեղեցականութիւնը, ինչ ալ ըլլայ անոր ծագումն ու զարգացումը, այլեւ օրինական պահանջի կարգ անցած է, և կրօնական ընկերականութեան մէջ այդ ընթացքին հետեւողներու պէտք կայ. լաւագոյն է այսպիսիներուն յանձնառութիւնը դիւրացնել, քան թէ դժուարացնել:

Խնդիրը ամփոփենք ուխտին մշտնջենաւորութեան վրայ: Ինչ ալ ըլլայ ոմանց տեսութիւնն ու նախապաշարեալ կարծիքը, և խստակրօններու սկզբունքը, ես իմ մասին երբեք անդարմանելի մարդկային գործ մը չեմ ընդունիր, միշտ կարգ ու կանոնի մը և օրինական պահանջներու պատկառ մնալով: Ըստ այսմ ուխտի մշտնջենաւորութիւնն ալ կ'իմանամ իբր ցնոր տնօրէնութիւն, այսինքն ցորչափ իրաց վիճակը, ուխտագիրին դիրքը, էական պայմաններու ձեւը փոխուած չէ: Մարդ չի կրնար բովանդակ ապառաջն նախատեսել, և իւր կեանքին բոլոր փոփոխութիւնները գուշակել, ուստի անհրաժեշտ է որ բաց դուռ մը ունենայ իւր դիրքը և կացութիւնը փոփոխելու և նոր դիրքին յարմարելու: Ըստ այսմ բնաւ դժուարութիւն չեմ զգար և դիտողութիւն չեմ ըներ, եթէ կուսակրօնութեան նուիրեալ եկեղեցական մը իւր կոչումէն հրաժարի, բաւական է որ օրինական պայմանները յարգէ և ընդհանուր բարոյականութեան դէմ չմեղանչէ: Կարծեմ թէ այս բացայայտ վերապահութիւնս բաւական է իմ համոզումս ուղղապէս դատելու, և զիս մոլեռանդ և անխորհուրդ աւանդապահ մը չսեպելու: Իմ ծանօթներէն և սիրելիներէն եղած են կուսակրօն եկեղեցականութենէ հրաժարողներ, որոնց մասին այս պատճառով սէրս ու յարգանքս չեմ պակսեցուցած, մինչև իսկ ազ-

գահանութեան կապերու ընդունած եմ, միայն դիտողութիւն ըրած եմ անոնց որ ընդհանուր բարոյականութեան ճշգրտահեղած չեն, կամ թէ քաշքշուքներ և այլընդայլոյ պատճառանքներ ուզած են յուզել իրենց արդարացման համար: Աւելի պատուաւոր դատած եմ որ համարձակ խոստովանին և յայտնեն իրենց փոփոխուած պայմանները:

Կրնայի կուսակրօն եկեղեցականութեան պէտքին վրայ ալ խօսիլ, սակայն կը վախնամ որ նպատակէս դուրս խնդիրներու մէջ դեգերած կ'ըլլամ: Բայց գոնէ համառօտիւ միտքս յայտնած ըլլալու համար աւելցնեմ, որ նախնական եկեղեցւոյ մէջ կուսակրօնութիւնը եկեղեցականութեան պայման չէ եղած, թէպէտ կամաւոր յանձնառուն չէ մերժուած, ինչպէս Յովհաննէս և Պօղոս առաքելոց մէջ և Արիստակէս՝ մեր սուրբ հարց մէջ: Եկեղեցականութիւնը իբրև ժողովուրդի հովուութիւն ամուսնացելոց սեփական եղած է, նոյնիսկ եպիսկոպոսութեան և հայրապետութեան աստիճաններուն մէջ: Իսկ կուսակրօններ իրենց կոչումը անադարտ պահելուն համար աշխարհէ հեռու և աշխարհիկ յարաբերութիւններէ զերծ վանքերու մէջ փակուած են, իրենց նուիրական կենցաղը չվտանգելու համար: Այժմեան կուսակրօններու սովորական դարձած աշխարհի և աշխարհիկ յարաբերութեանց հետ համարձակ շփումը նախնական օրինաց և սկզբնական սովորութեանց համաձայն չէ, բայց այդ մասին յետադարձը գործադրելն ալ դիւրին չէ: Եթէ արեւելեան եկեղեցիներու մէջ պահուած ամուսնացեալ եկեղեցականութեան զարգացումը բարձրանայ, և եթէ իւր առջև աստիճաններու բարձրացման դուռերը բացուին, կուսակրօն եկեղեցականութիւնը կրնայ հետզհետէ նըլազիլ, և իւր նախնական բացառիկ և պատահական չափին վերածուիլ: Բայց այս եկեղեցւոյ բարեկարգութեան կէտ մըն է, որ աստ և այժմ մեր նպատակէն դուրս է, գուցէ առաջիկային այն ալ շօշափեմ:

Այս փոփոխութեան արդիւնքն է, որ անոնք որոնք համարձակ խոստովանին և յայտնեն իրենց փոփոխուած պայմանները, անոնք որոնք համարձակ խոստովանին և յայտնեն իրենց փոփոխուած պայմանները, անոնք որոնք համարձակ խոստովանին և յայտնեն իրենց փոփոխուած պայմանները:

Ի

Դաճակոս, 1917 դեկտեմբեր 15/28 Ուր.

Զարտուղութիւնը փակելով կը դառնամ իմ կրօնաւորական կեանքիս՝ մինչև քահանայական ձեռնադրութիւնը, որ 1858 յուլիսուարէն մինչև 1863 օգոստոս հինգուկէս տարուան միջոց մը կը պարունակէ: Ընդհանուր կերպով համալսարանական աշակերտութեան միջոց մը եղած է այն, վանական շրջանակին մէջ պաշտօնավարութեանց հետ խառն:

Կրօնաւորական ուխտադրութենէն վերջ սկսայ վանքին մօտ եղող Վատիկանեան դպրանոցը յաճախել, լատիներէնի ուսումը զօրացնելու ճարտասանութեան դասարանին մէջ, մինչև դպրոցական տարւոյն լրումը: Իսկ 1858 նոյեմբերէն անցայ հռովմէական դպրանոցին Ս. Ապողինարի եկեղեցւոյն յարակից հաստատութիւնը, որ եկեղեցական ուսմանց կատարեալ ընթացք և ծրարագիր ունէր համալսարանական արտօնութիւններով: Այդ հաստատութիւնը բնիկ հռովմէական կղերին օրրանն ու կեդրոնն է, և անկէ կ'ելլեն պապական պաշտօնատանց անդամները և հետզհետէ եպիսկոպոսութեան և կարտինալութեան կը բարձրանան, եւ շատ առաւելութիւններ ունի զանազան ազգերէ եղող աշակերտութեանց սահմանուած վարժարաններուն վրայ, որոց գլխաւորն է Փրոփականտայի դպրանոցը առաւելապէս արեւելցի աշակերտներով կազմուած: Ս. Ապողինարի հաստատութեան բարձր ընթացքը կը պարունակէ երկու տարի փիլիսոփայութիւն, չորս տարի աստուածաբանութիւն, և երեք տարի իրաւագիտութիւն: Իմաստասիրութեան դասերուն հետեւեցայ 1858-59 և 1859-60 դպրոցական տարիներու մէջ, երկու տարիներուն վերջն ալ մըրցման քննութեանց մասնակցելով մրցանակներ ստացայ, պսակաւորի և արտօնաւորի և մագիստրոսի աստիճաններն ալ քննութեամբ շահեցայ, և 1860 օգոստոս 31/12 սեպտեմբերին մագիստրոսի արարողական օրհնութիւնն ալ ստացայ:

Աստուածաբանութեան ճիւղին սկսայ հետեւիլ 1860 նոյեմբերի սկիզբէն, և երրորդ տարին լրացուցած էի երբ քահանայական ձեռնադրութիւն ստացայ: Առաջին տարւոյն վերջը և երկրորդ տարւոյն առաջին ամիսները պարբերական և երկարատև տենդով հիւանդացած ըլլալով, այդ երկու տարիներու մրցման քննութեանց չկրցայ մասնակցիլ, բայց երրորդ տարին չորս դասերուն ալ առաջին մրցանակները ստացայ 1863 օգոստոս 30|11 սեպտեմբերին հանդիսաւոր մրցանակաբաշխութեան պահուն:

Յիշեցի թէ վանական պաշտօններ ալ կը վարէի համալսարանական ուսմանց հետեւած ժամանակս: Ըստ այսմ 1859 հոկտեմբեր 5|17ին նորընծայից դաստրանին կառավարչութեան անուանուեցայ, իբր վերակացուին կամ տեսուչին օգնական: Միւս տարին 1860 հոկտեմբեր 28|9 նոյեմբերին նոյն դաստրանի աշակերտաց դասախօսել սկսայ, կառավարչութիւնն ալ շարունակելով: Տարի մը եւս անցնելէն ետքը մատենադարանապետ անուանուեցայ, տպագիրները և գրչագիրները և դիւանական գրութիւնները պահելու և կարգադրելու յատուկ յանձնարարութեամբ, և երեք ճիւղերուն ալ հիմնական կարգ ու սարք մտցուցի, և նոր ի նորոյ ցուցակներ կազմեցի: Վանական քարտուղարութեան աշխատութիւններն ալ միանգամայն կը կատարէի. և այդ բոլոր պրազմունքներով մէկտեղ աշակերտական ընթացքը անթերի կը լրացնէի, որը երկու անգամ վանքէն իբր կէս ժամ հեռու եղող Ս. Ապողինարի հաստատութիւնը երթալով և վալով, և դասախօսութեանց ատեն ուսուցիչներուն խօսածները վերի առնելով:

Վանական կեանքի եկեղեցական և կարգապահական պարտաւորութիւններէն ալ երբեք պակաս չէի մնար, որով կատարեալ աշխատողի և բազմազբաղ կեանք մը վարած ըլլալս կը տեսնուի, զոր իբր եղելութեանց պատմութիւն կը յիշատակեմ, և ոչ թէ անձիս գովաբան ըլլալ կը դիտեմ, բաւ համարելով աշխատութեանց մէջ տոկուն երիտասարդութիւն ունեցած ըլլալս, որ կեանքիս ապագային և հասունացեալ տարիքիս գործունէութեան համար մեծ և օգտակար նշանակութիւն ունեցած է: Իբրև կենսագրական տեղեկութեանց մաս պիտի աւելցնեմ 1863 յունուար 8|20ին վիրարութեան գործողութեան մը ենթարկուիլս, մէջքիս վրայ ետեւի կողմը գտնուող և հետզհետէ աճելու վրայ եղող կունտ օտար միսը (Lipoma) հանել տալու համար, առանց նուազման

կամ անդգայական միջոց մը գործածելու: Իբրև լրման խօսք կը յայտարարեմ թէ կրօնաւորական կեանքիս պարագաներէն բնաւ երբեք ծանրութիւն զգացած չեմ:

## ԻԱ

Գաւառական, 1917 դեկտեմբեր 16/29 Շք.

Անտոնեան միաբանութեան մէջ մտադրութիւն չէր դարձուեր եկեղեցական աստիճաններէ պարբերաբար բարձրանալու, այլ ամէնքը միահաղոյն կը տրուէին քահանայական ձեռնադրութեան ատեն: Գրեթէ բացառութիւն եղաւ Նաուլեան ընկերակցիս և իմ 1860 ապրիլ 17/29ին դպրութեան չորս աստիճանները, և 1863 յունիս 16/28ին կիսասարկաւագութեան և սարկաւագութեան աստիճանները ընդունելնիս, մինչ քահանայական ձեռնադրութիւնը ստացանք 1863 օգոստոս 12/24ին: Ձեռնադրողն եղաւ միշտ Եղուարդ Հիւրմիւլեան, Շիրակայ անուանական արքեպիսկոպոսը, Վենետիոյ Մխիթարեան միաբանութենէն, հանրածանօթ հայկաբան և բանասէր, և Հռոմայ աթոռին մօտ հայածէս ձեռնադրութեանց պաշտօնեայ: Իբրև հետաքրքրական պարագայ մը յիշեմ, որ Հռոմայ աթոռին կանոնով քահանայական ձեռնադրութեան համար քսանեւչորս լրացեալ տարիներ կը պահանջուին, և մինչև տասնեւութը ամիսներու արտօնութիւն կրնայ ստացուիլ պապէն, մանաւանդ վանականաց համար: Այդ արտօնութիւնը ինծի համար ալ ստացուած էր, և օգոստոս 11/23ին ձեռնադրութիւն ընել որոշուած և Հիւրմիւլեան հրաւիրուած էր, և օրն ալ կիրակի և նոր տոմարով Վերափոխման ութերորդ օրն էր: Սակայն օրեէ կերպով վանական արձանագրութեանց մէջ ծնունդս փետրուար 12/24 նշանակուած ըլլալուն, Հիւրմիւլեան խիղճ ըրաւ քանի մը ժամ կանխել, պապական որոշումէն չզեղչելու համար, և ձեռնադրութիւնը յաջորդ երկուշաբթի օրուան յետաձգեց, որ էր Վերափոխման իններորդը: Ըստ այսմ սովորած եմ օգոստոս 12/24ը, և այժմ օգոստոս 12/25ը ձեռնադրութեանս տարելիցի օր համարել:

Յիշելու արժանի կը սեպեմ յաւելուլ թէ հռոմէադաւանները ձեռնադրութեան քառսունքի սովորութիւն չունին, բոլոր պատարաստութիւններ կանխաւ կը կատարուին, և ձեռնադրութենէն առաջ շաբաթ մը ընծայեալներ հոգեւոր առանձնութեան կը մըտնեն: Այսպէս եղաւ ինծի համար ալ, և ձեռնադրութեան յաջորդօրը, օգոստոս 13/25ին առաջին պատարագը մատուցի վանքին եկեղեցւոյն աւագ սեղանը, Յովակիմայ և Աննայի երեքշաբթի օրը:

Ձեռնադրութեանս օրէն մինչև առաջին անգամ վանքէն մեկնիլս, 1863 օգոստոսէն մինչև 1866 յունուար, կեանքիս համար նոր ժամանակամիջոց կամ նոր հանգրուան մը կը կազմէ, որ է երկուքուկէս տարւոյ տեւողութիւն: Ամբողջ այդ միջոցին մէջ համալսարանական աշակերտութիւնը շարունակեցի, վանական պաշտօնները աւելի ընդարձակուելով: Դպրոցական տարւոյ վերսկսման առթիւ 1863 նոյեմբերէն աստուածաբանութեան չորրորդ տարւոյ ընթացքը սկսայ և շարունակեցի մինչև 1864 օգոստոս, բայց վերջնական քննութիւնը և մագիստրոսութեան աստիճանի բարձրացումը յաջորդ 1865 տարւոյ թողուեցաւ, թէպէտ 1864 նոյեմբերէն իրաւագիտութեան ընթացքը սկսայ:

Հռոմի դպրոցներուն յատուկ սովորութիւն է՝ շատ յաջող աշակերտներու մագիստրոսութեան (Doctorat) քննութիւնը փոխանակ դպրոցական շրջանակի մէջ ուսուցչաց համախմբութեան առջև կատարելու, եկեղեցւոյ մէջ հրապարակաւ և հանդիսական պայմաններով կատարել՝ կարտինայի մը և երբեմն նոյնիսկ պապի ներկայութեամբ և հովանաւորութեամբ: Աստուածաբանական ուսուցչաց խումբը յարմար դատեց զիս այդ բացառիկ ձեւին հրաւիրել, և վանական վարչութիւնն ալ սիրով հաճեցաւ, թէպէտ բացառիկ ծախքերու դուռ կը բացուէր հանդիսական պահանջներու պատճառով: Իբր 150-200 նախադասութիւններ կ'որոշուին և կը տպագրուին, որոց դէմ հմուտ եպիսկոպոսներ առարկութիւններ պիտի ընեն, և քննելին նոյնհետայն հերքումն ու բացատրութիւնը պիտի տայ լատիներէն լեզուով, ուսուցչաց խումբը արժանիքը պիտի դատէ, և հրապարակային ունկնդրութիւնը իւր մտայնութիւնը պիտի յայտնէ: Իմ կատարելիք հրապարակային քննութիւնը (Atto Pubblico) Պիոս Թ. պապ հաճեցաւ իւր հովանաւորութեան ներքև ընդունիլ և իւր ներկայութիւնը

խոստանալ, օրը 1865 ամառուան թողուեցաւ, և ըստ այնմ պատ-  
րաստութիւնները սկսան, թէ ուսումնական մասին և թէ Ս. Ա-  
պողինարի եկեղեցւոյն զարդարանքին համար:

Հանդիսական քննութիւնը տեղի ունեցաւ 1865 մայիս 27|8  
յունիսին, հինգշաբթի օր, իսկ Պիոս պապ Թ. ինքզինքը տկար  
զգալով, իւր կողմէն Յակոբոս Անթոնէլլի (Antonelli) կարտինա-  
լը, իւր արտաքին գործոց նախարարը, իբր յատուկ նուիրակ  
(Legatus a latere) նշանակած էր, թէպէտ պապական գահը ա-  
ւագ սեղանին կողմը կը բարձրանար Ս. Ապողինարի եկեղեցւոյն  
մէջ: Ունկնդրութիւնը խառն էր, զի ոչ միայն պարագայն բա-  
ցառիկ էր, այլեւ արեւելցիի մը այդ դերին մէջ գտնուած ըլլալը  
նախընթաց չուէր: Ներկայից մէջ աչքառու էր օսմանեան սպարա-  
պետ (սեքսարը եփեալ) էօմէր բաշայի ներկայութիւնը, որ օդա-  
փոխութեան համար Հոռոմ գտնուելով, ուզած էր իւր հետեւորդ-  
ներով և մեծ համազգեստով օսմանեան հպատակի մը յաջողութիւնը  
պատուի: Մագիստրոսութեան աստիճանին ուրիշ պահանջներն  
ալ լրացուած ըլլալով և լրացուելով 1865 օգոստոս 22|3 սեպ-  
տեմբերին պաշտօնական և ծիսական օրհնութիւնն ալ ստացայ ըստ  
սովորութեան: Միեւնոյն միջոցին իրաւագիտութեան շրջանին  
առաջին տարին լրացուցած էի, և 1865 նոյեմբերին երկրորդ  
ընթացքին ձեռնարկեցի: Միեւնոյն ատեն Հոռոմի Աստուածաբա-  
նական կաճառին (Academia Theologica) անդամակցութեան ար-  
ձանագրուեցայ 1865 յունիս 23|4 յուլիսին, որուն մէջ միջոց մը  
կանոնական պայմանները լրացնելէն և յաջողելէն ետքը կաճա-  
ռորդ անցնելու իրաւունք կը ստացուի:

Պաշտօնական զբաղումներուն անցնելով՝ նախընթաց միջո-  
ցին մէջ ունեցած պաշտօններս այդ միջոցին մէջ ալ շարունա-  
կեցի. 1864 փետրուար 21|4 մարտին նորընծայից դասարանին  
կառավարչութենէն վերակացութեան կամ տեսչութեան բարձրա-  
ցայ, և 1865 հոկտեմբեր 28|9 նոյեմբերի Փրոփականտայի դըպ-  
րանոցին մէջ հայերէն լեզուի ուսուցիչ նշանակուեցայ, վանական  
վարժարանին մէջ դասատուութեանց ժամերը հեազհետէ շատ-  
ցան, միջոց մը մատակարարութեան պաշտօնն ալ վարեցի, շա-  
րունակելով մատենադարանապետութեան և քարտուղարութեան  
և հաշուակալութեան պաշտօնները:

Արտաքին զբաղումներուս յիշատակները քիչ մը ընդարձակ-

ուեցան, հետաքրքրական պարագաներու պատճառով և կամայ  
ակամայ կենսագրական տապարէզը սահելով: Ներքին զգացում-  
ներուս մասին նորութիւններ չունիմ աւելցնելու. այն անկեղծ  
տենչն ու փոյթը որով կրօնաւորութեան փարեցայ, քահանա-  
յութենէս ետքն ալ ինչ անբաժին մնաց. հանապազօրեայ թիւ  
պատարապի մատուցումը, և ժամերգութեանց օրական պատշա-  
ճին մասամբ միաբանութեամբ և մասամբ առանձնակի լրացումը  
անթերի և սիրով կատարած ըլլալս համարձակ կրնամ յայտարա-  
րել: Մէկ կողմէն անխարդախ կանոնապահութեան խղճմտօրէն  
հետեւած եմ, և միւս կողմէն կառավարչութեան և վերակացու-  
թեան պաշտօններուս մէջ աշակերտաց թելադրել աշխատած եմ,  
և կարծեմ թէ վանական շրջանակին մէջ վարած պաշտօններս և  
ընկերակիցներուս վրայ նախադասուիլս իրաւունք ունիմ իբրև  
իմ մասին բարի վկայութիւն համարել: Եւ այսչափ բուական  
ըլլայ քահանայական և կրօնաւորական կոչումներուս մասին:

ԻԲ

Դաւնակոս, 1917 յելիսեւբեր 17/30 Կիր.

Հոռմայ վանքը մտած օրէս տասնուհինգ տարին լրանալու  
մօտ էր, և ես վանքէն բնաւ հեռացած չէի, և թէ հաշիւի չառ-  
նենք ամառուան մեծ արձակուրդներուն բոլոր միաբանութեամբ  
մերձակայ գիւղերը օգտփոխութեան երթալնիս: Վերջին տարի-  
ներուն մէջ նշանաւոր փոփոխութիւններ տեղի ունեցած էին Ան-  
տոնեան միաբանութեան մէջ, եռամեայ պայմանաժամով ընտ-  
րուած արբահայրութիւնը ցկեանս պաշտօնավարութեան փոխուած  
էր, և վերջին ընտրուած արբահայրը Սուքիաս Գազանձեան Ան-  
տիոքայ թեմակալութեամբ եպիսկոպոս ձեռնադրուած, և Լիբա-  
նանէ Կ. Պոլիս եկած էր: Հոռմէադաւան հայ հասարակութեան  
երկու հոգեւոր իշխանութեանց, Լիբանանի կաթողիկոսութեան  
եւ Կ. Պոլսոյ նախագահ արքեպիսկոպոսութեան միջեւ հաշտու-  
թեան և միացման գաղտփարը ծագած, և Գազանձեան ալ բա-



նակցելու պաշտօն ստացած էր: Այդ պարագաներէն ազդուած և հօրս ալ իր զաւակը տեսնելու թախանձանքներէն յորդորուած, արբահայրը զիս իր մօտ ունենալ կ'որոշէ եւ ըստ այնմ հրաման կ'արձակէ: Վանահայրը վանական պաշտօններու պէտքը, եւ ես իրաւագլխութեան ընթացքը լրացնելու պատճառը յառաջ բերելով, հրամանին փոփոխութիւնը կը խնդրենք, սակայն հարկ կ'ըլլայ մեծաւորին կրկին հրամանին հպատակիլ, եւ 1866 յունուար 19/31ին վանքէն և Հռոմէ կը մեկնիմ Կ. Պոլիս դառնալու համար:

Իբրև հոգեւորական պաշտօնով ճամբորդող մը ձրի շոգենաւի դրութիւնը վայելելու համար, հարկ կ'ըլլայ Անքոնայի ճանպան նախագասել, սակայն օրերու անյարմարութեան պատճառով կը պարտաւորուիմ Թրիէսթ անցնիլ, եւ մնալ Վիէննայի Մխիթարեան վարժարանը, և սպասելու օրերէն օգտուելով Վենետիկի Ս. Ղազար վանքն ալ կ'այցելեմ յունուար 26/7 փետրուարին, և Թրիէստ դառնալով եւ անտի նաւելով Կ. Պոլիս կը հասնիմ փետրուար 5/17ին, եւ ուղիղ կուգամ մեր տունը, Գատըքէօյ, Գուշտիլի փողոց, Հ. Անտոն Զօհրապեանի առաջնորդութեամբ: Հետաքրքրական պարագայ մըն էր երեք քոյրեր գտնել տունին մէջ, որոնք իմ մեկնելէն ետքը աշխարհ եկած էին, Եւգինէ 1852 յուլիս 31ին, Կուսիկ 1858 փետրուար 12ին, և Ագապի 1861 յուլիս 11ին ծնած, իսկ թողած եղբայրներէս Սերովբէ վախճանած էր 1859 յուլիս 15ին, Բերայի տուներնիս ալ այրած էր 1855 յուլիս 20ին, եւ հայրս 1857 մարտ 6ին Գատըքէօյի նոր տունին շինութեան ձեռնարկած էր:

Նոր ասպարէզ կը բացուէր առջևս Կ. Պոլիս գալովս, զի Անտոնեանց միաբանական ընդհանուր գործառնութեանց հետ հայ կաթողիկ հասարակութեան հանրային գործերուն ալ կը սկսէի միջամտել արբահօր քարտուղարութեան պաշտօնով, որուն կը կոչուէի հասնելէս երեք օր ետքը՝ փետրուար 8ին: Միաբանութեան գործերը ընդհանուր վարչութեան հետ Փրոփականտայի հետ վէճի ասպարէզ բացած էին, իբր զի ոչ միայն անվաւեր կը համարէր արբահայրական պաշտօնին տեւողութեան փոփոխութիւնը և թեմակալ եպիսկոպոսութեան հետ կցուիլը, այլև միաբանութիւնը իբրև ըմբօստ կը համարէր և կը յանդիմանէր: Հասարակութեան գործերն ալ նոր երեւոյթ առած էին Լիբանանի կաթողիկոս Գրիգոր Պետրոս Ը. Աստուածատուրեանի նոյն օրեր

հանդիպած մահուամբը, նախագահ արքեպիսկոպոս Անտոն Հասունեանի կաթողիկոսութիւնը ձեռք անցունելու ճիգերովը, եւ Հռոմի պապութեան կողմէն կաթողիկոսութեան վայելած ազատութիւնները և իրաւասութիւնները ջնջելու կամ սեղմելու մշտադրութեամբը: Այս պարագաներուն պիտի աւելցուին կաթողիկոսական տեղապահութեան եւ նոր ընտրութեան շուրջը դարձուած խաղերը, որոնք սոյն գրուածիս նպատակէն դուրս կը մնան:

Ինչ որ ինծի անձնապէս կը պատկանի, այն չարաչար և բազմակողմանի աշխատութիւնն է, զոր այս խնդիրներուն մէջ ունեցայ իբրև գրիչ և գործիչ, և իբրև պատգամաւոր և բանակցող, արքեպիսկոպոս Գազանձեանի ձեռաց ներքև, որ նշանաւոր դեր ստանձնած էր միաբանութեան գործը պաշտպանելու, և Փրոփականտայի ու Հասունի ձգտումներուն դիմադրելու և հասարակութեան դիրքը պահպանելու: Գազանձեան չէր դադարեր նամակներով, տեղեկագիրներով և ծանուցագիրներով իւր դիտումները պաշտպանել, բանակցութիւններով և թելադրութիւններով համակիրներ աւելցնել, և այս ձեռնարկներուն գրողն ու գործիքը ես էի, ուսկից կը խոստովանիմ գործունէութեան օգուտներ չահած ըլլալս, անդուլ անդադար աշխատութեանս փոխարէն: Երբոր Փրոփականտայի ոյժը և Հասունեանի ջանքը սկսան գերակշիռ դառնալ, Գազանձեան ղգուչացաւ պաշտօնական միջամտութիւն և մասնակցութիւն ունենալէ, ուստի ո՛չ Լիբանան 1866ին գումարուած ընտրողական ժողովին գնաց, ուր կաթողիկոսարանի եպիսկոպոսներ ստիպման ներքև Հասունեանը կաթողիկոս ընտրեցին և Կ. Պոլսոյ աթոռին հետ միացումը որոշեցին, և ո՛չ ալ պապական հաստատութեան յապաղմամբ 1869ի Հռոմի մէջ կատարուած Պետրոսի և Պօղոսի նահատակութեան հարիւրամեակի հանդէսներուն մասնակցելու համար եպիսկոպոսներու ուղղուած հրաւերին անսալով Հռոմ գնաց, նախատեսելով Փրոփականտայի և Հասունեանի նպատակներուն այս առիթով պաշտօնական ձեւ տրուելը, ինչպէս որ տեղի ունեցաւ Ռեվերտուրուս կոնդակին հրատարակութեամբ և պապին ներկայութեամբ խլուած լռելեայն համակերպութեամբ: Գրութեանս առաջին յօդուածներուն մէջ յիշեցի այս անցուդարձերուն իմ վրայ ըրած տխուր ազդեցութիւնը և հոմէագաւան եկեղեցւոյն հանդէպ զգացած ցրտ-

տութիւնս, չըսեմ դայթակղութիւնս, և հարկ չեմ տեսներ կըրծ  
կին անգամ բացատրութեանց մտնել:

Հասունեան Հռոմայ մէջ կաթողիկոս հռչակուած և յաղթուած  
նակով Կ. Պոլիս դարձած, իւր դահակալութեան հանդէսին մաս-  
նակցութենէն պրկեց Քաղանձեանը, Վերափոխման տօնի օրը հա-  
կառակ իմ Քաղանձեանի կողմէն դիմումիս, որուն մօտէն յա-  
ջորդեց Քաղանձեանի Հռոմ դատաստանի կոչուիլը, և հարկ եղաւ  
հպատակիլ և մեկնումը տեղի ունեցաւ 1867 սեպտեմբեր 20|2  
հոկտեմբերին, ես ալ միասին: Ըստ այսմ իմ առաջին անգամ Կ.  
Պոլիս գանուիլս իբրեւ քսան ամիս տեւեց: Այդ միջոցին անձ-  
նական յիշատակներէս մէկն է 1867 մարտ 12ին, Անառակի կի-  
րակիին օրը, առաջին անգամ քարոզելս Բերայի Ս. Յովհան Ոս-  
կեբերան եկեղեցին, նիւթ առնելով Շնորհաց յարգը ճանչնալը,  
որ Անառակին սայթաքելուն և վերականգնելուն պատճառ եւ  
դաժ էր փոխադարձաբար: Քաղանձեան աշխատած էր Անտոն-  
եան վարժարան մը բանալ Թագսիմ թաղարտժինը, Տիւղեանց  
սեփականութիւն Շիշլի փողոցի լքեալ շէնքին մէջ, որ և բաց-  
ուեցաւ 1867 յունիս 5ին, և ես անոր մէջ փոխ տեսչութեան և  
ուսուցչութեան պաշտօնները ստանձնեցի:

Եղելութիւնները յառաջ բերի իրենց ցամաք մերկութեան  
մէջ, սակայն զգացումներն են որ դիպուածները կը հոգեւորեն  
Իմ զգացումները այդ ժամանակամիջոցին մէջ մեծ փոփոխու-  
թիւններ ստացան, վանական անձուկ շրջանակէն և ուսումնա-  
կան վերացեալ պարունակէն դուրս ելլելով հանրային և իրաւա-  
սական միտքեր զարթուցին, դրական և դործնական ասպարէզ  
դտան, և թէպէտ հայկաթողիկութեան սեղմ սահմաններով փա-  
կուած, սակայն սկզբունքներու սերմերը ընձեռեցին, և տակաւ  
աճելու ճանպան դիւրացուցին: Կրնամ համարձակ յայտարարել  
թէ ապագայ դործունէութեան հիմերը այդ ժամանակամիջոցին  
մէջ դրուեցան, և հռոմէադաւանութեան հանդէպ զգացած տեւ-  
սական երկմտութիւնը գործնականի և իրականի սկսաւ վերած-  
ուիլ: Իսկ անհատական բարոյականս այդ փոփոխութեամբ բուն  
մը չտուժեց: Վարուց կանոնաւորութեան, կրօնաւորական կար-  
գապահութեան, եկեղեցադիտական կենցաղագիտութեան, և օ-  
րինական հնազանդութեան կէտերը կարծես աւելի ամրացան,  
իբրև պաշտպանողական զէնքեր անիրաւ պայքարներու և խարձ

դախ անցուղարձերու դէմ, որոնց առաջին փորձառութիւնը կը ստանայի աշակերտական և վանական հանդարտ և երկիւղած կեանքէն ելնելով:

## ԻԳ

Իստանբուլ, 1917 թիւ 18/31 ԲՂ.

Հռոմի կոչը և յուզուելիք խնդիրը մեծ կարեւորութիւն ունէր, ուստի գործը միայն Գազանձեան արքահօր ձեռք չթողու և միաբանական համաձայնութեամբ վարելու համար յատուկ յանձնաժողով մը կազմուեցաւ, Կ. Պոլիս գտնուող միաբաններէն որոշուեցան Հ. Եղիշէ Թէոդոսեան և Հ. Ստեփանոս Սարեան. Լիբանանէ պիտի գար Հ. Ռափայէլ Միասէրեան և Հռոմէ պիտի ընկերանար Հ. Սերովբէ Հանրմեան վանահայր. Գազանձեան պիտի նախագահէր և ես տտենադպիրի պաշտօնը պիտի վարէի: Աբբահայր և երկու վարդապետներ և ես Կ. Պոլիսէ մեկնեցանք 1867 սեպտեմբեր 20/2 հոկտեմբերին, և այն միջոցին ճարակող գուլէրա տխտին և Հռոմի մէջ ծագած քաղաքական շփոթութեանց պատճառով շիտակ Մարսիլիա (Marseille) ուղղուեցանք, ահագին ալէկոծութիւն մըն ալ կրելով Պոնիֆաչիօ (Bonifacio) նեղուցին առջև: Մարսիլիա սպասելու պարտաւորուած ըլլալով Փարիզ (Paris) ալ անցանք հոկտեմբեր 2/14ին, և քանի մը օր մեծ արուեստահանդէսը այցելելով, դարձեալ Մարսիլիայէ նաւեցինք, Լիվորնոյի (Livorno) մէջ Միասէրեանն ալ գտնելով հոկտեմբեր 15/27ին Հռոմ հասանք, և տիրող շփոթութեանց պատճառով պանդոկ մը դիչերելով, միւս օր վանք մտանք: Գաղղիական բանակին հասնելովը խաղաղութիւնը վերահաստատուեցաւ, և մենք գործի ձեռնարկեցինք:

Փրոփականտայի վարչութիւնը ամբաստանութեանց և պահանջից երկար ցուցակ մը հաղորդեց, որոնք ցրելու և պատշաճ բացատրութիւններ տալու և ներկայելու համար բազմաթիւ և ընդարձակ գրութեանց պէտք եղաւ, որոց խմբագրութիւնը ինծի կը պատկանէր

Հ. Դաւիթ Չրաճեանի ընկերակցութեամբ: Միանգամայն պէտք էր Փրոփականտայի խորհրդականները և պաշտօնեաները լուսաբանել, կարեւոր անձերը շահիլ, պաշտպանութեան միջնորդներ ճարել, և այդ աշխատութիւններն ալ դարձեալ Չրաճեանի և իմ վրայ կը ծանրանային, միաբանութեան դատը վարող յանձնաժողովին թելադրութեանց և որոշմանց համաձայն:

Այդ պաշտօնական գործունէութեան հետ, անձնական աշխատութեանց ալ ձեռնարկեցի, իրաւագլխութեան ընթացքին երրորդ տարւոյ դասերուն կը հետեւէի, Աստուածաբանական կաճառին կաճառորդութեան պէտք եղած քննութիւնները կը շարունակէի, Փրոփականտայի դպրանոցին հայերէնի ուսուցչութիւնը վերստանձնած էի, վանական վարժարանին մէջ զանազան նիւթերու դասատուութիւնը կը կատարէի, աբբահօր և վանքին քարտուղարութիւնն ալ կը վարէի:

Մինչ այս մինչ այն ընդհանուր շփոթ մը կը ծագէր Կ. Պոլսոյ հայկաթուղիկ հասարակութեան մէջ, երբոր Հասունեան Հռոմի պապութենէն արձակուած Ռեվերտառուս կոնդակը, և օսմ. կառավարութենէն գաղտնի միջոցներով խլուած ազգապետ-պատրիարքութեան հրովարտակը կը հրատարակէր: Հասարակութիւնը կը բողոքէր, կառավարութիւնը կը միջամտէր, քննութիւններ կը բացուէին, պապութիւնն ալ ազգապետութեան խնդիրը վրայէն կը թօթափէր, պապութեան և կայսերութեան մէջ բանակցութիւններ կը սկսէին, Աղեքսանդր Ֆրանգի արքեպիսկոպոս եւ Յովսէփ Վալէրկա պատրիարք Կ. Պոլիս կը յղուէին իբրեւ բանագնաց, հասարակութիւնը քաջալերուած իւր բողոքները կը սաստկացնէր թէ՛ Բարձրգրան և թէ՛ Հռոմի առջև, և Հասունեան ալ մէջէն ելլելու վարանմանց կը մատնուէր: Պարագայն նպաստաւոր էր Անտոնեանց, ուստի գործունէութեան նոր ճիւղ մը կը բացուէր Հռոմի մէջ գործող յանձնաժողովին, և Հասունեանի դէմ ամբաստանութիւններու, վերջին դէպքերու մասին տեղեկագիրներու, և հին ու նոր գործերու մասին ծանուցագիրներու տարափ մը կը տեղացնէին Փրոփականտայի վարչութեան վրայ, հատորաւոր գրութեանց աշխատութիւն մը, որուն դարձեալ ես եւ Չրաճեան էինք խմբագրողները և թարգմանողները: Ահա՛ ամբողջ տարուան մը կացութեան և աշխատութեանց ստուերազիծը, առանց մանրամասնութիւններով զրուածս ծանրաբեռնել ուզելու:

Այդ զբաղումներ չարգիլեցին անձնական ձեռնարկներս ալ, իրաւագիտական ընթացքին քննութիւններն ալ տուի, պապական յատուկ արտօնութեամբ երկրորդ տարւոյ եռամսեայ թերի դասառութիւնը իբր ամբողջ տարեկան ընդունուելու շնորհիւ, որով 1868 օգոստոս 20|1 սեպտեմբերին եկեղեցական իրաւագիտութեան մագիստրոսի աստիճանն ու օրհնութիւնը ստացայ, և երեք ճիւղերու՝ իմաստասիրութեան և աստուածաբանութեան և եկեղեցական իրաւագիտութեան միանգամայն մագիստրոս (Philosophiae, theologiae et Juris Canonici Doctor) հռչակուեցայ: Միեւնոյն 1868 տարւոյ օգոստոս 23|4 սեպտեմբերին կաճառին վերջնական քննութիւնը կատարեցի եւ քննիչ կաճառորդներու միաձայն քուէով կաճառորդ (Academicus) ընդունուեցայ:

Իսկ Անտոնեանց խնդիրներուն վերջնական որոշման մասին, Փրոփականտայի մեծ ժողովը հերքումներու եւ բացատրութիւններու յատակութենէն ազդուած, և Կ. Պոլսոյ մէջ ծագած շփոթներէն շուարած, և Հասունեանի իրեն տրուած հրահանգներէն անդին անցնելով թիւրիմացութեանց և խառնակութեանց տեղի տալէն դայթակղած, վճռական որոշումը ի կախ թողուց, և Անտոնեանները արտօնեց կատարուած փոփոխութեանց համաձայն շարունակել մինչև միաբանական կանոնագիրին լիով վերաքննութիւնը, ինչ որ Անտոնեանները արդարացնել և փոփոխութիւններուն հաւանիլ ըսել կ'ըլլար: Հասարակութեան մէջ ծագած խրդիրներն ալ ուսումնասիրելու և կանոնաւոր տեսութիւններ ներկայելու համար հրամայեց բոլոր հայ կաթողիկեպիսկոպոսաց ժողով մը գումարել Կ. Պոլսոյ մէջ, և ծրագիրը իրեն ներկայել ի քննութիւն և ի հաստատութիւն: Գազանձեան և ընկերներն ալ արտօնուեցան պատուով Կ. Պոլիս դառնալ, նոր կանոնագիրի ծրագիրը կազմել, և հաւաքուելիք եպիսկոպոսական ժողովին մասնակցիլ և աշխատակցիլ: Ըստ այսմ միաբանական դատը վարող յանձնաժողովը 1868 հոկտեմբեր 17|29ին Հռոմէ ուղեւորեցաւ Նէապոլսոյ (Napoli) ճանպով Կ. Պոլիս դառնալու, և 1867 հոկտեմբեր 16|28 էն օրը օրին տարի մը Հռոմ մնալէ և աշխատելէ ետքը:

Այս տեղ ներուի ինձի հետաքրքրական զարտուղութիւն մը աւելցնել: Եղբայրս Վիչէն 1863 սեպտեմբեր 19|1 հոկտեմբերին Կ. Պոլիսէ մեկնած և Հռոմ եկած էր բժշկական ուսմանց հետեւելու համար, իսկ վերջին 1868 տարւոյ մեծ արձակուրդին առթիւ Կ.

Պոլիս դարձած էր, և նոյեմբերին դասերը շարունակելու համար Հոռմ գալու կը պատրաստուէր երբ մենք Հոռմէ կը մեկնէինք: Իրար տեսնելու ժամադրութիւն մը չկրնալով որոշել, բախտին թողուցիր էինք այդ փափաքը: Գազանձեան Հոռմի մէջ շատ մը ծանրաբեռն հկեղեցական զարդեր պատրաստել տուած էր, Բերայի Անտոնեան վարժարանին մէջ շնորհքով մատուռ մը կազմելու համար, որոնք միասին պիտի տանէինք: Նէապոլիսէ Մեսինա (Messina) մեկնող շոգենաւին օրը կարասին հասած չէր, հարկ եղաւ որ ես Նէապոլիս մնամ երբ ուրիշներ գէպի Մեսինա կը մեկնէին: Անոնց հասնելուն միւս օրը Վիչէն ալ Կ. Պոլիսէ կը հասնի, և Անտոնեանց հոն ըլլալը իմանալով կը կարծէ եղբայրը տեսնել, բայց յուսախար կը մնայ: Ես գործերը լրացուցած և Նէապոլիսէ մեկնելու հետագրած էի, բայց զիս բերող շոգենաւը Վիչէն տանող շոգենաւէն երկու ժամ ետքը պիտի հասնէր, ուստի յուսահատ իւր շոգենաւը կը դառնայ: Բախտը այնպէս կը բերէ, որ զիս բերող շոգենաւը կը կանխէ, Վիչէն տեսածին պէս նաւապետի հաւանութեամբ ինծի կուգայ, և գրեթէ մազլցելով վեր կ'ելլէ, բայց իւր շոգենաւը կը սուլէր, ուստի հազիւ ողջագուրուելով և քանի մը խօսք փոխանակելով կը դառնայ և շոգենաւը կը մեկնի: Երկու քներնուս ալ առաջին նամակները Երմզ եր թի իրաւ եր խօսքերով կը սկսէին:

Պատահարը վիպական բնութիւն ունենալուն վրաս ապաւորուած թիւն գործած էր, և իբրև հետաքրքրական դիպուած այս տեղ ալ յիշելու յորդորուեցայ:

ԻԴ

Դանասկոս, 1917 դեկտ. 19/1 յունուար 1918 ԳՂՂ

Հոռմէ գործող խումբին հետ Կ. Պոլիս հասայ 1868 հոկտ. 25/6 նոյ.ին և Կ. Պոլսոյ մէջ վարած առաջին կեանքիս շարունակութիւնը ձեռք առի, այնինքն է՝ արբանջօր քարտուղարութիւն և Անտոնեան վարժարանի մէջ պաշտօնավարութիւն: Մեր աջողութեամբ Հոռմէ դարձը և Հասունեանին Հոռմի կողմէ դի-

տողութեանց ենթարկուելը դէպ առ մեզ նպաստաւոր ազդեցութիւն գործած էր Հասունեանի անձին և իրեն շրջանակին վրայ: Հռոմէ հրամայուած եպիսկոպոսական ժողովին նախապատրաստութեանց ձեռնարկուած էր, և յատուկ յանձնաժողովներ կազմուած էին՝ դաւանական, կանոնական, ծիսական և ժողովին կազմակերպական կէտերը ուսումնասիրելու և ծրագիրներ պատրաստելու, որոնց մէջ ընդարձակ մասնակցութիւն տրուած էր Անտոնեան և Մխիթարեան վարդապետներու, և զիս ալ անմիջապէս նոյ. 13ին չորս յանձնաժողովներու միանգամայն անդամակցութեան կոչեցին: Աշխատութենէ չփախչելու իմ սովորական ընթացքս, և նախապատրաստութեանց մէջ մեր տեսութեանց գերակշռութիւն տալու համար մերայնոց յորդորները, մղեցին զիս կարևոր աշխատութեանց մէջ ընդարձակ բաժին ըստանձնելու, թէ՛ գումարմանց անպակաս ներկայութեամբ և թէ՛ գրաւոր աշխատութեանց, ուսումնասիրութեանց և հետազօտութեանց յօժարակամ յանձնառութեամբ, յաճախ քունի հանգիստն ալ զոհելով: Այդ կեանքը շարունակեցի մինչև ժողովին բացումը, 1869 յուլիս 5/17, Գիւտի Նշխարաց տօնին շաբաթ օրը: Ժողովին ներկայ էին բոլոր հայկաթղիկ եպիսկոպոսներ, Վենետիկի և Վիէննայի աբբահայրերն ալ մէջը ըլլալով, ամէնքը անձամբ եւ միայն երկուքը փոխանորդով: Հասունեան կը նախագահէր, Ստեփանոս Աղարեան վարդապետ, որ յանձնաժողովներու ատենապետած էր, ժողովին մէջ ալ վիճաբանութեանց վարիչի եւ խնդիրներու առաջարկողի (Conente) պաշտօնը ունէր. ութը հատ խորհրդական աստուածաբաններ և վեց հատ խմբագիր քարտուղարներ անուանուած էին, և ես թէ՛ խորհրդականներուն և թէ՛ քարտուղարներուն մէջ կը գտնուէի: Նոյն նպատակով, որով յանձնաժողովներու աշխատած էի, ժողովական ատենագրութեանց մեծադոյն մասը խմբագրելէ չէի քաշուեր, ծրագիրներու վրայ փոփոխութեանց յատուկ արձանագրութիւն կը պահէի, և մասնաւոր խորհրդակցութեանց անպակաս կը գտնուէի:

Փրոփականտայի դիտումն էր նոյնիսկ հայկաթղիկ եպիսկոպոսներու ձեռքով իւր նպատակին հասնիլ, բայց գործը տարբեր ուղղութիւն առաւ: Անտոնեան և Մխիթարեան հինգ եպիսկոպոսներ, և Լիբանանի կաթողիկոսարանին ութը եպիսկոպոսներ մեծամասնութիւն կազմեցին, և կաթողիկոսութեան վա-



յելած իրաւասութեանց և հասարակութեան ազգապետական իրաւանց ջատագով և պաշտպան կանգնեցան, որոց չէին կրնար դիմագրել Հասունեանի հետեոյ վեց եպիսկոպոսները. ութը խորհրդական աստուածաբաններուն մեծամասնութիւնն ալ եպիսկոպոսաց մեծամասնութեան կողմն էր: Հասարակութեան կողմէ իւր իրաւանց պաշտպանութեան բողոքագիր մատուցուեցաւ, և նախաքննիչ յանձնաժողովը մեծամասնութեան եպիսկոպոսներէն առնուեցաւ, որուն ես ալ ատենադպիր նշանակուեցայ: Միաբանութեանց և կաթողիկոսութեան յարաբերութիւնները ճշդելու խնդիր ալ յուզուեցաւ, եւ յատուկ յանձնաժողով կազմուեցաւ դարձեալ մեծամասնութեան անդամներով: Հասունեան նախագահ տեսնելով որ չի կրնար իւր նպատակը յաջողցնել, Փրոփականտան ալ տեսնելով որ Հասունեան անբաւական կը գրտնուի, Կ. Պոլսոյ պապական նուիրակ Յովսէփ Բլուլմ արքեպիսկոպոսը, իբրև յատուկ պատուիրակ, նախագահելու նշանակեց, սակայն հայերէնի անգիտակ ըլլալուն մեծ ազդեցութիւն չկրցաւ գործածել, և ժողովին առած ընդդիմագիր ուղղութիւնը շարունակեց: Իւրաւանական ծրագիրը խնդիրներ յուզելու բնոյթ չունէր և շուտով անցաւ. ծիսականն ալ ծանր խնդիրներու տեղի չտուաւ եւ քիչ փոփոխութեամբ քալեց. իսկ կանոնականը, որ վարչական և իրաւասական և յարաբերական կէտեր կը պարունակէր, ծանր խնդիրներու և բուն վիճաբանութեանց դուռ բացաւ և ժողովական որոշումները յապաղեց և արգիլեց:

Միւս կողմէն պապութիւնը որոշած էր Վատիկանեան ժողովը բանալ նոյ. 26/8 դեկտ.ին, և պէտք էր որ հայկաթուղիկ եպիսկոպոսներն ալ ժամանակին Հռոմ գտնուէին, ուստի առանց իրենց ժողովը վերջացնելու և առանց վճռական որոշմանց յանգելու նիստերը դադրեցուցին. արդէն նախագահութիւնն ալ որոշմանց հասնելէ կը զգուշանար՝ աննպաստ ելքը նախատեսելով: Ուստի հոկտ.ի վերջերը գումարումները դադրեցան, ուղևորութեան պատրաստութիւնները կատարուեցան, և նոյեմ. 1/13ին բոլոր եպիսկոպոսներ խմբովին իրենց քարտուղար վարդապետներով Կ. Պոլիսէ մեկնեցան: Գաղանձեան և ես խումբէն զատուելով և արագընթաց ճանպով նոյեմ. 6/18ին Հռոմ հասանք և մեր վանքը իջանք, իսկ խումբն ալ ետեւէն հասնելով իրեն համար որոշուած օթեանին մէջ զետեղուեցաւ:

Երբ որ բոլոր եպիսկոպոսներ Կ. Պոլիսէ կը մեկնէին, հարկ էր գոնէ մէկը այնտեղ թողուլ իբր կաթողիկոսական փոխանորդ, և այս պաշտօնին կոչուեցաւ Լիբանանի եպիսկոպոսներէն Բարսեղ Քասպարեան, մեծամասնութեան խումբէն, որ հազիւ թէ պաշտօնը ստանձնեց, սկսաւ այնպիսի կարգադրութիւններ ընել, որոնք տարբեր էին Հասունեանի ուղղութենէն և հրահանգներէն, ինչ որ հաճոյ չէր կրնար ըլլալ Հասունեանին և Փրոփականտային: Ուստի հազիւ ամիս մը անցած որոչուեցաւ փոխանորդը փոխել. Քասպարեան բարձր հրամանով Հռոմ կոչուեցաւ, եւ Հասունեանի արբանեակներէն և Փրոփականտայի կամակատարներէն Յովսէփ Առաքելեան եպիսկոպոս հապճեպ շտապով Կ. Պոլիս յղուեցաւ կաթողիկոսական փոխանորդութիւնը վարելու: Կ. Պոլսոյ հայկաթովիկ հասարակութիւնը արդէն կոնդակի եւ հրովարտակի խնդիրներէն զայրացած, եւ եպիսկոպոսական ժողովին մեծամասնութեան ընթացքէն քաջալերուած, սրտմտութեան բորբոքի հասաւ փոխանորդի փոփոխութեամբ, եւ բացարձակ կերպով որոշեց փոխանորդը չճանչնալ եւ Հասունեանն ալ մերժել, և պատշաճ խորհրդակցութիւնները լրացնելով՝ 1870 յունուար 25ի յայտարարութիւնը հրատարակեց, որով կաթովիկ դաւանութենէ չբաժնուելով՝ Հասունեանի իշխանութենէն կը բաժնուէր և անոր փոխանորդը չէր ճանչնար: Շարժումին մէջ կը գտնուէր ամէն դասակարգերէ կազմուած եկեղեցականաց խումբ մը, որոնք իրենց գլուխ նշանակեցին Յովսէփ Բիւբէլեան ծերունի վարդապետը, Հասունեանի նախկին փոխանորդը, որուն աւագերեց տիտղոսը տուին, իսկ հանրային գործերու համար վարիչ ժողով մը ընտրուեցաւ Ալիքսանեան Տիրան պէյի նախագահութեամբ և մեծամեծներու անդամակցութեամբ: Ինչ որ ետքը փետր. 2/14ին Ս. Յովհան Ոսկեբերան եկեղեցոյ նաւակատեաց տարեդարձն էր, և հասարակութիւնը մտադիր էր Առաքելեանը հանդիսադիր ըլլալէ արգիլել, որով սա սուինաւոր զինուորաց ջոկատի մը պաշտպանութեամբ եկեղեցի կուգար ու կը պատարագէր, ինչ որ ժողովուրդը առաւել ևս կը գայթակղեցնէր և կ'ուժացնէր, և դիմադրութիւնը կը զօրանար և գաւառական վիճակներու մէջ ալ կը տարածուէր: Անցողակի աւելցնենք որ հասարակութիւն և ժողովուրդ յիշած ատեննիս ամբողջութիւնը չենք իմանար, զի Հասունեանի կուսակից մաս մըն ալ կար, որ թէ-

պէտ մեծամասնութիւն չէր, բայց Առաքելեանի գլխաւորութեամբ պաշտօնապէս ճանչցուածի դիրք կը ստանար:

Հոռմի մէջ 1869 նոյ. 26/8 դեկտ.ին մեծահանդէս արարողութեամբ Վատիկանեան ժողովը կը բացուէր, Տիեզերական ժողովի կոչմամբ, թէպէտ միայն կաթոլիկ եպիսկոպոսներու մասնակցութեամբ, որոց մի լաւ մասն ալ պապական ծառայութեան յատկացուած անուանական եպիսկոպոսներ էին: Ժողովին պաշտօնական լեզուն լատիներէնն էր, մինչ միւս կողմէն եպիսկոպոսներ բացարձակ գաղտնութեան երդումին ենթարկուած էին. ուստի արտօնուեցան իւրաքանչիւրը մի մի խորհրդական թարգման աստուածաբան ունենալ և գաղտնեաց մասնակից ընել, ըստ այսմ ես ալ Գազանձեանի և ուրիշ քանի մը եպիսկոպոսներու պաշտօնապէս աստուածաբան նշանակուեցայ. նիստերը հանապազօրեայ էին վիճաբանութեանց կամ լաւ ևս բանախօսութեանց յատկացուած, և երբեմն հանդիսական էին վճռական հրատարակութեանց համար, որոց անձնական աստուածաբաններն ալ ներկայ կ'ըլլային, ինչպէս ես ալ եղայ 1869 դեկտ. 25/6 յունուար 1870 օրուան գումարման: Նորէն պիտի յիշեմ որ այս անգամ ալ Փրովիականտայի դպրանոցին ուսուցչութիւնը և վանական դաստուղութիւններն ու պաշտօնները դարձեալ վերստանձնած էի, եպիսկոպոսաց աջակցութեան զբաղումներուն հետ, որոց կարգին էր Գազանձեանի համար լատիներէն ատենաբանութեան մը պատրաստութիւնը:

## ԻՆ

Դանասկոս, 1917 դեկտ. 20/2 յունուար 1918 ԴՂ.

Կոստանդնուպոլսոյ մէջ սկսած բուռն շարժումը իւր արձագանգը պիտի ունենար Հոռմի մէջ, և Գազանձեան չէր կրնար անտարբեր և հանդարտ մնալ, և շուտով փոխադարձ յարաբերութիւն հաստատուեցաւ Կ. Պոլսոյ հետ, տեղեկութիւններ և հրահանգներ կանոնաւորապէս կը փոխանակուէին ոչ միայն նա-

մանկերով, այլև պայմանագրական լեզուով խմբագրուած հեռագիրներով: Սակայն գաղտնիքը երկար չէր կրնար տևել, հետագնին աչքեր կը հսկէին Անտոնեանց վանքին և վանականներուն վրայ, և վերջապէս յարաբերութեանց կերպին և նպատակին վրայ համոզուամ կը դոյանար պապական իշխանութեանց միտքը, թէպէտև անպաշտօն հասցէներ կը գործածուէին, և մինչև իսկ յարաբերութիւններ Լիվոռնոյի վրայօք կը կատարուէին, ուր Անտոնեան մը՝ Հ. Աստուածատուր Սարրպետրոսեան էր հայ եկեղեցոյ ժողովրդապետը: Պապութիւնը իւր արքունական իշխանութեամբ ալ հրապարակ կ'իջնէր, վանքը լրտեսներով կը շարձապատուէր, և գանազան տարազներով ծպտեալ ոստիկաններ հսկողութիւն կը կատարէին:

Երբոր այդ միջոցներով ալ արդիւնք մը ձեռք չէր ձգեր պապութիւնը, իմա՛ Փրոփականտան և Հասունեանը, յայտնի եւ բռնական միջոցներ ձեռք կ'առնուէին, վանական ներքին վարչութիւնը ջնջել, Քաղանձեան արբահայրը և Հանրմեան վանահայրը երկու տարբեր լատինական վանքերու մէջ փակել, և լատին կրօնաւոր մը Անտոնեանց վանքին կառավարիչ նշանակել: Այդ հրամաններուն պաշտօնագիրները ձեռքը, Հ. Իգնասիոս Յիսուամանուկեան (Padre Ignazio des Bambini Gesu) Չարչարանաց լատին միաբանութենէն (Cassionista) 1870. մարտ 12|24 առտուն Անտոնեանց Ս. Գրիգոր Լուսաւորչի վանքը կը ներկայանար, վանական կառավարութեան ձեռնարկելու համար: Քաղանձեան և Հանրմեան անձնապէս հարուածուած ըլլալնուն պատշաճ կը դատուէր գործը անոնց վրայ չթողուլ, ուստի ես և Չրածեան գործի գլուխ կ'անցնէինք, եւ ներկայացող կրօնաւորին կը հասկցնէինք թէ օսմանեան հպատակ հաստատութիւն մը օտարագրի չի կրնար յանձնուիլ, և թէ իր պաշտօնը չինք կրնար ճանչնալ և ձեռնարկել չենք ներեր: Մարդը երկար սպասելով և տեսնալով որ իրեն մօտեցող չկայ, կը թողու ու կ'երթայ: Պապական իշխանութիւնը իւր ձեռնարկը կը կրկնէ, և վանքին ծանօթներէն Վալէնցիանի (Valenziani) եպիսկոպոսին կը փոխանցէ պաշտօնը, բայց անոր ալ կը հասկցնենք թէ իբրև բարեկամ կրնանք տեսակցիլ, ուրիշ կերպով զինքն ալ չենք ընդունիր, և նա ալ ձեռնունայն կը մեկնի: Վանքին ճակատէն Ապտիւլմէճիտ և Ապտիւլազիզ կայսրներէն պարզեալուած դրօշները կը պարզենք, զը-

րան պահպանութիւնը Հ. Սգսենտիոս Սեմուտեան երիտասարդ և ժիր միաբանին կը յանձնենք, և բացարձակ դիմադրութեան կը ձեռնարկենք: Պապին կողմէն եկեղեցինիս հոգևոր պաշտամանց արգելքի ներքե կը դրուի, թէպէտ չենք անսար. ոստիկանական հսկողութիւնը կը բարդուի, թէպէտ ձեռնագութենէ կը զգուշանան. վերջապէս բացառիկ դրութիւն մը կը ստեղծուի, զոր դժուար էր պաշտպանել, և բռնադատական ձևերու վախը ժամ ժամէ կը շատնար:

Այդ օրեր պապական անսխալութեան խնդիրը արգէն ձեռք առնուած էր, և գաղղիացի ու գերմանացի եպիսկոպոսներ բուռն պայքար կը մղէին զայն խափանելու համար. գաղղիական դեսպանատունն ալ անոնք կը հովանաւորէր, և արևելածէս եպիսկոպոսներէն լաւ մաս մը անոնց համամիտ էր: Պապութեան անտեղի ձգտումներուն դիմադրող եպիսկոպոսներուն հետ արդէն մենք ալ յարաբերութեան մէջ էինք, ուստի խորհրդակցելու եւ մեզի օգնականներ ճարելու համար Չրաճեան և ես փոփոխակի բացակայութեամբ տեսակցութեանց կը յաճախէինք, տեղեկութիւններ կը քաղէինք, բռնուելիք ուղղութեան վրայ հրահանգներ կը փնտռէինք: Բարեբախտաբար պապական իշխանութիւնը դեռ կը յապաղէր արտաքին բուռն միջոցներու ձեռնարկել, թէպէտ կասկածն ու վախը օրըստօրէ կ'աճէին, և մեր խորհրդատուները հեռանալէ վատ ուրիշ ապահով միջոց չէին թելադրեր: Այդ հիմամբ Գաղղիոյ դեսպանատունը, զոր կը վարէր Լը Ֆէվր տը Պէհէն (Le Fèvre de Péhaine) գործակատարը, բոլոր վանականներու համար զատ զատ անցագիրներ կը պատրաստէր և պապական ոստիկանութեան վաւերացնել տալով մեզի կը յանձնէր: Այդ գործին միջնորդ կ'ըլլար Իտալիոյ պետութեան մօտ օսմանեան դեսպան Րիւսթէմ պէյ, որ օսմանեան հպատակաց պաշտպանութեան համար Բարձրդրան հրամանով Փլորենցիայէ (Firenze) Հռոմ եկած էր:

Այդ անցագիրներու զօրութեամբ սկսանք բոլոր միաբաններն ու աշակերտները երկուքով երեքով, կերպ կերպ եղանակներով ու այլևայլ ճանպաներով Հռոմէ հանել, որոց գործադրութիւնը յատկապէս ինձի յանձնարարուեցաւ: Ոմանք Գաղղիա յղուեցան եպիսկոպոսական դպրանոցներու աշակերտութեան, եւ ուրիշներ կ. Պոլիս վերադառնալու որոշուեցան Հանըմեան վանահօր ա-

ուաջնորդութեամբ, վանքին մէջ մնացինք Գաղանճեան, Չրաճեան ու ես, և Հ. Բարթողիմէոս Իրէքճեան. Գաղանճեան մնաց ժողովէն խոյս տուած չերևնալու համար, Չրաճեան եւ ես Գաղանճեանի նեցուկ ըլլալու եւ գործին հսկելու համար, իսկ Իրէքճեանը՝ վանքին մէջ մտադրութիւն չհրաւիրող մէկ մը թողած ըլլալու համար: Քիչ օր ետքը լուր առինք թէ վանքին պարպուիլը նկատի առնուած է, եւ մեր երեքին դէմ պատարաստութիւններ կ'ըլլան հաւատաքննութեան (Sant' Uffisio) բանտը փակելու: Ուստի մենք ալ փութացինք 1870 ապրիլ 19/1 մայիս երեկոյին Հռոմէ մեկնիլ, ոստիկանական հսկողութենէն չնշմարուելու համար պէտք եղած զգուշութիւնները ձեռք առնելով, մինչև որ Քորրէզէ (Correse) կայարանն ալ անցնելով պապական սամհաններէն ելանք եւ Իտալիոյ թագաւորութեան մէջ մտանք: Քիչերը Թէրնի (Terni) քաղաքը անցունելով, միւս վաղուին Լիվորնօ եկանք, և միջոց մը հոն մնացինք Հռոմի անցուդարձերուն տեղեկանալու համար, և վերջապէս հիւսիսային Իտալիոյ և Վիէննայի և Դանուբի ճանապով մայիս 17/29ին Կ. Պոլիս հասանք: Կ. Պոլիսէ մեկնելնէս, ուղեւորութիւնները մէջը, վեց ամիս անցած էր:

Եղելութեանց ցամաք պատմութիւնն ալ կը բաւէ հետևցընելու, թէ ի՞նչ տխուր և հակակիր զգացումներ պէտք էր զարթնուին իմ ներսս Հռոմի և հռոմէադաւանութեան հանդէպ, եւ ի՞նչպէս պիտի զօրանար անոր հանդէպ կանուխէն սկսած վարանոտ և անվստահ գողափարը: Պապութեան հալածանքին ներքեւ անցուցած օրերնիս, ծակամուտ տեղեր ննջել կը պարտաւորուէի, անակնկալ յարձակումներու եւ բռնութիւններու չենթարկուելու համար: Գաղանճեանի գիշերախառն Փրոփականտայէ կոչուելուն առթիւ, փոխանորդաբար ես երթալու ստիպուած, վերադառնալուս անստուգութեամբ կը մեկնէի, և իրօք ալ թակարդի կեցած ոստիկանները աչքովս կը տեսնէի: Ներհակ կիրքերը աակաւ կ'աճէին, բայց պարագաներ վերջնական որոշման նպաստաւոր չէին՝ միաբանութեան գործերու և հասարակութեան օգուտին տեսակէտով, գործելէ ինքզինքս ազատ չէի սեպեր, և չէի կրնար ալ սեպել:

Տանտոյս արտաքին գործերու վարչութեան հարցերու միջնորդական  
 Երկրորդական մասնակցութեամբ արտաքին գործերու վարչութեան  
 Երկրորդական մասնակցութեամբ արտաքին գործերու վարչութեան  
 Երկրորդական մասնակցութեամբ արտաքին գործերու վարչութեան

12

Դաւանակոս, 1917 դեկտ. 20 | 2 յունուար 1918 ԴՂ.

Երրորդ մենք Կ. Պոլիս հասանք, հայկաթուղիկ հասարակութեան  
 շարժումը բաւական ուժ և ձևակերպութիւն ստացած էր: Այդ-  
 բանին նպաստած էր օսմանեան կառավարութեան որոշումը, որ  
 տեանալով թէ Ռեվիտուշոնը կոնդակը իւր պետական իրաւունք-  
 ներուն ալ զամագիւտ ըլլալու բնոյթն ունի, և թէ Հասունեանի  
 տրուած հրովարտակը առանց պահանջուած օրինաւորութեանց  
 խլուած է, Հասունեանը ճանչնալ չուզող բաժինը իրաւանց տէր  
 ճանչցած, և ուղղակի կառավարութեան հետ յարաբերութիւն  
 պահելու և իւր ներքին գործերը իւրովի վարելու միջոցները ըն-  
 ձեռած, և Ալիքսանեան Տիրան պէյը այդ բաժինին պետ ճանչ-  
 ցած էր: Ծարժումը կազմող բաժինը իրեն Արեւելեան Հայկաթուղիկ  
 պաշտօնական անունը յատկացուցած էր, բայց հասարակ խօսակ-  
 ցութեան մէջ Հակահասունեան անունով կը կոչուէր, որ եթէ Հասուն-  
 եանի անձին կարևորութիւն տալու նշանակութիւնն ունէր, սա-  
 կայն իսկապէս շատ տխուր պատուասիրութիւն մըն էր: Ծար-  
 ժումը արդէն բաւական թուով եկեղեցականներ ունէր իւր գը-  
 լուխը, և Վատիկանի Ժողովէն վերադարձող եպիսկոպոսներէն  
 Իգնատիոս Ղալբաճեան, Յակոբոս Պահախարեան և Բարսեղ Գաւ-  
 պարեան արքեպիսկոպոսներն ալ շարժումին յարեցան, որով  
 Գաղանձեանի հետ չորս եպիսկոպոսներ ունեցաւ իրեն առաջնորդ,  
 և նուիրապետական կազմակերպութեան ձեռնարկելու խորը օրո-  
 ները լրացաւ:

Հոսմի Վատիկանեան Ժողովը իւր նիստերը շարունակեց մին-  
 չեւ 1870 յուլիս ամիսը, եւ ճարտար դարձուածներով եւ բռնա-  
 դատիչ ստիպումներով պապին անձնական անսխալականութիւնը  
 իբր հռոմէազաւան եկեղեցւոյ հաւատոյ վարդապետութիւն հըռ-  
 չակեց: Թէպէտ գտնուեցան ձեռնպահ եպիսկոպոսներ, սակայն  
 աննշանակ փոքրամասնութիւն ըլլալով եւ կաթոլիկ եկեղեցւոյ

չըջանակէն դուրս մնալէ խուսափելով, անոնք ալ կատարուած եղելութեան համակերպիլ պարտաւորուեցան: Հռոմի պապութիւնը իւր բուն նպատակին հասած ըլլալով՝ ժողովը փակեց առժամեայ ընդհատումի ձևին ներքեւ, մանաւանդ որ Իտալիոյ թագաւորութեան կողմէն Հռոմը գրաւելու եւ պապին քաղաքական տիրապետութեան վերջ տալու ձեռնարկները սկսած էին. պատերազմական ձեռնարկն ալ շուտով սկսաւ, և 1870 սեպտ. 8/20ին Պետրոսեան Դրան (Porta Pia) ռմբակոծութեամբ իտալական բանակը յաղթական Հռոմ մտաւ և իտալական միաւորումը լրացուց: Թէպէտ պապական հոգևոր իշխանութեան վնասելէ խնամօք զգուշացաւ:

Անտոնեանց գալով, Գազանձեանի և ընկերներուն Կ. Պոլիս հասնելէն քիչ օր ետքը Բերայի ահարկու և ընդարձակ հրդեհը տեղի ունեցաւ, որուն մէջ Բերայի Անտոնեան վարժարանին Շիշլի փողոցին շէնքն ալ այրեցաւ, վարժարանը ցրուեցաւ, միաբանութեան յարմար կեդրոնավայր պակսեցաւ, և ստիպեալ Օրթաքէօյ արուարձանի մէջ իրենց սեփական կիսաշէն վանատան մէջ կեդրոնանալ հարկադրուեցան: Հոն հաւաքեցին զանազան ճանապաներով հասնող աշակերտները, եւ վանական ու վարժարանական կեանքը վերանորոգեցին, և պահ մը ուրիշ միաբաններ ձեռնարկին գլուխը փորձելէ ետքը, 1870 սեպտ. 16/28ին ինծի յանձնեցին տեսչութեան և ուսուցչութեան պաշտօնները, ուրիշ միաբանական պաշտօններն ու առօրեայ յանձնարարութիւնները չդադրեցնելով:

Գալով հասարակութեան գործերուն, վերեւ ըսինք թէ անոնք աակաւ կը զօրանային, և Հասունեանի անհնար կ'ըլլար արտաքին միջոցներով յաջողութիւն գտնալ, ուստի հոգևորական զէնքերու զիմել հարկ եղաւ, և յանուն պապութեան Կ. Պոլսոյ նուիրակ Բլուիմ արքեպիսկոպոսը գործի գլուխ անցաւ, և շարժումին մասնակցող իւրաքանչիւր եկեղեցականի դաւանական ուխտի պատճէն մը հասուց, խոստովանելու և ստորագրելու համար, նախապէս արձակուած հոգևորական պաշտօններէ արգելման վճիռը բանադրանքի բարձրացնելու սպաննալիքով: Եկեղեցականներ ժողովի գումարուեցան, պատշաճ խորհրդակցութիւններ կատարեցին, և ինձ յանձնուեցաւ տեղնիտեղօք և պատճառաբանեալ հերքումը պատրաստել, զոր և կատարեցի իտալե-



րէն բնագիրով և հայերէն ու գաղղիերէն թարգմանութիւններով, և նոր գումարման մէջ կարգացուելով առանց դիտողութեան ընդունուեցաւ և իւրաքանչիւրէն ստորագրուելով Բլուիմի յըղուեցաւ 1870 հոկտ.ին: Չորս եպիսկոպոսներ չուզեցին պատասխանելու զիջանիլ, բայց Բլուիմ անոնց անունն ալ խառնեց իւր արձակած բանադրանքի վճռագիրին մէջ, զոր փութաց հրատարակել Թուրք Քահանայից հերքմնագիրն ստանալուն վրայ: Բայց իւր վճիռը բնաւ ազդեցութիւն չունեցաւ, և ոչ իւրիք փոփոխեց կամ տկարացուց հակահասունեան շարժումին ընթացքը, մանաւանդ թէ զայն աւելի ևս ամրացնելու գրգռեց:

Որպէսզի Հասունեանը մերժած ըլլալու գրութիւնը շօշափելի կերպով հաստատուի, որոշուեցաւ նոր կաթողիկոս ընտրել, և այս նպատակով չորս եպիսկոպոսներ կարողիկոսական արոտոյն պարապուրեան, կամ որ նոյն է Հասունեանի կաթողիկոսութեան անվաւերութեան մասին շրջաբերական կոնդակ մը հրատարակեցին, որուն խմբագրութիւնն ալ հայերէն բնագիրով և իտալերէն թարգմանութեամբ ինծի յանձնուեցաւ: Ազգային երեսփոխանութիւն կազմուեցաւ, որուն անդամներէն մին ալ եւ ընտրուեցայ, եկեղեցական ժողով գումարուեցաւ, եպիսկոպոսաց խորհրդակցութիւն տեղի ունեցաւ, և ընտրողական պայմաններ լիուրի կատարուեցան, և Յակոբոս Պահտիարեան արքեպիսկոպոս Տիգրանակերտի՝ կաթողիկոս ընտրուեցաւ 1871 փետր. 13/25ին, եւ միւս օր գահակալութեան հանդէսը կատարուեցաւ ընդհանուր ոգևորութեան մէջ: Այդ ամէն գործողութեանց մէջ կարգադիրի և արարողապետի պաշտօնները վարողն ես եղայ: Հասունեանը Անտոն Պետրոս Թ. անունը առած էր իբր Գրիգոր Պետրոս Ը. ին յաջորդ, և որպէսզի Հասունեանի անվաւերութիւնը չհշտուի, Պահտիարեան ալ Յակոբոս Պետրոս Թ. կոչումը առաւ: Կաթողիկոսի ընտրութենէն ետքը եպիսկոպոսական դասակարգը զօրացնելու համար մարտ 7/19ին եպիսկոպոսական ձեռնադրութիւն ալ կատարուեցաւ, և եպիսկոպոս ձեռնադրուեցան Յովսէփ Քիւրէլեան աւագերէցը, Նդիշէ Թէոդոսեան Անտոնեաններէն, Մովսէս Ամպէրայօյեան Վենետկոյ Մխիթարեաններէն, և Սերովբէ Դուիթեան Զմմառի աշակերտութենէն: Այդ արարողութեանց մէջ ալ ես էի կարգադիրը:

Որովհետև կամայ ակամայ կենսագրական ասպարէզի մըղ-

ժ) Կրիստ. Բելջ, *Histoire doctrinale catholique d'Arménie*,

էջ 365.

ուեցայ, իմ աշխատութեանցս և մասնակցութեանցս պարագա-  
 ները յիշատակելը պարտք դարձաւ, լոկ իբրև գրութեանս լրում,  
 և ոչ իբրև անձնագովութեան փաստ: Ուստի աւելորդ չղատուի-  
 եթէ բազմապիսի աշխատութեանցս կարգին նոյն միջոցին կա-  
 տարած գրականներս ալ յիշատակեմ: Գաղանձեանի և Անտոն-  
 եաններու փափաքն եղաւ Հռոմի և Կ. Պոլսոյ անցուղարձերուն  
 յիշատակագիրն ունենալ, թէ՛ թիւրիմացութեանց առիթ չտալու  
 և թէ՛ ապագայից յիշատակ թողլու համար, այդ նպատա-  
 կով խմբագրեցի Հայ Արեւելեան Կաթողիկէայք (Gli Armeni Cat-  
 tolici Orientali) իտալերէն ստուար տետրակը, որ և տպագրու-  
 թեամբ ի լոյս ընծայուեցաւ 1870 օգոստոս 18|30ին: Ազգային  
 մեծամեծներ ուզեցին Ռեպրուռուս կոնդակին և յարակից պա-  
 պական պաշտօնագիրներուն թարգմանութիւններն ունենալ,  
 ուստի ուղղակի լատիներէն բնագիրէն վաղղիերէնի թարգմանե-  
 ցի, և տպագրութեան արուեցաւ, և 1870 սեպտ. 11|23ին լրու-  
 ցաւ ու հրատարակուեցաւ: Կէօչէեան գերզաստանի բարեպաշա-  
 ներ փափաքեցան Աւագչաբաթի վերջին օրերուն ժամերգու-  
 թեանց պատշաճները միահետ և ամփոփ հրատարակուած ունե-  
 նալ, առանց յետ և յառաջ թարթափելու, և Հ. Պօղոս Պոյնուէյ-  
 րիեանի միջոցաւ այդ գործն ալ ինծի յանձնուեցաւ, և երեք  
 փոքրիկ հատորներով տպագրուեցան Աւագ Հինգչաբթիի, և Ա-  
 ւագ Ուրբաթի և Ճրագալոյցով Զատիկի պատշաճները, և 1871  
 տարւոյ մեծ պահքին կէսէն ետքը իրենց օրերուն հասցնելու ըշ-  
 տապով: Ասոնց հետ լրագրական յօդուածներու համար ալ բա-  
 ւական աշխատութիւն ունեցայ թէ՛ եղելութիւնները ճշգելու եւ  
 թէ՛ խնդիրներ լուսաբանելու նպատակով, և հայերէն ու գաղ-  
 ղիերէն օրագիրներու մէջ հաւասարապէս: Այսպէս անցաւ 1870  
 մայիսէ 1871 ապրիլ տարին Կ. Պոլսոյ մէջ, մինչև որ կրկին Հը-  
 ռոմ դառնալու և հոն աշխատելու նշանակուեցայ:

(ՀԱՅՈՒՄԻ ԱՅՈՒՆՆԵՐԻ ՄԱՍԻՆ ԱՐԿԱՆՈՒՄԸ) (ՀԱՅՈՒՄԻ ԱՅՈՒՆՆԵՐԻ ՄԱՍԻՆ ԱՐԿԱՆՈՒՄԸ) (ՀԱՅՈՒՄԻ ԱՅՈՒՆՆԵՐԻ ՄԱՍԻՆ ԱՐԿԱՆՈՒՄԸ)

ԻՒ

Դառնալիս, 1917 թվականի 21/3 յունուար 1918 թվական

Երբոր հասցնեալ փոխուստով Հռոմէ հեռացանք և վանքը թողուցինք, ամէն բան անկարգ և խառնափնդոր մնաց, պարտք ու պահանջք ալ չկարգադրեցինք, և Իբէքճեան ալ, որ իբր պահապան թողուած էր, անբաւական գտնուելովն ետ կոչուեցաւ, եւ վանքին պահպանութիւնը յանձնուեցաւ Լուիճի Չեչելլի (Luigi Cecelli) մտերիմ տեղացիին, որ սակայն արտաքին պահպանութենէն աւելի բան մը չէր կրնար ընել, և լոկ պահանջատէրներուն դիմումները կը հաղորդէր: Իտալական տիրապետութեամբ քաղաքական կացութիւնն ալ փոխուած էր, և մանաւանդ եկեղեցական ստացութեանց և կալուածոց գրաւման օրէնքը նորանոր խնդիրներու և դժուարութիւններու ասպարէզ կը պատրաստէր, և անհրաժեշտ եղաւ որ բոլոր այդ գործերը կարգադրելու, պահանջները գանձելու, պարտքերը վճարելու, ստացութիւնները ապահովելու, կահկարասին ամփոփելու, չէնքը խնամելու, իրաւունքները պաշտպանելու, և միանգամայն Հռոմի հետ բացուած պայքարի մասին ալ կարևորը գործելու համար յարմար անձ մը Հռոմ գտնուէր: Այս անգամ ալ ընտրութիւնը իմ վրայ յանդեցաւ, և իմ Հռոմ երթալս որոշուեցաւ: Բայց միւս կողմէ Հռոմէ բանադրուած էինք և հոն եկեղեցականութիւն վարել անհնար էր. յատուկ հասարակութիւն չկար որուն հոգևոր ծառայութիւնները կատարուէին, Իտալիոյ կառավարութեան առջև իբրև եկեղեցական ներկայանալու դիւրութիւնը չէր ընծայեր, ամէն տեսակ վերին և ստորին, ներքին և արտաքին յարաբերութիւնք կարգադրուած ըլլալով եկեղեցական տարազը դժուարութիւններ կը պատճառէր, ուստի պաշտօնապէս արտօնուեցայ եկեղեցական տարազը թողուլ և աշխարհիկ վայելուչ տարազով ապրիլ, և Օրմանեան էֆէնտի կամ Օրմանեան ուսուցչապետ (Professor Ormanian) անունով ներկայանալ, և Հա-

յոց ազգի գործակատար (Procuratore della Nazione Armena) պաշտօնական տիտղոսը գործածել: Ըստ այսմ թէ՛ Սնտոնեան միաբանութեան կողմէ և թէ՛ Արեւելեան հայ կաթողիկ ազգապետութեան կողմէ վաւերական պաշտօնագիրներն ալ պատրաստուեցան, և անոնք ստանալէ ետքը 1871 ապրիլ 24/6 մայիսին Գաալքէօյէ մեկնեցայ, և նաւակով շոգենաւ երթալու պահուն աշխարհիկ տարազին վրայէն առած եկեղեցական վերարկուն հանցի, և այնպէս Կ. Պոլիսէ մեկնեցայ և Գորֆուի ու Պրինտիզիի (Brindisi) ճանպով ապրիլ 29/11 մայիսին Հռոմ հասայ եւ շիտակ ամայի վանքը գացի:

Հինգ ամբողջ տարիներ տեւեց այդ կեանքս որուն քիչ մը տարօրինակ եղած ըլլալը ինքնին կը տեսնուի, և հարկաւ այս տողերուս հանդիպողին հետաքրքրութիւնը կը շարժէ, կենցաղիս և զբաղումներուս բազմաթիւ և բազմապիսի եղած ըլլալուն հետեանօք, ուստի քիչ մը աւելի մանրամասնեալ տեղեկութիւններ տալ հարկ կը սեպեմ: Սակայն ո՛չ օրագրական ճշդութիւն և ո՛չ ալ ժամանակագրական կարգ պահել կը խոստանամ, այլ տեսակ տեսակ զբաղումներուս և աշխատութիւններուս, և իմ վարած կեանքիս ճաշակը տալ բաւական կը սեպեմ, հակիրճ ոճով էական մանրամասնութիւններն ամփոփելով, և ընդհանուր գաղափար մը կազմելու բաւարար չափով: Միջոցն ալ երկարատեւ ըլլալուն, 1875 տարւոյ մահացու հիւանդութենէս երկուքի կը բաժնեմ:

Հռոմ հասնելուս օրէն մինչև 1872 յունուար 8/20 վանքին մէջ բնակեցայ և առանձին ապրեցայ, մէկ կողմէն Չեչելլիէն պէտք եղած փոխանցումները ստանալով և անցածին տեղեկութիւնները քաղելով, և միւս կողմէն վանքին կահկարասին և շարժական գոյքերը ամփոփելով, աւելորդները վաճառելով և կարևորները, ինչպէս են եկեղեցական սպասներ եւ վարդեր, մեծ ու պզտիկ պատկերներ, տպագիրներ ու գրչագիրներ, դիւանական գրութիւններ, դիւրատար և արժէքաւոր գոյքեր, հետզհետէ ամուր և ապահով կերպով հակերու վերածելով, և ետեւէ ետեւ Կ. Պոլիս փոխադրելով, ուր միաբանութիւնը պիտի կազմակերպուէր Հռոմ վերադառնալու միտքէն վերջնականապէս հրաժարելով: Երբոր վանքը տրամադրելի վիճակի մէջ դրուեցաւ, զայն վարձեցի Մոլինա (Molina) անուն անձին արքունական տպարան (Stamperia Reale) հաստատելու համար, պայմանով որ եկեղեցին պատուաւոր կի-

բառութեան յատկացուի: Վանքը այդ ձևին մէջ մնաց մինչև  
1876 տարին:

Աւելի ծանր եղաւ պարտք ու պահանջք կարգադրելու գործը քանի որ տեղական հասոյթներով պիտի լրանար ամէն բան, մինչ վանքը վարձելէ առաջ ստացուած գումարները հաղիւ ապրուստիս և պաշտօնական ծախքերու և գոյքերու ամփոփման կը բաւէին: Վանքը բնաւ կալուած չունէր, և միայն ութը տասը տեղ շահի յանձնուած համեստ գումարներ կային, իրր տոկոսաբեր դրամագլուխ (Censo), և վճարողներէն մէկ մասը յապաղումներ կը պատճառէր, և քանիներ ալ Անտոնեանները հոռմէական եկեղեցիէ զատուած և վայելման իրաւունքէ զրկուած ըսելով վճարումները կը զլանային, և հարկ եղաւ անոնց գլխաւորը՝ Գալչէտոնիօ Սօֆրէտինի (Calcedonio Soffredini) փաստաբանը դատաստանով վճարման պարտաւորել, որով ուրիշներն ալ դիմադրութիւննին դադրեցուցին: Քանի որ Հռոմէ վերջնականապէս կը հեռանայինք՝ հարկ էր դրամագլուխներն ալ ազատել և փոխադրել, սակայն օրէնքը դրամագլուխը ստացողին կամքին կը թողուր դարձնելու որոշումը, և քիչերը միայն հնար եղաւ համոզելիք ձևերով հաւանեցնել, իսկ շատեր իրենց վիճակին մէջ մնացին, և կը կարծեմ որ տակաւին ալ կը մնան: Իսկ վանքին ունեցած պարտքերը հետզհետէ վճարուեցան և բնաւ առկախ հաշիւ չմնաց:

Ծանրագոյն ևս էր վանքն ու վանական ստացութիւնները գրաւման օրէնքէն ազատելու խնդիրը: Իտալիոյ թագաւորութիւնը արդէն հռչակած էր եկեղեցական պարզ ստացութեանց յարքունիս գրաւման օրէնքը, միայն հող հոգւոց ունեցող եկեղեցականութեան, ինչպէս են եպիսկոպոսութիւն և ժողովրդապետութիւն, բաւական հասոյթ յատկացնելով, և արդէն եկեղեցական գտնուող անձերու ցմահ կենսաթոշակ վճարելով: Այդ օրէնքին հետեանքը աւելի վանքերու վրայ ծանրացաւ, և Հռոմի տիրապետութեամբ անոր վրայ ալ տարածուեցաւ, որ նշանաւոր էր իւր բազմաթիւ և ընդարձակ վանքերով, որոց գլխաւորները նախարարութեանց պաշտօնատուներն էրան: Անտոնեանց սեփականութիւնն ալ վանական էր և գրաւման օրէնքին կրնար ենթարկուիլ, և արդէն ցուցակին ալ անցած էր: Զայն ընդհանուր օրէնքէն զարտուղութիւն ցուցնելու փաստը իտալական հաստատութիւն և իտալական ստացութիւն չըլլալն էր, զի օտարազգի դը-

րամով գնուած և հաստատուած, օտարներու ծառայութեան սահմանուած և օտարահպատակ ապրած ու մնացած հաստատութիւն մըն էր: Իրօք ալ Անտոնեանց վանքը Չէզի գերդաստանին (Cesi) ապարանքն էր եղած, Արևելքէ հայթայթուած գումարներով 1761ին գնուած, պապական հրամանագրով վանքի փոխարկուած, միշտ օսմանեան հպատակութիւն պահած, ինչպէս որ վերջին հալածանքին առթիւ ալ շեշտուած էր: Սակայն այդ ամէնը պէտք էր անջրելի վաւերագիրներով հաստատել, փաստաբանական տեղեկագիրներով ներկայել, օրինական ճանպաներով առաջացնել, և պարտ ու պատշաճ բացատրութիւններով նախարարութեանց և յատուկ յանձնաժողովոց առջև պաշտպանել: Ահա՛ իմ առջև բացուած աշխատութեանց նոր ասպարէզ մըն ալ. նօտարական գրութեանց հին պահեստները քրքրել, զօրաւորագոյն վաւերագիրները գտել, փաստաբանական գրուածոց նախագիծերը պատրաստել, առջև նետուած դժուարութեանց լուծումները բանաձևել, պաշտօնական տեսակցութեամբ պաշտօնատուները լուսարանել, և գրուածները լրացնելով ու ընդօրինակելով ժամանակին հասցնել, և մինչև իսկ թղթատար սպասաւորի գործը կատարել, քանի որ ինձի հետ ոչ ընկեր ունէի և ոչ ծառայող, և ամէն գործ, մեծ ու պզտիկ, ներքին ու արտաքին, միայնակ կատարել պարտաւոր էի: Հասած օրերս տակաւին արքունիք և նախարարութիւնք պաշտօնապէս Փլորենտիայէ Հռոմ փոխադրուած չէին, ինչ որ տեղի ունեցաւ 1871 յուլիսին յատուկ հանդիսականութեամբ, և անոր վրայ աւելի կերպաւորուեցան այդ մասին ըլլալիք աշխատութիւնները: Ոչ միայն եկեղեցական ստացութեանց յանձնաժողովին, այլև ներքին և արտաքին գործոց, կրօնից և ելեմտից նախարարներուն, Հանցա նախարարապետին, եւ Վիսքոնթի - Վէնոսթա, Կատտա եւ Սէլլա (Lanza, Visconti - Venosta, Gadda, Sella) նախարարներուն հետ անձնական յարաբերութեանց մտնել պարտաւորուեցայ, Սալինի (Salini) փաստաբանին մասնագիտական խորհրդակցութիւններէն օգտուեցայ, տեղեկագիրները տպագրութեամբ ցրուեցի, և վերջապէս նպաստաւոր վճիռը ձեռք ձգել յաջողեցայ, որով Անտոնեանց վանքը իբր օտարագրի և օտարահպատակ հաստատութիւն, իւր շէնքով ու ստացութիւններով, գրաւման օրէնքէն զերծ և անձեռնմխելի սեփականութիւն հռչակուեցաւ: Սակայն մերձաւո-

րապէս երեք տարի տեւց այդ աշխատութիւնը իւր բազմաճղի պահանջներովը, և ամէն պաշտօնատուէններու հասարակ ձևակերպութիւններովը:

Վանական գործակատարութեան կարգին պէտք է յիշեմ՝ թէ արքահօր և թէ՛ զանազան միաբանակիցներու կողմէն հասած յանձնարարութիւնները, և Եւրոպայէ ճարուելիք իրերու առաքումը մասնաւոր աշխատութեանց և յատուկ հաշիւներու բաւականաչափ գրադում պատճառեցին:

Սոյն կարգին յիշեմ նաև որ Լիբանանի կաթողիկոսարանն ալ Հռոմի մէջ զետեղուած տոկոսաբեր դրամագլուխներ ունէր, և անոնց ազատութեան և մատակարարութեան հոգն ալ Պահլաւիարեանի կողմէն ինծի յանձնարարուեցաւ, և Սնտոնեանց դրամագլուխներու մասին յիշուած աշխատութիւնները անոնց մասին ալ հարկ եղաւ կրկնել:

## ԻԸ

Դաւնակոս, 1917 դեկտեմբեր 22/4 յունուար 1918 Ուր.

Ինծի յանձնուած գործառնութեանց մէջ, թէ ոչ կարգով՝ գունէ կարեւորութեամբ, գլխաւոր տեղ կը գրաւէր Հռոմի հետ բացուած պայքարին մասին պէտք եղածը կատարել, Փրոփականտայի ձեռնարկները իմանալ և ժամանակին կ. Պոլիս հաղորդել, մեր ընթացքին դէմ հրատարակութիւնները հերքել, լրագրական և բացատրական յօդուածներ և տետրակներ պատրաստել և տրւագրել, և հնարաւոր միջոցներ գործածել մեր ընթացքին արդարացումը Եւրոպայի հանրութեան ներկայելու համար: Այս արդիւնքները իրականացնելու համար պէտք էր բաւական ընդարձակ յարաբերութիւններ հաստատել, լրագիրներու խմբագրութեանց և տնօրէնութեանց հետ բարեկամութիւններ ձարել, պրութեանց համար ատեն աւելցնել, և մանաւաճազ հրատարակութեանց համար միջոցներ գտնալ: Ներքին եղելութեանց տեղեկացուելու համար շապկահեցան քիչ ու, շատ ազատախոն կամ թէ այս

կամ այն պատճառով պաշտօնական շրջանակներէ ցաւած հին մտերիմ եկեղեցականներ. մեր ընթացքին դէմ հրատարակուած անուղիղ տեղեկութեանց ծանօթանալու համար հարկ էր ընդարձակ կերպով ընթերցանութեանց հետեւիլ. աւելի դժուար էր մեր պաշտպանութեան համար ըլլալիք հրատարակութեանց ծախքերը հոգալ: Լրագրական խմբագրութեանց համար անտարբեր էր և անկարեւոր կը դասուէր Արեւելքի մէջ փոքրիկ հասարակութեան մը մէջ ծագած խնդիրը, բայց կարեւորութիւն ունէր պոլսական թղթակցութիւններով և քաղաքական լուրերով հարստացնել իրենց էջերը, և այս միջոցով կրնայի մեզի յատուկ լուրերն ու պաշտպանութիւններն ալ անցունել, առանց նոր ծախքով բռնաւորուելու, միայն ձրի թղթակիցի դերը ստանձնելով: Այդ պայմանը հաստատեցի Հոռմի լրագիրներէն երեքին չորսին հետ, և Կ. Պոլսոյ օրագիրներէն և մասնաւոր նամակներէ քաղուած լուրերով, և Թիւրքիոյ գործերուն մասին ունեցած տեղեկութիւններովս պարբերական թղթակցութիւններ տալ պայմանաւորեալ լրագիրներուն, մինչև իսկ մերթընդմերթ անծանօթ մնացած լուր մը հեռագիրի ձեւով հաղորդել: Այդ ճիւղերով զբաղողներուն յայտնի է թէ ո՛րչափ ծանր աշխատութեանց և երկայնամիտ հետեւողութեանց դուռ կը բանայ սոյն գործունէութիւնը: Անոնց յարակից էր Կ. Պոլսոյ հետ թղթակցութեանց նոր ճիւղ մը պահել, բոլոր անցուղարձը և ձեռք առնուած միջոցները և կատարուած հրատարակութիւնները հաղորդելու համար, որ շատ օգտակար եղած է Կ. Պոլսոյ մէջ գործողներուն՝ իրենց ձեռնարկները կարգադրելու և իրենց զգացումները ոգեւորելու:

Ձեռնարկած նպատակիս օգտակարագոյն կերպով հետեւելու համար հարկ էր Իտալիոյ քաղաքական գործերուն ալ մօտէն հետեւիլ և տեղեկանալ, ուստի պէտք եղաւ բարեկամութիւններ և մտերմութիւններ հաստատել ոչ միայն լրագրական ասպարէզին ծառայող անձերու, այլև պետական շրջանակի մէջ գտնուողներուն հետ, նախարարութեանց պաշտօնեաներու և խորհրդարանի երեսփոխաններու հետ, որ դարձեալ յատուկ զբաղմանց եւ ժամովաճառութեանց պատճառ կը դառնար: Միեւնոյն նպատակով ինքզինքիս Կ. Պոլսոյ Մեմուռայի Հախախ լրագրի յատուկ թղթակիցի դերը սեփականելով, իտալական խորհրդարանի մէջ խմբագիրներու յատուկ բաժինին ազատ մուտքի արտօնութիւնը



ճարեցի, և սակայ, մասնաւանդ կարեւոր վիճարանութեանց օրերը, ունկնդրութեան կը գտնուէի, և երեսփոխաններու և խըմբագիրներու հրուած բաղմաթիւ և ստուար տեղեկագիրները ըստանալու միջոց կ'ունենայի:

Հոռմի հետ բացուած պայքարի մասին ընդարձակագոյն տեղեկագիրներ հրատարակելու համար ալ ամսօրեայ հանդէսներու հետ յարաբերութեանց մտայ, և բաւական բան հրապարակ հանեցի: Մասնաւոր տետրներ ալ հրատարակեցի, որոնցմէ կը յիշեմ Ռեւերսուրուս կա՛ն Հայեր եւ Պապուքիւն (Il Reversurus, ovvero gli Armeni ed il Papato) իտալերէն տետրը, որ 1872 յունիս 6/18 ին աւարտեցաւ, և Արեւելեան Կաթողիկոս Կրօնական Ազատութիւնը եւ Քաղաքական Իրաւունքները (La Liberté Religieuse et les Droits Civiles des Catholiques d'Orient) գաղղիերէն տետրը, որ 1872 սեպտեմբեր 8/20 ին հրատարակուեցաւ:

Գաղանձեան արքեպիսկոպոսն ալ ուզեց հրապարակ իջնել այս միջոցին՝ երբ Հակահասուանեանց կողմէն շատեր մասնաւոր հրատարակութիւններով իրենց դատը պաշտպանել կը ջանային: Գաղանձեանի հրատարակածը Արեւելեան Հայ Կաթողիկոսայ վերապառութեամբ փոքրիկ տետրակ մըն էր վկայութիւններով և պատմական յիշատակներով, որ իտալերէն ու գաղղիերէն թարգմանութիւններ ալ ունեցաւ: Գաղանձեանի հրատարակութեան հերքում մը երեւցաւ շուտով Հասուանեանց կողմէն, թէպէտ անանուն բայց Ազարեան Ստեփանոս վարդապետի վերագրուած, եւ քիչ մը ծանր և խայթիչ ոճով: Գաղանձեան ներքնապէս վիրաւորուած՝ ինծի դիմեց իւր հրատարակութեան ջատագովութիւնը պատրաստել և հրատարակել, և անանունին դիմադրութիւնները հերքել, ինչ որ քննական և քննադատական ուսումնասիրութիւններ կը պահանջէր, անանունին յառաջ բերած վկայութիւններն ու պատմութիւնները բնագրական ճշգրտեանց դարձնելու համար: Թէ՛ խնդիրին պահանջը և թէ՛ մեծաւորին հրամանը յանձնառութիւն կը պահանջէին, ուստի 1873 մարտ 21/2 ապրիլին գործի ձեռնարկեցի, և չորս հինգ ամսուան մէջ հետազօտութիւնները, ուսումնասիրութիւնները, գրութիւնները և տպագրութիւնը աւարտելով՝ նոյն տարւոյ օգոստոս 11/23 ին երեք հարիւր երեսով ութածալ հատոր մը ի լոյս ընծայեցի Վասիկան եւ Հայեր (Le Vatican et les Arméniens) վերապառութեամբ և

գաղղիներէն լեզուով: Հրատարակութեանս դէմ հերքում չդրուեցաւ, զի բաւական ջախջախիչ էին նենգամիտ այլայլութեանց եւ քնազրական ճշդութեանց մասին յառաջ բերուած յայտնութիւնները, և պապական տտեանը բաւականացաւ զայն արգիլեալ գիրքերու ցանկին (Index) անցունել 1874 յունիս 28|10 յուլիսին, վերե յիշուած երկու տետրերուն հետ միասին: Բայց մերժումը հերքում չէր:

Կրնայի աւելի մանրամասնութիւններ տալ այս ճիւղին մէջ ունեցած գործունէութեանս մասին, սակայն թէ՛ ձանձրացուցիչ ըլլալէ կը վախնամ, և թէ՛ գրուածը բաւական կը սեպեմ իմ ընթացքիս եւ զգացումներուս մասին ճիշդ գաղափար մը կազմելու համար: Ինչպէս կը տեսնուի՝ երթալով կը յառաջէր և կը զօրանար իմ ներսս հակահռոմէական զգացումը, զի յայտնի ստորագրութեամբ և բացարձակ կերպով Հռոմի դէմ պայքարելէ, և հռոմէագաւան սկզբունքներու և փաստերու անտեղի և անուղիղ ըլլալը նշաւակելէ ետքը, մտային կորովի և համոզման տէր եղող անձի մը դիւրին չէր այլեւս յետս նահանջել, և այս միտքով էր իմ յաճախ կրկնած յայտարարութիւնս, թէ ես աստիճանաբար առջեւ երթալու մտադրութեամբ ճանապայ ելած եմ, և ինչ օտար է ետ դառնալու գաղափարը, որ ընթացակիցներուս մտաչելի կրնար երեւնալ:

## ԻԹ

Դամասկոս, 1917 դեկտ. 23|5 յունուար 1918 Շք.

Հռոմի մէջ անցուցած կեանքիս վրայ տուած տեղեկութիւններս լրացնելու համար, վարած կենցաղիս մասին ալ քանի մը խօսք աւելցնեմ: Տարագս աշխարհիկ և եկեղեցականութիւնս ծածկեալ ըլլալուն, եկեղեցականի կեանք չէի կրնար վարել, բայց միանգամայն առժամեայ վիճակ մը ըլլալով կացութիւնս և գարձեալ եկեղեցականի կեանք վարելու սահմանուած ըլլալով, հիմնական կանոնս եղաւ այնպէս ապրիլ որ վերջէն ալ ոչ խիղ-

ճիս վրայ խայթ ունենամ և ոչ ուրիշի առջև ամչնալ ստիպուիմ :  
Ուստի ինծի ներեցի աշխարհիկ կեանք ունենալ մինչև ուր որ  
անմեղաբար և անմեղանշաբար կրնար ընդարձակուիլ, և խընա-  
մով և խստութեամբ զգուշանալ այդ սահմանագիծը անցնելէ :

Վանքը վարձելուս հետևանօք պարտաւորուեցայ վանքէ  
դուրս բնակութիւն հաստատել, և առաջ բարեկամի մը մօտ  
սենեակ և սնունդ ունենալ պայմանաւորուեցայ, սակայն յառաջ  
եկած անյարմարութեանց պատճառով, առանձինն կահաւորեալ  
սենեակ վարձեցի և սնունդը ճաշարանի մէջ առնել սկսայ, թէ-  
պէտ երկուքն ալ քանիցս փոփոխելով պատահական պատճառներու  
ստիպմամբ :

Յերեկի ժամերս այնպէս բռնուած էին, որ հանգիստի ու  
ժամանցի միջոց մը փնտռելու բնաւ պէտք չունէի, իսկ երեկոյ-  
եան անգործ ժամերու համար հին ծանօթներու և պարկեշտ  
անձերու շրջանակ մը ունեցայ տեսակցութեանց սահմանուած,  
խոհական անձերու յաճախած ժամադրավայրերու մէջ : Արտա-  
քին զուարճութիւններէ օրինաւոր սեպեցի թատերական ներ-  
կայացումներու ունկնդրութիւնը, առաւելապէս արձակ արտա-  
սանութեանց ճիւղին մէջ, որոնք գրական և մտաւորական զար-  
գացման ալ կը ծառային և բարոյական սկզբունքներ կը թելա-  
դրեն :

Յարաբերութիւններս ընդարձակ եղան զանազան դասակար-  
գերու մէջ, բայց ընտանեկաններէն զգուշացայ : Օսմանեան դես-  
պանատան հետ շատ սերտ մտերմութիւն պահեցի, իրարու յա-  
ջորդող Փօթիատիս պէյ, Սարգիս էֆէնտի Համամձեան և Աղեք-  
սանդր Գարաթէօտորի էֆէնտի դեսպաններուն հետ հաւասարու-  
պէս, մանաւանդ վերջինին հետ՝ թէ՛ իրենց ընտանեկան շրջա-  
նակին մէջ և թէ՛ պաշտօնական հանդիսութեանց պարագաներու  
մէջ : Իհսպանատունին անպաշտօն պաշտօնեայ մըն էի գրեթէ,  
Իտալիոյ պետական և խորհրդարանական շրջանակներէն լուրեր  
քաղելով և հաղորդելով, թարգմանութիւններ ընելով և յանձ-  
նարարութիւններ կատարելով : Սուլթան Ապաիւլազիզի կողմէ  
Իտալիոյ Վիքտոր Էմմանուէլ թագաւորին նուիրուած երկվարնե-  
րը ներկայացուած օրը 1872 սեպտ. 24|6 հոկտ.ին թարգմանու-  
թեան պաշտօնն իսկ ինծի յանձնուեցաւ : Նմանապէս 1874 յու-  
նիս 13|25ին կայսերական տօնին առթիւ օսմանեան գաղթակա-

նութեան դեսպանին ներկայանալու ատեն պատուիրակութեան պլուխը ես գտնուեցայ և շնորհաւորական ուղերձը կարդացի: Դեսպանատան համար ըրած ծառայութիւններս պաշտօնական վկայագիրով գնահատուեցան Կ. Պոլիս դառնալուս առթիւ, եւ արտաքին գործոց նախարարէ վարձատրութեան խոստումներ ստացայ, այլ Ապտիւլազիզի գահազրկութեան միջադէպին շուտով վրայ հասնելովը արգիւնաւորումն ու իրականացումը խափանուեցաւ:

Անձնական կենցաղիս պարագաներէն ամենալու կէտ մը չունենալով՝ համարձակօրէն և անկեղծօրէն զայն յառաջ բերել չեմ քաշուիր, և ուրախ եմ աւելցնել որ երբեք այս մասին քննադատող կամ մեղադրող կամ դատապարտող չունեցայ: Պատյաներու ալ շատ հետամուտ չեղայ, միայն Գազանձեանի ջատագովութեան հատորին հրատարակութեան վրայ, իբրև վարձ հանգիստի մը արտօնուեցայ, և 1873 հոկտեմբեր 14|26ին Հռոմէ մեկնեցայ խնայողական շրջագայութիւն մը կատարելու հիւսիսային Իտալիոյ գլխաւոր քաղաքները: Միտիոլանի (Milano) մէջ կնքահօրս զաւակներուն Յակօբ և օրիորդ էլպիս Փափագեաններու հետ միացայ, որոնք Լոնտրայէ (London) օդափոխութեան կուգային, և միասին կատարեցինք շրջանին շարունակութիւնը: Նոյեմբեր 10|22ին երկրորդ անգամ ըլլալով Վենետիկ և Ս. Ղազարայցելեցի, նոյ. 17|29ին միասին Հռոմ դարձանք, և տասն օր ևս միասին մնալէ ետքը նոյ. 27|9 գեկտին անոնք Լոնտրա դարձան, և ես գործերուս ձեռնարկեցի: Ասկէ դատ համառօտ պտոյտ մըն ալ Նէապոլսոյ կողմը կատարեցի Վէսիւվի (Vesuvio) հրաբուխին բորբոքելուն առթիւ, և 1874 օգոստոս 11|23ին Քաբրի կղզեկին (Capri) Կապոյտ քարայրն (Grotta Azurro) ալ մտայ:

Ամէն դասակարգի հետ ունեցած յարաբերութիւններուս իբրև կնիք յիշեմ ևս 1875 յունուար 24|5 փետր.ին հուշակաւոր Կարիպալտի (Giuseppe Garibaldi) զօրավարին հետ ունեցած տեսակցութիւնս: Անկէ առաջ ու ետքն ալ Իտալիոյ միաւորութեան երախտաւորներէն շատերուն հետ հետաքրքրական տեսակցութիւններ ունեցած եմ:

Հռոմ եկած ատենս եղբայրս Վիչէն հօն կը գտնուէր իւր բըժշկական ուսանողութեան ընթացքը լրացնելու, զոր փակեց 1872 յուլիս 28|9 օգոստոսին վերջնական յաջող քննութեամբ: Ասոր

վրայ ուզելով պահ մը ազատ փորձառութիւն կատարել Արչեւիա (Arcevia) գիւղաքաղաքի բժշկութիւնը ստանձնեց: Նոյն տարին Կոմիտաս եղբայրս ալ բժշկական ընթացքը Կ. Պոլսոյ մէջ աւարտելով, կատարելագործութեան համար Հռոմ հասաւ սեպտ. 29/11 հոկտ.ին, յաջորդ առտուն Վիչէն ալ Արչեւիայէ դարձաւ և 1872 սեպտ. 30/12 հոկտ.ին երեք եղբայր միասին Հռոմ գրտնուեցանք, և երեք ամիս միասին ապրեցանք: Վիչէն Գաղղիա մեկնեցաւ 1873 յունուար 8/20ին Բարիզի հիւանդանոցները տեսնելու, ուսկից պահ մը Լոնտրա ալ անցաւ միւլնոյն նպատակով: Երբ ամենայն ինչ յաջող կ'ընթանար, անակնկալ պատահար մը ընտանեկան կացութիւննիս խանգարեց: Ինչպէս որ հայրս պարզ անզգուշութեամբ մահացու դեղ մը ուրիշ դեղի փոխարէն տուած ըլլալուն՝ 1873 ապրիլ 30/12 մայիսին կը ձերբակալուի, որուն գոյժը լրագիրէ կ'առնենք մայիս 14/26ին, և իսկոյն Կոմիտաս միւս օր, մայիս 15/27ին, Հռոմէ կը մեկնի պէտք եղածը հոգալու, Վիչէն ալ հոկտ. 1/13ին Գաղղիայէ Հռոմ կուգայ և տասն օրէն, հոկտ. 10/22ին, նա ալ Կ. Պոլիս երթալու կը մեկնի: Անոնց ճիգերը և պաշտօնական անձանց միջնորդութիւնը կը յաջողին պարզ անզգուշութեան պարագայն հաստատել, և հայրս քանի մի ամսուն քանտարկութեան կը դատապարտուի. նախ ազատ կը թողուի և դատաստանի վճիռէն ետքը 1874 դեկտ. 21/2 յունուար 1875ին վերջնապէս ազատ կ'արձակուի: Սակայն ինքն իրմէ վատահութիւնը վերցնելով, յօժարակամ նախաձեռնութեամբ իւր դեղարանը կը փակէ, հանգստեան կեանքի կը մտնէ տակաւին 58 տարեկան եղած ատեն, և ընտանեաց հոգը երկու բժիշկ եղբայրներուս կը փոխանցուի: Արկածին պարզուելուն և հօրս վտանգին հեռանալուն աւետիսովը ես հանդարտած էի, որով կրցայ հիւսիսային Իտալիոյ շրջապայութիւնս խողաղ սիրտով կատարել:

Սոյն ժամանակամիջոցի անձնական յիշատակներս փակելու համար յիշեմ ևս Աւագ-Վարդան-Անճարակեան Արսէն արքեպիսկոպոսի մահը 1874 մարտ 25/6 ապրիլին: Անտոնեան միաբան և նախկին վանահայր, վերջէն Եւդոկիոյ թեմակալ արքեպիսկոպոս ձեռնադրուած էր, և թեմէն հրաժարելէն և Անտոնեանց Հռոմէ մեկնելէն ետքը առանձինն կ'ապրէր Ս. Վլասայ հիւրանոցը: Ստէպ կ'այցելէի իրեն, հիւանդութեան ատեն ալ խնամեցի, մահուանէ ետքը յուղարկուորութեան և թաղման ալ տէր կանգնեցայ:

Ս. Լավրենտիոսի Վարանեան գերեզմանատան մէջ (Campo Varano) յատուկ տեղ ամփոփել տուի և նոյն տարւոյ նոյ. 17|29ին հայերէն և իտալերէն արձանագրութեամբ համեստ շիրիմ մըն ալ կանգնեցի: Որչափ ալ հոգևորական պաշտամանց չմասնակցեցայ խժբժանաց տեղի չտալու համար, նորէն հանդիսադիր Հիւրմիւզեան Եղուարդ արքեպիսկոպոսի դիտողութիւններ պակաս չեղան Փրոփականայի կողմէ:

Գր. Գր.  
Քր. Գր.  
Հա. Գր.  
Մ. Գր.  
Ս. Գր.  
Ա. Գր.  
Վ. Գր.

L

Դաւեաւիտ, 1917 դեկտ. 26|8 յունուար 1918 Գշ.

Հոռմի մէջ վարած կեանքիս մասին համառօտած տեղեկութիւններս ալ կը բաւեն հաւաստել թէ անդուլ անդադար և գրեթէ չարաչար աշխատութեանց շարք մըն էին անցուցած օրերս, որոնք հարկաւ ձախող ելքի մը պիտի յանգէին, մանաւանդ որ պարտաւոր էի թեթև անհանգստութիւններն ու տկարութիւններն ալ անխնամ թողուլ, գործերու ընթացքը չխափահելու համար: Ինչ որ կը վախցուէր վերջապէս չորս տարի ետքը երևան եկաւ, եւ 1875 մարտ 20|1 ապրիլին ծանր տենդով մահիճ լինկայ, որ շուտով ուղեղի և ողնաշարի թաղանթատապ յայտնուեցաւ (Meningite Cérebro-Spinale), եւ վտանգաւոր կերպարան ստացաւ, զի ուշս ալ կորուսած էի և կը բանդապուշէի: Կուրը տարածուեցաւ. օսմանեան դեսպանատուներ հարկ սեպեց դարան և գզրոց կնքել, և Կ. Պոլիսէ անմիջապէս Հ. Սերովբէ Հանրմեանը ճանապայ հանեցին գոյից և գործոց ախրանալու, որ ապրիլ 10|22ին Հոռմ հասաւ և հետզհետէ հիւանդութեան ծանրանալը տեսնելով 17|29ին սենեակիս մէջ պատարապելով վերջին թոշակ ալ մատակարարեց, և կը կարծեմ թէ վերջին օժուժ ալ տուած է, թէպէտ յիշել ուզած չէ: Հիւանդութիւնը տակաւ կը սաստկանար, այնպէս որ բժշկապետ Պաչչելլի (Baccelli) եղբայրներուս հեռագիր կուտայ թէ Հոռմ պիտի թաղեն՝ թէ ոչ մարմինը Կ. Պոլիս պիտի յղեն: Ապրիլ 19|1 մայիս

օրը իբր ամենավտանգաւոր օր նկատուած է բժշկական տեղեկագիրով, և այն օրուան անվտանգ անցնիլը մեծապէս յուսադրուած է բժիշկները: Հիւանդութեան մեծ տապնապին անցնիլը եթէ կազմիս զօրաւորութեան և կանոնաւոր կեանքիս պիտի վերագրուի, պէտք է խոստովանիլ թէ բժիշկներու անձնուէր ճիշտութուն ալ արդիւնքն եղած է: Պաչչելլի աշխարհահռչակ բժշկապետը, Կալասսի (Galassi) դեպանատան բժիշկը, և Մուրրի (Murri) հմուտ ուսուցիչը իբրեւ գլխաւոր բժիշկներ խնամած են, և Վիչէնի դասընկերներէն Մարքիաֆաւա (Marchiafava) եղբայրներ և Բիչչիրիլլի (Piccirilli) նորահաս բժիշկներ իբրև հիւանդապահ իրարու փոխանակելով անընդհատ հսկած են, վայրկեանէ վայրկեան պահանջուած դարմանը հասցնելով, թէպէտ Սուրբ Հոգւոյ հիւանդանոցին (Ospedale di Santo Spirito) կրօնաւոր հիւանդապահներէն հերթակալներն ալ պակաս չեն ըրած ամէն ծառայութեանց համար: Սակայն մարդկային խնամքներուն վրայ տառուածային շնորհաց բարիքն ալ պէտք չէ մոռնամ յիշատակել:

Հիւանդութեան տապնապին երկար ժամանակամիջոցը շարունակ ուշաթափութեամբ անցուցած եմ, հազիւ մերթընդմերթ գիտակցութեան վայրկեաններ ունենալով: Լաւ կը յիշեմ գիշեր մը բնակած տունիս մէջ գտնուողներուն ձեռնտուութեամբ, նոյն թաղին Ս. Հռոդոս եկեղեցւոյ ժողովրդապետին սենեակս մտնելով զիս դարձի բերելու փորձը, որուն երեսն ի վեր պուսցի թէ դիակի հոսիս վագոդ ագուսներ են, և մարդը հապճեպով յուսակտուր մեկնեցաւ: Հանրմեանի հասնելէն առաջ տեղի ունեցած էր այդ միջադէպը:

Ապրիլ 21|3 մայիսին բժիշկներ վտանգը անցուցած ըլլալով Վճռեցին, և ապա քինութեան խնամքներու ձեռնարկեցին, և տրկարութիւնս զօրացնելու և կազդուրելու միջոցները կարգադրեցին, որ բարեբախտաբար արագ և լաւ ընթացք ունեցաւ, այնպէս որ երեք շաբաթէն մայիս 13|25 ին կրցայ առաջին անգամ տունէ ելլալ, և կառքով համառօտ պտոյտ մը ընել: Հանրմեան ալ, որ Հռոմի գործերը ստանձնելէ կը խորչէր, կրցաւ վստահօրէն մայիս 18|30ին Հռոմէ մեկնիլ Կ. Պոլիս դառնալու համար: Իմ առաջին այցելութիւնս դեպանատուն ըրի Գարաթէոտորի էֆ. ի շնորհակալութեան, որ բոլոր հիւանդութեանս միջոցին

պաշտօնականէ և բարեկամականէ շատ վեր՝ եղբայրական հրակողութիւն և հոգացողութիւն ունեցած էր իմ վրայ: Չմոռնամ յիշել Երուանդ Ոսկան երիտասարդը, Յակոբ Ոսկան ուսուցիչի որդին և անդրիազործութեան ուսանողը, զոր հայրը իմ խնամոց յանձնած էր և ինձի հետ բնակակից էր, և մտադիւր կատարեց տնեցիի պարտքը անձնուէր եւ սիրայորդոր զգացումով:

Իբրև բժշկական առած կը զրուցուի, թէ ուղեղային թաղանթատապէ հազարէ մէկը հազիւ կ'ազատի, և ազատուողն ալ առանց մէկ թերութեան չ'ըլլար: Այդ նպատակով բժիշկներ խրատիւ ապսպրեցին գոնէ երեք ամիս որևէ մտաւոր աշխատութեանէ հեռու մնալ և Հռոմի ամառնային տօթէն հեռանալ: Վտանգաւոր հիւանդութիւնս մտահոգութիւն պատճառած էր կնքահօրս որդւոյն Յակոբ Փափազեանի, որ Լոնտրայի մէջ սեղանաւորական դրամատուն կը վարէր. ուստի հազիւ ապաքինութիւնս լրսած՝ զիս իրեն մօտ հրաւիրեց, և ես ալ սիրով ընդունեցայ, և ըստ այնմ յունիս 24|6 յուլիսին Հռոմէ մեկնեցայ հանդարտ եւ դանդաղ ուղևորութեամբ Իտալիոյ և Գաղղիոյ վրայէն Լոնտրա երթալու, բժիշկ Սանդինի (Santini) մտերիմ բարեկամի մօտ Սբէցիա (Spezia) քաղաքը հանգիստ առնելով, յունիս 24|6 յուլիսին Փարիզ հասայ, ուր ուրիշ գործ մըն ալ ունէի կատարելիք: Չիս խնամոգներէն Հէկտոր Մարքիաֆալա Հռոմի մէջ խօսք կապած էր Գաղղիացի օրիորդի մը հետ, որ այն ատեն Գաղղիա կը գտնուէր, և պաշտօնական գործողութեանց համար օգնականի և առաջնորդի պէտքն ունէր: Ես եղայ իրեն օգնականը. Եւտօքսիա օրիորդին ծնողաց հետ համաձայնելու համար մինչև Նորմանտիա Սէն Լօ (Saint Lo) քաղաքն ալ գացի, Փարիզի մէջ պաշտօնական ձևակերպութիւնները կատարեցի, և ծանուցմանց պայմանաւժամը անցունելու համար յուլիս 18|30ին Լոնտրա անցայ, ուսկից յուլիս 24|5 օգոստոսին դարձեալ Փարիզ դարձայ և քաղաքական ու եկեղեցական պասկադրութեանց արարողութիւնները լրացուցի, իբրև վկայ և իբրև կնքահայր կենալով: Ես նորէն Լոնտրա անցայ, Մարքիաֆալա փութաց Հռոմ դառնալ պաշտօնին բերմամբ, իսկ նորապսակ հարսը պարտաւորուեցաւ Գաղղիա մնալ ընտանեկան կարգադրութեանց համար: Ընդամէնն ամիսի մը չափ Լոնտրա մնացի Յակոբ Փափազեանի հիւր, և բարեբախտաբար շարունակ պայծառ օղ ու-



նենալով, քաղաքն ու շրջակաները շրջեցայ մինչև Պրայթըն (Brighton), բայց Մանչեսթըր (Manchester) այցելելու առիթ չունեցայ :

Փարիզ եղած ատենս հանդիպեցայ Կէօզէեան դրամատան վարիչ Գէորգ Սամանճեանի, որ եւրոպական շրջագայութեան ելած էր, և իբր իրեն բարեկամի առաջարկեց միասին կատարել մնացեալ շրջանը և գլխաւորապէս Իտալիոյ պտոյսը, և օր և ժամ որոշեցինք Գերմանիոյ Գոլոնիա (Köln) քաղաքը իրար գլտնել : Համաձայն այդ ժամագրութեան Լոնտրայէ մեկնելով Օսթանտի (Ostende) ճանաչով Պրիւքսէլ (Bruxelles) հասայ օգոստոս 11/23ին, անկէ ալ Գոլոնիա եկայ, ուր բարեբախտաբար երկրազործական և արհեստական արուեստահանդէսի մը բացման հանդիպեցանք, և զահաժառանգ Փրէզէրիկոս իշխանին նախագահութեամբ կատարուած հանդէսին ալ ներկայ ըլլալու կերպը գտանք :

Հոսմ եղած ատենէս յարաբերութեան մտած էի Գերմանիոյ Հին Կաթոլիկաց (Altkatolikaen) հետ, որ Հակահասուճեանց նման պապութեան հնարած նորութիւններուն և Վատիկանեան ժողովով վճռուած անսխալականութեան դէմ ելած էին, և եթէ Կ. Պոլսոյ մէջ վարանմանց մատնուած չըլլային, անոնց եպիսկոպոսին ձեռնադրութիւնն ալ մեր կողմէ կատարուած պիտի ըլլար : Օգոստոս 14/26ին յատկապէս Պօն (Bonn) քաղաք երթալով տեսակցութիւն ունեցայ Ռայնքէնս (Reinkens) եպիսկոպոսին հետ, որ Հոլանտիոյ Յանսենեաններէն (Jansenistes) առած էր իւր ձեռնադրութիւնը : Նոյն տեղ հանդիպեցան Հին Կաթոլիկաց գլխաւորներէն ուրիշներ ալ :

Իսկ Սամանճեանի հետ ուղեւորութիւննիս շարունակելով Հոննոսի ընթացքը կատարեցինք նաւարկութեամբ մինչև Շթրազպուրկ (Strassburg), և Պալ (Passel) քաղաքէն Հելուեաիա մըտնելով Չիւրիխ և Պերն (Zürich, Bern) քաղաքները այցելեցինք, օգոստոս 20/1 սեպտեմբերին Ռիկի (Rigi) գեղահայկաց լեռան գագաթը բարձրացանք, և միւս կողմէն իջնելով մինչև Ժընէվ (Genève) եկանք, գիծին վրայ գտնուող քաղաքները հանգիստ առնելով : Երբ կը պատրաստուէինք Իտալիա մանել, ստիպողական հեռագիրներով Սամանճեան Կ. Պոլիս կոչուեցաւ, հանրային պարտքին տոկոսին վճարման դադարումը հրամայող կայսերական

որոշմամբ դրամական հրապարակին վրայ ծաղած շփոթութեան երեսէն: Սամանձեան հարկադրուեցաւ համակերպիլ. ուստի աւրագ ընթացքով որոշեց ժընէվէ Վիէննա անցնիլ, և ուզեց որ ետայ մինչև հոն ընկերանամ, ուր հասանք օգոստոս 25|6 սեպտեմբերին. ինքն Կ. Պոլսոյ ճանապան շարունակեց, իսկ ես քանի մի օր եւս Վիէննա անցուցի:

Այն օրեր Վիէննա կը գտնուէր Հասունեան, որ 1872 յուլիս 9|21ին օսմանեան կառավարութեան հրամանով Կ. Պոլիսէ հեռացուած էր: Իմ Վիէննա հասնիլս լսելով և զիս իրեն շահելու դիտումով յատուկ հրաւէր կը դրկէ, որուն մերժողական պատասխան կուտամ իրեն հետ գործ մը չունենալով: Բայց երբ Վիէննայի Մխիթարեանց արքահայր Պօզաճեան Յակոբոս արքեպիսկոպոսը անձամբ կուգայ հրաւէրը կրկնել և վախնալու պատճառ չունենալս վրստահացնել, կը հաւանիմ երթալ թէ՛ թախանձանքին զիջանելով և թէ՛ վախցող չերեւնալու համար: Տեսակցութիւննիս տեղի ունեցաւ օգոստոս 27|8 սեպտեմբերին Մխիթարեանց վանքը, ուր Հասունեան իջեւանած էր: Սօսակցութիւննիս բաւական երկար եղաւ: Հասունեան երկու կէտերու վրայ աւելի կը սնդէր. մէկը թէ կրած հիւանդութենէս ետքը այեւս աշխատողի կեանք ունենալ չկրնալուս համար, ինքն կը խոստանար զիս անաշխատ եւ հանգիստ ապրեցնել, և միւսը՝ թէ Աստուած ինձի խնայած և զիս մահուանէ ազատած էր որպէսզի դարձի և զղջումի ատեն ունենամ: Իմ պատասխաններս կտրուկ եղան. առաջինին մասին՝ թէ կը նախընտրեմ աշխատողի և արդիւնաւոր համառօտ կեանք ունենալ, քան թէ անգործ և ապարդիւն երկար ապրիլ: Երկրորդ կէտի մասին ալ պատասխանեցի, թէ մահը մօտէն տեսայ անվրդով խիղճով, և Աստուծոյ կեանքս պահելուն շնորհը կ'ընդունիմ իբրև միջոց, որպէսզի ձեռնարկած գործս և սկսած ուղղութիւնս կարենամ ի զլուիս հանել: Այս պատասխաններս Հասունեանը յուսախաբ թողուցին, և խօսակցութիւնը անուշ տեղը կապելով վերջացուց, և մեկնեցայ:

Մէկ քանի օր Վիէննա մնալով ուղեւորեցայ Պավարիոյ Միւնիխ (Munich) մայրաքաղաքը, ուր կ'ուզէի տեսակցութիւն ունենալ Հին Կաթոլիկաց պետերուն, Տէօլլինկէրի և Ֆրիտրիխի հետ (Dollinger, Friedrich), ուստի յատկապէս այցելեցի Կմոնտըն և Թէժըրնսէէ գիւղերը (Gmunden, Tegernsee), ուր օգափո-

խութեան կը գտնուէին, և հետաքրքրական տեսակցութիւններ ունեցայ օգոստոս 30/11 սեպտեմբերին:

Յիշեցի թէ նորապսակ հարսը Գաղղիա մնացած էր. անոր ալ առաջնորդել խոստացած էի, ուստի ժամադրութեամբ և պատշաճ ընկերակցութեամբ նա ալ եկաւ Գաղղիոյ սահմանազուտիւր, ուսկից միասին Իտալիա մտանք. ՄարքիաՓավա ալ դիմաւորելու եկաւ մինչև Թէրնի (Terni) քաղաքը, և այնպէս Հռոմ հասանք սեպտեմբեր 4/16ին:

Յունիս 20/2 յուլիսին Հռոմէ մեկնած ըլլալով երկուքուկէս ամսուան հաճելի և առողջարար ուղեւորութիւն մը կատարած եղայ, Փափագեան և Սամանճեան բարեկամաց շնորհիւ դիւրութիւններ ալ վայելելով: Ամէն զբաղում դադրեցուցած էի այդ միջոցին, մինչև իսկ լրագիր կարգալէ զգուշանալով, և միայն Պէտէքէր (Baedeker) ուղեցոյցներու ընթերցմամբ բուականանալով, դացած տեղերս ճանչնալու և երթալիք տեղերս առաջնորդուելու համար: Իսկապէս ետքը օրինաւոր բժշկական քննութենէ անցնելով ըստ ամենայնի ապաքինած և կազդուրուած ըլլալուս վրաստանութիւնը ստացայ, և որեւիցէ թերութեան նշոյլը վրաս չը գտնուելուն ապահովութիւնը ունեցայ: Իրօք ալ 1875էն ցայսօր անցուցած քառասուներկու տարուան պաշտօնական և անպաշտօն կեանքս շոշափելի հաստատութիւնն է այդ համոզման:

ԼԱ

Իստանպուլ, 1917 թիկս. 26/8 յունուար 1918 Գշ.

Հռոմ դառնալով և առողջութեանս վստահութեամբ դարձեալ ձեռնարկեցի հիւանդութենէս առաջ կատարած աշխատութիւններուս, յետամնաց գործերը լրացնելով, և նոր յանձնարարութիւն մըն ալ հետապնդելով: Միտքանութեան արբահայրն ու ժողովը նկատելով որ այլևս Հռոմայ վանքը վերահաստատելը նպատակէ զուրկ և միջոցներէ թերի մտածմունք մըն է, միւս

կողմէն ալ վերջին պատահարներուն պատճառով միաբանութիւնը ծանրածանր պարտքերու ներքե ինկած է, կ'որոշէ վանքը վաճառել շահաւոր պայմաններով, պարտքերէ ազատիլ և Կ. Պոլսոյ մէջ հաստատուիլը դիւրացնել: Այդ էր նոր աշխատութիւնը որ ինծի կը յանձնարարուէր. օրինաւոր վաճառման պայմանները ճշդել և պատրաստել, և շահաւոր վաճառման հետապընդումները կատարել: Համաձայն հրահանգին կամ հրամանին սկսայ այդ նոր ձեռնարկին, որ, ինչպէս յայտնի է, մէկ օրէ միւս օր լրանալու դործ մը չէր, և պաշտօնական և մանաւանդ անպաշտօն կերպեր ձեռք առնելու էր, հաւանական ելքը Կ. Պոլիս հաղորդել և վերջնական արտօնութիւնը ստանալ, պատասխանատուութենէ զերծ մնալու համար:

Անցողաբար յիշեմ այս միջոցին պատահած երկու մահեր, որ իմ վրաս մեծ տպաւորութիւն գործած են: Մէկն է Լիպորիոյ Ռուպինօ ուսուցչին մահը, առաջին աշակերտութեանս դասատուին, որ ծերացեալ տարիքին մէջ ստամոքսի քաղցկեղով երկար տառապեցաւ, և ինծի պարտք սեպեցի խնամ տանիլ անոր իւր անօգնական վիճակին մէջ: Մահը տեղի ունեցաւ 1875 հոկտ. 14/26ին: Միւսն է Տիկլին Ատէլէ Թիթթօնիի (Tittoni) մահը, Յովհաննէս Թիթթօնիի ամուսին և Փելլիքս Սանթինի բժիշկին քոյր: Երկար տարիներ իրարու սիրահարուած մնալէն ետքը, պսակէն տարիէ մը կը մեռնէր կինը, և ամուսինը շուարեալ և խելայեղեալ՝ Հոռմի մօտ ունեցած ագարակին մէջ կը փակուէր, և ոչ ոքի կը ներէր իրեն մօտենալ, կրօնքի և անդրշիրիմեան կեանքի վրայ ալ թերահաւատութեամբ տաղնապուած: Ատէլէի մահը տեղի ունեցած էր 1876 փետր. 5/17ին: Սանթինի և ազգակիցք ու մերձաւորք ինծի կը դիմեն Թիթթօնիին երթալ, յուսալով որ գոնէ պատկառելով՝ ընդունի և հնար ըլլայ զայն իւր առանձնութենէն հանել: Բարեկամութիւնը զիս կը ստիպէր եւ կ'երթամ. իրօք ալ նա չի կրնար մերժել. հետը կը գիշերեմ, եւ ճարտար ու իմաստասիրական խօսակցութիւններով կը յաջողիմ զինքը մեզմացնել, յաջորդ օրը միասին կը տանիմ գերեզմանատուն, գետնադամբանին մէջ զետեղուած դագաղին այցելութեան, և անկէ առնը կը բերեմ և կը յանձնեմ, բոլոր իրեններուն ուրախութեամբ:

Միւս կողմէն վանքին վաճառման գործին կը հետեւէի, զա-

նազան առաջարկներ կը քննէի, առաւելագոյն գին գանալու կ'աշխատէի, նօտարական պահանջները կը լրացնէի, և արդիւնքը Կ. Պոլիս կը հաղորդէի, ուսկից վերջնական արտօնութիւնը հասաւ, գործը փութացնելու համար գանուածով գոհանալու հիմամբ: Ըստ այսմ 1876 ապրիլ 6|18ին վաճառման մուրհակը պաշտօնապէս ստորագրեցի: Օրինաւորութեան մեծ մասը կանուխէն լրացած էր վանքին գրաւումէ ազատուելովը և ազատ սեփականութիւն հռչակուելովը. վաճառուածն էր վանքին ամբողջ շէնքը յարակից բանջարանոցով և այգիով, երկու պարտէզներով և վագուկ ջրով. գինն էր հարիւր հազար իտալական լիրա որ է Ֆրանք, ամէն ծախքէ ազատ, և զնոզն էր գրամատէր Բասքուչչի (Pascucci), որ Մոլինայի ծանօթ և բարեկամ ըլլալով՝ հաստատուած ապարանը թողուց որ շարունակէ: Տարիներ ետքը գնողը կրկին վաճառած է Ճգնողական Օգոստինեան (Agostiniani Romitani) միաբանութեան անհատական անունով, որոնք իրենց Ս. Օգոստինոսի վանքը գրաւուելէն ետքը հոն հաստատուած են իրենց կեդրոնը, և այնպէս ալ կը մնան մինչև այսօր:

Վանքին վաճառման իմ պաշտօնս ալ լրացած ըլլալով, Կ. Պոլիս դառնալու պատրաստութեանց սկսայ, և ապրիլ 30|12 մայիսին Հռոմէ մեկնեցայ, միւս օր մայիս 1|13ին Մօնթէկասինօյի (Monte-cassino) Բենետիկտեանց մայրավանքը այցելեցի, եւ նէպոլիսէ նաւելով մայիս 7|19ին Կ. Պոլիս հասայ: Հռոմ հասած էի 1871 ապրիլ 29|11 մայիսին, և 1876 ապրիլ 30|12 մայիսին մեկնելով ճիշդ հինգ տարի Հռոմ մնացած կ'ըլլայի այս անգամ: Իտալիայէն վերջին մեկնելու եղաւ այս օր՝ 1851էն հաշուելով՝ քսանըհինգ տարի ըսել կ'ըլլայ. սակայն 1866էն 1867, և 1868էն 1869, եւ 1870էն 1871 Կ. Պոլիս անցուցած միջոցներս ղեղչելով, քսաներկու տարի Իտալիա անցուցած կ'ըլլամ, որ կը բաւէր իտալացի գրուելու՝ եթէ հպատակութիւն փոխել միտքէս անցած ըլլար: Բայց Իտալիոյ հետ յարաբերութիւնս չպակսեցաւ և էթթորէ Մարքիաֆավա և Ֆէնիչէ Սանթինի բժիշկներու, եւ այժմ ծերակուտականներու հետ թղթակցութիւնս մինչև վերջին տարիներ շարունակուած է, և միայն պատերազմի պատճառով յարաբերութեանց դադրելովը ընդհատուած:

Մայիս 7|19 ուրբաթ օր Կ. Պոլիս հասնելով, յաջորդ շաբաթ օր 8|20ին նորէն եկեղեցական սքեմը զգեցայ, և 9|21ին

կիրակի օր պատարագեցի, հինգ տարիներ դադարելէն ետքը :  
Իսկ ամէնօրեայ պատարագի մատուցման սովորութիւնը կանու-  
խէն ալ թողած էի :

## ԼԲ

Գանասկոս, 1917 ղեկս. 27|9 յունուար 1918 'Իշ.

Երբոր Հռոմի վանքին վաճառման որոշումը կը տրուի, Գազանձեան արքահայր իւր պահանջներուն վրայ կը սկսի խօսիլ, իւր անունով կնքած փոխառութիւնները կը յիշէ, զանազան առիթներով եղած բացառիկ ծախքերը առաջ կը բերէ, և երեք չորս հազար օսմանեան ոսկոյ գումար մը պահանջք կը ցուցնէ միաբանական սնտուկէն : Միաբաններու մէջ դիտողութիւններ կը սկսին, յիշուած կէտերէն քանիներ շփոթ կ'երևին, գումարներ բարդուած կը կարծուին, և մանաւանդ աչքի կը դարնեն տնական կեանքին մէջ տեսնուած անխորհուրդ ծախքերը : Այս տեսութեանց հետևանքով, Հայր Պօղոս Պօյնուէյրիեան Աորհրդականաց Ժողովին կողմէ ազդարարած էր ինծի Հռոմ եղած ասեմս, վանքին վաճառումէն պոյացած գումարը արքահօր անունին չփոխանցել, այլ իմ անունով միասին բերելու ես ալ ըստ այսմ բոլորը ինծի վճարելի փոխգիրերու վերածած էի : Կ. Պոլիս հասնելէս ետքը երկկողմանի ստիպումներ սկսան վրաս, արքահօր կողմէն՝ գումարը յանձնելու, և միաբանութեան կողմէն՝ չյանձնելու համար, որով պարտաւորուեցայ ճարտար փախուստներու դիմել, նոյն իսկ արքահօր բացարձակ հրամաններուն հանդէպ : Գործը վերջապէս սկսաւ պաշտօնապէս խօսուիլ, խորհրդակցութեանց նիւթ ըլլալ, և կանոնաւոր համարատուութեան պէտքը շեշտուեցաւ : Այս միջադէպներ ամիս մը տևեցին, նոյն օրեր տեղի ունեցած քաղաքական դէպքերուն ալ պատճառով, զի մայիս 18|30ին էր որ Ապտիւլազիզ կայսր գահազուրկ եղաւ և Մուրատ Ե. կայսր անոր տեղ բարձրացաւ :

Բանակցութիւններով տեսնուեցաւ որ Գազանձեան կանո-

նաև որ հաշիւ չկրնար ներկայել, ուստի յունիս 12|24ին Միարա-  
 նական ժողովով որոշուեցաւ վերջին ժամանակամիջոցին մայր  
 հաշիւը կողմել, արբահօր և Կ. Պոլսոյ և Հռոմի և Լիբանանի  
 հաշիւները միացնել, և կացութիւնը ճշդել, և ըստ այնմ գոր-  
 ծածել պատրաստ գումարը, որ միշտ իմ սնունդով կը մնար: Եր-  
 կու կողմերու առաջարկութեամբ և համաձայնութեամբ հաշուե-  
 քննիչի պաշտօնն ալ ինծի յանձնուեցաւ, Սորհրդականաց ժողո-  
 վին քարտուղարի անունի ներքե, և Հ. Մեսրոպ Սարըեարլեանն  
 ու Հ. Եղիա Քիլճեան օգնական և ընկերակից տալով: Երկար և  
 տաժանելի աշխատութիւն մըն էր յանձնուածը. Գազանճեան  
 հատուկտոր տետրեր և թերթեր միայն ունէր, վանքերու հա-  
 շիւններ իրարմէ անկախ էին, և հարկ եղաւ նորէն մայր առ-  
 մար մը բանալ, զանազան հաշիւները իրարու միացնել, զրկուած  
 գումարները ընդունուածներով բաղդատել, ծախքերու որակն ու  
 քանակը զննութեան ենթարկել, և ընդհանուր ելմտական կացու-  
 թիւնը երևան հանել: Շատ անգամ բերանացի բացատրութիւն-  
 ներ քաղելու պէտքն ալ զգալի եղաւ: Իբր երկու ամիս տեւեց այս  
 աշխատութիւնը, որուն հետեանքը Գազանճեանի ձախող եղաւ,  
 զի մինչ նա երեք հազար ոսկիէ աւելի պահանջ ունենալը կը կար-  
 ծէր, երկու հազարի մօտ գումարի պարտապան տեսնուեցաւ,  
 իւր անձնական և տնական ծախքերը միաբանական հաշիւին  
 խառնել ներեալ չըլլալով:

Գործին պաշտօնական ձև տալու և պատրաստուած հաշիւը  
 զննելու և հաստատելու համար Միաբանական Ընդհ. ժողով գու-  
 մարուեցաւ սեպտ. 1|13ին, որուն ատենապետ ընտրուեցայ, եւ  
 պատրաստուած հաշիւը նոյնութեամբ հաստատուեցաւ, և Գա-  
 ղանճեան ստիպուեցաւ արբահայրութենէն հրաժարիլ, որ անհա-  
 կառակ ընդունուեցաւ, և Հ. Ռափայէլ Միասէրեան յաջորդ ըն-  
 տրուեցաւ: Սորհրդականաց կամ Մնամատարաց Տնօրէն ժողովե-  
 ալ վերակազմուեցաւ և չորս անդամներէն մին ես ընտրուեցայ  
 սեպտ. 10|23ի նիստին մէջ, և պաշտօններու բաշխման ատեն  
 միաբանութեան ընդհանուր համարակալ կամ ելմտից տեսուչ նշա-  
 նակուեցայ, և պարտքերու վճարման և պատրաստ գումարին  
 կիրառութեան զբաղումները վրաս մնացին:

Գործոց ընթացքը կը ցուցնէ թէ կատարեալ վստահութեան  
 առարկայ եղած էի ամենուն կողմէ, հակառակ որ ինքնօրէն մա-

տակարարութիւն մը վարած էի Հոսմի մէջ : Գազանձեան ալ այդ վստահութեան հետ զիս իրեն անձնապէս հաւատարիմ կ'ընդունէր՝ երբոր իր հաշիւներուն քննութիւնը ինծի յանձնելու կը համաձայնէր . սակայն ես չէի կրնար ընդհանուրին շահը մասնաւորին բարեկամութեան զոհել, և կողմուած հաշիւին օրինաւորութեան ինքն ալ չկրնայով զիմադրութիւն յայտնել, թէպէտ վշտացաւ, բայց սիրալիր յարաբերութիւնը ինծի հետ չխզեց : Միաբանութիւնը բաւականացաւ Գազանձեանի եկեղեցական զարդերէն և արժէքաւոր գոյքերէն ինչ ինչ պահել, և պարտքին վճարումը չպնդեց, զի ծախսուած գումար էր և պատրաստ դըրամ չունէր :

Անցաւ որ միջադէպ մը կը յուշնէ թէ ինձ հանդէպ վստահութիւնը միաբանութենէ դուրս հասարակութեան կողմէն ալ կը վկայուէր : Պահժիյարեան կաթողիկոս չորս եպիսկոպոսներու ձեռնադրութենէ ետքը՝ հինգերորդ մըն ալ ձեռնադրած էր իբր Տիարպէքիրի թեմակալութեամբ իրեն յաջորդ, Քիւրէլեան Յովհաննէպիսկոպոսը : Օսմանեան կառավարութիւնը երբոր Հասունեանի պատրիարքական հրովարտակը ջնջեց, հասարակութիւնը նոր ընտրութեան հրաւիրեց, և Գազանձեան կը յուսար ինքն ընտրուիլ, սակայն հասարակութեան մէջ կողմնակցութիւններ սկսած էին, և էնֆիյէճեան Գրիգոր վարդապետի գլխաւորութեամբ Գազանձեանի և Անտոնեանց դէմ հոսանք մը սկսած էր, որ և յաջողած էր 1872 մայիս 9/21ի ընդհանուր քուէարկութեան մէջ Յովհաննէպիսկոպոսը ընտրել տալ, որուն մեծ արդիւնքը էնֆիյէճեանի գործիք ըլլալը պիտի ըլլար, որուն Տիարպէքիրցի հայրենակիցն ու Զմմառեան միաբանակիցը ու յայտնի բարեկամն էր : Սակայն Քիւրէլեան տկարութիւն ալ ունէր, և ստանձնած պաշտօնին ո՛չ հոգն և ո՛չ հոգին ունէր, և թոյլ ու անգոյն ընթացքով կասկածելի դարձած էր : Այդ ձախող զգացումը օրըստօրէ տճած և տարածուած էր երբոր ես 1876ին Կ. Պոլիս կը դառնայի : Հասարակութեան Ընդհ. Ժողովը յայտնապէս ալ այդ տեսութիւնները իւրացուցած էր, և դառնալէս քիչ ետքը յունիս 24/6 յուլիսի նիստին մէջ անակնկալ որոշմամբ մը Քիւրէլեան պաշտօնէն կը հրաժարեցնէ, և զիս պատրիարքական տեղապահ կը նշանակէ : Սակայն հազիւ ժողովի սրահէն դուրս կ'ելլան, կը լսեն Հասունեանի նոյն օր Կ. Պոլիս հասնիլը կառավարական արտօ-



նութեամբ, և տրուած որոշումը անդործ և ապարդիւն կը մնայ, զի պատրիարքական աթոռին պարապութեան պարագայն վնասակար կը դառնար:

Ասոր հետ մէկտեղ հասարակութեան պաշտօնական գործերու մէջ դեր ունենալէ ետև չմնացի: Երբոր Հակահասունեանց գործերը հետզհետէ կը տկարանային, եկեղեցականներ խորհրդակցական ժողովի խմբուեցան 1876 դեկտեմբեր 22|3 յունուար 1877ին, Գործադիր Յանձնաժողով մը ընտրեցին, որուն անդամներէն մին և տեղեկաբերը ես նշանակուեցայ: Երբոր Բնդհ. Ժողովը վերակազմուեցաւ 1877 յունուար 25|6 փետրուարին, դարձեալ եկեղեցական երեսփոխան ընտրուեցայ: Նորընտիր վարչութիւնը պատրիարքական գործունէութեան կարգուսարք տալու համար, մարտ 17|29ին զիս պաշտօնի կոչեց իբրև վարչութեան ատենադպիր, պատրիարքարանի դիւանապետ և ընդհ. համարակալ, իսկ ապրիլ 19|1 մայիսին Ուսումնական Աորհրդոյ անդամ անուանեց, Միքայէլ Փորթուգալեան և Թովմաս Թերզեան եւ Գրիգոր Կէօչէեան ծանօթ բանասէրներու հետ:

Միեւնոյն ատեն միարանական շրջանակին մէջ ալ վերև յիշուած պաշտօններէն զատ, զանազան յանձնարարութիւններ ըստանձնեցի: Հռոմէ յղուած տպագիր և գրչագիր մատեանները ու դիւանական գրութիւնները տակաւին օրինաւոր գետեղում եւ ցուցակադրութիւն ստացած չէին, եւ 1876 յուլիս 27|8 օգոստոսին ինձ յանձնուեցաւ մատենադարանը կազմել երիտասարդ միաբաններէն աշխատակիցներ առնելով: Գազանձեան արբահայր կանուխէն սկսած էր Հնդկաստանի անտէրունչ ժառանգութիւններէն Հօճա Ղազարի դրամագլուխին վայելումը հայկաթոլիկ ընտանիքի մը սեփականելու աշխատիլ, Անտոնեանց դիւանի հին գրութիւններէն փաստեր քողելով: Այդ գործին աշխատակցութեան ալ հրաւիրուեցայ, դիւանական փաստերը խուզարկելու, թարգմանելու և շարակարգելու, և անոնց համեմատ տեղեկագիրներ պատրաստելու, և Նիսիմ Գասթրօ (De Castro) փաստաբանին հետ խորհրդակցելու և բանակցելու. այդ գործին ալ ձեռնարկեցի 1876 օգոստոս 10|22ին: Անտոնեան վարժարանի հրկիզումէն ետքը նոր մը բանալու գաղափարը շարունակած էր Անտոնեանց միտքին մէջ, և զանազան փորձերէ ետքը որոշուեցաւ օրիորդաց վարժարան մը բանալ Բերա, Լալէ փողոցի Համագ-

գեաց Բնկերութեան շէնքին մէջ, և գործադրութիւնը յանձնուեցաւ Հ. Յովհաննէս Ծաղիկեանի և ինծի 1878 մայիս 8|20ին, եւ պէտք եղած պատրաստութիւնները լրացնելով վարժարանը բացինք սեպտեմբեր 1|13ին, և վարեցինք իբրև տեսչակից ընկերներ և ես դասատուութիւններ ալ ստանձնեցի:

Այդ միջոցին պատահած նշանաւոր դէպքերէն իբր յիշատակ աւելցնեմ 1876 օգոստոս 19|31 Ապտիւլհամիտ կայսեր գահակալելը իւր եղբօրը Մուրատ Ե.ի տեղ, որ մտային հիւանդութեան ենթարկեալ վճռուեցաւ: Յիշեմ նաև 1876 հոկտեմբեր 3|15 Սուրտաճեան Գրիգորի որդին՝ յունիս 4|16ին ծնած Արամը մկրտելս, որ առաջին կատարած մկրտութիւնս էր, իբր զի միշտ հեռու մը նացած եմ ժողովրդապետական կամ ծխատիրական պաշտօններ կատարելէ: Նոյն 1876 տարւոյ հակտեմբեր 14|26ին վախճանեցաւ Եղուարդ Հիւրմիւզեան արքեպիսկոպոսը ի Հոռմ, որ զիս ձեռնադրողն էր եղած, և նշանաւոր տեղ մը կը գրաւէ հայկաբան գրագէտներու շարքին մէջ: Իսկ 1878 յունուար 26|7 փետրուարին վախճանեցաւ Պիոս Թ. պապը, որ բոլոր Հոռմ գտնուած միջոցիս աթոռին վրայ եղած էր, և այս պատճառով յատուկ մտադրութիւն դարձուցած էր վրաս, և պղտիկ աստուածաբան (Teologhetto) անունով սովոր էր ողջունել:

## ԼԳ

Դանասկոս, 1917 դեկտ. 29|11 յունուար 1918 Ուր.

Գրութեանս հանդիպողներուն յայտնի եղած է այլևս որ իմ հակահասունեան խնդրիբին մասնակցիլս նախաշաւիղ մըն էր աւելի առաջ երթալու, սակայն առանց գործը գահավիժելու, այլ աստիճանաբար յառաջելու պայմանով: Այդ էր նպատակս երբոր Հոռմ եղած ատենէս իմ հրատարակութեանցս գլխաւորները փութացած էի յղել Ներսէս Վարժապետեան պատրիարքին, որ իւր պաշտօնավարութեան առջի օրերէն հռչակ հանած էր, և Հայ Եկեղեցւոյ և Հայ Ազգի պայծառութեան անձնանուէր աշխատող

մը ճանչցուած էր: Կ. Պոլիս դառնալէս ետքը աւելի եւս զօրապաւ այդ միտքս, տեսնալով հակահասունեան հասարակութեան անկումը. պատրիարքը ապիկար և իւր կոչման անգիտակ, կաթողիկոսը խոր և անգործ ծերութեան հասած, եկեղեցականները եսականութեամբ կուսակցութեանց բաժնուած, Գազանճեան ու Էնֆիլէճեան իրարու ընդդիմամարտ կանգնած, մեծամեծներէն ոմանք ասոր կամ անոր կոյր կողմնակից եղած, եւ ոմանք զըզուանօք հրապարակէ քաշուած, ժողովուրդը թուլցած կամ անտարբեր դարձած, և ընդհանուր հասարակութիւնը Հասունեանի դառնալովը եւ կառավարական պաշտպանութեան նուազելովը վարանման մատնուած: Աշխատեցայ մեծամեծներէն խոհականագոյններուն՝ Յովհաննէս Չամիչեանի, Յովհաննէս Սագըզեանի, Միքայէլ Փորթուգալեանի, Կոմիտաս Բէքմէզեանի, եւ ուրիշներու իմ տեսութիւններս հաղորդել եւ գործունէութեան յորդորել, բայց մեծ ոգեւորութիւն չտեսայ. Անտոնեաններն ալ ներքին խնդիրներով զբաղած հասարակութեան գործերէն ցրտացած գտայ: Ահա՛ թէ ինչ տեսութիւններով նպատակիս աւելի գործնական ձեւ տալ որոշեցի. Հայ Եկեղեցոյ պատկանող ծանօթներու հետ յարաբերութիւնները շատցուցի, նորեր ունենալու հետեւեցայ, և Ներսէս պատրիարքի մօտենալու համար Յովհաննէս Մկրեան աւագերէցին միջնորդութիւնը պատրաստեցի:

Այս կէտէն կը սկսի իմ վերադարձին սկզբնաւորութիւնը, զոր արդէն գրութեանս առաջին յօդուածներուն մէջ բացատրած եմ, և աւելորդ կը սեպուէր թերեւս անոր վրայ անդրադառնալ: Սակայն այնտեղ լոկ զգացումներու տեսակէտէն խօսած ըլլալով, իսկ հիմայ կենսագրականին մտնելով, հարկ կ'ըլլայ պատմական պարագաները լրացնել. բայց եթէ ինչ ինչ կէտեր կրկնուած տեսնուին, թող անմեղադիր ըլլայ հանդիպողը. ես կանուխէն յիշեցուցի թէ կանոնաւոր գրութիւն մը չէ ներկայս այլ սիրտի վեղուած մը ինքնաբերաբար արտայայտուած, Սոսիէտ ու Սոսիէտ, ինչպէս որ միտքիս կը ներկայանան: Միանգամ ընդ միշտ այդ դիտողութիւնը յայտնելէ ետքը, անցնիմ եղելութիւններ յիշատակելու:

Ներսէս պատրիարքի առաջին անգամ ներկայացայ 1877 փետրուար 11/23ին, ուրբաթ օր մը, որ ըսել է Կ. Պոլիս հասնելէս իբր ութ ամիս ետքը, և Ներսէս չուզեց որ նպատակս ան-

սիջապէս գործադրեմ. հակահասունեան հասարակութիւնը քակտելու ճանապուհ մտած էր, և յոյս կար որ լաւ մաս մը Հայ Եկեղեցւոյ ծոցը դառնար, և իմ մէջերնին մնալս կրնար այդ նպատակին օգտակար ըլլալ: Այս տեսութեամբ եւ այս հրահանգով շարունակեցի դիրքս պահել, եւ Անտոնեան միաբանութեան եւ հակահասունեան հասարակութեան պաշտօնները վարել, ինչպէս վերեւ բացատրեցի, սակայն Հայոց պատրիարքարանէ ալ բոլորովին հեռու չմնացի: Յակօբ Արշակ ձեռնարկած էր Ազգային Մատենադարան մը հիմնել Ղալաթիոյ Ս. Լուսաւորիչ եկեղեցւոյ բակին մէջ. սկսայ անոր օգնել, և այս միջոցով յարաբերութիւնները ընդարձակել: Խորէն Նարպէյ արքեպիսկոպոս, որ Մատենադարանի Ընկերութեան կը նախագահէր, Հայկական Կաճառի մը կազմութեան ձեռնարկեց եւ զիս ալ կաճառորդ նշանակեց, եւ 1877 օգոստոս 8/20ին բացման նիստին ներկայ եղայ, թէպէտ ձեռնարկը ոչ արդիւնք ունեցաւ եւ ոչ շարունակութիւն, բայց անուհս սկսաւ խօսուիլ ու տարածուիլ հայկական շրջանակներու մէջ, եւ լրագիրներու ալ, գլխաւորապէս Մաւիսի, խմբագրատունները կը յաճախէի, եւ յօդուած ալ կուտայի: Այն օրերը 1878 մայիս 11/23ին Սեբեկի մէջ վախճանեցաւ Հ. Կղեմէս Սիպիլեան՝ Վիէննայի Մխիթարեաններէն, նշանաւոր հնագէտ, որ Հ. Ղուկաս Տէրտէրեանի հետ՝ Վիէննայի Մխիթարեաններէն, Հակահասունեանց հետ էին: Հասունեանք սկսան տարածել թէ Սիպիլեան վերջին պահուն զղջում յայանած էր, ուստի միւս կողմէն որոշուեցաւ յատուկ հոգեհանգիստ կատարել, որ եւ տեղի ունեցաւ Օրթօքէօյի եկեղեցին 1878 յուլիս 18/30ին, եւ ինձ վիճակուեցաւ դամբանականը խօսիլ ազգասիրական եռանդով ոգեւորուած: Ունկնդրութիւնը Հայերէն մեծ թիւ մը կը պարունակէր, զի Սիպիլեանի արժանիքը ընդհանուր հայութենէ պնահատուած էր: Դամբանականը լաւ տպաւորութիւն թողուց, և այն օրէն անուհս աւելի ընտանի եւ ծանօթ դարձաւ հայ շրջանակներու մէջ: Դամբանականը Մաւիսի մէջ ալ հրատարակուեցաւ, եւ արտատպութիւն ալ ունեցաւ: Ասկէ ետքն էր որ Հայոց պատրիարքարանի մէջ Ազգահամարի Յանձնաժողով մը կազմուեցաւ, նոյն օրեր սկզբնաւորած Հայկական Խնդիրին իբրեւ հիմ ծառայելու համար, եւ Ներսէս պատրիարքէ ես ալ նոյն Յանձնաժողովին անդամ անուանուեցայ: Արդէն ալ ուղղակի եւ

անուղղակի, բանակցութեամբ եւ խորհրդակցութեամբ, ստէպ ծանօթ խնդիրին մասնակցութեան կը հրաւիրուէի Ներսէս պատ-  
րիարքէ, որուն համակրութիւնը օրրատօրէ կ'աճէր իմ վրայ:

Հայ ազգութեան հետ յարաբերութիւններու աճելուն նպաս-  
տաւոր պարագայ մը եղաւ Ազգ. Մատենադարանին վերատեսուչ  
անուանուելիս 1878 օգոստոս 17/29ին: Ազգ. երեսփոխանութիւնը  
Ղալաթիա կը գումարուէր, եւ Մատենադարանին սրահը իբրեւ  
սպասելու կամ հանգստանալու սենեակ կը ծառայէր երեսփոխան-  
ներուն, ուր ես ալ ներկայ գտնուիլ կը պարտաւորուէի, և ազ-  
գային նշանաւոր դէմքերու հետ շփուելու առիթ կ'ունենայի:  
Նոյն օրեր Կ. Պոլիս կը հասնէր Կարապետ Եզեանց, ռուսահայ  
պետական պաշտօնեայ և ծանօթ գրագէտ, որ սեպտ. 19/1 հոկտ. ին  
յատկապէս զիս ճանչնալու եկաւ, եւ ճարտար դարձուածներով  
կը հրաւիրէր Հայ Եկեղեցւոյ ծոցը իսկոյն դառնալ, և Էջմիածնի  
Ճեմարանին տեսչութեան անուանել տալու հրապոյրն ալ կ'առա-  
ջարկէր, որով ինծի հարկ կ'ըլլար բացատրել մտադրութիւնս եւ  
պատրիարքի հրահանգը:

Ազգութեան եւ հայութեան շեշտուած շարժում մը կը տի-  
րեր այն օրեր մայրաքաղաքին մէջ, որուն առիթ տուած էր  
ռուսութուրք պատերազմը եւ անկէ ծագում առած հայութեան  
ապագային ակնկալութիւնը: Այդ կացութեան հետեւանքներէն  
մին ալ թաղերու մէջ լսարաններ կազմակերպելն եղաւ, ուր ծա-  
նօթ անձեր գրաւոր բանախօսութիւններ կ'արտասանէին և հա-  
յութեան մասին համարձակ կը խօսէին պատշաճից պահանջը  
յարգելով: Այդ կարգին ես ալ հրաւէրներ սկսայ ունենալ, և ա-  
ռաջին բանախօսութիւնը ընթերցայ 1879 յունուար 8/20ին Օր-  
թաքէոյի լսարանը, նիւթ առնելով Հայուն անցեալն ու ներկայն ու  
ապագայն, որ լաւ ընդունելութիւն գտաւ և Մատիսի մէջ ալ հրա-  
տարակուեցաւ: Հետզհետէ ուրիշ բանախօսութիւններ ալ կա-  
տարեցի Հայուքեան հոգին՝ Իւսկիւտար, Հայ երիտասարդութիւն՝ Սա-  
մաթիա, Հայ ազգութիւն՝ Քատըքէոյ, և Կարօս եւմֆ՝ դարձեալ Օր-  
թաքէոյ, միշտ շեշտեալ յաջողութեամբ, եւ խօսուածները յա-  
տուկ տետրերով հրատարակուեցան: Հետզհետէ կ'ընդարձակ-  
ուէին հայութեան հետ յարաբերութիւններս, Հակահասունեանց  
մի մասին կողմէ ալ մօտաւորութիւնը կը շատնար, այնպէս որ  
1879 ապրիլ 2/14ին, Զատիկի պաշտօնական շնորհաւորութեանց

կարգին, կրցայ բաւական խումբի մը գլուխ Գումգարուի պատ-  
րիարքարանը ներկայանալ, և պատրիարքին տկարութեան պատ-  
ճառով ազգային ներկայացուցչութեանց հետ թափօրով Վլան-  
կայի մէջ բնակած տունը երթալ, և մեր յարգական բարեմաղ-  
թութիւնները մատուցանել Ներսէս պատրիարքին, և մեծ համա-  
կրութեամբ ընդունուիլ: Այլևս իմ անձնական տեսակցութիւն-  
ներս Ներսէսի հետ սովորական դարձած էին, որ հաւասարապէս  
չարունակեցին հրաժարականի միջոցին ալ՝ Չըգսալըի իւր սե-  
փական տունը և Պէյդօզ Աբրահամ բաշայի տրամադրած օդա-  
փոխութեան տունը:

Պատրիարքին տուած հրահանգը անձնական յարաբերութիւն-  
ներով չէր վերջանար. պէտք էր հակահասունեան քայքայեալ  
չէնքին բեկորներէն գոնէ մաս մը հայ պատրիարքարանին անցու-  
նել: Այդ մասին հետեւելէ չկասեցայ, եւ թէ՛ միաբանութեան եւ  
թէ՛ հասարակութեան վրայ փորձեր փորձելու ջանացի: Միաբա-  
նութեան մասին առաջարկեցի խմբովին Հայ Եկեղեցւոյ ծոցը  
մտնել, եւ Ներսէս պատրիարքէ Արմաշի վանքը Անտոնեանց  
յանձնելու խոստումն ալ ստացայ, բայց անհնար եղաւ միաբա-  
նութիւնը համոզել: Ոմանք հռոմէոգաւանութենէ բաժնուելէ  
դժկամակութիւն կ'զգային, ուրիշներ տարիքներու բերմամբ փո-  
փոխութենէ կը զգուշանային, և երիտասարդներ ծխատէր քա-  
հանայի ընթացքին սովորած հայ վարդապետի դերը վարելու  
համարձակութիւն չունէին, որով միաբանութեան մասին փորձերս  
ապարդիւն մնացին: Գործը աւելի ընդարձակելով սկսայ մտերիմ-  
ներու խորհրդակցութեամբ առաջարկել որ հակահասունեան կամ  
արեւելեան կաթոլիկութեան պայմանները պահելով հանդերձ  
հայ պատրիարքարանի իրաւասութեան ներքեւ անցնինք, այն-  
պէս որ Բերայի Ս. Յովհան Ոսկեբերան եկեղեցւոյ թաղը բացա-  
ռիկ սովորութեանց դիրք մը ունենայ: Այդ գաղափարը կը զօ-  
րանար Հակահասունեանց անգլուխ մնալովը, զի Յովհան Քիւ-  
բէլեան պատրիարքը հետզհետէ Հասունեանէ շահուելով 1879  
փետր. 27|11 մարտին գիշերը գաղտնի կերպով խոյս տուած եւ  
Հասունեանի մօտ ապաւինած էր, և անկէ ալ Հռոմ ուղևորած  
էր իւր զղջումը յայտնելու և խոստացուած պարգևը ստանալու:  
Ներսէս պատրիարք եպիսկոպոսներու խորհրդակցութիւն կազմե-  
լով առաջարկը գործադրելի գտած էր, և հասարակութենէն լաւ

մաս մըն ալ պատրաստակամութիւն կը յայտնէր: Սակայն բուն ընդդիմութիւն սկսաւ Էնֆիլէճեանի գլխաւորութեամբ, եւ իւր հովանաւոր Յակոբ Կէօզէեանի պաշտպանութեամբ, որ զրեթէ կացութեան տէր դարձած էր միւս մեծամեծներուն հրապարակէ քաշուելովը: Առաջարկը բաւական կարեւորութիւն ստացաւ, Երեսփոխանութեան Ընդհ. Ժողովի մէջ վիճարանութեան նիւթ ալ եղաւ, այլ մեծամասնութիւն չստացաւ Էնֆիլէճեան-Կէօզէեան ուղղութեան բուն ճիւղերով: Էնֆիլէճեան որ Քիւրէլեանի դասալքութեամբ փոխանորդի կամ տեղապահի դիրքը առած էր, հակահասունեան տկարացած հասարակութեան պատրիարք ընտրուելու գաղափարով կ'օրօրուէր, թէպէտ զայն ի վրուխ հանել չէր յաջողեր:

Այդ միջագէպները մարտէ հոկտեմբեր ութը ամիսներ Հակահասունեանները զբաղեցուցին, թէպէտ անոնց կացութիւնը զօրացնելու տեղ հետզհետէ աւելի տկարացուցին:

ԼԴ

Իսթանպուլ, 1917 թիւ 29 | 11 յունուար 1918 Ուր-

Երբոր միջասահման առաջարկներ արդիւնք չունեցան, կը մնար բացարձակ կերպով հայ պատրիարքարանի իրաւասութեան անցնիլ, և արդիւնաւորապէս անցնելու համար հետևող խումբ մը ունենալ: Էնֆիլէճեանի կողմէն մինչև իսկ երեսս ի վեր զրուցուեցաւ, որ եթէ պիտի անցնիմ՝ ճանպաս բաց է, ուրիշի չը խառնուիմ: Ասով մէկտեղ ես չդադարեցայ հետևողներու խումբը կազմելու ջանքերէ, բայց միշտ անհաստատ կերպով, զի գաղափարին համակիրներ տեսակ տեսակ ակնածութիւններով համարձակութեան մէջ կը թերանային, և մէկ օր խոստացողներ միւս օր կը փոխուէին. հրապոյրներ, յորդորներ, վախեր, մինչև իսկ պետական զգուշաւորութիւններ շատերը կասկածներու կը մատնէին: Յապաղման պատճառ մըն ալ Ներսէս պատրիարքի հրամաժարականն էր, զի ես կը դժուարանայի իմ յայտարարութիւնս

անկէ զատ ուրիշի մը առջև կատարել, զի անոր բացակայութեան Իզմիրլեան Մատթէոս եպիսկոպոս կը նախագահէր Ազգային Վարչութեան խորհրդականի անուանով:

Վերջապէս բոլոր առկալս պարագաներ կարգի մտան, Ներսէս պաշտօնի գլուխ դարձաւ, հաստատամիտ հետևողներու ստորագրութիւնները հաւաքուեցան, իբր 45 ծանօթ տեարք և իբր 30 տիկնայք. վերագործի պաշտօնականութիւնը Գիւտխաչի օրուան նշանակուեցաւ, և 1879 հոկտ. 28/9 նոյ.ին մեծահանդէս տօնախմբութեան մը կերպարանը ստացաւ, և նոյն օր ծայրագոյն վարդապետութեան աստիճանին օրհնուեցայ Ներսէս պատրիարքէ, որուն հետ ուրիշ եպիսկոպոսներ ալ գտնուեցան, և արարողութիւնը համառօտելու մասնակցեցան:

Այդ որոշմանս և կատարած այս վերագործիս մասին աւելորդ չըլլայ քանի մը բացատրութեան խօսքեր աւելցնել, դաւանութեան և հասարակութեան և միաբանութեան տեսակէտներէն: Դաւանութեան տեսակէտէն արդէն յայտնած եմ, թէ որչափ կաթողիկ տատուածաբանութեան խորերը մտայ, իմ վրայ ճախող տպաւորութիւն գործեցին իրենց սեփական փաստերուն տկարութիւնները, մինչև իսկ Աւետարանի վկայութեանց կամայական մեկնութիւններ տալ, և սուրբ հարց խօսքերը ոստումներով և զեղչումներով և այլաբանութիւններով իրենց միտքին բռնագրօսելը: Հետևաբար ո՛չ մի խայթ և ո՛չ մի խիղճի նեղութիւն չէի կրնար զգալ, և չզգացի անկէ բաժնուելով. ընդհակառակն զրաւիչ կը գտնէի հայ դաւանութիւնը իւր հնօրեայ եւ պահպանողական լայնամիտ և ազատախոհ սկզբունքներով: Գալով հասարակութենէն բաժնուելուս՝ այն հազիւ թէ կարևորութիւն կրնար ազդել իւր հատուածական և փոքրամասն և անկեալ վիճակովը, զոր ոչ իբր նպատակ, այլ առաւել իբր ճանապարհ ըմբռնած էի: Արդէն ալ առանց պապի պապականութիւն և առանց կաթողիկոսութեան կաթողիկոսութիւն պահել անհիմն կացութիւն մըն էր, որ կրնար իսկ անտեղի սեպուիլ եթէ նպատակակէտ ընդունուէր: Իսկ իմ մեկնելով կացութիւնը աւելի տկարացուցած ըլլալ պիտի չըսեմ, զի անձնագով չըսուիմ, այլ անկայուն վիճակին պիտի վերագրեմ իւր անվրէպ քայքայումը: Աւելի մտադրութեան արժանի էր ձեռնարկս միաբանութեան տեսակէտէն նկատուած ատեն, իբր զի ուխտադիր՝ կապ մը կար



իմ և միաբանութեան միջև : Այդ մասին իմ սկզբունքս եղած է անդարմանելի ոչինչ ընդունիլ մարդկային դործերու և ձեռնարկներու մէջ, և հետևաբար նպատակը դադարելէն և իրականութիւնը վաանգուելէն ետքը, պարտաւորութիւնն ալ դադարած ճանչնալ : Այս կէտերը ես նախապէս միաբանութեան և միաբանակից ընկերներուն հաղորդեցի երեք ընդարձակ համակներով, որոնք ամբողջ պատկերացումը կը պարունակեն իմ մտայնութեան և ժամանակին իրականութեան : Միաբանութիւնը վաանգուած, կամ իսպառ ջնջուելու և կամ պապութեան ստրուկ մարմին մը դառնալու վտանգին ենթարկուած, նիւթական միջոցներէ զրկուած, և անկարող վերանորոգելու այն դիրքը որուն մէջ ես միաբանութեան անդամակցած էի, ուստի ո՛չ մի փաստ և ո՛չ մի հարկ չէր կրնար զիս ստիպել որ իրեն աւերածին հետ աւերիմ, ո՛չ ջնջուելուն հետ ջնջուիմ և ո՛չ ստրկանալուն հետ ստրկանամ : Միայն ինծի պարտք սեպեցի այս կէտէն դուրս եղող յանձնառութիւններու հաւատարիմ մնալ, կուսակրօն կեանքը անտխեղծ պահել, հարստանալու չհետեիլ, և աւագութիւններ չհետապընդել : Իմ համարձակ գրութիւններս միաբանակից ընկերներուս վրայ ազդեցին, և ո՛չ մի գծութիւն ու ո՛չ մի ցրտութիւն ցուցին ինծի հանդէպ, և չափազանց վստահութեամբ իմ ձեռքս թողուցին իրենց հաշիւներն ու տոմարները, իրենցմէ բաժուելէս ետքն ալ, մինչև 4. Պոլիսէ մեկնիլս :

Ուրախ եմ աւելցնել թէ բոլոր հակահասունեան աղգայնոց հետ ալ համակրական եւ բարեկամական յարաբերութիւններս չխզուեցան : Միայն էնֆիլէճեան եղաւ որ քարոզի մէջ յայտարարել համարձակեցաւ, թէ ինքը իրաւանց պաշտպանութեան սկզբունքը կը յարգէ, բայց ուղիղ հաւատքէ շեղիլը չ'արդարացներ : Այս խօսքերը ներսէս պատրիարքն ալ գայթակղեցուցեր, և էնֆիլէճեանի մասին կանուխէն կազմած նպաստաւոր գաղափարը եղծանելու առիթ տուեր էին :

Վերադարձիս ուրիշ մանրամասնութեանց մասին կանուխէն պրածներս բաւական սեպելով, այդ կէտը կը փակեմ :

## ԼԵ

Իսահակոս, 1917 դեկտ. 30 | 12 յունուար 1918 Շք.

Վերադարձէն երեք օր ետքը, հոկտ. 31 | 12 նոյ.ին Ղալաթիոյ Ս. Լուսաւորիչ եկեղեցւոյ քարոզիչ նշանակուեցայ, նոյ. 4 | 16ին առաջին քարոզը տուի և նոյ. 25 | 7 դեկտ.ին առաջին պատարագը մատուցի Ղալաթիոյ եկեղեցւոյն բոլոր բարերարաց յիշատակին, իսկ 1880 մարտ 3 | 15ին աւագերէց Յարութիւն Սերոբեանի յուղարկաւորութեան նախագահեցի, առաջին անգամ հանգուցեալ քահանայի օժումը կատարելով: Չանազան եկեղեցիներէ քարոզի և պատարագի հրաւերներ ունեցայ, և յատուկ ցոյցերով և հացկերոյթներով ալ պատուասիրուեցայ: Պատրիարքարանի պաշտօն ըլլալով 1880 մարտի մէջ Վանօրէից Խորհուրդի անդամ անուանուեցայ, և ամսոյն 28 | 9 ապրիլին առաջին անգամ նիստին ներկայ եղայ, թէպէտ պաշտօնը շարունակելու ստեն չունեցայ:

Քարոզչական պաշտօնին գալով՝ յայտնի են անոր գործունէութիւնը և պարտաւորութիւնները, և բացատրութեանց մըտնել հարկ չեմ տեսներ: Յայտնի են ևս Ղալաթիոյ եկեղեցւոյն և Պոլսոյ մեծ ուխտատեղին ըլլալը, և հինգշաբթի օրերը ամէն թաղերէ բարեպաշտներու խոնուիլը, և կրնամ ըսել թէ աւելի ընդարձակութիւն ալ առաւ իմ պաշտօնավարութեան օրերը: Ինչ որ իբրև նոր պարագայ մը իդէպ կը համարիմ յիշատակել, Ղալաթիոյ թաղականութեան առած նոր կազմակերպութիւնն է: Ղալաթիոյ հայաբնակչութիւնը աննշանակ թիւ մը կազմելուն՝ առժամեայ թաղականութիւն մը կը վարէր եկեղեցւոյն մատակարարութիւնը, որուն տիրացած էր Ղալաթիոյ Օնախ կոչուած ընդդիմադիր խմբակը Ստեփան Փափազեանի գլխաւորութեամբ, որ իբրև վարժարանի տեսուչ լաւ թոշակ կ'ստանար նուազ գործունէութեամբ, և Ղալաթիոյ թաղական խորհրդարանը իբրև պաշտօնատուն կը ծառայէր խմբակին: Փափազեան փափաքելով

հաստատուն ձև մը տալ այդ կացութեան, Ընդհ. Ժողովին առաջարկ տարած և որոշում ստացած էր Ղալաթիոյ պանդուխտներուն թաղեցիի իրաւունք տալ և ընտրութեամբ խորհուրդ կազմել, վստահելով իր և իր ընկերին Քրիստոստուրի պանդուխտներուն մէջ վայելած ժողովրդականութեան: Այդ որոշման գործադրութիւնը ինծի վիճակեցաւ իբրև քարոզիչի. ուստի 1880 յունուարի մէջ ընտրողներու ցուցակները կազմեցի և ուրիշ նախապատրաստութիւններն ալ աւարտելով, փետրուար 3|15ին քուէարկութիւնը կատարել տուի անձամբ հսկելով: Պանդուխտներու երկու ստուարագոյն խումբերէն Սեբաստացիք համաձայնելով իրենցմէ երեքը ընտրել տալ յաջողեցան, իսկ Մշեցիք, որոնց վրայ աւելի կը վստահէր Փափագեան, իրենց մէջ պառակտելով ընտրեալ չունեցան: Ասկէ բուն հակառակութիւն մը ընտրութիւնը եղծանել տալու, մինչ ամենայն օրինաւորութեամբ կատարուած էր, և զանազան խումբերէ ներկայացուցիչ առնել պայման չէր: Ուստի հետապնդեցի շուտով վարչական հաստատութիւնը և պատրիարքական կոնդակը ստանալ, և լսուեցաւ ալ որ փետրուար 14|26ին, ուխտի օր և Տեառնընդառաջի տօն, կոնդակը պիտի հրատարակուի: Ուստի Մշեցիք կ'որոշեն հրատարակուելուն դէմ դնել, և Փափագեան ալ Վոսփօրէ իջնել և ցոյցին առաջնորդել կը խոստանայ:

Անոնք կը կարծէին որ պատարագի ընթերցուածին սովորական պահուն կը կատարուի հրատարակութիւնը, իսկ ես շարժումին գիտակ՝ Փառփիքարձունսին կոնդակը կարդացի, և երբոր Մշեցիք եւ Փափագեան խմբուեցան, կատարուած իրողութեան դիմաց գտնուեցան, և զայրանալով Սեբաստացւոց դէմ՝ բռնութեան դիմեցին, և եկեղեցւոյ բակը կռիւի ասպարէզ դարձաւ, գաւազաններ և խարազաններ ալ մէջտեղ ելան: Յանկարծ մէջերնին նետուեցայ, սաստելով և յանդիմանելով զինաթափ ընել սկսայ, եկեղեցւոյ մէջ հաւաքուած խումբն բազմութեան վայնասունը լռեցուցի, և հետզհետէ բակին կռուարարները ցրուելու և հանդարտութիւն հաստատելու յաջողեցայ, այնպէս որ Փափագեանի ազդարարութեամբ հասնող ոստիկաններու ջոկատը անկարգութիւն չգտաւ, և հրաւերիս վրայ իւր տեղը դարձաւ՝ Վոյվոսայի պահականոցը: Յաջողութիւնը լրացած էր, նորընտիրին դիւանի կազմութիւնն ալ կատարել գտւի, և հիմնաւ-

կան կարգադրութեանց ձեռնարկեցի: Մշեցիները շուտով շահուեցան վարժարանի հոգաբարձութեամբ և եկեղեցական յանձնաժողովին անդամակցութեամբ, խորհրդարանը Օճախի խմբակին գումարմանց առջև փակուեցաւ, թաղական գործառնութեանց ձևակերպութիւններ հաստատուեցան, վարժարանին բարեկարգութեան ձեռնարկուեցաւ, Փափազեան տեսչութենէ հանուեցաւ նոյնիսկ Մշեցի հոգաբարձուներու ձեռքով, եկեղեցին ալ նորոգութիւններ ստացաւ, և վերնատուն իսկ աւելցաւ, և որ աւելին է, Օճախի խմբակին ազդեցութիւնն ալ զգալապէս նշւազեցաւ:

## ԼԶ

Գաւառական, 1918 յունուար 2/15 Գշ.

Երբոր առաջին անգամ Ներսէս պատրիարքի հետ խօսք եղաւ ապագայի պաշտօնավարութեանցս մասին, յայտնեցի թէ վարչական գործերու բերմունք չունիմ և պատրաստ եմ ամէն զրական և ուսումնական պաշտօններու: Կարծես հակառակը բողոքացած ըլլայի. վերադարձէս քիչ օր ետքը սկսան զանազան կողմերէ՝ Կարինէ, Սեբաստիայէ, Վանէ, և ուրիշ վիճակներէ զիս առաջնորդ ուղելու զրոյցները: Բայց աւելի ճարտար պըտնուեցան Կարնեցիք: Գաւառական ժողովի անդամներուն մեծամասնութիւնը, Պալլարեանի և Փաստրմաճեանի և Տէր Ազարեանի գլխաւորութեամբ, առաջնորդ Յարութիւն եպիսկոպոս Վեհապետեանի հրաժարականը ուղելու խնդրագիր կը մատուցանէ ուղղակի իրեն, և մատուցուած հրաժարականը ընդունելով զիս տեղապահ կ'ընարէ 1880 մարտ 20/1 ապրիլին: Ներսէս պատրիարքէ կը կոչուիմ մարտ 23/4 ապրիլին որ ընտրութիւնը կը կը հաղորդէ, սակայն եթէ միջոց մը առժամեայ առաջնորդութիւն չէր տեղապահութիւնը, լոկ նոր ընտրութեան նախագահելու համար չէր արժեր Կ. Պոլիսէ Կարին երթալ, ուստի պատրիարքին ազդարարութեան վրայ Գաւառական ժողովը ապ-

րիլ 2|14ին գիս առաջնորդ կ'ընարէ, և կը պարտաւորուիմ համակերպիլ, ըսել չտալու համար թէ Վոսփորի ափերէն հեռանալ չի փափաքիր: Ընտրութիւնը Կեդրոնական Վարչութենէն հաստատուեցաւ ապրիլ 11|23ին և հրովարտակն առնուելով, մայիս 7|19ին կոնդակը գրուեցաւ, մայիս 12|24ին ուղևորեցայ, քանի մը օր Տրապիզոն մնացի և պատարագեցի, և մայիս 29|10 յունիսին Համբարձման օրը մեծահանդէս ընդունելութեամբ Կարին մտայ: Վերադարձի օրէն եօթն ամիս միայն անցեր էր, և ես արդէն կարևորագոյն վիճակի մը առաջնորդ կը գտնուէի:

Կարին նոր ազատած էր ռուսութուրք պատերազմին հետևանքներէն, իսկ հայութեան մէջ զարգացման եւ կազմակերպութեան տենչ մը սկսած էր, որուն հետեւանքն էր եղած հրնորեայ ոճով առաջնորդը փոխել, և նոր օրերու անձ մը պաշտօնի կոչել. հետեւաբար շատ բան կը սպասուէր նոր եկողէն եւ մեծ պարտաւորութիւն կը ծանրանար անոր վըրայ: Գիտակ էի այդ կացութեան եւ կ'զգայի թէ շատ բան կար դարձանելիք, եւ շատ եւս պատրաստուելիք: Ասով մէկ տեղ իբր երկու ամիս զգուշացայ հրամաններ արձակելէ, ուղելով տեղն ու դերը լաւ ուսումնասիրել, պէտքերը ճշդել եւ հնարաւորը չափել: Ուսումնասիրութեան միջոց եղան յունիս եւ յունլիս ամիսները, եւ միայն օգոստոս 1|13ին Գաւառական Ժողովին նախագահեցի, ծրագիրս պարզեցի եւ անոր պաշտօնական ընդունելութիւնը ապահովեցի: Առաջնորդարանին փոխանորդ և դիւանագապիր հաստատեցի որ գոյութիւն չունէին, Լուսաւորչի եւ Կարմիրվանքի եւ Խաչավանքի մատակարարութեանց հոգաբարձութիւն մը կազմեցի, գործառնութեանց ձեւակերպութիւններ մտցուցի, եկեղեցւոյ ծիսակատարութեանց հսկեցի և քարոզութիւնը ժողովրդական ու գործնական ձեւի վերածեցի: Բազազաքական ժողովը գլխաւորներէ եւ կարողագոյններէ կազմուած էր և ձեռնտու կը գտնուէր, և ատենապետը, որ հին առաջնորդին կուսակիցն ըլլալով հրաժարած էր, դարձեալ իր տեղը բերի, նախորդին պատիւը պահպանելով և ընդդիմադիրները լռեցնելով: Այս ալ միութիւն և սէր հաստատելու ծառայեց, եւ Վեհապետեան, զոր անձամբ չէի ճանչցած, զի իմ Կ. Պոլիսէ մեկնելու օրը նա Կ. Պոլիս էր մտած, ինքն ալ շինուելով Երուսաղէմէ շնորհաւորական կը գրէր:

Գլխաւոր գործը վարժարանականը պէտք էր ըլլար, զի ես ալ կոչմամբ վարժապետ մըն էի: Ուստի վարժարանաց տեսչութիւնը ուղղակի ստանձնեցի, և նոր կարգադրութիւններ կատարելու ձեռնարկեցի, աշակերտաց մաքրութենէն և ապրուստէն ու կացունիստէն սկսելով: Վեհապետեանի օրէն նոր վարժարան մը շինուած էր եկեղեցւոյ արևելակողմը, որ դեռ աւարտած եւ գործածուած չէր. զայն լրացնելով աղջկանց վարժարանի յատկացուցի, և տեղացի վարժուհիներէն զատ Տիկին Յովսէփեանը իւր երեք օրիորդներով Կ. Պոլիսէ կոչեցի: Իսկ Տաճար փողոցի աղջկանց վարժարանը մանկապարտէզի կամ ծաղկոցներուն գործածեցի: Եկեղեցւոյ արևմտակողմը գտնուող Արծնեան վարժարանը դասարանական դրութեան վերածեցի՝ սերտողութեան և դասառութեան կրկին տեղեր ունենալու պէտքը ջնջելու համար: Աղջկանց վարժարանին համազգեստ հաստատեցի տեղական ապրանքով, որով աշակերտաց բարոյականն ալ օգտուեցաւ. մանչերու կողմն ալ կարօտներու ընդհանուր զգեստը հոգացի, որուն կարողներն ալ հետևեցան: Ուսման ծրագիրը բարձրացնելով հինգ շրջանի վերածեցի, իւրաքանչիւրը երկամեայ տևողութեամբ և ծաղկոց, ընտելարան, նախակրթարան, կրթարան և ուսումնարան անուններով. առաջին երեքը բոլորին համար ձրի, վերջին երկուքը բոլորին համար վճարեալ, 3 և 5 ոսկի տարեկանով: Կարողները ազատ էին վճարել, իսկ կարօտ և միանգամայն ուշիմ և կարող աշակերտներու համար ունեւորներէն թոշակի նըւիրատուութեան ստորագրութիւններ հաւաքեցի, և իբր 300 ոսկւոյ նպաստ մը գոյացուցի, իսկ աշակերտաց արժանաւորութիւնն ու ընտրութիւնը ինծի պահեցի իբրև տեսուչի: Իմ համոզումս եղած է որ ուսմանց անխորհուրդ ընդարձակութիւնը վընասակար է արհեստաւոր և գործաւոր դասակարգին, թէ տղան պէտք է ժամանակին արհեստի ընտելանայ, և թէ քանի մի բաներու և ութիւններու անուններով սոնքացող աշակերտներ արհեստի ու գործի, մուրճի և արօրի չեն դառնար, և ընկերութեան անգոյն են, անգործ և անօգուտ անդամներ կը դառնան: Ուստի ձրի թոշակի վայելման անոնք միայն կ'ընդունէի, որոնք ապագայ մը կը խոստանային և իրենց վարքով և ուսմամբ օգտակար ըլլալ կը վստահացնէին: Ընտրուածները անձամբ ալ իրենց բարեւրարներուն կը ներկայացնէի և կը յանձնարարէի, որով որդե-

գրութեան և երախտագիտութեան փոխադարձ զգացումով կը կապուէին, և իրենց ապագային մէջ ալ կ'օգտուէին: Տեղացի ուսուցիչներ բաւական կային, որոնք թէեւ թերի էին, բայց գործէ հանել ներելի չէր. ուստի դասատուներ ալ կրթելու համար դասարաններու մէջ փոփոխակի դասեր կուտայի իբրև նրմոյշ, և տօն օրեր հաւաքելով ընդհանուր հրահանգներ կ'աւանդէի: Թաղական վարժարաններուն անբաւականութիւնը պատճառ եղած էր որ ունեոր և ուսումնասէր դասակարգէ անձեր յատուկ Ընկերական վարժարան մը հաստատեն: Բայց երբ Թաղական վարժարանները բարեկարգուեցան, յօժարակամ հաւունեցան Ընկերականը փակել, որով Թաղականին ոյժը աւելցաւ, բարձրագոյն շրջանն ալ բացուեցաւ, և ես անոր մէջ կանոնաւոր դասատուութիւն ստանձեցի: Այդ ձուլումը տեղի ունեցաւ 1880 թոյ. 6/18ին: Պէտք է յիշեմ թէ վարժարանական ձեռնարկներու մէջ ինձի զօրավիգ գտնուեցան նորընտիր Ուսումնական—Վարժարանական Խորհուրդին անդամները:

Կարնոյ առաջնորդութեան պաշտօնը ծանրացնող պարագայ մը եղաւ շրջակայ առաջնորդութեանց անոր կապուիլը: Բուն Կարնոյ վիճակը կը պարունակէր կեղրոնական գաւառը ու Թորթումը, և վերջին ատեններ յանձնուած էր նաև Սպերը, իսկ միւս գաւառներ (Գագա) ինքնուրոյն առաջնորդարաններ էին: Դեռ Կ. Պոլիսէ չմեկնած մայիս 10/22ի պաշտօնագրով ինձի յանձնուեցաւ նաև Քղի կամ Կեղի վիճակը, սեպտ. 5/17ին Դերջանը, սեպտ. 30/12 հոկտ. ին Խնուսը՝ Մուշէն գատելով, և քիչ ետքը նաև Բասենը, որով երկու հարիւրէ աւելի եղան հայաբնակութիւն ունեցող գիւղաքաղաքները և գիւղերը և հինգ ալ փոխառաջնորդութիւնները, որոց իւրաքանչիւրին մի մի վարդապետ նշանակեցի, տեղական բոլոր հասոյթները իրենց թողլով և բնաւ մասնակցութիւն չպահանջելով: Այդ կարգադրութիւններով մեծապէս օգտուեցան յարակից վիճակները, ոչ միայն վերին հսկողութեան ներքև մտնելով, այլև իրենց գործերուն շուտով աւարտելովը կուսակալութեան մէջ, մինչ առաջ պատրիարքարան հաղորդուելով և անկէ կուսակալութեան դառնալով աւելորդ ժամավաճառութեան կը մատնուէին:

Առաջնորդական պաշտօնավարութեան ընթացքը ծանօթ կէտ մը ըլլալուն անոր վրայ խօսիլն աւելորդ կը սեպեմ: Միայն յի-

չատակեմ թէ իմ սկզբունքս եղաւ գործերը տեղւոյն վրայ եւ տեղական իշխանութեանց հետ աւարտել առանց կեդրոնին դիմելու, մօտէն գիտակ ըլլալով գաւառական գործոց կեդրոնին մէջ կրած ձգձգումներուն և յապաղումներուն, ոչ միայն մայրաքաղաքի գործերով զբաղուած ըլլալուն, այլև գաւառական գործերուն ներքինը թափանցել չկրնալուն պատճառով: Հազիւ երկու երեք գործ կը յիշեմ կեդրոնին թողած ըլլալ, այն ալ ո՛չ թէ լուծում ստանալու ակնկալութեամբ, այլ անելանելի գործէ պատուով դուրս ելած ըլլալու համար:

## Լ Է

Դաւնակոս, 1918 յունուար 2/15 ԳՂ.

Բնիկ վանեցի այլ Կովկասի մէջ սնած ու ապրած, գործած ու հարստացած Մկրտիչ Սարգիսեան Սանասարեանց ամուրի ազգայինը մտադրած էր իր բոլոր ստացութիւնը ազգային բարերարութեանց յատկացնել, և ասա ու անդ մասնաւոր նուիրատուութիւններ ընելէ ետքը, խորհրդով եւ առաջնորդութեամբ Կարապետ Յարութիւնեան Եղեանցի, ամբողջը նուիրած էր հայաբնակ գաւառներու մէջ երկրորդական վարժարան մը հաստատելու: Այդ նպատակով նաեւ յարմար երիտասարդներ Գերմանիա յղած էր ուսուցչութեան պատրաստուելու, որոնցմէ Սեդրաք Մանտինեանց և Փիլիպպոս Վարդանեանց աւելի յառաջադէմներ արդէն դարձած էին և ուսահայ վարժարաններու մէջ կը պաշտօնավարէին, իսկ Պօղոս Տելիեան, Սարգիս Սողիկեան և Յովսէփ Մատթեան տաճկահայեր և Գէորգ Աբուլեանց ուսահայ, աւարտելու վրայ էին, և բացուելիք վարժարանին համար տրամադրելի: Տելիեան 1880 տարւոյ մէջ տաճկահայ նահանգներ յղուած էր, քաղաքները զննելու եւ տեղեկագրելու, որպէսզի վարժարանին տեղը որոշուի: Երբոր Կարնոյ առաջնորդութիւնս հաստատուեցաւ, այս պարագայն բաւեց որ Եղեանց նախադասութիւնը Կարլնին տայ, քանի որ զիս տեսած եւ նը-



պատասաւոր գաղափար կազմած էր: Պօղոս Տելփեան կարին կը դտնուէր երբոր ես հասայ և վարժարանին բացման կը սպասէր, ուստի այս մասին թղթակցութիւնք ալ սկսան, և Եգեանցի որու շուսը եղաւ տեսուչի տեղ տեսչութիւն մը անուանել, իւր սաներէն կազմուած, իմ նախագահութեան ներքե: Միւսներէն առաջին հասնողը Մատաթեան եղաւ 1881 օգոստոս 29/10 սեպտեմբերին, տեղւոյ համար Մակարեանց ընդարձակ տունը վարձուեցաւ կանայ ճանապուհ կողմերը և Մատաթեան ուղեորեցաւ հարաւային գաւառները աշակերտներ ընտրելու և բերելու, և հոկտ. 7/19ին վերադարձաւ առաջին աշակերտացուներով. կարնոյ կողմերէն ընտրուողներն ալ միացան, և վարժարանը բացուեցաւ Մակարեանց տունին մէջ, որուն կահաւորումն ալ լրացած էր:

Երբոր ուրախութեամբ կ'ողջունուէր բարեգուշակ ձեռնարկը, դժբախտ պատահար մը ուրախութիւնը կը խանգարէր, Տելփեան անակնկալ մահուամբ կը վախճանէր նոյ. 18/30ին, եւ ես ալ կը հիւսնդանայի պատարադելէ և քարոզելէ ետքը, ձիւներու մէջ վերեզմանի կարգին ալ նախագահելով: Թէպէտ պահ մը վարժարանական կարգադրութիւնք կը տկարանային, սակայն 1882 փետրուար 18/2 մարտին Սողիկեան և Աբուլեան կը հասնէին, և վարժարանի առաջին 1881 - 82 տարին կը փակուէր գոհացուցիչ չափով: Աբուլեան ալ մայիս 4/16ին ձիւ իյնալով աչքը կը վիրաւորէր, և առաջին դարմաններէ ետքը յուլիս 10/22ին կ. Պոլիս կը մեկնէր հիմնական բժշկութեան համար: Սողիկեան ալ յունիս 15/26ին Խարբերդ մեկնած էր իրեններուն տեսութեան և այն կողմէ աշակերտացուներ ընտրելու համար:

Կարևորագոյն խնդիր մը կը ծագէր այն ատեն, զի մէկ դասարանով միայն բացուած վարժարանին համար վարձուած տունը անբաւական էր երկու դասարանի բարձրացող վարժարանին, և կարնոյ մէջ այդ նպատակին բաւարարութիւն տուող յարմար տուն չէր գտնուած, և ազգային շէնք մը յատկացնել անհրաժեշտ կը դառնար: Իմ առաջարկն էր աղջկանց Հռիփսիմեան վարժարանին յատկացուած նորաշէնը պարպել, և յանձնել դրամական փոխարինութեամբ մը. բայց առաջարկս ամենէն ընդունելութիւն չգտաւ. և գործը մինչև Ընդհ. Ժողովի առջևն ելաւ: Ոմանք կարծելով թէ պարզապէս Սանասարեանի հաճոյ ըլլալու կ'աշխատիմ, առաջարկեցին առաջնորդարանը տրամադրել, ենթա-

դրելով թէ պիտի դժկամակիմ: Սակայն եւ իսկոյն համակերպեցայ. որոշումը տրուեցաւ, եկեղեցւոյ մօտ Տաճար փողոցի մէջ Տ. Բրուտեանի տունը վարձուեցաւ, և յուլիս 30/11 օգոստոսին առաջնորդարանը փոխադրուեցաւ, և նախկինը Սանասարեան վարժարանի յանձնուեցաւ. մասնակի նորոգութիւններով ու փոփոխութիւններով վարժարանը զետեղուեցաւ, և երկրորդ տարւոյ համար պէտք եղած կահաւորման յաւելումները լրացան:

Սանասարեան վարժարանը եօթնամեայ ծրագիրով լրացուեցաւ. բայց որովհետեւ անհնար էր օրինաւորապէս պատրաստուած աշակերտացուներ գտնել գաւառներու մէջ, հարկ եղաւ միայն մէկ դասարանով բանալ, և իւր ծրագիրով աշակերտները պատրաստել և զարգացնել, և տարուէ տարի դասարան մը ևս աւելցնել: Ծրագիրը կազմուեցաւ Գերմանիոյ իրական վարժարաններու (Real schule) դրութեամբ, որուն պատրաստուած էին ուսուցիչները: Հայերէնի համար նախադասուեցան Էջմիածնի Ճեմարանին չրջանաւարտները, և ըստ պահանջից ուրիշ ուսուցիչներ ալ աւելցան: Մարմնական և առողջական նպատակին յատկացեալ սովորական մարզանքներուն աւելցաւ սառի վրայ չմշկելու վարժութիւնը, որուն կարին կը նպաստէր իւր երկարատեւ ու սաստիկ ձմեռովը: Գիտական գործիքներու, ընտիր նկարներու, կարևոր մատեաններու, կենդանական հաւաքածոյներու, և հնագիտական առարկաներու թանգարաններ կազմուեցան և ճոխացան հետզհետէ, մասամբ բարերարէն նախահոգացուածներով և մասամբ տեղւոյն վրայ պատրաստուածներով: Մեծ նպատակն էր գաւառներու մէջ օգտակար անձեր հասցնել, որոնք կարենան երկրին զարգացման ծառայել, թէ՛ ուսուցչութեամբ և թէ՛ ներքին վարչութեամբ:

Սանասարեանէ և Եզեանցէ ինծի յանձնարարուածը իրենց անձը ներկայելն էր վարժարանին հիմնարկութեան և վարչութեան և մատակարարութեան մէջ, և երեք սան-տեսուչները առանց ինծի գործ մը պիտի չկարենային կարգադրել: Վարժարանին սնտուկն ու հաշիւն ալ ինծի յանձներ էին, և իրենց հետ թղթակցութիւնը ուղղակի իմ ստորագրութեամբ կը կատարուէր: Ինծի համար պատիւ և պարծանք սեպած եմ այդ կարևոր հաստատութեան համար հիմնադիրին և կարգադիրին օգնական գրտնուած ըլլալս:

## ԼԸ

Դասնակոս, 1918 յունուար 3/16 Դշ.

Մշոյ Ս. Կարապետի վանքը երկար ժամանակէ ի վեր հակառակութեանց և անտեղութեանց ասպարէզ եղած էր, և Խրիմեանի վանահայրութեան օրով տեղի ունեցած դժպիսի պատահարները չէին դադարած Մամիկոնեան Մամբրէ եպիսկոպոսի վանահայրութեան օրով ալ, որ ժամանակով Խրիմեանի դէմ ելլողներէն էր: Այս կացութիւնը զայրացած վիճակ առած էր 1882 տարւոյ սկիզբները, և քննիչ յղելու պէտքը զգացուելով, ինծի կը յանձնարարուէր այդ պաշտօնը Մեծ Պահոց միջոցին: Մերձակայ տօներուն, Կարնոյ գործերուն և դժուարին եղանակին պատճառով, հաւանութիւն ըստացայ ուղեորութիւնը յապաղել: Նոյն միջոցին Մամիկոնեան կը վախճանէր և քննչութեան պէտքը կը դադարէր, սակայն կեդրոնը կ'որոշէր Ս. Կարապետի վանքին հիմնական բարեկարգութիւն մտցնել, և քննչութեան պէտքը դադարած չէր համարեր, և Մուշ երթալու հրամանը կը կրկնէր: Ուստի հարկ կ'ըլլար համակերպիլ, և օգոստոս 5/17ին, առաջնորդարանի տեղափոխութենէն հինգ օր ետքը, Տէր Մկրտիչեան Գալուստ ժողովականի ընկերակցութեամբ Կարինէ կը մեկնիմ, և Խնուսի գլխաւոր գիւղերը այցելելով օգոստոս 13/25ին կը հասնիմ Գլակոյ Ս. Կարապետի վանքը Աւրանի ճանապարհով: Երկու օր ետքը Վերափոխման տօնը կը կատարեմ 15/27ին, և կը ձեռնարկեմ քննչական գործողութեանց, որոնց գլխաւոր նպատակակէտը պիտի ըլլար ապագայ բարեկարգ և օգտակար կացութեան մը ծրագիրը պատրաստել:

Այդ տեսութեամբ արդէն վանք հրաւիրած էի պաշտօնով կամ առանց պաշտօնի վանքէ դուրս գտնուող միաբանները, որոնք արդէն հաւաքուած էին: Վանքին ամէն կողմերը զննելէ և սովորութեանց տեղեկանալէ ետքը, ձեռք զարկի հին արձանագրութիւնները և հաշուետոմարները պրպտել, որպէսզի վանքին նիւթական կարողութիւնը իմացուի, և յաջողութեանց միջոցները

ճշդուին: Իւրաքանչիւր միաբանէ իւր տեսութիւնները գրաւոր պահանջեցի և առի, խորհրդակցութեանց գումարումներ ալ բացի, և ամէն բանի տեղեկանալէ ետքը կանոնադիրի ծրագիր մը պատրաստեցի, միանգամայն ներքին գծտութեանց պատճառները լուսաբանելով միաբանները համաձայնութեան բերի, և պատրաստած ծրագիրս իրենց ալ հաղորդելով համամտութիւննին ստացայ: Միւս կողմէն ընդարձակ տեղեկագրութեան համար պէտք եղած ատարձն ալ հաւաքեցի, ըստ այնմ կեդրոնը հաղորդուելու համար:

Վանական ներքին բարեկարգութեան մանրամասնութեանց չմտնելու համար, որոնք ընդհանրապէս ծանօթ կէտեր են, իմ հիմնական համոզումս եղաւ թէ Ս. Կարապետ ինքն իրեն անկարող է կանոնաւոր և կատարեալ վարժարան մը պահել, և եթէ ձեռնարկէ, խեղճ և անօգուտ հաստատութիւն մը պիտի ըլլայ: Արդէն ծանօթ էր որ Տարօնոյ միւս վանքերը աւելի տկար էին, եթէ իւրաքանչիւրը ինքն իրեն թողուէր: Ուստի ծրագրեցի Տարօնոյ չորս վանքերը, Գլակայ Ս. Կարապետը, Եղրդուտի Ս. Յովհաննէսը, Տիրինկատարի Ս. Առաքեալը, և Կուրավու Մատնավանքը միակ վանահայրութեան վերածել, և չորսին մէջ բաշխուած միակ վարժարան հաստատել, իւրաքանչիւրին վրաց դասարանները բաժնելով, որով ամէնն ալ շէն կացութիւն կ'ունենային և մէկ կամ երկու դասարանի միայն նիւթական և ուսումնական ծախքերուն պարտաւորուած ըլլալով բռեւրնին կը կը թեթեւար, իսկ աշակերտները դպրոցի դասարաններ փոխելու պէս վանքէ վանք կը փոխադրուէին մեծ արձակուրդին: Յայտնի է որ բարձրագոյն դասարաններ Ս. Կարապետի մէջ պիտի զետեղուէին, իսկ աշակերտաց թիւը առաջիկային կրնար որոշուիլ:

Այդ ծրագիրը աւելի մօտէն ուսումնասիրելու համար օգտակար էր միւս վանքերն ալ տյցելել, ուստի մօտ ամիս մը Ս. Կարապետ մնալէ ետքը՝ սեպտեմբեր 9/21ին առտի մեկնեցայ և եկայ Ս. Յովհաննու վանքը: Հինգ վեց օր ալ այնտեղ անցընելով կարևոր հետազօտութեանց համար, սեպտ. 15/27ին Մշոյ քաղաքը եկայ: Պատրիարքարանէ յատուկ յանձնարարութիւն եղած էր քննել վիճակին վերջին առաջնորդ Ալէաթճեան Գրիգորիս եպիսկոպոսի յարուցած պահանջից խնդիրը, և գաւառական անկերպարան վարչութեան կացութիւնը: Ամիսի մը չափ ալ

Մուշ մնալ ստիպուեցայ վարչական վիճակը գննելու և ինչ ինչ առժամեայ կարգադրութիւններ ընելու, իսկ Ալէաթճեանի պահանջներուն դժբաղդաբար չկրցայ ուժ տալ: Միացեալ Ընկերութեան բացած վարժարաններով ալ զբաղեցայ, անոնց ընթացքն ու արդիւնքը գննելու և կարևորը հրահանգելու, և վերջապէս հոկտ. 12/24 անցայ Ս. Առաքելոց վանքը յորդահոս անձրևի ներքև: Չորս օր ալ հոն մնացի և 16/28ին մեկնելով, և Սուլուխ գիշերելով, 17/29ին եկայ Մատնավանք, ուսկից Աշտիշատ ալ բարձրացայ: Հոկտ. 20/1 նոյ.ին Մասնավանքէն մեկնեցայ, Լիչ գիշերեցի, և միւս օր հասայ Կոփայ Ս. Դանիէլի վանքը: Այս տեղ Արհեստասիրաց Ընկերութիւնը երկրագործական վառժարան մը բացած էր Միացեալի հսկողութեան ներքև, այլ արդէն փակուած էր վանական վարդապետներու յարուցած դժուարութեանց պատճառով: Անոր քննութիւնն ալ ուզուած էր ինձմէ այն կողմեր գտնուիլ լսուելով: Քանի մի օրեր ալ հոն անցուցի, հաշիւները քննեցի, գլխաւոր տեղեկութիւնները հաւաքեցի և անցայ Ալաշկերտ՝ Մալազկերտ հանդիպելով և թուժաք գիշերելով: Ուղևորութեան այդ մասը այլևս նոր ճանապով ետ դառնալու համար էր, և այդ առթիւ տեսակցութիւն ալ ունեցայ և պատուաւոր հիւրասիրութիւն ալ տեսայ Մալազկերտի Սօֆու և թուժաքի Ուզօ, երկու հզօրագոյն քուրդ ցեղապետներու հետ:

Ալաշկերտի վիճակը մասայ Գըլըճկէտիկի ճանապով և Ռիկանի գիւղին կողմէ, և ուղիղ դիմեցի Գարաքիլիսէ աւանը, ուսկից մեկնելով հոկտ. 28/9 նոյ.ին հասայ Բագրևանդայ Ս. Յովհաննէս վանքը, որ է Ալաշկերտի Իւչքիլիսէն, և ուր կը մնար Յովհաննէս Աստուածատուրեան արդիւնաւոր և շատ նեղութիւն կրած վանահայր - առաջնորդ վարդապետը: Նպատակս էր մինչև Պայազիտ հասնիլ և Մասիսը տեսնել. բայց երբ 29/10ին Նպատի դագաթը բարձրացայ, և այնտեղէն մեծ ու փոքր Մասիսներու տեսարանը յստակօրէն դիտեցի, այլևս երթալու պէտք չտեսայ, զի և եղանակն ալ յառաջացած էր և ձիւները սկսած էին: Երկու երեք օր ալ Ալաշկերտ կամ Վաղարշապետ մնացի, Մուլապիւլէյման և Չէտկան հանդիպեցայ, նոյեմբեր 8/20ին Հասանգալէի կամ Բասենոյ Ս. Աստուածածին վանքը գիշերեցի, և միւս օր 9/21ին Կարին հասայ Տէվէպօյնուի ճանապով, 29 օրուան բաւական աշխատալի ուղևորութենէ մը դառնալով:

Այս ճանապարհորդութեան արդիւնքներն եղան պատրիարքարանի կարևոր յանձնարարութիւնը կատարած ըլլալս, և ընդարձակ տեղեկագիրներով այդ ներքին կողմերուն կացութիւնը լուսաբանելս. միայն Ս. Կարապետի տեղեկագիրը իբր երեք հարիւր երեսէ բաղկացած ստուար գրուած մը եղաւ, վաւերագիրներու յաւելուածներով: Միանգամայն վանքերուն և քաղաքին մէջ համերաշխութեան հիմերը հաստատեցի, և սիրով ու պատուով մեկնեցայ: Ս. Կարապետի միտքաններ մեկնած օրս ամէնքն ալ հեծեալ հետևած ատեննին, իրարու հետ զարմացմամբ կը կրկնէին թէ Ս. Կարապետ երբեք սիրով ու պատուով քննիչ մը ճանպայ դրած չէ: Իսկ իմ անձնական օգուտս եղաւ՝ մօտէն տեղեկանալ ներքին կողմերու իսկական կացութեան, երկրին վիճակը իմանալ, և ժողովուրդին պէտքերը զգալ, բա՛բէ, շատ տխուր տպաւորութեամբ: Երբոր Կ. Պոլիսէ Կարին եկայ, շատ խեղճ և ստորին երևցաւ ինձի քաղաքը, բայց երբ Մուշէ վերադարձայ՝ եւրոպական քաղաքի մը տպաւորութիւնն ունեցայ: Այսչափը բաւական ըլլայ միտքս արտայայտելու:

ԼԹ

Դաւնակոս, 1918 յունուար 3/16 Դշ.

Հայկական կոչուած խնդիրը ծանօթ է և նոր բացատրութեանց չի կարօտիր, միայն պէտք է նկատի առնել անոր հեռզհետէ առած ձևերը և կրած տարբերութիւնները: Ներսէս պատրիարքի սկսած ձեռնարկը կրնանք անոր երկրորդ կերպարանը սեպել, առաջին համարելով Խրիմեան պատրիարքի օրով սկսած հարըստահարութեանց խնդիրը, օսմանեան կառավարութեան ձեռքով ներքին գաւառներու հայաբնակութեանց վիճակը բարւոքելու համար: Նոյն փորձը Ներսէսի առաջին տարիներու մէջ ալ կրկնուած էր, և արդիւնք ունեցած չէր: Այս առաջին կերպարանին յաջորդեց երկրորդը, այսինքն է ոռւսութուրք պատերազմէն և անոր հետևող խաղաղութեան դաշնագիրներէն օգուտ քաղելով, օսման-

եան կառավարութիւնը պարտաւորել և ստիպել, եւրոպական տէրութեանց մրջամտութեամբ, որպէսզի ցանկացուած և խոստացուած բարեօքոսմը իրականանայ: Այս եղաւ բուն Հայկական Սրնդիրին նպատակը, և Սանսթէֆանօյի 16րդ և Պերլինի 61րդ յօդուածներուն իսկական իմաստը: Ասոնց մէջ ոչինչ չկար որ օսմանեան կառավարութիւնը վիրաւորէր, և ինքն ալ յօժարակամ ստորագրած էր այդ յօդուածները: Երբոր գործադրութիւնը կը յապաղէր և հարստահարիչ ցեղին կը ներուէր զինուած մնալ, և հարստահարեալ ցեղին զինուելը խստութեամբ կ'արգելուէր, իրողութեանց բնական ընթացքով հարստահարեալները յորդորուեցան գաղտնապէս զինուելու, զինեալ հարստահարիչներուն ընդդիմանալու և անձնապաշտպանութեան իրաւունքը գործադրելու դիտմամբ, առանց որեւէ կառավարութեան դէմ դառնալու կամ անջատողական գաղափարի հետեւելու մտայնութեան, ինչ որ կեղծ կամ թիւր մեկնութիւններ ուզեցին Հայերու վերագրել: Այս կերպարանը կըրնանք երբորդ համարել Հայկական Սրնդիրին առած ձեւերուն մէջ, և ինչպէս յայտնի կ'երևի, ո՛չ մի ապօրինի միտք կամ ձեռնարկ հնար է անոր վերագրել, զի կառավարութիւնն իսկ չի կրնար յանձն առնուլ որ հարստահարիչը զինուելու և հարստահարեալը զինաթափ ընելու կամեցողութիւն կամ բաղձացողութիւն վերագրուի իրեն:

Այս երբորդ կերպարանը, որ հայաբնակ գաւառներու մէջ սկսած էր փայփայուել, առաջին անգամ ձեւակերպութիւն ստացաւ Կարնոյ մէջ, Սաչատուր Կէրէկցեան երիզնագործ արհեստաւորի մը նախաձեռնութեամբ և գաղտնի ընկերակցութեան դրութեամբ, և ընդունելութիւն գտաւ արհեստաւոր և գործաւոր դասակարգին մէջ: Ընկերակցութեան Երկրագործական անուն էր տրուած իբրև գաղտնութեան պահանջ, միայն ընկերակիցներու արձանագրութեան տոմսեր բաշխելու ձևը գաղտնութեան պահանջին չէր յարմարեր, և ձախող հետևանք ալ ունեցաւ: Ձեռնարկին սկզբնաւորութիւնը կրնայ նշանակուել 1882 տարուոյ առաջին կէսին մէջ:

Կարնոյ քահանաներուն մէջ կը գտնուէր Մելքիսեղեկ Տէր Մելքիսեղեան, Կարինէ դուրս ձեռնագրուած և վերջէն ընդունուած և ժողովուրդին մէջ շատ խօսուած իրեն անտեղի ընթացքին համար: Տարնոյ քննչութենէն դառնապէս ետքը նոր ապօր

քինի գործողութեան մէջ գտնուելուն պատճառով Կարմիր վանք յղած էի ապաշխարութեան համար: Սակայն այնտեղ կը հիւանդանայ, և որդին Յովհաննէս Տէր Մելքիսեդեան, որ Կարնոյ պատուաւոր անձերէն և ազգային ժողովականներէն մէկն էր, կը խնդրէ որ տուն դառնայ խնամուելու համար, ապաշխարութեան պայմանները պահելով: Կարմիր վանքի մէջ պատշաճ կերպով խնամուելը անհնար ըլլալուն, որդւոյն խնդրանքին կը հաւանիմ, սակայն քահանային հակակիր խումբէն քանի մը երիտասարդներ դուռխնին տաքցնելով նոյեմբեր 26|8 դեկտեմբերին երեկոյն կ'երթան անոր տանը առջև ցոյց մը ընելու, Տաճար փողոցին մէջ, ոստիկանական պահականոցին մօտերը: Չայներ եւ շփոթներ առիթ կ'ըլլան որ ոստիկաններ շուտով վրայ հասնին և քանի մը անձ ձերբակալեն, և վրանին խուզարկած ատեն երեւան դան ընկերակցութեան տոմսեր, հարցուփորձեր ընդարձակուին, ընկերներ փնտռուին, և նորանոր ձերբակալութիւններ կատարուին: Այսպէս սկսաւ Կարնոյ տագնապը, բոլորովին պատահական առիթով մը ծագած: Դատաստանական ատեանը զայն ձեռք առաւ, և Հայոց ապստամբութեան լուրը կեդրոնն ալ գըրուեց, և քաղաքը անուղղղի մատնուեցաւ: Հարկաւ չէի կրնար անտարբեր մնալ: պարտաւորեալ ձեռք զարկի զգուշութեան միջոցներու, իսկութիւնը բացատրելու, պատրիարքարանը ստոյգ լուրերով լուսաբանելու, և ամէն պարագաներու արթնութեամբ հսկելու, ծանօթ և մտերիմ պաշտօնէից աջակցութեան ալ դիմելու: Ձերբակալութիւններ 72 հոգիէ անդին չանցան, զի տասնապետական դրութեան հետեողութեամբ ընկերակիցներու ծանօթութիւնը անձուկ չըջանակի մէջ կը պարփակուէր, և ձերբակալուածներն ալ բոլոր յետին դասակարգէ էին, արհեստաւորներ, արհեստի աշակերտներ, երիտասարդ հողագործեր, և նմաններ:

Միւս կողմէն կը դիտէի որ կուսակալին, Ֆոսֆոր մականուանեալ Մուսթաֆա բաշային, գէպ առ իս վերաբերումը տակաւ կը ցրտանար, պաշտօնական յարաբերութիւններ դժուարութիւն կը կրէին, և գրեթէ գործելը անհնար կը դառնար, որովհետեւ իմ վրայ ալ լռելեայն տարածուած էր ամբաստանութիւնը: Ներսէս պատրիարք իմ տուած տեղեկութիւններով զօրացած, կեդրոնական կառավարութեան առջև պաշտպանութեան ապացոյց-



ներ տալուն վրայ, կեդրոնը կուսակալին զիտողութիւններ կը յայտնէ, և սա զինքն արդարացնելու համար իմ կամակցութիւնս ու գործակցութիւնս առջև կը նետէ, թէպէտ առաջնորդարանի փոքրաւորը բանտարկելով և Բրուտեան տունը լրտեսներով շըրջապատելով ալ նշան մը չէր կրցած ձեռք անցունել: Ասոր վրայ կեդրոնի կառավարութիւնը զիս հեռացնելու դադափարը կը յըզանայ, որուն հազիւ լուրն առած ես ինքնակամ մեկնելու որոշումը կուտամ՝ պաշտօնական գործողութեանց առիթ չտալու համար, զի Մշոյ առաջնորդ Ալէաթճեան Գրիգորիս եպիսկոպոս բացարձակ հրամանով, և Արապկիրի առաջնորդ Ապահունի Եզնիկ եպիսկոպոս զինուորական հսկողութեամբ հեռացուած էին արդէն: Միւս կողմէն Կարնոյ դատարանը ձերբակալեալներէն քսանի չափ անպարտ արձակելով մնացեալները քաղաքական յանցապարտ վճռած էր, և ամբաստանիչ ատեանին որոշման դէմ վճարեկին դիմում եղած էր: Եւ պէտք էր Կ. Պոլսոյ մէջ գործել: Չորս ամիս էր որ Կարնոյ մէջ այս խնդիրներով կը զբաղէի, բայց այլևս աշխտեղ գործել անպէտ էր, ուստի Մեծ Պահոց մէջ ըլլալով մէկտեղ, անմիջապէս 1883 ժարտ 24|5 ապրիլին ճանապայ ելայ, և արագ ուղևորութեամբ, Տրապիզոն և Սամսոն ալ հանդիպելով, աստուերկու օրէն ապրիլ 5|17ին Կ. Պոլիս հասայ:

Մերձաւորաբար տարիուկէս Կ. Պոլիս մնացի, և Կարնոյ գործերուն լուծման զբաղելով մէկտեղ, տեղական գործերու ալ մասնակցելու առիթ ունեցայ, և իբր թէ կրկնակ կեանքով ապրեցայ, բայց որպէսզի գործոց կապակցութիւնը լաւ տեսնուի, երկու կերպարանները զատ զատ պիտի ներկայեմ, ժամանակագրական կարգը մէկ կողմ թողլով: Հասնելէս ետքը առաջին փոյթս եղաւ Բարձրդուռ ներկայանալ անմիջապէս, եպարքոսին իմացնելու համար թէ խուսափող մը չեմ և իմ գործերուս մասին պարզերես համարձակութիւն ունիմ, և թէպէտ առաջին անգամ ընդունելութեանց օրը չըլլալուն համար չկրցայ տեսակցիլ, բայց ներքին գործոց և Արդարութեան ու Կրօնից նախարարներուն հետ տեսակցելէս ետքը, յատուկ հրաւերով մայիս 5|17ին կարևոր տեսակցութիւն ունեցայ մեծ եպարքոս Քիւչիւք մականուանեալ Սայիտ բաշայի հետ: Համարձակ յայտարարեցի թէ քանի մը անձերու ամբաստանուիլն ու դատապարտուիլը Հայոց ազգին չի վնասեր, այլ կը վնասէ պետութեան վարկին, իւր հը-

պատակներուն դժգոհ ցուցուլը: Աւելցուցի թէ Հայոց ապրատամբութիւն վերագրելը ծիծաղելի կը դառնայ յիսուն անձանց: ամբաստանուելովը, որոց մէջ ո՛չ խելք ու կարողութիւն, և ո՛չ միջոց ու ազդեցութիւն ունեցող անհատ մը կը գտնուի: Յիշեցուցի թէ այդ կէտերը կուսակալին ալ խօսած եմ, բայց չեմ կրցած համոզել, զի օտարազգի խորհրդականի ազդեցութեան ներքե ինկած է, և թէ ինձի պարտք չեմ սեպած անոր յետսամիտ գաղափարներուն ծառայել: Տեսակցութեան մէջ յիշատակեցի նաև կառավարական թերի կէտերը, և պէտք եղած միջոցները, որոց կարգին փոխկառավարիչներու (ԳայճաԳաճ) նուազութիւնն ու ապիկարութիւնը, մինչ անոնք են գործադիր իշխանութեան իրապէս դերակատարները, և կուսակալներու մեծ ծախքով շատ պզտիկ արդիւնաւորութիւն ունենալը: Սայիտ բաշտ գոհունակութեամբ և գովութեամբ լսեց ըսածներս. վարչական դիտողութիւններս դրաւոր ուղեց, և Բարեկարգական Յանձնաժողովոյ նախագահին հրահանգ տուաւ զիս ալ լսելու: Մեծեպարքոսին այդ տպաւորութիւնները մեծապէս նպաստեցին Կարնոյ տագնապին վերջնական յարգարման:

Ազգային վարչութեան հետ ալ սկզբնական խնդիր ունեցայ Կարնոյ առաջնորդարանի մասին, զոր նա չէր ուղեր անգլուխ թողուլ, և մտադիր էր տեղապահ կամ փոխանորդ մը յղել, եւ Հմայեակ եպիսկոպոս Դիմաքսեան, Երզնկայէ հրաժարած, պատրաստակամ էր Կարին երթալ: Ես դիմադրեցի թէ Կարնոյ առաջնորդութիւնը չեմ թողած և թողլու միտք չունիմ, և թէ Կարնեցւոց կողմէ խուսափելուս մասին կուսկածը փարատելու համար Միաբան Ս. Աստուածածնի Ուխտի տաճարին առջև յայտարարած եմ թէ դառնալու համար կը մեկնիմ, ուստի պէտք է որ նախապէս պաշտօնանկութիւնս վճռուի: Վարչութիւնը իսպառ մերժելով այդ որոշումը, հաւանեցաւ որ ես ի հեռուստ ալ իմ նշանակած փոխանորդիս՝ Արծնեան Գրիգոր քահանայի ձեռքով վարեմ վիճակին առաջնորդութիւնը, և ամէն յարաբերութիւնք ու թղթակցութիւնք ուղղակի ինձի հետ կատարուին. և այսպէս ալ շարունակուեցաւ Կ. Պոլիս գտնուած միջոցիս մինչև վերջը: Ներսէս պատրիարքն ալ արտօնեց որ ես ինքնին վարեմ Կարնոյ տագնապին ղիմումներն ու բունակցութիւնները. միայն ըսածիս եւ ըրածիս տեղեկութիւնները իրեն ալ հաղորդեմ, որպէսզի

Թիւրիմացու թիւններու տեղի չտրուի: Այդ բացատրութիւնները բացորոշ կերպով կը ցուցնեն թէ ի՛նչպէս հետեւեցայ Կարնոյ տաղնապին նպաստաւոր վերջացում մը պատրաստել:

Առաջին ջանքս եղաւ Կարնոյ ամբաստանիչ ատեանին վճիռը բեկանել տալ, բայց որովհետեւ դարձեալ նոյն ատեանին յղուեցաւ, առաջին վճիռը նորէն կրկնուեցաւ: Թէպէտ մեր կողմէն վճռաբեկի դիմումը կրկնուեցաւ, այլ խոհականներու խորհրդով չհետապնդուեցաւ, զի անվերջանալի խաղ մը յառաջ պիտի գար, ուստի Կարնոյ պատժական ատեանը վերջնական դատաստանը կատարեց, և տասնի չափ անձեր ևս արդարացնելով՝ մնացեալը ընդհանրապէս հնգամեայ բանտարկութեան դատապարտեց, միայն քիչեր 15, 12, 10 և 7 տարւոյ: Վճիռներուն թիւնութիւնը արդէն գործին ալ կարեօրութիւն կորուսած ըլլալը կը յայտնէր, ուստի փոխանակ բողոքի, ներման շնորհի դիմել յարմարագոյն դատուեցաւ, խոհականներու և պաշտօնականներու ալ խորհուրդով: Իբր տարի մը անցած էր մինչև որ այդ ամէն գործողութիւնները լրանային, և քանի մի ներման դիմումի փորձեր ժամանակին դեռ հասուեցած չըլլալը կը ցուցնէին:

Վերջապէս 1884 մայիսի մէջ, նոյն իսկ մեծեպարքոսին ազդարարութեամբ, ներման շնորհի վերջնական աղերսագիրը մատուցուեցաւ, և քիչ ետքը յունիս 5/17ին կայսերական կամքով պատիժներուն երկու երրորդին ներման շնորհը հրատարակուեցաւ: Արդէն 1882 նոյեմբերի վերջէն 20 ամիսներ անցած էին, իսկ արաբական տոմարով 22 օր ալ պակաս, բայց բամազանի օրեր էին և պաշտօնատուներ ալ շատ քիչ կը գործէին, և տեւողութեանց հաշիւներն ալ վաւերագիրներ կը պահանջէին, սակայն ուժգին հետապնդութեամբ պէտք եղած պայմանները լրացան, հեռադրական հրամանը տրուեցաւ, և 1884 յունիս 22/4 յունիսին, Լուսաւորչի Նշխարաց Գիւտի նախատօնակին, իբր 35 բանտարկեալք ազատ կ'արձակուին ի Կարին, ժողովուրդին ընդհանուր ուրախութեան և մխիթարութեան արտայայտութիւններով:

Այսպէս կը վերջանար Կարնոյ տաղնապը, և կը մնար իմ վերագարձս, զի իմ մասին եղած ամբաստանութիւնը ընթացք իսկ չէր ունեցած իմ կանխելովս, և երբոր պաշտօնական յանձնարարագիրը պիտի պատրաստուէր, նախարարը նախընթաց յիշատակութիւնն իսկ չէր գտեր իւր դիւանին մէջ, և պարզ պաշ-

տօնագիր մը կը յանձնուէր ինծի օգոստոս 16|28ին: Բայց ևս վա-  
րանեցայ անմիջապէս մեկնիլ, զի Ներսէս վաանգաւոր վիճակի  
մէջ անկողին ինկած էր, և սիրտս չէր երթար այնպէս թողուլ եւ  
հեռանալ, բայց ստիպուեցայ մեկնիլ իւր իսկ հրամանով: Այլ  
նախապէս պէտք է ետ դառնամ Կ. Պոլսոյ մէջ կատարած ուրիշ  
գործերս և վարած պաշտօններս բացատրելու համար:

## Խ

Գամսակոս, 1918 յունուար 4|17 ԵՂ.

Կ. Պոլիս դառնալէս քիչ օր ետքը Վանօրէից Խորհրդոյ ան-  
դամ ընտրուեցայ, կարծես իբրև շարունակութիւն Կարին մեկնե-  
լէս քիչ առաջ կատարուած ընտրութեան: Միանգամայն անդա-  
մակից նշանակուեցայ նոր կազմուող յանձնաժողովին, որ պաշ-  
տօն պիտի ունենար վիճակաց վերակազմութեան ծրագիր մը  
պատրաստել, զի կային վիճակներ որոնք անուանական դարձեր  
էին և ուրիշներ որ կարեւորութիւննին կորուսեր էին: Այդ ան-  
ուանումներ տեղի ունեցան 1883 ապրիլ 13|24ին: Վանօրէից Խոր-  
հուրդը զբաղեցաւ սովորական գործերով առանց հիմնական ար-  
դիւնք մը պատրաստելու. իսկ Վիճակաց Յանձնաժողովը ան-  
ուանական մնաց, զի կաթողիկոսական ընտրութեան մէջ վիճակ-  
ներու թիւով ապահովուած քուէի իրաւունքը չկորսնցնելու միա-  
քը վերակազմութիւնը արգիլեց: Կիլիկիոյ կաթողիկոս Մկրտիչ  
Քէֆսիզեանի նոր եպիսկոպոսներ ձեռնադրելը, և անոնցմէ Յով-  
հաննէս Գազանձեանի Կ. Պոլիս գալը, առիթ տուին Կիլիկիոյ Ա-  
թոռին յարաբերութիւնները ճշգելու համար նոր յանձնաժողով մը  
կազմել, և հինգ անդամներէն մէկն ալ ես նշանակուեցայ՝ Իզ-  
միրլեան, Ալէաթճեան, Ապահունի և Դիմաքսեան եպիսկոպոս-  
ներու հետ: Այդ անուանումն ալ տեղի ունեցաւ 1883 սեպտեմ-  
բեր 26|8 հոկտեմբերին, իսկ Յանձնաժողովը անդստին սկիզբէն  
գործը ձեռք առնելով գործնական վերջաւորութեան չկրցաւ հաս-  
նիլ, և միայն Գազանձեանի ժամարարութեան ատեն եպիսկոպո-  
սական խոյր և զարդ գործածելը արգիլեց:

Իմ հասնելէս առաջ Բերայի քարոզիչ Ներսէս վարդապետ

Արսլանեան Եւզոկիոյ առաջնորդ ընտրուած և հաստատուած էր, և Զատիկը տօնելով պաշտօնատեղին մտնեցաւ, և թաղական խորհրդոյ առաջարկութեամբ անոր տեղ Բերայի եկեղեցեաց քարոզիչ նշանակուեցայ մայիս 5 | 17ին առժամեայ անուշով, զի Կարնոյ առաջնորդութիւնը թողուլ չէի ուզած, և մայիս 7 | 19ի կիրակնամուտին պաշտօնին ձեռնարկեցի: Բերայի թաղականութիւնը ընդարձակ ձև մը առած էր այն ատեն՝ եկեղեցեաց, վարժարանաց, կալուածոց և գերեզմաննոցի ճիւղերով, և կեդրոնական դիւանով մը Յովհաննէս Նուրեան պետական խորհրդոյ անդամակցին ատենապետութեամբ: Միանգամայն խորհուրդը կարեւոր գործերու ձեռնարկած էր, հրկիզուած թատրոնին տեղ մեծ սրճարան ու ճաշարան մը կը շինուէր, զոր կանխիկ վարձած էր Մկրտիչ Թոգատեան ծանօթ ճաշարանատէր: Վարժարաններու ծրագիրին բացման և լրացուցիչ դասարաններու բացման կ'աշխատուէր, գերեզմաննոցին օգտակար յարդարումներ կը կատարուէին, աղջկանց արհեստանոց մը կը բացուէր, և կալուածներ արդիւնաւորելու նոր կերպեր կը խորհուէին: Թաղական խորհուրդներ ընդհանրապէս կը խորշին քարոզիչներու միջամտութենէն, բայց ինձի հակառակը հանդիպեցաւ, զի նիստերուն նախագահելս սկսան պահանջել ինձմէ, ոչ միայն իբրև օգտակար օգնական և տարածայնութիւնները լուծելու խորհրդական, այլև ամէն ճիւղերու մէջ աջակցելու և գործակցելու յարմար անձ մը, վարժարաններ այցելելով, ծրագիրներ գործադրելով, կանոնագիրներ պատրաստելով, մինչև իսկ շինութեանց հսկելով: Ուստի այս կողմէն քարոզչական պաշտօնին սովորական գործերէն, ծիսական բարեկարգութեան և քահանայից պաշտօնակատարութեան հսկելէ եւ քարոզութիւններէ չթերանալէ զատ, շատ մը անսովոր աշխատութիւններ ալ տեսցան իմ վրայ: Յատուկ և նոր գործ եղաւ Շիշիի գերեզմաննոցին յարգարումը, որ 1865է ի վեր փոխանակած էր Թաքսիմի կամ Բանկալթիի գերեզմաննոցը, և իբրև բացավայր ոտնակոխ կ'ըլլար: Որոշուեցաւ զայն որմափակել, մէջը ուղիներ և թաղեր զատել, և վճարմամբ յատուկ թաղեր ունենալու իրաւունքը հաստատել: Այդ վերջին կէտը կրօնական ժողովոյ ընդդիմութեան հանդիպեցաւ, և հարկ եղաւ յատենի ժողովին զայն պաշտպանել, և կանոնագիրն ու յատակագիծը Վարչութեան հաստատել տալ, որոնք ուղղակի ես հետապնդեցի, և

ուր ուրեմն 1884 օգոստոս 13/25ին, Աստուածածնայ մեռելոցին օրը, որմափակին հիմնարկէքք օրհնեցի: Օգտակար հաստատութիւն մը եղաւ նաև աղջկանց արհեստանոցը, որուն վրայ յատուկ մտադրութիւն դարձուց Նուրեան տտենապետ, և արքունեաց յանձնարարութիւններ ալ ստացաւ: Սրճարան-ճաշարանը Թագատլեանի ձեռքով Բերայի առաջնակարգ ժամադրավայրն եղաւ, և լաւ հաստատութիւն կալուած դարձաւ: Մէկ խօսքով Բերայի թաղականութեան փայլուն ու ցայտուն ժամանակամիջոցն եղան 1883-4 տարիները, և առաջիկային ալ շարունակեցին:

Կ. Պոլլիս գտնուած միջոցիս կատարած գործերէս հետեւեալներն ալ յիշեմ: Միացեալ Ընկերութեան անդամներէն մին էի նախապէս, և երեք ընկերութեանց միացման աշխատողներէն ալ մին եղած էի. Կարին գտնուած միջոցիս գրեթէ պաշտօնական գործակատարն ալ եղայ, զի այն տտեն Կարինէ անդին օրինաւոր թղթատարութիւն իսկ չկար: Դառնալէս ետքը 1883 նոյեմբեր 6/18ին դարձեալ Ընկերութեան ժողովոյ երեսփոխան ընտրուեցայ, և գործունէութիւնս շարունակեցի: Կարին եղած տտենս Սովելոց Յանձնաժողովոյ գործակատարութիւնն ալ ես կը վարէի. ուստի իբր պարագայից մօտէն տեղեակ, Յանձնաժողովը ուզեց որ ես պատրաստեմ ընդհանուր տեղեկագիրը, զոր յանձնառի 1884 ապրիլ 22/4 մայիսին պատրիարքի հրամանով, և քանի մի ամիսներ փակուելով Քատրքէօյի թաղական խորհրդարանը, և դէզադէզ նամակագրութիւններ և հաշուետոմարներ պրպտելով, սեպտեմբեր 9/21ին աւարտեցի ստուար տեղեկագիրը, որ յատուկ նատորով տպագրուեցաւ իմ Կարին դառնալէս ետքը:

Նոյն միջոցին ուրիշ պաշտօններու ալ հրաւերներ ստացայ: Գլակայ Ս. Կարապետի միաբանութիւնը զիս վանահայր ընտրեց 1884 յունիս 7/19ին, քննչութեանս ծրագիրին գործադրութիւնը լրացնելու դիտամամբ: Նմանապէս 1884 յուլիս 14/26ին Էջմիածնի Սինոդէն Գէորգեան Ճեմարանի տեսչութեան հրաւիրուեցայ: Կեդրոնական Վարչութենէ ալ կրկին և կրկին առաջարկութիւն ստացայ առաջնորդութենէ հրաժարելով պատրիարքական փոխանորդութիւն ստանձնելու, և տտենապետ Սիմոն Մագսուտէ քանիցս այդ մասին ստիպումներ կրեցի, իբր զի Ներսէսի հիւանդութիւնը ծանրանալուն իրեն վստահութիւնը վայելող փոխանորդի մը պէտքը անհրաժեշտ կը դառնար, զի կայսրը անոր հը-

րաժարականը բացարձակապէս կը մերժէր: Այդ ամէն ընտրու-  
թիւններու և հրաւերներու և ստիպումներու բացարձակ և վերջ-  
նական հրաժարմամբ պատասխանեցի, միշտ ինծի անփոփոխելի  
նպատակ դրած ըլլալով Կարնոյ պաշտօնիս վերադառնալ, ինչ-  
պէս որ գործոց ընթացքը կը պահանջէր և ուխտադիր խոստումս  
կը պարտադրէր:

Անցողակի յիշատակեմ մօտէն շփումներ ունեցած անձերէս  
ոմանց մահերը, որ այս միջոցին տեղի ունեցան: Առաջին՝ Ամե-  
նայն Հայոց հայրապետ Գէորգ Դ. կաթողիկոսի մահը, որ տեղի  
ունեցաւ 1882 դեկտեմբեր 6/18ին, և պատճառ եղաւ եպիսկո-  
պոսական ձեռնադրութեանս յապաղելուն, զի նախ Կարնոյ տաղ-  
նապը արգիլեց հեռանալ, և մահէն ետքը երեք տարի տևեց ա-  
թոռոյ պարապութիւնը: Յաջորդ 1883 տարւոյ յուլիս 1/13ին  
վախճանեցաւ Սուքիաս արքեպիսկոպոս Բազանձեան, որ Անտոն-  
եանց արքահայրութենէն հրաժարելէն և Հակահասունեանց կա-  
ցութիւնը վատթարանալէն ետքը, Հասունեանի կողմը դառնալով  
առանձնական կեանք կը վարէր: Տիկին Նազլը Վահան, որ իգա-  
կան սեռին ազգային գործունէութեան դրդիչն եղած էր, և Դրպ-  
րոցասէր Տիկնանց Ընկերութեան կը նախագահէր, և Համազգեաց  
չէնքին մէջ բացուած օրիորդաց վարժարանին խնամակալուհի  
էր, և իւր թոռներուն Արաքսի և Ասդինէ Վահաններու հայերէ-  
նի դասատուութիւնը ինծի յանձնած էր, վախճանեցաւ 1884  
յուլիս 17/29ին, իրեն արժանաւոր յաջորդ թողլով Սրբուհի Տիւ-  
սաբ գրագիտուհի դուստրը: Նոյն տարւոյ հոկտեմբեր 18/30ին  
վախճանեցաւ Յովհաննէս Չամիչեան նախարարը, զոր իրաւամբ  
կրնանք հակահասունեան հասարակութեան խոհականագոյն ան-  
ձը նկատել. վերջին ատեններ նա ալ ձեռնթափ եղած էր ներ-  
քին պառակտումներէ զզուած:

Հատուածիս իբրև կնիք թողուցի Ներսէս Վարժապետեան  
պատրիարքի կաթողիկոսական ընտրութիւնը, և տարածամ մա-  
հը: Ռուսական կառավարութեան վաւերացմամբ հաստատուած  
Էջմիածնի Կանոնագիրը, Պալատէնիս կամ Պոլոժէնիէ անուանով  
ձանօթ, տարի մը միջոց սահմանած է Աթոռոյ պարապութեան,  
և Գէորգ Դ. ի տարելիցը խոր ձմեռուան հանդիպելուն ընտրու-  
թիւնը յաջորդ մայիսին թողուած էր: Զանց կ'ընեմ մտնել Պոլո-  
ժէնիէի մասին Տաճկահայոց ընդդիմութեան, և իւրովի կազմած

ձեւերուն վրայ խօսիլ, և լոկ եղելութիւններով կը գոհանամ: Ըստ այսմ 1884 մարտ 12|24ին հաւաքուեցաւ Եկեղեցական Համագումար ժողովը, որ ընտրելեաց ցանկ մը պիտի պատրաստէր: Թէպէտ ամենուն դիտումը Ներսէսը կաթողիկոս անսնալն էր, սակայն ընտրութեան շեշտուած նշանակութիւն տուած ըլլալու համար, ես թելադրեցի շատերուն, և Վահան Տէր Մինասեան վարդապետի ձեռքով թելադրութիւնը տարածեցի, թէ հարկաւ հինգ անուն գրել պէտք չէ, և լաւագոյն է երկուքով երեքով գոհանալ, որով Ներսէս և Մակար բարձրագոյն քուէներ շահեցան, և մնացեալները քիչով մնացին, և Համագումարին ընտրութիւնը նշանակալից եղաւ: Ապրիլ 2|14ին Ազգային Ընդհանուր ժողովը գումարուեցաւ, և գրեթէ միաձայնութեամբ Ներսէսը միակ ընտրելի կամ ընտրեալ կաթողիկոսացու հռչակեց: Էջմիածնի Ընտրողական ժողովն ալ նոյն ուղղութեամբ առաջին ընտրելի կամ ընտրեալ հռչակեց Ներսէսը, երկրորդ նշանակելով Մելքիսեդեկ Մուրատեան եպիսկոպոսը: Ներսէս որ կանուխէն ալ ամէն ընտրողական ժողովներու իւր հրաժարականը կրկնած էր, ընտրութենէն ետքն ալ անյողողող մնաց իւր միտքին վրայ, ներքնապէս զգալով իւր վտանգեալ կեանքը, և մեռնելու համար էջմիածին երթալ չարժելը: Ես ալ իմ կողմէ ամէն ջանք և համողկեց խօսք չխնայեցի որ յանձնառու ըլլայ. միշտ իր մօտէն անպակաս էի իւր հիւանդութեանը պատճառով, և Կարին դառնալու ուղեւորութիւնս ալ կը յապաղէի, լինչպէս յիշեցի: Անանուն ստորագրութեամբ բաց նամակ մըն ալ հրատարակեցի Արեւելք լրագիրի մէջ, որ 1884 յունուար 1էն սկսած էր հրատարակուիլ, և որուն իբրև աշխատակից կը գործակցէի, մտերիմներէ կազմուած հիմնադիր յանձնաժողովի խնդրանօք: Ներսէս իւր հրաժարականը Ռուսաց կայսեր ալ հեռագրեց, և տարհամազելու եկող դեսպանին ալ կըրկնեց, որով ռուսական կառավարութիւնը ստիպուեցաւ հրաժարականը ընդունիլ, և երկու ընտրելիներու պայմանը պակսելուն նոր ընտրութիւն հրամայեց: Ասոր վրայ Ներսէս իր անկողինին մէջէն պատուիրեց որ Կարին դառնալս փութացնեմ, մի՛ դուցէ աչքը գոցելէն ետքը նոր արգելք մը յարուցուի. և այդ հրամանին համաձայն Կ. Պոլիսէ մեկնեցայ 1884 սեպտեմբեր 24|6 հոկտեմբերին: Ներսէսը մեղադրողներ պակաս չեղան իւր յամառ հրաժարման համար, սակայն լռեցին երբոր քիչ օր ետքը հոկտեմբեր



26|7 նոյեմբերին իւր մահկանացուն կնքեց, գինքն սկիզբէն տանջող շաքարախտի հետեւանօք, տակաւին 48 տարեկան հասակին մէջ: Արեւելի խմբագրութիւնը չմեկնած Ներսէսի կենսագրութիւնը պահանջեց ինէ մահուանէ անմիջապէս ետքը հրատարակելու համար, զոր դժկամակեցայ կատարել, բայց հասնելէս 17 օր ետքը խմբագրութենէն առի առաջին բօթաբեր գուժը, և իսկոյն բաւական ընդարձակ գրուած մը պատրաստելով յղեցի, իբր երախտապարտութեան նուէր Ներսէսի անմահ յիշատակին, որ կեանքիս մեծ ազդակներէն մին եղած է, և համարձակ կը խոստովանիմ թէ կարեւոր տեղ մըն ալ գրաւած է վերադարձիս խնդիրին մէջ:

## Ի Ա

Դասնակիս, 1918 յունուար 8|21 Բշ:

Կարին դառնալս որոշուելէն ետքը երբոր վերջին անգամ մեծեպարքոս Սայիտ բաշայի հրածեշտի գացի, յիշեցուցի թէ մի՛ գուցէ հակառակութիւն գտնամ կուսակալին կողմէ, և սա զիս վստահացուց թէ դժուարութեան չեմ հանդիպիր: Ասով մէկտեղ ես զգուշացայ հանդիսական մուտք գործել Կարին, իբրև թէ կուսակալին վրայ յաղթանակ տարած ըլլամ, զի գիտէի ալ Կարնեցւոց զգացած ոգեւորեալ համակրութիւնը դէպ առ իս, և միւս կողմէն չափազանցութեանց կողմը հակամիտութիւննին: Ուստի Տրապիզոնէ հեռագրեցի թէ Կիւմիւշխանէ և Բարերդ յանձնարարութիւններ ունենալով կատարելիք, չէի կրնար հասնելուս ժամադրութիւնը որոշել, մինչ միւս կողմէն կը շտապէի օր առաջ յանկարծօրէն հասնիլ: Սակայն անոնք ալ գլխաւոր օթեւաններ հրահանգ տուած էին, որ անցնիս հեռագրեն: Ամենէն վերջը Բարերդի մէջ հարկ եղաւ խիստ հրամանով լրասուն արգիլել, որպէսզի իմ մտադրութիւնը չխանգարուի: Ասով մէկտեղ երբ հոկտեմբեր 9|21ին Իլիճա հասայ, այնտեղ գտայ Կարնոյ թաղականութիւնը իբրև հրաւիրակ եկած ուրիշ ընկերներով, զիս անդէն գիշերելու և հասնելուս յաջորդը օրը հանդիսական մուտքի

ստիպելու մտադրութեամբ, Սաստիկ և վճռական հրամաններու գիմել հարկ եղաւ, որպէսզի եկողները Իլիճա մնան, և ես արև մտնելէն ետքը դէպի Կարին կարենամ ուղեւորիլ: Կէզ գիւղին մէջ ալ եկեղեցականներուն հոն գտնուիլն իմացայ, և անոնց լուր տալը արգիլեցի, և յառաջ անցնելով գիշերային մթութեան մէջ Կարին մտայ, և առաջնորդարանը դատարկ և փակ գտնելով, Սանասարեան վարժարանի կողմէն կրցայ առաջնորդարան մտնել: Արդէն իմ բացակայութեան միջոցին առաջնորդարանը իւր կիրարկութեան դարձած էր, Սանասարեանը Օրիորդաց վարժարանին մէջ գետեղուած էր, և Օրիորդացը իւր նախկին Տաճար փողոցի վարժարանը դարձած էր, ինչպէս որ կանուխէն ես առաջարկած էի և Գուլառական Վարչութիւնն ու թաղականութիւնն ալ ուր ուրեմն առաջնորդարանը տեղափոխելու ծրագիրին անտեղութիւնը զգացած, և ետ դառնալու նախածեռնութիւնն ունեցած և ինձի ալ գրած էին:

Յաջորդ առաւօտուն ժողովուրդին յանկարծական մը եղաւ գիշերով հասնիլս, և այցելութիւններ շարունակեցին. իսկ կուսակալը, որուն կանխաւ լուր զրկեցի, շատ գոհ երևցաւ իմ ըզգուշաւոր ընթացքէս և սիրալիր ընդունելութիւն ըրաւ: Կարծես թէ սրտի տագնապէ մը ազատած ըլլար, որովհետև ցոյցի մը կասկածով վաշտ մը ղինուոր գէնքի տակ պահած էր, և ոստիկաններու ջոկատ մը ճանպուհ վրայ յղել հրամայած էր: Ստոյգ ալ կուսակալին հետ յարաբերութիւննիս առաջինէն աւելի մտերմական դարձաւ: Կարին դառնալէս մինչև եպիսկոպոսական ձեռնադրութիւնս նոր հանգրուան մը կը կազմեմ, իբրև քսան ամիսներու ժամանակամիջոց մը, առաջնորդական պաշտօնը մօտէն վարելուս երկրորդ մասը, որ իւր բնութեան և մեծ գիծերուն մէջ առաջին մասէն տարբերութիւն չունի, և կրկին մանրամասնելու պէտք չի մնար: Ըստ այսմ բաւական կը սեպեմ միայն գլխաւոր և յատուկ դիպուածները քաղել:

Առաջին գործերէս մին եղաւ եօթը տարի բանտարկութեան դատապարտուած անձերուն ալ ազատութիւնը ձեռք բերել, և շուտով յաջողեցայ կուսակալին ալ ձեռնտուութեամբ, և հասնելէս ամիս մը ետքը, 1884 նոյեմբեր 14|26ին, անոնք ալ արձակուեցան: Այդ միջոցին 1885 յունուար 25|6 փետրուարին Կարնոյ նախորդ առաջնորդ Յարութիւն Վեհապետեան եպիսկո-

պոս Կ. Պոլսոյ պատրիարք ընտրուեցաւ, որուն միշտ և յամենայնի սիրալիր յարաբերութիւնները վայելեցի, և որուն նշաններէն մին եղաւ ինքնաբերաբար մէճիտիյէ շքանշանի երբորդ աստիճանը ինծի շնորհել տալը 1885 դեկտեմբեր 2|14ին: Վարժարանաց հոգածութիւնն ալ դարձեալ իմ գլխաւոր զբաղումներէս մին եղաւ, մինչև որ, աւելի ազդուապէս գործելու համար, 1885 օգոստոս 11|23ին դարձեալ տեսչութիւնը ուղղակի ստանձնեցի: Գաւառներու մէջ բարեկարգութեան կարօտ կէտերէն մին նշանագրութեանց և պսակագրութեանց խնդիրն է, նկատելով ընտրութեանց մէջ տեղի ունեցած ապօրինի ձևերը, «աշուէի կամ հեփեփի» գրութեամբ հարսնացուները գրեթէ վաճառելը, փոխադարձ նուէրներու և հրուէրներու պահանջները, հարսանեաց հանդէսներու շռայլութիւնները, հարսերու վրայ դրուած ծանրութիւնները, և այլ նմանօրինակ կէտեր, զորս երկարօրէն ուսումնասիրած էի, հարկ սեպեցի նիւթ ընել ընդարձակ կոնդակի մը, 1885 փետրուար 23|7 մարտ թուականով, Կ. Պոլսոյ մէջ տպագրել տալ, և Կարնոյ, Բասենի, Կեղւոյ, Դերջանու, Խնուսոյ, և Սպերի վիճակներուն երկու հարիւրէ աւելի հայաբնակութիւն պարունակող գիւղերը յղել, իբր կանոն գործոց և հրահանգ գործադրութեան: Առաջնորդական պաշտօնին պահանջներէն մին ալ հովուական այցելութիւնն է, կացութիւնը քննելու, խնդիրները ուսումնասիրելու, քարոզելու և հրահանգելու նպատակով. և կրնամ յայտարարել, որ շատ քիչ բացառութեամբ Կարնոյ և յարակից վիճակներուն ամէն կողմերը այցելած եմ, ձմեռուան միջոցին Կարնոյ դաշտը, և ցանքի ու հունձքի միջոց ժամանակին շրջակայ թեմերը: Ըստ այսմ 1885 յունիս 10|22ին Կարինէ մեկնեցայ և Դերջանի բոլոր գիւղերը այցելեցի: Վերջին անգամ Սըրըզը Ս. Թորոս վանքէն անցայ Ղուզիչան, Երզնկայի դաշտին վրայէն, բայց Երզնկա չմտայ, նոյն օրեր բորբոքուած առաջնորդական խնդիրը արժարժած չըսուելու համար: Ղուզիչանի Հիւսէյին և որդւոյն Հայտար պէյերու հիւրասիրութիւնն ալ ընդունելով անցայ Կեղի, նախապէս շրջակայ գիւղերը այցելելով և այնպէս կեդրոնական աւանը գալով: Այցելութեան գործունէութիւնը բացատրել հարկ չեմ տեսներ, զի բոլոր վիճակային գործերը նկատի առնել է, և գործերն ալ ծանօթ են: Վերջին անգամ Անդրէս գաւառակի գիւղերը կը մնային, երբ

Կարինէ Սանասարեան բարերարին մօտ օրէ հասնելուն լուրն եւ կաւ, և ստիպուեցայ շուտով դառնալ, և յուլիս 10|22ին՝ որ է ըսել մեկնելէս ամիսէ մը Կարին հասայ:

Սանասարեան վարժարան իւր չորրորդ տարին փակելու մօտ և գոհացուցիչ չափով կազմակերպուած էր, աշակերտաց թիւն ալ աճած էր. Մկրտիչ Սանասարեան բարերարը փափաքեցաւ անձամբ ալ տեսնել իւր հիմնարկութեան կացութիւնը, և ուսումնական վիճակն ալ քննելու համար, իրեն ընկեր առնելով էջմիածնի Ճեմարանին տեսուչ Արշակ Նահապետեան ուսուցչապետը, Կարին հասաւ 1885 յուլիս 12|24ին, իմ Քղիէ դառնալէս երկու օր ետքը: Փառաւոր ընդունելութիւն կատարեցինք իրեն, և հետզհետէ Սանասարեան վարժարանի, և ազգային հաստատութեանց, և Կարնոյ քաղաքին հետաքրքրական պարագաները ցուցուցինք և բազատրեցինք, և ազգային երախտագիտութեան արտայայտութիւնները մատուցինք. կուսակալութեան կողմանէ ալ պատուասիրուեցաւ: Յուլիս 22|3 օգոստոսին մեծահանդէս քննութիւն և հանդէս սարքեցինք կուսակալի և գլխաւոր պաշտօնակալաց և օտարազգեաց ներկայութեամբ, և վերջէն առաջնորդարանի մէջ բոլորին մեծ հացկերոյթ մը տուինք: Սանասարեան շատ գոհ և մխիթարուած, ուրախ և իւր գործին մասին ապահովուած, յուլիս 29|10 օգոստոսին մեկնեցաւ Տփղիս եռանդուն ցոյցերով:

Առաջնորդական պաշտօնավարութեան սովորական գործունէութեանց մասին խօսիլ աւելորդ սեպելով, այս քանի մի տեղեկութիւններով կը փակեմ սոյն հատուածը:

ԽԲ

Դաւնաւկոս, 1918 յունուար 9|22 Կշ:

Կոստանդնուպոլսոյ պատրիարքութեան վիճակներուն մէջ առաջնորդներու եպիսկոպոսական ձեռնադրութիւնը սովորաբար պաշտօնավարութեան առաջին տարիներուն մէջ տեղի կ'ունե-

նայ, իսկ իմը մինչև հինգերորդ տարւոյ վերջանալը ուշացեր էր գլխաւորաբար կաթողիկոսական աթոռին երկարատե պարապուծեան համար, որով թեմականներուն առաջին դիմումն ալ անհետեանք անցած էր: Ուստի հազիւ թէ նոր կաթողիկոսի ընտրութիւնը կատարուեցաւ, Կարնոյ Գաւառական Ժողովը 1885 յունիս 28|10 յուլիսին, իմ բազակայութեան միջոցին, որոշեց դիմել Կեդրոնական Վարչութեան ընծայագիրը ստանալու համար: Սակայն հարկ եղաւ սպասել Մակար կաթողիկոսի օժման, որ տեղի ունեցաւ նոյեմբեր 10|22ին, և անոր կաթողիկոսութեան պաշտօնապէս ճանչցուելուն, զի երկրորդ ընտրելւոյն նախադասուելէն յառաջ եկած խնդիրներ կային և պէտք էր անոնց ալ վերջանալուն սպասել: Այս պատճառով հազիւ 1886 յունուար 10|22ին Սառն Ժողովը իւր որոշումը կրցաւ տալ, և ժողովականներէն միայն Նարպէյ Սորէն եպիսկոպոսը դիտողութիւն յարուցած էր, իբր թէ Վեհապետեան պատրիարքը Կարնոյ վրայ ձեռնադրուած ըլլալուն, ուրիշ մը նոյն թեմի անունով չէր կրնար ձեռնադրուիլ: Ժողովականներ մէկէ աւելէ անուններ կը յիշեն, մէկուն հրաժարելէն ետքը ուրիշին նոյն վիճակի անունով ձեռնադրուած ըլլալը հաստատող, և նոյնինքն Վեհապետեան կը յիշեցնէ այժմ Կ. Պոլսոյ պատրիարք գտնուիլը և առաջիկային երուսաղէմի պատրիարք ընտրուած ըլլալը: Նարպէյի ծածուկ դիտում ունենալն ալ կը խօսուի, որով դիմադրողը կը յուզուի. իրօք ալ Նարպէյ իւր հետապնդած պատրիարքութեան արգելք կը կարծէր իմ եպիսկոպոսանալը, չնայելով որ իրարու ոչ-հեռաւոր ազգականութիւն ալ ունէինք, երկու քոյրերու թոռներ ըլլալով: Չմեռնային եղանակը յարմար չէր ուղեորութեան, և Մակար կաթողիկոս գարնան յետաձգած էր իւր առաջին հանդիսական ձեռնադրութիւնը, որչափ ալ պաշտօնական ընծայագիրը 1886 մարտ 1|13 թուականով պատրաստուած և ինձի յղուած էր:

Տաճկահայ վիճակներէն որոշուեցաւ նաև Տրապիզոնի առաջնորդ Գարեգին Սրուանձտեանց վարդապետի ձեռնադրութիւնը, և ես հարկ սեպեցի Պայազիտի առաջնորդ Աստուածատուրեան Յովհաննէս վարդապետի ձեռնադրութեան համար ալ միջնորդել, զի բազմաշխատ և բազմաշարժար խնամակալ եղած էր իւր վիճակին, վերջին պատերազմին եւ սովին միջոցներուն գերութեան և մահուան երկիւղ ալ կրելով, և սովեալ-

ները կերակրելու համար մինչև ժամացոյցը վաճառելու հասնելով: Յայտնապէս գրեցի պատրիարքին, թէ եպիսկոպոսութիւնը աւելի վայել է հովուական պաշտօնով առաքինացող քան հրապարակի վրայ փայլուն անուններով երեցող վարդապետներուն: Վեհապետեան պատրիարք, որ մօտէն ալ դիտակ էր անոր արդիւնքներուն, ձեռնադրութիւնը որոշել տուաւ, թէպէտ Պայազիտի խեղճ ժողովուրդը դիմում ընելու իսկ համարձակած չէր: Չորրորդ ընծայագիրը տրուեցաւ Նիկոմիդիոյ առաջնորդ Յովակիմեան Ստեփանոս վարդապետի, բայց ոչ վիճակի անունով, ինչպէս սովորութիւն էր Կ. Պոլսոյ պատրիարքարանին, այլ պարզապէս իբր Արմաշու միաբան, որ նոր դադափար մը կողմ վարչութեան կողմէն, իբրև առաջնորդներու դիւրաւ հրաժարելուն դարձան, թէպէտ միւս կողմէն Արմաշի միաբանութիւնը բողոքեց, և մինչև էջմիածին իւր ձայնը հասուց, թէ Յովակիմեանը ո՛չ միաբան կը ճանչնայ, և ո՛չ եպիսկոպոսութեանը կը հաւանի:

Սրուանձտեանցի հետ անկեղծ մտերիմներ էինք, ուստի իրեն առաջարկեցի միասին ճանապարհորդել, և որոշեցինք որ ես Տրապիզոն իջնամ և Պաթումի ու Տփղիսի ճանպով երթանք, և յետոյ Աղեքսանդրապոլի և Կարսի ճանպով միասին Կարին դառնանք: Ուստի 1886 մայիս 4|16ին Կարինէ մեկնեցայ հետեւորդներով, և Տրապիզոն ու Պաթում հանդիպելով 19|31ին հասանք Տփղիս: Այն տեղ պարտաւորուեցանք քանի մի օր մնալ քաղաքացւոց խնդրանքին վրայ քալողեցի, և մայիս 25|6 յունիսին փառաւոր հացկերոյթով պատուասիրուեցանք Հայկական Ակումբին կողմէ բազմաթիւ անդամոց սեղանակցութեամբ, որուն միջոցին երկուքնիս ալ տասը անգամէ աւելի բաժակաճառ խօսելու կամ բաժակաճառերու պատասխանել պարտաւորուեցանք: Միւս օր Տփղիսէ մեկնելով, և Աղստաֆայէ երկաթուղին կառքով փոխանակելով, և Սևանայ անապատն ալ այցելելով, մայիս 28|9 յունիսին հասանք էջմիածին, և 30|11ին պաշտօնապէս կաթողիկոսին ներկայացանք:

Ձեռնադրութեանց նախապատրաստութեանց կարգին հարկ եղաւ կաթողիկոսին միտքը հանդարտեցնել Աստուածատուրեանի վատառողջ և դողդոջուն վիճակին մասին, և Յովակիմեանի դէմ Արմաշի միաբանութեան յայտնած ընդդիմութեան վրայ: Էջմի-

ածնի միաբաններէն ձեռնադրուելիք որոշուեցան Սարգիս Տէր-  
 Գասպարեան, Կարապետ Տէր-Գալստեան, Արիստակէս Դաւթեան,  
 Մամբրէ Սանասարեան և Կարապետ Այվազեան վարդապետնե-  
 րը, իսկ երիցութեան կարգով, Աստուածատուրեան եղաւ եր-  
 րորդ, ես հինգերորդ, Սրուանձտեանց կօթներրորդ և Յովա-  
 կիմեան իններրորդ: Յունիս 7ին իններնուս եպիսկոպոսական  
 ուխտադրութիւնը տեղի ունեցաւ Իջման Աեղանին առջև, և Տին,  
 Եղիայի վերացման կիրակիին, ձեռնադրութիւնը կատարուեցաւ,  
 Ներսէս Սուղաւէրդեան եպիսկոպոսի խարտավիլակութեամբ, և  
 Մկրտիչ Բաբամեան և Մեսրոպ Սմբատեան եպիսկոպոսներու ըն-  
 թերակայութեամբ, Մակար Ա. կաթողիկոսի հանդիսադրութեամբ,  
 և կատարեալ շքեղութեամբ:

Ձեռնադրութենէն անմիջապէս ետքը ուխտաւորական ուղե-  
 ւորութիւն մը կատարեցինք Սրուանձտեանցի հետ, և Աղեք-  
 սանդր Ծատուրեանի ծախքով Գեղարգայ Տերիվանքը, Գառնիի  
 աւերակները, Գուինի կողմերը, և Արտաշատայ Սորվիրապը,  
 ուր տենդով հասայ 11/23ին, և հազիւ միւս առտուն կրցայ Վի-  
 րապին խորը իջնել: Էջմիածին դառնալուս կրցայ 15/27ին միւ-  
 ռոնի օրհնութեան հանդիսակից ըլլալ, Ս. Թովմաս առաքելոյ ա-  
 ջը կրելով, և Նարեկացւոյն մեծ աղօթքն ալ կարդացի կաթողի-  
 կոսին հրամանով: Ձեռնադրութեանս վկայական կոնդակը ստա-  
 ցայ 16/28 թուականով, և 17/29ին մատուցի կանոնական առա-  
 ջին պատարագը Մայր Տաճարին մէջ, և նոյն օր սովորութիւն  
 եղած միաբանական սեղանն ալ տուի, և բաւական ընդարձակ  
 խօսեցայ, Եկայք շինեսցուք սուրբ գիտրանն շուտոյ բնաբանով, և ե-  
 կեղեցւոյ շինութեան և պայծառութեան համար եկեղեցականու-  
 թեան և աշխարհականութեան դործակցութիւնը օրինակելով ի  
 Գրիգոր և ի Տրդատ: Այդ միջոցին ուսուցչութեան պաշտօնով  
 Էջմիածին մնալուս խնդիրն ալ յուղուեցաւ, բայց Վանայ քննը-  
 չութեան երթալուս հրամանը վրայ հասաւ, ուստի նախապէս ա-  
 նոր վրայ խօսելու կ'անցնիմ:

ԽԳ

Դաւնաւկոս, 1918 յունուար 10/23 Դշ.

Ձեռնադրութիւնը կատարուած, ուխտատեղիներ այցելած, սովորական պատշաճները լրացուցած, և ուսուցչութեան առաջարկն ալ, ինչպէս պիտի պատմեմ, պայմանի մի կապած, կը պատրաստուէի Սրուանձտեանցի հետ Աղեքսանդրոպոլով և Կարսով Կարին դառնալ, և ահա Կ. Պոլիսէ հեռագրական հրաման մը Վան ուղևորիլ կը պատուիրէր քննչական պաշտօնով, առանց պարագաները բացատրելու: Կանուխէն ուղեգիծնիս կազմած եւ պատրաստութիւնները կատարած էինք, և ուրախ սիրտով պիտի մեկնէինք, Անի այցելել, ես իմ վիճակս դառնալ, և Սրուանձտեանց իւր քահանայական ձեռնադրութեան եկեղեցին կրկին պատարագել, երբ անակնկալ հրամանը բոլոր ծրագիրնիս կը խանդարէր. ուստի բաւական սեպեցի պատասխանել, որ պաշտօնագիրները Կարին դրկեն, ուսկից կը խոստանայի անմիջապէս Վան ուղևորիլ, և միւս կողմէն կ'որոշէինք շուտափոյթ էջմիածինէ մեկնիլ: Վերջին գիշերն էր, ամէն բան կազմ ու պատրաստ էր, և ահա՛ կէս դիշերին նոր հեռագիր մը կը ստանամ, թէ գործը ստիպողական է և թէ պէտք է առանց Կարին հանդիպելու ուղևորակի Վան երթալ: Պահ մը կը մտածեմ հեռագիրը ծածկել և որոշուած ուղեգիծնիս գործադրել, իբր թէ հեռագիրը ուշ հասած ըլլար, բայց սիրտս չեմ կրնար հանդարտեցնել, Սրուանձտեանցը կ'արթնցնեմ և միտքս կը հաղորդեմ, որպէսզի կամակից մը ճարեմ, բայց նա ալ կը սկսի վարանիլ. Վանին մնաս մը հասնելուն հաւանականութիւնը միտքը կը վրդովէ, և բաւական խորհրդակցելէ ետքը վերջապէս կ'որոշենք մեր ծրագիրէն հրաժարիլ և պատուէրին համակերպիլ: Նա առաւօտուն կը մեկնի Տըփղիս, և ես ալ իկտիր երթալու պատրաստութեանց կը ձեռնարկեմ, և յունիս 19/1 յուլիսին կ'ուղևորիմ: Չորս եպիսկոպոսներ մինչև Մեծամօրի եղերքը յուղարկ կուզան, և ուսուցչ-



չութեամբ վերագառնալուս օղջոյններով կը բաժնուինք: Բաւա-  
կան ծանր ուղեորութիւն մը, և անծանօթ պաշտօն մը յանձն  
կ'առնէի, երբ պարբերական տենդի խօթութիւնն ալ վրաս կը  
տիրէր:

Իկտիր կը գիշերեմ, ուղեորութեան պէտքերը կը լրացնեմ,  
և լեռնային ճանապոճ կ'իջնեմ Պայագիտ: Տենդը կը կրկնուի,  
բայց տենդի մէջ ալ քարոզելու կը ստիպուիմ, երբ ոտքի վը-  
րայ ալ կանգուն չէի կրնար կենալ, և առաջին անգամն էր որ  
նստած քարոզեցի: Կառավարիչին տրամադրած չորս ոստիկան-  
ներու և յիսնապետի մը պաշտպանութեամբ Ապաղայի անկոխ  
ճանապարհով կ'ուղևորիմ, և երբ կը կարծէի կարճ ճանապոճ շու-  
տով հասնիլ, խեղճ ճամբորդներու բազմութիւն մը կը գտնեմ  
շուրջս և կը պարտաւորուիմ անոնք անօգնական չթողուլ: Ճե-  
լալիներու հզօր ցեղապետ Մէհմէտէ կը հիւրասիրուիմ առաջին  
գիշեր, միւս երեկոյ Բերկրիի Տէրյուսկանորդւոյ վանքը կ'օթե-  
լանիմ, Արգելանի կոտարն ալ կը բարձրանամ, բայց ճանիկ  
գիւղին մէջ սաստիկ տենդով կը տառապիմ, նորընծայ Մակար  
քահանայէն խնամուելով: Այս պատճառով Լիմ ու Կաուց այցե-  
լելէ կ'արգիլուիմ, բայց ճանապաս չեմ ընդհատեր, և յունիս 26/8  
յուլիսին վան կը մտնեմ, Աւանցէ սկսելով դիմաւորողներու ու-  
ղեկցութեամբ, և ուղիւ Ս. Նշանի առաջնորդարանը կ'երթամ  
օթեւանելու:

Կ. Պոլիսէ հասած գիրերէն և տեղւոյն վրայ քաղուած լու-  
րերէն կը տեղեկանամ, որ խնդիրը ժողովուրդին և տեղապահ  
Պօղոս եպիսկոպոս Մելիքեանի միջև ծագած դժտութեան շուրջը  
կը դառնայ: Պօղոս առաջնորդ ընտրուելու փափաքով պաշտօ-  
նական գործողութեանց կը դիմէ, բայց հակառակութեան հան-  
դիպելով, գլխաւորները կ'ամբաստանէ և բանտարկել կուտայ,  
և ժողովուրդէն մաս մը դայրանալով հռոմէականութեան դիմե-  
լու կը ձեռնարկէ: Ժողովուրդին գայթակղութեան պատճառ  
կ'ըլլայ նաև գողութեան մը հեղինակները գտնելու համար Պօ-  
ղոսի կողմէ տաճիկ կարգացողի մը հաց կարգալ տալով սպա-  
սաւորաց բռնի կերցնելը, իբր թէ անով գողը իսկոյն պիտի պայ-  
թէր ու յայտնուէր: Պաշտօնը փափուկ էր, բայց աւելի դժուար  
կը դառնար երբ ո՛չ կոնգակ կար ժողովուրդին հաղորդելու և  
ո՛չ պաշտօնագիր կուսակալութեան ներկայելու, իբր թէ հնար

ըլլար անպաշտօն կերպով կացութիւնը ստուգել և դարմանել: Պօղոս ալ միւս կողմէն զայրացած իւր պաշտպանութեան ձեռնարկած էր, և հրապարակաւ ալ կը խօսուէր թէ նա ընդունակ էր մինչև իսկ կեանքեր դաւաճանել իւր մտերիմ քուրդերու ձեռքով: Իսկ իմ տենդս, ճանապարհի նեղութիւններէն ալ զայրացած, զիս առաջնորդարանի մէջ անկողինի ծառայելու պարտաւորած էր, և Պօղոսի զայրոյթին մատնուած ըլլալու փաղափարը միտքս կը պղտորէր: Բարեբախտաբար ճանապարհին ծանօթացած էի Վանայ մեծամեծներէն Պետրոս Գաբամաճեանի հետ, որ բարեկամաբար առաջարկեց զիս իրենց Այգեհատանի օղաւէտ տունը փոխադրել, ուր յատուկ մտադրութեամբ և տնեցիներու խնամքով կրցայ տենդէն բժշկուիլ, և կազդուրուելու համար պահմըն ալ Վարագայ վանքը օգափոխութեան երթալ:

Սակայն առողջական հոգերը չէին կրնար ներել որ պաշտօնական գործը յետաձգուէր, զի ծանր վիճակ առած էր և ժողովուրդն ալ անհամբերութեամբ ելքը տեսնալ կը սպասէր: Ուստի թէ՛ հիւանդութեան անկողինէն, թէ՛ Փանոս և Պետրոս Գաբամաճեան հիւրընկալ եղբարց տունէն, և թէ՛ Վարագայ վանքէն ստիպուած էի գործերու հետեւիլ, լուծումը փութացնել, և կոնգակի ու պաշտօնագիրի թերին ճարտար դարձուածներով լրացընել: Մէկ կողմէն աշխատեցայ զայրացկոտ դաւանափոխները կասեցնել, և միւս կողմէն Պօղոսի կուսակիցները լռեցնել, քարոզութիւններով ժողովուրդը հանդարտեցնել, և պատշաճ կերպերով կուսակալը Պօղոսի պաշտպանութենէն ետ կեցնել, ըլլալիք կարգադրութեանց ծրագիր մը պատրաստել, և անոր գործադրութիւնը կեդրոնէն պահանջել: Պէտք է յայտարարեմ թէ պատրիարք և կեդր. Վարչութիւն անպայման վստահութեամբ առաջարկներս հաստատեցին. Պօղոս տեղապահութենէ հանուեցաւ և իմ երթալ ստիպուեցաւ, Կտուցի վանահայր Մաժակեան Յովհաննէս վարդապետ տեղապահ նշանակուեցաւ, յարմար տնձերով նոր վարչութիւն կազմուեցաւ, և բանտարկեալներէն մաս մը արձակուեցաւ, և մնացեալներուն ազատուիլը ղիւրացաւ: Աւելի մանրամասնութեանց մտնել հարկ չեմ տեսներ. վարչական և քննչական գործառնութեանց ձևերը և միջոցները յայտնի են, իսկ իմ պաշտօնիս յատուկ պարագայի վաւերական գրութեանց թերին էր, զոր ստիպուեցայ մասնաւոր կերպերով լրացնել:

Բայց երբ Վանայ կացութիւնը փոքրիշատէ կը հանդարտէր ու կը կարգադրուէր, Պօղոսի զայրոյթը կը սաստկանար, և զանազան կողմերէ վրէժխնդիր բարկութեան պատրաստութիւններ կը լսուէին, զորս մինչև աստիճան մը կրնայի անտեսել, բայց, երբ սկսան սպառնական գողտնի նամակներ հասնիլ, այլևս խուսականութիւն չսեպեցի վտանգին առջև մնալ, և լռելեայն նախապատրաստութիւններս ընելով օգոստոս 4/16ին գիշերախառն Վանէ մեկնեցայ Արտամետի ճանալով: Ճիշդ 40 օր մնացի Վանայ մէջ, և բաւական ծանր խնդիր մը կարելի եղած յաջողութեամբ փակեցի, և Պօղոսեանց ու Ապօղոսեանց հնօրեայ մրցումը զըրեթէ բնաջինջ եղաւ Վանայ մէջէն, զի Պօղոս Մելիքեան եպիսկոպոսը այդ վերջին անցքէն ետքը այլևս չկրցաւ հրապարակ իջնել, և Վանայ Գաւառական Վարչութեան վրայ տիրապետելու մարմաջը վերանորոգել:

Արտամետի ճանալով մեկնիլս ոչ թէ հետքս կորսնցնելու դիտամբ էր, այլ Աղթամար հանդիպելու և անոր խնդիրն աչքննելու յանձնարարութիւն ստացած էի Կեդրոնէն: Խաչատուր կաթողիկոս զոհ գացած էր գողութեան մը, որ ընդհանրապէս կուսակցական գործիչներու և յասակապէս Արմենեան ընկերներու կը վերագրուէր, իսկ Խաչատուր չկրնալով անոնց հետքը գտնել, իւր միաբաններէն Խորէն և Պօղոս վարդապետները ամբաստանած և բանտարկել տուած էր, իբրև գործակից ենթադրելով կամ յաւ իստատովանութիւններ քողելու յօյսով: Վանա գտնուած ատենս Խաչատուր ալ հոն էր և վարդապետներուն դէմ դատախազութիւնը կը վարէր: Աշխատեցայ իւր ձեռնարկին տգեղութիւնը հասկցնելով կասեցնել, բայց անհնար եղաւ համոզել. առաջարկեցի միտսին Աղթամար երթալ, բայց չկրնալով հաճեցնել, ստիպուեցայ առանձինն երթալ և տեղւոյն վրայ տեղեկութիւններ քաղել ու զննութիւններ կատարել: Առաջին օրը Անգղ վիշերելով, և միւս օր Ոստանի մէջ Ս. Եղիշէ պատմաբանին գերեզմանը այցելելով, արև մտնելէն ետքը Աղթամարի կղզին մտայ: Երկու օր անցուցի այնտեղ, նարեկի վանքը այցելեցի, Սուրափայ վանքը գիշերեցի, Կապուտկողայ վանքը հանդիպեցայ, Կարճկանի Բինթրանց գիւղը ելայ, և յառաջելով 9/21ին Բաղէշ հասայ, ուսկից մեկնելու վրայ էր առաջնորդ Կէօմրիւքճեան Մովսէս վարդապետը: Վանքերն ու եկեղեցիները պատեցայ, և

որովհետև Մուշ եղած էի, Ախլաթի կամ Ալաթայ ճանապան նախադասեցի, Թեղուտայ վանքը գացի, իբր հարիւրամեայ Ազար Աւոնդեան վարդապետը տեսայ և գիշերեցի, Շիրվանշէխի վրայէն Խնուս մտայ, և Գարաշոպունէն մինչև Խնուսայ Աւանը եկայ, և վերջապէս օգոստոս 23/4 սեպտեմբերին Կարին հասայ, ձեռնադրութենէն երկուքուկէս ամիս ետքը:

## ԽԴ

Դաւնակոս, 1918 յունուար 12/25 Ուր.

Կարին հասնելս ողջունուեցաւ Կարնոյ տաղնապին բանտարկեալներէն վերջին մնացած երեքներուն ներմամբ արձակուելովը սեպտեմբեր 3/15ին, իսկ չորրորդը որ ի բացակայութեան դատապարտուած էր և արտասահման կը գանուէր, բնական էր որ չկարենար շնորհէն օգտուիլ: Մկրտիչ Սանասարեան բարերարին այցելութենէն ետքը, իւր խորհրդական ու գործադիրը Կարապետ Եզեանց ալ ուղեր էր մօտէն տեսնել իւր ծրագրած հաստատութեան կացութիւնն ու պարագաները, և այդ նպատակով Կարին եկաւ սեպտեմբեր 5/17ին, և ամէն բան զննեց ու տեսաւ նախկին ուսուցչի աչքերով, և երեք շաբաթ բոլոր մանրամասնութեանց գլխակցաբար տեղեկանալով և հմտաբար ուսումնասիրելով, սեպտեմբեր 25/7 հոկտեմբերին մեկնեցաւ Կ. Պոլիս, Կեդր. Վարչութեան հետ Սանասարեան վարժարանի յարաբերութիւնները ճշդելու և կանոնագիրը վաւերացնել տալու, որոնք լրացընելով դարձաւ Բէթէրսպուրկ: Թէպէտ ձեռնադրութենէս բաւական ատեն անցեր էր, և գլխաւոր քաղաքներ այցելեր էի, սակայն ամէն տեղ պատարագի հրաւերները մերժեր էի, առաջին եպիսկոպոսական հանդիսաւոր պատարագը վիճակիս մէջ մատուցանելու համար, ինչպէս որ ալ մատուցի սեպտեմբեր 14/26ին Խաչվերացի կիրակի օրը: Իսկ առաջին ձեռնադրութիւնը կատարեցի հոկտեմբեր 19/31ին քաղաքի երկու նորընծաներու վրայ, զորս կոչեցի Ներսէս և Մակար, վարդապետութեան և եպիսկոպոսութեան ձեռնադրողներու պատուոյն:

Կարնոյ առաջնորդական պաշտօնավարութիւնս երկրորդ անգամ ընդհատուած էր էջմիածնի ուղևորութեամբ և վանայ քննչութեամբ, զի մայիս 4 | 16 էն մինչև օգոստոս 23 | 4 սեպտեմբեր, մօտ չորս ամիս բացակայ գտնուած էի: Նորէն գործերը ձեռք առնելս երկար պիտի չըլլար էջմիածին ուսուցչութեան կոչուելու նախատեսութեամբ, բայց որովհետև ստոյգ և վճռական որոշում չկար, չուզեցի ո՛չ խօսք ընել և ո՛չ պաշտօնավարութեան փոփոխութիւն մտցնել, և գործերը շարունակեցի ըստ առաջնոյն, իրենց սովորական ընթացքին համեմատ: Մեծ և նշաւաւոր պաշտօնայ մը չունիմ այդ միջոցին մէջ պատմելու, որ առաջնորդութեանս վերջինն եղաւ և հողիւ տարի մը տեւեց մինչև 1887 յուլիս 6 | 18: Գլխաւոր յիշուելու պարագայն թորդում, և Նորման, և Կիսկիմ և Սպեր թեմերու հովուական այցելութիւնս է, որով կը լրանար բոլոր յարակից վիճակները մօտէն տեսնելու փափաքս, զի Սնուսն ու Բասենը այցելած էի 1882ին Տարօնոյ քննչութեան առթիւ, Դերէնն ու Քղին ալ 1885ին յատկապէս ուղևորելով: Իսկ մնացեալ գործունէութիւններ շարունակութիւնն էին առաջնորդական պաշտօնավարութեան որ մասամբ ինքնին յայտնի է, և մասամբ ալ կանուխէն բացատրած եմ: Աւելցնեմ որ Կիսկիմէ Սոտորջուր ալ գացի, հռոմէականաց կեդրոնը եւ պատուով ընդունուեցայ ու գիշերեցի:

Առաջնորդական պաշտօնավարութիւնս տեւած է եօթը ամբողջ տարիներ, 1880 յունիսէն 1887 յուլիս, որոց հինգուկէս տարին տեղւոյն վրայ և իբր մէկուկէս տարին ի բացուստ Կ. Պոլիս գտնուած միջոցին, սակայն կատարեալ պատասխանատուութեան և իսկական գործունէութեան պայմանով: Կրնամ սիրտի հանդարտութեամբ յայտարարել թէ անօգուտ չեղայ Կարնոյ, գլխաւորապէս յարակից վիճակներուն ընդարձակուելովը, վարժարանաց դարձուած յատուկ հոգածութեամբ, ներքին վարչական ձևերու կարգադրութեամբ, և ազգային զարգացման տրբուած քաջալերութեամբ: Օգտակար եղան նաև անձամբ այցելութիւններս, Սանասարեան վարժարանի Կարնոյ մէջ հաստատուելը, և մանաւանդ ազգային տագնապին յաջող վերջաւորութեան համար թափուած ճիգերը: Իբրև բարեյաջող պաշտօնավարութեան վկայութիւն պէտք է ընդունուի մինչև այսօր Կարնոյ մէջ իմ անձիս գովութեամբ յիշուելը և իմ օրերուս օրհնութեամբ:

փնտուռիլը: Երբոր եղելութիւններ են յիշատակուած կէտերը, չեմ կարծեր որ սին պարծենկոտութիւն համարուին գրածներս: Պաշտօնը թողուլս ալ իմ նախաձեռնութեամբ կամ մուրացածոյ պատճառներով կամ շարունակելու դժկամակութեամբ յերիւրուած խաղ մը չէր, այլ հայրապետական բացարձակ հրամանով պարտադիր դարձած դործ մը, ինչպէս մանրամասնօրէն պիտի պատմեմ, և այն ալ ոչ առաւելագոյն փառքի հրապուրանօք փրնտրուած, զի ընդհանուր ըմբռնմամբ ուսուցչութիւնը առաջնորդութենէ բարձր չէ:

Հարց  
- 1918 թ  
Երևան  
Խոսք  
- 1918 թ  
Խոսք  
- 1918 թ

ԽԵ

Դասնակոս, 1918 յունուար 14/27 Կիր.

Փէորզ Կաթողիկոս իւր հիմնած և փայփայած և օժտած վարժարանական հաստատութեան Հոգևոր Ճեմարանի անուն և աստիճան էր տուած, բայց իւր օրով ո՛չ ճեմարանական բարձրութեան էր հասած և ո՛չ հոգևորականութեան էր ծառայած: Իսկ իրմէ ետքը Աթոռին եռամեայ պարապութեան ատեն աւելի բուն մը չէր գործուած: Մակար կաթողիկոսի առաջին հոգերէն մին եղաւ յիշուած կրկին նպատակները իրագործել, և այս գիտմամբ էջմիածին հաւաքեց ուսահայ լաւագոյն ուսուցիչները, ինչպէս են՝ Արչակ Նահապետեան, Սեդրաք Մանտինեան, Փիլիպպոս Վարդանեան, Ստեփան Պալասանեան, Մկրտիչ Պալեան, Սարգիս Գաբրիէլեան, որոնք եթէ կրնային արտաքին ուսմանց բարձրանալուն օժանդակել, բայց հոգևորական ուսմանց ճիւղը միշտ տկար կը մնար: Ուստի նոյն իսկ ուսուցիչներ խմբովին կաթողիկոսին կը դիմեն և համալսարանական կրօնուսոյցի մը պէտքը կը զգացնեն, Հոգևոր Ճեմարանի ուսուցչական մարմինը լրացընելու համար: Կաթողիկոսը իրենց կը թողու ընտրելին ցուցնել, որ ինքն ալ կոչելու հոգ տանի. սակայն մօտերէն տրամադրելի մէկը չեն գտներ: Նահապետեան իմ անունս կուտայ, Սանասարեանի հետ Կարին եկած ատեն ծանօթացած ըլլալով. ընդ-

հանուր համաձայնութիւն կը գոյանայ և կաթողիկոսին կ'առաջարկեն : Երբոր Մակար կը պատրաստուէր առաջարկը գործադրել, Վեհապետեան պատրիարքին նամակը կը ստանայ, որ եպիսկոպոսոցուներու անուկները կը հաղորդէր, որոնց մէկն ալ ես էի, և պատշաճ կը դատուի իմ գալուստ սպասել, և այն ատեն գործադրութեան անցնիլ : Էջմիածին հասնելու շեմարանի ուսուցիչներուն յաճախ այցելութիւնները դիտեցի, բայց ո՛չ ականարկ մը լսեցի, և ո՛չ բան մը կռահեցի, մինչև որ ձեռնադրութիւնը լրացաւ և ուխտերու այցելութենէն դարձայ : Այն ատեն միայն Արշակ Նահապետեան, որ միանգամայն շեմարանի տեսուչ էր, և Պետրոս Սիմէոնեան որ Էջմիածնի ամսագիրին խմբագրապետն էր, եկան յայտնել թէ կաթողիկոսը առաջարկ մը պիտի ընէ, բայց նախապէս կ'ուզեն իմ արամադրութիւնը իմանալ, թէ կը յօժարի՞մ արդեօք առաջնորդութենէ հրաժարիլ և ուսուցիչ մնալ : Իմ պատասխանս եղաւ թէ ուսուցչութիւնը սիրով առաջնորդութեան կը նախադասեմ, բայց օր առաջ կարնոյ թեմակալութեան ուխտը ընելէ և կարնեցւոյ ծախքով եպիսկոպոս ձեռնադրուելէ ետքը իմ նախաձեռնութեամբ հրաժարիլ չեմ կրնար, մանաւանդ որ հրաժարականը պէտք է որ Գաւառական Ժողովէն ալ ընդունուի և Կ. Պոլսոյ Կեդր. Վարչութենէն վաւերացուի : Տարբեր կ'ըլլայ խնդիրը եթէ կաթողիկոսը բացարձակ հրամանով և բարձրագոյն իշխանութեամբ հրաման մը արձակէ : Մեր բանակցութիւնք կրկնուեցան, կաթողիկոսէն ալ դնահատուեցան, թէպէտ առաջնորդներ պատրաստելը թեմ մը կառավարելէ գերագոյն կը դասէր, և զիս պահելու հաստատ որոշումը տուած էր, Արող Հայաստանեայց ձեռագիրս ալ կարդալով, զոր իբրև վրական նուէր իրեն ներկայեր էի : Վրայ հասաւ Վանայ քննչութեան պաշտօնն ալ, և որոշուեցաւ որ ես առայժմ Վան մեկնիմ և կաթողիկոսը Կ. Պոլսոյ պատրիարքին հետ բանակցի . իսկ ես խոստացայ այդ պարագաները կարգադրուելէն ետքը յօժարակամ առաջնորդութենէ հրաժարիլ և ուսուցչութեան գալ, և այս պայմանով 1886 յունիս 19/31ին Էջմիածինէ մեկնեցայ, և անոր կ'ականարկէին Մեծամօրի մօտ եպիսկոպոսներու կրկնած ցտեսութեան հրաժեշտի ողջոյնները :

Վանայ քննչութիւնը կատարած միջոցիս Մակար կաթողիկոս Կ. Պոլսոյ պատրիարքին հետ կը բանակցի, և 1887 յունիս

10|22 Թուակասնով կոնդակ մը կ'ուզղէ, հրամայելով իսկոյն, առանց յապաղման և առանց վարանման առաջնորդութենէ հրաժարիլ և Էջմիածին երթալ աստուածաբանական ճիւղին ուսուցչութիւնը ստանձնելու: Կոնդակը ստացայ և կարդացի յունիս 24|6 յուլիսին Թորդումի և Սպերի այցելութենէ դառնալուս, և իսկոյն հրամայեալ հրաժարագիրը պատրաստեցի, և յունիս 28|10 յուլիսին Գուլառական Ժողովին ներկայեցի, որ պահ մը կ'ուզէր կաթողիկոսին դիմել և հրամանը ետ առնել տալ, բայց անյարմարութիւնն ու անհնարութիւնը բացատրելուս վրայ, փղծկեալ սիրտով որոշեց հաւանիլ, և ես իսկ յուզուելով ժողովասրահը թողուլ ստիպուեցայ: Ուղեորութեան պատրաստութիւններն ու վիճակային գործոց առժամեայ կարգադրութիւնն ալ լրացնելով կարինէ մեկնեցայ յուլիս 6|18ին: Մտադրած ըլլալով նախապէս Կ. Պոլիս հանգիւսիլ, թէ՛ հրաժեշտի ողջոյն մը տալու Կեդրոնին և մերայնոց, և թէ՛ իրաց կացութիւնը մօտէն իմանալով ըստ այնմ վարուելու համար Էջմիածինի մէջ: Յուլիս 22|3 օգոստոսին Կ. Պոլիս հասայ և օգոստոս 19|31ին մեկնեցայ, ամիսի մը չտի հոն մնալէ և կարևորը լրացնելէ ետքը: Օգոստոս 23|4 սեպտեմբերին Պաթում հասայ, և Տիգրիսի ճանպով սեպտեմբեր 3|15ին Էջմիածին մտայ ուր Մոմատուն կոչուած բաժնին մէջ ինծի բնակավայր որոշուեցաւ:

Աստուածաբանական ուսմանց ընթացքը ծանօթ չէր ուսուցչակից ընկերներուս, և առաջին ուսուցչական ժողովին մէջ ինծի յանձնեցին զայն կազմել և ներկայել ընդհանուր ժամանակացոյցին յարմարեցնելու համար: Շաբաթական 24 ժամ դասախօսութիւն յանձնուեցաւ, երեք լսարաններու վրայ համեմատաբար բաշխելի, իրր զի երրորդ լսարանը միայն մէկ տարի ունէր շրջանաւարտ ելլալու և պէտք էր անոր աւելի ժամեր նուիրել, քան յաջորդներուն, որոնք երկու և երեք տարիներ ունէին, եւ համեմատաբար նուազ ժամեր կրնային ունենալ. ուստի կազմուելիք ծրագիրը միայն առաջիկայ տարւոյն պիտի ծառայէր: Հարկ եղաւ բնական աստուածաբանութիւնը սկսիլ հոգեբանութիւնն ալ իստանելով, շատագուլական ճիւղը լրացնել, և տեսական ու բարոյական աստուածաբանութեանց անցնիլ. շաբաթական դաս մըն ալ Աւետարաններու ներածութեան յատկացուեցաւ երեք լսարանները համախմբելով, որոց շաբաթ երեկոյնելը



բարոյախօսութիւնն ալ կը կատարէի եկեղեցական և աշակերտական կեանքէ նիւթերով: Ուսանողներու թիւը 27 էր որոնցմէ 15ը առաջին լսարանին ու մնացեալները երկրորդին ու երրորդին մէջ: Դասախօսութեան գիրք կամ ձեռնարկ չկար, և սէտք էր զայն նորէն պատրաստել, որուն համար գրաբար լեզուն յարմարագոյն տեսնուեցաւ, թոյլ տալով որ ես արեւմտեան և ուսանողները արեւելեան աշխարհաբար գործածենք դասերը աւանդելու և դարձնելու համար: Գործէն հասկցողներ դիւրաւ կ'լմանան թէ շաբաթական 24 ժամ դասաւանդութիւնք և միանգամայն ձեռնարկ տեսրերու պատրաստութիւնն բուսական ծանր աշխատանք կը պահանջէր: Ուսուցչական ձևին համար բնական էր որ գործածէի Հռոմի համալսարանին հեղինակական և տրամաբանական ոճը, որով ես ալ ուսած էի, որ եթէ հնաւանդ ալ կ'ըսուի, սակայն մտաւորական և տրամաբանական զարգացումը կը դիւրացնէ: Իրօք ալ զգալապէս օգտակար եղաւ ուսանողներուն մտայնութիւնը կազմելու, և ուսուցչակիցներու հաւանութեան արժանացուլ, և կաթողիկոսէն ալ գնահատուեցաւ, մասնաւոր ունկնդրութեանց և եռամսեայ ու տարեկան քննութեանց առթիւ: Առաջին դասախօսութիւնը կատարեցի 1887 սեպտեմբեր 21|3 հոկտեմբերին, և ամառվերջի քննութիւնները սկսան 1888 ապրիլ 30|12 մայիսին:

Ներքին կեանքս առջի բերան կատարեալ վանականութեան յարմարցնել ուղեցի, հասարակաց սեղանի ալ իջնելով, բայց երբ լսեցի որ իմ իջնելս կաթողիկոսին իբր փաստ կը ծառայէ միւսեպիսկոպոսներն ալ ստիպելու, հարկ սեպեցի ես քաշուիլ որպէսզի խօսքի առիթ տուած չըլլամ: Այն ատեն Արշակ Նահապետեանի և Պետրոս Սիմէոնեանի հետ, որ միւսնոյն Մոմատունի բաժինին մէջ կը բնակէին, ընկերովի սեղանակցութիւնք կազմակերպեցինք, և գիշերները մտերիմ եպիսկոպոսներ կը յաճախէին մեզի հետ ատեն անցունելու, զի Նահապետեան աշակերտները ննջելու չհանած ընթրելու չէր գար, որով ես ալ ատեն կ'ունենայի գիշերուան առաջին ժամերուն հանդարտօրէն աշխատելու: Եկեղեցական պաշտամանց ալ ներկայ կը գտնուէի, ցորչափ ուսումնական աշխատութեանց և դասախօսութեանց արգելք չէին ըլլար: Մեծ Պահոց մէջ սաղմոս քաղելու սովորութիւն կար, և կարգը եպիսկոպոսներէն կը սկսէր. իմ կարգիս օրը ճա-

չու սաղմոսին ալ ուզեցի իջնել, դասախօսութիւնը զանց ընելով, երբ տեսայ որ ձերունի Յարութիւն եպիսկոպոսը փիլոնը առած կուգար, որ ինծի մօտենալով իմ տեղս գալը յայտնեց, և ձեմարանը ցուցնելով յարեց. «Բու սաղմոսդ այնտեղ է, հոն գնա քաղէ՛, այստեղ մենք ալ կրնանք քաղել»։ Ուսումնական չեղող եպիսկոպոսին այս ուսումնասէր զգացումը այնպիսի քաղցր տրպաւորութիւն մը թողած է վրաս, որ այստեղ ալ չուզեցի անյիշատակ անցուցնել։ Բոլոր եպիսկոպոսաց և վարդապետաց հետ սիրալիր յարաբերութիւններ պահեցի և ազնուասիրտ փոխարինութիւն տեսայ, հարկու ոմանց հետ աւելի մտերմական և ներքին կերպով, ինչպէս էին Խուզավէրդեան, Սանասարեան, Դաւթեան և Տէր-Գասպարեան եպիսկոպոսները։ Ուսուցչական խումբին հետ ո՛չ լոկ պաշտօնակիցի՝ այլև սրտակիցի կապեր կազմեցի, և ինծի ներուեցաւ գիշերներն ալ դուռերուն գոցուելէն ետքը անոնց այցելել, զի իբրև եպիսկոպոս և իբրև ուսուցիչ երկկողմանի յարաբերութիւններ պահել անհրաժեշտ էր։ Անձնական զրուարձութեան համար ալ իմ սեփական ձին կարինէ բերել տուած էի, և հեծեալ պտոյտներ կը կատարէի Ներսիսեան անտառին և շրջակայ դաշտերուն մէջ։ Սուղջական վիճակս ալ միշտ գոհացուցիչ մնաց ու հիւանդութիւն չկրեցի. հեռաւոր պտոյտներ ալ կատարել մտադիր էի, եթէ ամառուան սկիզբը ետ դառնալ պարտաւորուած չըլլայի։

Իսկ կաթողիկոսին դէպ առ իս վերաբերումը ամէն կենթադրութենէ վեր եղաւ, ոչ միայն ուսումնական, այլև անձնական և յարաբերական տեսակէտէն բարձր գնահատում ցուցնելով, և կարևոր գործերու մասին կարծիքներ հարցնելով, և միջնորդութիւններս յարգելով։ Հասնելուս քիչ ետքը նոյեմբեր 10/22ին իւր օժման տարեդարձը պիտի տօնուէր, երբ միւս կողմէն հայերը գինուորապրելու գործողութիւնը կը սկսէր, և ժողովուրդին մէջ տխրութիւն ու վիշտ կը տիրէր, որուն համար կաթողիկոսը տօնական հանդէսներ արգիլած էր։ Սինոդականներ շփոթած հրամանին անպատեհութիւնը կը զգային, բայց կաթողիկոսին զգացնել տալու համարձակութիւնը չունէին։ Խմբովին ինծի կը դիմեն այդ պաշտօնը կատարել, և պնդելնուն վրայ կը պարտաւորուիմ համակերպիլ, և պատշաճ կերպերով անպատեհութիւնը բացատրել։ Կաթողիկոսը շնորհակալութիւն կը յայտնէ

որ իր միտքը կը լուսաւորեմ. հրամանը կը փոխէ, հանդէսները տեղի կ'ունենան, բայց այս պարագան պատճառ կ'ըլլայ որ ուրիշ անգամներ ալ այդպիսի միջնորդութեանց պարտաւորուիմ: Ես ալ փոխադարձաբար Մակարի անձին հանդէպ խորին յարգանք և անկեղծ պատկառանք զգացած էի. նա իրաւ զուրկ օտար լեզուայ և օտարազգի գիտութեանց հմտութենէն, բայց Հայ Եկեղեցւոյ և Հայ Ազգի պատկանող ծանօթութիւնները լիապէս ունէր, այնպէս որ իբր հեղինակութիւն կ'ընդունէի անոր հմտութիւնը եկեղեցական և հայագիտութեան ամէն ճիւղերու մասին, և ստէպ կը դիմէի Հայ Եկեղեցւոյ տեսութեանց մասին ապահով տեղեկութիւն քաղելու համար: Անձամբ ալ վեհ էր և միանգամայն մարդասէր, ուշիմ և հետաքրքիր, և խնամով կը հարցունէր և հաճութեամբ կը լսէր օտար եկեղեցիներու վերաբերող տեղեկութիւնները:

Պարագայ մը ևս առիթ եղաւ կաթողիկոսին դէպ առ իս բարեսրտութիւնը աւելցնելու: Իւր բաղձանքներէն մին ալ ճեմարանաւարտ եկեղեցականներ ունենալն էր, բայց Գէորգին ժամանակ ո՛չ մէկ ճեմարանցի եկեղեցականութեան մտած չէր եւ այդ մասին Մակարէ յանձնարարութիւն ստացողներն ալ դեռ յաջողած չէին: Վերջին անգամ ինձի յանձնեց իւր փափաքին կատարումը, և ես դասախօսութեանց և բարոյախօսութեանց մէջ հեռաւոր թելադրութիւններէ ետքը, երրորդ լսարանցւոց հետ ուղղակի յորդորականներու անցայ, և յօժարութիւնն ին արթնցուցի, և նոյնիսկ տեսուչ Նահապետեան իւր հեռաւոր փափաքին ժամանակը հասած զգաց, և գործադրել որոշեց, որով կըրձցայ 1888 յունիս 15/27ին Նահապետեանը չորս ճեմարանականներով կաթողիկոսին ներկայացնել իբրև եկեղեցականութեան յանձնառուներ և հայրապետական օրհնութիւնը խնդրել: Չորս յանձնառուներն էին Կարապետ Տէր-Մկրտչեան, Սէթ Յարութիւնեան, Աստուածատուր Տալլաքեան և Յովհաննէս Մուսաբէկեան: Վեց աւարտողներէն Արշակ Տէր-Միքայէլեան մտադիր ըլլալով եւրոպական համալսարան երթալ՝ իւր վերջնական որոշումը յետաձգեց, իսկ Յովհաննէս Գալէմքեարեան տաճկահայ և տկար ըլլալուն ետև թողուեցաւ: Նահապետեան շուտով ձեռնադրուեցաւ և եպիսկոպոսացաւ և երկար չապրեցաւ, Տէր-Մկրտչեան ալսօր եպիսկոպոս է, Տալլաքեան վաղամեռիկ եղաւ, իսկ Յա-

բութիւնեան և Մուսորէկեան իմ հեռանալուս վրայ միտքերն ին  
փոխեցին: Սակայն ճեմարանականներէն կուսակրօն և ամուս-  
նացեալ եկեղեցականութեան յանձնառուներ հետզհետէ աւելցան  
և Հողեոր ճեմարանը իւր նպատակը արգիւնաւորել սկսաւ:

Սակայն կաթողիկոսին ցուցած մեծ գնահատումը և ան-  
կաշկանդ յայտարարութիւնը տարբեր հետեանք ունեցան: Մա-  
կար որչափ և կառավարութեան հետ հաշտ ապրելու հակամէտ,  
նոյնչափ ալ եկեղեցական կանոնաց պահպանութեան և պաշտ-  
պանութեան համար հաստատամիտ և ամուր էր, ուստի սկսաւ  
համարձակ դիմադրել կառավարութեան զանազան քմահաճ պա-  
հանջներուն, որով Մակար ալ տէրութեան ընդդիմադիր կար-  
ծուիլ սկսաւ: Պրօկուրոր Նիկողայոս Տէր-Յովսէփեան, լուսարարու-  
պետ Երեմիա Գալստեան եպիսկոպոսի օժանդակութեամբ, զիս  
իբրև Մակարի զգացմանց փոփոխութեան պատճառ կը ցուցնեն, և  
հեռացնելու պէտքը կը մատնանշեն: Առաջին քայլը առնուեցաւ ինչ  
հպատակութեան փոփոխութիւն պահանջելով, որ կարենան իմ  
մասին ազատ տրամադրութիւններ ընել, որուն ես յանձնառու  
չեղայ: Յետոյ սկսաւ կաթողիկոսէն պահանջուիլ որ զիս արձա-  
կէ, և ասոր ալ Մակար յանձնառու չեղաւ, և պատճառաբանեալ  
պատասխան տուաւ: Վերջապէս յատուկ պաշտօնեայ մը յղուե-  
ցաւ Բեթրպուրկէ կաթողիկոսը ստիպելու, և այս նպատակով  
յունիս 27|9 յուլիսին էջմիածին եկաւ Արտաքին Գործոց Նախա-  
րար Պարոն Կիրսի եղբայրը, որ մէկ քանի օրուան մէջ կաթողի-  
կոսը խոնարհեցնել յաջողեցաւ խիստ միջոցներու սպառնալիքով:  
Յուլիս 2|14ին կաթողիկոսէն հրաւիրուեցայ լսելու թէ իւր ա-  
մէն միջոցները սպառած են, եւ եղէգի քաղաքականութեան գը-  
լուխ ծռելու պարտաւորուած է, մայրի ծառին քաղաքականու-  
թեան արմատախիլ ըլլալու վտանգէն ազատելու համար: Հեռա-  
ցումիս պատուաւոր ձև մը տալու համար իմ կողմանէ հրաժա-  
րիլ առաջարկուեցաւ, զոր յանձն չառի՝ մուրացածոյ պատճառ-  
ներու դիմող և գործին կարևորութիւնը չզգացող չերենալու  
համար, մինչև որ կաթողիկոսը իմ աշակերտներուն ինծի յաջոր-  
դելու կարող ըլլալը պատճառելով, յատուկ կանգակով զիս ու-  
սուցչութենէ կ'արձակէր: Յուլիս 17|29ին կաթողիկոսին հրա-  
ժեշտի ներկայացայ Բիւրականի ամառանոցը Մինաս Չերազ գը-  
րագէտին հետ, որ նոյն օրեր Մայր Աթոռոյ ուխտի էր եկած, և

19|31ին յուզուած և գրեթէ արտասուագին էջմիածինէ մեկնեցայ Ապարանի ճանպող և յուլիս 23|4 օգոստոսին Չերազի հետ այցելեցինք և զիշերեցինք Անիի աւերակները, և Ալեքսանդրոպոլ, Ախլցխա ու Ախալքէլէք հանդիպելով և օթեանելով, Միխայէլովսքայէ իջանք Պաթում, և անտի նաւելով օգոստոս 11|23ին հասանք Կ. Պոլիս:

Այսպէս վերջացաւ էջմիածնի ուսուցչութեանս շրջանը, որ թէպէտ դպրոցական տարիէ մը աւելի չտւեց, 1887 սեպտեմբերէն մինչև 1888 յուլիս, սակայն հիմնական փոփոխութիւն յառաջ բերաւ Ճեմարանի ընթացքին վրայ, և եկեղեցականութեան ծառայող Հոգևոր Ճեմարանի կերպարանը իրապէս տուաւ՝ իրաւապէս այդ նպատակին սահմանուած Գէորգեան հաստատութեան: Միւս կողմէն դիս մօտէն և լիապէս տեղեակ ըրաւ Մայր Աթոռոյ ներքինին և ընթացքին, որ ապագայ պաշտօններու մէջ մեծապէս օգտակար եղաւ եղելութիւնները կշռադատելու և յարաբերութիւնները գնահատելու, և ընթացքիս ուղեցոյց ըլլալու: Իբր անձնական զգացում կրնամ հաւաստել թէ կեանքիս երջանկագոյն օրերն եղան՝ վարչականէ ազատ գրականի նուիրեալ պատուաւոր և հանգիստ կերպով էջմիածին անցուցածներս:

## ԽԶ

Դաւնակոս, 1918 յունուար 15|28 ԲՂ.

Ցաւով բաժանուեր էի էջմիածինէ, ոչ միայն անհատական կեանքիս, այլև հայ եկեղեցականութեան զարգացման համար աշխատութենէ զրկուելու տեսակէտէն. փափաք ունէի, և կաթողիկոսին հաւանութիւնն ալ ստացած էի, Ճեմարանի աշակերտութեան կէսը Տաճկահայերէն առնել, և ազգին երկու մեծ բաժիններուն մէջ աշխատող եկեղեցականներու միջև եղբայրակցութիւնը քաջալերել և համերաշխութիւնը արծարծել: Այդ զգացումը սևեռեալ գաղափար մը եղած էր միտքիս մէջ. ուստի Կ. Պոլիս մտած օրէս ամէն տեղ և ամենուն հետ այդ նիւթը կը

բացատրէի, յարելով որ եթէ հնար չեղաւ միակ հաստատութեամբ այդ միտքը իրագործել, գոնէ համանորինակ հաստատութիւն մըն ալ Տաճկահայոց համար կազմուի: Արդէն եկեղեցական վարժարանի մը գաղափարը շատ հին էր տաճկահայ վարչութեան և ժողովուրդին մէջ, և իմ բացատրութիւններս իբրև ընկալեալ գաղափար սկսան տարածուիլ:

Դիպուածաւորն պարագայ մը աւելի ոյժ տուաւ այդ գաղափարին: Յարութիւն Վեհապետեան պատրիարքին հրատարելուն օրերն էին, և նոր պատրիարքի ընտրութեան գործողութիւնները կը սկսէին, իսկ Կրօնական ժողովը իմ անունը եպիսկոպոսոց պանկին մէջ չէր անցուցած արտասահման գանուելու պատճառանքով, թէպէտ ևս արտասահմանէ ելած Կ. Պոլիս դառնալու վրայ էի: Առաջին քուէարկութեան մէջ Բարթողիմէոս Չամիչեան և Սորէն Նարպէյ համեմատականի մնացին, և Նարպէյէ խլուած հրատարականին վրայ երկրորդ քուէարկութեան մէջ Սորէն Աշրգեան ընտրուեցաւ 1888 սեպտեմբեր 29/11 հոկտեմբերին, որ եկաւ և պաշտօնը ստանձնեց: Եկեղեցական բարեկարգութեան ոգևով տողորեալ մի անձ, իբր եկեղեցականաց գաւառական պաշտօններէ խուսափելուն դարման եպիսկոպոսական ժողով գումարելով՝ առաջարկեց վիճակային ընտրութիւնը խափանել և առաջնորդները Կեդրոնէ անուանել և անոնց պետական սոճիկ կապել տալ: Ժողովին մէջ ևս ընդդիմախօս կանգնեցայ, ազգային իրաւունք մը խափանել և առաջնորդները կառավարական պաշտօնեաներ դարձնելու անպատեհութիւնը բացատրելով, ինչ որ Աշրգեանի հաճելի չեղաւ, և ետևէս խօսածներն ալ ականջս հասան. ուստի բացատրութեան համար առանձին տեսակցութեան դարձայ, և երկարօրէն բացատրեցի, թէ եկեղեցականներ յատուկ դաստիարակութեամբ պատրաստելու և ոգևորելու պէտք է աշխատիլ, որ եկեղեցական բարձրագոյն վարժարանի մը հաստատութեամբ միայն կրնայ ձեռք բերուիլ, և ո՛չ ազգային կանոնները խախտելով կամ կառավարութեան դրամով: Աշրգեան, որ Արմաշի վանքին և վարժարանին աշխատաւորներէն էր, շուտով համակերպեցաւ. միջոցներու վրայ սկսանք խօսիլ, և յարմարագոյն տեսնուեցաւ որ, ինչպէս Դալաթիոյ ուխտատեղւոյն հասոյթով Կեդրոնական Վարժարանը կազմուեցաւ, Քարակէօմրիւկի ուխտատեղւոյն հասոյթով ալ եկեղեցական վար-

ժարան մը բացուի: Այսպէս կողմուեցաւ Գարակէօմրիւկի մտաւարարութեան և եկեղեցական վարժարանի պատրաստութեան Յանձնաժողովը, 1888 նոյեմբեր 30 | 12 դեկտեմբերին, Աշըգեանի պաշտօնավարութեան սկսելէն հողիւ ամիս մը ետքը: Յանձնաժողովին նախագահութիւնը և Գարակէօմրիւկի քարոզչութիւնը ինծի յանձնուեցաւ, իսկ անդամներն առնուեցան նշանաւոր ազգայիններէն, ինչպէս են՝ Աբիկ Ունձեան, Տիգրան Եռսուֆեան, Յովհաննէս Էսայեան, Պատրիկ Կիւլպէնկեան, Գարրիէլ Գարրիէլեան: Փափաքս իրականանալու ճանպուհ մտած էր: Իսկ իբրև աւժամեայ պաշտօն հոկտեմբեր 21 | 2 նոյեմբերին յանձնառու եղած էի Կեդրոնական վարժարանի կրօնական դասերը աւանդել:

Յանձնաժողովին առաջին գործը եղաւ Գարակէօմրիւկի հասոյթը տարհովել, զեղծումները վերջացնել, և եկեղեցին բարեկարգել, որուն գործադրութիւնը ուղղակի իմ վրաս մնաց, զի Յանձնաժողովին անդամներուն դիւրին չէր հեռաւոր Գարակէօմրիւկի թաղը երթալ և գործերուն անձամբ հսկել: Երկրորդ գործն էր եկեղեցական վարժարանին տեղը որոշել, զի Գարակէօմրիւկի թաղը յարմար չտեսնուեցաւ, և հետզհետէ քննութեան ենթարկուեցան Սասքէօյի մէջ Շահնազարեան վարժարանի լքեալ շէնքը, Զէյթինպուրնուի Ս. Յակոբայ հիւանդանոցը, Իւսկիւտարի մէջ հրկիզեալ Ճեմարանին տեղը, Գընալը կզզիին մէջ եկեղեցապատկան գետինը, բայց ամէնն ալ գոհացուցիչ չտեսնուեցան, թէ՛ դիրքերուն կողմէն, և թէ՛ մեծածախս պատրաստութեանց և շինութեանց կարօտ ըլլալնուն համար: Քննութիւնները կատարողն ալ ես էի, մանրամասնեալ տեղեկութիւններ հաղորդելով Յանձնաժողովին: Պատրիարքի առաջարկութեամբ Արմաշի վանքն ալ նկատի առնուեցաւ, և անոր քննութեան գացի 1889 փետրուար 13 | 25ին, և 18 | 2 մարտին դարձայ. բերած տեղեկութիւններս համոզիչ գտնուեցան այնտեղ հաստատելու եկեղեցական վարժարանը: Եկեղեցին ու եկեղեցական դիրքը և ուխտատեղին կը նպաստէին եկեղեցական հոգւոյն, մայրաքաղաքէ հեռու ըլլալը կ'ազատէր միտքի ցրուումներէ, թէպէտ շէնքը մասամբ հրկիզուած, բայց տակաւին բուականաչափ տրամադրելի մասեր ունէր, և տեղւոյն ուխտաւորական և կալուածական հասոյթները մատակարարութեան կը նպաստէին. կը մնար միայն ինչ ինչ նորոգութիւններ և փոփոխութիւններ լրացնել, և ըստ պատշաճին կահաւորել:

Այս զբաղումները կը գրաւէին Կ. Պոլիս անցուցած օրերս: Քարոզչութիւնս առաւելապէս ուխտի հինգշաբթի օրերը կը վաւրէի, զի Փիլիպպոս Նաճարեան եպիսկոպոս այնտեղ կը մնար տակաւին, ուստի Ծնունդը Եէնիքէօյի Ս. Աստուածածին եկեղեցին անցուցի, իսկ Մեծ Պահքի մէջ մարտ 25|6 ապրիլին Քատըքէօյի Ս. Թագաւոր եկեղեցւոյն առժամեայ քարոզչութիւնն ալ ստանձնեցի, քարոզիչ Եղիշէ Այվազեան վարդապետին Եւզոկիոյ առաջնորդութեան երթալուն առթիւ: Բայց միշտ եկեղեցական վարժարանի փափաքով տոգորուած, Աւագ Շաբթուան օրերը ընդարձակ յօդուածներ հրատարակեցի Արեւելք լրագիրի մէջ, անոր պէտքն ու պայմանները ցուցնելու համար: Մինչև իսկ Զմիւռնիոյ առաջնորդութեան ընտրելիութենէ հրամարեցայ եկեղեցական վարժարանի գործին հետեւելու համար, հակառակ Զմիւռնիոյ վիճակայիններու թախանձանքին: Վերջապէս յունիս 7|19ին հիմնուելիք վարժարանին տեսուչ նշանակուեցայ, պատրաստութեանց և շինութեանց հսկելու, կանոնադիր և ծրագիր կազմելու, և ընդունելի աշակերտաց պայմանները որոշելու և քննելու պաշտօնով: Թէպէտ նոյն օրեր Նիկոմիդիոյ վիճակին Ատաբազար քաղաքին մէջ յուզուած խնդիրը հանդարտելու և հռոմէադաւանութեան դիմումը արգիլելու համար յուլիս 13|25ին հոն երթալու ստիպուեցայ, սակայն անկէ ալ Արմաշ այցելելով հրակողութիւնը շարունակեցի, մինչև որ օգոստոս 23|4 սեպտեմբերին գործը վերջացնելով Կ. Պոլիս դարձայ քառասնօրեայ բացակայութենէ ետքը: Ատաբազարի խնդիրը կեդրոնական վարժարանի մը հիմնարկութեան շուրջը կը դառնար, որուն մասին առաջնորդ Ստեփանոս Յովակիմեան եպիսկոպոսի և տեսուչ Նազարէթեան Սահակ վարդապետի միջեւ անհամաձայնութիւն էր ծաղած, և ժողովուրդը Նազարէթեանի կողմը անցած էր, Յովակիմեան քաղաքէն հեռացած էր, և հռոմէադաւանութիւնը իբրև իրեն դէմ զէնք կը գործածուէր, զի Նազարէթեան ալ Վենետիոյ Միսիթարեաններէն վերադարձող մըն էր: Այս պաշտօնը երկրորդ անգամ էր որ Վանայ քննչութենէն ետքը ինծի կը յանձնուէր հռոմէադաւանութիւնը արգիլելու համար, զոր, իբր վստահութեան նշանակ, պատուաբեր ցոյց մը կը նկատեմ իմ անկեղծ զգայմանցս հանդէպ:

Օգոստոս 23|4 սեպտեմբերին Կ. Պոլիս դառնալուս այլևս



Արմաշ երթալու և հաստատուելու ժամանակը հասած էր, զի ուրոշուած էր առաջիկայ դպրոցական տարեմուտով վարժարանը բանալ, և Սաչվերացին տեղւոյն վրայ գտնուիլ, որ է Արմաշի ուխտաւորութեան մեծ օրը, որչափ ալ ուխտը յանուն Չարխափան Ս. Աստուածածնի հաստատուած և բուն յիշատակը Ս. Աստուածածնի Ծննդեան օրուան հետ կապուած է: Անձնական պատրաստութիւններն ալ հասլճեալ լրացնելով, սեպտեմբեր 9|21ին Արմաշ հասայ Եկեղեցական Վարժարանի տեսչութեան պաշտօնով, որուն յարակցեցաւ Արմաշի փոխ-վանահայրութեան պաշտօնն ալ, բաժանեալ իշխանութիւններ չստեղծելու համար: Որչափ ալ վանահայրական պաշտօնը կատարելու իրաւասութեամբ յանձնուեցաւ, բայց Փոխ-վանահայրութիւնն անունը արուեցաւ, որպէսզի գերագոյն վանահայրութիւնը Կ. Պոլսոյ Պատրիարքին վերապահուի, և Եկեղեցական Վարժարան Պատրիարքեան Կ. Պոլսոյ կոչումը արդարանայ: Եկեղեցական հանդէսները տեւեցին մինչև սեպտեմբեր 17|29 Սաչվերացի օրը, շաբթուն մէջ առաջին ընտրուած աշակերտներն ալ հասան, և սեպտեմբեր 18|30 երկուշաբթի օրը, ուխտաւորները չցրուած, Եկեղեցական Վարժարանի բացման հանդէսը կատարուեցաւ. իսկ կանոնաւոր դասախօսութիւններ Վարազայ Սաչի երկուշաբթիէն սկսան, 1889 հոկտեմբեր 2|14ին:

## ԽԷ

Դանասկոս, 1918 յունուար 17|30 ԴՂ.

Դպրեվանքի հիմնարկութեան պարագաները քաղեցինք առանց անունը տալու, որովհետև սկզբնաւորութիւնը եկեղեցական վարժարանի անունի ներքև կատարուեցաւ, իսկ Դպրեվանքի անունը յետոյ ուրեմն նախադասուեցաւ դպրոցական և վանական կացութիւնները միացնելով, նման Շիրակայ դպրեվանքին, որուն անունն ալ ընդունիլ յարմար դատուեցաւ, և առաջարկութեանս վրայ 1890 յունուար 10|23ի գումարման մէջ հաստատ-

ուեցաւ Խնամակալութենէն, որուն փոխարկուած էր պատրաստական Յանձնաժողովը, երկու եկեղեցական անդամներու և տեսուչին անդամակցութեան յաւելմամբ: Առաջին եկեղեցական անդամակիցներն եղան Գարեգին եպիսկոպոս Սրուանձատեանց և Գարեգին վարդապետ Թաթարեան: Այս նոր կարգադրութիւն կատարուած էր 1889 յունիս 7/19ին, երբ ես ալ տեսչութեան կոչուեցայ, և Գարեվանքի կազմակերպող նշանակուեցայ. ուստի այս մասին ինչ ինչ տեղեկութիւններ տալ աւելորդ չեմ կարծեր:

Գարեվանքի վարչութեան կեդրոնը և վերին իշխանութիւնը կ. Պոլիս նստող Խնամակալութեան յանձնուած էր պատրիարքի նախագահութեամբ, իսկ ներքինը՝ տեսուչին, ինչ որ առիթ կ'ընծայէր ինծի յաճախ կ. Պոլիս իջնելու, մասնաւոր առաջին տարւոյն մէջ, որ պէտք եղած պայմաններ համերաշխութեամբ որոշուին, և ծագած խնդիրներ համաձայնութեամբ լուծուին: Գարեվանքին մէջ վանական ու Տնօրէն ժողովներ տեղի չունեցան, որպէսզի ընդհարումներ չծագին. արդէն միաբանական մարմին կազմելու շափ անձեր ալ չկային, նորեր չէին հասած, իսկ Արմաշի հին միաբաններէն երեք վարդապետներ և երկու նորընծայ արեղաներ միայն կային. Ներսէս Տէր-Բարթողիմէոսեան ելեմտից տեսուչ անուանուեցաւ, Մամբրէ Նալպանտեան և Յուսիկ Էսմէրեան դասատու նշանակուեցան, Եղնիկ Գալբազճեան կառավարիչ, և Արսէն Եղոյեան ժամօրհնող. սակայն քանիներ զանազան պատճառներով կամ պատճառանքներով հետզհետէ ցրուել սկսան: Երկուք ալ պարզ միաբաններ կային, Մինաս Շահպաղեան լուսարար, և Միհրան Փափաղեան բանկալապետ, իսկ սպասուորներ տեղացիներէն առնուեցան ըստ պիտոյից, և անցողակի միայն դուրսէն մատակարարներ նշանակուեցան:

Խնամակալութեան ատենապետը Տիգրան Եուսուֆեան էր, բայց ժողովական գործերը կառավարելու հոգ կը տանէր, իսկ Խնամակալութեան հոգին կամ բուն խնամակալը Արիկ Ունճեանն էր, որ հոգւով ու եռանդով, հսկողութեամբ ու օգնութեամբ ամէն գործառնութեանց վարիչն էր, պէտք եղած գումարները փոխատուութեան տնունով կուտար, նպաստողներ և ձեռնառուներ գտնելու կ'աշխատէր, իւր գրասենեակին մէջ յատուկ Արմաշի հաշուակալութիւն կը պահէր, և բոլոր կարգադրութեանց ու եղելութեանց համար իւր գիտակցութիւնը կը պահանջէր և իւր

մտադրութիւնը կը նուիրէր: Սովորական հասոյթներն էին Արմաշի վանքին և Գարակէօմրիւկի եկեղեցւոյն ուխտաւորական արդիւնքները, և Արմաշի հողային կալուածներէն, արտերէն, այգիէն; բանջարանոցէն, և ջրաղացէն քաղուածները, որոնք չէին կրնար բաւել, և նոյնիսկ առօրեայ կեանքին պակասածը Ունճեան կը լրացնէր: Հողային արդիւնքները ընդարձակուեցան նոր թթաստաններ տնկելով և շերամաբուծական ճիւղը բանալով, առաւելապէս շերամի հունտ պատրաստելով քան թէ խոզակ վաճառելով, և հունտերը մինչև Կովկաս յղելով: Ծախքերը գլխաւորապէս ուսումնականներն էին, թէ՛ դպրոցական գոյից և թէ՛ դպրոցականաց պիտոյից տեսակէտէն: Ինչ որ վերի ու գլխքի կը վերաբերէր առատապէս կը մատակարարուէր, ուտեստը կը պարունակէր նախաճաշ և ճաշ և ընթրիք, նախաճաշը բաւականաչափ և ձմեռները թէյ ալ. ճաշին և ընթրիքին երկերկու կերակուր մաքուր և սննդարար ըլլալու պայմանաւ, և պարագաներու համեմատ մրգեղէն կամ անուշեղէն ալ: Առտնին հագածնին տափատ և գօտեպինդ կարճ զգեստ էր, եկեղեցւոյն համար վերարկու, ձմեռուան համար վերազգեստ, թեթև կօշիկներ ներսը և ամուր կօշիկ դուրսը, իսկ գլուխնին կերպասէ գլխանոց: Հաւգուսար երկու ձեռք էր, մին մաքուր պահելու համար: Եկեղեցական սքեմի կիրառութիւնը սարկաւագներուն վերապահուեցաւ:

Ուսումնական ծրագիրը եօթը տարւոյ վրայ բաշխուեցաւ. առաջին եռամեայն երկրորդական ընդհանուր ընթացք, կրօնական ճիւղերու յատուկ մտադրութեամբ, ինչպէս են՝ Նոր կտակարանի ներածութիւն, տօնից և ծիսից բացատրութիւն, ընդարձակ քրիստոնէական, բոլորը այնպէս կազմուած, որ այս առաջին ընթացքը աւարտողներ կարենան վարժապետութիւնը կամ քահանայութիւնը արժանապէս վարել, և այս առաջին ընթացքը ազատ էր իւր նպատակին կողմէն: Երկրորդ եռամեայն անցնողներ կուսակրօն եկեղեցականութեան յանձնառուներն էին և սարկաւագ կը ձեռնադրուէին, և փիլիսոփայութեան և աստուածաբանութեան մասնագիտական ընթացք պիտի վարէին, կատարելագործելով առաջին եռամեայի հայկաբանական և լեզուագիտական ճիւղերը: Վեցերորդ տարին լրացնողը քահանայական ձեռնադրութիւն կ'ընդունէին, և տարի մը ևս կը շարունակէին առաջատ վարժութեամբ և աւարտական ձառի պատրաստութեամբ,

և վարդապետական գաւազանի օրհնութեամբ ընթացքին լրացնելով գործնական ասպարէզի կը մանային Կ. Պոլսոյ պատրիարքարանին տրամադրութեան ներքե: Աշակերտութեան կ'ընդունուէին 18է 21 տարեկաններ, որոնք նախակրթարանի շրջանը լըրացուցած ըլլան, յատուկ քննութենէ կ'անցուէին, եկեղեցականութեան փափաք պիտի ունենային, և բարի վարքով ու առողջ կազմով վկայուած պիտի ըլլային: Երկու դասարաններ միայն պիտի պահուէին, իւրաքանչիւր երեք տարին վերանորոգուելով, առաջինը 20-25 աշակերտներէ, և երկրորդը կուսակրօն եկեղեցականութեան մանուկներէ բաղկացած: Բացառաբար միայն երրորդ տարին երեք դասարան պահուեցաւ, իսկ կատարեալ ծըրագրական ընթացք վարողը միայն առաջին շրջանն եղաւ 1889է 1896, ուսկից ետքը շփոթ պարագաներ բացառութեանց դուռ բացին: Որչափ ալ սկիզբէն խիստ քննութիւն կը կատարուէր, դարձեալ առաջին տարւոյն վերջը նոր զննութեամբ յուսալից ապագայ շխտապետներ չէին պահուեր, և երկրորդ տարին անցընողներ դպրութեան աստիճան կ'ընդունէին: Ըստ այսմ Դպրեվանքը վարդապետներու հետ քահանայացուներ և վարժապետներ ալ կը պատրաստէր:

Ուսուցչական մարմինին կազմութեան համար առաջին օրէն որոշեր էի ինծի ընկերակից առնել Դուբեան Եղիշէ վարդապետը, որ Պարտիզակի վարժարանին ուսուցչութիւնն ու տեսչութիւնը կը վարէր, և միակ յարմարագոյն գործակիցը կրնար ըլլալ: Բայց որովհետեւ մէկ դասարան պիտի ունենայինք, և աշխատութիւնը նուազ էր, և նոր հիմնարկութեան յարատեութիւնն ալ կրնար կասկածի ենթարկուիլ, իրեն թողուցի տակաւին իւր տեղը մնալ, իսկ երկրորդ տարին Արմաշ անցնելու պատրաստ գտնուիլ, եթէ հակառակ պարագայ չծագէր: Այդ առաջին տարւոյն համար էր միայն Նալպառտեան եւ Էսմէրեան վարդապետներուն դասեր յանձնուիլը, թէպէտ մինչև ամառները չշարունակեցին, և երկրորդ տարիէն Դուբեան եղաւ ուսուցչական օգնականը, որուն հետ բաշխեցինք դասաւանդութիւնները, հայկաբանական ու գրագիտական ու պատմական ճիւղերը իրեն թողլով, և փիլիսոփայական ու աստուածաբանական ու եկեղեցապատմական ճիւղերը ես ստանձնելով: Արտաքին դասատուներ ունեցանք միշտ գիտութեանց ու տաճկերէնի ու գաղղիերէնի

համար, թէպէտ փոփոխութիւններով շարունակուած, և այսպէս պաշտօնավարեցինք երկրորդէն եօթներորդը, վեց լրացեալ տարեշրջաններ, որ է ըսել մինչև 1896 յուլիս: Իմ պաշտօնավարութիւնը Արմաշի Դպրեվանքին մէջ տեւեց եօթը ամբողջ տարիներ 1889էն սկսելով:

Դպրեվանքին կազմակերպութեան մասին ընդհանուր տեղեկութիւնները տրուելէն ետքը, աւելորդ և ձանձրացուցիչ կը դառնայ օրրստօրէ եղելութեանց մասին խօսիլ, ուստի միայն գլխաւոր և նշանաւոր դիպուածներու մասին համառօտ տեղեկութիւններ աւելցնել բուժական կը համարինք:

Առաջին յիշենք կատարուած նոր շինութիւնները: Պատահական հրդեհ մը, Արմաշ գիւղի մէջէն ծագած, ոչնչացուցած էր վանքին հարաւային թւը, որուն մէջ կը գտնուէին հին ուսումնարանը և ընդարձակ հիւրանոց մը, և որ տեղի ունեցած էր Աշրփեան վանահօր պատրիարք ընտրուելուն նախընթաց գիշերը: Այդ մասին մէջ հիմնուեցաւ և լրացաւ Երեքյարկանի քարաշէն հիւրանոց մը, և նոյնչափի մըն ալ հիմերը դրուեցան, բայց շինութիւնը չլրացաւ: Վանքին արեւմտեան թւը, որ փայտաշէն հիւրանոց մըն էր, փակուեցաւ, և տեղը քարուկիր ուսումնարան շինուեցաւ, 40 աշակերտի բուժական, կիւսիւքեան Գրիգոր բարերարին ծախքով: Եկեղեցին ներսով դուրսով նորոգուեցաւ եւ զանգակատուն աւելցաւ: Միարանական և Պոլսոյ կոչուած թաղերուն հիմերը նորոգուեցան: Շրջափակէն դուրս շերամատուն մը շինուեցաւ՝ ուխտաւորաց ալ հիւրանոց ըլլալու յարմարութեամբ. նոր աղբիւր մը շինուեցաւ Խաչիկ Խորասանճեանի ծախքով, փուռն ալ վերանորոգուեցաւ. ջրաղացը նոր ոճով կատարելագործուեցաւ մեքենագէտ Յովսէփ Գավաֆեանի ձեռքով ու ծախքով. այգիլին որթատունկերը փոխուեցան. ձորամէջի ագարակին մէջ նոր ընդարձակ թթաստաններ աւելցան: Հիւրանոցը աւարտեցաւ և օրհնուեցաւ 1891 սեպտեմբեր 11|23ին, իսկ ուսումնարանը 1892 սեպտեմբեր 27|9 հոկտեմբերին, և 10|22 հոկտեմբերին աշակերտները վեհարանի առժամեայ ուսումնարանէն նորակերտը փոխադրուեցան: Ջրաղացին բացումն ալ կատարուեցաւ 1893 նոյեմբեր 21|3 դեկտեմբերին: Այդ ամէն շինութիւնները բաւական են հաւաստել թէ Արմաշու վանքը Դպրեվանքի փոխուելով զգալապէս ընդարձակուեցաւ ու պայծառացաւ:

Ներքին օգտակարութիւնն ալ նոյնպէս կը զարգանար, երբոր միջադէպ մը միտքերը շփոթեց, թէպէտ վաղանցուկ եղաւ: Արմաշու հին միաբաններ, և յատկապէս Տէր-Բարթողիմէոսեան և Նալպանտեան, գոհունակ աչքով չէին տեսներ Արմաշի հասոյթներուն վայելքին իրենց ձեռքէն առնուիլը, և միշտ վերապահութեամբ և դժգոհութեամբ կը վարուէին, և Աշրգեանն ալ կը մեղադրէին որ ինքն պատրիարքութեամբ բախտաւորուած՝ իրեն հին ընկերները զրկած էր հանգիստ և անաշխատ վայելքէն: Երբոր այդ միտքերով կ'օրօրուէին հիները, Դուրեան ալ սկսաւ նեղ զգալ իրեն փոխ-տեսչութեան պարունակը, և աւելի ձեռներէցութիւն ունենալու ձգտիլ, և կերպով մը հին դժգոհները զօրացնել, և իմ դիրքը խախտելու միտիլ, թէպէտ ոչ միևնոյն նպատակով: Այս միտքը աշակերտաց մէջ ալ մուտ գտաւ և կերպով մը քաջալերուեցաւ և զօրացաւ բացակայութեանս ատեն, և իբրև ցոյց բարձր դասարանէն եօթը աշակերտներ 1892 յունիս 15|27ին անհրաման վանքէն մեկնեցան Նիկոմիդիա, իբր թէ ինծի դէմ Խնամակալութեան գանգատելու դիմամբ: Հիները կարծեցին Դպրեվանքը փակուած տեսնել, իսկ Դուրեան ցաւեցաւ հետեանքը իր դիտումէն աւելի յառաջացած տեսնելով, զի չէր ալ կրնար Դպրեվանքին քայքայումին համակերպիլ: Խնամակալութեան ատենապետ Եուսուֆեան քննութեան յղուեցաւ, և եօթները յունիս 19|1 յուլիսին Արմաշ դարձան: Եուսուֆեան քննութիւն բացաւ, զոր ես փութացի դիւրացնել Փոխ-Տեսուչ եւ Տեսուչ կոչումները Տեսուչի և Վերատեսուչի փոխարկելով, և ներքին տեսուչի ձեռնհասութիւնները ընդարձակել առաջարկելով. զի զլիսաւոր նպատակս Դպրեվանքի յարտաւելութիւնը ու արդիւնաւորութիւնն էր: Վերջնական որոշումը տրուեցաւ յունիս 25|7 յուլիսին և Խնամակալութենէն ալ հաստատուելով, կանոնագիրին փոփոխութիւնը յուլիս 29|10 օգոստոսին կեդր. Վարչութենէ ալ վաւերացուեցաւ: Դուրեան գոհ մնաց և Դպրեվանքին ընթացքը բան մը չտուժեց և շարունակեց: Միայն հին միաբաններու նպատակը չիրականացաւ, որով Նալպանտեան հիւանդութիւնը պատճառելով առանձին տուն քաշուեցաւ և Տէր-Բարթողիմէոսեան վանքը թողուց, զի ելեմաից տեսչութիւնն ալ աղիկամի շահագործելու դիւրութենէն զրկուեցաւ, և Ալիքսան ու Խաչիկ Խօրասան՝ ձեանց սեպհականութիւնը եղող ազարակը առանձնացաւ, և սկսաւ

գայն արդիւնաւորել, մինչև իսկ Ուսչգիւղ անուհով հայ գաղթած կանաց փոքրիկ զիւղակ մըն ալ կազմեց Մէճիտիյէ գիւղի սահմանին մէջ, և հոն մնաց մինչև վերջ, մերթընդմերթ վանք այցելելով: Դուրեանի երկայնամտութիւնը զօրաւոր չէր դժուարութեանց հանդէպ, և անգամ մըն ալ աշակերտներէն ցաւելով յանկարծական որոշմամբ ուսումնարանն ու տեսչութիւնը լքելով միաբանական թաղը փոխադրուեցաւ 1893 մայիս 18/30ին, բայց երկար չմնաց, զի երկու շաբաթէն յաջողեցայ համոզել և տեղն ու պաշտօնին դարձնել յունիս 2/14ին: Այդ միջադէպերն ուզեցի յիշել, թէ եղելութեանց մասին ճիշդ տեղեկութիւն տուած ըլլալու համար, և թէ հաւաստելու թէ այդ թեթև և վաղանցուկ պարագաներ նշանակութենէ զուրկ մնացին, և Դպրեւանքը կանոնաւորապէս յառաջեց իւր ընթացքին մէջ:

Դպրեւանքի արդիւնաւորութեան ապացոյցները իւր հասուցած աշակերտներն են, հետզհետէ եկեղեցական աստիճանաց մէջ յառաջանալով: Այդ նպատակով յիշատակութեան արժանի կը սեպեմ հետևեալ տեղեկութիւնները աւելցնել: Առաջին դասարանի աշակերտներէն իննին դպրութեան աստիճան տուի 1890 սեպտեմբեր 28/10 հոկտեմբերին, արդէն ստացողներէն զատ. աւսոնցմէ եօթներ կուսակրօն եկեղեցականութեան ուխտագիր տրուին 1892 սեպտեմբեր 17/29ին, և 27/9 հոկտեմբերին սարկաւազ ձեռնադրուեցան, 1895 յունիս 18/30ին քահանայական ձեռնադրութիւն և արեղայական օրհնութիւն ստացան, 1895 մայիս 26/7 յունիսին մասնաւոր գաւազանի իշխանութիւն տուի՝ իրենց աւարտաճառերնին լրացնելէն ետքը, և վեցերուն ծայրագոյն վարդապետութեան աստիճան ալ տուի 1897 սեպտեմբեր 21/3 հոկտեմբերին գաւառներ երթալնուն ստիւի: Երկրորդ տարուանէն նէն 31 աշակերտաց դպրութեան աստիճան տուի 1891 սեպտեմբեր 25/10 հոկտեմբերին, հինգերը սարկաւազ ձեռնադրեցի 1893 սեպտեմբեր 26/3 հոկտեմբերին, և չորսերը քահանայ և արեղայ 1896 սեպտեմբեր 15/27ին, իսկ հինգերորդը 1897 յունուար 19/31ին: Երրորդ տարուանէն ութը աշակերտաց դպրութեան աստիճան տուի 1892 սեպտեմբեր 26/8 հոկտեմբերին, բայց մէկը միայն սարկաւազի ձեռնադրութիւն ստացաւ 1895 յունիս 17/29ին և քահանայութեան ու արեղայութեան բարձրացաւ 1897 սեպտեմբեր 28/10 հոկտեմբերին: Չորրորդ շրջանէն տասներ դպրու-

Թիւն ստացան 1893 սեպտեմբեր 24|6 հոկտեմբերին, բայց ամէնքըն ալ սրուեցան շիտթուծեան միջոցին: Հինգերորդ շրջանէն տասուիրեք աշակերտներ դպրութիւն ստացան 1896 սեպտեմբեր 13|25ին և անոնցմէ մնացողներ Դպրեվանքի երկրորդ միջոցին կը պատկանին: Յիշուած ձեռնադրութիւններէն ոմանք ալ պատարիարքութեանս ատենին եղած են:

Տրուած տեղեկութիւններ բաւականաչափ կը պատկերացնեն Դպրեվանքի մէջ եօթնամեայ կեանքս իւր պաշտօնական պայմաններուն մէջ: Անձնականիս գալով այս ալ աշխատալի միջոց մը եղաւ, զի Դպրեվանքի համար ամենայն ինչ նորինորոյ ծրագրելիք և կազմուելիք էր, և նոյն իսկ Ունձեան, որուն բարերար առատաձեռնութիւնը անուրանալի է և Դպրեվանքին նիւթական հիմնադիրը կոչուելու արժանի, նա ևս ոչ սակաւ զժուարութեանց պատճառ եղած է իւր սեպհական և տարօրինակ գաղափարներովը, և նոյն իսկ բարերարութիւնները բազմապիսի պայմաններու ենթարկելովը: Միւս կողմէն պարտաւորեալ էի ո՛չ միայն ուսուցչութիւն և տեսչութիւն ընել, այլև քարտուղարութիւն, հաշուակալութիւն, վերին մատակարարութիւն, շինութեանց հսկողութիւն, և հողային հողածութիւն կատարելապէս իմ վրայ կը ծանրանային: Ուսուցչութեան մէջ աստուածաբանական ճիւղին համար էջմիածին պատրաստած ձեռնարկներէս օգտուեցայ, բայց Ս. Գրոց ներածութեան և տօնից ու ծիսից բացատրութեան համար նոր ձեռնարկներ պատրաստել պարտաւորուեցայ, և ուրիշ դասերու համար յատուկ ուսումնասիրութեանց պէտք ունեցայ, որով ընդարձակ և պէսալիսուն աշխատութիւններ աւելցան: Վերջին ատեններ կրօնաթերթ մըն ալ հրատարակելու ձեռնարկեցի Դպրեվանքեաց աշխատակցութեամբ, և 1896 յունիս 1|13ին հնօրեայ Մաւիւր իբրև կրօնական հանդէս երևցաւ հրապարակի վրայ: Ասոնցմով մէկտեղ խիստ վանական և հասարակութեան հետ սեղանակցութեան կեանք վարեցի: Բայց ուրախ եմ որ Դպրեվանքը գովելի և պայծառ յիշատակ մը թողուց իւր ետեւն, աշխատասէր ու զարգացած ու ոգևորեալ պաշտօնեաներ նուիրեց ազգին, քարոզչական ճիւղին մէջ հմտալից և ազգօգուտ ուղղութիւն մը սկզբնաւորեց, և մինչև այսօր Դպրեվանքը և Դպրեվանքիներ գովեստով կը յիշուին ամենուն կողմէ: Աշխատութիւնը քաղցր է երբոր արդիւնաւորութեամբ կը



պատկուի. ո՛յս է իմ ալ մխիթարութիւնը, և մինչև աստիճան մը նաև իմ պարծանքը:

## ԽԸ

Դաւնասկոս, 1918 յունուար 18/31 Եջ.

Յատուկ հատուածի նիւթ ընել պահեցի կաթողիկոսական ընտրութեան առթիւ իբր պատրիարքական պատգամաւոր էջմիածին երթալս: Մինչև վերջին ատեններ Կ. Պոլսոյ վարչութիւնը և տաճկահայ երեսփոխանութիւնը կը պնդէր ռուսահայ Պոլոժէնիէ կանոնագիրին չհամակերպիլ և իր ուզած կերպով կաթողիկոսական ընտրութեանց մասնակցիլ, և թէպէտ իւր միտքը իւր ծրագիրով չէր կրնար քալցնել, սակայն էջմիածինի Ընտրողական Փողովը Տաճկահայոց ընտրելիին կը համակերպէր և զայն կ'իւրացնէր: Մակար կաթողիկոսի յաջորդին ընտրութեան առթիւ Աշրգեան պատրիարք երեսփոխանութեան խափանուելէն օգտուեցաւ, և Պոլոժէնիէի տրամադրութեան համեմատ իւրաքանչիւր վիճակէ ուղղակի պատգամաւորներ յղելու ձևը գործադրութեան մտցուց: Կ. Պոլսոյ պատրիարքական վիճակէն Տիգրան Կիւմիւշկէրտան աշխարհական պատգամաւոր նշանակուեցաւ, իսկ եկեղեցական պատգամաւորը ուղղակի Աշրգեան պիտի ընտրէր, և նա ալ իմ վրաս դարձուց իւր մտադրութիւնը, զի իրեն համակիր ուրիշ եպիսկոպոս չէր տեսներ, երբ բոլոր ջանքը կաթողիկոս ընտրուիլն էր: Միանգամ և երկիցս հրաժարեցայ առաջարկուած պաշտօնէն, չուզելով այս ընտրութեան մէջ մաս ունենալ, և պատճառելով Դպրեվանքի ուսուցչական և մատակարարական պէտքերը: Երրորդ անգամին հիւանդութիւն ալ պատճառելով անկողին մտայ, պայմանաժամը անցունելու համար, բայց վերջիվերջոյ պարտաւորուեցայ զիջանիլ, երբ Ունճեանի և Եուսուֆեանի կողմէն ստիպողական գիրեր հասան յատուկ թրջթարբերով յղուած: Աշրգեան մինչև իսկ Կիւմիւշկէրտանի և ինձի համար օսմանիէ շքանշանի շնորհը ստացած էր, թէ՛ մեզ տրա-

մադրելու և թէ՛ իրեն մասին պետական հովանաւորութիւն ապացուցանելու համար: Ընտրողական ժողովը 1892 մայիս 3/15ին պիտի բացուէր և ես հազիւ ապրիլ 17/29ին Արմաշէ Կ. Պոլիս եկայ՝ հապճեպ չուելու համար:

Ամէն պատրաստութիւններ եղած եւ ռուսական դեսպանատունէն անցազիրի վաւերացումն ալ առնուած էր, երբ յանկարծ Տփղիսի փոխարքայէն հեռագիր մը կը հասնի դեսպանատուն, թէ Օրմանեան և Մանկունի եպիսկոպոսներու արգիլուած է կովկաս դառնալ: Մանկունիի երթալուն երբեք խօսք չէր եղած, և իմ մասին ալ Գալստեան Երեմիա և Սեդրաքեան Արիստակէս եպիսկոպոսներ լուծ էին ցորչափ ես կը հրաժարէի, այլ իմ ուղևորելու լուրին վրայ փոխարքային ձեռքով ուղած էին երթալս արգիլել, ուսուցչութենէ դառնալուս պարագաներուն հիմնուելով, իսկ իրենք իմ ներկայութիւնս իրենց կաթողիկոսանալու մարմաջին արգելք նկատելով: Դեսպանը ազդարարեց մեկնիլս ուշացնել, իր վրայ առնելով նախարարութեան հետ զործը կարգադրել և զիս յղել, մինչև իսկ շողենաւներու կանուխ մեկնիլը արգիլելով: Իրօք ալ արգելքը խափանող հրաման բերել տուաւ Բեթրպուրկի նախարարութենէն, որով կրցայ ապրիլ 25/7 մայիսին ուղևորիլ, ժողովին բացումէն միայն շաբաթ մը առաջ, և ոչ Պաթում ու ոչ Տփղիս կեցայ և հեւինե մայիս 1/13 արև մտնելէն ետքը Երեան հասայ և վանքին դուռերուն կանուխ փակուելուն պատճառով հոն գիշերեցի, և միւս առտուն մայիս 2/14ին մտայ Էջմիածին: Պաթում և Տփղիս կանուխէն հեռագրած էի ուղևորութեան պէտքերը հոգալ, և Տփղիսի կայարանին մէջ օսմանեան ընդհանուր հիւպատոս Հասիպ պէյի հետ տեսնուեցայ, որուն Կ. Պոլիսէ ծանօթ էի, և եկած էր համառօտ տեսակցութեամբ մը Խրիմեանի ընտրութիւնը արգիլել թելադրելու համար:

Էջմիածին հասնելուս Գալստեանի և Սեդրաքեանի կողմէն ոչ մի մտադրութիւն դարձուեցաւ, և յատուկ սենեակ իսկ չցուցուցին, և պարտաւորուած Արիստակէս Դաւթեան եպիսկոպոսի սենեակը պատսպարուեցայ: Անոնք բաւական աշխատած էին նոյն իսկ տաճկահայ պատգամաւորներէն իրենց կուսակիցներ ճարելու, որ իրենց երկուքին անունները ընտրելի ցուցուին, թէպէտ երկուքն ալ ինքզինքնին նախադասել տալու համար իրարու դէմ

ալ ծածուկ մրցում կը վարէին: Այնպէս կը կարծուէր թէ ես Աշըգեանի ընտրութեան պաշտպան ըլլամ, ինչպէս որ Աշըգեան շատերո՞ւ և ինծի իսկ յանձնարարած էր. համակերպողներ կամ համակերպիչ ցուցնողներ ալ եղած էին: Իսկ ես անուղղակի ըզգացուցած էի իւր ընտրուելուն դժուարութիւնը: Ասով մէկտեղ զիս Աշըգեանի ներկայացուցիչ տեսնալով, հարկաւ անոր կուսակիցը կրնային կարծել, և Գալստեան ու Սեդրաքեան չէին հանդուրժեր իմ ներկայութեան, որ իրենց նպաստաւոր չէր:

Շաբաթ օր, մայիս 21, 14, ցերեկին պաշտօնական նիստ կազմուեցաւ վեհարանի մէջ, պատգամաւորներուն վաւերագիրները քննելու և ձայները որոշելու, եւ բաւական դեր ունեցայ Տաճկահայոց պաշտօնագիրները հաստատելու և ընդունել տալու իբր պատրիարքական պատգամաւոր: Իմ անունիս երեք պատգամաւորութիւն կար, Կ. Պոլիսէ ու Շապինգարահիսարէ ու Իերջանէ, բայց երկուքէ աւելի ձայն ունենալ ներուած չըլլալուն, վերջինը խափանուեցաւ, իսկ բովանդակ ընկալեալ ձայներ 72 եղան: Նոյն երեկոյ Տաճկահայոց պատգամաւորներու յատուկ գումարում տեղի ունեցաւ ընտրելիներու մասին համաձայնութիւն դոյացնելու համար: Գալստեանի և Սեդրաքեանի և Աշըգեանի պաշտպաններ ու հակառակորդներ պակաս չեղան, միշտ Խրիմեանի անունն ալ կցելով: Ես սկիզբէն լռութիւն պահեցի, մինչև որ զանազան կողմերէ բողոքներ ալ եղան թէ ինչո՞ւ պատրիարքական պատգամաւորը չի խօսիր: Ես պատասխանեցի թէ քանի որ Աշըգեանի մասին թեր ու դէմ խօսքեր կ'ըլլան, Աշըգեանի իմ իր ներկայացուցչին վայել չէր անձին պաշտպանութեան մտնել: Այլ երբ իբր պարզ Մաղաքիա եպիսկոպոս կարծիքս լրսել առաջարկեցին, ես համարձակ յայտարարեցի, թէ մեր ընտրողական ժողովը պէտք չէ քաղաքական խորհրդարաններու պէս քուէից մրցումի մտնէ, այլ մէկ կողմ թողու հակառակ կարծիքներու առիթ տուող անունները, և նախադասէ այնպիսի անուններ, որոնց շուրջը տարակարծիք տեսութիւններ չեն ըլլար, եւ առաջարկեցի հրաժարիլ Գալստեանի ու Սեդրաքեանի ու Աշըգեանի անուններէն, որոնց մասին կարծիքներ ընդհանուր համաձայնութիւն չեն կազմեր: Այդ տեսութիւնս պարտուպատշաճ կերպով պատճառաբանեցի, և հետզհետէ ընդհանուր ընդունելութիւն գտայ, աւելի չուզուած անուններուն դուրս թողուելէն:

քան թէ ուղածնուն նախադասուելէն յորդորուած : Վերջապէս երեք անուններն ալ դուրս թողուեցան, և Խրիմեանի ու Իզմիրլեանի անուններն ընդունուեցան, իսկ այդ տեսութիւնը սուսահայ պատգամաւորներուն հաղորդելու և քառանունը լրացնելու համար քանի մը պատգամաւորներէ յատուկ պատուիրակութիւն մը ընտրուեցաւ և գումարումը փակուեցաւ :

Կիրակի առտու, մայիս 3/15ին, հանդիսաւոր պատարագով և հոգեհանգիստով և աշխարհականներու ուխտադիր երդումով արարողական բացումը տեղի ունեցաւ, ուսկից ետքը Ռուսահայոց հետ բանակցութիւններ եղան և Տաճկահայոց որոշումը յարգուեցաւ և քառանունը ամբողջացնելու համար Խորէն Մխիթարեան և Ստեփանոս Յովակիմեան եպիսկոպոսներու անունները առաջարկուեցան : Երբոր այս արդիւնքը եկան ինծի հաղորդել իբրև պատրիարքական պատգամաւորի, վերջին անունին մասին դիտողութիւն ըրի, և իմ առաջարկութեամբ անոր տեղ առնուեցաւ Երուսաղէմի միաբան Երեմիա Տէր-Սահակեան եպիսկոպոսի անունը : Երկուշաբթի մայիս 4/16ին քառանունի համար գումարումը տեղի ունեցաւ, և ես իբր Կ. Պոլսոյ պատրիարքին ներկայացուցիչ տեղապահ Երեմիա Գալստեանի ձախ կողմը բազմեցայ, աջակողմը Երուսաղէմի պատրիարքին ներկայացուցիչ Սահակ Խապայեան եպիսկոպոսին պատկանելուն. բայց գումարումներէ դուրս երկուքնիս ալ մեր եպիսկոպոսական կարգը կը պահէինք : Համբարձում Առաքելեան կրտսերագոյն պատգամաւորի պատիւին թեկնածութեամբ և համառօտ ատենաբանութեամբ չորս համաձայնուած անունները առաջարկեց, Խրիմեան, Իզմիրլեան, Տէր-Սահակեան և Մխիթարեան, և բոլոր ժողովականք պարզ համաձայնութեամբ նոյնը հաստատեցին, որոց աւելցան գրաւոր քուէներ, որոց մէջ երկու երեք տեղէ իմ անունս ալ նշանակած էին :

Երեքշաբթի մայիս 5/17ին վերջնական ընտրութեան գումարումը տեղի պիտի ունենար : Ես ոմանց խօսեր էի որ ինչպէս քառանունը համաձայնութեամբ և հաւասարութեամբ քուէարկած էինք, երկանունն ալ նոյն կերպով քուէարկէինք, որով առաջինի և երկրորդի տարադէպ խնդիրի ալ տեղի չարուէր, ուր բաւական յուզումներու պատճառ եղած էր Մակարի ընտրութեան ատեն : Այդ խօսքս բերնէ բերան այլափոխուելով պատ-

ճառ եղաւ որ հինգ վեց երիտասարդներ ինծի դիտողութիւնս ընեն, իբր թէ Խրիմեանի ընտրուելուն հակառակորդ ըլլամ, որոց յիշեցուցի նախապատրաստական գումարման մէջ վարած դերս և պաշտօնական նիստին մէջ տուած քուէներս, և լռեցին ու հանդարտեցան: Քուէարկութիւնը տեղի ունեցաւ և 72 տարեկան Խրիմեանը 72 միաձայն քուէով առաջին ընտրելի կամ ընտրեալն եղաւ, իսկ 16 քուէարկուներ քուէնին Իզմիրլեանի զլացան և այդ տարբերութեամբ երկրորդ ընտրելի եղաւ, իսկ միւս երկուքը արդէն ետե թողուելու պայմանով քառանուն ցանկին անցած էին: Խրիմեանի ընտրութիւնը մեծ ցոյցերով ողջունուեցաւ, մինչև իսկ նոյն միջոցին ամպամած երկինքին ճեղքուածքէն արևի ճառագայթ մը ցոլանալը իբր երկնային նշան և վերնային վկայութիւն նկատուեցաւ: Ատենագրութեանց ստորագրութեամբ նիստը փակուեցաւ և ընտրութիւնը լրացաւ պաշտօնական հացկերոյթով: Ինչ որ անկէ ետքը Խրիմեանի ընտրութեան շուրջը գարձաւ, կայսերական հաստատութեան յապաղիլը, Կ. Պոլիսէ անցնելու արգելքը, Թրիէսթէի և Վիեննայի և Օսեսայի ճանաչով ուղևորիլը, և 1893 սեպտեմբեր 26ին օժուիլը, գրութեանս նպատակէն դուրս և օտար են, և կ'անցնիմ ինծի վերաբերած կէտերը քաղել:

Պատգամաւորութեան պաշտօնը լրացնելով անմիջապէս դառնալու կը պատրաստուէի, երբ Երևանի մէջ մայիս 7|19ին տըրուելիք հացկերոյթին ներկայ ըլլալու հրաւեր ստացայ, որուն մէջ երկլիցս թափալածառ խօսեցայ, երկրորդին մէջ դիտել տալով, թէ էջմիածինի մէջ միաձայնութեամբ կատարուած ընտրութիւնը պէտք է այլևս լռեցնէ Հայերը անմիաբան են ըսողները, որոնք քաջալերուած էին պատգամաւորներուն անհամաձայն կարծիքները լսելով: Ուրբաթ մայիս 8|20ին Երևանէ մեկնեցայ, Տփղիսի մէջ հիւպատոս Հասիպ պէյին միտքը հանդարտեցուցի եղած ընտրութեան մասին, և նպաստաւոր տեղեկագրութեան կողմերը թելադրեցի, և մայիս 15|27ին ուշ տտեն Կ. Պոլիս հասայ, մեկնելէս ճիշդ 20 օր ետքը:

Միւս առտու մայիս 16|28ին պատրիարքարան գացի. լսել էի որ Աշրգեան կաթողիկոս չընտրուելուն ցաւած և ինձմէ ալ վշտացած էր, և պաշտօնեաներ կ'ըսէին թէ շատ ցուրտ ընդունելութեան պիտի հանդիպիմ: Ես համարձակ խօսքը բացի, թէ

իւր ընտրութեան համար շատ քիչեր կային, և հակառակորդներ բաւական էին, ուստի ես չուզեցի որ իւր անունը քառանունի մէջ անցնէր, որ յետոյ բացի թողուէր, ինչ որ անպատուութիւն պիտի ըլլար, և իւր գիրքին կրնար վնասել, այլ ընդհակառակն ըսեր էի որ պատրիարքը հեռացնել միտքերնէս չ'անցնիր և պահել կ'ուզենք: Այդ պատճառաբանութիւնը Աշըգեանին միտքը հանդարտեցուց և գոհացուց, այնպէս որ շատերուն ըսկըսած էր կրկնել թէ Օրմանեան իր պատիւը լաւ պաշտպանած է: Կ. Պոլիս ալ երկար չմնացի, և մայիս 20|1 յունիսին Արմաշ դարձայ: Այս բացակայութեանս միջոցին էր, որ Արմաշի ցոյցը պատրաստուած էր, և հասնելէս քանի մի օր ետքը, յունիս 15|27ին, տեղի ունեցաւ, և առանց անտեղի հետեանքի յաջողեցայ վերջացնել, ինչպէս վերև պատմեցի: Իբրև պատգամաւորութեան լրում, Ընտրողական ժողովին կարգադրութեանց և գործունէութեանց վրայօք մանրամասնեալ տեղեկագիր ներկայեցի պատրիարքարանի, որուն մէջ յառաջ բերած եմ ընտրութեան օրը տրուած պաշտօնական հացկերոյթին մէջ խօսած բաժակաճառս, ի վեր հանելով օսմանեան և ռուսական կայսերութեանց կողմէն ազատ ընտրութեան համար ընձեռուած զիւրութիւնները:

Յետոյ

Ինչպէս

Կրկնել

Գրեցի

Եւրոպայ

Եւրոպայ

ԽԹ

Իստանպուլ, 1918 յունուար 19|1 փետր. Ուր.

Ընդհանուր տագնապի օրեր եղան 1894է 1896 տարիները. կոտորածներ կրկնուեցան ամէն կողմեր, զրպարտութիւններ շատցան և կոտորածէ ազատուողներ բանտերու մէջ լեցուեցան: Գաւառներու մէջ հանդիպածները հեռու էին ինձմէ և Դպրեվանքէն, որով անոնց մասին խօսելու պէտք չունիմ: Միայն 1895 սեպտեմբեր 18|30ին Կ. Պոլսոյ մէջ ծագած շփոթութեան արձագանգը ունեցանք Դպրեվանքին մէջ փախստականներու խումբի մը ներկայութեամբ, և յաջողեցանք անփորձ անցունել: Սակայն

նոյնպէս չեղաւ յաջորդ 1896 տարւոյ շփոթը: Մեծ արձակուրդին մէջ Կ. Պոլիս եկած էի, յուլիս 18|30ին, օգտօստութեան և կազմութեան ալ պէտքը զգալով, երբ չորս օր ետքը յուլիս 22|3 օգոստոսին Իգմիրլեան Մատթէոս պատրիարք հրովարեցաւ, Կեդրոնական Վարչութիւնը քաշուեցաւ, պետական հրամանով Խառն ժողով մը հաստատուեցաւ, և յուլիս 27|8 օգոստոսին Բարթողիմէոս Չամիչեան եպիսկոպոս տեղապահ ընտրուեցաւ, կամ լաւ ևս անուանուեցաւ, և մայրաքաղաքի մէջ պատրաստուած կոտորածի մը վրոյցները սկսան շատնալ, որոնց ոմանք կարեորութիւն չէին տար, ուրիշներ ահուդողի մատնուած էին, իսկ ես անորոշ կերպով կ'անցունէի օրերը, մինչև որ որոշ բան մը իմացուի:

Օգոստոս 14|26 չորեքշաբթի առտուն Ղալաթիա կը գտնուէի Արեւելի խմբագրատունը, Մասիս կրօնաթերթի տպագրութեամբ զբաղած, ինծի հետ էին Գարեվանքի անդրանիկներէն Մուշեղ և Աղան վարդապետներ: Յանկարծ կէս օրին տազնապ մը սկսաւ մօտակայ Օսմանեան Դրամատան մէջ պայթած ռումբերուն պատճառով, զորս ներս տարած էին խումբ մը երիտասարդներ, Արմէն Կարոյի կամ Գարեգին Փասարմաճեանի առաջնորդութեամբ: Պատուհաններէն դիտուեցան բիրերով զինուած հալածող խումբանի և կոտորածէ փախչող հայերու խուճապները, իսկոյն դուռնու պատուհանի փեղկերը փակեցինք, սակայն լրագիր ծախողներու խնունակ խումբ մըն ալ ներս մնաց: Ժամերով դիտեցինք ժխորն ու տազնապը. նորատունկեան խանը սկսաւ դիտողութեան և հսկողութեան առարկայ ըլլալ ոստիկանաց և վինտորականաց կողմէ: Կասկած ծագեցաւ միտքս թէ կրնան բռնութեամբ բանալ և իմ ներկայութիւնս զիս կրնայ վտանգել, ուստի որոշեցի որեւէ կերպով խանէն հեռանալ, տեսնալով որ խուճապն ալ Վոյվոտայի կողմերը կը նուազի, և դէպի Բարաքէօյ կ'իջնէ: Մուշեղ և Աղան չուզեցին զիս մինակ թողուլ, բայց երբ խաչակնքելով դուռը բացի, դիակ մը տեսայ դրան առջև և դուռը փակեցի: Սակայն մտածեցի թէ շատ ևս դիակներու պէտք է հանդիպէինք և մէկէն խրաչելնիս օգուտ չունէր. ուստի կրկին դուռը բանալ տալով և դիակին վրայէն ցատկելով, շիտակ եիւքսէր Գալտըրմ վերելքը ուղղուեցայ նոյն երկու ընկերներով: Խանութներ ու պատուհաններ բոլոր գոց էին, ասդիէն անդիէն հալածողի եւ փախչողի ձայներ կը լսուէին, երբ դիմացէն երկու բիրով զինք

ուած երեք հոգիներ երեցան. փախչելու անհնարութեան առջև դէպ իրենց քալեցի, ընկերներս ետեէն, մարդիկը համարձակութիւնս տեսնելով զիս զինուած կարծեցին հարկաւ, որ ճանապոյ տուին և մէջերնէն անվտանգ անցայ, և մինչև վերելքի գլուխը թէքքէի հրապարակը ելայ: Ծանօթ Ալպանիացի գրովածառի մը խանութը միայն բաց գտնելով կառք մը ճարել խնդրեցի, այլ չգտնուեցաւ և քալել սկսայ: Կառքի մը հանդիպելով առատ խոստումով վարձեցի. մեծ փողոցը փակուած ըլլալուն քովընտի ճանապաներով Ըթըր փողոցի մեր տունը անվտանգ հասայ, միշտ Մուշեղի և Աղանի ընկերակցութեամբ: Կոտորածը յաջորդ հինգշաբթի օրն ալ շարունակեց, և միայն 16/28ի ուրբաթ օր դադրեցաւ բարձրագոյն հրամանով: Իսկ ես մինչև 19/31 տունէն չելայ միշտ վտանգէ խուսափելով, և նոյն օրն ալ կայսեր գահակալութեան մաղթանքին համար ստիպուեցայ Գումգաբու երթալ, Մկրեան Յովհաննէս քահանայի ընկերակցութեամբ, յատուկ կառքով, և ոստիկանի պաշտպանութեամբ: Միւս օրերն ալ զգուշութեամբ անցուցի, բայց Խաչվերացի տօնը և Արմաշի ուխտաւորութեան օրերը մօտ էին, պէտք չէր որ բացակայ ըլլայի, մանաւանդ որ ձերբակալութեանց շրջան մը սկսած էր և Իրպրեվանքի հոգածութիւնը անհրաժեշտ կ'ըլլար: Ամէն կասկած և անստուգութիւն չսեպելով, տեղս դառնալ որոշեցի, և սեպտեմբեր 10/22ին Արմաշ հասայ:

Կացութիւնը ևս քանզևս ծանրացած էր, յատկապէս Իրպրեվանքի համար, զի նաև Աբիկ Ունձեան ձերբակալուած ու բանտարկուած էր, Իպրեվանք ո՛չ ներսէն և ո՛չ դուրսէն ապրուստի միջոցներ ունէր, ուխտաւորութեան բնուէ կող չկար: Առաջին հոգերէս մին եղաւ սարկաւագները արեղայութեան բարձրացնել, որպէսզի գոնէ ինքզինքնին հոգալու միջոց ունենան, ինչ որ հնար չէր սարկաւագութեան մէջ, ուստի սեպտեմբեր 15/27ին Խաչվերացին օրը, երկրորդ շրջանի չորսերը ձեռնադրեցի: Հինգերորդը Կ. Պոլիս մնացած էր: Այս առթիւ հինգերորդ շրջանի 13 աշակերտաց ալ դպրութեան աստիճան տուի, և 18/30ին սկսայ առաջին շրջանի վարդապետներէն ոմանք Կ. Պոլիս յղել: Անոք և անօգնական մնացած, ամէն միջոցներէ զրկուած, ահազին տապնապի մատնուած էինք, գաւառներէ Կ. Պոլիս երթալու արգելքն ալ վրայ հասաւ, որով օգնութեան դի-



մելու յոյսն ալ պակսեցաւ: Յետին նեղութեան մէջ ագարակին ինձորին հետ հացը միայն մնացին իբրև պարէն, և մասնագութեան երեսէն երեք չորս անգամ կեցած տեղս նուազելու և մարելու տկարութիւնն ունեցայ: Հազիւ թէ քոյրերուս թախանձանօք և Մկրեան քահանայի միջնորդութեամբ Բարթողիմէոս գիւյ. Պոլիս բերել տալու գիշու, և հոկտեմբեր 14|26ին Արմաշէ մեկնելով, 15|27ին Կ. Պոլիս հասայ շատ մը դժուարութիւններէ անցնելով: Ինձի հետ եկաւ Դուրեան Եղիշէ վարդապետ ալ, իսկ Դպրեվանքը յանձնեցինք անդրանիկ սաներէն Զաւէն վարդապետի, Կ. Պոլիսէ պէտք եղած օգնութիւնը հասցնելու խոստումով:

Չամիչեան տեղապահ և Նուրեան տաննապետ առաջին այցելութեանս առթիւ միաբերան առաջարկեցին Դպրեվանքի հոգւոցն ըսել, աւելցնելով թէ վարդապետութեան համար վարժարանի պէտք չկայ, և եպիսկոպոսաց մօտ փոքրաւոր մնալով աւելի լաւ կը հասնին: Պարտաւորուեցայ պատասխանել թէ իշխանութիւնը իրենց է և ուզածնին կրնան կարգադրել, իսկ ես վերստեւ շուրթեանս պատճառով միայն վանահայրութիւնն ալ կը վարէի, և երբ Դպրեվանքը դադարի, Արմաշի հետ այլևս կապ չեմ ունենար, և հրաժարած կ'ըլլամ: Հրաժարականը գրուոր ուզեցին, և ես միևնոյն իմաստով հրաժարագիրը մէկ երկու օրէն ներկայեցի, խնդրելով որ թէ՛ տկարութիւնս դարձանելու և թէ՛ Կ. Պոլիս չմնալու համար Եգիպտոսի համար անցագիրս հանեն որ երթամ քրոջս մօտ կազդուրուիմ: Ըստ այսմ պէտք եղաւ Արմաշ ալ հաղորդել, և աշակերտներէն որոնք որ դիւրութիւն ունէին հետզհետէ մեկնեցան, և քանի մը հատեր միայն մընացին: Եօթը տարուան հաստատութիւնը գոյութենէ դադրած, ձեկեղեցական վերակենդանութեան օթարանը քայքայուած, և Դպրեվանքի հակառակորդներուն փափաքը լրացած կրնար ըսուիլ: Յաւալի էր հետեանքը, բայց դարձանը իմ ձեռքս չէր որևէ կողմէ պաշտպանութեան և օգնութեան յոյս չկար. Կ. Պոլիսէ հեռանալ մտածեցի, նոր կեանքի և նոր ասպարէզի մը անցնելու համար, թէպէտ այն ալ անստոյգ, զի միտքէս հեռու չէր Եգիպտոսէ ալ Եւրոպա անցնիլ, այլև ազգային խնդիրներով ըզբաղողներուն օգնական, գուցէ ուղեցոյց իսկ ըլլալ: Արդէն քեռայրս Միհրան Տէր-Ներսէսեան Եգիպտոս ուղևորած էր, ընտա-

նիքը ամբողջ այնտեղ փոխադրելու դիտամար, և ես ալ սկսայ մեկնելու հեռաւոր պատրաստութիւններով զբաղուիլ, և գոյքերէս ու գիրքերէս պահուելիքն ու տարուելիքը, մնալիքն ու ջնջուելիքը զատել: Երբոր այսպէս ամենայն ինչ յուսահատական էր թէ իմ անձիս և թէ Դպրեվանքին համար, անակնկալ պարագայ մը, ինչպէս էր պատրիարք ընտրուիլս, ամենայն ինչ հիմնապէս այլափոխեց և վերանորոգման նշաններ ցոլացուց:

## Ծ

Իստանպուլ, 1918 յունուար 20/2 փետր. Եր.

Երբ մէկ կողմէ տեղ տազնապ կը տիրէր, միւս կողմէն պատրիարքական ընտրութեան գործաւնութիւնը ձեռք առնուած էր, և երկու հակառակ ուղղութիւններ իրարու դէմ կը մրցէին: Չամիչեան տեղապահ իւր բոլոր միջոցներով պատրիարք ընտրուելու կ'աշխատէր. մէկուն կը խոստանար, միւսը կ'ահարեկէր, կառավարական շրջանակին մէջ վայելած համակրութեան վստահելով, և գրեթէ իւր յաջողութիւնը ապահոված կը կարծէր: Մինչև իսկ Եգիպտոսի համար անցագիր խնդրելուս պատասխանած էր, թէ պատրիարքական ընտրութենէն ետքը կը կատարէ իրնդիրքս: Միւս կողմէն Տատեան Յարութիւն բաշա, արքունեաց մէջ ունեցած համարձակութենէն օգտուելով, Չամիչեանի տեղապահութիւնը վերջացնել և պատրիարք ընտրուիլը խափանել կ'աշխատէր, չկրնալով հանդուրժել որ ազգին ղեկը այնպիսի մէկու մը ձեռքը մնայ: Իսկ ընտրելի մասին համաձայնելու համար եկեղեցական և աշխարհական մեծամեծներու ժողովներ կը գումարուէին, և զանազան եպիսկոպոսներու անուններ հրապարակի վրայ կը խօսուէին: Չամիչեան իւր նպատակը փութացրնելու համար 1896 հոկտեմբեր 28/9 նոյեմբերին Համագումար հրաւիրած էր, և քուէ շտայնելու համար շատ մը քահանաներու փոխ-աւագերէցի և աթոռակալի անուններով հրաւերներ զրկած էր: Գումարման օրը քուէի քննիչ մասնախումբին նախագահե-

լու հրաւիրուող եպիսկոպոսներ կը փախչէին, ինքզինքնին ապահով ընտրելի նկատելով, մինչ ես՝ այս տեսակ ակնկալութենէ հեռու՝ սիրով յանձն առի Ալէաթճեան ատենապետի առաջարկը և երկու վարդապետներու և երկու քահանաներու հետ քուէհամարը կատարեցի: Իմ համողումս հաստատուն էր՝ թէ վերագործողի մը չեն յանձներ պատրիարքութիւնը, ինչպէս որ անցելոյն մէջ ալ երբեք յանձնուած չէր: Տատեան իսկ զիս իր գումարուններուն չէր հրաւիրած, ես ալ տեսակցելէ ու այցելելէ զգուշացած էի: Քուէհամարին մէջ կրօնական ժողովականութեան համար 24, և պատրիարքութեան համար 13 քուէ ստացած էի, որով պատրիարքական ընտրելիաց մէջ եօթներորդ և վերջին կը դասուէի, և 13 թիւէ ալ յաջողութիւն չի բղխիր կ'ըսէի: Հոկտեմբեր 31/12 նոյեմբերին Ընդհանուր ժողով դումարուեցաւ և 57 քուէարկուներու 47 քուէով կրօնական ժողովոյ անդամ ընտրուեցայ իբրև Արմաշէ հրաժարած: Նոյեմբեր 3/15ին վարչական ժողովները վաւերացան և 5/17ին Քաղաքական ժողովը հնգանուն ցանկը կազմեց, որուն գլուխը անցուցեր էր իմ անունս 12 ներկայից 11 քուէով: Տատեանի ատենապետութեամբ գործող ժողովին այդ որոշումէն երեկոյին լուր առի, և այլևս կասկած չէր մնար որ պատրիարքական ընտրութիւնս ճանապարհ առած էր, ուրիշ ընտրելիներու ետև թողուելովը: Մելքիսեդեկ Մուրատեանի օտարահայատակ ծնունդը, Գրիգորիս Յովհաննէսեանի նուազ կարողութիւնը, Հմայեակ Գիմաքսեանի կենցաղին խօսուած ըլլալը, Պետրոս Թահմիզեանի անկեալ վիճակը, ուրիշներու կասկածելի նկատուիլը հետզհետէ իրենց ընտրելիութիւնը զանց ընել տուած էր, և իմ վրաս գոյացած համամտութեան ռահանորդներ եղած էին Գաբրիէլ Նորատունկեան և Տիգրան Եղստուֆեան, և նոյն իսկ Արիկ Ունճեան իր բանտին մէջէն: Տատեան դժուարութիւն չէր ցուցուցած արդէն զիս ճանչցած ըլլալով, և Ապտիւլհամիտ կայսրէն ալ հաւանութիւն ստացած ըլլալով որևէ ուղածնին ընտրելու, որ թո՛ղ իւր ազգը սիրէ, բայց իրեն դէմ սուր չքաշէ. բացատրութիւն մը որով Իզմիրլեանի մասին կազմած ըմբռնումը կը յայտնէր, և որուն հրաժարիլը պահանջած և Տատեանի ձեռքով գլուխ հանած էր: Պատրիարքական ընտրութիւնը տեղի ունեցաւ 1896 նոյեմբեր 6/18ին 62 ներկայից 48 քուէով, հակառակ իմ ակնկալութեան, այնպէս որ

Չամիչեան իսկ կը վկայէր վերջէն թէ ես բնաւ ընտրուելու չարժուած ըրած չեմ: Ես ալ համարձակ կը կրկնէի, որ եթէ պատրիարքութիւնը այդչափ դժուարացած չըլլար եպիսկոպոսներ զայն պոչը կտրածին չէին թողուր:

Չամիչեան, որ յետոյ վերոյիշեալ վկայութիւնը կուտար, այնպէս վստահ էր իւր ընտրութեան, որ երեսփոխաններէն շատեր քուէից ելքէն խիթալով իւր անունով քուէտոմս մը կը ցուցունէին և իմ անունով քուէտոմս մը տուփին մէջ կը թողուին: Իմ անունիս քուէներուն սկիզբէն յաճախելուն վրայ, Չամիչեան այնչափ զայրացած էր, որ նախագահական աթոռէն ձայն կ'արձակէր, թէ միտքերը յայտնուեցան և այլևս քուէները բանալ աւելորդ էր: Ունկնդիրներէն երկու անձեր մինչև վերջը չէին ըստպասած, և իմ անունին քուէներուն ՅԶԻ լրանալուն ճանապայհած էին կանուխ աւետարներ ըլլալու, զորս ես գրեթէ ցառամօր ընդունեցայ, և բոլորովին յուզուած վիճակի մէջ ինկայ, թէպէտ երեկոյին ժողովէ դարձողներուն ու դրացիներուն այցելութիւնը ընդունիլ ստիպուեցայ:

Կատարուած ընտրութեան վաւերացումը տասնուամէկ օր յապաղեցաւ, զի Չամիչեանի և իրենց կուսակիցներուն հակառակ ջանքերը, և 1882ի Կարնոյ տագնապին վերանորոգուած յիշատակները, կայսեր միտքն ալ պղտորած էին, և Տատեանի փութաջան պնդումներուն և գաղղիական դեսպանատան միջամտութեան, և զիս Կարինէ ճանչցող Պետական Խորհրդոյ նախագահ Սայիտ բաշայի վկայութեան պէտք եղած էր կայսեր միտքը անդորրելու: Նոյեմբեր 17|29ին վաւերացման հրամանը արձակուեցաւ: Այդ միջոցին էր որ Չամիչեան ալ յատկապէս այցելելով յուզուած դժուարութեանց տկնարկած էր, և որուն պատասխանած էի, որ եթէ դժուարութիւն հանողը ճանչնայի՝ զիս փորձանքէ ազատ պահելու ջանքերուն համար երախտագիտութեամբ ձեռքը կը համբուրէի: Արդէն նոյեմբեր 7|19ի առտուն ներկայացող Ընդհանուր ժողովոյ Դիւանին յորդորներուն ալ պատասխանած էի, թէ դատապարտութենէ հրաժարելու սովորութիւն չկար որ ես ալ կարենայի կատարուած ընտրութենէն հրաժարիլ: Այս համոզմամբ յանձնառութեան ստիպուեցայ:

Խնդրոյ նիւթ կազմող պարագայ մըն ալ Սահմանադրութեան փոփոխութիւնն էր, որ կառավարութեան և արքունեաց կողմէն

իրբե պայմանն առաջարկուած էր ընտրութեան արտօնութիւնը տալու համար, և Տատեան ալ այդ պայմանը պաշտօնապէս առաջարկած և երեսփոխանութեան ընդունիլ տուած էր, թէպէտ ոչ ոք փոփոխութեան համամիտ էր, և կը մնար զայն հաշտեցընել Սահմանադրութեան վրայ կատարուելիք պատրիարքական ուխտին հետ: Տատեան յատկապէս այցելած էր այդ կէտին վերայօք խորհրդակցելու համար, և ես ալ զինքն ապահոված էի միջասահման բացատրութեամբ մը մէջէն ելնել, և հաւանութիւն ալ ստացած էի, ինչպէս որ ուխտի օրն ալ հրապարակուլ յայտարարեցի, Սահմանադրութեան որոշած ձևը արտասանելէն ետքը, թէ ուխտիս առարկայն այն Սահմանադրութիւնն է, որ այսօր տակաւին կը տիրէ, և կը փոխուի միայն, երբ ամէն օրինականութիւններ լրանալով և վաւերացումն ալ ստացուելով նոր մը անոր յաջորդէ:

Այդ բացատրութիւնը և նոյեմբեր 20|2 դեկտեմբերին արտասանած ժողովական ատենաբանութեանս իմաստը այնչափ հաճոյ եղած էր կայսեր, Տատեանի մատուցած թարգմանութեան վրայ, որ անմիջապէս նոյեմբեր 22|4 դեկտեմբերին հրաման արձակած էր յաջորդ օրը պաշտօնական ընդունելութիւնը կատարելու: Սակայն օրը ուրբաթ էր, և հրամանը Բարձրդուռ և արքունական տխու ժամանակին չէր հաղորդուած, և իզուր կը սպասէինք նոյեմբեր 23|5 դեկտեմբեր շաբաթ օր արարողապետին և պալատական կառքերուն դալուն: Թէպէտ յապաղման պատճառը կայսեր հաղորդուած և յետաձգել առաջարկուած էր, սակայն նա պնդած էր ընդունելութեան նոյն օր կատարուելուն հրամանը, և հաղիւ հապճեպ պատրաստութեամբ կրցայ կայսեր ներկայանալ արև մտնելու մօտ, և սիրալիր և պատուազիր ընդունելութիւն ունեցայ, և Սոյիտ բաշայի իմ մասին տուած նըպաստաւոր վկայութիւնն ալ յատկապէս յիշուեցաւ կայսեր կողմէ: Օրը տարածամած և Բարձրդուռ նախարարութեանց այցելելու ատեն մնացած չէր, ուստի յատկապէս նոր հրաման ելաւ որ արարողապետն ու կառքերը երեքշաբթի նոյեմբեր 26|8 դեկտեմբերին կրկին պատրիարքարան դառնալով այցելութիւնները լրանան, պարագայ մը որ արարողապետին վկայութեամբ երբեք տեղի ունեցած չէր պատրիարքի կամ դեսպանի մը համար երկու անգամ պալատական կառքեր հանուիլը:

Երրորդ նույնքեր 23/5 դեկտեմբերին պատրիարքարան դարձանք արդէն մուժ էր, ժողովուրդը խռնուած, և եկեղեցին ամբողջ լուսաւորուած, արարողապետը զիս մինչև բեմ ալ առաջնորդեց, ուր կայսերական բարեները և խոստումները հաղորդելով հանդիսաւոր օրը փակեցի, և մինչև շաբաթ երեկոյ պատրիարքարան զիշերեցի, և միայն կիրակի երեկոյ Էթըր փողոցի մեր տունը դարձայ, զի եկեղեցական պաշտամանց պահանջած օրերը միայն պատրիարքարան մնայու, և միւս օրեր տունը հանգստանալու մտադիր էի, և այնպէս ալ սովորութիւնս ըրի:

Պատրիարքական գործունէութիւններէն առաջին անգամ Վարչութեան Խառն Ժողովին նախագահեցի նույնքեր 27/9 դեկտեմբերին, առաջին պատարագը մատուցի դեկտեմբեր 1/13ին Եէնիգարուի Ս. Առաքելոց եկեղեցին, առաջին աստիճանի մէճիտիյէ շքանշանը ստացայ դեկտեմբեր 29/10 յունուարին, և անդրանիկ կոնդակս հրատարակուեցաւ և կարդացուեցաւ 1897 յունուար 6/18ին Ծնունդին օրը, թէպէտ 1896 նույնքեր 30/12 դեկտեմբեր թուական կը կրէր:

Իսկ առաջին նշանաւոր գործունէութիւնս եղաւ նույնքեր 28/10 դեկտեմբերին քաղաքական անունով բանտարկուածներու և դատապարտուածներու ընդհանուր ներում խնդրելս, և դեկտեմբեր 10/22ին ներումին շնորհուիլը, ազատ արձակամբ 1200է աւելի բանտարկելոց, և իբր 30 մահուան դատապարտուածներուն պատիժին բանտարկութեան փոխուելով:

ԾԱ

Դաննակոս, 1918 յունուար 22/4 փետրուար Բշ.

Պատրիարքութեանս մասին շատ բան խօսուած և շատ ալ գրուած է թերուդէմ ուղղութեամբ, մանաւանդ հրատարակեալ ետքը. ես ալ բաւական բան գրած եմ իմ իբր ամբաստանութեանց պատասխան պատրաստած Յիշատակագիրքիս մէջ, հրատարակութեան սահմանուած Ազգապատումիս Երրորդ Հատորին

մէջ, և նոյն իսկ սոյն Խոնի եւ Սոսի գրութեանս առաջին յօդուածներուն մէջ, այնպէս որ նիւթը ընդհանրապէս ծանօթ դարձած է: Թերևս աւելորդ սեպուէր նոյնին վրայ անդրադառնալ սակայն Յիշատակագիրքը միայն ամբաստանութեանց կէտեր կը շօշափէ, Ազգապատումը ընդհանուր գործերով զբաղած է, և ներկայ գրութեանս առաջին յօդուածները հոգեբանական տեսակէտէն խմբագրուած են, իսկ պատրիարքութեանս միջոցին հանդիպած եղելութեանց և խնդիրներու պատմական բացատրութիւնները կը պակսին, և կը մնայ այս կէտերը լրացնել, և այս է որ առաջիկայ յօդուածներուն նիւթ պիտի ընեմ: Բայց ուզելով չուզելով շատ մը ակնարկներ կրկնելու պիտի պարտաւորուիմ, ուստի հանդիպողը թո՛ղ ներողամիտ ըլլայ այդ մասին. արդէն առաջին յօդուածէս ըսած եմ, որ չափուած ու ձեռուած, և ժամանակագրապէս և կարգադրապէս ծրագրուած գրութիւն մը չեներկայս, այլ միտք ինկած նիւթերու անկարգ շարայարութիւն մը: Այստեղ ալ կանոնաւոր բաշխումը պիտի չկրնամ ընել, այլ մերթ ժամանակին և մերթ նիւթին կապակցութեամբ անցած դարձած գլխաւոր խնդիրներ պարզաբանել:

Առաջին հատուած մը կը կազմեն 1896 նոյեմբեր 20|2 դեկտեմբեր՝ գործի սկսելու օրէն մինչև 1897 օգոստոս 6|18ին Բարձրդուռը արձակուած ռուսներն օրը: Այդ միջոցին կատարուած գործերը և եղած ջանքերը նպատակ ունէին երկկողմանի հանդարտութիւն մը ստեղծել փոխադարձ վստահութիւն ազդելով, և կայսրը համոզելով թէ իւր բարեհաճութեան հանդէպ կուսակցականներ թշնամական շարժումներ և ցոյցեր պիտի չփորձեն, և կուսակցականներու թելադրելով որ իրենց հանդարտութեան փաստով կայսերական խոստումներուն գործադրութիւնը պիտի ստանան: Այդ նպատակով Տատեանի եղբորորդին Տրդատ Տատեան ժընէվ ալ յղուեցաւ իրրև պատգամաւոր, և ես գիրով ալ բացատրեցի թէ ողջը տկարացած և շատ արիւն կորսնցուցած է, և այս տեսակ հիւանդի վրայ սաստիկ դեղեր և բուռն ցնցումներ փորձելէ զգուշանալու է: Այդ բացատրութեանս պատասխան էր անանուն գրութիւնը, որով կուսակցականներ զիտ իրենց համամիտ գիտնալով, իրենց ոճին հետևողութիւն կը պահանջէին: Ապտիւհամիտ ալ բոլորովին վստահօրէն չէր նայեր իմ վրաս, միայն իմ կողմէն խոհական ընթացք տեսնելով կը ըս-

պասէր որ կուսակցականներ դիւրաւ անսան իմ թելադրութեանց  
 և թշնամական ցոյցեր դադրին: Պէտք չէ նաև միտքէ հեռացը-  
 նել, թէ Ապտիւլհամիտ կուսակցականներու կողմէն իր կեանքին  
 դէմ իսկ վտանգի երկիւղն ունէր, և իր անձն ալ նկատի կ'առնէր  
 իր գործածած և գործադրել տուած բռնական միջոցներուն մէջ:  
 Կատարուած կոտորածները խաժամուժ ամբոխին կատաղու-  
 թեան կամ վրէժխնդրութեան հետևանք չէին երբէք, այլ պար-  
 զապէս բարձրէն արձակուած հրամաններու գործադրութիւն էին,  
 և նոյնիսկ մայրաքաղաքի մէջ կատարուած 1896 օգոստոս 14  
 26ի կոտորածին գործադիրները՝ նոյն օրեր Կ. Պոլիս բերուած  
 Համիտիյէ գունդին քուրդերն էին, որոնց նոյն օր համազգես-  
 տով չերևնալը, և գործածուած բիրերուն յարևաման ըլլալը, և  
 գունդին քիչ օր առաջ հասած և քիչ օր ետքը մեկնած ըլլալը  
 այս բանին յայտնի ապացոյցներն էին:

Փոխադարձ վստահութիւն արծարծելու ջանքերուն նպաս-  
 տաւոր արդիւնքներէն մին կոտորածներուն դադարումն եղաւ:  
 Աստ և անդ արկածներ պակաս չէին երբ պատրիարք ընտրուե-  
 ցայ, և վերջին փորձը տեղի ունեցաւ 1897 մարտ 7/19ին Եւ-  
 դոկիոյ մէջ, ուր հարիւրէ աւելի հայեր մահացան: Վարչութեան  
 համախոհութեամբ իսկոյն բուռն և ազդու բողոքներ մատուցի-  
 թէ՛ կառավարութեան և թէ՛ արքունեաց, և յաջողեցայ մեզի  
 նպաստաւոր հոսանք մը կազմել տալ, որով երեք անգամով յա-  
 տուկ քննիչ յանձնաժողով մը Հասան Ֆէհմի բաշայի նախագա-  
 հութեամբ և հայ անդամակիցի մը մասնակցութեամբ Եւդոկիա-  
 յղուեցաւ, և մինչ առաջ կոտորածներէ ազատող բաղամթիւ Հա-  
 յեր իբրև գրգռիչ կը ձերբակալուէին և կը դատապարտուէին,  
 այս անգամ թուրքեր ամբաստանուեցան և 72 հոգիներ գանա-  
 զան աստիճանէ պատիժներու դատապարտուեցան, և որչափ ալ  
 Ափրիկէ աքսորուեցան և փախչելու դիւրութիւններ ունեցան,  
 սակայն դատապարտութեան ձայնը գործնականապէս համոզեց,  
 թէ այլևս կոտորածը ներհալ չէ, և իրօք ալ Եւդոկիոյ կոտո-  
 րածը վերջինն եղաւ, և 1894ին Տրապիզոնէ սկսած կոտորած-  
 ներուն շարքը փակեց: Սօսուն փաստ մը եղած էր նաև բան-  
 տարկուածներուն և դատապարտուածներուն ընդհանուր ներու-  
 մը, որով նախընթաց դեկտեմբերի մէջ 1200է աւելի անձեր ա-  
 զատ արձակուած էին, և մահուան դատապարտուածներուն



կեանքը շնորհուած էր: Ասոնցմէ չորս հատ ալ եկեղեցականներ  
կային, Եզնիկ եպիսկոպոս Ապահունի Կ. Պոլիսէն, Յակոբոս վար-  
դապետ Շահապողիան Բաղէշէն, Յուսիկ քահանայ Քաջունի Ա-  
րաբկիրէն և Վահան քահանայ Առյեան Տրապիզոնէն, որոց կա-  
տարեալ ազատութիւնն ալ ստացած էի, պատրիարքարանի հըս-  
կողութեան ներքեւ պահելու պայմանաւ, ուստի Գումգարութ  
դուրսի, Նառլըգարուի, Գարթալի եւ Գընալըի եկեղեցիներ  
պաշտօն վարելու կոչած էի. կեանքերնին շնորհուածներէն մը-  
նացեալներն ալ բանտարկութենէ ազատուելով Ափրիկեան Տրիպո-  
լիս փոխադրուեցան, ուր ազատօրէն կրնային շրջիլ և գործել,  
և քանիներ խոյս տալու դիւրութիւններ ալ դտան: Այդ միջոցին  
երեք հարիւր Քղեցիներու աշխատելու համար Կ. Պոլիս դառնալուն  
արտօնութիւնն ալ ստացայ, սակայն եկողներուն մեծամասնու-  
թիւնը անմիջապէս արտասահման երթալու և գլխաւորապէս  
Ամերիկա մեկնելու հետեւեցան:

Հայերու վրայ գործածուած բացառիկ դրութեան հետեւանքն  
էր անոնց Կ. Պոլիս դալուն դրուած արգելքը, մինչ հայաբնակ  
գաւառներուն համար պանդխտութիւնը կենսական պէտք մը ե-  
ղած էր: Տեղապահութեան օրով յատուկ շոգենաւներով պան-  
դուխտ Հայեր մայրաքաղաքէ վտարուած էին, ետ դառնալին  
ալ արգիլուած էր, եւ արտասահման խոյս տուողներուն առջեւ  
օսմանեան երկիրները փակուած էին: Թէպէտ աշխատեցայ կայսրը  
համոզել թէ արտասահման մնալով անտեղի ուղղութեանց կը վար-  
ժուին, իսկ Թուրքիա դառնալով հանդարտ ապրելու և շահելու  
կը հետեւին, և մինչեւ իսկ երաշխաւոր ըլլալ իսկ համարձակե-  
ցայ, սակայն անհնար եղաւ անոր երկիւզը փարատել, և արտա-  
սահմանէն դարձը դիւրացնել: Իսկ գաւառներէն մայրաքաղաք  
գալու խնդիրն մասին, համարձակօրէն պիտի ըսեմ, թէ շատ  
չափաւոր կերպով հետեւեցայ, մանաւանդ Քղեցւոց համար ըս-  
տացած արտօնութեանս արդիւնքը տեսնելէ ետքը: Հայաբնակ  
գաւառներու մէջ պաշտօն վարած և բաւական շրջած ըլլալով,  
խորունկ համոզում գոյացուցած էի, թէ պանդխտութեանց յա-  
ճախելը երկրին մեծագոյն չարիքն է, և թէ Հայկական Խնդիրն  
ալ կը տկարանայ հայաբնակ կոչուած գաւառներուն հայաբնակու-  
թեան հետզհետէ նուազելովը: Ուստի յատուկ գործ ունեցողնե-  
րու կամ առժամապէս տուրելադրի համար, եկողներու մասնաւոր

հրամաններ հանել տալու զանց չէի ըներ, իսկ ընդհանուր արտօնութեան համար շատ չէի հետապնդեր:

Այս էր վիճակը 1897 ամրան մէջ. յարաբերութիւնները մեղմացած էին, յոյզեր և ցոյցեր չէին հանդիպեր, և հետզհետէ աւելի բարւոքման յոյսեր կ'աճէին. սակայն այդ հանդարտութիւնը հաճելի չէր աղմկայոյզ կուսակցականներուն: Անոնց պահանջն էր որ Հայերու հանդէպ որեւէ բացառիկ կարգադրութիւն բացարձակապէս և իսկոյն դադարի, իրենց յոյսն ալ որեւէ շփոթ մը ծաղեցնել և կայսրը բռնական միջոցներու մղելն էր, որպէսզի եւրոպական տէրութիւններ առիթ ունենան միջամտելու և Հայկական Խնդիրը լուծելու և վերջացնելու: Բայց չէին իսկ մտածեր որ 1894-1896 տարիներու մէջ զոհուած երեք հարիւր հազար կեանքերը չէին կրցած եւրոպացիները շարժել և գործի մը դել, և անհիմն խոստումներով օրօրուելու պիջած էին:

Չորեքշաբթի օր մըն էր, 1897 օգոստոս 6 | 18ին, Ղալաթիոյ խորհրդարանը վարչութեան նիստին կը նախագահէի, երբ յանկարծ սուրբի ձայներ լսուեցան, և լուր տուելով իմացանք թէ Բարձրդուռը նախարարութեան ժողովարանին ներքեւ արձակուած էր, և չէնքէն մաս մըն ալ քանդուած: Կ'երեւի թէ նախարարական ժողովի օր ըլլալուն՝ նոյնիսկ ժողովարանն ու ժողովեալները մնասել ուզած են, սակայն չեն կրցած տեղը ճշգրել: Ժողովը թողլով իսկոյն արքունիք փութացի երթալ, և խնդրել որ յանցապարտները միայն փնտոռին և ժողովրդական ընդհանուր ձերբակալումներ և բռնութիւններ տեղի չունենան: Խընդրանքս ընդունուեցաւ, եւ ես չմեկնած բոլոր գործունեայ նախարարութեանց հեռապրական հրամաններ ղրկուեցան, և իրօք ալ 8-10 հոգիէ աւելի ձերբակալուեցան և ասոնցմէ ոմանք ալ շուտով արձակուեցան: Սակայն այդ յանկարծական դիպուածը այլայլեց իմ և վարչութեան հետեւած կայսրութիւնը, ցոյցի մը պատահարը մեր տուած ազնուութեան և ութն ամիսներէ ի վեր զօրացուցած դրութեան հիմերը քանդեց, կայսեր կողմէ մեր գործունէութեան և յաջողութեան մասին կազմուած վստահութիւնը տկարացուց, և մենք ալ մեր համարձակութենէն շատ բան կորսնցուցինք: Բայց կայսրը ամէն ակնկալութիւն և վստահութիւն չուզեց դադրեցընել, և մէկ դիպուածով կայսրութիւնը այլայլած կարծել, որուն նշանակ կրնայ սեպուիլ քանի մը օր ետքը, իւր պահակալութեան

տարեդարձին առթիւ, օգոստոս 19/31ին, օսմանիյէ շքանշանի  
 առաջին աստիճանը շնորհելը, իբրեւ քաջալերելու միջոց: Սա-  
 կայն ամէն առթի մէջ ես պարտաւոր եղայ աւելի զգուշաւոր  
 ճանպուհեակելի, երաշխաւոր ըլլալու չափ չհեռանալ, որով եւ  
 ակնկալեալ յաջողութիւններ նուազեցան, և կայսեր կողմէն զգու-  
 շութեան միջոցները շատնալու և սաստկանալու առիթ առին:  
 Այս փոփոխութեան պատճառը անոնք եղան, տիրապէս, որոնք  
 շտապողական ձեւերու և անօգուտ ձեռնարկներու աւելի սիրե-  
 ցին հետեւիլ, քան թէ պարագաները գործածելով օգտուիլ:

ԾԲ

Դաւնասկոս, 1918 յունուար 22/4 փետրուար ԲՇ.

Պատրիարքարանի ներքին կարգադրութիւնները յատուկ մը-  
 տադրութիւնս գրաւեցին առջի օրէն, ամէն ճիւղերու մէջ տես-  
 նուած պակասներէն մղուելով: Պատրիարքական փոխանորդը Գաբ-  
 րիէլ վարդապետ ձէվահիրճեանն էր, Աշրգեանի օրէն պաշտօնի  
 կոչուած, որ Դիմաքսեան և Չամիչեան տեղապահներու և Իզ-  
 միրլեան պատրիարքի օրով պաշտօնը պահած էր, և ես ալ զայն  
 անփոփոխ պահեցի 12 տարիներ, մանաւանդ թէ եպիսկոպոսու-  
 թեան ալ բարձրացնելու նախաձեռնարկ եղայ: Ձէվահիրճեան հա-  
 մեատ ու չափաւոր կարողութեան տէր, եւ մեծ գործեր իւրովի  
 ստանձնելու և վարելու չձգտող, իսկ շատերէ անբաւական անձ  
 նկատուած էր, ուստի ոմանք այնպէս կարծեցին թէ լոկ իւր  
 քեռորդւոյն, Նորատունկեան Գաբրիէլի, հաճելի ըլլալու համար  
 զայն պաշտօնի վրայ պահել ուղած ըլլամ, մինչ ես շատ հեռու  
 եմ եղած ուրիշին հաճելի ըլլալու համար անյարմար անձի գոր-  
 ծակցութեամբ նեղուելէ: Իմ տեսութեամբս փոխանորդ եղող ան-  
 ձը պէտք է որ նախաձեռնարկ գործունէութիւնը շունենայ, զըլ-  
 խաւորին յանձնարարութեանց և թելադրութեանց ճշգրտակի գոր-  
 ծադիր ըլլայ, համեստ կեանքով ու անչափասէր ուղղութեամբ  
 գործէ, իւր և իւր գլխաւորին պատիւը պահել գիտնայ, և յղուած

տեղեր յարգանք կարենայ վայելել: Ճկվանիրձեան ճշդիւ այդ անձն էր. նախաձեռնարկ գործունէութենէ զգուշանալը առաւելութիւն մըն էր, որով կրցած եւ ուզած եմ զայն փոխանորդ պահել իմ կամքիս հետեւելով, և ո՛չ եբբեք ուրիշի հաճելի ըլլալու միտքով: Իսկ եպիսկոպոսութեան բարձրադնելու մէջ նպատակս եղած է փոխանորդարանին տիրապէս Կ. Պոլսոյ առաջնորդարանին ձեւը տալ և առօրեայ գործերը այնտեղ ամփոփել:

Երկրորդ կարեւոր անձը պատրիարքարանի գործակատարն է, և պաշտօնի վրայ գտնուող Աբրահամ Ֆրէնկեան էր, հինաւորաց պաշտօնեայ, արդէն ծերացած, և իւր գործին ժրութեամբ հետեւելու անբաւական դարձած, սակայն անհնար էր զայն վոխել, մինչև որ պատուաւոր կերպով հանգստեան կոչուելու միջոցը գտնուէր: Այս պատճառով Քաղ. Ժողովոյ անդամներէն Տիգրան Տէր-Ներսէսեան բաւական ժամանակ իբրև օգնական գործեց, և երբ Ֆրէնկեան պետական թոշակով հանգստեան կոչուեցաւ, Տէր-Ներսէսեան իբր յաջորդ սկսաւ շարունակել, Յարութիւն Տատեան ատենապետի պաշտպանութիւնն ալ վայելելով: Տէր-Ներսէսեանի գործունէութիւնը քաւարար էր, սակայն անձնական շահեր մշակելու գրոյցները հետզհետէ կը շատնային, եւ միշտ ինծի կը մղուէին, զի քեռայրիս՝ Միհրանի եղբայրն էր: Ուստի ես իսկ նախաձեռնարկ եղայ, որ պաշտօնէութեան և ժողովականութեան իրարու հետ անյարմարութիւնը զգուշացնել տալով՝ նոր գործակատարի ընտրութիւն կատարուի, եւ ուր ուրեմն 1903 մարտ 5/18ին պաշտօնի կոչուեցաւ Արիս Ֆէսճեան, որ Արտաքին Գործոց պաշտօնէութենէ յառաջ եկած Կալայի փոխհիւպատոս կը գտնուէր: Ֆէսճեան թէ՛ կարողութեամբ եւ թէ՛ ուղղութեամբ արժանաւոր գործակատար և ներկայացուցիչ եղաւ ազգային պատրիարքարանին:

Շատ խօսքեր դարձած են պատրիարքարանի զիւանական պաշտօնեաներու մասին, իբր թէ ապիկար և ծոյլ անձեր ըլլան, ուստի ստէպ կը կրկնուէր ընտրագործում ըստածը, որ է հիմնովին փոփոխել ամէնն ալ, և նորեր բերել անոնց տեղը: Ես այդ համոզումը չունեցայ, զի ընդհանրապէս փորձառու անձեր էին, անհատական շահասիրութեան հետեւողներ չէին, իսկ ծուլութիւն ըստածը հետեւանք էր գլուխը գտնուողներուն կարգով ու կանոնով գործածել չգիտնալնուն: Պաշտօնեաներուն բոլորն ալ

կանուխէն ինծի մօտէն ծանօթ անձեր էին, որով երբեք փոփոխելու գաղափարը չունեցայ, թէպէտ գիտէի թէ գործեր ըստ արժանւոյն չեն յառաջեր պարզապէս գործածուած ձեւերուն անյարմարութենէն: Ուստի այդ կէտին դարձուցի մտադրութիւնս դիւանական գործառնութեանց մասին ունեցած վարժութեամբս: Պատասխանատուութիւնները ճշդելու համար գործառնութեանց ճիւղերը բաժնեցի, դիւանի ընդհանուր վարչութիւնը ինծի վերապահելով: Երկու գլխաւոր դիւանները եղան վարչականը և յարաբերականը, առաջինը ժողովներով և ընդհանուր գործերով, և երկրորդը կառավարական գործերով և պետական լեզուով զբաղող, առաջինը Բարթող Թելեանի և երկրորդը կարապետ Սաչատուրեանի գլխաւորութեամբ, որոնց գիւանապետ անունը տուի: Միւս ճիւղերը եղան կրօնականը, արձանագրութեանը, հաշուականը և անցագրատանը, որոց գլխաւորները տեսուչ կոչուեցան. իսկ միւս պաշտօնեաներէն ոմանք գիւանադպիր և ոմանք զբաղիր նշանակուեցան, ըստ որում կրնային խմբագրել կամ ոչ: Փոխանորդարանին և Դատաստանական Սորհուրդին յատուկ գիւանադպիրներ տրուեցան: Ամէն հասնող թուղթ իմ ձեռքէս անցնելով կը մակագրուէր, և արձանագրութեան դիւանի մէջ կը նշանակուէր, և հաւեն ալ կնքուելու ձեւով պատրաստուած տարազը կոխուելով կը լեցուէր, և նշանակեալ տեղը կը յղուէր: Սառն և կրօնական և Քաղաքական ժողովներու ղրկուածներուն օրակարգի ցուցակը ես ալ կը պահէի, որպէսզի Վարչութեան ըրածին ու ընելիքին տեղեկութիւնն ունենամ, և ըստ այնմ կարգադրեմ, և ատենապետութեան ես օժանդակեմ: Թուղթերը երբեմն ի պատասխանի և երբեմն ի բացատրութիւն կը մակագրուէին, և պէտք էր որ գործադրութիւնը երրորդ օրէն անդին չանցնէր, եթէ այլապէս մակագրուած չէր: Աննշանակ գիրեր ի պահ կը մակագրուէին. թէպէտ քիչ անգամ կը գործածէի այդ մակագրութիւնը՝ դիմումները անպատասխանի չթողլու նպատակով:

Նախորդ պատրիարքները սովորութիւն ունէին պատրիարքարանի հաշուոյն իրենց անձնական սպասաւոր մըն ալ պահել. ես այդ պաշտօնը ջնջեցի, պատրիարքարանի մէջ սենեկապանը և պատրիարքարանէ դուրս բարապանը բուական էին ամէն ըսպասաւորութեանց: Անոր տեղ անձնական դիւան մը կազմեցի երկու նորահաս դպրեվանքցիներով և ի հարկին ուրիշ նորահաս

ներով, որոնք մէկ կողմէ ձեռքէ գրուելիք պատասխանները, շը- նորհաւորութիւններն ու շնորհակալութիւնները կը պատրաստէին եւ կրօնական դիւանին կ'օգնէին, եւ միւս կողմէ գաւառական պաշտօններու չելած՝ պաշտօնական գործոց ընթացքը կը սովորէին: Երկու յատուկ հրահանգներ պատրաստած եւ տպագրութեամբ ցրուած էի, մին պատրիարքարանի դիւանին գործունէութեան կերպերը ցուցնող, և միւսը գաւառներէ կեդրոնին յղուելիք վը- րութեանց ձեւերը բացատրող: Վերջինին մէջ յատկապէս հրա- մայած էի գովաբանութեանց և աւելորդաբանութեանց և սիրա- շարժելու համար դիզաբանութեանց և եղելութեանց մասին վը- նահատութեանց չմտնել, այլ իրողութիւնները լոկ պատմաբանօ- րէն գրել, անձի, տեղւոյ, անգամի, չափի եւ այլ պարագայից մասին ստոյգ և յստակ տեղեկութիւններ առլ, և այդ չափաւո- րութեանց ներքեւ որևէ ձախող դիպուածներ ալ գրելէ չվախնալ:

Տեսուչ խորհուրդներու օրինական ձեռնհասութիւնը գործա- դրական տեսակէտէն խիստ չափաւոր ըլլալուն, իրենց կը թո- դուի քննութեանց և զննութեանց և մասնաւոր պարագայից մէջ ազատարար դործել, իսկ ընդհանուր որոշումներ և տեւական կարգադրութիւններ Վարչութենէ չանցուցած և վաւերացում չստացած գործադրութեան չգնել և որոշումնին իբր առաջարկ Վարչութեան ներկայել: Այդ կերպով վարչական տեսակէտէն կատարեալ համաձայնութիւն գոյացած էր, և փոխադարձ ընդ- հարումներու առջևը կ'առնուէր:

Ներքին կարգադրութեանց մէջ գլխաւոր տեղը կը բռնէր շին- ուածն ալ: Գումգարուի պատրիարքարանը Պէգճեան Յարութիւն ամիրայի ժամանակէն շինուած մըն էր, որ հոյակապ կամ վայե- լուչ ըսուելու արժանիքը չունէր այլեւս, այլ հնութեան պատ- կառելի կերպարանը բաւական էր զայն յարգելի ընել, եւ ես բա- ցէ ի բաց հեռացուցի նոր պատրիարքարան շինելու գաղափարը: Բաւական էր որ մաքրութեան և ընդարձակութեան խնամ տար- ուէր: Վերջին պահանջին համար յօգուտ գործածեցի վերջերը գնուած Փափազեան Ճանիկ ամիրայի յարակից տունը, զոր ան- հրաժեշտ նորոգութիւններով ամբողջապէս դիւանատան վերածե- ցի, եւ երկու սենեակներու մէջ փակուած ճիւղերը յատուկ սեն- եակներ փոխադրեցի, և յարմար անցքերով հին շէնքին միացու- ցի, և դիւաններու պահանջը առաւելօքը լրացաւ: Իսկ հին շէն-

քը ամբողջապէս մնաց պատրիարքին և փոխանորդին և ժողովներուն, և նոր օրմաթղթերով, նորոգեալ կարասիներով, վայելուչ գորգերով, և վարագոյրներով և ինչ ինչ փոփոխութիւններով գոհացուցիչ վիճակի վերածուեցաւ: Գլխաւորապէս հոգ տարուեցաւ մեծ սանդուխին սկզբնաւորութիւնը փոխելու, միջոցին սենեակը վերցնելու, ապակեփեղկ աւելցնելու, և մուտքի բակն ալ նորէն սալարկելու. իսկ ծախքն ալ յատուկ հանգանակութեամբ հոգացուեցաւ: Մեծ սրահին մէջ ալ վերջին պատրիարքներու պատկերները պատրաստուեցան եւ շարուեցան՝ Զաքարիարկազղոսանցիէ սկսելով, եւ եղած նորութիւնները յարատեւ պահելու համար պէտք եղած միջոցները ձեռք առնուեցան: Պատրիարքին շարունակ երթեւեկներուն համար ամսական վարձքով յատուկ կառք ունենալու սովորութիւնը պահուեցաւ: Շէնքին արտաքինն ալ վայելուչ ցուցնելու չափ նորոգութիւն աւելցաւ, իսկ պատրիարքարանի եւ Երուսաղէմատան մէջտեղ գտնուող անակը բոլորովին քակուեցաւ: Այս անակն ու Ճանիկի տունը աղքատներու բնակարան դարձած էր, որոնցմէ իրօք կարօտներուն այլուր բնակարան հայթայթուեցաւ, իսկ առանց կարօտ ըլլալու նստողները դուրս հանուեցան:

Ներքին կարգադրութեան մասին հատուածը պիտի փակեմ Ռոպէր Եազըճեանի մասին տեղեկութեամբ, զոր ես մօտէն կը պահէի, թէպէտ շատերու աչքին կասկածաւոր անձ մը երեւցած էր: Իրաւ է որ Եազըճեան տմէն կողմին մուտ և ել գործող, եւ տարբեր անձերու մտերիմ եղող անձ մըն էր, որ կրնար իւր գործունէութեան մասին կասկած հրաւիրել. սակայն կանուխէն տընական բարեկամ եւ ինծի անկեղծ բարեացակամ մը եղած ըլլալով, օգտակար ըլլալու իղձ ու կամք ունէր, որով իւր տեղեկութիւններէն և փափաքուած տեղեկաբերութիւններէն մեծապէս կ'օգտուէի ես՝ իմ ձեռնարկներու ատենն ու կապը ճշդելու, և կամ կարեւոր տեղեր թելադրութիւնները հասցնելու համար: Վարչութեան մէջ գտնուողներ գիտեն, թէ իրենց յաջողութեանց զօրագոյն ազգակը շուրջը գտնուողներու մտայնութեանց և պատրաստուած իրողութեանց, և դեռ չեղած եղելութեանց գիտակցութիւնն էր, զի հրապարակ չելած խնդիրներու ծանօթութեան հիմնուելով՝ կրնայ իւր նախազգուշաւորութիւնները կարգադրել, արգելքները խափանել, դիւրացուցիչ միջոցներով

ձեռնարկել, և որևէ դիպուածի առթիւ յանկարծականի չմատուցուիլ: Այդ մեծ օժանդակութիւնը ես Յազըճեանով գտած եմ: Կը վկայեմ թէ ազգին վնասակար ձեռնարկ մը իրմէ եղած չէ, ինչ ալ ըլլայ կամ կարենայ եղած ըլլալ իւր վերաբերումը օտարներու հանդէպ կամ օտարներու մասին: Նա ինծի համար, իմ պաշտօնիս համար, իմ գործերուս համար, հաւատարիմ եւ անկեղծ օգնական մը եղած է, և զայդ համարձակ կը յայտարարեմ, գայթակղեալ միաքեր, եթէ կան, բուժելու և հանգարտելու նըպատակով:

Երևան  
 1918 թ. 10 ամի 23 ցր.  
 Կարապետ  
 Կարապետ

ԾԳ

Դաւնասկոս, 1918 փետրուար 10/23 Ծք.

Ինչպէս կանխաւ յայտարարեցի, պատրիարքութեանս մասին այլուր ալ բուռական գրած եմ, և այստեղ գրելիքներս յաւելուածական և լրացուցիչ յօդուածներ միայն պիտի ըլլան, և ինչ ինչ նիւթեր ընդհանուր կերպով շօշափել պիտի պարտաւորուիմ: Եւ նախ հետաքրքրական կը դատեմ երկու խօսք ընել Ապտիւլ-համիտ կայսեր Հայոց նկատմամբ ունեցած տեսութիւնը պարզելու: Համիտի վարչական կարողութիւնը անվիճելի էր. ուշիմ հետապնդութիւն, խորաթափանց տեսութիւն, անմուտց յիշողութիւն, անխոնջ աշխատութիւն, դիպուածոց ուսումնասիրութիւն, պարագայից հետազօտութիւն իւր առաւելութիւններն էին, որով տիրապէս տիրապետող իշխանութիւն կը վարէր: Ես սովոր էի կրկնել թէ կայսերական գահին երեք ոտքերը ամուր և հաստատուն էին. վեհապետին անհատական կարողութիւնը, արտաքին քաղաքականութեան մէջ ճարտարութիւնը, նիւթական միջոցներու վարպետ կիրառութիւնը, իսկ ուր որ Համիտ կը թերանար, իւր հպատակներուն հանդէպ բռնած ոճն էր: Ապտիւլաղիլի եղերական վախճանէն եւ Մուրատ Ե.ի դժբախտ պարագայէն ետքը գահակալելը, կամ, ինչպէս նախարարներէն մին կ'ըսէր, երկու գիակներու վրայ կոխելով գահ բարձրանալը զինքն տարապայ-



ման կասկածոտ, իւր կեանքին համար երկչոտ, անձնականին համար վարանոտ դարձուցած էր, և ծայրայեղութեան հասուցած էր իւր ըստինքեան խիստ բնաւորութիւնը: Զսպել և միայն զըսպել եղած էր իւր ներքին կառավարութեան ոճը, շահիլ և սիրուիլ բոլորովին օտար էր իր միտքէն, և այս էր կայսերական գահուն կաղացող չորրորդ ոտքը: Եթէ Համիտ փոխանակ ժողովուրդը զսպելու և ահաբեկելու՝ զայն շահելու ոճը ընդգրկած ըլլար, եւ ինչ որ օտարներու կը շոտչէր գրուելու համար, իրեններուն հանդէպ ալ գործածած ըլլար սիրուելու համար, իւր բազմաբեղուն միտքին արդիւնաւորութեամբ սիրելի և պաշտելի վեհապետ մը կրնար եղած ըլլալ:

Այդ ընդհանուր մտայնութեան մի ճիւղաւորումն էր Հայերու հանդէպ գործածած խստութիւնը: Համիտ խորապէս համոզուած էր թէ Հայեր օսմանեան իշխանութենէն ապստամբիլ կ'աշխատին, և թէ Հայեր կրնան իւր կեանքը դաւաճանել: Ապստամբութեան գաղափարը եղջերուաքող մըն էր, զի վարժապետեանի օրէն սկսելով բարձրացած աղաղակը և բանաձևուած նպատակը բարեկարգութիւնն էր, որպէսզի հայաբնակ գաւառներն ալ վայելեն կեանքի և ինչքի և պատիւի ապահովութիւնը: Երբեք օտար տիրապետութեան անցնելու փափաք չյայտնուեցաւ, և ինքնուրոյն կառավարութեան խօսքն իսկ չեղաւ: Եթէ Հայերը լոկ հայաբնակ նահանգներու խօսքը կ'ընէին, և ոչ բովանդակ օսմանեան նահանգներու, բնական էր որ հայ տարրը ուրիշ տարրերուն ալ հոգը չստանձնէր, միանգամայն յայտնի էր որ հայաբնակ անունով կոչուած Հայաստանի նահանգներուն հետ բաղդատմամբ, ուրիշ նահանգներու վիճակը տանելի կրնար ըսուիլ: Եթէ Հայերու մէջ զինուելու շարժում մըն ալ առաջ եկած էր, ամէն պարագաներ ակնյայտնի կը ցուցնէին թէ նպատակը աւազակային տարրերու դէմ անձնապաշտպանութենէ անդին չէր անցներ, և քանի մի հարիւր հրացանով ապստամբութիւն փորձել հնար չէր, նոյնիսկ եթէ հազարի ալ հասնէր: Իսկ Համիտի կեանքին դաւաճանելու գաղափարը երբեք Հայուն միտքէն անցած չէր, և փորձն ալ եղած չէր, որ կասկած ստեղծէր: Բարձր դասն մէջ պայթած 1897 օգոստոս 6/18ին ռումբը կայսեր անձին հետ բնաւ կապակցութիւն չունէր: Իսկ Երլտրզի բացավայրին մէջ պայթած ռումբը, ոչ միայն ժամանակով շատ յետնորդ

էր, որ նախորդ գործողութեանց պատճառ չէր կրնար ըլլալ, այլև իմ հետազօտութիւններս ու տեղական զննութեաններս զիս հաստատուն համոզման հասուցած են, թէ ան ո՛չ միայն Հայոց նախաձեռնութեամբ Համիտի կեանքին դէմ պատրաստուած մահափորձ մը չէր, այլ պարզապէս Նէճիպ Մէլհամէի ձեռքով կազմակերպուած թատերախաղ մըն էր, որ Պելճիացի Փօրիսի միջնորդութեամբ կրցած էր հրապուրել եւրոպական անուններով ծպտեալ քանի մի արկածայոյց Հայեր, այդ անգոյն խաղը խաղալու, որ Համիտի անձին շուրջը համակրական ցոյցեր պիտի պատճառէր: Ետտ արտայայտիչ նշաններ են գլխաւորապէս ուսմբին պայթած տեղէն մինչև Համիտիյէ մզկիթին դուռը եղող 200 մէդրի մօտ հեռաւորութիւնը, եւ բարձրութեանց 20 մէդրէ տեղի տարբերութիւնը, կայսերական հետևորդներէն ոչ ոքի վնասուիլը, ուսմբը պարունակող կառքին շուրջը գանուող կառապաններէն և ձիերէն քանիններուն միայն սպաննուիլը և վիրաւորուիլը, տեղ մը կանդ չառնող և սրարչաւ կառքով ճամբայ կտրող Համիտի՝ այն օր առաջին ու միակ անգամ ըլլալով մզկիթին դրան տօջեւ խօսակցելու կենալը, և պայթիւնի վայրկեանին առանց սարսելու աստուածային պաշտպանութեան վրատահութիւն յայանելը, և ամբաստանուած ու դատապարտուած Փօրիսին Նէճիպ Մէլհամէի կողմէ ախրեղի բարեկաւն (Mon cher ami) կոչմամբ գրկախառն ողջունուիլը. թո՛ղ ուրիշ պարագաներն ու պատահարները: Հետևաբար Հայոց կողմէ Համիտի կեանքին դէմ դաւաճանութեան գողափարը պարզապէս ճարտար կեղծիք մըն էր, եթէ միամիտ խաբկանք չէր, և այդ անգոյ ենթադրութեանէն յառաջ եկած կարգադրութիւնները ստուերին դէմ մաքառելու կերպարանն ունէին: Գիտեմ որ հայ կուսակցականաց կողմէ մերթընդմերթ շինծու ահաբեկիչ լուրեր Համիտի հասած են, սակայն այն ալ խաղ մըն էր, կասկածոտ կայսրը յուզելու և բուն միջոցներու յորդորելու, որով կը կարծէին թէ եւրոպական մեծ տէրութիւններ պիտի շարժուին եւ պերլինեան ՅԼԻԴ յօդուածին գործադրութիւնը բռնի պիտի իրականացնեն:

Հայոց դէմ գործածուած քմահաճ կարգադրութեանց նշանակութիւնն իսկ կը հաւաստէ, թէ անոնց ամէնքը կասկածի ու վախի հետևանքներ էին: Տեղապահութեան օրէն Կ. Պոլիս գլխաւորապէս գաւառացի պանդուխտները խմբովին իրենց երկիրները

դարձուած էին, գաւառացիներու Կ. Պոլիս գալը բացարձակ ար-  
 քելքի ենթարկուած էր, օտարներու հետ յարաբերութիւնն ունե-  
 ցող կամ երթեւեկով յարաբերութիւններ գոյացնող զբաղումներ  
 Հայոց առջև փակուած էին, արտասահման ապաստանող Հայե-  
 րուն օսմանեան երկիրներ վերագործը անհնար դարձած էր, մէկ  
 խօսքով՝ դուրսիները հեռու եւ ներսիները ճնշուած պահելու  
 մտայնութիւնն էր որ Հայերու վիճակը կը ծանրացնէր. նոյնիսկ  
 հրամայեալ կոտորածները, որոնք 1894-1896 իբր երեսուն բիւր  
 Հայերու արեւը կտրճեցին, Հայերը ահաբեկելու, Հայերը նուա-  
 զելու, Հայերը տկարացնելու նպատակը ունէին: Հայը Համիտի  
 աչքին ահարկու զօրութիւն մըն էր, որ զինքը կը սարսափեցնէր,  
 և որուն ազդեցութենէն և ձեռնհասութենէն պաշտպանուիլ կը  
 ջանար: Լսուած է թէ կը վախնար որ Հայեր օգտապարհիկով Երլ-  
 տրզի սպառնան, և անոր համար շարունակ իւր ննջասենեակը  
 կը փոփոխէր. կամ թէ աւաններէ սողոսկելով Երլտրզի արքու-  
 նիքը մտնեն, և անոր համար աւանները երկաթեայ հաստ վան-  
 դակներով ամրացուցած էր: Հայը ըստ ինքեան տկար և միջոց-  
 ներէ զուրկ և յեղափոխական շարժումներու անզօր տարր մը եղած  
 ատեն, դարմանալի է որ Համիտի վրայ այսքան ուժդին տպաւո-  
 րութիւն մը գործած ըլլայ, սակայն նախապաշարեալ գաղափար-  
 ներ եւ նախազրուեալ տեսութիւններ ո՛չ արամաբանութիւն կը  
 ճանչնան և ո՛չ իրականութիւն կը զննեն, այլ պարտաւորիչ՝ դոգ-  
 բունադատիչ՝ երեակայութեան հեռանքներ են, որոց մասին ո՛չ  
 պատճառաբանելը ներեալ է և ո՛չ փոփոխելը հնարաւոր է:

Իմ այս տեսութիւնները թերևս ոմանց յեղակարծ եւ ուրիշ-  
 ներու յերկրուած երեւնան. սակայն ես այն գաղափարը կազ-  
 մեցի տասուերկու տարի մօտէն շփումներով, եւ ոչ լոկ վարչա-  
 կան՝ այլև հոգեբանական երևոյթները ուսումնասիրելով: Իբրեւ  
 ինծի յանձնուած ազգային պաշտպանութեան պաշտօնին պար-  
 տաւորութիւն՝ ջանացի Համիտի միտքէն այդ ըմբռնումները հե-  
 ոացնել, և իբրև դարման՝ կրկին և կրկին թելադրեցի մէկ կողմէ  
 Հայերու տեղափոխութեան արգելքը վերցնել, և արտասահման  
 գտնուողները իրենց տեղերը դառնալու գիւրութիւն ընձեռել,  
 իբրզի արտասահման մնալով թէ՛ կոտորածներէն զգացած զայ-  
 րոյթնին կը սաստկանար, և թէ՛ եւրոպական ազատ կեանքին հետ  
 շփուելով՝ համարձակութիւննին կը շատնար, ուր ընդհակառակն

իրենց ծննդավայրը դառնալով եւ քիչուշատ ընտանեկան դիւ-  
րութիւններ տեսնելով՝ զզացումնին կը քաղցրանար, եւ իրենց  
աւանդական կեանքը շարունակելով և աշխատութեանց նուիր-  
ուելով՝ սիրտի ու միտքի հանդարտութիւն կը ստանային: Մինչև  
իսկ աստիճան մը երաշխաւորութեան յանձնառութիւն ներկայե-  
լու համարձակեցայ: Սակայն անհնար եղաւ Համիտը այդ որոշ-  
ման յանկուցանել. այնչափ մեծ էր անոր միտքին մէջ Հայերէ  
զզացած երկիւղը, որ կը կարծէր թէ ամէն արտասահմանէ դար-  
ձող հայ իր կեանքին դէմ ուխտեալ դաւաճան մը եղած ըլլար,  
որուն ներկայութիւնը յարտաւ վտանգ կրնար սպառնալ:

Աւելի առաջ ալ երթալով պէտք է յայտարարեմ, թէ Հա-  
միտ նոյնիսկ իմ վրայ անկասկած վստահութիւն չունէր. 1882ի  
Կարնոյ տազնապին յիշատակը և իմ վրաս խօսուած կասկածը  
իւր միտքէն հեռացած չէր, որչափ ալ խնդիրը պաշտօնապէս  
փակուած ըլլար: Եւրոպական կրթութիւն առած, եւրոպական  
կեանք վարած, և եւրոպական սոցալ յարաբերութիւններ ունե-  
ցած ըլլալս իր միտքին վրայ կը ներգործէին, կուսակցական  
խումբերուն եւ պետերուն հետ շփումներ ունենալս ալ գիտէր,  
և եթէ այս գիտակցութիւններով մէկտեղ զիս մօտէն բռնել կ'աշ-  
խատէր, պատճառը պարզապէս իմ վրայ խոհական և կշռադատ  
ընթացք մը տեսնալն էր, որով անխորհուրդ և աննպատակ ձեռ-  
նարկներէ հեռու կը մնայի, եւ միւս կողմէն կը կարծէր թէ իմ  
խօսքս կրնար ընդունելութիւն գտնել զինքն անաբեկող շարքե-  
րուն վրայ: Զիս մօտէն բռնելու միջոցներէն մէկը շքանշաննե-  
րով զիս շփացնել աշխատիլն էր, զի 1896 գեկտեմբեր 29|10  
յունուար 1897ին առաջին աստիճանի մէճիտիյէ շնորհելէն ետքը,  
1897 օգոստոս 19|31ին առաջին աստիճանի օսմանիյէ, 1901 գեկ-  
տեմբեր 8|21ին իմթիյոյի արծաթ եւ ոսկի մետաղներ, եւ 1902  
ապրիլ 2|15ին ականակուռ օսմանիյէ շքանշանները շնորհուեցան,  
թէպէս ես անոնցմով երբեք ազդային շրջանակի մէջ չզարդար-  
ուեցայ: Վերջերը ականակուռ մէճիտիյէի խոստումն ալ պաշտօ-  
նապէս հաղորդել տուած էր եւ 1900 յունուար 10|22ին Պարսից  
շահին կողմէ շնորհուած առաջին աստիճանի շիրուիուրչիտ շք-  
քանշանին կիրառութեան արտօնութիւնը ինքնաբերաբար հա-  
ղորդեց: Ուրիշներուն համար ալ խնդրուած աստիճանի և շքա-  
նշանի տուչութիւնները անմիջապէս եւ առանց նախաքննու-

Թեան կը հրամայէր, որոց թիւը 200ի մօտեցաւ կը կարծեմ, և անգամ մը, 1903 օգոստոս 18/31ին 47 անձանց միանգամայն : Վարչական ժողովականներէն և գլխաւոր պաշտօնեաներէն զատ, յատուկ մտադրութիւն դարձուցած եմ գաւառներու մէջ պաշտօնավարող առաջնորդներու և տեղապահներու և կառավարական ժողովներու անդամակիցներու ղիրքը բարձրացնելու և ազդեցութիւննին աւելցնելու համար պետական պաշտօնով մը ճախացնել : Դուրեան Աւոնդ և Պալազեան Գրիգորիս նորահաս վարդապետներն ալ, պատրիարքարանի քարտուղարութեան մէջ գտնուած ատեննին, նոյն առաւելութիւնը ունենալ փափաքելնուն և ինէ ընդունելութիւն չգտնելնուն վրայ ցուելով, հրատարելիս ետքը իմ մասին վատաբանելու և մինչև իսկ՝ վրէժխընդրական ղիտմամբ՝ պաշտօնապէս ամբաստանող կանգնելու համարձակեցան, սակայն իմ նպատակս եղած էր ընդհանուրին օգուտին տեսակէտէն առաջնորդուիլ իմ ձեռնարկներու մէջ :

Ապտիւլհամիտ կոյսեր ինծի հանդէպ գործածած միջոցներէն մէկն ալ, նիւթական խնդրանքներու մասին ղիւրամատոյց ըլլալն էր. բաւական էր որ իր քաղաքագիտական տեսակէտին հակառակ առաջարկ մը չներկայուէր : Ըստ այսմ կատարածներու պատճառած կարօտելոց և այրեաց և որրոց նպաստին համար հանգանակուած 83,000 օսմ. ոսկւոյ գումարէն իբր 5000ը պետական սնտուկէն և արքունիքէն հայթայթուեցան, թէպէտ միւս կողմէն առանց կառավարական արտօնութեան հանգանակութիւն կատարելու համար ղիտողութիւններ պակաս չէին, որոց կը պատասխանէի թէ ողորմութիւն բաշխել և բաշխելու համար հաւաքել եկեղեցական կոչումէս անբաժան է, և միայն պաշտօնական ձեակերպութիւններէ կը զգուշանայի : Կարօտ և ուսումնատենչ տղաքներէն 25 հաս դանազան պետական վարժարաններ գետեղելու հրաման ըրաւ 1898 ապրիլ 15/27ին, և 10 տղայ ալ Սուլթանիյէ բարձրագոյն վարժարանը ընդունուեցան 1900 սեպտեմբեր 10/23ին : Հիւանդանոցի շնորհուած պարէնը օրական 600 քաչ հացի և 150 քաչ միսի բարձրացաւ 1898 օգոստոս 20/1 սեպտեմբերին նախապէս ստացուածը եռապատկուելով : Գալֆայեան որբանոցը ընդարձակելու համար պակից եղող ձէզայիրլեան ապարանքը շնորհուեցաւ իւր ընդարձակ պարտէզներով 1908 մայիս 6/19ին, որ ժամանակով յարքունիս գրաւուած էր

Ճէզոյիրըեան ամիրայի պարտքին փոխարէն: Մասնաւոր նուէրներ ալ պակաս չեղան, գործընակ 200 ոսկի պատրիարքարանի անտուկին՝ 1902 յուլիս 2|15ին, 100 ոսկի ալ հիւանդանոցին՝ 1904 նոյեմբեր 11|24ին, և 100 ոսկի Գալֆայեան որբանոցին՝ 1905 նոյեմբեր 28|11 դեկտեմբերին:

Համիտ կը կարծէր թերևս այս նիւթական շնորհներով բողոքները դադրեցնել, սակայն տուչութիւնները ստանալով ալ երբեք գանգաւ ու բողոք չդադրեցուցի, և հրաժարելու ու քաշուելու թէական յայտարարութիւններն ալ պակաս չըրի, և համարձակ կրնամ վկայել թէ աւելի ևս զինքը սախակցի չափաւորութեան և բռնական միջոցներու ընդհատման, քան թէ ինքն զիս իւր կամաց համակերպութեան: Յայտնի իրողութիւն մըն է թէ պատրիարքութեանս միջոցին շնորոգուեցան կոտորածի, թաւանի, խմբովին աքսորի, և նմանօրինակ արկածներ, որոնք առաջ տեղի ունեցած էին և ետքէն ալ կրկնուեցան:

ԾԴ

Դամասկոս, 1918 փետրուար 11|24 կիր.

Աւուրս յիշատակը կ'արդարացնէ զիս անշուշտ խոհի ու խօսքիս ընթացքը ընդհատել, և միջանկեալ յօղուած մը նուիրել կենացս տարելիցին: Այսօր, 1918 փետրուար 11|24, երեկոյեան արև մտնելէն երեք ժամ ետքը, 77րդ տարելիցս կը լրանայ եւ 78րդ տարւոյն կը մտնեմ: Երեք ամիսէ ի վեր Դամասկոս կը գտնուիմ, եւ վանատան մէկ փոքր սենեակին մէջ առանձնական կեանք կը վարեմ, անձիս և սենեակիս մանր ծառայութիւններն ալ իւրովի կատարելու պայմանին ներքև: Սահակ վարդապետ Աստուածատուրեան որ Երուսաղէմի մէջ զիս կը յանձանձէր եւ միասին գալու յանձնառու եղած էր, վերջին վայրեանին միտքը փոխած և տեղէն չէ շարժած, թէպէտ բացակայութեան վնասը շատ չէ, զի արտաքին հոգածութեանց համար շատ ընդունակութիւն չունէր, իսկ ներքին հոգածութեանցը համար իմ ընե-

լիք ծախքերս եւ զինքն պահելու պարտքս շատ աւելիի պիտի նստէին սա նեղ պարագաներուն մէջ: Յատուկ զբաղման համար միջոցներ պակսելուն, իբրև ժամանցի միջոց, սոյն Խոհիկն ու Խօսիկն ձեռք առի, զոր երեք տարի առաջ Երուսաղէմի մէջ սկսած էի, և յետոյ աւելի լուրջ գրութեանց զբաղելով բարձի թողի ըրած էի, իսկ ներկայիս կարեւորագոյնը պակսելուն կարեւորութեան երեւոյթ ստացաւ:

Առողջական վիճակս Դամասկոսի խոնաւ օդէն և այս տարուան ձմեռնային բացառիկ ցրտութենէն աննպաստ կերպով ազդուեցաւ. առաջները իբր ամիս ու կէս փորհարութեամբ նեղուեցայ, եւ վերջերս յունուար 23/5 փետրուարին պարբերական տենդ ալ ունեցայ, եւ տակաւին ապաքինման վիճակի զգուշաւորութեանց ներքև կ'ապրիմ: Թէպէտ քիչ ու շատ կազդուրուած՝ Այնթապցի Մովսէս Պապիկեան բժշկապետի խնամոց և Դպրեվանքցի Խաչատուրեան Գարեգին վարդապետի հոգածութեանց շնորհիւ: Այս տկարութիւնները անցաւոր են, իսկ կազմական առողջութիւնս տակաւին նպաստաւոր նշաններ կը ներկայէ: Բժիշկ Պապիկեան յունուար 19/1 փետրուարին ներքին կազմա մանրագնին քննութեան ենթարկելով, կենսական գործարանները, սիրտը և թոքը և երիկամունքը կատարեալ և կանոնաւոր վիճակի մէջ և տարիքիս համեմատութեամբ բացառիկ լաւ աստիճանի մէջ գտաւ, այնպէս որ զգուշաւոր կեանքով մը եւ պատահական արկածներու բացառութեամբ՝ քսան տարի մը եւս առողջ վիճակով ապրելու հաւանականութիւնը հաստատեց: Ստամոքսի և աղեաց կազմական կանոնաւոր վիճակն ալ հաստատեց, թէպէտ մարսողական ոյժը նսւազած, ինչ որ սնունդի առարկաներուն չափաւորութեան և թեթեւութեան պէտքը կը ծնուցանէ: Ատաբազարցի Անդրանիկ Կէնճեան բանասէրն ալ, որ ձեռաց օփի գիծերը հմայելու մարմաջով կը զուարճանայ, ութսունի մօտ նոր մեծութիւն և նոր փառաւորութիւն ունենալիքս կը գուշակէ եւ կը պնդէ, որ եթէ միտքի համոզիչ ալ չըլլայ, ահանջի ախորժ կը հնչէ: Ասոնց հետ մտաւորական վիճակս ալ բնաւ թերի կողմ մը չներկայեր, այնպէս որ ամենուն բերանն է՝ թէ շատ ապրած ես, բայց ծեր չես, և տարէց երիտասարդ մըն ես:

Ինչ որ իմ վրայ տկարացած են՝ արտաքին զգայարանքներն են, և յատկապէս տեսողութիւնն ու լսելութիւնը, որ եթէ աշ-

խատութեանց և անսակցութեանց համար կարեւոր թերութիւններ են, սակայն դրական աշխատութեանց հետեւելու վճռական արդիւք չեն դներ: Երուսաղէմ եղած միջոցիս Ազգասպասուանիս երկհատոր հրատարակութեանը երրորդ հատորն ալ պատրաստեցի, եւ պատմութիւնը մինչեւ Խրիմեան Մկրտիչ կաթողիկոսի մահը հասցուցի: Իսկ անկէց ասդին շարունակելու համար պէտք է արող պատահարաց և յատկապէս համաշխարհական պատերազմներուն վերջանալուն սպասել, որպէսզի հնար լինի եղելութիւնները ճշդութեամբ և ստուգութեամբ ներկայացնել: Եթէ յաջողի ինձի մօտ ժամանակի մէջ Գամասկոսէ Կ. Պոլլիս փոխադրուիլ, ինչպէս շատ կողմերէ կը յուսադրուի, մտադրութիւնս է Հանասպասուանիս երկրորդ մասին ձեռնարկել, Գործք Առաքելոցը եւ Առաքելական Թուղթերը և Յայանութիւնը պատմական շարունակութեան մէջ ամփոփելով, և եղելութեանց բաց մասերը ընկալեալ աւանդութիւններէ լրացնելով:

Շատ կը փոփաքէի այսօր, կիրակի, եկեղեցի իջնալ և պաշտամանց ներկայ գտնուիլ, ուստից այս 19 օր է որ կը պակսիմ, հոյնիսկ վերջին երեքշաբթի, ամսոյս 6 | 19ին, Երկօտասան Մարգարէից յիշատակին և անունիս տօնին ալ չկրցայ իջնալ: Այսօր ալ դեռ զիս լու կազդուրուած չեմ զգար, օդը ցուրտ և խառնակ է, դիչերն ալ մեծաւ մասամբ անքուն անցուցի, եւ խոհեմութիւն չեմ կարծեր զիս նորէն մսելու վտանգին մէջ դնել, ինչպէս որ յունուար 23 | 5 փետրուարին Ս. Եւզինէի յիշատակին և քրոջս անունի տօնին տեղի ունեցաւ, եւ տենդով հիւանդանալուս պատճառ եղաւ: Կը զգամ որ այլեւս զգուշաւորութեան լուծը վրաս կը ծանրանայ, և մանր մուկն չարքաշութեանց ստկալու ոյժը կը նուազի: Անցեր են այն օրերը, յորս այս անսակ բաներու ականջ չէի կախեր. 78 տարեկանը ութսունամեաներուն դասակարգին կը պատկանի այլևս, ու ցաւօք եւ հեծուքեանք օրերու օրէնքին կ'ենթարկուի:

Ահա՛ այս աւուր զգացումներուս ստուերագիծը եւ վիճակիս մասին համառօտ ակնարկ մը, որով կը փակեմ այս միջանկեալ հատուածը, և կը դառնամ կենսադրական Խոնք ու Խօսքերուս, շարունակելով պատրիարքութեանս մասին լրացուցիչ տեղեկութիւնները:



Այս մեծ հասարակական հարցի վերաբերյալ  
հաշտության գործընթացում հարկադրաբար  
սեպտեմբեր 1925 թ. հունիս 1-ին Երևանում  
ԵՍԵՄ

Դառնակոս, փետրուար 12/25 ԲՀ

Վերջին թեր հատուածիս մէջ կ'ըսէի, թէ հակառակ Ապառիւլ  
համիտ կայսեր զիս շահելու համար գործածած միջոցներուն,  
ես երբեք չէի դադրեր գանգաթի և բողոքի ձայնը բարձրացնել  
կեղեքիչ և բռնական կարգադրութեանց դէմ, և մինչև իսկ հրա-  
ժարականով քաշուելու յայտարարութեան դիմել, եթէ պահանջ-  
ջուած դիւրութիւնները չհրամայուէին: Եթե ըսի, որովհետև եր-  
բեք անձնական պատճառով կամ յերկրուած պատճառանքով գոր-  
ծէ եւ պաշտօնէ քաշուելու կամ որ նոյն է՝ դժուարութիւնների  
խուսափելու միտքը չեմ ունեցած: Կարելոր կէտ մը պահպանե-  
լու կանգնած պահակ զինուորի զգացումով տոգորուած էի, որ  
չի կրնար ո՛չ խուսափիլ և ո՛չ հրաժարիլ, և կենօք չափ իւր պահ-  
նորդութիւնը շարունակելու նուիրական պարտքն ունի: Իմ հը-  
րաժարականներս միշտ թէական կամ պայմանական եղած են,  
այսինքն որ եթէ այս կամ այն արգելքը չվերցուի՝ ինծի անհնար  
պիտի ըլլայ պաշտօնս շարունակել և քաշուելու պիտի ստիպ-  
ուիմ: Եւ որովհետև վճռական միջոցները յաճախ գործածուելով  
իրենց ոյժը կը կորսնցնեն, ես ալ աշխատած եմ չափով ու կշի-  
ւով ձեռք տանել քաշուելու առաջարկը, երբոր կենսական խըն-  
դիր մը դայն պահանջէր, և յաջողելու յոյսն ալ հաւանականու-  
թիւն ներշնչէր:

Կրնամ պարզերես յայտարարել թէ չէ եղած ձախող եղելու-  
թիւն մը կամ անհաճոյ պատահար մը կամ դժպիսի կարգադրու-  
թիւն մը, որուն մասին լուրթիւն պահած ըլլամ, և նիւթին բը-  
նութեան համաձայն կամ պաշտօնական ծանուցագիր կամ ան-  
պաշտօն տեղեկագիր կամ բերանցի դիտողութիւն ներկայած չըլ-  
լամ: Պատրիարքարանի Յարաբերական Դիւանին մէջ ստուար  
հատոր մը կազմած են այս տեսակ դրութեանց պատճէնները,  
որոնց ոճն ալ երբեք ստորաքարչ կամ ստրկային եղած չէ, այլ  
միշտ վայելուչ կերպով իրողութիւնները իրենց իսկութեան մէջ

պարզուած են, և պահանջները յատկօրէն բացատրուած են, և թերեւս աւելի որոշ ոճով քան ինչ որ յառաջագոյն գործածուած էր: Գրութեանց նիւթեր Սառն կամ Քաղաքական ժողովէ կ'անցնէին նախապէս, և եթէ տտեն ըլլար՝ պատճէնները առաջուրնէ կը կարգացուէին, իսկ եթէ տտեն չանցունելու և ժողովին օրը մօտ չըլլալուն համար հարկ կ'ըլլար կամ նախապէս որոշուած ծանուցողի մը հասցնել կամ չգեկուցուած խնդիր մը փութացնել, յղուելէն ետքը անպատճառ ժողովին կը հաղորդուէր, որով նախապահին եւ ժողովին միջև համերաշխութիւնը երբեք չխանգարուեցաւ: Կարծեմ թէ Աղթամարայ տեղապահ Արսէն վարդապետի սպասնութիւնը միակ դիպումն է որուն համար լուծուած էմ, վասնզի ազգայիններու կողմէ ըլլալը ստուգապէս իմացուած էր:

Վերեւ բացատրեցի թէ ի՞նչ ուղղութիւն բռնած էինք եւս ու ժողովներ մինչեւ 1897 օգոստոսի Բարձրդրան ռումբը, որ մեր ջանքերը խանգարեց, մեր ազգեցութիւնը տկարացուց, եւ Համիտի ձեռք իբրև փաստ ծառայեց սկսած մեղմութիւնները կասեցնել և խստութիւնները շատցնել: Երկու տարիի չափ սովորական միջոցներուն ամէն տեսակները փորձեցինք, մանր մունր արդիւնքներ ալ ունեցանք, բայց ընդհանուր կացութեան կերպարանը չյաջողեցանք այլայլել, և վերջապէս 1899 օգոստոս 4/16ին ընդարձակ եւ խիստ գանգատաւիր մը ներկայացուեցաւ, որուն մէջ գատ գատ յօղուածներով բացատրուած էին գլխաւոր դժուարութիւնները, զորօրինակ՝ երթևեկի խափանումը, տուրեւառէ գրկումը, օգտակար եւ շահաւոր գործառնութեանց արգելքը, տառապեալ ժողովուրդին վրայ ծանրացած հարկապահանջութիւնը, գաւառական պաշտօնականներու աղիկամի կեղեքումները, ընդամէնն տասնեակ մը յօղուածներ, որոց եզրակացութիւնն էր թէ Հայերը բոլոր օրինական իրաւունքներէ և վայելումներէ զրկուած են, եւ աքտաքոյ օրինաց կացութեան ենթարկուած են: Քսան օրի չափ սպասելէն ետք արդիւնք մը չը տեսնելուս վրայ՝ օգոստոս 25/6 սեպտեմբերին հրատարելու միտքս Սառն ժողովին հաղորդեցի, սեպտեմբեր 1/13ին իբրև լուեկայն հրատարական՝ սկսայ պատրիարքարանէ և ժողովներէ բացակայիլ, և վերջապէս սեպտեմբեր 27/9 հոկտեմբերին գրաւոր հրատարականս Արդարութեան և Կրօնից նախարարութեան յղեցի: Յաջորդ

օրը յատուկ պաշտօնէի ձեռքով հրաժարագիրս ինձի դարձուեցաւ, բայց ես կրկին յղեցի: Տատեան ատենապետ արքունիք հրաւիրուեցաւ և բերանացի իրեն հաղորդուեցան մեր գանգատներէն գլխաւորներուն մասին կայսեր հրամայած թոյլատրութիւնները, որոնք հոկտեմբեր 6|18ին Սառն ժողովին ալ ծանուցուեցան, միշտ բերանացի, և ժողովը գոհ մնալով կ'որոշէ զիս նորէն պաշտօնի գլուխ հրաւիրել, որուն հարկ կը զգամ համակերպիլ, և հոկտեմբեր 8|20ին պալատ երթալով հրամաններուն գործադրութեան ակնկալութեամբ հաւանիլս կը յայտնեմ, 9|21ին պատրիարքարան կուգամ, բայց միայն հոկտեմբեր 22|3 նոյեմբերին առաջին անգամ Վարչական ժողովին կը նախագահեմ: Նոյեմբեր 12|24ին Վարչութեան կողմէն ուղերձ մը կը ստորագրուի, զոր յաջորդ օրը արքունիք կը տանիմ, և նոյեմբեր 22|4 դեկտեմբերին կայսերական հրամանները գարձեալ պաշտօնապէս կը կրկնուին, բայց միշտ բերանացի, և Վարչութիւնը առայժմ բաւականանալ հարկ կը դառնէ:

Ժառնանակին ժառնանակ սաչ գործնական առած մըն է (Dar tempo al tempo), և պէտք էր որ մենք ալ ժողովրդական իմաստութիւնը յորդէինք, գոնէ մինչև աստիճան մը: Կայսերական հրամաններուն արդիւնքը քանի մը առերևայթ պարագաներէն անգին չանցաւ, և մեր բերանացի հետապնդումներն ու գրաւոր գանգատներն ալ օգուտ մը չարտադրեցին, և հարկ եղաւ որ ակնկալութեամբ ետ առնուած հրաժարականը ակնկալութեանց գերեւելալուն վրայ վերանորոգուէր: Եւ հինգ ամիս սպասելէն ետքը 1900 մարտ 8|21ին զայն կրկնեցի և հրաժարագիրը նախարարութեան յղեցի, արքունեաց ալ հաղորդեցի: Յաջորդ օրը առաջին քարտուղարէն կոչուեցայ, և հրամաններուն գործադրութեան խոստումով գործերը վերստանձնելու հրաւիրուեցայ: Սակայն ակնկալութեանց պարապի ելնելը յիշելով գործադրութեանց սպասելս պնդեցի: Սառն ժողովն ալ մարտ 10|23ին իմ ընթացքիս համերաշխ և համաձայն գտնուելը յայտարարեց, ես ալ իմ քաջուած դիրքս պահեցի, եւ նոյնիսկ մարտ 28|10 ապրիլին Գուրպան Պայրամի շնորհաւորութեան չգացի, և պատրիարքական փոխանորդը յղեցի: Փոխադարձ փորձեր ու երրորդ անձերու ձեռքով անուղղակի յորդորներ միջոց մը ևս շարունակեցին, որոնցմէ օգուտ կը քաղէի մերկ ճշմարտութիւններ պալատ լսել:

տալու, որ եթէ Հայերը ազգովին յանցապարտ են, զիս անոնց զլուխ ըլլալու չստիպեն, իսկ եթէ չեն՝ բացառիկ կարգադրութիւններ դադարին: Ապրիլ 20|3 մայիսին Արդարութեան և Կրօնից նախարար Ապտիւրրահման բաշայէ կոչուեցայ, և հանդարտաբարոյ յորդորներ լսեցի, բայց անդրդուելի մնացի. մայիս 2|15ին ալ ներքին Գործոց նախարար Մէմտուհ բաշայէ կոչուեցայ, բայց անոր ճարտար դարձուածներուն ալ դիմադրեցի: Վերջապէս մայիս 11|24ին առաջին քարտուղար Թահսին բաշայի հրաւերին գացի, ուր ատենապետ Տատեան բաշան ալ ներկայ գտայ. արքունական պաշտօնեայն իւր պաշտօնական դիրքն լիովին ստանձնելով և յանուն կայսեր խօսելով կը վստահացնէր հրամաններուն գործադրութիւնը և գրաւորապէս ալ հաղորդուելը, և իրեն համամիտ կը գանուէր Տատեանը, որ իւր կրկնակի՝ պետական և ազգային դիրքովը զիս այլևս զիջանելու կը յորդորէր, և ինծի այլևս անհնար կը դառնար խստանալ, և խոստումներու գործադրութեան ակնկալութեամբ առժամեայ համակերպութիւնս յայտարարել կը ստիպուէի, և երկու օր ետքը, մայիս 13|26ին, պատրիարքարան կուգայի, այլ ժողովներու և եկեղեցական արարողութեանց նախագահելը կը վերապահէի, մինչև որ գործադրութեան և գրաւոր հաղորդակցութեան պայմանները լրանային: Մայիս 22|4 յունիսին զինուորական ատուրքերու մասին լայն շնորհումներ կը հաղորդուէին, և մայիս 28|10 յունիսին միւս պահանջներու մասին բաւական դիւրութիւններ պաշտօնագիրով կը ծանուցուէին, բայց ես տակաւին անոնց իրականանալուն կը սպասէի, մինչև որ Հայերուն մասին բացառիկ նկատում չըլլալը եւ բոլոր հպատակաց համահաւասար օրինական իրաւունքներ վայելելը յայտարարուեցաւ, թէպէտև վերապահալ զեղչէր միշտ պակաս չեղան: Իսկ ես հազիւ յուլիս 27|9 օգոստոսին սկսայ եկեղեցական արարողութեանց նախագահել: Այսպէս փակուեցաւ երկու մասով լրացած հրաժարականի ինդիրը, որ եթէ անթերի ամբողջութեամբ պահանջումնիս չիրականացուց, զգալի փոփոխութիւններ յառաջ բերաւ նպաստաւոր ուղղութեամբ, պատրիարքարանի գործունէութիւնը համարձակ ազատութիւն ստացաւ, իւր միջնորդութիւնները եւ յայտարարութիւնները անպայման յարգուեցան, երթեկէլի մասին իւր տուած երաշխաւորութիւնները առանց նախաքննութեան ընդունուեցան, գաւառացի ազգայնոց

կացութիւնը տանելի ըլլալու չափ բարեօքեցաւ, և թերևս աւելին ալ իրականանար, եթէ կուսակցականաց հետեւած յուզելու և յուզուելու մտայնութիւնը հակառակ ազդակ մը չըլլար:

## ԾԶ

Գաւառական, 1918 փետրուար 13/26 ԳՂ.

Հրաժարականի նոր առիթ ներկայեց կիլիկիոյ խնդիրը, զոր քիչ մը վերէն ձեռք պիտի առնեմ խնդիրն ալ բացատրած ըլլալու համար: Կիլիկիոյ կաթողիկոս Մկրտիչ Քէֆսիզեանի մահուամբ պահ մը աթոռը պարապ մնալէ ետքը՝ յաջորդի ընտրութիւն կատարուած էր Իզմիրլեանի պատրիարքութեան օրով, և ընտրեալը եղած էր Գրիգորիս Ալէաթճեան եպիսկոպոսը: Բարձրագուռը կամ լաւ ևս արքունիքը բացէքաց մերժած էր այդ ընտրութիւնը վաւերացնել, Ալէաթճեանի անձը Մշոյ առաջնորդութեան օրէն կասկածաւոր դարձած, եւ բարձր հրամանով Մուշէ հանուած, եւ Կրօնական Ժողովոյ անդամակցութիւնն ալ վաւերացուած չըլլալով: Այդ վերջին պարագային Իզմիրլեանի անդամակցութիւնն ալ վաւերացուած չէր, եւ Աշըգեան պատրիարք փոխանակ պաշտպանութեան՝ աւելի ծանրացուցած էր երկուքին ալ կացութիւնը, եւ թէպէտ Իզմիրլեանի պատրիարքութիւնը ուր ուրեմն հաստատուած էր, սակայն Ապտիւլհամիտի անոր դէմ հակառակութիւնը արդէն սաստիկ զայրացած էր, Ալէաթճեանի նախընթացն ալ Իզմիրլեանէն ծանրագոյն էր, որով անոր կաթողիկոսական ընտրութիւնը չէր վաւերանար: Իզմիրլեան պատրիարքի անհնար եղած էր զայն յաջողցնել, Զամիչեան տեղապահ եւ ոչ իսկ փորձելու ձեռնարկած էր, եւ Կիլիկիոյ Աթոռը կը շարունակէր պարապ մնալ, երբոր ևս եւ ինձի հետ նոր Վարչութիւնը գործի գլուխ կ'անցնէինք: Մեր խորին համոզումն էր վերջ տալ այդ պարապութեան, զոր վընասակար կը դատէինք ո՛չ միայն Կիլիկիոյ Աթոռին եւ ժողովուրդին, այլև Հայ Եկեղեցւոյ ընդհանուր կազմակերպութեան:

իրը զի ազգային ըմբռնումն էր թէ Կիլիկիոյ Աթոռը անհրաժեշտ է Էջմիածնի Մայր Աթոռը ռուսական կառավարութեան քմահաճոյքէն ազատ պահելու համար: Այդ համոզումով նորէն ձեռք տոինք Ալէաթճեանի ընտրութեան վաւերացումը, եւ ծանուցագիրներով ու բանակցութիւններով ու համոզիկեր յայտարարութիւններով աշխատեցանք զայն ձեռք բերել, մինչեւ որ բացարձակ կերպով կայսեր կողմէ ազդարարութիւն ստացանք այդ խնդիրը չհետապնդել: Կամ Կիլիկիոյ Աթոռը անպայման դատարկ թողլու եւ կամ Ալէաթճեանի ընտրութենէն հրաժարելու երկսայրի կացութեան հանդէպ, վարչական Խառն Ժողովոյ միաձայնութեան հետ համախորհուրդ, եւ ալ նախադասեցի Կիլիկիոյ Աթոռին պարապութեան վերջացումը, թէպէտեւ շատ ալ չուշացաւ Ալէաթճեանի վախճանը, 1899 օգոստոս 15|27ին Գուգկունճուզի մէջ կատարած քահանայական ձեռնադրութեան պահուն կրած յուզմունքէն ստացած հիւանդութեան հետեւանօք:

Նոր ընտրութեան անցնելու առթիւ նոր խնդիր մը պրգուեց ընտրողական գործողութեանց ձևը, զոր կառավարութիւնը կը պահանջէր ընտրելեաց ցանկին նախապէս սրբագրութեան պայմանով կատարել տալ, ինչպէս որ Կ. Պոլսոյ Յունաց պատրիարքութեան համար օրէնքով սահմանուած է: Այդ մասին ալ մեր կողմէն ընդդիմութիւններ և կառավարութեան կողմէն պնդումներ տարիէ աւելի շարունակեցին, մինչև որ Վարչութիւնը իւր դիմադրութիւնը յաջողցնելէ յուսաբեկ, և Աթոռը իսպառ պարապ թողլու ենթադրութեան ներհակամիտ՝ ստիպուեցաւ զիջանիլ, և 1900 դեկտեմբեր 1|14ի նիստին մէջ որոշեց ընտրելեաց ցանկին նախապէս սրբագրութեան հպատակիլ, դիտելով ալ թէ Ազգ. Սահմանադրութիւնը Կիլիկիոյ ընտրութեան մասին կանոն ու պայման չունի, և թէ կատարուած ընտրութեան մերժումէն թեթևագոյն է հաւանական կամ անհաւանական ընտրելի մը մերժուիլը: Այդ յանձնառութեան վրայ Երուսաղէմի լուսարարական Խապայեան Սահակ պատրիարքական պատգամաւոր նշանակուեցաւ, նախապատրաստական գործողութիւններ կատարուեցան, եւ 1901 հոկտեմբեր 20|2 նոյեմբերին վեց ընտրելեաց ցուցակը քուէարկուեցաւ Կիլիկիոյ Ընտրողական Ժողովէն, եւ նոյեմբեր 23|6 դեկտեմբերին սրբագրեալ ցանկը դարձաւ կառավարութենէն, որուն մէջէն իմ անունս ալ վերցուած էր:

որ վեցերորդն էր քուէից կարգով, իսկ պատճառ ցուցուած էր թէ նա արդէն պաշտօնի վրայ է: Վերջապէս նոյեմբեր 29|12 դեկտեմբերին կաթողիկոս ընտրուեցաւ Երուսաղէմի փոխանորդ Երէցեան Գէորգ եպիսկոպոսը: Երէցեան առջի օրէն գոհունակութեամբ շնորհաւորութիւններ ընդունելէն ետքը, ընտրութենէն հրաժարեցաւ արաաքին եւ կցկաուր պատճառներով, իմ ծանր նամակս ալ ազդեցութիւն չունեցաւ, և վերջապէս Վարչութիւնը ստիպուեցաւ 1902 փետրուար 1|14ի նիստին մէջ հրաժարականը ընդունիլ և նոր ընտրութեան ձեռնարկել:

Այդ միջոցին էր որ, չենք գիտեր ի՛նչ դիտմամբ եւ որո՛ւն գրգռութեամբ, կառավարութեան կողմէն Կիլիկիոյ Աթոռը Կ. Պոլսոյ պատրիարքութենէն անջատելու և նոր ու ինքնուրոյն հասարակութեան վերածելու գաղափարը ծագեցաւ, և առանց Կ. Պոլսոյ պատրիարքարանին հաղորդելու ուղղակի Կիլիկիոյ տեղապահ Բեքմեզճեան Կիրակոս եպիսկոպոսի հրահանգ տրուեցաւ նոր ընտրութիւն կատարել, և Ատանայի կուսակալ Պահրի բաշա ստացած հրամանը գործադրել ձեռնարկեց, որչափ ալ դէպ առ իս համակիր և զգացումով նպաստուոր էր, մանաւանդ թէ իւր պաշտօնի անցնելուն համար երախտաճանաչ ալ էր: Որչափ ալ Բեքմեզճեանի և Կիլիկեցւոց և յատկապէս Ատանացւոց հրահանգներ հասուցինք իւրովի ընտրութեան ձեռնարկել, բայց նեղ ժամուն ուժգին միջոց մը գործածելու համար 1902 յուլիս 20|2 օգոստոսին հրաժարագիրս հասուցի նախարարութեան և գործէ քաշուելու զիրքը ստանձնեցի: Թէպէտ բանակցութեանց կոչուեցայ բայց միշտ պնդեցի, թէ բովանդակ օսմանեան հայութեան պատրիարք ընտրուած ըլլալով՝ ինքզինքս ազատ կ'զգամ երբոր անոր մէկ մասը ինէ կը խլուի, և միայն մնացեալ մասին պատրիարք մնալու կը պարտաւորուիմ: Այդ կէտին վրայ ամուր պնդելս իւր արդիւնքն ունեցաւ, և կայսրն ալ կառավարական ձեռնարկին ձախող ըլլալը զգաց, և օգոստոս 18|31ին յատկապէս պալատ հրուիրել տալով՝ պաշտօնապէս հաղորդել առաւ, թէ աթոռներու յարաբերութիւնները ըստ առաջնոյն շարունակել հրամայած է, որով ես այլևս հրաժարականս պնդելու պատճառ չունէի, և յաջորդ օրը օգոստոս 19|1 սեպտեմբերին կայսերական մաղթանքին նախապահեցի, և գահակալութեան տալը րեզարձին առթիւ շնորհաւորութեան ներկայացայ: Այսպէս այս

անգամ ալ հրաժարականի փորձը իւր նպատակին հասաւ և յաջողութեամբ փակուեցաւ: Պէտք է աւելցնեմ թէ Բեքմեզճեան տեղապահին և Ատանայի մեծամեծներուն առանց Կ. Պոլսոյ պատրիարքութեան հրահանգին և մասնակցութեան ընտրութիւն կատարել չուզելը և գործնականապէս պնդելը մեծապէս նպաստեց իմ հրաժարականին յաջողութեամբ պատկուելուն:

Կիլիկիոյ ընտրութեան վերաբերեալ տեղեկութիւնները լըրացնելու համար յիշեմ ևս՝ թէ Կ. Պոլսոյ պատրիարքութեան իրաւունքին ճանչցուելուն վրայ, Կէօմրիւքճան Մովսէս եպիսկոպոս պատրիարքական պատգամաւոր ընտրուեցաւ և յղուեցաւ, և նախապատրաստական գործողութիւնները նախընթաց ընտրութեան համաձայն լրանալէն կտքը, 1902 հոկտ. 12/25ին Երուսաղէմի լուսարարապետ Սապայեան Սահակ եպիսկոպոս կաթողիկոս ընտրուեցաւ, և ընտրութիւնը Կ. Պոլսոյ պատրիարքութեան կողմէ Բարձրդրան ներկայուելով՝ դեկտ. 9/22ին կայսերական հաստատութիւն ստացաւ: Նոյնպէս Կ. Պոլսոյ պատրիարքին առաջարկութեամբ 1903 յունուար 4/17ին նորընտիր կաթողիկոսին առաջին աստիճանի մէծիտիյէ շքանշան և կիլիկեցի գլխաւորաց յարմար շքանշաններ և աստիճաններ շնորհուեցան, յատուկ պատգամաւորութեամբ Սահակ կաթողիկոս Երուսաղէմէ Սիս առաջնորդուեցաւ, և 1903 Մշխարհամատարան Կիւրակէին, ապրիլ 20/3 մայիսին, օծուեցաւ և պաշտօնի ձեռնարկեց:

Սապայեանի կաթողիկոսական պաշտօնավարութիւնը քըննադատութեանց ենթարկուած է, և Կիլիկեցւոց մէջ ընդհանուր և անկեղծ գնահատութեան հանդիպած չէ, և մինչև իսկ այս կողմէն զիս մեղադրողներ պակաս եղած չեն, վասնզի չեմ ծածկեր որ Սապայեանի ընտրութեան նպաստաւոր եղած եմ: Իմ այս ընթացքս հեռեանք էր Կ. Պոլսոյ մէջ շուրջս գտնուող եպիսկոպոսներուն մէջ արժանաւորագոյնը կամ լաւ ևս յարմարագոյնը չտեսնելուս, և Սապայեանի մասին ունեցած համարումիս՝ թէ հեռու է Քէֆսիզեանի մշակած անջատողական և շահագիտական ձգտումներէն, և վանական կեանքով ապրած ըլլալով՝ դժուարութիւն չի կրեր Սսոյ մայրավանքի մէջ համեստ և անպաճոյճ կեանք վարելէ և ժողովուրդին օգտին նուիրուելէ: Բայց իրեն հետ կենակցած և զինքը խորապէս ուսումնասիրած չէի, և միայն 1892ի կաթողիկոսական ընտրութեան առթիւ անցողակի տեսեր



էի զայն էջմիածնի մէջ և տպաւորութիւնս վատ չէր եղած : Սակայն իմ գաղափարս ալ սկսաւ փոփոխուիլ, երբոր սկսաւ կաթողիկոսական իրաւունքներու, պատրիարքարանի ձեռնհասութիւններու ու պատուազիր ամականներու մասին խնդիրներ յուղել, և Երուսաղէմի հաշուեպահանջութեան և հաշուեխուսութեան խնդիրէն ալ չհրաժարելով՝ 1904 սեպտեմբեր 14|27ին Կ. Պոլիս գալ, և Կ. Պոլսոյ պատրիարքութեան գործերուն միջամբտելու և անոր վրայ գերիշխանութիւն ցուցնելու ձգտիլ, որպէսզի Մագսուտեան Ղևոնդ վարդապետը արդարացնել յաջողի : Ես իրեն պատուոյն վերաբերեալ կէտերը զանց չըրի, բայց ճշգտումներն ալ տպարդիւն թողլու միջոցները գործածեցի, և մինչև իսկ իրեն յայտնապէս յիշեցուցի, թէ պէտք է գառ ի յեսայսն մտաւորապէս եւ ի յառաջադիմանս նկրտեալ ե իմ սկզբունքին հետեի, զի Երուսաղէմ իր ետեւ մնացած է և իր առջևը Կիլիկիան է : Հետեւաբար առանց նպատակին մէջ յաջողելու, և կառավարական ազդարարութիւն ալ ստանալով, երկու ամիս Կ. Պոլիս մընայէն ետք՝ նոյ. 20|2 դեկտ.ին դէպի Կիլիկիա ուղևորեցաւ, իրեն համար օսմանիյէ և իրեններէն ոմանց համար շքանշաններ ընդունելով պատրիարքարանի միջնորդութեամբ : Հատուածիս բուն նպատակը հրաժարականի փորձն ըլլալով, յաւելուածական տեղեկութիւնները այսչափով կը փակեմ :

## Ծէ

Դաւնասկոս, 1918 փետրուար 13|26 Գշ.

Հրաժարականի փորձը 1902էն ետքը միջոց մը այլևս չը գործածեցի մինչև 1906, ոչ թէ անոր արդիւնքին վրայ կասկածելով, այլ պարզապէս կուսակցականներու սպառնալիքներէն ահաբեկած և խոյս տուած ըլլալու գաղափարը չզարթուցանելու համար : Կուսակցականաց մտայնութեան և մտադրութեան վրայ խօսիլը ուրիշ հատուածի պահելով, առայժմ ինձի հանդէպ հետեւած ընթացքնին յիշեցնել բաւական ըլլայ :

Պատրիարքութենէ առաջ ունեցած գործունէութեանս պա-

րագաները կուսակցականները վստահացուցած էին իմ մէջ իրենց համամիտ մը տեսնել, և թերևս չէին ալ սխալած վերացական տեսակէտով. սակայն ես անհատապէս, և մանուսանդ պատրիարքութեան մէջ պաշտօնապէս, չէի կրնար համաձայնիլ իրենց գործնական տեսակէտին, որ բախտախնդիր և արկածախնդիր, անխորհուրդ և աննպատակ ձեռնարկներով կը կազմուէր, և օգուտի ո՛չ մի ակնկալութիւն պարունակած ատեն՝ յայտնի վրտանգներու և վնասներու կ'առաջնորդէր: Երբոր տեսակէտներու անհամաձայնութիւնը շեշտուեցաւ, կուսակցականութիւնը յայտնի հալածանք բացաւ ինծի դէմ, ո՛չ միայն իրենց հրատարակութեանց մէջ խժբժելով և նախատելով, այլև սպառնական նամակներով անայնելու ջանալով, որ կա՛մ իրենց տեսակէտին համաձայնիմ եւ կա՛մ պաշտօնը թողում եւ քաշուիմ: Սակայն ես երկուքէն ալ կը խորչէի: Իրենց տեսակէտին չէի կրնար համաձայնիլ ու գործակցիլ, զոր անօգուտ և վնասակար կը դատէի. պատրիարքութիւնը անպուխ թողուլ կը խղճէի, զի նոր և օրինական ընտրութեան հաւանականութիւնը կը պակսէր, եւ պատրիարքարանը արքունեաց քմահաճոյքին մատնել վտանգաւոր էր, և երկու կողմէն ալ ձախող նախատեսութեան հանդէպ՝ տեղը մնալ և պարտականութիւնը շարունակել, զոհուիլ բայց չզոհել, խիղճի անհրաժեշտ պարտաւորութիւն կը դառնար:

Սակայն կուսակցականներ իրենց մտադրութենէն չէին շեղեր, և վերջիվերջոյ գլուխ ելլելու յոյսով սպառնական նամակները հետզհետէ կը անդացնէին, որոնցմէ երեսունի չափ հաւաքած ու պահած եմ ամենայն գաղտնութեամբ, խիթալով որ մի՛ գուցէ կառավարութեան կամ ոստիկանութեան ձեռքը զէնք դառնայ անմեղներ հալածելու, բռնութեանց դիմելու և ազգային կայութիւնը վրդովելու: Այս սպառնական նամակներուն մէջ ամէն կողմէ եկողներ և ամէն տեսակ պարունակութեամբ գրուածներ կան, յայտնի կամ կեղծ ստորագրութեամբ, կուսակցական կարմիր կնիքով կամ բոլորովին անանուն, ասն դուռէն կամ պատուհանէն նետուած, կամ թէ անծանօթի կամ թղթատարի ձեռքով բերուած, և մինչև իսկ արտասահմանէ եւրոպական թղթատարութեանց միջոցով յղուած: Իսկ պարունակութեանց կողմէն պոռոտախօս սպառնալիքներէ զատ որոշ ձևեր ալ ցուցուած են, տեղեր և առիթներ նշանակուած են, մինչև

իսկ Ըթըր փողոցի բնակութեան ներքև տկան բանալու և ուժանակով օդը հանելու խօսքը դրուած կայ:

Այդ սպառնական համակները քանի ամիսներէ ի վեր դադարած էին 1902 տարւոյ երկրորդ կէսին մէջ, երբ յանկարծօրէն տեղի ունեցաւ 1903 յունուար 6/19ի մահափորձը, երկուշաբթի օր մը, Ծնունդի պատարագի միջոցին, Գուճգարուի Մայր Եկեղեցւոյն մէջ: Սաստիկ եւ բքաբեր ձիւն կը տեղար յունուար 5/18ին, այնպէս որ կառապանը չէր համարձակեր ճանապայ ելնել Բերայէն Գուճգարու երթալու, բայց Ճրագալոյցին գտնուիլ անհրաժեշտ էր, և պարտաւորուած ճանապայ ելանք, թէպէտ Բերայէ Գուճգարու 12է աւելի կառք չտեսանք ճանապուն վրայ: Ծնունդի առտուն ձիւնը կը շարունակէր, և անհնար էր թաղական խորհրդարանը զգեստաւորուիլ և աւանդատան մէջ զգեստաւորուելով պատարագի մտայ: Խնկարկութեան թափօրին ատեն, երբ դասին աջակողմեան դուռնէն դուրս կ'ելլայի, հրազենի ձայն մը առի, և երբ ձայնին եկած կողմը դարձայ, դիտուս վերև ատըրճանակը բարձրացուցած մէկը տեսայ, իսկոյն ցածցայ և երկրորդ հարուածը գլխուս վրայէն անցաւ: Միշտ ցածցած նստարաններուն մէջ սողոսկեցայ, և երրորդ հարուածը շեղեցաւ Լուսիկեան կօշկակարին կողմէ ատրճանակին տրուած շարժումէն: Մինչ այս մինչ այն՝ բարապան Պօղոս Սրապեան, որ դասին ձախակողմեան դուռը կը հսկէր, վանդակապատէն ցատկելով ատրճանակ պարպողին վրայ կը խոյանայ և կը զգեստնէ, և ժողովուրդը վրան կը խուժէ, և թերևս նոյն տեղ մահացնէր, եթէ ոստիկաններ ներս մտնելով դաւաճանին անձին չտիրանային:

Ես նստարաններուն մէջէն անցնելով ձախակողմեան Ս. Ծընունդ մատուռը մտայ, և վիրաւորուած ըլլալուս տակուին անգիտակ, երգով կամ ճաշուով պատարագի ընդհատումը պարտը կելու հրահանգ տուի, մինչեւ որ պատարագը շարունակելի դառնամ: Եւրջս եղող քահանաներ և դպիրներ զգեստները վրայէս հանելու կ'աշխատին, ես կ'ընդդիմանամ, մինչև որ պատարագի շապիկը արիւնոտած տեսնելով վիրաւորուած ըլլալս կ'իմանամ, և արիւնով սեղան ելլել կանոնական չըլլալուն, կը համաձայնիմ զգեստները հանել և պատրիարքարան դառնալ, և Գէորգ Եպիսկոպոս Երէցեան պատարագը կը շարունակէ: Բժիշկ Պօղոս Ինճէեանի լուր կը արուի, բժիշկ Միսաք Ճէվահիրճեան

լուր կ'առնէ, և միասին կը փութան առաջին խնամքը կատարել և վէրքը զննել ու դարմանել: Ատրճանակի առաջին գնդակը ծանր շուրջառն ու հաստ եմիփորոնը ծակելով ար ռեսիս մտած, և դիմացէ դիմաց անցնելով դուրս ելած էր, բարեբախտաբար ոչ ոսկրին դպած էր և ոչ թոքը վիրաւորած, բայց այդ զննութեանց ատեն նուազում զգալով կը մարիմ և լեզուս կոկորդիս մէջ կը դառնայ և ճէվահիրճեան աքցանով ետ քաշելով, և Ինճէեան առատ ջուր սրսկելով կրնան զիս ուշաբիրութեան դարձընել, և վէրքը պատելով՝ պատրիարքարանի ննջասենեակը անկողինի մէջ կը հանգչեցնեն: Այնտեղ ետ իմ կատարեալ հանդարտութիւնը կը ստանամ, ևն մինչեւ իսկ զուարճաբանել կը սկսիմ՝ թէ մեռնելու համար Խորասանճեան բժշկապետին վճիռը անհրաժեշտ պայման չէ:

Ատրճանակ պարպողը եղած էր Յակոբ Խաչիկեան, Կարնեցի Մկրտիչ Խաչիկեանի՝ Կարինէ սկսելով ծանօթ և բարեացակամ զխոցուած անձին որդին, որ իր չորս ընկերներուն ասուներն ալ կուտայ, որոնցմէ երեքը կը ձերբակալուին, իսկ գլխաւորը արդէն մայրաքաղաքէն հեռացած կ'ըլլայ: Առաջին ոստիկանական հարցափորձերու մէջ անկապակից պատճառանքներ կարկտել կ'աշխատին, իբր թէ Յակոբ Խաչիկեան զինքը բռնաբար զկողման վարժարանի չյանձնարարելէս ցաւած ըլլայ, մինչ արդէն ընդունուած էր և դեղագործական ճիւղին կը հետեւէր: Եւ կամ թէ իմ վրաս փորձուած դաւաճանութեամբ ունեւորները ասացնել ուզած ըլլան, որ իրենցմէ դրամ պահանջուած ատեն անհակառակ վճարեն: Կը կարծուի ևս թէ իրենց առաջին սիաքը թաղական խորհրդարանէ եկեղեցի անցած պահուն դործել եղած ըլլայ, և ձիւնին պատճառով աւանդատան մէջ զգեստաւորուելու առթիւ եկեղեցւոյ մէջ փորձել ստիպուած ըլլան: Մահափորձին եկեղեցւոյ մէջ և պատարագի ատեն կատարուած ըլլալը, և այն ալ Մնունդի նուիրական տօնին օրը, մեծ տպաւորութիւն գործած էր ժողովրդական ըմբռնմանց վրայ:

Հազիւ թէ մահափորձին լուրը կը տարածուի, իսկոյն կը սկսին ոստիկանութենէ, եպարքոսութենէ, նախարարներէ, և արքունական պալատէ պատուիրակներ և բժիշկներ հասնիլ, որպիսութիւն հարցնելու, ստոյգ լուրեր քողելու, և կարևոր կարգադրութիւններ հրամայելու: Դատարանէն ալ յատուկ հարցա-

քննիչ կուգայ իմ յայտարարութիւններս ու կենթադրութիւններս գիրի առնելու: Իմ հաստատուն եւ միատեսակ պատասխաններս եղան, թէ ոչ մի կանխաւ գիտցուած նշան չունիմ, թէ մօտ չափերն սպառնական ազդարարութիւններ իսկ ստացած չեմ, եւ գործադիրներու հետ որեւէ շփում ունեցած կամ վրէժխնդրութեան առիթ տուած չեմ, եւ իմ միակ խնդրանքս է որ գործը անհատական եւ դուր արդայական ձեռնարկ մը ըլլալունը ընդարձակ նշանակութիւն չտրուի, ձերբակալութիւններ չբազմապատկուին, ընդհանուր վրդովում առաջ չիգայ եւ, որչափ հնար է, գործը ամփոփ շրջանակի մէջ պահուի: Այդ խնդրանքը յատկապէս կրկնած եմ ոստիկանական և դատական պաշտօնեաներուն, և թախանձագլին ազաչանօք յանձնարարած եմ կայսեր կողմանէ յղուած թիկնապահ գնդապետին: Եւ ուրախ եմ յայտարարել որ խնդրանքս յարգուեցաւ, և չորս գործադիրներէն զատ ուրիշներ չմեղադրուեցան, և քանի մի առերեսոյթ կասկածով ձերբակալեալներ չուտով արձակուեցան: Իսկ գործին իսկութեան մասին, դաշնակցական պաշտօնագիր Գրոշակ լրագիրը, փորձին անհատական նախաձեռնութեան արդիւնք, և կուսակցութեան անոր մէջ մասնակցութենէ օտար եղած ըլլալը հրատարակեց, թէպէտ ոչ ոք յայտարարութեան անկեղծութեանը հաւատաց: Մահափորձի երեկոյին իսկ նոր սպառնական համակ մը տունը կը սարուէր, զոր միւս առտուն կը կարգայի, թէ ինքզինքդ ազատած մի՛ կարծեր, կեանքդ ապահով չէ:

Ընտանեկան շրջանակի մէջ ալ անհնար էր որ դոյժը մեծ յուզում չպատճառէր, եւ Եւզինէ ու Ալտայի քոյրերս եւ ազգակիցներէ շատեր, հակառակ բքաբեր ձիւնին և փոխադրութեան դժուարութեանց, հետզհետէ Գուճգաբու սկսան հասնիլ, անձամբ տեսնելու և ստուգութեամբ տեղեկանալու համար. քեռայրս Միւրան Տէր-Ներսէսեան Եզիպտոս կը գտնուէր, իսկ եղբայրս բժիշկ կոմիտաս Օրմանեան կը յաճախէր եղբայրական զգացմանց և բըժըշկական ինստիտուց հաւասարապէս յազուրդ տալու համար: Ազգայնոց այցելութիւնները անթիւ անհամար էին, ամէն դասակարգէ և ամէն աստիճանէ, մանաւանդ Մնուղի երկրորդ օրը, որ պաշտօնական շնորհաւորութեանց օրն է, եւ ազգայիներ խուռն եկած էին մահափորձէն ազատութեան խնդակցութիւն ալ յայանելու: Ուրիշ ազգաց պատրիարքներն ալ իրենց խնդակցա-

կան ողջոյնները հասուցին պատուազիր պատուիրակութիւններով: Գրաքննութիւնը արգիլած էր եղելութիւնը լրագիրներու մէջ պատմել, և խմբագրութիւններ կը դոհանային շարունակ շաբաթ մը պատրիարքարան այցելողներու երկար ցուցակներ հըրատարակելով, հանրութեան մտադրութիւնը արթնցնելու համար:

Երկուշաբթիէ շաբաթ պատրիարքարան մնայի, թէ վէրքին դարմանին և թէ հիւանդութենէ զգուշանալու համար, որ կըրնար առաջ գալ վիրաւորուելէ և այլայլելէ: Վերև յիշուած երկու բժիշկներ և պաշատէն նշանակուած վիրաբոյժ մը առտու և երեկոյ կ'այցելէին, թող բարեկամաբար եկող բժիշկները: Երբոր շաբաթ օր յունուար 11|24ին տուն փոխադրելու կը պատրաստուէի, թաղին ոստիկանութեան գլխաւորը եկաւ հեծեալներու ընկերանայը ծանուցանել, զոր մերժեցի հանրութենէն կասկածիլ եւ վախնալ չցուցադրելու համար, իրեն կամքին թողլով՝ եթէ կ'ուզէր՝ լռին և ծածուկ հսկողութիւն կատարել. միայն Պօղոս Սրապեան բարապանի հետ և բժիշկի մը ընկերակցութեամբ կէս օրէն ետքը տուն եկայ: Յունուար 17|30ի գիշերը աղեաց սաստիկ տափնոպ մը անցուցի, որ գիշերայն բժշկական խորհրդակցութեան պէտքը զգալի ըրաւ Պարոնիկ Մատթէոսեան ու Վահրամ Թորգոմեան ու Կոմիտաս Օրմանեան բժիշկներու կողմէ, և յաջողութեամբ փակուեցաւ: Տակաւ կազդուրուելով կարող եղայ յունուար 22|4 փետրուարին նախապէս Ղալաթիոյ Ս. Ամենափրկչին ուխտի լծնալ, եւ անկէ Երլարզի արքունիքը երթալ կայսեր կողմէ ցուցուած մտադրութեանց շնորհակալութիւն յայանելու: Յունուար 24|6 փետրուարին մահափորձին օրը աշխատողներուն շքանշաններ շնորհուեցան, 30|12ին առաջին անգամ պատրիարքարան եկայ, 31|13ին կայսրէն յատուկ անսակցութեան հրաւիրուեցայ եւ սիրալիր ընդունելութիւն գտայ եւ բացառիկ ծախուց համար նուէր ալ ստացայ, փետրուար 3|16ին եպարքոսին և դիւանապետին և նախարարաց այցելեցի, 5|18ին Վարչութեան ժողովին նախագահեցի, և 13|26ին առաջին անգամ քարոզ խօսեցայ:

Մահափորձի հեղինակներուն դատը բարձրագոյն հրամանով արագ աւարտեցաւ, և յունուար 25|7 փետրուարին Խաչիկեանը մահուան եւ երեք ձերբակալեալները եւ խոյս տուած չորրորդը ցկեանս բանտարգելութեան դատապարտուեցան. փետրուար 17|2

մարտին վճիռը վճռարեկ ատեանէն հաստատուեցաւ, եւ մարտ 8/21ին յատուկ դիմումով Սաչիկեանի մահուան ներուժը ստացայ, որ ցկեանս բանտարկութեան փոխարկուեցաւ: Արդէն եւս դատախազի դերը չէի ստանձնած, արդարութեան թողլով իւր օրինական ընթացքը վարել:

Մահափորձի բուն նպատակը իմ մահուամբս կամ դոնէ ահարեկեալ հրաժարմամբս պատրիարքական աթոռը թափուր թողուլ, ասղքը անտէրնչութեան մատնել, և Համիտը նորանոր բռնութեանց գրգռել ըլլալուն, ինձի նուիրական պարտք սեպեցի իմ պահնորդութեան դերը չլքանել և պաշտպանողական պատնէշէն դասալիք չփախչիլ. և որպէսզի ձախող մեկնութեամբ վատ դերը ինձի չվերագրուի, ուրիշ պատճառներով ալ հրաժարականի փորձը չգործածեցի 1903էն մինչև 1906, երբ ժամանակի հեռուութիւնը այդ միտքը այլևս չէր զարթուցաներ, և պարագային կարևորութիւնը այն փորձին դիմել կը թելադրէր: Նիւթերու կապակցութեան պատկառ կալով անցնիմ այդ փորձը կատարել:

## ԾԸ

Դասնաւորս, 1918 փետրուար 14/27 ԴՂ.

Երբոր 1896ին նոր վարչութեան և պատրիարքի ընտրութեան արտօնութիւնը ստացուեցաւ, Տատեան յանձնառու եղած էր Սահմանադրութիւնը վերաքննել և փոփոխել տալ, և Երեսփոխանական Ընդհանուր Ժողովն ալ այդ պայմանը իւրացուցած և պաշտօնապէս հաստատած, եւ նորընտիր պատրիարքին եւ Վարչութեան յանձնած էր գործադրութիւնը, ինչպէս իւր կարգին ալ յիշած եմ: Սակայն ոչ ոք Ա.զ.գ. Սահմանադրութիւնը փոփոխելու նպատակ ունէր, եւ ոչ ալ կ'ուզէր փոփոխուած ծրագիր մը կառավարութեան ներկայել, գիտնալով թէ այդ առաջարկը Սահմանադրութեան ջնջումը ըսել էր: Այս երկսայրի դժուարութեանց մէջ գործելն ալ պատրիարքին վրայ կը ծանրանար, ուրուն կառավարութեան կողմէ միշտ կը կրկնուէր յանձնառու-

թիւնը գործադրել և լրացնել, և պէտք կ'ըլլար ճարտար դարձուածներով տանն շահիլ և միանգամայն կայսեր կամքին, կառավարութեան նպատակին և երեսփոխանութեան որոշումին հակառակ միտք չյայտնել: Առաջին միջոցն եղաւ Վարչութեան անդամներէ վերաքննիչ Յանձնաժողով մը կազմել պատրիարքի նախագահութեամբ, նիստեր ընել և փոփոխութիւններ փորձել, բայց գործը չվերջացնել, եւ աշխատեցու վրայ եւնք ըսելով կառավարութիւնը լռեցնել: Բայց կառավարութիւնն ալ հակակշիռ ճարտարութեամբ իրեն զէնք ըրաւ՝ Վարչութեան երկամեայ փոփոխութեան համար Ընդհանուր ժողով դումարելու արտօնութիւնը զլսնալ, պատճառելով թէ առաջ փոփոխութիւնը պէտք է լրանայ, որ ըստ այնմ նոր ընտարութիւն կատարուի: Երբոր առաջին անգամ 1899 մարտին այդ զլացումը զիմադրուեցաւ, Վարչութեան Կրօնական եւ Քաղաքական ժողովներ միաձայնութեամբ որոշեցին՝ տեղերնին մնալ և գործերնին շարունակել քան թէ վերաքննութիւնը լրացնել և փոփոխութիւնն առաջարկել, բնագաղտիչ հարկին (Force majeure) հալատակիլ քան թէ Սահմանադրութիւնը վտանգել: Այլեւս իմ վրայ մնաց զանազան կերպերով գործը երկարել. երբեմն իրենցմէ պահանջելով որ փոփոխելի կէտերը յայտնեն, որ մենք ալ լուսաբանուինք և ընելիքնիս գիտնանք, զի հնար չէր ենթադրել որ Սահմանադրութեան 99 յօդուածներն ալ փոփոխուելիք ըլլան: Երբեմն ալ պատճառանքներ յառաջ բերելով թէ միտքերու վրդովման տանն օգտակար չէ յուզումներու առիթ տալ, կամ թէ այսպիսի ձեռնարկ մը կրնար կուսակցականներու ձեռքը զէնք ըլլալ անախորժ միջադէպեր կազմակերպելու. վերջապէս հազարումէկ տեսակ ատոնց նման առարկութիւններով օրերը անցունել, և միւս կողմէն 1896ին ընտրուած ժողովներով Վարչութիւնը շարունակել: Թէպէտեւ ամէն երկամեակին երեսփոխանութիւնն գումարելու խնդրանք կը մատուցուէր, և միշտ միևնոյն պատճառով արտօնութիւնը կը զլացուէր: Դժուար չէր գուշակել թէ կառավարութեան գլխաւոր նպատակն էր Քաղաքական ժողովը եւ մնայուն երեսփոխանութիւնը եւ ժողովրդական քուէով ընտրութիւնները ջնջել, սակայն մենք չիմանալու և չը կուսակցու գերը կը պահէինք:

Ասկայն ամէն խաղ ալ վերջապէս տեղ մը կանգ կ'առնէ, ինչպէս



ամէն հանգոյց սանտրին կը հանդիպի: Տասը տարիներ լրանալու մօտ էին 1906ին՝ յորմէհետէ 1896ի Վարչութիւնը կը պաշտօնավարէր: Անգամ մը ժողովականներն ալ գործադուլ ըրած էին, բայց կայսեր կողմէ անհատական շնորհներու հանդէպ անազնիւ չերևալու համար գործելու վերադարձած էին. իսկ 1906ին նիւթական և շոշափելի դժուարութեան առջև կը գտնուէին, զի երկու ժողովներու անդամներու թիւն ալ, մահուամբ կամ տեղափոխութեամբ կամ ձեռնթափութեամբ, մէկ երրորդի վերածուած էր, և օրինապէս գործել անհնար էր: Հետևապէս մնացած ժողովականներն ալ որոշեցին այլևս պատասխանատուութիւն չստանձնել և սկսան ժողովներու չներկայանալ: Այս որոշման հանդէպ ինծի ալ հնար չէր և օրինական չէր միայնակ և անհատապէս բովանդակ վարչական պատասխանատուութեան ենթարկուիլ, ուստի թէ՛ արքունիքի եւ թէ՛ նախարարութեան բերանացի խօսելէ ետքը, 1906 յունիս 16/29 թուականով գրուող հրատարական մատուցի, որ եթէ նոր Վարչութիւն կազմելու արտօնութիւն չտրուի, ինծի անհնար պիտի ըլլայ առանց ժողովներու՝ պատասխանատուութեան ներքեւ մնալ եւ պաշտօնս շարունակել:

Նորէն ձեռք առնուեցան սովորական բանակցութիւնները յունիս 18/1 յուլիսին և յուլիս 1/14ին պալատ կոչուեցայ և ամէն կերպ յորդորներ լսեցի, բայց պնդեցի. իմ կողմանէ ժողովականներ առաջարկելու հրաւիրուեցայ, բայց մերժեցի, և իմ անձեռնհաս և գործին անազդեցիկ ըլլալը բացատրեցի: Ասոր վրայ տեսնելով որ զիս իմ միտքէս խախտելու յոյս չկայ, ներքին Գործոց նախարար Մէմտուհ բաշայի պաշտօն յանձնուեցաւ տեսակցելով և բանակցելով գործին մէջէն ելնելու ձև մը որոշել: Ըստ այսմ քանիցս անոր հետ տեսնուեցայ իւր Գուրուչէչմէի ապարանքին մէջ, և զանազան ձևեր և կերպեր խօսուեցան ու բացատրուեցան: Վերաքննութիւն կատարելու այլևս անհնարութիւնը յայտնեցի, քանի որ վերաքննիչ որոշուած Վարչական ժողովն ալ գոյութիւնը կորսնցուցած էր: Իմ կողմանէ ժողովականներ առաջարկելը օրէնքի հակառակ և յուզումներու պատճառ եւ իմ կամքիս ալ ներհակ ըլլալը պնդեցի: Յունաց Սահմանադրութեան կերպը գոված ատեն պատասխանեցի, թէ մերինը անոնցմէ ետքն է, որով Ալի ու Ֆուատ բաշաներու պէս մեծ քաղաքագէտներէ Յունաց ձեւին նախադասուած կ'ըլլայ:

Վերջապէս ամէն կերպերը դնելով ու վերցնելով, նոր ձեւի մը վրայ կանգ առնել անհնար եղաւ, և դարձեալ ժողովով ընտրութիւն կատարելու հարկը հաստատուեցաւ, միայն թէ նախարարին կողմէ յանձնարարուեցաւ արտաքին ձեակերպութիւնները գեղջել և հրատարակութիւնները զանց ընել, և լռին կերպով մը ընտրութիւնը կատարել: Այլևս աւելին պահանջել աւելորդ սեպեցի և յուլիս 10|23ին պայմանաւոր յանձնարարութիւնս յայտնեցի, մինչև որ ընտրութիւնը լրանայ և ընտրեալները վաւերանան: Ասոր հետ մէկտեղ մինչև յուլիս 17|30 պատրիարքարան իջնալս յապաղեցի, որպէսզի Մէմտուհի հետ համաձայնած կերպերնիս բարձրագոյն համակերպութեամբ դօրանայ, և անկէ ետքը սկսայ ընտրողական նախապատրաստութեանց ձեռնարկել:

Ընտրութեան օր որոշեցի յուլիս 25|7 օգոստոս երեքշաբթին, Երկոտասան Մարգարէից տօնին օրը, որ օր բնական էր որ անունս շնորհաւորելու համար այցելուներ պատրիարքարան հաւաքուէին, և տեղ որոշեցի պատրիարքարանի ժողովասրահը: Մեծամասնութիւն կազմելու համար պաշտօնի մէջ և Կ. Պոլիս ներկայ գտնուող երեսփոխաններու թիւը բաւական գտնուեցաւ, Կրօնականի ընտրելեաց ցուցակը գլխաւոր եկեղեցականաց մասնաւոր գումարմամբը կազմուեցաւ, արդէն Քաղաքականի համար ցուցակը դիւանէն կը կազմուի: Իսկ պաշտօնէ ելնողներուն անվերջնարելիութեան պայմանն ալ այս անգամ զանց ընել յարմար պատուեցաւ, նկատելով որ լրացուցիչ ընտրութեան ձե մը կը տրուէր գործին, և 1899, 1901, 1903, 1905 տարիներուն չորս երկամեաներ լրացած ըլլալով, անմիջական անվերջնարելիութեան պարագայն ալ չէր ճշմարտուեր: Ժողովի հրաւերները եւ ընտրելեաց ցուցակները մասնաւոր նամակով և ապահով կերպով իւրաքանչիւր երեսփոխանի յղուեցաւ, առանց լրագիրներու մէջ հրատարակելու, և որոշեալ օրը ժողովը հաւաքուեցաւ, և առժամեայ դիւանով ընտրութեան ձեռնարկեց, համաձայնութեան խորհրդակցութիւն ալ կատարելով, մէկ անգամ ընտրութիւնը վերջացնելու համար: Այս ամէն զգուշաւորութիւններով մէկտեղ ոստիկանութեան կողմէ նոյն օր հարցումներ եղան համախմբութեան նպատակին համար, և անունի շնորհաւորութեան պարագայն լսելով գոհացան ու լռեցին:

Ժողովի բացման ատենաբանութեանս մէջ լիովն բացատրե-

ցի՝ թէ ի՛նչ պարագաներով և ի՛նչ պայմաններով կրցած եմ ժողովական ընտրութիւն կատարելու արտօնութիւնը ստանալ, և ի՛նչ միջոցներ ձեռք առած եմ ներկայ գումարումը հաւաքելու համար. միանգամայն ողորարեցի թէ պէտք էր զանց ընել այնպիսի անուէններ, որոնց արժանաւորութիւնը թէպէտ ամէն դիտողութենէ վեր էր, սակայն կառավարութեան աչքին կասկածաւոր (Ֆէլի) երեցած ըլլալուն վաւերացումնին ստանալ անհնար էր: Ժողովը միաձայնութեամբ հաստատեց ձեռք առած միջոցներս և հաւանեցաւ զգուշաւորութեան կէտերուն, և կարծեաց փոխանակութենէ ետքը քուէարկութեան անցաւ, քուէհամար կատարուեցաւ, և միայն Կրօնականի մէկ անդամին համար համեմատական քուէ տալ պէտք եղաւ, եւ երկու ժողովներն ալ ամբողջապէս ընտրուեցան, եւ ընդհանուր գոհունակութեամբ և հնարաւորը գործնւած ըլլալուն շնորհակալութեամբ ատենագրութիւն կազմուեցաւ և ժողովը զրուեցաւ: Արդիւնքը պատրիարքական պաշտօնագիրով Արդարութեան և Կրօնից նախարարութեան հաղորդուեցաւ, ժողովական ընտրութեամբ կազմուած ըլլալն ալ չլռելով, և վաւերացման սպասելով:

Երբ այդ զգուշաւորութեանց վրայ վստահօրէն կ'ակնկալէինք վաւերացումը ստանալով նորէն գործի ձեռնարկել, նախարարական պաշտօնագիրը մեզ յուսախաբ թողուց, որ Քաղաքականի 14 անդամներն ալ հաստատելով, Կրօնականէն 5 անուն զեղչած էր, երկուքը նախկին ժողովականներ և հինաւուրց կախկոպոսներ, Գրիգորիս Յովհաննէսեան և Վահրամ Մանկունի, իբրև ոչ դիւրաւ համակերպողներ, երկուքը նորահաս վարդապետներ, Ղեւոնդ Գուրեան և Գրիգորիս Պալաքեան, իբրև տարիքի բերմամբ կասկածաւորներ, և հինգերորդը Տ. Սարգիսեան Սահակ ծերունագորդ քահանայն, իբրև Իզմիրլեանի պատանեկութեան ուսուցիչ եղած: Հարկ եղաւ որ նորէն բանակցութեանց և գրաւոր բողոքներու ձեռնարկեմ, իբրև մեր նախընթաց պայմանաւորման հակառակ արարքի մը, բացատրենք կասկածներու անգոյութիւնը, պահանջենք կատարուած ընտրութեան լիովին վաւերացումը, և իբրև բողոքոյ նշանակ, վաւերացեալներն ալ գործի չհրաւիրենք կիսատ գործողութեան հաւանած չըլլալու համար: Մօտ երկու ամիս երկարեցաւ այդ երկրորդ միջոցն ալ, մինչև որ կայսրըն ալ տեսնալով իմ յամառ պնդումս եւ զիջանելու եւ նորեր

ընտրելու և առաջարկելու ընդդիմութիւնս, իբր իմ երաշխաւորութեան հիմնուելով՝ մնացած հինգերուն ալ վաւերացումը հրամայեց, և նորընտիր ժողովները առաջին անգամ խառն նիստի գումարեցի սեպտ. 20/3 հոկ.ին: Այսպէս յաջողութեամբ փակուեցաւ հրաժարականի այդ փորձն ալ:

Ինձի դէմ ամբաստանութեան և մեղադրանքի կէտ ըրին թէ պատրիարքութենէ հրաժարիլ չեմ ուզած: Չեմ կարծեր որ մէկուն պաշտօն մը յանձնուի որպէսզի հրաժարի. զի պաշտօնը կը տրուի որպէսզի զայն պահէ, դժուարութեանց տոկայ, հանրութեան օգտին աշխատի, և ո՛չ թէ իւր հանգիստը փնտռէ: Ուստի ես ալ կ'ընդունիմ թէ անպայման հրաժարիլ չեմ ուզած, զի զայն անձնդիւրութեան միջոց և դասալքութեան գործ եմ նկատած. ալ հրաժարականները փորձած եմ իբրև կենսական խընդիր մը յաջողցնելու միջոց, եւ երեք փորձերս ալ ապարդիւն չեն եղած: Պատրիարքութեան վրայ տասուերկու տարի տոկալս երբեք ինձի անձնդիւրութիւն չէ բերած, զի պատրիարքութենէ առաջ ունեցած կենցաղս նոյն է պահուած, չեմ հարստացած, չեմ ճոխացած, և արտաքին երևոյթներով, գունագեղ զգեստներով, շքանշաններու կիրառութեամբ և ցուցադրութեան ձևերով չեմ շփացած: Աշխատութիւնս յառակա անցնելու չափ յայտնի եղած է, ոչ մի տեսակ յոգնութենէ չեմ խուսափած, դիւան, վարժարան, հիւանդանոց, որբանոց, եկեղեցի, պաշտօնատուն, դեսպանատուն, արքունիք եղած են իմ շրջանակս. հազիւ թէ ամառուան կղանակներուն քանի մը օրեր համառօտ շրջագայութեան մը գործածած եմ: Ենորհակալ եմ որ շուրջս եղողներէն, թաղերու ժողովուրդներէն, դաւառական վիճակներէն համակրական ցոյցեր տեսած եմ, սակայն անոնցմէ աւելի ընդարձակ և զօրաւոր եղած են ամէն կողմերէ հասած ցուեր և տագնապներ. վիշտս ի ներքուստ, վիշտս յարտաքուստ, վիշտս ի վերուստ, վիշտս ի ստորնէից, վիշտս յօտարաց, վիշտս ի սուտ եղբարց, որոնք երկայնամիտ համբերատարութեան դպրոց մը եղան: Ուստի ինչ որ այդ գլուխէն իբր մեղադրանք և նախաախնք խօսուեցաւ ինձի դէմ, ես չեմ վարանիր զայն իբր արդիւնք և պատիւ համարիլ իմ անձիս, զի գոր պարս կաֆն առնեղ՝ արարաք:

## ԾԹ

Դասնակոս, 1918 թիւսրուար 15/28 ԵՂ.

Այդ նիւթերը չփակած իդէպ կը կարծեմ կուսակցութեանց և կուսակցականաց մասին անկաշկանդ կերպով տեսութիւններս պարզել: Առաջին դիտողութիւնս նոյնիսկ կուսակցական անու-  
նին վրայ է, զոր ես ամօթ պիտի սեպէի իրենց տալ, եթէ իրենք իրենց համար գործածած չըլլային: Կուսակցականութիւնը կող-  
մնակցութիւն է, և կուսակիցը կողմնակից մըն է, որ ամէն սկզբ-  
բունքէ եւ օրէնքէ, ամէն իրաւունքէ եւ արդարութենէ անկա-  
խաբար, մէկու մը կամ քանի մը դեր կ'ելլէ եւ պաշտպան կը  
կանգնի, ո՛չ հանրային օգուտ կը դիտէ, ո՛չ պատճառաբանեալ  
ցուցմունքէ կը շարժուի, եւ ո՛չ ազնիւ սկզբունքէ մը կը գըր-  
գուռի, այլ կ'ուզէ՝ որովհետեւ կ'ուզէ, կամ անհատական շահն է  
որ զայն կը դրդէ, կամ մոլեկան կիրքն՝ որ զայն կը մղէ: Այդ  
տեսակէտով գեղեցիկ կոչում մը չէ կուսակցական բացատրու-  
թիւնը, բայց քանի որ իրենք հուններ են, մեզի ալ գործածել  
ներեալ կ'ըլլայ:

Գալով այդ կուսակցական մարմիններուն նպատակին, երբոր  
հիմնուինք Վարժապետեանի օրով կազմուած նախագաղափարին  
և կարնոյ մէջ սկսած առաջին շարժումին, բնաւ դատապարտե-  
լի չեմ գտներ, որ օրինական եւ դիւանագիտական միջոցներով  
տառապեալ և կեղեքեալ նահանգներուն բարեկարգութիւնը հետա-  
պնդուի, և զինեալ հարստահարիչներուն երեսէն հարստահարեալ  
անզէն ժողովուրդին անձնապաշտպանութեանը աշխատուի: Ոչ  
ոքի կրնայ զլացուիլ իւր բարօրութեան համար օրինաւոր միջոց-  
ներու դիմելու իրաւունքը, և Հայերուն նախնական և հիմնա-  
կան ճիգերը ասկէ աւելի չէին, ինչպէս պաշտօնագիրներէ և ծա-  
նուցագիրներէ, յայտարարութիւններէ եւ հրատարակութիւններէ  
ալ կը քաղուի: Միևնոյն նպատակով ուրիշ տէրութեանց միջնոր-  
դութեան դիմելն ալ օրինաւորութենէ օտար գործ մը չէր, Սան-  
Սթէֆանօ գացող պատրիարքը օսմանեան կառավարութենէն  
գաղտնի չէր գործեր, և Պերլին գացող պատուիրակները օսման-  
եան կառավարութեան հաւանութեամբ կ'երթային, և Սան-Սթէ-

Ֆանոյի 16րդ և Պերլինի 61րդ յօդուածները օսմանեան կառավարութեան ալ ստորագրութիւնը կը կրէին :

Ամենայն օրինաւորութեամբ սկսուած գործին կերպարանափոխ ըլլալուն նախապատճառը փնտռած ատեննիս, յայտնի կը տեսնենք որ Հայեր չեղան զայն պատրաստողը : Կառավարութիւնը կամ կառավարական պաշտօնէութիւններն եղան որ թիւր մեկնաբանութիւններով և ծամածռեալ դարձուածներով Հայերուն վերագրեցին այնպիսի գաղափարներ և նպատակներ, զորս նախ չունէին եւ չունեցան, եւ իրենց սխալ ենթադրութեանց վրայ հիմնուելով՝ սկսան կասկածներ յարուցանել, հալածանքներ սարքել, ամբաստանել եւ ձերբակալել, դատափետել եւ դատապարտել, զրկանքներ կազմակերպել, օրինական իրաւունքներ զլանալ, մէկ խօսքով՝ Հայոց հանդէպ բացառիկ և արտաքոյ օրինաց կացութիւն մը ստեղծել : Ամէն արարք իրեն հակարարքը կը գրգռէ. Հայեր չէին կրնար չյուզուիլ և չսարսուիլ, ուստի անհատներու եւ մասնաւոր շրջանակներու մէջ սկսան երեւան գալ նորանոր տեսութիւններ կամ ձեռնարկներ, իւրաքանչիւրին բռնայթին կամ բերմունքին համաձայն. տեղ մը ընդդիմութիւն եւ պաշտպանութիւն, ուրիշ տեղ խուսափում եւ ցրուում, օտար երկիրներ ապաւինիլ, օտարոսի շփումներով վարակուիլ, չափազանցութեանց չափազանցութիւններով պատասխանել, եւրոպական տէրութեանց խօսքերով օրօրուիլ, չարեաց աճելովը միջամտութիւններ յուսալ, չարիք աճեցնելու ձեռնարկներ ընել, մէկ խօսքով կառավարական անհիշն ձեռնարկներուն նմանօրինակ կերպերով համապատասխանել : Իրաւ որ ազգային խոհական տարրը մասնակից չէր այդ գործունէութեան, բայց խոհական տարրը բնաւ ուրեք մեծամասնութիւն չէ, եւ ամբոխէ ու աղաղակէ հեռու է, որով յաճախ իւր դերը լռութեան մէջ կը թաղուի :

Ես իսկ յաճախ առիթ ունեցած եմ յայտնապէս բացատրելու գաւառական և կառավարական և արքունական պաշտօնէութեանց, թէ մենք պիտի չցաւէինք եթէ մեզ ազգասէր և հայրենասէր եւ եթէ ազգամու իսկ սեպէիք, բայց կը ցաւինք երբոր տգէտի և տխմարի տեղ կը դնէք, զի Հայեր քաղաքական ձրգտումներ կամ ինքնօրէնութեան կամ ինքնավարութեան գաղափարներ չեն ունեցած և չեն կրնար ունենալ, քանի որ գիտեն

Թէ իրենց հայրենական երկրին մի լաւ մասը ուրիշ տէրութեանց  
կը պատկանի, որոնք օսմանեանին չեն ներեր որ լաւագոյն կա-  
ցութիւն մը կազմէ իւր հպատակ Հայերուն: Հայերը գիտեն եւս  
Թէ իրենց տարրին կարողագոյն մասը հայրենական երկրէն հե-  
ռացած է, եւ փորձառու են թէ մեծամեծ ձգտումներու համար  
պէտք եզոզ միջոցները իրենց կը պակսին: Հետեաբար տգէտ և  
տխմար եղած կ'ըլլային, եթէ հակառակ այդ տեսութեանց՝ ան-  
հնարութեանց ետեւէ ըլլային: Այսու հանդերձ կառավարութիւ-  
նը այդ ուղիդ տեսութեանց արժէք չառաւ, իւր իստութիւն-  
ները մինչեւ բռնութիւններու հասուց, զօհունակութեան աչքով  
տեսաւ Հայերուն օտար երկիրներ խոյս տալը՝ իբր հայաբնակ  
նահանգներուն հայաբնակութեան նուազում և Հայկական Խըն-  
դիրին նուազում, ուր ընդհակառակն թեթևակի շահուելով օգ-  
տակար և աշխարհաշէն տարր կ'ըլլային, մինչ օտար շփումներով  
յուզիչ և յուզուող տարր մը եղան, եւ կառավարութեան տագ-  
նապները աւելցան իւր իսկ թիւրխմացութեամբ: Ահա թէ ի՛նչպէս  
սկսաւ կուսակցական կոչում շարժումին տագնապը, որուն ա-  
ռաջին նշանը տուին արտասահման հրատարակուող Արևելիս եւ  
Հնչակ պարբերականները, եւ անոնցմէ ծագեցան Արևելակաւ եւ  
Հնչակեան կուսակցութիւնները:

Մինչև այստեղ համարձակածայն բարբառով քննադատեցինք  
կառավարական պաշտօնէութեանց ընթացքը, եւ զիրենք պա-  
տասխանատու եւ սկզբնապատճառ ցուցուցինք այն հետեանաց  
եւ արկածից եւ մնասուց, որոնք յառաջ եկան իրենց առաջին  
սխալ քայլերէն, եւ որոնցմէ հաւասարապէս տուժեցին թէ՛ հայ  
տարրը եւ թէ՛ կառավարական շրջանակը, այն տառապելով եւ  
այս տագնապելով: Սակայն անկեղծութիւնն ու ճշմարտութիւնը  
կը պահանջեն խոստովանիլ, որ եթէ կուսակցականութիւնը կա-  
ռավարական ընթացքէն գրգռուեցաւ, կուսակցականութիւնն ալ  
չգիտցաւ իւր դերը իմաստութեամբ վարել և իւր ճիգերը խոհա-  
կանութեամբ արդիւնաւորել:

Առաջին մեղադրանքը, զոր ազատաբերան պիտի յայտարա-  
րենք, իրեն բազմոստեան ճիւղաւորումն է, որ հետզհետէ տաս-  
նեակի մը հասաւ, և գուցէ անցաւ ալ: Միակ և միապաղաղ և  
համերաշխ գործունէութիւն մը, որչափ ալ տկար եւ անզօր,  
կրնար վերջապէս զօհացուցիչ վախճանի մը յանգիլ, ուր ընդ-

հակառակն բաժնուած և անջատուած, և ինքն իր մէջ հակառակամարտ գորութիւն մը աներկբայաբար ներքին տկարութեան և արտաքին անպտղութեան պիտի առաջնորդէր: Այդ անջատումները այնքան յառաջացան, որ մինչև իսկ իրարու թերութիւնները, նենգութիւնները, խարդաւանանքները ի լուր աշխարհի հրատարակագոյժ ընել չկուտեցան, եւ ա՛լ աւելի յառաջելով՝ իրարու դէմ դաւաճանութիւններ ալ պատրաստեցին, եւ փոխադարձաբար իրարու գլխաւորները հրազէնով կամ դաշոյնով մահացընելու հասան, ոչ միայն իրենց ազգին՝ այլև բովանդակ աշխարհի առջեւ գայթակղական վիճակ մը պարզեցին, վարկերնին վիճացուցին, եւ փոխանակ իրրեւ ազգասէրներու խումբ մը յարգուելու, իբրև սրիկայական ջոկատ մը անարգուեցան: Նշանակալից կէտը մատնանիչ ընելէ ետքը, պարագայից մէջ երկարօրէն դեգերիլ աւելորդ կը դասեմ:

Կուսակցութեանց երկրորդ թերութիւնը եղաւ գլուխնին փորձառու եւ խոհական եւ վարչագէտ անձեր չգանուիլը, այլ յովսուռն երիտասարդներ, անփորձ դպրոցականներ, բախտախնդիր պանդուխտներ, արկածախնդիր գլուխներ, որոնք ո՛չ հիմնական ծրագիր մը կրցան կազմել, ո՛չ հաստատուն ուղղութիւն մը ունենալ, եւ ո՛չ փորձառութենէ օգտուիլ: Եթէ գըտնուեցան սակաւաթիւ ուսեալ անձեր, անոնք ալ գրագէտներու դասակարգին կը պատկանէին, որոնք վերացական գաղափարներով կ'օրօրուին, և բանաստեղծական թռիչքներով կը սուսունին, եւ գործնական ու իրական շրջանակներով չեն գրադիր: Այստեղ ալ եղելութիւնը ակնարկելով կը բաւականանամ, մանրամասնութիւններ յայտնի բաներ են:

Կուսակցականներ նիւթական միջոցներ ճարելու մէջ ալ շըրջահայեաց ճարտարութիւն ցոյց չտուին: Ազգատին լուման հաւաքելու համար մտացածին երևոյթներ, անիրականալի խոստումներ, եւ խարէական պատրանքներ գործածեցին, իսկ հարուստներէն գումարներ շորթելու համար սպառնալիքներ, դաւաճանութիւններ, մահափորձեր, սպանութիւններ ձեռք առին, որոնք երբեք նպատակը հաճոյական եւ սիրելի ընելու չեն ծառայեր: Իրենց պարտքն էր գործերնին յօժարակամ ընդունելի եւ սիրելութեամբ փարելի ընել տալ, և ո՛չ թէ բռնութեամբ պարտաւորիչ կամ խաբկանօք գործադրելի ընել տալ: Եթէ կրցան այս



Քերպով ալ նիւթական միջոցներ հաւաքել, սակայն իրենց յարձքն ու վարկը վրայ տուին խոհականներու աչքին, իրենց մասին կասկած արթնցուցին, հասարակ ժողովուրդին կողմէ ապիկարներ կարծուեցան և նոյն իսկ գործին իսկութիւնը այլայլելու առիթ տուին:

Ձեռք ձգած միջոցներուն կիրառութեան մէջ ալ աւելի յաջողակ չեղան: Կուսակցական պետերուն դիւրակեաց, եւ նոյն իսկ ցոփակեաց, կենցաղը շատ խօսուեցաւ: Իրենց նպատակը պէտք էր ըլլար օրինաւորութեամբ և յարմարութեամբ գործել, և եթէ դրամ և զէնք ալ ամբարէին, պէտք չէր որ ըստ դիպաց և ըստ քմաց վտանէին, կամ թէ անհաւատարիմ ձեռքերու յանձնելով ձեռքերնէն հանէին, և այնպիսի միջադէպներ ստեղծէին, որոց աննշանակ եւ ապարդիւն ըլլալը ակնյայտնի էր: Սոյի եւ Բանաշէնի զիւղերուն մէջ շարժումներ գրգռել, որ Բիւրտերով շրջապատուած են եւ չորս կողմերնին զինուորական կեդրոններունին, զիտնալով ձախողուածի դէմ երթալ էր, որ նախատես եւ նախահոգ գործունէութիւն չ'ապացուցաներ, եւ իր հեղինակներուն կարողութեան փաստ չ'ըլլար, նոյն իսկ իրենց գրութեան համեմատ:

Իրենց նպատակ ըրած էին արկածախնդիր ձեռնարկներով եւ սուտ համբաւներով Համիտը զայրացնել և չափազանցութեանց պրգռել, որպէսզի նոր կոտորածներ և աւերածներ հրամայէ, և եւրոպական տէրութեանց միջամտութիւնը հրաւիրուի, և Հայկական Խնդիրին, կամ աւելի ճիշդ՝ հայաբնակ նահանգներուն բարեկարգութեան գործին իրականացումը պատրաստուի: Սակայն առ այս պէտք էր նախապէս եւրոպիոյ միտքը շօշուփել, բանակցութեանց մտնել, ապահովութիւն ստանալ, մինչ դեռ պահատուններէ քաղուած տեղեկութեանց համաձայն՝ եւրոպա շատ հեռու էր այդ պատրաստականութենէ, և մինչև իսկ եւրոպակողման Թուրքիոյ բարեկարգութեան կը յետադասէր Ասիակողման Թուրքիոյ ներքին նահանգաց բարեկարգութիւնը: Այդ անխորհուրդ ձեռնարկներու մի գժպի հետեանքն էր՝ Թուրքիոյ մէջ գտնուող Հայերու վրայ նորանոր ճնշումներ և խստութիւններ հրաւիրելը, և եթէ ոչ բորբոքեալ հալածանքներ և բոցակէզ կոտորածներ, գոնէ մաղմաղ կրակի հիւծիչ տանջանքներ, որոնք տապնապաներէ ազատած մնացորդներուն շունչ առնելը և տակաւ

կազմութիւնները կ'արգիլէին: Այդ մասին յստակ եւ որոշ ազգաբարութիւններ յղած եմ այդ ձեռնարկներու հեղինակներուն, թէ խիղճի հակառակ է յախուռն փորձեր կազմակերպել, որոց հետեւանքը կազմակերպողներուն վրայ պիտի չծանրանայ, այլ անմասրն եւ անմեղ ժողովուրդը պիտի կրէ անոնց ծանրութիւնն ու վնասները:

Կուսակցական ձեռնարկներուն ձախող պարագաներէն մէկն ալ ռուսահայ ազգայնոց գործին միջամտելն ու կերպով մը տիրապետելն եղաւ, որով նախապէս տաճկական կառավարութեան հանդէպ մղուած պայքարը, եւ ռուսական կառավարութենէն թոյլատրուած եւ մինչեւ աստիճան մը հովանաւորուած գործը ռուսական կառավարութեան հանդէպ ալ հակապետական կերպարան զգեցաւ, Ոչնչականաց ուղղութեան հետ համաձայնեցաւ, դաւածան խորհրդակցութեանց մասնակցեցաւ, սրով ո՛չ միայն հովանաւորող ազդեցութիւն մը կորսնցուց, այլև ուղղակի զայն իրեն թշնամին և հակառակորդն ըրաւ, որուն շօշափելի հետևանքներն եղան ռուսական կառավարութեան կողմէ Դաշնակցականաց դէմ բացուած հալածանքը, մեծադուրդ դատաստանը եւ բազմաթիւ դատապարտութիւնները: Ամենէն տարրական վարչազիտութիւնն ալ գիտէ, թէ պէտք է հակառակորդներու թիւը շատցնել, այլ մէկուն դէմ պայքար մղուած ատեն միւսը իրեն նպաստաւոր, գոնէ կատարեալ չէղոքութեան մէջ պահել: Կուսակցականներ այդչափ տարրական կէտին մէջ ալ իրենց ցուցադրած կարողութեան և բարձրութեան փաստը չընծայեցին:

Այդպէս և այդչափ անխորհրդաբար կառավարուած գործը, բախտին անակնկալ մի խաղով յանկարծ յաջողութեան կերպարան առաւ 1908 յուլիսին Իթքիհաս վե Թերագզի տաճկական կուսակցութեան տարած յաղթանակովը: Ազատական սահմանադրութիւնը օսմանեան կառավարութեան մէջ հռչակուեցաւ, ազատական սկզբունքներ գործադրութեան մտան, եւ որ աւելին է տաճկական կուսակցութիւնը իրեն ռահանորդ ճանչցաւ հայկական կուսակցութիւնը, և ընկերակցական ցոյցեր ու եղբայրական կապեր առատացան իրարու հանդէպ: Հայկական կուսակցութեան մրթագնեալ հորիզոնին վրայ նոր արև կը ծագէր, և ակնկալու ազգեր յաջողութեան դուռները բացուած կը տեսնէին, եւ սրտագրաւ երազներով կ'օրօրուէին: Հայկական կուսակցականութիւն

նը տաճկականէն կը փաղաքշուէր, աղգային ներքին կեանքին կը տիրանար, ժողովներն ու պաշտօնները իր ձեռքը կ'անցընէր, իրեն հըռ պատրիարքներ ալ կը նստեցնէր, եւ յուսալի էր որ անցեալին փորձառութիւնը իրեն օգտակար պիտի ըլլար եւ ազգին բարօրութեանը պիտի նպաստէր: Երանի՜ թէ եղած ըլլար: Դժբախտաբար այդ յուսապարար ակնկալութիւնն ալ յուսախաբութեան փոխարկուեցաւ: Ազատութեան հռչակումը օսմանեան գեանի վրայ եւ օսմանեան դաղափարի ներքեւ նուիրագործուած էր, և ինչով որ սկսաւ անով պէտք էր զարգանար: Հայկական նահանգաց բարօրութիւնը նախադրուեալ խնդիր մըն էր, բայց չէր կրնար ընդհանուր և տիրող գաղափարէն զատուիլ, և անով եւ անոր մէջ պէտք էր մշակուէր: Կուսակցականութիւնը նախ ծովամտոյն մտաւ օսմանեանութեան մէջ, կարծես իւր հայկական նութիւնը մտնալու կամ ուրանալու չափ, իր ներքինը ու ինքնութիւնը անվերապահ բացաւ օսմանեանութեան առջև, և յետոյ, յանկարծական ոստումով մը, իւր հայկականութիւնը սկսաւ ցուցադրել օսմանեան գետինէն հեռանալու չափ: Հայութեան ու տաճկութեան փժուէն խնդիրներ հրապարակ նետուեցան, անժամանակ պահանջներ յանդէպս բարձրացան, ծերակոյտի կամ երեսփոխանութեան մէջ երկու կամ երեք հայեր աւելի ունենալը կենսական խնդիրի կարեւորութիւն առաւ, իբրև թէ 250 անդամոց մէջէն 10ի տեղ 12, կամ 12ի տեղ 15 հայ գանուիլը հայութեան ապահովութիւնն ու արժանապատուութիւնը աւելցնէր, մինչ բոլոր նպատակը մէկ երկու կուսակցական պետերու քանի մը հարիւր լիրայի վայելք պատրաստելէ անդին չէր անցներ: Այսպէս խզուեցան 1908 յուլիսի ընկերակցական ցոյցերը եւ եղբայրական կապերը, և երբ հայուն բարօրութեան արշալոյսը կը բացուէր, առանց ցերեկի պայծառութեան վայելքը տեսնելու, երեկնային վերջալոյսը յաջորդեց, և դուռ բացաւ այն աղէտալի կացութեան զոր ողբացինք և կ'ողբանք, և կը ցաւինք որ ձախորդութեան պատճառ տուողներն ալ նոյն աղէտներու անդունդին մէջ սուզուեցան ու անհետացան:

Աղէտներու մանրամասնութեանց մտնել չեմ ուզեր, գոնէ առայժմ լուել կը սիրեմ: Նպատակս կուսակցական գրութեան վրայ անկաշկանդ տեսութիւն մը ընել էր, եւ այդ նպատակէս անդին չեմ անցնիր: Թերեւս քիչ մը խիստ եղաւ քննադատու-

թիւնս, սակայն ես իրողութիւններ խօսել տուի, խորհրդածու-  
թիւններէ զգուշացայ, անձնական պարագաներ ալ չխառնեցի,  
որպէսզի անհատական զգացմանց արձագանգ եղած ըլլալու կաս-  
կածը չզարթուցանեմ:

## 4

Գաւառակոս, 1918 յիւնուար 16/1 Վարճ Ուր.

Պատրիարքական պաշտօնավարութեանս նկատմամբ վերջին  
հատուածներս, միանալով Խոնֆ ու Խոսֆիս սկիզբները պաշտօնիս  
հոգեբանական ըմբռնմանց մասին գրածներուս հետ, թող բաւա-  
կան սեպուին սիրտիս ու միտքիս, ոգւոյս եւ ուղղութեանս վը-  
րայ գաղափար կազմելու, հետեւելով յայտարարութեանցս ան-  
կեղծութեան եւ իրողութեանց անբարբառ վկայութեան: Արդէն  
Յիշատակագիրքիս և Ազգապատումիս մէջ ալ այդ կէտերը շօշափուած  
են, և աւելի երկարելու պէտք չեմ գտար, և կ'անցնիմ պաշտօ-  
նավարութեանս միջոցին անզի ունեցած նշանակալից դէպքերու  
անցքեր քաղել:

Նշանաւոր եղելութեանց գլխաւորներէն մին եղաւ Սաղիմական  
Խնդիրը, կամ ուրիշ բացատրութեամբ՝ Երուսաղէմի հաշուեպահանջ-  
ներուն եւ հաշուեխոյսներուն պայքարը: Գարեգին Մուրատեա-  
նի, ապա Մելքիսեդեկ վարդապետի, ժառանգաւորաց Վարժա-  
րանի ուսուցչութեան և տեսչութեան օրէն, Երուսաղէմի մլարա-  
նութեան մէջ ուսեալներու յաւակնութեան հիմերը դրուեցան, և  
հինգ ընկերակիցներու մեծամասութեան շրջանը սկսաւ, որք էին  
իրենց վերջին անուններով՝ Գարրիէլ Անոյշեան, Վահան Յակոբ-  
եան, Սահակ Խապայեան, Ղևոնդ Մազսուտեան և Գէորգ Երէց-  
եան, որոնց երեքը առաջինէն և վերջինէն զատ, Կ. Պոլիս յըղ-  
ուած և լրացուցիչ ուսում ալ ստացած էին, և հինգն ալ վանա-  
կան մլարանութեան մէջ առաւելագոյն կարողութեան անունով՝  
սարկաւազութեան օրերէն կարևորագոյն պաշտօններու տիրա-  
ցած էին: Հինգերուն մէջէն աւելի աչքառու դեր ստացողը Մագ-

սուտեանն էր, որ ելեմտական շրջանակը իրեն ասպարէզ բրած եւ ընդհանուր մատակարարութիւնը իւր վրայ կեդրոնացուցած էր, առերևոյթ փայլուն արդիւնքներ կը ստացնէր, բայց և իւր անձնական քսակն ալ զգալապէս կը պարտէր: Շատ չանցած հինգերէն առաջին երկուքը միութենէն բաժնուեցան, Անոյշեան Մագսուտեանի շահադիտութենէն դայթակղած, եւ Յակոբեան Մագսուտեանի բախտաւորութեան նախանձած: Երկուքն ալ վանական շրջանակէն հեռացան, եւ հնգեակը երրեակի վերածուեցաւ, եւ ազդեցութեան ու ձեռնհասութեան ու բախտաւորութեան առուելութիւնները երրեակին ձեռքը մնացին, որ համարձակութիւն ստացաւ ըստ հոճոյս գործելու, զի հինէր անոր ցոլքերէն շլացած, և նորեր ազդեցիկ ձայնէ զրկուած, և պատրիարքների գործին ներքինին շթափանցած, երրեակին գործունէութեան ազատ և ընդարձակ ասպարէզ էլին թողած, մինչև որ հիներ պակսելով և նորեր աճելով՝ գործոց ընթացքին տեղեկանալու հետաքրքրութիւնը ծագեցաւ, և հաշուեկալանանջներու ձրգտումը սկսաւ: Միւս կողմէն Մագսուտեան հաշուեկալանութեան դրօշն էր պարզած՝ իր երկու ընկերակիցներու աջակցութեամբ և միաբաններէն ոմանց օգուտի կամ յոյսի գորութեամբ շահուած կողմնակցութեամբ: Այդ խուլ անհամաձայնութիւնը կը տիրէր Երուսաղէմի մէջ, երբ նոր պատրիարք եւ նոր վարչութիւն պաշտօնի մտանք:

Շատոնց էր որ կեդրոնը Երուսաղէմի հաշիւները ոչ տեսած և ոչ քննած էր, զի առ այս ձեռնհաս եղող Ընդհանուր Ժողովին գործունէութիւնն ալ խափանուած էր: Մենք ալ հաշիւ պահանջելու նախաձեռնութիւնը չունեցանք, զի ոչ միայն Ընդհանուր Ժողովի նիստերուն ընդհատումը կը շարունակէր, և կը խիթայլինք որ այդ պարագային հիմնուելով մեր պահանջը մերժուէր, այլև շատ աւելի կարևոր և տագնապալի խնդիրներ մեր ուշնուրուշը գրաւած էին, եւ Երուսաղէմի փոխանորդ Երէցեան ալ սաղիմական գործոց կանոնաւոր ընթացքին, ելեմտական կացութեան փայլուն վիճակին, և տարածուած զրոյցներուն անհիմն և կիրքի հետեանք ըլլալուն լիուրի վստահութիւն կը ներշնչէր: Այսպէս անցան իրր եօթը տարիներ՝ 1896էն մինչև 1903: Պատահական պարագայ մը յանկարծ մոխիրի ներքև ծածկուած կրակը բոցավառեց, եւ Երուսաղէմէ բողոքներ սկսան հասնիլ:

Վերջին տարւոյ բուն բարեկենդանի կիրակիին և նախընթաց օր-  
ուան մէջ եկեղեցւոյ մէջ, դասապետ Տէրտէրեան Դաւիթ և տե-  
սուչ Չիլինկիրեան Եղիշէ վարդապետներուն միջև աշակերտաց  
նկատմամբ իրաւասութեան խնդիր էր յարուցուած և մինչև իսկ  
եկեղեցական պաշտամանց խանգարուելուն պատճառ եղած: Ան-  
ցողակի և միանգամ ընդ միշտ պիտի յիշեցնեմ, թէ նպատակս  
Երուսաղէմի անցքերը պատմաբանել չէ, այլ լոկ անոնց մէջ իմ  
հետեւած ուղղութիւնս եւ վարած դերս լուսաբանել:

Գաղտնիք մը չէր որ հաշուեպահանջութեան հետեանք էր  
տեղի ունեցած միջադէպը, զի խնդիրը մինչև աշակերտաց հա-  
սած էր և կողմնակցութիւններ գրգռուած, սակայն եկեղեցական  
անտեղութեանց առիթ տալը ներելի չէր. ուստի ընդարձակ պաշ-  
տօնագիր մը ուղղեցի փոխանորդ Ներսէս կպս. Գէորգեանի հաս-  
ցէին՝ միաբանութեան հաղորդելու համար, որուն մէջ եկեղեցական  
անտեղութիւնը պախարակելով մէկտեղ՝ ակնարկած էի, որ եթէ  
հաշիւի կամ ուրիշ խնդիրներ ունէին, կրնային զայն օրինաւոր  
ձևով առաջարկել որ Կեղրոնն ալ նկատի առնէր: Այս գրութիւ-  
նը միջասահման ձև մըն էր երկու բողոքող կողմերու ալ կեր-  
պով մը գոհունակութիւն տուող, սակայն Մագսուտեանի հա-  
շուեխոյս վարչութիւնը չհամարձակեցաւ գրութիւնս միաբանու-  
թեան հաղորդել, զի անով հաշուեպահանջութեան դուռ կը բաց-  
ուէր, և իւր դրութեան օգտակար չէր: Պաշտօնագիրս գաղտնի  
պահուելով մէկտեղ հաշուեպահանջութեան խնդիրը հրապարակ  
իջաւ և մեր պատրիարքարանին ներկայացուեցաւ, և մենք ալ  
պարտաւորուեցանք անցած եւ համարատուութիւնը չներկայա-  
ցուած տարիներու հաշիւները պահանջել, և Յարութիւն Վեհա-  
պետեան պատրիարքէ խնդրել, որ հաշիւներուն հետ անոնք բա-  
ցատրող միաբան մըն ալ, և յատկապէս ելեմտից տեսուչ Մագ-  
սուտեանը Կ. Պոլիս յղէ: Վեհապետեան, որ տակաւին Մագ-  
սուտեանի փայլուն հրապոյրներուն ազդեցութեան ներքեւ էր,  
թէպէտ համարատուութեան պատրաստութիւնը հրամայեց, սա-  
կայն Մագսուտեանի հեռանալուն համամիտ չգտնուեցաւ, անոր  
ներկայութիւնը աթոռական մատակարարութեան անհրաժեշտ դա-  
տելով, անշուշտ նոյնինքն Մագսուտեանի դրդմամբ:

Համարատուութեանց հասնիլը կը յապաղէր, Մագսուտեան  
դործը քաշքշելու միջոցներ կը ստեղծեր: Խապայկեան թէպէտ

կաթողիկոսութեամբ Կիլիկիա մեկնելով իւր ընկերը մօտաւոր և զօրաւոր աջակիցէ գրկած կ'ըլլար, բայց հնարաւորը ընելու համար Կ. Պոլիս ալ կուգար, ինչպէս Կիլիկիոյ խնդիրին մէջ յիշեցինք: Երէցեան ալ Կ. Պոլսոյ մէջ ոգի ի բռին Մագսուտեանի պաշտպանութեան կ'աշխատէր, եւ երբ բողոքագիրներ ու տեղեկագիրներ Երուսաղէմի Աթոռին ծանր պարտքի ներքե գըւնուիլը կը հաստատէին, Երէցեան կը ճգնէր պարտքի գոյութիւնը ստել եւ Աթոռը ելեւմտական նախանձելի վիճակի մէջ ցուցնել: Այդ ներհակընդդէմ յայտարարութեանց առջև Կեդրոնը կը ստիպուէր քննիչի մը ձեռքով խեղութիւնը տեղւոյն վրայ ստուգել, և այդ փափուկ պաշտօնը կը յանձնուէր դիւանապետ Բարթող Թելեանի, որուն պաշտօնապէս տրուած հրահանգին հետ մտերմաբար հաղորդուած էր՝ իւր բոլոր նպատակը դարձնել պարտքին գոյութիւնը ստուգելու եւ քանակը ճշդելու: Քննիչին տեղեկագիրը աննպաստ եղաւ Մագսուտեանի և հակառակ Երէցեանի, ուստի Կեդրոնը կը ստիպուէր համարատուութիւնը խստիւ պահանջել եւ Վեհապետեան ալ ընթացք կուտար Կեդրոնին պահանջին, մինչ Մագսուտեան պատճառանքներով և երկարած գումաներով հաշիւ ներկայելէ կը խուսափէր, և մինչև իսկ Վեհապետեանը անգոսնելու և քննադատելու կը համարձակէր՝ հաշուեպահանջներու երես տալուն եւ Կեդրոնին համակերպելուն համար: Վերջապէս Վեհապետեանի երկայնմտութիւնն ալ կը սպառէր, Մագսուտեանի վրայ վստահութիւնը կը նուազէր, և իրեն դէմ յայանուած անսաստութենէն կը վշտանար, որով 1905 յունուարին զայն ելեւմտից տեսչութենէն կ'արձակէր ու հաշիւները հաւաքելով Կ. Պոլիս երթալ կը հրամայէր, և տեսչութիւնը կը յանձնէր Գայրզճեան Մատթէոս վարդապետի: Մագսուտեանի տակաւին դանդաղելուն և հրամանին չանստլուն վրայ, Վեհապետեան ինձի կը դիմէր, և ես ալ նախարարութեան ձեռքով և պետական հրամանով Մագսուտեանը Կ. Պոլիս բերել կուտայի, ու այլևս Երուսաղէմի հաշուոց խնդիրը Ղեռնդակաւ խնդիրի անուն և բնութիւն կ'առնէր, Մագսուտեանի անձին վրայ Կեդրոնանալով:

Մագսուտեանի Կ. Պոլիս հասնելէն ետքը իրեն հանդէպ ունեցած վարմունքս բարեկամական ձևով եղաւ, վասնզի կ'ուզէի անձը ուսումնասիրել եւ ներքին տեղեկութիւններ քաղել. շաբաթ երեկոյներ Երուսաղէմատան մէջ սեղանակից ալ կ'ըլլայի,

որ մինչև իսկ ժողովականներէն ոմանց կասկածելու պատճառ  
 եղաւ, թէ մի՛ գուցէ զեղծարարութեանց ծածկող դառնամ: Հա-  
 չիւներուն պատասխանատուն հասած ըլլալով պաշտօնական քն-  
 նութեանց ատենը հասած էր եւ Հաշուեքննիչ Յանձնաժողովը  
 կազմուեցաւ վարչական շրջանակի մէջ, Քաղաքականէն Գրիգոր  
 Ստրեան ու Մինրան Սեթեան ու Սեպուհ Տէմիրճիպաշեան, եւ  
 Տնտեսականէն Գէորգ Ասլանեան և Վահան Սուրէնեան անդամ-  
 ներով: Ինծի ալ առաջարկուեցաւ Յանձնաժողովին նախագահել,  
 զոր յանձն չառի, երբոր ըսուեցաւ թէ Հաշուեքննիչը լիազօր չէ  
 և Վարչութիւնը պիտի վերաքննէ, ինչ որ կրնար Վարչութեան  
 նախագահութիւնս տկարացնել: Սակայն գուցէ լուաղօյն պիտի  
 ըլլար եթէ յանձնառու ըլլայի եւ հեղինակօրէն գործելով եզրա-  
 կացութիւնները Վարչութեան ընդունել տայի եւ գործը կարուկ  
 եւ արագ կերպով վերջանար: Քննութեան սկսուած ատեն տես-  
 նուեցաւ որ Մագսուտեանի հաշիւները երկու որոշ մասեր կը  
 ներկայացնեն, մին վանական ուտեստի ու զգեստի ու պահեստի  
 սովորական հաշիւը, եւ միւսը շինութեանց եւ նորոգութեանց  
 արտասովոր հաշիւը: Առաջինին համար կը ներկայացնէր տարե-  
 կան ցուցակներ առանց մանրամասնութեանց, իսկ երկրորդին  
 համար ո՛չ տոմար ունէր եւ ո՛չ ցուցակ, եւ միայն գրպանէն  
 հանած հատուկտոր թերթիկներէ բերանացի պատասխաններ կը  
 քաղէր: Հաշուեպահանջներուն պնդումները այդ երկրորդ մասին  
 համար էին, եւ մասնաւոր տեղեկութիւններէ եւ գիրերէ քաղ-  
 ուած բազմաթիւ առարկութիւններ կը ներկայէին, որոց համար  
 իրենց կողմէն բացատրող մը պէտք եղաւ, եւ քննութիւնը առ-  
 կախ մնաց մինչև Գայրգճեանի հասնիլը: Քննութիւնը շարունա-  
 կեց չորս անգամներով Տէմիրճիպաշեանի մահուան պատճառով:  
 Հազիւ տարիէ մը տեղեկագիրը կազմուեցաւ, որուն մէջ ինչ ինչ  
 կէտերուն վրայ չորսերնին համամիտ էին, եւ ինչ ինչ կէտերու  
 վրայ Քաղաքականներ Տնտեսականներէն կը գատուէին: Երբոր  
 Վարչութիւնը տեղեկագիրը առաւ, տեսաւ որ այն բուն նպա-  
 տակէն հեռացած է, վանքին ելեւմտական կացութիւնը ճշդուած  
 չէ, պարտքին գոյութիւնը ու քանակը նայուած չէ, շինութեանց  
 եւ նորոգութեանց հաշիւներուն տոմարով եւ փաստերով հաս-  
 տատուած չըլլալը նկատի առնուած չէ, և երկու Քաղաքական-  
 ներ ոյժերնին առւած են Մագսուտեանի դէմ ամբաստանութիւն-



ները հերքելու և զեղծումներէ արդարացնելու: Մէկ խօսքով՝ տեղեկադիւր այն չէր ինչ որ պահանջուած էր. և Մագսուտեանի արդարացումն ալ ոչ օրինաւոր տոմարներով և վաւերաթուղթերով, այլ բերանացի յայտարարութիւններով և գրպանի թերթիկներով հաստատուած էր: Հետեապէս զորձը թերի, տեղեկագիրը անբաւարար, և խնդիրը անլոյծ դատուեցաւ: Այդ եզրակացութեան կերպով մը առիթ տուած էր Քայլագծեանի բռնած ոճն ալ, որ փոխանակ հիմնական և ամբողջական հաշիւներու վրայ պընդելու, մասնաւոր անճշգոթեանց, յայտնի սխալանաց և նոյն իսկ խարդախեալ արձանագրութեանց ընդարձակ ցուցակ մը առջև դրած էր: Մագսուտեանի արդարացման համար Քաղաքականի անդամներուն թափած ճիգերուն նկատմամբ Սեթեանի անձը շահադիտութենէ և շահասիրութենէ վեր կը վկայեմ, սակայն զայն ալ նոր շինութեանց լուսանկարներէ և մտացածին բաղդատական հաշիւներէ շլացած կը գտնեմ: Եթէ Յանձնաժողովին նախադահած ըլլայի, հաւանաբար աւելի դրական և որոշ եզրակացութեան յանգող տեղեկագիր մը կազմուած կ'ըլլար:

Երբոր թերի մասերը լրացնող տեղեկագիր մը ուզուեցաւ, ձեռքի տակ եղող գրուածոց անբաւականութիւնը պատասխանուեցաւ, եւ անոնք ստանալու համար նոր քննիչի առաքման հարկը տեսնուեցաւ: Այդ պաշտօնին ընտրուեցաւ Գէորգ Ասլանեան, որ իւր պետական պաշտօնին բերմամբ Սուրիոյ նահանգներուն խճուղեաց քննութեան համար այն կողմերը կը գտնուէր, և Հանրային Շինութեանց նախարարութենէ խնդրուեցաւ և արտօնուեցաւ Պաղեստինն ալ քննելի սահմաններուն կցել, որ Երուսաղէմ երթալու եւ ազգային քննութիւնն ալ կատարելու գիւրութիւն ունենայ: Իրեն օգնական տրուեցաւ դիւանապետ Կարապետ Խաչատուրեան, իմ կազմած ընդարձակ հրահանգը տանելով, եւ կալուածագիրերը քննելու եւ շինութեանց մասին վաւերական արձանագրութիւններ քաղելու յանձնարարութեամբ: Ասլանեան Երուսաղէմ հասնելով՝ նախապէս անպաշտօն կերպով տեղեկութիւններ կը քաղէ, եւ հրահանգն ալ ուսումնասիրելով՝ խնդիրը բաւականաչափ լուսաբանուած կը գտնէ, միւս կողմէ իր նախարարէն դառնալու հրաման կը ստանայ, եւ պաշտօնական քննութեան չձեռնարկելով Կ. Պոլիս կը դառնայ: Խաչատուրեան քիչ մը ևս կը սպասէ, եւ ուրիշ քննիչ չյղուելուն եւ

իր ալ ինքնուրոյն պաշտօն չունենալուն վրայ, առանց գործ մը կատարելու ետ կը դառնայ:

Տարին ապարդիւն կը սահէր և տակաւին Սաղիմական կամ Ղևոնդական խնդիրը անորոշ կը մնար, մինչ վերջնական վճիռի մը պէտքը անհրաժեշտ էր: Երուսաղէմի պատրիարքն ալ կը սպասէր, Մագսուտեան ալ կը խնդրէր, և Երէցեան ալ վարչութիւնը տկարացած ենթադրելով գանգաւաններ եւ բողոքներ կը բարձրացնէր: Արդէն վճռական քննութեամբ խնդիրը վերջացնել իրաւացի և օրինական էր, ուստի գործին աւելի կարեւորութիւն տուած ըլլալու համար, Կրօնականի դեր-ատենապետ Մանկունի վահրամ եպիսկոպոս քննիչ կ'ընտրուէր 1907ին, և պաշտօնական ու հաշուական ու վարչական պահանջները զօրացնելու համար, դրան գործակատար Արիս Ֆէսճեան իրեն օգնական կը տրուէր, որ 1903 մարտ 31էն ի վեր պաշտօնի վրայ էր, եւ սաղիմական խնդիրին անցուգործերուն լիովին տեղեակ էր: Քննիչներ Երուսաղէմ հասնելով քննելի նիւթերուն իւրաքանչիւր ճիւղին համար յատուկ մասնախումբեր կը կազմեն, և ստացուած արդիւնքները համագումար նիստերու մէջ հաստատել կուտան, և Մագսուտեանի ընթացքը նշաւակող և զեղծումները հաստատող լիովին պաշարով ստուար տեղեկագիր մը կը կազմեն, զոր Ֆէսճեան 1907 զեկտ. 30/12 յունուար 1908ին Կ. Պոլիս հասնելով Կեդրոնին կը յանձնէր, ուր իր ներկայութիւնն ալ անհրաժեշտ նկատուելով դառնալ հրաւիրուած էր: Նոր 1908 տարւոյն առաջին քառօրօրին վերջերը Մանկունի ալ կը դառնար, եւ բոլոր նոր ու հին տեղեկագիրները և վաւերութուղթերը, ամբաստանագիրներն ու պաշտպանողականները Քաղաքական եւ Կրօնական ժողովներու ատենապետներէն եւ դեր-ատենապետներնէն՝ Գարրիէլ Նորատունկեանէ ու Տիրան Աշնանէ, եւ Գրիգորիս Յովհաննէսեան ու վահրամ Մանկունիի տեղ Մովսէս Կէօմրիւքճան եպիսկոպոսներէ կազմուած Յանձնաժողովի մը կը յանձնուէին, բազում տակու եւ քաղելու եւ եզրակացնելու համար: Ասոնք գործի ձեռնարկած եւ աւարտելու մօտեցած էին, երբ 1908 յուլիս 11/24ին ազատութիւնը հռչակուեցաւ, և 16/29ին պատրիարքութենէ հրաժարիլ տեղի ունեցաւ, եւ Ղևոնդական խնդիրին իմ օրով վարած եւ լուծման մօտեցած ընթացքը ընդհատուեցաւ: Ինչ որ անկէ ետքը տեղի ունեցաւ, ինչ անկախ եղելու

թիւն է, բայց նորէն անդրադառնալու առիթ պիտի ունենանք:

Ղեկնդական խնդրոյն իմ պատրիարքութեան ժամանակին պատկանող բաժինը փակելու համար, հարկաւոր կը դատեմ իմ տեսութիւններս անսեթեւեթ համառօտել: Վանական առօրեայ հաշիւներուն կողմէն Մագսուտեանի բան մը մեղադրել աւելորդ կը դատեմ. քանի որ սովորական տարիներու հաշիւներէն շատ տարբեր բաներ չեն ներկայեր: Մագսուտեանի վրայ ծանրացող կէտերը շինութեանց, նորոգութեանց, վաճառմանց, գնմանց, և փոխառութեանց արտասովոր և բացառիկ գործողութեանց շուրջը կը դառնան: Մագսուտեան ծանր կուսկածանաց եւ պատասխանատուութեան ենթարկուած կը մնայ, երբոր նորոգութեանց եւ շինութեանց եւ յարակից գործողութեանց կանոնաւոր տոմար չի ներկայեր, եթէ իրօք բռնած չէ, կամ եթէ բռնած է եւ մէջտեղ հանելէ կը վախնայ: Մագսուտեան մեծապէս մեղադրելի կը մնայ, երբոր վաճառմանց եւ գնմանց եւ ուրիշ գործողութեանց մասին վանական հաշուետոմարներուն անցուցած յիշատակութիւնները անհարկի տեղափոխութիւններով շփոթութեան մատնել կ'աշխատի: Մագսուտեան տպօրինի կացութեան մէջ կը գլտնուի, երբ՝ հակառակ կանոնադրին՝ ինքն պաշտօնեայ ըլլալով Տնօրէն Սորհրդոյ անդամակից և ատենապետ կը մնայ, և ելեմըտապետի, գանձապետի, կալուածապետի, շինուածապետի պաշտօնները հաւաքաբար իր վրայ կ'ամփոփէ, և իր գործողութիւնները ինքն կը վաւերացնէ: Մագսուտեան խարդաւանանքի ըստգրտանքէն ազատ չի մնար, երբոր ատենագրութեանց տիրանալով, թուականներու կարգին հակառակ յաւելուածներ կը սպրդեցնէ, իր միակ ստորագրութեամբ որոշումները կը հաստատէ, եւ կամ ոչ ժողովականներու իբրև ժողովականներու ստորագրել կուտայ: Մագսուտեան օրինաց հակառակ գործած կ'ըլլայ, երբ առանց կանոնական պայմանները սպառելու, վաճառումներ կը կատարէ, ինչպէս Երիքովի եւ Աղեքսանդրիոյ գետիններուն, եւ երբ պիտանի կալուածներու վաճառման իբր փոխարէն՝ անկոխ եւ անպէտ և քարուտ տեղերու գնումներ կը նշանակէ: Մագսուտեան կանխամտածուած նենգութեան պարտաւոր կը մնայ, երբ վանական գումարները փոխանակ պատրիարքի անունին փոխանակագրելու, ներկայացնողին անունին փոխանակագրել կուտայ, փոխանակագրերը իր մօտ կը պահէ, և ձեռքէ վաճառելով գումարներ

րը կ'իւրացնէ: Մագսուտեան խաբերայ միտքերու և նենգամիտ  
 գիտումներու տէր եղած կ'ըլլայ, երբ վանքին պէտք չունեցած  
 ատեն փոխառութիւններ կը կնքէ, եւ անոնք իբրեւ անձնա-  
 կան վարկի հիմ շահագործելու կը գործածէ: Մագսուտեան իբ-  
 րև գեղծարար կը նշանակուի, երբ իբր կալուածական առուծա-  
 խերու միջնորդ դիւրագնոյ կարծուած գնումներ կը կատարէ,  
 շահով վաճառուածները կ'իւրացնէ, եւ վաճառել չկրցած ան-  
 պէտները վանքին վրայ կը բեռցնէ: Մագսուտեան ինքզինքը  
 չ'արդարացներ երբոր իւր ամբաստանողներուն եւ իւր հաշուե-  
 քննիչներուն յայտարարութեանց մէջ իրարու անյարիր կէտեր կը  
 պրպտէ, քանի որ օրինաւոր տոմար պակասած ատեն յայտնուած  
 կարծիքներ, մակաբերութեան զօրութեամբ կազմուիլ կը ստիպ-  
 ուին, և աւելի կամ պակաս տեղեկութիւն մը ու ծանր կամ թե-  
 թեւ գնահատում մը բնական կերպով մակաբերութեանց վրայ  
 կ'ազդեն, որով տարբերութիւնները կանոնաւոր տոմար չներ-  
 կայացնողին վերագրելի կը դառնան: Մագսուտեան իւր բարո-  
 յական խղճին, իւր բարոյական ուղղամտութեան, իւր բարոյա-  
 կան զգացմանց մասին ազատօրէն կասկածելու իրաւունք տուած  
 կ'ըլլայ, երբոր եկեղեցական ըլլալով եկեղեցիէ կը խորշի, կրօ-  
 նաւոր ըլլալով կրօնքը չի յարգեր, հոգեւոր պաշտօնեայ ըլլալով  
 հոգևորութենէ կ'ուժանայ, խորհուրդներ չի կատարեր, պաշտա-  
 մանց չի մասնակցիր, եկեղեցի օտք չի կոխեր, ամենէն նուիրական  
 օրերն ալ իբր ոչ-քրիստոնեայ կ'անցունէ, մինչև իսկ հասարա-  
 կաց գայթակղութենէ չ'ազդուիր և չի շարժուիր, և միայն դրամի-  
 ու շահը կը պաշտէ, և ամէն օրէնք և արդարութիւն դրամին և  
 շահին զոհելուն աներկբայ փաստը կ'ընձեռէ: Մագսուտեան յայտ-  
 նի գեղծարարութեան վճիռը իւր վրան կը հրաւիրէ, երբ հօրե-  
 նական ժառանգութիւն չվայելելով, արհեստ կամ արուեստ չու-  
 նենալով, և միայն Երուսաղէմի վանքին արկղը և Երուսաղէմի  
 Աթոռին վարկը իրեն արամազրելի ունենալով, նշանաւոր հարըս-  
 տութեան տէր կը դառնայ, և հանգստաւէտ կեանք վարելով,  
 իրենները բարեկեցիկ վիճակի մէջ պահելով, անձնական կալուած-  
 ներ չատցնելով, փաստաբաններ վարձելով եւ խմբագիրներ կա-  
 շառելով, յատուկ լրագիրներ հիմնելով և նոր շինութեանց ձեռ-  
 նարկելով մէկտեղ՝ իւր դրամագլուխին վնասած չ'երեւիր և իւր  
 դիրքը կայուն կը պահէ: Մագսուտեանի վերաբերեալ դիտողու-

Թիւնները ամփոփելէ ետքը, ի դէպ էր որոնել թէ ի՛նչ պայմաններով իրեն կ'աջակցէին Սապայեան եւ Երէցեան: Համարձակ կրնամ վկայել, թէ առձեռն բաժիններէ դուրս, որոնք մեզի անձանօթ են, երկուքն ալ նշանաւոր և հաստատուն շահերու տէր չեն եղած: Մագսուտեան իրեն շահերուն անոնք բաժնեկից չէրրած, անոնք ալ այնտեղ չեն եղած: Սապայեան առերեւոյթ փառքի սիրահար, և Երէցեան հաճոյալիդ վայելքը սիրող, տարբեր գետիններ փնտռած են իրենց, և Մագսուտեան անոնցմով գոհացուցած է իր աջակիցները, և քանի որ միեւնոյն գետինի վրայ ընդհարումներ չեն ունեցած, կրցած են համերաշխ ապրիլ իրարու հետ: Այս տեսակէտով ալ Մագսուտեան իր շահը ապահոված է, և իւր յաջողութիւնը երաշխաւորած, բայց իւր արդարացումը չէ պատրաստած:

Այս տեղ կը փակեմ Երուսողէմի հաշիւներուն կամ Ղեւոնդական խնդիրին յատկացուցած հատուածս, որով ոչ թէ կատարեալ պատմութիւն ստալու, այլ իմ տեսութիւններս պարզելու նպատակն ունէի:

## ԿԱ

Գաւաւկոս, 1918 յետոռար 17/2 մարտ Եր.

Բաւական խօսուած և կարևորութիւն ստացած պարագայ մը եղաւ Ռուսահայոց եկեղեցական կալուածներուն խնդիրը, և իմ ու տաճկահայ նուիրապետութեան անոր միջամտելը: Ռուսական կառավարութեան կողմէ հայ կուսակցականութեան դէմ բացուած պայքարին հետեանքն եղաւ, որ Կովկասի կուսակալ Կալիցին (Galitzine, Գալիցին) և Ներքին Գործոց նախարար Բլէվէ (Blevé, Պլէպէ) մտածեցին եկեղեցական ստացութեանց մատակարարութիւնը հայ հոգևորականութեան ձեռքէն հանել, ենթադրելով թէ հակապետական շարժումներու կը ծառայեցնէին, և ուղղակի կառավարական նախարարութեանց և տեսչութեանց յանձնել, և արդիւնքէն՝ սեղմուած չափով՝ եկեղեցական պիտոյից համար տալ:

Այդ ծրագիրը նոյնիսկ ուստական օրէնքներուն հակառակ էր, և պետութեան խոհական տարրէն անճահ կը դատուէր, բայց վերջապէս երկու համախոհներ յաջողեցան զայն կայսերական հրամանագիրով հրատարակել: Հազիւ թէ այդ լուրը լսուեցաւ, իսկոյն Խրիմեան կաթողիկոսին դիմեցի ստուգութիւնն ու իսկութիւնը իմանալու, և երբ գոյժը հաստատուեցաւ, որոշեցի Տաճկահայոց կողմէն ալ ձայն բարձրացնել և Ռուսահայոց ու հայրապետական Աթոռին կողմէ յայտնուած ընդդիմութիւնը զօրացնել: Ռուսական կառավարութեան վրայ մեծ ազդեցութիւն չէր կրնար գործել Ազգ. Վարչութիւնը, որուն կարևորութիւն իսկ կրնար չտալ, բայց Եպիսկոպոսական Ժողովի նշանակութիւնը չէր կրնար անտեսել:

Այս նպատակով 1903 օգոստոս 5/18ին պատրիարքարանի մէջ գումարուեցանք մայրաքաղաքը գտնուող տասուերկու եպիսկոպոսներ, տեղեկութիւնները հաղորդեցի, խորհեցանք ու խորհրդակցեցանք, և որոշուեցաւ ամենուն ստորագրութիւններով կաթողիկոսին դիմել որ տեղի չտայ, և ուղղակի Ռուսիոյ կայսեր ալ դիմել, պատշաճ կերպով գործին ապօրինութիւնը յայտնել, ու նոր կարգադրութեան դադարումը խնդրել. և ինձի յանձնուեցաւ գրութիւնները պատրաստել, կաթողիկոսինը հայերէն և կայսեր յղուելիքը գաղղիերէն ու հայերէն: Գրութիւնը պատրաստեցի բաւական ընդարձակ ձևով. մեր միջամտութեան փաստ ցուցուած էր՝ իբր էջմիածինէ ձեռնադրուած եպիսկոպոսներ՝ Մայր Աթոռոյ միաբանակցութեան իրաւունքնիս, էջմիածնի եկեղեցական ստացութեանց նշանաւոր մասամբ Տաճկահայոց նրւէրներով գոյացած ըլլալը, և նոյն ստացութեանց բովանդակ հայութեան, որով և տաճկահայութեան, սեփականութիւն ճանչցըւիլը: Իսկ հրամանին իրաւանց և օրինաց հակառակ ըլլալը ցուցուած էր Պոլսոյ յօդուածներ յառաջ բերելով, Ռուսիոյ տիրող օրէնքներու հետ բաղդատութեամբ, ուրիշ եկեղեցեաց ու կրօնից վայելած ինքնուրոյն մատակարարութեամբ, ուստական կայսերութեան իբր Հայ Եկեղեցւոյ և ազգի պաշտպան ճանչցըւած ատեն ինքն իրեն հակառակելովը, և իսլամական պետութեանց անգամ չգործածած խստութեան քրիստոնեայ պետութենէ մը գործադրուելովը: Ասոնք յարմար դարձուածներով բացատրուած էին, պատշաճից լեզուն յարգելով: Գրութիւնները

երկրորդ նիսաի մը մէջ կարգացուելով ընդունուեցան, և վայելուչ ընդօրինակութենէ կտքը ստորագրուեցան: Կայսեր դիմումին առաքումը՝ նոյնիսկ Ջինովիէվ դեսպանին խորհրդով՝ ուղղակի կայսերական պալատան հազարապետութեան ձեռքով կատարուեցաւ, որպէսզի դեսպանը ազատ մնայ կարծիք ուզուած ատեն իւր տեսութիւնները գրել, որոնք յայտնապէս հակառակ էին Բլէվէ-Կալիցին ծրագիրին: Կայսեր ուղղուած գրութեան պատճէնը կաթողիկոսին ալ հաղորդուեցաւ, նմանապէս յղուեցաւ Կրլիկիոյ Սապայեան կաթողիկոսին ու Երուսաղէմի Վեհապետեան պատրիարքին, և թուրքիոյ բոլոր եպիսկոպոսներուն և առաջնորդներուն, որ նոյնը կամ նմանը ստորագրելով իրենց համամտութիւնը արտայայտեն, և գիրերը հետզհետէ ուսական կառավարութեան յղուին:

Եպիսկոպոսներ երկրորդ դիմումն ալ գրեցին Ռուսիոյ կայսեր, երբոր բռնի գործադրութեանց լուրերը հասան: Սապայեանի և Վեհապետեանի գիրերը գաղղիերէնի թարգմանուելով բնագիրին հետ ղրկուեցան, և բոլորին հասնելուն և կայսեր մատուցուելուն և նկատի առնուելուն պատասխանները ստացայ պալատան հազարապետ կամ արքունեաց նախարար Ֆրիտրիխ (Friedrich) զօրավարէն: Էջմիածնի հետ ալ թղթակցութիւնը անընդհատ պահեցի, թէ ըրածնիս հաղորդելով և թէ ընդդիմութիւնը քաջալերելով, որով կատարեալ ձեռնարկի մը կերպարանն առաւ թէ իմ առանձինն և թէ եպիսկոպոսական խումբին համերաշխութեամբ այս մասին թափած ճիգերնիս:

Պաշտօնական գրութեանց հետ անպաշտօն հրատարակութեանց միջոցն ալ գործածեցի: Խնդիրին անցեալն ու ներկայն լուսաբանող, օրինական պահանջները բացատրող, նոր կարգադրութեանց անտեղի և անիրաւ կողմերը ապացուցանող գաղղիերէն լեզուով տետրակ մը խմբագրեցի, և հրատարակութեան համար Պերլին ղրկեցի, ուր պարսկական դեսպանատան խորհրդական Մասեհեան Սանի ծախքով և ուսուցչապետ Փիլիպպոս Վարդանեանի հսկողութեամբ, և անանուն ձեով ապագրուեցաւ, և Եւրոպիոյ ու Ամերիկայի ամէն երկիրներու կառավարութեանց, նախարարութեանց դեսպանատանց, կաճառներու և լրագիրներու ցրուեցաւ, և հանրութեան վրայ ազդեց, ուսական կառավարութեան անտեղի արարքը ծանօթացուց, և քրկա-

տոնէից պաշտպանութեամբ պանծացող տէրութեան հակաքրիստոնէական ընթացքը երեւան հանեց: Այսպէսով ծանր մեղադրանքներ հրաւիրուեցաւ ուսական պետութեան վրայ, որ իւր ըրածէն ամչնալ սկսաւ, և Բլէվէի մահուամբ ու Կալիցինի պաշտօնանկութեամբ ձախող ձեռնարկը իւր պաշտպաններն ալ կորսընցուց, խոհական տեսութիւններ զօրացան, և ճաբոնական պատերազմին աննպաստ վախճանէն ծագած ներքին շփոթներն ալ վրայ հասան, և ոուս ու ճաբոն հաշտութիւնը չկնքուած, Ռուսահայոց եկեղեցական ինչքերուն մասին հրատարակուած վերջին կարգադրութիւնները յետս կոչուեցան, ստացութիւններ եւ մատակարարութիւններ ըստ առաջնոյն հայ հոգևորականութեան յանձնուեցան, և յանկարծօրէն յուզուած փոթորիկը դադրեցաւ: Այդ բարեյաջող վերջաւորութեան մէջ, եթէ Մայր Աթոռոյ և բովանդակ Ռուսահայոց ընդդիմութիւնը իւր գլխաւոր դերն ունեցաւ, եթէ քաղաքական ու զինուորական դէպքերն ալ ազդեցութիւն գործեցին, տաճկահայ պատրիարքութեան և եպիսկոպոսութեան բարձրացուցած ձայնն ալ իրեն նշանակութիւնը ունեցաւ և յաջողութեան ազդուապէս սատարեց: Եւրոպիոյ և Ամերիկայի հայ գաղթականութիւններն ալ լուռ չէին մնացած, սակայն անոնց գլուխը նուիրապետական կերպարան չէր գտնուեր, եւ ազդեցութիւննին ալ նոյն զօրութիւնը չէր կրնար ունենալ ուսական կառավարութեան վրայ:

Այդ ժխորին ժամանակ Խրիմեան կաթողիկոս իւր յոռետեսութիւնն անդրապոյն ևս յառաջացնելով, սկսած էր կասկածիլ, որ մի՛ գուցէ ուսական կառավարութիւնն իւր հակահայական շարժումը մինչև ծայրը մղելով Հայոց կաթողիկոսութիւնը ջրնջելու եւ Մայր Աթոռը տապալելու հասնի: Ուստի Հայ Եկեղեցւոյ ապագայն խորհելով ինէ խորհուրդ կը հարցնէր, թէ ի՞նչ նախազգուշութիւն հնար էր ձեռք առնել, որպէսզի օր մը Հայ ուղղափառ Եկեղեցին անզլուխ եւ անտէրունչ ըլլալու վտանգէն ազատ մնայ: Այդ հարցումին ես գրաւոր պատասխանեցի յիշեցընելով Կիրակոս Վիրապեցիէն մինչև Մովսէս Տաթևացի Էջմիածնի մէջ գործածուած միջոցը: Խնդիրի նիւթ չեմ ուզեր ընել թէ ո՛րչափ օրինական եւ կանոնական էր լիազոյն իշխանութեամբ եւ օժմամբ ճոխացեալ աթոռակիցներ ունենալ Մայր Աթոռոյ աթոռակալին քովը: Միայն յայտարարեցի թէ այն ժամանակ զըժ-



ոււարին և գրեթէ անհնարին նկատուած ըլլալով կաթողիկոսին մահուանէն ետքը կանոնական ընտրութիւն կատարել, գործնականապէս օգտակար եղած էր կաթողիկոսին կենդանութեան տանն ամբողջից ընտրել և օծելը, որով և ոչ վայրկեան մը ամբողջ թափուր մնացած չէր ըլլար, և ամբողջիցը անմիջապէս ամբողջապէս կը դառնար: Նոյն միջոցը ի դէպ էր այժմս ալ գործածել, և որպէսզի ամբողջիցը ռուսական ազդեցութեան ներքե չդանուի, և գործածուելիք միջոցը աչքառու նորութիւն չդառնայ, դիւրագոյն ձև ցուցուցի Կիլիկիոյ կաթողիկոսութեան ամբողջապէս Մայր Աթոռոյ ամբողջից հռչակել, որպէսզի եթէ երբեք էջմիածնի կաթողիկոսը բանութեան և նթարկուի, կամ մահուանէն ետքը նոր ընտրութեան արգիլմամբ ամբողջ թափուր մնայ, Հայ Եկեղեցին իր գլուխն ու կաթողիկոսն ունենայ Ռուսաստանի սահմաններէն դուրս, որ կրնայ իւր իշխանութիւնը Ռուսահայոց վրայ տարածել, ինչպէս այժմ Ռուսաստանէ Տաճկահայոց վրայ կը տարածուի: Իմ այդ առաջարկը մեռեալ տառ մնաց, զի մեր բանակցութեանց վրայ շատ շանցաւ, և եկեղեցական ստացութեանց միջադէպը յաջող կերպով փակուեցաւ, ինչպէս վերև պատմուեցաւ: Իսկ այս միջադէպը յիշատակել ալ չեղորդ չսեպեցի, իբրեւ քիչ ծանօթ եղելութեան մը տեղեկութիւն, եւ գործնական կերպով նկատի առնուելու արժանի մի գաղափար:

ԿԲ

Դանասիոս, 1918 շետրուար 18/3 մարտ Կիր.

Մայր Աթոռոյ հետ յարաբերութեան մը միջադէպը պատեն կ'ընծայէ ուրիշ յարաբերութեան մը յիշատակութիւնն ընել: Ժամանակէ մը իվեր ընդհանուր խօսակցութեանց եւ լրագրական յօդուածոց նիւթ եղած էր այրիացեալ քահանայից վիճակը, զորս իբր անտանելի եւ անելանելի կացութեան մատնուած կը նկարագրէին, եւ իբրեւ միակ դարման կրկնամուսնութեան ար-

տօնութիւն տալը կը ցուցնէին: Երբոր խօսքերը ընդարձակուեցան և Մայր Աթոռին դիմումներն ալ սկսան, կարծես թէ Խրիմեան կաթողիկոսն ալ պահ մը զիջանելու միտք ունեցաւ, բայց առաջուց վիտաւոր ատեններու կարծիքն ալ լսել ցանկաց, եւ կիլիկիա ու Երուսաղէմ ու Կ. Պոլիս իր պաշտօնագիրները հասան: Սապայեանի եւ Վեհապետեանի կարծիքները արտօնութեան հակառակ յայտնուեցան եւ հնաւանդ ցանկը խրամատել անձահ և անօգուտ համարեցան: Նոյն եղած էր Կ. Պոլսոյ պատրիարքարանին Կրօնական ժողովով տուած պատասխանը, եւ որովհետեւ ես ինքս վրի առի ժողովական թուղթը, ներուի ինծի անոր ամփոփումը տալ իբրեւ անձնական յիշատակաց մաս կազմող նիւթ մը:

Նախևառաջ իբրև փաստ առարկեցի Առաքեալին միոյ կնոջ այր ըսելը, ցրելով ոմանց մեկնութիւնը թէ խօսքը բազմակնութեան վրայ եղած ըլլայ, զի բազմակնութիւնը քրիստոնէից համար ենթադրելի իսկ չէ, և բոլոր եկեղեցիներ ի սկզբանէ և այսր յաջորդական կրկնամուսնութեան վրայ իմացած են, եւ երկիցս ամուսնացողները՝ իբր անկանոն՝ ձեռնադրութիւն չեն ընդունած: Այդ կողմէն բովանդակ քրիստոնէութեան համիմաստ կանոնը ըստ ինքեան ալ յատուկ փաստ կը կազմէ: Վերջապէս Առաքեալին խօսքը բազմատութեան դրած եմ այրեաց համար կրկնած միոյ սուն կիև շեալ կանոնին հետ, զոր հնար չէ երբևք բազմայրութեան վրայ իմանալ, որ ոչ մի կրօնքի մէջ ընդունուած չէր:

Առանձինն փաստի նիւթ ըրած եմ եկեղեցական պիտակին բացառիկ պատիւին փոխադարձաբար բացառիկ զրկում պահանջելը, որպէսզի եկեղեցականը հասարակ դասակարգէն վեր մնայ, եւ ժողովրդականաց վայելած դիւրութիւններէն զրկուելով իւր բարձրութիւնը պահէ, ինչ որ տեղի կ'ունենայ նաև զբօսարաններ եւ սրճարաններ չյաճախելովը, եւ թաարոններէն զրկուելովը, որոնք ըստ ինքեան արգիլեալ կամ ապօրէն գործեր չեն, բայց եկեղեցականներու թոյլատրուած չեն, միայն դասակարգի պատիւին համար:

Այրի քահանայից վիճակին իբրեւ դարման եւ անժոյժ կուսակրօններու ձգտումներուն իբր յագուրդ՝ բաց թողուած է վերստին կամ նոր ամուսնութիւնը, միակ պայման ունենալով եկեղեցական պաշտօնավարութենէ եւ եկեղեցականութենէ հրա-

ժարիլ: Իսկ կամովին հրաժարիլը իբր յանցանք կամ իբր անպատուութիւն նկատուած չէ երբևք, միայն թէ տեղի չունենան այնպիսի պարագաներ որոնք պարզ աշխարհականներու վրայ ալ անպատուութիւն կամ յանցապարտութիւն կը հրաւիրեն: Իսկ եթէ ըսուի որ քահանայութենէ դուրս շահուելու եղանակ չեն գտներ, շատ անհիմն պատճառանք մը եղած կ'ըլլայ, վասնզի ենթադրելի իսկ չէ որ քահանայութիւն վարելու կարող անձ մը ուրիշ որեւէ գործի կամ պաշտօնի անկարող ըլլայ:

Դիտել տուած էի եւս, որ եկեղեցականութիւնը օրինական պարտք մը չէ, այլ կամաւոր յանձնառութիւն է, եւ կամովին յանձնառու եղող անձը պէտք չէ դժուարի յանձնառութեան պայմաններուն ալ ենթարկուելու:

Նկատողութեան արժանի կէտ ըրած էի ևս քննել թէ քանիչներ պիտի ըլլան այդ արտօնութենէ օգտուողները: Եկեղեցական կանոնը մերժուողքար երեսնամեաները կ'ընդունի քահանայական ձեռնադրութեան, իսկ քառասունէն ետքը կրկնամուսնութեան դիմող աշխարհականներն անգամ իբր անժոյժ կը նկատուին եւ համակիր աչքով չեն նայուիր: Ուստի բոլոր խնդիրը կ'ամփոփուէր երեսունէ քառասուն տարիքին միջոցները այրիացողներուն, որոնք բազմաթիւ չէին կրնար ըլլալ. և եկեղեցւոյ սկիզբէն եւ ամէն եկեղեցիներէ յարգուած ու պահուած կանոն մը սակաւաթիւ անձերու դիւրութեան համար եղծանել ո՛չ պատշաճ էր և ո՛չ իրաւացի: Թող որ ասանկներու համար եկեղեցականութենէ հրաժարելով պատուաւոր ամուսնութիւն կնքելը օրինակ պէս թոյլատրեալ և բաւարար դարման է:

Իսկ անոնց որ կ'առարկին թէ պսակն ալ սուրբ խորհուրդէ քահանայութեան հաւասար, և բնաւ անտեղի պէտք չէ համարուելի քահանայութենէ ետքը պսակի խորհուրդը ընդունիլ, ինչպէս պսակէ ետքը քահանայութիւնը կ'ընդունուի, պատասխանած էի՝ թէ եկեղեցւոյ ընդհանուր ըմբռնումին մէջ երկրորդ պսակը միշտ նուազ համակիր աչքով նկատուած է, երկրորդ պսակի տրարողութիւնն ալ տարբեր և անշուք է, և եկեղեցական կանոնը այրիներու գլուխը պսակ դնել կ'արգիլէ, եւ ուռննւոյ ոստով փոխանակել կը հրամայէ: Հետեւապէս խորհուրդներու հաւասարութեան տեսակէտէն անկախաբար, բնաւ դժուարութեան տեղի չի տար ձեռնադրութենէն ետքը պսակադրու-

Թեան անցնողներուն համար օրինադրուած եկեղեցականութենէ հրաժարելու պայմանը: Միւս կողմէն խնդիրի նիւթ կրնայ ըլլալ խորհուրդներուն համահաւասար ըլլալը, զի իւրաքանչիւր խորհուրդին նշանակութիւնն եւ յարգանքը աներկբայաբար իւրարմէ կը տարբերին:

Նոյն պաշտօնագրին մէջ մտադրութիւն հրաւիրած էի սակէտին վրայ ալ, թէ կրկնամուսնութեան հետ անբաժան պիտի ըլլար սիրահարութեան պայմանը, հաճելի եւ յարմար զուգակից մը ընտրելու իրաւունքը, ինչ որ բնաւ չէր յարմարեր խոստովանութեան գաղանխքներուն եւ խիղճի ծածուկներուն հետ ընտանութիւն ունեցող անձերու, և կրնար շատ ու շատ կասկածներու և զրոյցներու, անտեղութեանց և ապօրինութեանց դուռ բանալ, եւ կարի լիմաստութեամբ հաստատուած էր այս ամեն անյարմարութեանց հանդէպ դուռերը փակ պահել: Ոմանք իբրեւ այդ դժուարութեան լուծում ելան առաջարկել, որ այրի քահանաներ այրի երէցկիներու հետ ամուսնանալու արտօնուին, սակայն այդ պարագային մէջ ալ ամուսնութեան իսկութիւնը կը խանգարուէր որ ազատ ընտրութեան վրայ հաստատուած է, եւ պարտաւորեալ ամուսնութիւնը եկեղեցականութենէ հրաժարելու պայմանէն շատ աւելի ծանր զրկում եւ բռնադատութիւն եղած կ'ըլլար:

Կաթողիկոսի յղուած պաշտօնագրին պատճէնը աչքի առջև չունենալով, միայն յիշողութեամբ կազմեցի սոյն ամփոփումը, որ կրնայ մոռցուած կէտեր ալ պարունակել: Մեր պաշտօնագիրը միւս աթոռներուն գիրերուն եւ զանազան կողմերէ կրկնուած ձայներուն միանալով, Խրիմեան կաթողիկոսը չքաջալերեցին ոմանց բաղձացած արտօնութիւնը հրատարակել: Կ. Պոլսոյ Կրօնական Ժողովն ալ կարգալոյծ հռչակեց Բաղէշի վիճակէն երկու այրի քահանաներ, որոնք շտապեր էին իրարու կրկնամուսնութիւն օրհնել:

Գալով Խրիմեան կաթողիկոսի անձնական միտումներուն, ամենուն յայտնի է, թէ նա առանց եկեղեցական կանոնաց անարգող մը ըլլալու, շատ ազատական աչքով կը նայէր անոնց վրայ, և դիւրամատոյց էր սեղմումները ընդլայնելու կամ ջնջելու: Իրեն տեսութեամբ Շաքար վասն վարդոյ եղել եւ ոչ վարդ վասն շաքարու սկզբունքը շատ ընդարձակ եւ գրեթէ բացարձակ նշա-

նակութիւն ունէր : Ծանօթ է թէ իր ձեռքով ամուսնալուծուած թիւններ բաւական ընդարձակութիւն ստացան , և երբ այդ մասին իրմէ հիշնական տեսութիւններ խնդրեցի , «Իմ օրինագիրքը իմ սիրտն է» պատասխանը առի , որ Խրիմեանի ըմբռնումին նկարագիրը կրնայ նկատուիլ : Խրիմեանի նախաձեռնութեամբ ազգակցութեան ու խնամութեան աստիճաններն ալ սեղմուեցան , և ես ալ պատրիարքութեանս միջոցին աւելի ոյժ տուի այդ կրկնակ կէտերուն , զի երկուքին մէջ ալ իմ համոզումս էր , թէ Հայ Եկեղեցւոյ հնաւանդ կանոնը թոյլատու է եղած , եւ սեղմումները լատինական ազգեցութեամբ ներմուծուած են կիլիկեան եւ խաչակրութեան շրջանին մէջ : Կրօնական ժողովէն Մանկունի եպիսկոպոս , Գէորգ Գ.ի ժամանակին Մայր Աթոռոյ գործիչը , առաջները ամուսնալուծմանց խնդիրները կը պնդէր որ էջմիածնի ներկայացուին , ենթադրելով որ Գէորգ Գ.ի հետեւած խիստ արգելքները տակաւին հոն տիրող կը մնան : Բայց երբոր տեսաւ որ Խրիմեան շատ թոյլատու է այդ մասին , լաւագոյն սեպեց մեր Կրօնական ժողովով գործել . իսկ իւր առարկութեանց իբր փաստ կը ծառայեցնէր Գեորգ կաթողիկոս չեռ ներեռ յայտարարութիւնը , մինչեւ որ ստիպուեցաւ Մկրտիչ կաթողիկոս կը ներե ապատասխանը տալ :

Բայց իմ բուն փաստս Մկրտիչի կամքը չէր , այլ Հայ Եկեղեցւոյ հնաւանդ կանոնը : Ազգակցական արգելքի մասին Շահապիվանի ժողովը երեք ճիւղ միայն կը յիշէ , և խնամութեան խօսքն իսկ չ'ըներ , և ինծի համար վճռական և նուիրական է Հայ Եկեղեցւոյ կանոնները զիրի առնող ժողովին որոշումը , անկէ ետքը եկողներ օտարամուտ բարդութիւններ են : Ամուսնալուծման կանոններ ալ հին ժողովներու մէջ , և Աւետարանին Զոր Աստուած գուգեսց վարդ վի՛ վեկնեսցե պատուիրանը , Հին Օրէնքի մէջ թոյլատրուած այրերուն կնաթողութիւնը կամ ապահարզանը միայն կը ջնջէ , որպէսզի օրէնքով հաստատուած կապը ազատ կամքով չքակուի , այլ չ'արգիլեր օրէնքը օրէնքով քակել . Աստուած օրէնքն է , մարդ ազատ կամք ունի : Այս սկզբունքով վարուած եմ պատրիարքութեանս մէջ , ամուսնալուծումները ժողովով որոշել տուած , իսկ ազգակցական և խնամիական աստիճանները իբրև արտօնութեան եւ շնորհքի իրաւունք՝ իւրովի կարգադրած եմ , ներելով եւ ոչ օրինագրելով : Ընդհանուր կերպով շատ հե-

տեւած եւմ աղտոտ կացութիւնները և գայթակղական դիպուած-  
ները մաքրել եւ օրինաւորութեան վերածել, զոր միաքերը շի-  
նելու եւ հանդարտելու աւելի նպաստաւոր գտած եմ, քան թէ  
տարապարտ խստութիւններով գայթակղութիւնները տեւական  
ընել և զօրայնել:

Այդ սկզբունքները իմ միաքիս մէջ շատ կանուխէն հաս-  
տատուած են: Կարևոյ առաջնորդութեանս միջոցին ալ Գաւա-  
ռական Կրօնական Ժողովով ամուսնայուծութիւններ որոշած եմ.  
միայն տիրող սովորութիւններն ալ յարգելու համար, որոշումնե-  
րը Կեդրոնին տեղեկագրած և պայմանաժամով գործադրութիւն-  
ները յապաղած եմ, և Կեդրոնին լռելուն վրայ պայմանաժամին  
լրանալուն համարձակաբար գործադրած եմ: Իսկ ազգակցական  
աստիճաններուն ներումը միշտ առաջնորդական իրաւամբ իւրո-  
վի արտօնած եմ: Եւ այդ մասին այսչափ:

49

Դաւնասկոս, 1918 փետրուար 19/4 Վարճ Բշ.

Պատրիարքութեանս նշանաւորագոյն պարագաներէն մին նը-  
պաստից գործն եղած է, որ բոլոր յառաջագոյն ձեռնարկուած  
նպաստից գործողութիւնները գերագանցեց, և իրմէ ետքն ալ  
մրցող և անցնող չունեցաւ, զի իբր 83,000 օսմ. ոսկւոյ գումարը  
ոչ մի նպաստից ձեռնարկ հաւաքած և բաշխած չէ մեր պատրի-  
արքարանի շրջանակին մէջ: Ես նպատակ չունիմ այդ գործողու-  
թեան լիուրի տեղեկագիրը տալ, զայն արդէն տուած եմ նպաս-  
տից Յանձնաժողով ստուար տետրակով, որ կը պարունակէ գոր-  
ծին պատմականը, հանգանակութեանց մանրամասնութիւնները,  
կիրառութեանց տեղերն ու կերպերը, և բոլոր ելեմուտքին ճիշդ  
ու ճիշդ գումարները ու ցուցակները, և մէկ անգամ հրատա-  
րակուածը միւս անգամ կրկնել աւելորդ կը նկատեմ: Թող որ  
ուզելով ալ պիտի չկրնայի ընել, քանի որ աչքի առջև չունիմ  
ո՛չ հաշուետումարները, ո՛չ տեղեկագիրները և ո՛չ թղթակցու-

թիւնները . հետեւապէս պիտի գոհանամ յիշողութեամբ բացաւ  
տրել թէ ի՛նչ ուղղութեամբ գործուեցաւ և ի՛նչ կերպեր գոր-  
ծածուեցան :

Երբոր պատրիարքական պաշտօնին ձեռնարկեցի , կոտորած-  
ներու հետեւանօք գաւառներու մէջ տիրած խեղճութիւնը ան-  
պատմելի էր . ամէն կողմ որբեր , այրիներ , հացակարօտներ ,  
գրեթէ մերկեր , որոց ո՛չ թիւը հնար էր ճշգել և ո՛չ պէտքերը  
կշռել : Նոր Վարչութեան և նոր պատրիարքի ներշնչած ակնկա-  
լութիւնն ալ դիմումները զօրացուցած էր . և խնդրանքներ , ա-  
ղերսագիրեր ու տխուր նկարագիրներ տեղատարափ սկսան հաս-  
նիլ : Նպաստի գործողութեան սկզբնաւորութիւնը Իզմիրլեանի  
պատրիարքութեան օրով հաղիւ ձեռնարկուած էր : Չամիչեանի  
տեղապահութեան օրով շարունակած էր նուազ չափով , այնպէս  
որ խեղճութիւնը ու կարօտութիւնը իւր կատարեալ վիճակին  
մէջ կը ներկայանար տակաւին : Նոր պաշտօնէութիւնը չէր կըր-  
նար իւր մտադրութիւնը չնուիրել այդ կացութեան : Իրաւ նը-  
պաստի պետական Յանձնաժողով մըն ալ կազմուած էր , բայց  
նա երկիրը իւր ամբողջութեամբ կարօտութեան մասնուած նը-  
կատելով , մասնակի օգնութիւն միայն ըրած էր Հայերուն , եւ  
արդէն իւր գործունէութիւնն ալ դադրեցնելու մօտ էր :

Ընդհանուր և բաւարար ձեռնարկ մը կազմակերպելու հա-  
մար , Վարչութիւնը Կեդրոնական Յանձնաժողով մը ընտրեց և  
անդամակցութեան հրաւիրեց գործունէութեամբ և արդիւնքով  
ծանօթ անձնաւորութիւններ , որոնք իսկոյն պետական արտօ-  
նութեան և հաստատութեան պայմանը մէջտեղ դրին , կառա-  
վարութեան առջև օրէնքի հակառակ գործած չերեւալու համար :  
Սակայն պէտքը ստիպողական էր , պետական հաստատութիւնը  
ժամանակի կարօտ էր , շնորհուրէն ալ կասկածելի էր . արդէն առա-  
ջին մէկ դիմումին , պետական Յանձնաժողովին մէջ պատրիարքա-  
րանի կողմէ երկու երեք հայ անդամներ աւելցնել պատասխանուած  
էր : Սոհական անձեր մինչև իսկ զիս համոզել կը ջանային առանց  
պետական հաստատութեան հրապարակ չիջնել : Եթէ այդ խորհուր-  
դին անսայի , խնդիրը թաղել կ'ըլլար , և խնդիրին հետ ազգին  
կարօտութիւնն ալ և կարօտեալներու բազմութիւնն ալ :

Ո՛չ սիրտ , ո՛չ պարտք չէին ներեր հողածութիւնը յետաձգել ,  
ուստի 1896 գեկտեմբերէն սկսայ մասնաւոր դիմումներով նպաստ-

ներ ճարել, և անմիջապէս շրջաբերական կոնդակ մըն ալ ցրուեցի մայրաքաղաքին և անփորձ մնացած գաւառներու, և յատուկ գիւրեր ալ հասցուցի արտասահմանի դաղթականութեանց և հասարակութեանց, և իւրովի գործին պլուխը անցայ: Սակայն լաւ չէր բոլորովին անհատապէս գործել, ուստի Վարչութեան առաջարկեցի անպատճառ Յանձնաժողով մը կազմել, և յաջողեցանք դրամատէր շրջանակէն երիտասարդ ոյժեր գործակցութեան հըրաւիրել, որոնք սակայն պայման դրին ո՛չ պաշտօնական դեր ստանձնել, ո՛չ գիր ստորագրել, և ո՛չ վարչական կազմակերպութիւն ունենալ, այլ լոկ իբրեւ խորհրդականներ հաւաքմանց ու բաշխմանց մասին խորհրդակցիլ եւ կարծիք տալ, մուտքին ու ելքին հակակշիռ ըլլալ, և տեսրակներու ու ցուցակներու, հաշուետւոմարներու եւ թղթակցութիւններու հետեւիլ և հսկել: Այս կերպով թէպէտ պատասխանատուութիւնը ամբողջապէս իմ վրաս կը ծանրանար, սակայն ես ալ հսկողներու ընկերակցութեամբ ծանրութիւնը կը թեթեւցնէի, և վստահութիւն կ'աւելցնէի հանրութեան առջեւ, որ անկախաբար անձնաւորութեանց տեսակէտէն՝ սովոր է միշտ կասկածով վերաբերուիլ միայ միայնոյ կողմէ անհատաբար կատարուած գործողութիւններուն, մանաւանդ դրամականներուն հանդէպ: Ըստ այսմ իր տեսակին մէջ եզական և անօրինակ էր Նպաստից Յանձնաժողովին գրութիւնը, ո՛չ պետական հաստատութիւն ունէր, եւ ո՛չ ազգային կատարեալ կազմակերպութիւն, ներքնապէս ամբողջաբար իմ անհատական գործաէր, բայց արտաքնապէս վստահելի մարմինի մը գործն էր. եւ այս ինձի կը բաւէր գործը յառաջացնելու և ամեցնելու, զի ո՛չ թէ աշխատանքէ կը խուսափէի, այլ միայն հանրութեան աչքին առջեւ կասկածի տեղի չտալ կ'ուզէի:

Նպաստից գործին կազմակերպութեան նման յատուկ և ինքնատիպ էր գործունէութեան կերպն ալ: Ես ինքս էի ատենապետը, ատենադպիրը, գանձապետը, համարակալը, գործակատարը, և ամէն պաշտօնագիր ստորագրողը՝ լոկ պատրիարքութեան կերպարանով: Տպագիր տոմս ու անդորրագիր ու ազգարարագիր բնաւ չգործածուեցան, նուէրներու ստացութիւնն ալ օրհնածայր ձեռագիր նամակներով կը ծանուցուէր, և նպաստից թղթակցութիւնը 25է աւելի ընդօրինակութեան տոմարներ կազմած է պատրիարքարանի մէջ, զորս ղիւանական պաշտօնեաներ սիրայօժար



զրած են, իրենք ալ իրենց աւելորդ աշխատութիւնը հուրիւրով նսպաստից ձեռնարկին: Հաշիւները ես ինքս կը բռնէի կրկնատումարի ձեւով, բայց և միանգամայն հաշուեատմար մը հաստատած էի պատրիարքարանի համարակալութեան մէջ, և վաւերագիրները համարակալին կը հաղորդէի, որ ինքն ալ զատաբար հաշիւ կը բռնէր, և երկու երեք շաբաթը անգամ մը գումարները կը բաղգատէինք ապահովութեան համար: Հասած գումարները պահելու համար նախ Յովհաննէս եւ Մարթէն Յակոբեան եւ յետոյ Թագւոր և Եղուարդ Գարակէօղեան դրամատուններուն կը յանձնուէին, տոկոսաբեր պայմանով, որոնք սակայն կը զգուշանային իրենց տոմարներուն մէջ նսպաստի կամ Յանձնաժողովի յիշատակութիւն նշանակել, և պարզապէս յանուն Օրմանեան պատրիարքի հաշիւ բացած էին, որեւիցէ առթիւ պատասխանատուութենէ զերծ մնալու համար:

Պետական արտօնութիւնն ո՛չ խնդրեցի և ո՛չ ստացայ, և զործը ծանօթ ըլլալով մէկտեղ կառավարական արգելք չունեցայ, և մինչև իսկ կայսրէն ու Պետական Յանձնաժողովէն գումարներ ձեռք ձգեցի: Ընդհանուր վստահութիւնն մը կար թէ ես անուղիղ նպատակներու գործածող չեմ, որովհետև գլխաւոր երկիւղը նսպաստի անունով հաւաքուածը զէնքերու կամ կուսակցական շարժումներու գործածելու կասկածն էր: Իրօք ալ կուսակցականներէ և ուրիշներէ անուղիղ կիրառութեան փափաքներ յայտնուած են, բայց եւ ո՛չ դանգ մը իւր բուն նպատակէն օտար նրպատակի ծախսած եմ: Կէս պաշտօնական ձեւով արտօնութիւն խնդրելու և շնորհելու իսկ թելադրութիւններ եղան, որոց պատասխանած եմ թէ իմ ըրածս ողորմութիւնն տալ է, և ողորմութիւնն տալ եկեղեցական կոչումիս բնածին իրաւունքն է, իսկ տալու համար հարկաւ ունեցողէն պիտի աւնեմ որ չունեցողին տամ:

Նսպաստի գումարներն ամէն կողմերէ հասած են, ուր ուրեք որ հայութիւն գտնուած է: Օտարազգիներէ ալ եկած են, բայց շատ չափաւոր քանակութեամբ: Գումարները դասաւորուած են տեղերու տարբերութեամբ, այսինքն՝ մայրաքաղաք, գաւառներ, օսմանեան կայսրութենէ զատուած իշխանութիւններ, Ռուսաստան, Պարսկաստան, Հնդկաստան, և Եւրոպայի տէրութիւններ զատ գատ, եւ Սմերիկա: Ստոնց մէջ ամենէն առատաբար տուողը

եղած է Ռուսաստան և յատկապէս կովկասեան շրջանակը: Հասոյթներուն խառնուած են ինչինչ մասնաւոր գումարներ ալ, որոնք յատուկ նպատակով հաւաքուած են նոյն միջոցին. բայց միշտ նպատակի սկզբունքով: Յանձնաժողովի գործառնութեանց հրատարակուած Տեղեկագիրը տեղերու և տեսակներու հիմամբ և յատուկ սիւնակներով կը ցուցնէ բոլոր հասոյթները՝ տարիներու բաշխմամբ. 1896 գեկտեմբերի գործառնութիւնները 1897 տարւոյն մէջ խառնուած են, իսկ վերջին 1908 տարւոյ հաշիւը կէս տարի միայն կը պարունակէ մինչև յուլիսի մէջ՝ հրատարականիս օրը: Հասոյթներու կարգին անցած է դրամատուներէ գանձուած տոկոսն ալ: Հաշուեփակին երեք հազար ոսկիէ աւելի պատրաստ գումար մը կար, զոր ամբողջապէս հրատարականիս յաջորդող տեղապահութեան փոխանցեցի, չնայելով որ պատրիարքարանի անտուկին վրայ եօթը հարիւր ոսկիէ աւելի պահանջ ունէի, բայց խիղճըրի նպատակի գումարը ուրիշ հաշիւի փոխանցել, նոյնիսկ անձնական գրկումի ենթարկուելով, զի յաջորդող պատրիարքներ և վարչութիւններ զլացան արգար պահանջս ալ վճարել:

Կիրառութեան նպատակներն ալ զանազան ճիւղերու բաժնուեցան, որոնց մէջ առաջին պէտք էր ըլլար հայակարօտ ժողովուրդին կենսական պէտքը: Իւրաքանչիւր վիճակի համար առաջնորդի կամ տեղապահի նախագահութեամբ յանձնաժողովներ կազմուեցան, որոնց կը յղուէին համեմատական գումարները յատուկ հրահանգներով: Գլխաւորապէս կը յանձնարարէի ձեռքէ մանր գումարներ չյանձնել, այլ կամ ուտեստի և զգեստի նիւթեր բաշխել, որպէսզի տարբեր նպատակներու չգործածուին, և անկէ աւելի հողագործին և արհեստաւորին աշխատելու և շահելու և մնայուն հասոյթ հայթայթելու գործիքներ և միջոցներ հոգալ, որով արուած նպատարը դրամագլուխի բնութիւնը կ'ըզգենուր և հաստատուն եկամուտի աղբիւր կը դառնար: Առաւելապէս օգտուողներ եղան Կարնոյ և Վանայ և Բաղէշի կուսակալութեանց և Կիլիկիոյ կաթողիկոսութեան վիճակները. ուրիշներ ալ զուրկ չմնացին, մինչև իսկ երբեմն ալ մայրաքաղաքի մօտաւոր վիճակներու ալ օգնել հարկ եղաւ, երբոր ստիպողական պարագաներ ծագեցան: Կիրառութեանց ուղղութիւնը քննել կարենալու համար բաշխման ցուցակներ կը պահանջէինք և կը ստանայինք, և գաւառական յանձնաժողովները ծանօթ և վկայ-

եալ անձերէ կը կազմէինք, զի ասկէ աւելի զգուշութիւն ընել չէինք կարող: Երբեմն խորհուեցաւ քննիչներ հանել, սակայն իմ գաղափարս եղաւ թէ քննիչներու ծախքը պատահական զեղծումներէ աւելիի պիտի նստէր Նպաստից սնտուկին, և քննիչներ ալ վերջապէս որեւէ անձեր պիտի ըլլային, ընդհանուր տկարութեանց ենթարկեալ, և բարեկամութեանց և շահեցողական նըկատմանց զգացումներէ ոչ ազատ:

Երկրորդ և աւելի կարեւոր ճիւղը կազմեցինք որբանոցներով, զի որբերու թիւը՝ զանազան տեղեկագիրներով՝ 50,000է շատ աւելի կը ցուցուէր: Իբր որբ կը նկատէինք երկու ծնողներն ալ, կամ հայրերնին կորսնցնողները, և կամ ինքզինքնին իսկ ապրեցնելու անկարողներու զաւակները: Որբերը ապագայ սերունդին կազմողները պիտի ըլլային, և պակասողներուն տեղը պիտի լեցընէին, և ազգութեան մնացած յոյսերն էին, և կարեւոր տարր մը կը կազմէին յատուկ խնամոց արժանի: Առաջները խորհուեցաւ որբերը գաւառներէն բերել և մաս մըն ալ բերուեցաւ, ու Ս. Փրկչեան Որբանոցը, Արմաշի Դպրեվանքը, Զմիւռնիա և Անդրիանուպոլիս քաղաքները զետեղուեցան. բայց շուտով տեսնուեցաւ որ այս կերպով ընդհանուր պէտքը հոգալ անհնարին է, ուստի որոշուեցաւ նոյնիսկ իւրաքանչիւր վիճակի համար տեղական դպրոցներ բանալ, մինչև 40-50 տղու բաւական: Ընդհանրապէս նախադասուեցաւ որբանոցները զետեղել մօտաւոր վանքերու մէջ և անոնց հասոյթներն ալ օգտակար ընել, կարասին տեղւոյն մէջ հոգալ, չորս չորս տարի պայմանաժամ որոշել, մինչև որ տղայք աշխատելու բաւական ըլլան, և նախակրթական կարեւորագոյն ուսմանց հետ արհեստի մը վարժեցնել տեղական յարմարութեանց համեմատ, որպէսզի որբանոցէ ելնելուն ինքզինքնին հոգալու միջոցներ ունենան: Թէ՛ նախակրթական ուսմանց և թէ՛ արհեստներու վարժութեանց համար յատուկ հրահանգներ ալ խմբագրուեցան և ցրուեցան: Կեդրոնէ տղոց թիւին հաշուով ամսականներ որոշուեցան, որոնք երկամսեայ պարբերականութեամբ կանոնաւորապէս կը յղուէին: Ներքին դաստիարակութեան համար տեսուչ մը և օգնական մը կը նշանակուէին վիճակին մէջ տրամադրելի վարժապետներէ. իսկ մատակարարութիւնը կը յանձնուէր Կեդրոնէ ընտրուած հոգաբարձութեան մը, խնամածու և խղճամիտ անձերէ կազմուած, որչափ որ հնար էր

տեղւոյն վրայ գտնել : Հսկողութիւնը կը կատարուէր պարբերական հաշիւներ և տեղեկագիրներ պահանջելով, և եկածները մշտադրութեամբ քննելով, և դիտողութիւններ ընելով : Որբանոցները սովորաբար չորս տարի պայմանաժամով կը փակուէին, տրամադրելի գումարները ուրիշ վիճակի օգտին գործածելով : Շատ քիչեր ժամանակէն առաջ փակուեցան անախօրժ միջադէպներու պատճառով . իսկ քանիներ ալ չորս տարիէն աւելի պահուեցան, գլխաւորապէս գաւառագլուխ քաղաքներու մէջ հաստատուածները : Որբանոցներէն շատերը նպաստից անտուկին ընդհանուր հասոյթներուն հաշուով բացուած էին, բայց կային եւս յատուկ բարերարներու հաշուոյն բացուածներ, ինչպէս Մոսկուացի խմբադրապետ Գրիգոր Ջանշեանցի հաշուոյն բացուածները, Խրիմեան կաթողիկոսի յանձնառու եղածները, և Ամերիկայի դալթականութիւններէ ոմանց իրենց հայրենական երկրին համար հիմնել ուզածները : Գաւառական որբանոցներու թիւը քառասունի մօտեցաւ, և իւրաքանչիւրէն խմբական լուսանկարներ բերել տալով պատրիարքարանի ննջասենեակիս որմերը զարգարած էին անզգոյշ աչքերէ հեռու պահելու համար :

Որբանոցներէ ետքը կուգային վարժարաններ . առաւելապէս անոք և անօգնական տղոց հոգածութեան նպատակով : Ուստի նպաստից վարժարանները ջանացինք բանալ յետ ինկած և ամէն միջոցներէ զուրկ գիւղերու մէջ, տեղացին հրաւիրելով տեղը հոգալ, և վարժապետին անունդին օգնել տեղական բերքերով : Բարձր ուսումը նպաստից նպատակէն դուրս թողուցինք, նկատելով որ ուր թուխ հացի կարօտութիւն կայ ճերմակ հացի ետեւէն ըլլալու չէ : Ուրախութեամբ տեսնուեցաւ որ նպաստից օգնութեամբ վարժարան մը ունենալու փափաքը շատ գիւղեր յօժարակամ պատրաստութեանց յորդորեց, և մենք չկասեցանք առաւելապէս այսպիսիները քաջալերել, և լոկ վարժապետի ամսականը և գիրք հայթայթելով գիւղական վարժարաններ բազմացընել, որոնք վաթսուներէ աւելի եղան : Երբոր Միացեալ Ընկերութեանց և Ազգանուէր Հայուհեաց կազմակերպութիւնները խափանուեցան, նպաստից անտուկը ստանձնեց այդ վարժարաններուն ալ հոգածութիւնը, ընկերութեանց սեպհական գումարներու և նպաստներէ տրամադրուած յաւելումներու արդիւնքով : Այս վարժարանները պէտք էր որ իրենց աւելի բարձր դիրքը պահէին,

և այդ եղաւ պատճառը որ երկու ծանօթ ուսուցչապետներ Նրպաստից Յանձնաժողովին անդամակցութեան հրաւիրուեցան: Իսկ հասարակ գիւղական վարժարաններու ծրագիրը որբանոցներու վարժարաններուն աստիճանին վրայ պահուեցան: Վարժարաններու մէջ ալ եղան այնպիսիներ, որոնք իրենց գաղթական տեղացիներուն նուէրներով պահուեցան, գլխաւորապէս Հիւսիսային Ամերիակայի քսանի չափ քաղաքներէն այս նպատակով նպաստներ ստացուած են:

Առանձին ճիւղ մըն ալ բացուեցաւ առաջնորդարաններու նպաստելու համար: Առաջնորդ մը կամ տեղապահ մը անհրաժեշտ պէտք մըն է վիճակի մը համար, թէ՛ գործոց կանոնաւորութեան և թէ՛ շահերու պաշտպանութեան տեսակէտէն: Սակայն վիճակներ և վիճակայիններ իրենց դիրքը կորուսած էին, և չէին կրնար գացողին հրովարտակին տուրքը վճարել, ոչ ալ ուղեւորութեան ծախքը հոգալ, մինչև իսկ շատ տեղ և ո՛չ իսկ սնունդին պիտոյքը ապահովել: Այդ կացութեան հանդէպ իսկական հարկ կը դառնար յիշեալ պէտքեր նպաստից սնտուկէն հոգալով առաջնորդներ եւ տեղապահներ յղել վիճակներու կառավարութեան և միսիթարութեան համար, և չվարանեցայ այդ նպաստը ընձեռել քանի քանի վիճակներու համար:

Այդ չորս գլխաւոր ճիւղերէ դուրս եղան ինչինչ մասնաւոր նպաստներու գործեր ալ, զորս նոյն սնտուկը ստանձնեց և կատարեց. այլ այստեղ յիշել վանց կ'ընեմ յատուկ ճիւղեր չկազմելնուն համար: Յանձնաժողովի Տեղեկագիրին մէջ կը գտնուին անոնց մանրամասն բացատրութիւնները, ինչպէս նաև իւրաքանչիւր որբանոցի և վարժարանի բացման և փակման թուականները, ծախսուած գումարները, և ստացուած արդիւնքները: Հետաքրքիր եղողը բոլոր այս պարագաներու համար կրնայ իւր բաղձանքին յագուրդը գտնել Նպաստից Յանձնաժողովի ընդարձակ Տեղեկագիրին մէջ, զոր հրատարելէս քիչ օր ետքը հրատարակութեան տուի, և որով լռեցին նպաստից սնտուկէն 20-30,000 օսկիներ խորած եւ իւրացուցած ըլլալու քմահաճ և կամակոր զրոյցները: Միայն աւելցնեմ թէ նպաստից գործառնութեանց ներքին ծախքերը բողոքատարար դոյզն գումար մը կը կազմեն, և նամակատանց և հեռագրութեանց, փոխանակագրութեանց ու քանի մը տպագրութեանց ծախքերէն անդին չեն անցնիր:

Նպաստից գործին ընդարձակութիւնը թերեւս աւելի ընդարձակ տեղեկութիւններ կը պահանջէր, սակայն հատուածիս համար իմ որոշած նպատակը շատ ամփոփ էր, միայն իմ գործունէութեանս չափն ու ընթացքն ու հոգին բացատրել:

## ԿԴ

Դասնակրս, 1918 փետրուար 20/5 մաս Գշ.

Խեղճութեանց և կարօտութեանց շրջանի մէջ հնար չէր նորոգութեանց և յարդարմանց շինարար ձեռնարկներու ետեւէ ըլլալ. սակայն բոլորովին ալ զանց ընել արժան չէր, մանաւանդ ուր եւ երբ վայելչութիւն և պէտք անհրաժեշտ հարկ կը դառնային: Ուստի իմ պատրիարքութեան օրով ալ ինչինչ շինութիւններ տեղի ունեցան մայրաքաղաքին մէջ, զորս յիշատակել աւելորդ չեմ սեպեր: Հարկաւ չ'ենթադրուիր որ ես այդ ձեռնարկները իմ կողմէ կատարուած կարծեմ, իմ դերս եղած է յորդորել, համոզել, քաջալերել և հսկել:

Առաջին պէտքը որ աչքի կը զարնէր նոյնիսկ պատրիարքարանի անշուք կերպարանն էր. շինուածը քննութեամբ ամուր և տոկուն հաստատուեցաւ, սակայն նեղ էր և ինչինչ մասեր տձև, շատ մասեր աւեր և կարասին հնոտի: Հին գաղափարն էր ի հիմանց նոր պատրիարքարան կառուցանել և այս նպատակով գընուած էին պատրիարքարանի պատկից Փափազեան Ճանիկ ամիրայի լքեալ ապարանքը և Երուսաղէմատան կողմը գանուող խեղճ տնակը, որոնք բաւական ժամանակէ իվեր պանդուխտներու աղտոտ օթեւան դարձած էին: Իմ տեսութեամբ նոր պատրիարքարան կառուցանել աւելորդ ծախք էր. նոր նմանօրինակ շինուած մը առաջինին հնութեան յարգն ալ պիտի չունենար, փառաւոր շինուած մը աւելորդ զոհողութեանց դուռ պիտի բանար: Ուստի եղածը կոկիլու որոշումը տուի, յատուկ հանգանակութիւն բացի սնտուկին չձանրանալու համար, և պէտք եղածը լրացուցի, ինչպէս ներքին կարգադրութեանց հատուածին

մէջ բացատրեցի ( § ԾԲ ) : Նորոգութեանց ձեռնարկուեցաւ 1901 փետրուար 26|11 մարտին, և աւարտեցան մարտ 24|6 ապրիլին, ամսուան մը միջոցին մէջ, զանազան մասերը միանգամայն սկսելով և արհեստաւորաց թիւը աւելցնելով, որով սպրիլ 1|14 Չատիկին օրը շքեղազարդեալ պատրիարքարանը աչքի զարկաւ :

Խեղճ վիճակի ենթարկուած էր Գուճգաբուի Մայր Եկեղեցին ալ. ամէն կողմ աղտոտած, առաստաղը պատառոտած, շատ տեղեր փլիփլած : Ծախքին համար յաջողեցայ համոզել Վանեցի Մանուկ Սմբատեան վաճառականը, որդւոյն Միհրանի և տաներէց Դերձակեան Խաչատուր քահանայի ձեռնտուութեամբ, որով հնար եղաւ որմերը և կամարները մարմարծեփով նորոգել, որմասիւներ կազմել, ոսկեղօծները նորել և աւելցնել, յատակը յարդարել, նստարաններ շինել, դորգեր և ջահեր աւելցնել, և բոլորը սիրուն կերպարանի փոխարկել սպիտակ տեսլորանի վրայ : Այդ ձեռնարկն ալ բաւական արագ լրացաւ Գրիգոր Մելիտոսեան ճարտարապետի գլխաւորութեամբ և իմ մօտէն հսկողութեամբ : 1902 դեկտեմբեր 28|10 յունուար 1903ին նորորդեալ տաճարի տեսնագրութիւնը կատարեցի և 29|11ին առաջին պատարագը մատուցի : Ծերունին Սմբատեան շատ եւս չապրեցաւ և յառաջագոյն խոստման համեմատ մարմինը ամփոփեցինք Ս. Յարութեան մատուռին առջեւը : Սմբատեանի բարերարութեան արդիւնքով Գոսրմբաշայի Ս. Յակոբ եկեղեցիին ալ մասնաւոր նորոգութիւնը լրացաւ : Մայր Եկեղեցւոյ կողմնակի Ս. Խաչ և Ս. Որդիք Որոտման եկեղեցիներն ալ լքուած էին. առաջինը իբր պանդուխտներու օթեւան և երկրորդը իբր աղջկանց վարժարան դործածուած էին : Երկուքն ալ սոյն միջոցին մաքրուեցան և յարգարուեցան և հոգեւորական պաշտամանց վերադարձան :

Բերայի բարձունքը 1865ին սկսած Շիշլիի գերեզմաննոցը, որուն կարգադրութեան նախաձեռնարկն եղած էի 1884ին քարոզչութեանս միջոցին ( § Խ ), առաջ տարուած էր իմ կարին վերադառնալէս ետքը, բայց պակաս կը մնար մուտքին մասը՝ խղճալի տախտակորմով մը գոցուած : Այդ պակասը աչքառութերութիւն մըն էր, ուստի Բերայի կալուածոց Հոգաբարձութեան հետ համաձայնեցայ, վայելուչ շինուածի մը յատակագիծը պատրաստուեցաւ և գործադրուեցաւ, արտաքուստ բարեձեւ և ներ-

քուստ երկյարկանի և բոլոր պէտքերու համար յարմար բաժիններով՝ պահապանաց, վերակացուի, քահանայի և յուզարկաւորաց հանգստանալու համար սենեակներ, և հանդիսաւոր բացումն ալ կատարեցի 1904 մայիս 16|29ին: Գերեզմաննոցին լիակատար յարդարման համար մատուռի մըն ալ շինութիւնը պէտք էր, որուն տեղն ալ որոշուած և ազատ թողուած էր յատակագիծին մէջ, սակայն այդ փափաքս չկրցաւ լրանալ, շինութեան ծախսուց յանձնառու բարերար մը համոզել չկարենալուս համար:

Խասքէօյի մէջ հաստատուած Գալֆայեան Որբանոցի շէնքն ալ նորոգութիւն կը պահանջէր, և ընդարձակուելու պէտք ունէր: Տիկնանց Խնամակալութեան փութաջան հոգածութեամբ, ներկ և տանիք նորոգելու պարզ արտօնութեամբ, և Շահպաղեան Եղիա գործարանապետի յաջողակ ճարտարութեամբ ո՛չ միայն շէնքը ներքուստ և արտաքուստ նորեցաւ, այլեւ վերին դասիկոն մըն ալ աւելցաւ, և որբուհեաց աճած թիւին բաւականանալու պէտքը լրացաւ: Հանդիսաւոր հաւակատիքն ալ անձամբ կատարեցի 1904 նոյեմբեր 21|4 դեկտեմբերին: Գալֆայեան Որբանոցը եւս քանդեւս ընդարձակելու և իբր Ս. Փրկչեան Որբանոցին լրացուցիչն կազմելու փափաքն ունէի, և այս նպատակով աշխատեցայ ձեռք ձգել Ճեզայիրլեանց լքեալ տպարանքը, որ պատկից էր Գալֆայեան Որբանոցին, և յարքունիս գրաւեալ էր Ճեզայիրլեանի պարտքին փոխարէն: Կայսերական շնորհը ուր ուրեմն կրցայ ստանալ 1908 մայիս 6|19ին, և երկու շէնքերը բաժնող պատէն անցքը անձամբ բացի յունիս 27|10 յուլիսին, և ստացութեան մտցուցի, սակայն երեք շաբաթ չը լրացած պատրիարքութենէ հրաժարեցայ, և Գալֆայեան Որբանոցը չկրցաւ ընդարձակութիւն վայելել, զի երեւի նոր վարչութիւններն ալ շատ հետամուտ չեղան:

Ազգային Ս. Փրկչեան շիւանդանոցի վերաշինութեան աւտեն թերի մնացած էր հիւսիսային թեւը, թէպէտ ծախսուց յանձնառուներ պատրաստ էին, այլ զործը կը ձգձգուէր հետամուտ եղողի պակսելովը: Այդ մասին ալ իրականացումը տեսնել փափաքելով՝ յաջողեցայ համոզել Աբիկ Ունձեան, Պատրիկ Կիւլպէնկեան և Յովհաննէս Յակոբեան բարերարները և իրենց պարագաները՝ զործի ձեռնարկելու, և 1905 մայիս 15|28ին հիմնարկէքը օրհնեցի: Այս կերպով կառուցուեցան երեք երկյարկանի



անջատ յարկաբաժիններ, միայն անցքերով իրարու հաղորդակցութիւն ունեցող, և հիւանդանոցներու վերջին առաւելութիւններով կատարելագործուած, իբրև դարմանատուն վարձուելու յարմար սենեակներով, և միջին կիւլպէնկեան յարկաբաժինին մէջ վիրաբուժական գործողութեանց յատկացեալ տեղով մըն ալ: Միեւնոյն ատեն Հիւանդանոցի գեղարանն ալ վերակազմուեցաւ բժշկապետ Միքայէլ Սորասանճեանի ծախքով, և հականեխարան մը աւելցաւ մասնաւոր բարերարութիւնով: Զուրի ճանպարհներն ալ յարդարուեցան Յարութիւն Ասլանեան վաճառականին ջանքով, և ջրաբաշխ աշտարակ մըն ալ կառուցուեցաւ, և ներքին բակին ալ յարմար ձեւակերպութիւններ արուեցան, այնպէս որ Ա. Փրկչեան Ազգային Հիւանդանոցը ախար հաստատութեան մը առաւելութիւններով ձոխացաւ:

Պակաս կը մնար միայն Հիւանդանոցի եկեղեցին, որ Պեզճեան ամիրայի օրէն մնացած փայտաշէն և գծուծ և հնութեամբ խաթարեալ միակ մասն էր: Նախնական յատակագիծին համեմատ եկեղեցին բակին մէջտեղը պիտի շինուէր, և Միքայէլ Յակոբեան յանձնառու կ'ըլլար շինել, եթէ այդ գետեղումը չփոխուէր, զոր ևս յարմար չէի տեսներ, և ոչ ընդարձակ բակին մէջ ամբարտակ մը բարձրացնելով՝ շրջակայ հիւանդանոցներուն օդը խափանել և առողջական պայմանները անտեսել, և կը նախագասէի նախնական եկեղեցւոյն տեղը շինել բակին հիւսիսակողմը, ուր թաղուած էին կիւլպէնկեանց ննջեցեալները. իսկ Յակոբեան կը փախաքէր ինքն առանձինն թաղուիլ նորաշէն եկեղեցւոյն քովը: Նրբոր Յակոբեան վերջնական կերպով չկրցաւ ինչ իւր նպատակին հաւանութիւնը ստանալ, Հիւանդանոցի եկեղեցւոյ շինութենէն հրաժարելով, որոշեց Սամաթիոյ Ս. Գէորգ եկեղեցւոյ ժամատունն ու խանութները շինել և հոն թաղուիլ, որուն պատասխանեցի թէ վերջապէս Սամաթիոյ եկեղեցին ալ նոյն սլատրիարքութեան ենթարկեալ է և անոր շէննալը ինձի ալ հաճելի: Նոյն միջոցներուն կը հանդիպէր Դիոզինէս Թահթապրունեանի մահը. նորահաս և աղատակեաց և տակաւին ապարդիւն երիտասարդ մը, որուն յուղարկուորութեան նախագահելէ միանգամ և երկիցս խուսափելէ ետքը ստիպուեցայ զիջանիլ կեսարացի մեծամեծներուն թախանձանքին, բայց և առիթ քաղեցի դամբանականին մէջ ակնարկել թէ վաղամեռիկ Դիոզինէս ատեն չէր ունեցած

արգիւնաւոր յիշատակ մը թողուլ, բայց հարկաւ իւր եղբայր-  
ները կը լրացնէին անոր պակաս թողածը: Ակնարկս ազդեցութիւն  
ունեցաւ Ազաթան և Կարապետ Թահթապրունեան եղբարց վրայ,  
և յաջողեցայ անոնց ընդունիլ տալ Հիւանդանոցի եկեղեցւոյն շի-  
նութիւնը: Հինը քակել տուի և 1906 փետր. 10|23ին հիմնար-  
կէքը օրհնեցի. շինութիւնը առաջ տարուեցաւ Մելիտոսեան ճար-  
տարապետի ձեռքով, որ երեք յարկաբաժիններու շինութիւնն  
ալ կը կառավարէր, և ամէն ատեն ազգային շինութեանց անձ-  
նուէր ճարտարապետութիւնը կը կատարէր: Վերջապէս նոյն  
տարւոյ դեկտ. 3|16ին նորաշէն եկեղեցւոյն օծումն ալ նուիրա-  
գործեցի պարտ ու պառչած հանդիսականութեամբ: Եկեղեցին  
բաւական ընդարձակ և բարձր էր, համակ քարաշէն և վայելուչ  
յատակագիծով, և Դիողինէսի յիշատակն ալ ճակատին վրայ ար-  
ձանագրուեցաւ:

Փէրիքէօյի Ս. Վարդան եկեղեցին, հապճէպ կառուցուած  
փայտաշէն մը, քայքայուելու վիճակին հասած եւ նեցուկներով  
ամրացած էր: Անոր նորոգութիւնն ալ անհրաժեշտ էր, որուն  
յանձնառու եղաւ Զենոբ Մերամթճեան ճարտարապետը, ծախ-  
քըն ալ և արուեստագիտութիւնն ալ ստանձնելով: Գործի ձեռ-  
նարկուեցաւ ներսէն և տանիքին նորոգութեան պարզ արտօնու-  
թեամբ, բայց մինչև իսկ գերանները նորուեցան, և եկեղեցին  
վերաշինուեցաւ դարձեալ փայտակերտ, ներքին ընդարձակու-  
թիւններ տրուեցան, բայց արտաքին չափերը չփոխուեցան:  
Հապճէպ կառուցուած և հնութեամբ խանգարուած եկեղեցի մըն  
ալ Բանկալթիի գերեզմանոցին Ս. Լուսաւորիչն էր, զոր նորո-  
գելու և բարձրացնելու հոգ տարաւ Բերայի թաղականութիւնը:  
Ս. Երրորդութիւն գլխաւոր եկեղեցին ալ ներսէն նոր ներկուե-  
ցաւ և մաքրուեցաւ. Մաքրիքէօյի թաղականութիւնն ալ իւր Ս.  
Աստուածածին եկեղեցիին ներքին վայելչութիւնը լրացուց. Պէ-  
շիքթաշի եկեղեցւոյն 1905 մայիս 30|12 յունիսի փոթորիկէն վը-  
նասուած մասերը յարգարուեցան Պետական Յանձնաժողովէ առ-  
նուած նպաստով: Վերջապէս քիչ ու շատ ամէն եկեղեցիները  
վայելուչ պահելու յորդորները պակաս չըրի, և արդիւնքներն ալ  
տեսայ:

Վերջին 1908 տարւոյ սկիզբներն էր, որ Բերայի Կալուածոց  
Հոգաբարձութիւնը գնեց Ս. Երրորդութիւն եկեղեցւոյ հիւսիս ա-

րեւելեան անկիւնը գտնուող Վէքիլ գերդաստանին պատկանող մեծ տունը, և անոր մօտաւոր ուրիշ մասերը խառնելով Թոգաթլիանի ճաշարան-զբօսարանին՝ պանդոկ մըն ալ աւելցուց, շատ արդիւնաւոր պայմաններու ներքեւ, որոց հաւանութիւնը փութացի շուտով տալ յաջող առիթը ձեռքէ չհանելու համար, ինչ ալ ըլլային ձեւակերպութեանց մարմաջով զօրացածներու խճբծանքները: Ժամանակով Երրորդութիւն եկեղեցւոյ չորս փողոցներով պարփակուած կղզին ամբողջ ազգային սեփականութիւն է եղեր, և զայն վերստին ամբողջացնելու գաղափարը ազգօգուտ և շահաւէտ դատուած էր ամէն խահական և գործի հմուտ անձերէ:

Եթէ գտնուող եկեղեցիներու փայլին ու վայելչութեան ոգեւին հետամուտ էի, միւս կողմէն նոր եկեղեցիներ աւելցնելու փափաքին միշտ դիմադրող եղայ: Այդ փափաքը ունէին յատկապէս Իւսկիւտարի Իճատիյէ Թաղի ժողովուրդը և Բրինքիքօ կամ Մեծկղզի օղափոխութեան գացող ազգայինները: Իմ ընդդիմութեանս մեծ փաստն այն էր որ արդէն վրանիս ծանրացող եկեղեցիներ ունէինք, զորօրինակ էյուպսուլթանի, Գանատիլի, Սթենեայի եկեղեցիները, և չէր արժեր ասոնց պահպանութեան միջոցները աւանց ապահովելու եկեղեցիներ աւելցընել: Իւսկիւտար արդէն ունէր Սէլամիյէի Ս. Խաչ և Եէնիմահալլէի Ս. Կարապետ, և ծովեզերքին վրայ Գուզկուենճուքի Ս. Լուսաւորիչ եկեղեցիները, և աւելորդ բնօրէն շատցնող և միւս եկեղեցիներուն վնասող պիտի ըլլար չորրորդ եկեղեցի մը աւելցնել Իւսկիւտարի մէջ: Իսկ Մեծկղզիի եկեղեցին հազիւ թէ Վարդավառին և Վերափոխման յաճախող պիտի ունենար, և բոլոր տարին անտէրունչ պիտի մնար, զի Մեծկղզին հաստատուն հայաբնակութիւն չունէր, և օղափոխութեան գացողները ձմեռուան մէջ իսկ իրենց Թաղին եկեղեցւոյն տեւական ժամաւորները չէին: Թերեւս բացառութիւն ընէի Գարակէօմրիւկի համար, զի Ս. Յովհան Ոսկեբերան եկեղեցին պատահամբ այրած էր 1900 յուլիս 6/19ին, և սիրուած ուխտատեղի մըն էր: Միւս կողմէն մեր բոլոր եկեղեցիները Կ. Պոլսոյ պարիսպներուն մօտերն էին, և կեդրոնին մէջ եկեղեցի չունինք, և ես կը կարծեմ թէ Կ. Պոլիս քաղաքին բարձրագիւր մրջավայրը մեծ ապագայ խոստացող քաղաքարածին մըն է, և այնտեղ եկեղեցի ունենալ ապագային օգտակար կ'ըլլայ:

Այսչափ ալ մայրաքաղաքին մէջ կատարուած շինարար ձեռնարկներուն մասին: Գաւառներուն մէջ կատարուածներուն վերայ խօսիլ զանց կ'ընեմ. զի որչափ ալ կեդրոնէն յորդորներ և քաջալերութիւններ պակաս չեղան, բայց միշտ տեղական ձեռնարկներ եղան, և առաջնորդներու, տեղապահներու և գաւառական վարչութիւններու արդիւնքն ու արժանիքը սեպհականելու կասկածն իսկ չեմ ուզեր տալ:

## ԿԵ

Դաւնակոս, 1918 փետրուար 22/7 մարտ Եջ.

Պատրիարքական գործունէութեանս նշանակալից մաս մը կը կազմէ եկեղեցական հանդէսներու ոյժ տալս, դպրաց դասերու շահնալուն հետամուտ ըլլալս, ևռաձայն և քառաձայն երգեցողութիւնները քաջալերելս, Կ. Պոլսոյ եկեղեցիներուն տարեկանի օրերուն հանդիսագիր ըլլալս, տօնախմբութիւններ սարքելու առիթներ ստեղծելս: Ոմանք այնպէս ենթադրեցին թէ այս պարագաներով փառաւորութելու ունայնասիրութենէ շարժուած ըլլամ, սակայն իմ դիտումս այս չէր: Ազգային հանդէսներ բացարձակապէս արգիլուած էին, մինչ իմ համոզմամբ այս տեսակ հանդէսներ ըզգացունման բարձրացնելու, գաղտփարներ մշակելու, հոգիներ սըրտապնդելու մեծապէս օգտակար են, և հարկաւ ասոնք արգիլելու համար արձակուած էր ընդհանուր արգելքը: Եկեղեցիները այդ արգելքէն դուրս մնացեր էին, ուստի պէտք էր այդ պարագայէն օգտուիլ ընդհանուր նպատակին հասնելու համար, և որեւէ հանդէս կազմակերպելու համար պէտք էր ոստիկանութենէ արտօնութիւն ստանալ, խօսուելիք ճառերը նախաքննութեան ենթարկել, և հրամայեալ փոփոխութեանց հնազանդիլ: Այս կողմէն ալ բարեբախտաբար պատրիարքին անձը սեղմումներէ ազատ էր և անոր ներկայութեամբ կը շափաւորուէր կամ կը խափանուէր ոստիկանութեան ներկայութիւնը: Ահա՛ գաղտնիքը որ զիս կը յորդորէր եկեղեցական հանդիսութեանց ոյժ տալ և ամէն հանդիսութեանց անձամբ ներկայ ըլլալ: Այդ գաղտնի միտքն ալ

հնար չէր միամտօրէն հրապարակ իջեցնել, ուստի ևս իմ մտադրութեանս կը ծառայէի և խժբժողներուն թող կուտայի խօսիլ. իսկ բարեմիտներ դիւրաւ կը թափանցէին իմ ներքին դիտումիս և գործադրութիւնը կը դիւրացնէին: Այդ համարձակութեամբ կրցայ նաև այնպիսի հանդէսներ կատարել, որոնք թերեւս ուրիշ տեսակէտով կրնային կասկածելի դատուիլ: Այս տեսութեանց լուսարանութեան համար իբրեւ նմոյշ յառաջ պիտի բերեմ ինչինչ հանդիսութեանց յիշատակները:

Երբոր Եզիպտոսի նախարարապետ Նուպար բաշա վախճանեցաւ 1899 յունուար 2/14ին, անոր յիշատակին հանդիսաւոր պաշտօն պատարագ կատարեցի Մայր Եկեղեցոյ մէջ, չնայելով որ հանգուցեալը իբրև ազգային գործիչ նկատուած էր, և օսմանեանս արքունեաց աչքին հաճելի անձնաւորութիւն մը չէր:

Երբոր Հիւանդանոցի հացի և միսի օրական պարէնները մինչև 600 և 150 քաշ ուեղցան, Հիւանդանոցի մէջ պաշտօնական և ժողովրդական հանդերձանօք հանդիսաւոր գոհարանական մաղթանք կարգադրեցի և կատարեցի 1898 օգոստոս 23/4 սեպտեմբերին:

Ալէաթճեան Գրիգորիս եպիսկոպոսի յուղարկաւորութեան ազգային ցոյցի մը կարեւորութիւնը տուի 1899 օգոստոս 16/28 ին, անձամբ նախագահելով և Ս. Խաչ եկեղեցիէն Ս. Կարապետ եկեղեցին գացող թափօրին հանդիսապետելով, թէև սովոր չէի եկեղեցիներու շրջանակէն դուրս փողոցներու մէջ հանդիսադրութիւն կատարել: Ալէաթճեանի անձին կառավարութեան և արքունեաց առջև լաւ աչքով չնկատուիլը յայտնի բան մըն էր, Մուշէն բռնի հանուած էր, կրօնական ժողովականութիւնը և կաթողիկոսական ընտրութիւնը մերժուած էին, սակայն այդ նախընթացին մտադրութիւն դարձնել իսկ չուղեցի:

Իսկ Աշրգեան Խորէն նախկին պատրիարքին յիշատակը ազգին մէջ շատ համակրութեամբ չէր ողջունուեր, բայց այդ պարագայն ալ դիս չարգիլեց լիուրի հանդիսականութեամբ և համարձակ դամբանականով կատարել անոր յուղարկաւորութիւնը Բերայի եկեղեցոյն մէջ 1899 հոկտեմբեր 27/8 նոյեմբերին, մահուան երրորդ օրը:

Հոսմէադաւան պատրիարք Ստեփանոս Պետրոս Ժ. Ազարեանի հովանաւորութեամբ և Մկրտիչ Աշճեան վարդապետի ձեռ-

քով, բայց անանուն ձեւով, փոքրիկ տեար մը հրապարակ հանուեցաւ, Մեր Ս. Հարց Դաւանութիւնը մակագիրով, պապական դրութիւնը պաշտպանելու համար հռոմէադաւան Հայերու հաւաքած սովորական քաշքշուկ վկայութիւններով: Տեարակին պատասխանը պատրաստեցի ուրիշ տեարակով մը, բայց զրաքննութեան կողմէն տպագրելու արտօնութիւնը զլացուեցաւ, պատճառելով թէ խնդիրը երկնցնելու և հասարակութեանց միջեւ գտութիւն յառաջ բերելու կը ծառայէր: Չուզելով մեր Եկեղեցւոյ դէմ յարձակումին առջև լռել, անմիջապէս պատրաստուած տեարակին պարունակութիւնը կոնդակի ձեւին վերածեցի, եւ կոնդակներու հրատարակութեան ազատութենէն օգտուելով՝ մեծադիր լրագիրի մը ձեւով չորս երեսներու վրայ տպագրել տալով քաղաքին և գաւառներուն և արտասահմանի մէջ լայնարձակ ցրուեցի և եկեղեցիներու մէջ կարգաւ տուի: Հռոմէադաւաններ չհամարձակեցան երկրորդել:

Նախակրթարանի շրջանուարտներուն վկայականները բաշխելու հանդէսները շատոնց խափանուած էին սովորական արգելքներու հետեւանօք: Ուզելով հանդէսները վերսկսիլ, բայց չուզելով յատուկ արտօնութիւն խնդրելու պայմանը նուիրագործել, առաջին անգամ պատրիարքարանի սրահին մէջ կատարեցի բաշխումը 1899 նոյեմբեր 4/16ին, և անկէ ետքը սկսայ եկեղեցիներու կամ վարժարանական սրահներու մէջ կատարել, և հետըզհետէ սովորական գործի կարգ անցաւ: Միայն թէ ուր որ համախմբութիւն մը կը կատարուէր, ոստիկանութիւնը քննութեան կողմէն, բայց պատրիարքն ալ ներկայ է տեղեկութեամբ բաւականանալով կը մեկնէր, երբեմն ալ եթէ պատուաւոր ոստիկանապետ մը ըլլար, իբր պարզ հանդիսատես ներկայ ըլլալու կը պահէի:

Երբոր Անգղիոյ Վիկտորիա թագուհին մեռաւ, Ապտիւլհամիտ ուզեց որ եկեղեցական պատիւ մըն ալ ընծայուի, բայց կաթոլիկ և օրթոտօքս իշխանութիւններ չմօտեցան իրենց անթոյլատու ընթացքով: Իսկ ես առաջ անցայ Հայ Եկեղեցւոյ ազատական սկզբունքով, մանաւանդ որ Անգղիական Եկեղեցին իւր նուիրապետական և ծիսական դրութեամբ աւելի հին եկեղեցեաց կը մօտենայ քան թէ նորադանդ բողոքականութեան: Արդէն 1900 յուլիս 10/22ին ցաւակցական հեռագիր մը յղած էի Քէնթըրպրի

(Canterbury) նախագահ արքեպիսկոպոսին: Իսկ յունուար 20 | 1 փետրուարին մեծահանդէս պատարագ և հոգեհանգիստ կատարեցի Մայր Եկեղեցւոյ մէջ պաշտօնական պայմաններով և հրաւերներով և ներկայից խուռն բազմութեամբ:

Գրիգոր Ջանշեանց հռչակաւոր խմբագրապետ և ի նպաստ թուրքիոյ արկածելոց յատուկ հրատարակութեան հեղինակ, գաւառական օրբանոցներու բարերար, և օսմանեան ձեռնարկներու քննադատող եղած էր, և մահուանէ ետքը անոր յիշատակը փառաբանել շատերուն վտանգաւոր կ'երեւէր: Իսկ ես շվարանեցայ բարեգործ անձի մը հանդէպ երախտագլխակալն զգացումնիս ծածկել և համարձակ պաշտօն-պատարագ մատուցի 1900 օգոստոս 27 | 9 սեպտեմբերին Մայր Եկեղեցւոյ մէջ ի մեծ գոհունակութիւն ամենայն բարեսիրաց:

Պատրիարքութեանս սկիզբները Վարչութեան հետ համախորհուրդ կատարած որոշումներուս կարգին մէկն ալ Ելեւմալից Տեսչութիւնը խափանելով սահմանադրական Ելեւմալից Հոգաբարձութիւնը վերահաստատելը եղաւ, թէպէտ քանիցս ընտրութիւնները նորոգեցինք և նորերը հրաւիրեցինք, բայց անհնար եղաւ հաստատուն հոգաբարձութիւն մը ունենալ, հասոյթներու սակաւութեան և անհրաժեշտ ծախսուց անբաւականութեան պատճառով: Ուստի վերջապէս հարկ եղաւ վարչական մասնախումբի մը յանձնել գործը, իմ գլխաւորութեամբ և Ստեփան Ասլանեան բժշկապետի և Գրիգոր Խտրեան պետական հաշուեքննիչ ժողովականին ընկերակցութեամբ: Որոշումը տրուեցաւ 1901 մարտ 9 | 22ին և հիմնական կարգադրութիւնները եղան, սակայն առօրեայ գործառնութիւնները վերջիվերջոյ իմ վրայ մնացին:

Քաղաքական Ժողովոյ երկու ատենապետները, Արաաքին Գործոց խորհրդական Յարութիւն Տատեան և բժշկապետ Ստեփան Ասլանեան բաշաները, քառասուն օրուան տարբերութեամբ իրարու ետեւէ վախճանեցան 1901 հոկտեմբեր 7 | 20, և նոյեմբեր 17 | 30ին, երկուքն ալ պետական և ազգային գործունէութեամբ նշանաւոր անձեր, և ըստ այնմ յուղարկաւորութիւններուն նախագահեցի մեծաշուք հանդիսակատարութեամբ: Անոնցմէ ետքը ատենապետութիւնը սկսաւ վարել Վճռաբեկ Ատեանի անդամ Տիգրան Եռսուֆեան: Վերջին ատեններ այնչափ շատցած էր Ասլանեանի հետ մտերմութիւննիս որ մահուան առթիւ իւր գործերուն

ու թողօնին կարգադրութիւնը, և իւր երկրորդ ամուսնոյն զըստեր Մաթիլա Ֆէրուհիան օրիորդին խնամքը ինծի յանձնարարեց, և ես ալ ամենայն յօժարութեամբ իւր կամքը կատարեցի, եւ համեստ շիրիմ մըն ալ կանգնեցի Շիշլիի գերեզմանատան մէջ: Իսկ Տատեան Պէշիքթաշի եկեղեցւոյն ետեւը թաղուեցաւ իւր բընակած տունին մօտը:

Ռեթէոս Պէրպէրեան ուսուցչապետի հիմնած և վարած վարժարանին աշակերտներէն յառաջ եկող և պատուաւոր դիրքերու հասնող նախկին աշակերտները փափաքեցան իրենց երախտաւորին զգացումնին վկայել, վարժարանին քսանեօնգամեակը տօնախմբելով և դումար մըն ալ հանգանակելով: Սակայն կը կասկածէին մէջտեղ ելլալ և կը խիթային պետական արտօնութեան դիմել: Այս անգամ ալ ես ինքս յանձնառու եղայ գործին պաշտօնական մասը ստանձնել անձնական նախաձեռնութեան ձեւով, իրենց թողլով գործադրական աշխատութիւնները անպաշտօն կերպով, մինչև իսկ յորդորական շրջաբերական մըն ալ հրատարակելէ չքաշուեցայ: Պէրպէրեան 1896ի տազնապի տտեն Հելուետիա խոյս տուած էր՝ վարժարանը իւր հին աշակերտներէն Պետրոս Կարապետեան ուսուցիչին յանձնելով: Թէպէտ յաջողեր էի զայն դարձնել իւր գործին գլուխը, սակայն միշտ իբրև կասկածելի նկատուած էր, և քանիցս նախարարութենէն ազդարարութիւններ ստացած էի զայն գործէ հեռացնելու, և միշտ զրուոր պաշտպանութեամբ առջեւն առած էի, ինչ որ Պէրպէրեանն ալ ինձ մտերիմ դարձնելու ծառայած էր: Քսանեօնգամեակի սրտարաստութիւնները յաջողութեամբ յառաջեցին, և 1901 հոկտեմբեր 28/10 նոյեմբերին տօնախմբութիւնը կատարուեցաւ, եկեղեցական և վարժարանական հանդէսներուն նախագահեցի եւ հանգանակուած իբր 1500 ոսկւոյ գումարով վարժարանի շինուածին նորոգութիւններ և յուելուածներ կատարուեցան:

Բացառիկ հանդիսութեանց կարգին 1899 մայիս 16/28ին Կաղզուանցի Փողուզեան Զաքարիա բազմարդիւն պատրիարքին մահուան հարիւրամեակը կատարած էի Կուրուչէշմէի Ս. Սաչ եկեղեցւոյն մէջ: Ս. Էջմիածնի հիմնարկէքին հաղարվեցհարիւրամեակն ալ կատարեցի 1903 յունիս 8/21ին Մայր Աթոռէ ամէն կողմ տրուած հրամանին համեմատ: Նոյն տարւոյ յունիս 15/28ին Բանկալթիի դադարեալ գերեզմաննոցին մէջ մեծ հոգեհանդիսա-



մը կատարեցի՝ Ս. Լուսաւորիչ եկեղեցւոյն մէջ և բացավայրին չորս կողմերը, և Զուղայեցի Յակոբ Դ. Հոգեւոր տիրոջ գերեզմանին վրայ զատ զատ կարգեր կատարելով վարժարաններու աշակերտաց և աշակերտուհեաց համախումբ գումարամբ, որպիսիքն է Կ. Պոլսոյ մէջ կատարուած չէր: Բերայի Ս. Երրորդութիւն եկեղեցւոյ հիմնարկութեան հարիւրամեակին առթիւ ալ բացառիկ հանդէս կատարեցի 1907 յունիս 10|23ին: Իմ նախընթացս ալ երբեք ծածկել չեմ աշխատած, մինչև իսկ անզգոյշ ակնարկներու ալ պատասխանած եմ, որ եթէ իրենք անգիտակցաբար Հայ Եկեղեցւոյ հետեւող գանուած են, ես քննութեամբ և խելահաս սովորեամբ զայն նախընտրած եմ: Հետեւաբար մտադիր էի յամուկ կերպով յիշատակել վերադարձիս քսանևհինգամեակը 1904 տարւոյ Գիւտ Խաչի տօնին, սակայն Խապայեան Սահակ կաթողիկոսին Կ. Պոլիս գտնուելուն և տիրոջ դարձուածներուն պատճառով լաւագոյն սեպեցի զանց ընել:

Պատրիարքական փոխանորդարանը սովոր է նշանադրութեանց առթիւ մէկ մէկ օրինակ հարսանեաց կոնդակ յանձնել պսակուելիքներուն. օրէնքներու բացատրութիւններով և խրատական յորդորներով կազմուած կոնդակ մը, որ պատրիարքներու անունին փոփոխութեամբ երկար ժամանակէ ի վեր նոյնութեամբ կը գործածուէր: Փափաքելով ժամանակին յարմարագոյն և պարունակութեանց յստակագոյն խմբագրութեամբ բան մը յանձնել փեսացուներուն և հարսնցուներուն, նոր կոնդակ մը պատրաստեցի 1903 մայիս 1|14 թուականով, և նախկինը խափանելով զայն կիրառութեան մտցուցի, որուն մէջ եկեղեցական օրէնքները և ամուսնական պարտաւորութիւնները լիապէս կերպով բացատրուած են:

Կրօնական տեղեկութիւնները ընդարձակելու և ժողովրդականացնելու համար, Դպրեվանքի վերատեսչութեանս ատեն Մասիս կրօնաթերթի հրատարակութեան ձեռնարկած էի, այլ 1896 թ. տագնապին պատճառով խափանած էր: Պատրիարքութեանս ատեն ձեռնարկը վերսկսելու փափաքը ունէի, բայց պարագայից բերմամբ հազիւ 1905ին կրցայ զայն իրականացնել, և Լոյս կրօնաթերթի հրատարակութեան սկսիլ յունիս 1|14ին խմբագրապետութեամբ Կիւլէսէրեան Բարգէն վարդապետի, Դպրեվանքի աշակերտութեան անդրանիկին, և վարչութեամբ Կարապետ Խորասանճեան վաճառականին: Երկու տարի տեւեց հրատարակութիւնը:

նը, այլ դադարեցաւ նիւթական պատճառներով: Լոյս կրօնաթերթը իր տեսակին մէջ ընտրելագոյն վկայուեցաւ, որուն գործակցեցան Դպրեվանքցիներէն շատեր և ես ալ անոնց հետ:

Սովորութիւն է որ տարին երկիցս Ծնունդի և Զատիկի կրկնորդ օրերը ազգային պաշտօնական մարմիններ և նշանաւոր անձնաւորութիւններ պատրիարքարան խմբուին շնորհաւորութեանց և բարեմաղթութեանց համար: Ես այս առիթները յօդուտ կը գործածէի կերպով մը Ընդհանուր Ժողովներու դադարումը դարմանելու, և ընդարձակ բանախօսութեամբ տեղեկութիւններ կը հաղորդէի ազգային գլխաւոր անցքերու և դէպքերու և ընթացիկ կացութեան վրայ, որ հաճութեամբ կը լսուէր և ներկայութիւնը ընդարձակելու կը յորդորէր: Վարժարանական ջանքերու իբրեւ քաջալերութիւն, յիշեալ պաշտօնական ընդունելութեանց իբրև յաւելուած Զատիկի հինգշաբթի օրերն ալ ուսուցչներու և իւրաքանչիւր վարժարանի աշակերտութեանց ներկայացուցչի խումբերու ընդունելութեան սովորութիւնը հաստատեցի, որ առաջին անգամ տեղի ունեցաւ 1904 ապրիլ 1/14ին և յաջորդ տարիներ շարունակեց:

Յայտնի է որ Խրիմեանի անձն ալ լաւ աչքով չէր նկատուած արքունեաց կողմէ, և նոյնիսկ եպիսկոպոսոսներու հրաման չէր տրուեր ձեռնադրութեան երթալու, կասկածելով որ Խրիմեանէ աննպաստ թելադրութիւններ կ'առնեն: Ի զուր աշխատած եմ արքունիքը համոզելու, թէ կատարեալ տաճկասէր մը դարձած է նա Ռուսիոյ կողմէն տեսած դժուարութեանց և կալուածոց գրաւման երեսէն, սակայն սեւեռեալ գաղափարը չեմ կրցած ջրնջել: Խրիմեան կաթողիկոսի մահէն ետքը մինչև իսկ հոգեհանգիստ կատարելու վախցողներ ալ կային, սակայն ես անօրինակ հանդիսութեամբ և դեսպանատանց պատուիրակներու ներկայութեամբ փառաւոր պաշտօն-պատարագ և հոգեհանգիստ կատարեցի Մայր Եկեղեցւոյ մէջ 1907 հոկտեմբեր 29/11 նոյեմբերին տեղի ունեցած վախճանէն քիչ օր ետքը: Անկէ առաջ ալ Եզեանց Կարապետի հոգեհանգիստը կատարեր էի, 1905 մայիս 31/13 յունիսին տեղի ունեցած մահուանէ քիչ ետքը, թէպէտ նա ալ հաճոյական անձ մը չէր արքունեաց աչքին:

Կը փափաքէի մեծահանդէս յուղարկաւորութիւն կատարել Աբիկ Ունձեան բազմերախտ և բարերար ազգայինին, չնայելով որ

կուսակցական դաւաճանութեամբ սպանուած էր 1905 օգոստոս 13/26ին, սակայն հանգուցեալը կանուխէն իբրև կտակ յանձնարարած էր աղքատաց կերպով միակ քահանայով յուղարկաւորուիլ, և Մաթուս եղբայրն ալ կը պնդէր անոր կամքը յարգել: Հազիւ համոզեցի լոկ Բերայի քարովիչով և քահանաներով կատարել տալ յուղարկաւորութիւնը, իսկ ես իբր սգակիր միայն ներկայացայ, բայց խիղճ ըրի բոլորովին լռել, և հակառակ եղբորը թախանձանքին դամբանականը խօսեցայ, չծածկելով կառավարութեան կողմէ կրած բանտարկութիւնն ու դատապարտութիւնը և կուսակցականութեան կողմէ կատարուած դաւաճանութիւնը:

Հանդիսական առիթներէն քաղուած այդ համառօտ յիշատակութիւնները կը փակեմ, կրկնելով սկիզբը ըրած յայտարարութիւնս, թէ անոնց մէջ ո՛չ երբեք ունայնասէր զգացումներէ յորդորուած եմ, այլ ժողովրդական զգացումները ոգեւորելու և վշտացեալ սիրտերը մխիթարելու համոզումն ու նպատակը ունեցած եմ:

## 42

Դաւնակոս, 1918 փետրուար 23/8 ճարտ Ուր.

Արքունեաց հետ մտերմական յարաբերութիւններ պահելս, և ամէն գործի համար երլալըզ դիմելս յայտնի իրողութիւն մըն է, և հետեւանք Համիտի բռնած քաղաքականութեան, որ նախարարութիւնները չէզոքացնելով՝ ամենայն ինչ պալատան մէջ ամփոփած էր, ուր զանազան ճիւղերու համար յատուկ յանձնակատարներ որոշած էին իբրև անպաշտօն նախարարութիւններ, եւ Հայերու վերաբերեալ գործերը առաջին քարտուղար Թահսին բաշայի յանձնուած էին, և ես ալ ստիպեալ էի անպատճառ անոր դիմել և անոր հետ բանակցիլ: Այս մասին պէտք է յայտարարեմ թէ մեր յարաբերութիւնները երբեք ստրկական և դիմումները երբեք ստորնաքարչ չեղան, այլ տեսակ մը ճարտար և կատար

կարան ու զուարճաբան ձեւերով համեմեալ, և անուղղակի թեւադրութիւններով զօրացեալ, որոնք աւելի արդիւնաւոր են տաճկական պաշտօնակալաց հետ: Ապտիւլհամիտ կայսր կը սիրէր միշտ իւր նախաձեռնութեամբ գործած երեւնալ, քան թէ աղերսախառն ձեւի ներքեւ ալ ընելիքը ուրիշէ ճշդուած կամ առաջարկուած գիտնալ, որով գիւտի և նախաձեռնութեան առաւելութիւնը իրմէ կապուած կը կարծէր: Ուստի ստէպ պատմական կամ հաղորդակցական ոճով գաղափարներ կը յայտնէի, որոնք կայսեր հասնելով անկէ իբրև իւր սեպհական միտքն ու գիւտը կը դառնային, կամ թէ երրորդներու միջնորդութեամբ գաղափարներ կը հասցնէի, որոնք աւելի օգտակար կը դառնային նրապատակիս հասնելու: Իսկ իր կողմէն յանձնարարութեան մը մասին երբ հրամաններ կը հաղորդուէին, կերպ կերպ ձեւերով խընդիրը իրենց վրայ կը դարձնէի: Այդ ընթացքին իբր բացատրութիւն կ'ուզեմ ինչինչ օրինակներ պատմել, որոնք իրենց պարզութեան մէջ աւելի խօսուեն են, քան երկարապատում պատճառաբանութիւններ:

Անգամ մը գրաւոր ազգարարութիւն կ'ընդունիմ, որպէսզի հայ կիներու և օրիորդներու արգիլեմ կարմիր բաճկոնակ (blouse) գործածել, զի կարմիրը իբր յեղափոխութեան նշանակ առնուած է, թէպէտ օսմանեան դրօշն ալ կարմիր է: Անմիջապէս Թահսինի կ'երթամ յայտնելու համար թէ ազգարարութիւն մը ստացած եմ, որ սխալ հասցէի ուղղուած է, զի կանացի նորաձեւութիւնները հայ կիները չեն ստեղծեր. այլ Բարիզի զործարաններն են որ իւրաքանչիւր սարւոյ համար նոր գոյն և նոր ձև կ'որոշեն, և Բարիզէ եկած ապրանքն է որ մեր կիներ և օրիորդներ խանութներու մէջ կը գտնեն, կը գնեն և կը գործածեն, ուստի պէտք էր ինձի եկած ազգարարութիւնը Բարիզի նորաձեւութեանց զործարանատէրերուն յղել: Այսպէս զուարճաբանութեամբ և ծիծաղով խնդիրը փակուեցաւ:

Ատանայի ազգայնոց մէջ իբր թէ յեղափոխական շարժումներու բոյն մը գտնուած ըլլայ. քաղաքէն և մերձակայ տեղերէն եկեղեցականներէ և աշխարհականներէ կազմուած իբր 15 հոգիներու խումբ մը կը ձերբակալուի, և աւելի ապահովութեան համար դատավարութիւնը և ամբաստանեալները Անգրիանուպոլիս կը փոխադրուին: Ասոնց հետ ամբաստանուած էր Աբրահիմ աւրս-

տրիական թղթատան և շոգենաւներու գործակատար Պրացցաֆօլի (Prazzafogli) Աւստրիացին, որուն ձերբակալման դէմ բողոքեր էր Աւստրիոյ դեսպանը Բալիչէ (Barone Calice) և գործը կը տատանէր: Ես այդ պարագայն յօգուտ գործածելով Թահսինի յայտնեցի որ եթէ հպատակի և օտարահպատակի վրայ արդարութիւնը հաւասարապէս գործադրուի, լուել կը պարտաւորուիմ, իսկ եթէ օտարազգին կը խնայուի և հայրենեաց զաւակներ կը ճզմուին, ձայն բարձրացնելու իրաւունք կ'ունենամ. իսկ նա համարձակաբերան կը խոստանար արդարութեան ամենուն վրայ հաւասարաբար գործադրուիլը: Գործը կ'երկարէր կառավարութեան և դեսպանատան մէջ, և ամէն միջոց կը գործածէի դեսպանատունը ընդդիմութեան մղելու և քարտուղարութիւնը իւրն խոստումը կրկնելու: Դեսպանը տեսնելով որ իւր ընդդիմութիւնը ապարդիւն կը մնայ, օր մը վերջնագիրը կուտայ, և շոգենաւը վառել տալով մեկնիլ և յարաբերութիւնները խզել կը սպառնայ: Նոյն երեկոյին իմ ալ դեսպանատուն երթալս կը զուգադիպի, ուր ծպտեալ ոստիկաններու շատութիւնը աչքիս կը զարնէ, բակին մէջ շարուած սնտուկները կը տեսնեմ, իրողութիւնը կ'իմաննամ, դեսպանը կը տեսնեմ, պարտուպատշաճը կը խօսիմ և տունը կը դառնամ, զի արդէն երեկոյացեալ էր, բայց գիշերը Աւստրիացիին ազատութիւնը հրամայուելուն լուրը կ'առնեմ, առաւօտուն կանուխ Երլտըզ կ'երթամ, և Թահսինի հետ խօսքէ խօսք անցնելով դեսպանատուն երթալու խօսքը կը բացուի, և կը փութամ երեկոյին աւստրիական դեսպանատուն հանդիպիլս յայտնել, միջադէպը պատմել, արդիւնքը իմանալու հարցում ուղղել: Երբոր քարտուղարը հրամանին տրուիլը կը ծանուցանէ, իւր խոստման համաձայն մերիններուն համար ալ ազատութիւն կը պահանջեմ, և երբ կայսեր մօտ դառնալու առիթ չունենալը կը բացատրէ, սպասելու և մինչև իսկ գիշերելու պատրաստականութիւն կը ցուցնեմ, բայց վերջապէս միւս առտուն դառնալու յայտարարութեամբ կը մեկնիմ, մինչ նա ինքն լուր դրկել կը խոստանար: Իրօք ալ միւս երեկոյ կը հաղորդէ Անդրիանուպոլիս տարուածներուն ներուելուն անտարտար, որոնք քիչ օրէն Պոլիս կը դառնան, եկեղեցականները պատրիարքարան կը յանձնուին, և առաջին առթիւ ամէնքն ալ ազատօրէն Ատանա կը դառնան: Կատարեալ յաջողութիւն մըն էր, առանց մեր կողմէն ստորնութեան կամ զղջման յայտարարութեանց ստացուած:

Անգամ մըն ալ կայսերական թիկնապահի ձեռքով պալատ կը հրաւիրուիմ, ուր քարտուղարը կը հաղորդէ, թէ Կիպրոս գտնուող հազար զինեալ Հայեր Մերսինը պիտի գրաւեն եղեր, եւ կայսրը կը յանձնարարէ որ պատրիարքը այս բանը արգիլէ: Քմծիծաղով մը կը պատասխանեմ միանգամ և երկիցս, և երբ քարտուղարը կը պնդէ, կը յարեմ թէ Մերսին Կիպրոսէ ծովով զատուած է, իմ տորմիդը կ'իջեցնեմ և ճանապանին կը կտրեմ: Երբոր դարձեալ քարտուղարը կատակը զանց ընել կը կրկնէ, յայտնապէս կ'ըսեմ թէ տորմիդը իրենցն է, թո՛ղ մէկ երկու ռազմանաւեր այդ կողմերը ղրկեն և վտանգը խափանի: Եւ կ'աւելցնեմ թէ իմ տեսութեամբ զրոյցը սուտ լուր մըն է՝ կամաւ յերիւրուած միտքերը պղտորելու համար: Եւ երբ ինչ հիմ ունենալս կը հարցնէ, կը պատասխանեմ թէ Կիպրոսի մէջ այնչափ հայ և ասանկ պատրաստութիւն չկայ, զի եթէ ըլլար՝ հոտը ելած կ'ըլլար և մենք ալ իմացած կ'ըլլայինք: Այս պատասխանս կ'երթայ կայսեր հաղորդել, եւ շնորհակալութեամբ բարեւներ կը բերէ յանձնարարութեամբ մէկտեղ, որ պատրիարքը միշտ արթուն մնայ. և այսպէս անհետեւանք կը թողուի ստուգիւ կայսրը զրգուելու համար շինուած լուրը, գուցէ նոյն իսկ կուսակցականներու կողմէ:

Իմ մէկ կոնդակիս մէջ Հայաստանեայց Եկեղեցի բացատրութիւնը գտնուելուն, ազդարարութիւն կը ստանամ այդ բացատրութենէն զգուշանալ, իսկ ես կը պատասխանեմ թէ մեր Եկեղեցւոյն նուիրագործեալ յատուկ անունն է, զոր չեմ կրնար փոփոխել: Հանրային կրթութեան նախարարութիւնը կը կրկնէ, թէ Հայոց Եկեղեցի ազգային բացատրութիւն է և ներեալ է, իսկ Հայաստանեայց Եկեղեցի աշխարհագրական բացատրութիւն է եւ ներեալ չէ: Տեսնելով որ խժբժանքի մտնել կը սիրեն, գրաւոր կը պատասխանեմ, թէ հայիրէն բառերուն իմաստը նախարարութեան գրագիրներէն սորվելու պէտք չունիմ, և կը լռեն ու միջադէպը կը փակուի:

Օր մը յանկարծ բոլոր գրավաճառներ պատրիարքարան կը լեցուին գանգատելու, թէ գրաքննիչներ եկած, ժամագիրքերը գրուած և դարանները կնքած են, ժամագիրքերուն մէջ Հայաստանեայց բառը գտնուելուն համար: Կը յանձնարարեմ հանդարտ մնալ, քայլ մը չառնել, և խանութները չփակել: Իսկոյն Երլտըզ կը գիմեմ եղելութիւնը քարտուղարին հաղորդելու, և միանգա-

մայն յայտնելու թէ վաղուրնէ սկսելով եկեղեցիները պիտի փակեմ, վասնզի նոր իմացայ որ հարիւրուոր տարիներէ ի վեր օսմանեան կայսերաց պաշտպանութեամբ մեր գործածած աղօթազիրքը միասակար դիրք է եղեր, և որովհետեւ մեր քահանաներ և դպիրներ և ժողովուրդներ անոր պարունակութիւնը գոց գիտեն և առանց դիրքի ալ զրուցել, ուստի ապահով եղանակ կը գտնեմ եկեղեցիները փակել որ միասակար ասացուածները արգիլուին: Այդ ոճով բացատրութիւններ կ'ընդարձակեմ, որոնք կայսեր կը հաղորդուին, և անմիջապէս կը հրամայուի կնիքները վերցնել ու ժամագիրքերը դարձնել և միւս օր ալ հրամանը կը գործադրուի:

Գինով մը կը ձերբակալուի Պէշիքթաշլի մէջ, և ոստիկանատան մէջ խուզարկուած ատեն վրան քանի մը ձեռագիր թերթիկներ կը գտնուին Հայոց Պատմութենէ կտորներով: Հարցուփորձէն կ'իմացուի թէ իւր տղուն վարժարանէն բերած թերթերն են. գործը դատարանին կը յանձնուի, և կոչնագիր կ'երթայ մանկապարտիզի վարժուհիին, որուն դասարանին մէջ կը գտնուի եղեր դինովին որդին: Երբ թողականութիւնը լուր կը բերէ՝ կը հրահանգեմ որ վարժուհին իբրեւ հիւանդ չներկայանայ, և ես ըստ սովորութեան ձեռք կ'առնեմ Երլարզի ճանպան: Եղելութիւնը Թահսինի կը պատմեմ, եւ կը վերջացնեմ թէ վարժուհին հրամանատար մըն է, կարգադրութիւնները իմա են, ուստի կոչնագիրն ալ ինձի պէտք է յղուի և ոչ վարժուհիին: Բայց կոչնագիրը վարժուհիին կը կրկնուի, եւ ալ իմ յայտարարութիւնը կը կրկնեմ, գործը կայսեր կը հաղորդուի, և դատը խափանելու հրաման կը տրուի, և միջադէպը կը փակուի: Բայց վարժապետներ և վարժուհիներ կը սկսին Ազգային Պատմութեան դասը զանց ընել, մինչև որ շրջաբերականով կ'ազդարարուի Ազգային Եկեղեցւոյ պատմութիւնը զանց չընել, և դասերը կը շարունակեն ըստ առաջնոյն:

Եռաձայն և քառաձայն երգեցողութեանց տրուած քաջալերութիւնը և ժողովուրդին ունկնդրութեան համար խուռն դիմելը, առիթ կ'ըլլայ արքունեաց քսութիւն հասցնելու, թէ ժողովուրդը համախմբելու համար թատերական (օբերա) երգեցողութիւններ սկսուած են եկեղեցիներուն մէջ: Քարտուղարը բերանացի կը հաղորդէ առած լուրը և դարմանել կը յանձնարարէ: Կը պատասխանեմ թէ չէի սպասեր որ դիս ընդունակ կարծեն

եկեղեցին թաարոնի փոխարկելու . իսկութիւնը կը բացատրեմ, և եկեղեցիներու պայծառութենէն ժողովուրդին զգացած գոհունակութիւնը կը յայտնեմ, աւելցնելով որ ես ժողովուրդը եկեղեցի հրաւիրելը կառավարութեան հաճելի կը կարծէի, իսկ եթէ հաճելի չէ, դիւրութեամբ կրնամ գինետուններ և սրճարաններ ցրուել: Այսպէսով կը փակուի այս միջադէպն ալ:

Պէշիքթաշի գերեզմաննոցը Երլարզի պալատին կից կը գըտնուի, և կայսեր կամքով շատոնց խափանուած էր և գերեզմանաքարերն ալ հողով ծածկուած էին, բայց բուն նպատակն էր գերեզմաննոցը իսպառ ջնջել և պալատին պարտէզին խառնել: Վեհապետեան պատրիարքին և Չամիչեան տեղապահին օրէն այդ խնդիրը կը շարունակէր, և Մակար կաթողիկոսէ ալ կայսրը հաճեցնելու հրահանգ եկած էր, և Վեհապետեան ու Չամիչեան գըրաւոր պատրաստականութիւն յայտնած էին, բայց գործադրութիւնը յապաղած էր: Պալատան կարողագոյն գործիչներէն Իզզէթ բաշա պարագաներէն օգտուելով գործադրութիւնը լրացնել կը ձեռնարկէ, և իբրև փոխարէն հազար ոսկւոյ փոխանակագիր մը կը ներկայէ ինծի, զոր ընդունիլ կը մերժեմ՝ յայտնելով թէ կանոնաց բացառութիւնը կայսեր բարձր կամքին համար յանձն առնել որոշուած էր, և այդ բանին փոխարէն ընդունիլ անհնար էր: Այդ ձեւը կը դործածէի, որովհետև Վեհապետեանի և Չամիչեանի յայտարարութեանց հակառակ չէի կրնար խօսիլ, իսկ փոխարէն ընդունելով յօժարակամ յանձնառութիւն ցուցուցած կ'ըլլայի: Բանիցս այդ բանակցութիւնները կրկնուելէն ետքը՝ Իզզէթ քաղաքապետութեան կը հրամայէ ոսկրները վերցնել տալ, եւ փողոցներու աւելածուններ և աղբակիր կառքեր կը պատրաստուին գործի ձեռնարկել, այն ատեն կը յայտարարեմ և կը պնդեմ թէ ոսկերաց փոխադրութիւնը ճիշդ յուղարկաւորութեանց ձեւով կըրնայ ըլլալ, ութօրեայ հսկումով, քահանայից և դպրաց թափօրով և երգեցողութեամբ, հայ գերեզմանափորերով և մեռելակիր կառքերով: Այդ պայմաններու վրայ ուժգնապէս պնդելս կայսրը կը խրտչեցնէ, գործը կը յետաձգուի, և վերջապէս մոռացութեան մատնուելով կը խափանուի:

Օրթաքէօյի գերեզմանատունն ալ գրաւելու և արքունեաց յարակից Օրխանիէ գօրանոցին կցելու միտքը յլացուեցաւ: Այդ վտանգին ալ առջև առնելու համար իբրև միջոց գործածեցի ժանգ



տախտի տարին շատեր այնտեղ թաղուած ըլլալը, և վարակիչ մանրէներուն հողի մէջ մնալը և աճիլը, և այդ հողը խառնելով Երւտրզի պալատին իսկ վտանգ սպառնացուիլը, որով գործը քննութեան յանձնուեցաւ և յետաձգուեցաւ և խափանուեցաւ:

Երբոր Մագսուտեան Ղեւոզ վարդապետի Կ. Պոլիս գալէն ետքը Երուսաղէմի պատրիարքը Երէցեանն ալ փոխանորդութենէ դադրեցուց 1905ին և տեղը Չիլինկիրեան Եղիշէ վարդապետը յղեց, այդ փոփոխութենէն ցաւողներ Չիլինկիրեանի դէմ ամբաստանագիր մատուցանելով՝ յաջողեր էին օգոստոս 27/9 սեպտեմբերին զայն շոգենաւէ շոգենաւ փոխադրել տալով, նոյնժամայն դէպի Չանագգալէ դարձնել տալ: Լուրը Պէշիքթաշ ստացայ եւ արեւ մտնելէն ետքը Երւտրզ երթալով կրցայ ետ դարձնելու հըրամանը հանել և յղել տալ, և յաջորդ օրը Չիլինկիրեան Կ. Պոլիս հասաւ: Այդ դիմումիս իբր փաստ գործածեցի վեհապետեանի դէմ ցուցուած անարգանքը, և ծերունիին կաթուածահար ըլլալուն վտանգը, և անոր իբր անուանող և իմ իբրև մօտէն հըսկող երաշխաւորութիւնը:

Պատրիարքարանի խուզարկութեան խնդիր մըն ալ յուզեց Նէճիպ Մէլհամէ բաշան, պնդելով թէ պատրիարքարանի գետնափոր նկուղներուն այսինչ տեղը Իզմիրլեանի օրէն պահուած դէնքեր կան. թէպէտ նպատակը մինչև պատրիարքարանի դիւանները մտնել և գաղտնիքներ ու ծածուկ յարաբերութիւններ մէջտեղ հանել էր: Ես պնդեցի թէ հարուածը ուղղակի իմ անձիս դէմ եղած կ'ըլլար, ուստի պէտք էր նախապէս զիս պաշտօնանկէին և յետոյ պատրիարքարանը մանէին: Օրերով տեւեցին այդ բանակցութիւնները՝ առաջ Նէճիպ Մէլհամէի և յետոյ Թահսինի հետ. պատրիարքարանը ոստիկանական հսկողութեան ներքև ալ առնուեցաւ, բայց ես իմ առաջին յայտարարութենէս չփոխուեցայ, մինչև որ կայսրն ալ ուրիշ ելք չգտնելով, հրամայեց որ ես ինքս կատարեմ խուզարկութիւնը իւր և իմ ապահովութեան համար: Այլեւս այս ձեւին աւելորդ սեպեցի ընդդիմանալ, միայն սրայման դրի նախապէս ոստիկաններուն հեռանալը, և 1905 հոկտեմբեր 3/16ին պատրիարքարանի դուռները փակելով, և դիւանապետներէ և դիւանատեսուչներէ օգնականներ առնելով և ես ալ անձամբ գետնափորները իջնելով պատրիարքարանի ներքնայարկը պարպել տալու սկսայ, ուր տակաւին

կը մնային շէնքին հիմնարկութեան օրէն գոյացած աւելորդներ և շարունակ դիզուած աւելածներ, որոնք նախ պարտէզները լեցունեցան և յետոյ բեռնակիր իշերամակներով ծովը թափուեցան: Միայն հնադարեան երկաթեայ գունտ մը գտնուեցաւ, զոր փութացի պալատ զրկել իբրև խուղարկութեանց միակ արդիւնք:

Յիշատակեմ եւս Ոստիկանութեան Նախարար Շէֆիք բաշայի հանդէպ բռնած ընթացքս: Գաղտնիք մը չէր որ նա պարզ հրամանակատար մըն էր բարձրէն ստացած պատուէրներուն և հրահանգներուն, սակայն ինծի մեղադրութեանց առարկայ մէկ մը պէտք էր, և այս նպատակին կը գործածէի անոր անունը: Ասկէ մէջերնիս բացուած կը տեսնուէր, թէպէտ անձնապէս և պաշտօնապէս աչքառու պարագայ մը չկար: Նա կը պնդէր որ եթէ ես ուզեմ, կրնամ յեղափոխական կամ կուսակցական շարժումները վերջացնել, իսկ ես կը պնդէի որ եթէ նա փոխանակ նախապաշարեալ գաղափարներով շարժելու, իսկութեանց և ստուգութեանց հետեւէր, շատ անտեղութեանց առջևը տռնուած կ'ըլլար: Յայտնապէս ալ կը մեղադրէի որ խոհական ոստիկանութեան անգիտակ է, և մտացածին կերպերով դժուարութիւնները կը զըրգըռէ: Շէֆիք կը կարծէր որ եթէ կուսակցականաց դէմ բանադրանքի կամ նպովքի կոնդակ մը հրատարակեմ, ամէն բան կը վերջանար, իսկ ես այս տեսակ փծուն միջոցներէ խուսափելու համար կուսակցականներու վրայ կրօնական զգացմանց տկարացած ըլլալը կը պատճառէի, բայց երբ կայսրն ալ ոստիկանապետին խորհուրդով հրատարակութիւն մը պահանջեց, երկդիմի իմաստով հրատարակութեամբ մը մէջէն ելնել յաջողեցայ:

Ասոնց նման միջադէպներ դեռ շատ եւս կրնայի յիշատակել, բայց կարծեմ թէ յիշատակուածներն իսկ աւելի եղան: Լատին առածը կ'ըսէ, թէ Մեկին մնացածները կ'իմաստասիրուի (Ab uno disce omnia), որովհետեւ ամէն գործիչ իրեն համար որոշ զիծ մը կ'ունենայ, զոր կը սիրէ և կը նախընտրէ, և անոր ունակութիւնը ստանալով, միշտ նոյն կերպ կը գործէ: Ես ալ յիշուած միջադէպները իբրև նմոյշ յառաջ բերելով այդ կ'ուզէի ցուցնել թէ քանի որ կարեւորագոյն առիթներու մէջ այս կերպով խօսիլ ու դիմադրել ու գործել սովորած էի, բոլոր ընթացքիս մէջ ալ այլապէս վարուած չէի կրնար ըլլալ, և թէ ստորնաքարչ եւ ստրկական և լոկ հաճելի ըլլալու ուղղուած գործունէութիւն մը

ինծի ընտանի չէր կրցած ըլլալ: Այդ կէտն է զոր հատուածովս լուսաբանել ուղեցի, ըլլայ իբրև պատմական ստուգութիւն, ըլլայ իբրև անձնական արդարացում:

ԿԷ

Դաւնակոս, 1918 փետրուար 23/8 մարտ Ուր.

Մանր դիպուածներ ըստ ինքեան կարեւորութիւն չունին, բայց կը ծառայեն տիրող գաղափարները ցուցնելու և ժամանակին հանդամանքները ապագայից բացատրելու. այդ նպատակով այս տեսակ դիպուածներէն ալ ինչինչ քաղել ու յիշատակել աւելորդ չեմ սկսիր:

Արքունեաց հետ յարաբերութիւնը միշտ առաջին քարտուղար Թահսին բաշայի հետ կը կատարէի: Կայսեր հետ երես առ երես տեսակցութիւններ ցանցառ էին, զի Ապտիւլհամիտ շատ վերապահութիւններ ունէր այդ մասին, և ամենուն հետ ալ բացառիկ պարագաներու կը պահէր անձնական տեսակցութիւնները: Ասոնք տեղի ունեցան 1896 նոյեմբեր 23/5 դեկտեմբեր առաջին ներկայացման, 1899 դեկտեմբեր 7/20ին շնորհաւորութեան ուշ հասնելուս, 1903 յունուար 31/13 փետրուարին մահափորձի առթիւ շնորհուած ունկնդրութեան, և 1904 սեպտեմբեր 17/30ին Սապայեան կաթողիկոսը ներկայացնելուս առիթներուն: Շնորհաւորութեանց համար հոգեւոր պետեր խմբովին կ'երթային, բայց միայն իւր ծննդեան և դահուկալութեան տարեդարձներուն անձամբ կ'ունկնդրուէին, իսկ երկու պայրամներուն միայն ուղերձներ կը ներկայացնէին առաջին սենեկապետ Հաճի Ալի բաշայի ձեռքով և շնորհակալութեան բարեւը կը լսէին: Ինքն միշտ ոտքի վրայ կը դռնուէր և այնպէս կ'ընդունէր, միայն ուշանալուս և մահափորձի առթիւ տուած ունկնդրութեան ատեն նստեցուցած ու խօսակցութեան մտած է, ուրիշ անգամներ պաշտօնական յայտարարութիւններ և խոստումներ խօսած է, գրեթէ միշտ նըմանօրինակ ձեւով: Կայսերական պատիւ ըլլալով ամէն բամա-

զանին անգամ մը իՖրաչի ընթրիքին կը գտնուէինք, հնաւանդ ձեւով մեծ ափսէի մը շուրջը բոլորուելով, մէկ պնակէ ուտելով և մէկ գաւաթէ խմելով, թէպէտ վերջէն դրամական նուէր մը ստանալով: Իմ առաջին անգամ գտնուելիս տեղի ունեցաւ 1897 փետրուար 8/20ին: Հոգեւոր պետերու առանձինն տրուած փառաւոր կոչունքի երկու անգամ հանդիպեցայ, 1898 մարտ 12/24 ին Նախմէ դատերը հարսնութեան, և 1899 մայիս 28/9 յունիսին Ապտիւրրահիմ որդւոյն թլփատութեան առթիւ: Գահակալութեան համար բացառիկ ընդունելութիւն տեղի ունեցաւ 1900 օգոստոս 19/1 սեպտեմբերին իւր քսանեւհինգամեակին առթիւ. իսկ նախընթաց օրը ցուցահանդէսին դրուելու համար ընծայ մըն ալ յԷղեցի, որ էր Աթմէյատանի կոթողին կանգնաչափ արծաթեայ օրինակը հարուստ տուփի մը մէջ փակուած, և ասեղնագործ մեծ գորգ մը. իսկ 1906 օգոստոս 19/1 սեպտեմբերին կայսեր հիւանդութեան պատճառով միայն հոգեւոր պետերս ընդունուեցանք իւր առանձնասենեակին մէջ: Իմ ալ 1901ին ծանր պալարով հիւանդանալուս առթիւ սեպտեմբեր 29/12 հոկտեմբերին սենեկապետ Արիֆ Պէյը որպէսութիւնս հարցնելու յղած էր:

Նախարարներու հետ սեղմ պաշտօնականէն դուրս յարաբերութիւն չունեցայ, և ունենալ ալ ներեալ չէր, նոյնիսկ իրենք ալ ժողովներէ և պաշտօնատուներէ դուրս իրարու հետ չէին կրնար տեսակցիլ: Նախարարներու փոփոխութիւններ շատ քիչ եղան, և մեզի հետ պաշտօնական յարաբերութիւն պահող Արդարութեան ու Կրօնից և Ներքին Գործոց նախարարները, Ապտիւրրահման և Մէմտուհ բաշաներ, միշտ նոյն մնացին, միայն Մեծեպարքոս Խալիլ Րիֆատ բաշայի մեռնելէն ետքը Բիւզիւք Սայիտ բաշա յաջորդեց 1901 նոյեմբեր 4/17ին, և ասոր ալ քիչ ետքը հրաժարելուն վրայ Ֆէրիտ բաշա անուանուեցաւ: Բոլոր նախարարութեանց հետ միշտ լաւ յարաբերութիւններ մշակեցի, և պատահաբար օգուտներ ալ ունեցայ, թէ՛ իրենց ճիւղին, և թէ՛ ժողովական օրոշմանց մէջ:

Նահանգներու կուսակալներուն և գաւառներու կառավարիչներուն հետ ուղղակի յարաբերութիւն պահեցի, յատկապէս պայքարամներու շնորհաւորութիւններով, որով ճանապայ բացի իրենց սահմանին մէջ հանդիպած անտեղութեանց համար ուղղակի իրենց զիմելու, փոխանակ նախարարութեանց զրելու, և իբրևէ զիւ

րենք ամբաստանելով՝ պաշտպանութեան և զայրացման գրգռելու : Այս կերպով աւելի օգտուեցայ բաւական գործեր մտերմօրար կարգադրելու , քան եթէ նախարարութեանց դիմէի : Մեծ և փոքր պետութեանց դեսպաններու հետ կրկնակի յարաբերութիւններ պահեցի , թէ՛ պաշտօնական և թէ՛ մտերմական գետնի վրայ : Մտերմականը աւելի մեծ տէրութեանց դեսպաններուն հետ տեղի կ'ունենար , փոխադարձաբար անոնց տրամադրութիւնները խմանալով , և մեր տեղեկութիւնները հաղորդելով , միշտ գաւառներու բարեկարգութեան և զաւառացիներու բարօրութեան շուրջը դառնալով , և միջազգային դաշնագիրներու շրջափակէն դուրս չելլալով : Առանձինն պէտք է յիշատակեմ Պուլկարիոյ և Ռուսիոյ և Յունաստանի դեսպանատանց հետ իրենց հպատակ Հայերուն եկեղեցական և դպրոցական գործերուն մասին բարեացակամ կարգադրութիւնները , քանի որ այդ երկիրները Կ . Պոլսոյ պատրիարքարանին հոգեւոր իրաւասութեան ենթարկեալ վիճակներ կը կազմեն : Նախապէս Եւրոպա և Ամերիկա ալ Կ . Պոլսոյ վիճակներ էին , սակայն անոնցմէ կամովին հրաժարեցայ , այն տեղեր կատարուած շարժումներուն պատասխանատուութենէն ազատ մնալու համար , և Մայր Աթոռն ալ հաւանեցաւ ուղղակի իւր իրաւասութեան ներքեւ առնել : Օտար տէրութեանց Կ . Պոլիս այցելող վեհապետներէն և արքայազուներէն , Ռուսիոյ Նիկողայոս մեծ դուքսին հետ անձամբ տեսակցեցայ 1898 հոկտեմբեր 7 | 19ին : Պարսից շահին հետ 1900 սեպտեմբեր 18 | 1 հոկտեմբերին տեսակցելու համար ամէն կարգադրութիւններ լրացած և երթալու վրայ էի , երբ վերջին վայրկեանին արքունեաց միջամտութեամբ խափանուեցաւ : Իսկ Գերմանիոյ կայսեր հետ տեսակցութիւնը թէպէտ դեսպանին կողմէ ընդունուեցաւ և աշխատուեցաւ , սակայն Վիլհելմ կայսեր կողմէ պէտք եղած մտադրութիւնը չընծայուեցաւ , արքունեաց հաճելի ըլլալու դիտմամբ :

Պատրիարքարաններու հետ յարաբերութիւնը աւելի սերտ և մտերմական ընելու աշխատեցայ , որպէսզի հնար ըլլայ ի հարկին համիմաստ գանդատներով և բողոքներով մեր դիմումները զօրացնել : Ծնունդի և Զատիկի շնորհաւորութիւնները միշտ փոխանորդներու ձեռքով կը կատարուէին , և միայն նոր ընտրութեանց առթիւ պատրիարքներ անձամբ այցելութիւններ կը փոխանակէին : Ես նախաձեռնութիւն առի գոնէ տարին մէկ ան-

գամ Չափիկի ասթիւ անձամբ այցելութիւններու սովորութիւնը հաստատելու, և Յունաց և Կաթողիկոսաց և Պուլկարաց պատրիարքներու հաւանութիւնը ստանալով, առաջին անգամ 1898 ապրիլ 7/18ին Յունաց պատրիարքարան այցելութեան գացի, եկեղեցի ալ իջնելով ատենաբանեցի, և միւսներուն գալէն ետքը անոնց ալ փոխանակեցի: Ծնունդի շնորհաւորութեան խօսք չըրի, վասնզի դեկտեմբեր 25/6 յունուարին ես պիտի պարտաւորէի ամենուն կանխել, և անագան յունուար 6/18ին անոնց այցելութեան սպասել: Իսկ նոր ընտրութեանց այցելութիւնները միշտ անձամբ կատարուեցան առաջին սովորութեանց համաձայն:

Յունաց պատրիարք Կոստանդինի հետ զրեթէ եղբայրական եղաւ յարաբերութիւննիս, և անոր 1901 մարտ 21/2 ապրիլին հրաժարելէն ետքը, մայիս 25/7 յունիսին Յովակիմ աթոռ վերադարձաւ, որուն հետ նախածանօթ էինք և միեւնոյն լաւ յարաբերութիւնները շարունակեցին: Հայ Հռոմէականաց հետ ներքին անհամաձայնութիւնը չէր կրնար ջնջուիլ, բայց պաշտօնական պայմանները անեղծ պահուեցան: Ստեփանոս Պետրոս Ժ. Ազարեան 1899 ապրիլ 10/22ին մեռաւ, և յուլիս 14/26ին յաջորդեց Պօղոս Պետրոս ԺԱ. Էմմանուէլեան, որուն հետ մեր այցելութիւնները փոխանակեցինք նոյեմբեր 17/29ին և նոյեմբեր 27/9 դեկտեմբերին: Էմմանուէլեանի ալ 1904 ապրիլ 5/18ին մեռնելուն վրայ յուլիս 22/4 օգոստոսին ընտրուեցաւ Պօղոս Պետրոս ԺԲ. Սապպաղեան, և անոր հետ ալ այցելութիւններ փոխանակուեցան: Իսկ Պուլկարաց Յովսէփ (Եօղէֆ) եկսարքը պաշտօնին վրայ էր և շարունակեց, և 1902 ապրիլ 23/6 մայիսին իւր պաշտօնավարութեան քսանեօրեակը շնորհաւորեցի: Բողոքականաց ազգապետ էր Յակոբ Պօյաճեան, որուն հետ աղգային և մտերմական յարաբերութիւննիս ամենակատարեալ եղաւ:

Չանց կ'ընեմ աղգայնոց եւ օտարազգեաց հետ պահած յարաբերութիւններս բացատրել: Ես բնութեամբ մարդամօտ եւ պաշտօնով ամէն պարագայէ օգուտ քաղելու մտադիր՝ ջանացի, որչափ հնար էր, ծանօթութիւնները եւ յարաբերութիւնները ընդարձակել, առանց նկատի առնելու թէ ինձի համակիր են կամ հակակիր, բուական էր որ հնար ըլլար անոնցմէ օգտուիլ: Շատ հակակիրներ պաշտօններու կոչած եմ, այս կամ այն գործին ունեցած յարմարութիւններուն համար: Բերայի մէջ այցելութեանց

չըջիլը բացարձակապէս խափանած եմ, զի լուր օրեր անհնարին էր, գիշերներ գժուարին, կիրակիներ զբաղուած, և թիւով անհամար, ուստի լաւագոյն սեպեցի հաւասարապէս չերթալ, եւ Ծնունդի ու Չատիկի շնորհաւորութիւնները երկու հարիւրէ աւելի յատուկ այցեւորմաներով, նոյնպէս անուններու շնորհաւորութիւնները բարեմաղթական տոմսերով կը կատարէի: Բայց ամառուան մէջ գիւղերը գտնուած օրերս օգտափոխութեան եկած գլխաւորներու և արդիւնաւորներու ընտրանօք կ'այցելէի: Ընտանիքներու հետ տեսակցութիւններէ ալ չէի խուսափեր, եւ այս կողմէ բնաւ զրոյցի ենթարկուած չեմ: Շաբաթը երեկոյ մըն ալ ընտանեկան այցելութիւն ընդունելու յատկացուցած էի: Աւելի մանրամասնութեանց մտնել աւելորդ կը դատեմ, գրուածները բաւական են ընթացքիս վրայ գաղափար մը տալ:

## ԿԸ

Դանաւոյն, 1918 փետրուար 24/9 մարտ Եր.

Կենացս մեծագոյն եւ արդիւնաւորագոյն գործը սեպած եմ Դպրեվանքի աշխատութիւնս. իբր զի կրցած եմ եկեղեցւոյ եւ ազգի համար օգտակար անհատներ պատրաստել, որոնք խօսուն փաստեր են տարուած աշխատութեանց: Վարչական աշխատութիւններ ամենէն ապաշնորհներն են. հազիւ թէ կրնաս օրական պէտքը լրացնել կամ տագնապ մը արգիլել, որ շուտով մոռացութեան կը տրուի, եւ եթէ գործերէդ տասնէն ինը, գուցէ եւ իննուկէսը յաջողցնես, կէսին անյաջողութեան համար կը բամբասուիս և կ'անարգուիս: Դպրեվանքը գրական աշխատութեանց ճիւղին կը պատկանի, որ ապահովագոյն եւ արդիւնաւորագոյն եւ պատուաւորագոյն ճիւղն է մեր աշխատութեանց, եւ, եթէ անզգամութեամբ խօսելով, փառքի տնչանք ալ ունենաս, դրականն է որ գործդ եւ անունդ կ'անմահացնէ:

Կարեվէր հարուած մըն էր զոր Չամիչեան տեղապահ ու Նուրեան ատենապետ 1896 հոկտեմբերին ինծի պատճառեցին երբ

յայտարարեցին Դպրեվանքի Հոգևոցը ըսել, սակայն բախտը այնպէս բերաւ որ երեք շաբաթ ետքը ինծի վիճակեցաւ իրենց տարօրինակ յայտարարութեան Հոգևոցն ըսել: Դպրեվանքը վերակենդանացնելու առիթը կը ստանայի պատրիարքական ընտրութեամբ, և հնար չէր որ նոր պաշտօնիս կարևորագոյն գործը չը համարէի Դպրեվանքի յարատևութեան աշխատիլ, և բարեկարգութեան զարգացման միջոցները պատրաստել:

Եղիշէ Դուրեան վարդապետի հետ Արմաշէ մեկնած ատեննիս, լքեալ հաստատութեան դպրանոցական հոգը Տէր-Եղիաեան Զաւէն վարդապետի յանձնած էինք, իսկ Տէր-Եղիաեանի Կ. Պոլիս կոչուելուն առթիւ անոր դործը Համամճեան Աղան վարդապետի անցած էր: Աբիկ Ունճեան բարերարին դատապարտութենէ եւ բանտարկութենէ ազատուելովը նիւթականին հոգածութիւնը կը դիւրիննար, Նպաստից սնտուկէն ալ օգնութիւն հրնար էր հայթայթել, զի արկածեալներուն մէկն ալ Դպրեվանքն էր եղած, բայց գործին գլուխը կարող անձ մը պէտք էր, և այս ալ միայն Եղիշէ Դուրեան վարդապետը կրնար ըլլալ, որուն հետ վեց տարի աշխատակից եղած էինք, եւ ուսումնական հաստատութիւն մը վարելու կարող միակ եկեղեցականն էր: Որչափ ալ նա կը դժուարէր անապահով կացութեան հանդէպ պատասխանատուութիւն ստանձնել, սակայն զգացումները վառ էին Դպրեվանքին հանդէպ, և իմ ստիպումները և շատերու յորդորները յաղթանակը տարին, եւ 1897 տարւոյ առաջին կէսը չլրացած, Դուրեան համոզուեցաւ և Դպրեվանքի վերատեսչութիւնը և Արմաշի փոխ-վանահայրութիւնը ստանձնեց և գործի ձեռնարկեց, կրօնական ժողովականի իրաւունքն ալ պահելով: Դուրեանի գլխաւոր ասպարէզը պիտի ըլլար Դպրեվանքի ներքինն եւ ուսումնականը, իսկ արտաքինն ու նիւթականը, այսինքն պաշտպանութիւնն ու դրամականը ինծի կը մնար հոգալ, ճարել եւ ժամանակին հասցնել: Դպրեվանքի նախնական կազմակերպութեան ատեն վանահայրութիւնը Կ. Պոլսոյ պատրիարքներուն վերապահուեցաւ, այլ պարզ անուանական էր այդ կոչումը Դպրեվանքի Պատրիարքաբեան Կ. Պոլսոյ գրութիւնը արդարացնելու համար: Ես նոյնպէս չէի կրնար ըլլալ, քանի որ կազմիչն ու վարիչը եղած էի, և նոր պաշտօնովս նախնական դիրքս աւելի ևս կ'ընդարձակուէր: Այս դրութեան համեմատ գործի ձեռնարկուե-



ցաւ, և այսպէս ալ շարունակեց պատրիարքութեանս երկոտասանամեայ ակողութեան ժամանակ:

Դպրեվանքի շուրջը գրուելիք հատուածը երկու զանազան մասեր պիտի ունենայ. մէկը արդէն հասած աշակերտներէն քաղուելիք արդիւնքը, և միւսը՝ նոր աշակերտներ հասցնելու ձեռնարկը: Կ. Պոլսոյ մէջ բաւական թուով եպիսկոպոսներ և վարդապետներ կային, մինչ գաւառներ անառաջնորդ կը մնային, զի աիրող տագնապին դժուարութիւնները և մայրաքաղաքի կեանքին ընծայած դիւրութիւնները կը յորդորէին գաւառական աշխատութիւններէ խուսափիլ, եւ պատճառաւորներ ստեղծելով ու միջնորդներ ճարելով տեղերնէն չչարժուել: Դպրեվանքը ունէր իմ հասուցած նորընծաները, մաս մը տարի առաջ եւ մաս մը օր առաջ ձեռնադրուած, սակայն տակաւին երկտասարդ ու անփորձ էին, և իրենները առջև քշող ըսուիլ չէի ուզեր: Ուստի առաջին գողափարս եղաւ անոնք իբրեւ օգնականներ յղել հինաւուրց առաջնորդներու մօտ, սակայն նոյնիսկ այս առաջնորդներն եղան որ օգնականներ ունենալ չուզեցին, հաւանաբար Դպրեվանքցիներուն առաւելագոյն հմտութենէն խիթալով: Եօթն էին 1895ին ձեռնադրուածները, չորս ալ վերջին Սաչվերացին ձեռնադրեցի, եւ և մնացողներն ալ պատրիարքութեանս սկիզբները ձեռնադրեցի, մէկը 1897 յունուար 17|31ին, ուրիշ մը սեպտեմբեր 28|10 հոկտեմբերին, և վերջինը եղաւ 1898 յունիս 12|24ին իբր քահանայ ձեռնադրուած Մկրտիչ Զլղատեան, որ շուտով այրիանալով վեղար առաւ: Ընդամէնն տասնևչորս եղան իմ ձեռնադրածները: Անցողակի աւելցնեմ, թէ բոլոր պատրիարքութեանս ժամանակ Դպրեվանքցիներէ դուրս մէկը չձեռնադրեցի, և պատահած ձեռնադրութիւնները միշտ ուրիշ եպիսկոպոսներու կը թողուի:

Գաւառական պաշտօնավարութեանց դառնալով, վարչութիւնը հարկ տեսաւ Դպրեվանքցիները քանի մը ամիսներ վարչական գործերու հմտացնելէ և վարժեցնելէ ետքը գործի հանել, և ըստ այսմ 1897 սեպտեմբեր 26|8 հոկտեմբերին Բարգէն Կիւլէսէրեան ուղեւորեցաւ Ճանիկ, սեպտեմբեր 30|12 հոկտեմբերին Սոսրով Պէհրիկեան Տրապիզոն և Մուշեղ Սերոբեան Արաբկիր, 1898 փետրուար 23|7 մարտին Զաւէն Տէր-Եղիայեան Կարին և Թաթուլ Դուրեան Զմշկածագ. ասոնց ետեւէն Սմբատ Սաատէթեան,

Շապինգարահիսար, և 1899 մարտ 10|22ին Վահրիճ Շահյամեան Վան, իբր Ասլանեան Ներսէս եպիսկոպոսի աջակից: Արդէն Իգմիրլեանի օրէն Երուսաղէմի միաբաններէն ալ Անանիա Հազարապետեան Եդեսիա և Եզեկիէլ Պետրոսեան Տիարպէքիւր յղուած էին: Եւ իմ առաջարկութեան վրայ Եղիշէ Չիլինկիրեան Բաղէշ և Դանիէլ Յակօբեան Երզնկա յղուեցան: Պաշտօնով գաւառներ գացողները պէտք էր աստիճանով ալ ճոխացնել, ուստի առաջին շրջանի վեցերուն՝ Կիւլէսէրեանի, Պէհրիկեանի, Տէր-Եղիայեանի, Սերօբեանի, Սաատէթեանի և Համամճեանի ծայրագոյն վարդապետութեան աստիճան տուի 1897 սեպտեմբեր 21|3 հոկտեմբերին յատուկ հանդիսութեամբ, եօթներորդը՝ Մաշթոց Փափաղեան՝ կանուխէն Պուլկարիա գացած էր: Իսկ երկրորդ շրջանի հինգերուն մասնաւոր իշխանութիւն տուի 1897 դեկտեմբեր 21|2 յունուար 1898ին՝ Թաթուլ Դուրեանի, Թորգոմ Պիլիճեանի և Գնէլ Գալէմքեարեանի, 1898 մարտ 1|13ին՝ Փառէն Մելքոնեանի, հոկտեմբեր 10|22ին՝ Վահրիճ Շահյամեանի և երրորդ շրջանէն Տիրայր Մարգարեանի՝ օգոստոս 15|27ին: Դպրեվանքցիներէ զոստ պաշտօնի վրայ գտնուողներուն ալ պէտք եղած տուուչութիւնները կատարած եմ: Հետզհետէ ասիթ ներկայանալուն բոլոր գաւառական պաշտօնի վրայ գտնուողները լանջախաչով և շքանշանով ալ քաջալերելու և զօրացնելու հետամուտ եղած եմ: Այս տեղեկութիւնները բաւական ըլլան Դպրեվանքոց պաշտօններու մտնելուն սկզբնաւորութիւնը բացատրելու. անոնց պաշտօնավարութեանց շարունակութեանը հետեւիլ նպատակէս դուրս կը նկատեմ և զանց կ'ընեմ: Իբրև վարդապետական աստիճաններու տուուչութեան յաւելուած յիշեմ՝ 1899 յուլիս 30|11 օգոստոսին Կեսարիոյ առաջնորդ Տրդատ Պալեանի, եպիսկոպոսական ձեռնադրութենէն ետքը, ծայրագոյն վարդապետութիւն տալս, որպէսզի իւր պաշտօնավարութեան ընթացքին վարդապետական օրհնութիւններ կատարելէ չարգիլուի: Իսկ Դպրեվանքցիներու պաշտօնավարութեան մասին մեծաւ գոհունակութեամբ պիտի յայտնեմ, թէ ուր ուրեք որ գտնուեցան՝ միշտ իբր ժրաջան, անձնուէր, ուսումնասէր, ժողովրդական, եկեղեցւոյ և ազգի պաշտպան, կարօտելոց խնամածու, և պարտքերնուն հաւատարիմ պաշտօնեաներ՝ գովելի և յարգելի և սիրելի վկայուեցան, և այդ վկայութիւնը իբրև աշխատութեանցս լիուլի վարձատրութիւն կ'ընդունիմ:

Անցնելով Դպրեվանքէ նոր աշակերտներ հասցնելու մասին, հանրածանօթ է Դուրեանի ուսումնական արժանիքը և ուսուցչական կարողութիւնը, և այդ մասին բացատրութիւններ աւելուցելը, ստուգութիւնը երկրայութեան փոխարկել կ'ըլլար: Աշակերտացուներու ընտրութիւնը ըստ առաջնոյն Կ. Պոլսոյ մէջ կը կատարուէր, և այսպէս կազմուեցաւ 1896ի աշակերտներու մը նացորդներէն և նոր ընտրուածներէն բաղկացած դասարանը, Դուրեանի առաջին շրջանը: Իմ նախածեռնութիւնս եղաւ նաեւ Դուրեանը եպիսկոպոսութեան բարձրացնել տալ, որ պահանջ մըն էր իւր նորասացիկ դիրքին ու պայման մը նոր վարդապետներ հասցնելու: Ուստի ինչպէս պատրիարքական փոխանորդ Գաբրիէլ Ճէվահիրճեանը ձեռնադրել տուի Ներսէս Ասլանեանի հետ 1898 սեպտեմբեր 20|2 հոկտեմբերին, հոկտեմբեր 25|6 նոյեմբերին ալ Եղիշէ Դուրեան ձեռնադրուեցաւ Յակոբ Աշոտի և Գէորգ Իւթիւճեանի հետ: Բայց մինչև Դուրեան ձեռնադրուած, ես ձեռնադրեցի վեց սարկաւազները 1898 օգոստոս 30|11 սեպտեմբերին: Իմ և Դուրեանի համերաշխ գործակցութիւնը անաղարտ մնաց մինչև վերջը, միայն պարագայի մը մէջ մեր տեսութիւններ համաձայն չը գտնուեցան, երբոր նա անփոփոխ մնաց Դպրեվանքը լըքանելով առաջնորդական պաշտօնի անցնելու միտքին վրայ: Ես Դպրեվանքի տպագային տկարանալը նախատեսելով՝ աշխատեցայ յորդորներով և աղաչանքներով զինքն այդ մտադրութենէն ետ կեցնել, իսկ նա Դպրեվանքի պաշտօնին մէջ իւր ասպարէզը նեղ բախտը սեղմ և ապագայն անապահով կարծելով, պնդեց ընդարձակ հրապարակ նետուիլ, և արդիւնքներէն օգտուիլ և Զմիւռնիոյ առաջնորդութիւնը ստանձնեց, և իզուր աշխատած եղայ յիշեցնելով ալ թէ Աշրդեան և ես Արմաշէ եկած էինք պատրիարքական աթոռը բազմիլ: Դուրեան իւր պաշտօնավարութեան միջոցին տասը աշակերտներ ձեռնադրեց, Մեսրոպ Նարոյեան, Սահակ Օտապաշեան, Մեհրուժան Գոնտոյեան, Երուանդ Փերտահճեան, Արաւազդ Գալէնտէրեան, Կորիւն Եսայեան, որք եմ իմ ձեռնադրած վեց սարկաւազները, որոնց միացան Ղևոնդ Դուրեան, Գարեգին Սաչատուրեան, Գրիգորիս Պալազեան և Եղիշէ Սաչերեան: Զորս ալ Զմիւռնիայէ գալով Արմաշի մէջ ձեռնադրեց, իւր ձեռաց ներքև հասնողներէն, Պարզ Դանիէլեան, Ծաւարչ Բասպարեան, Շահէ Սահակեան և Պսակ Տէր-Սորէնեան:

որով ինքն ալ տասնեւչորս ձեռնադրածներ ունեցաւ: Պէտք է խոստովանիլ որ Դուրեանի մեկնելէն ետքը Դպրեւանքի փայլը աստիճան մը նուազեցաւ, և Թորգոմ, Պիլիճեան, Աղան Համամ-ճեան ու Մեսրոպ Նարոյեան, որոնք յաջորդաբար վերատեսչութեան կոչուեցան, չէին կրնար իմ և Դուրեանի ժամանակներուն բարձրութեան յաւակնիլ: Դուրեանի մեկնելէն ետքը հասնող աշակերտներուն սարկաւազութիւնը դարձեալ ես տուի, ցորչափ պատրիարք կը գտնուէի, 1906 մարտ 19|1 ապրիլին չորսերու, և դեկտեմբեր 24|6 յունուար 1907ին հինգերու, իսկ անկէ ետքը ձեռնադրութեանց համար Նիկոմիդիոյ առաջնորդ Ստեփանոս Յովակիմեան հրաւիրուեցաւ ու կատարեց:

Ըսած եմ անգամ մը, թէ իմ նախընտրած կերպս եղած է, առաջնորդի մը դէմ հակառակութեան նշանը տեսնելուս, զայն անմիջապէս ես առնուլ և այլուր փոխադրել, որպէսզի առաջիկային ասպարէզը փակուած և գործունէութիւնը ջլատուած չըլլայ: Այդ նախադգուշութիւնը առաւելապէս գործածած եմ Դպրեւանքցիներու վրայ, որոնք իբրև նորահաս ոյժեր առջևնին երկար և ընդարձակ ընթացքի հաւանականութիւնը ունէին: Այսպէս հեռացուցած եմ, օրինակի համար՝ Մուշեղ Սերոբեանը Արաբկիրէն, Թաթուլ Դուրեանը Չմշկածագէն, Զաւէն Տէր-Նղիայեանը Կարինէն, որոնք իրենց գործունէութիւնը շարունակած են Ատանա և Պիլէճիք և Վան: Միայն երկու պարագաներու մէջ յանկարծակիի եկած եմ, երկուքն ալ Մուշի մէջ, և ներքին զըրպարտութեանց հետեւանօք: Բարգէն Կիւլէսէրեան ձերբակալուեցաւ, և հազիւ կրցայ Կ. Պոլիս փոխադրել տալով 1900 դեկտեմբեր 28|10 յունուար 1901ին պատրիարքարանի յանձնել տալ, իսկ Գնէլ Գալէմքեարեանը ազատաբար բանտարկութենէ հանել տուի և իւր տեղը թողուլ յաջողեցայ 1904 մարտ 27|9 ապրիլին, բայց վերջապէս երկուքն ալ ստիպուեցանք անձնական երաշխաւորութեան ներքեւ մայրաքաղաքին մէջ գործածել քարոզչական պաշտօններով, և նորոգեալ Կրօնական Ժողովի անդամակցութեան ալ չհամարձակեցանք կոչել, արժանաւորութիւննին յայտնի ըլլալով մէկտեղ:

Այսչափ ալ Դպրեւանքի իմ պատրիարքութեան ժամանակ վարած կեանքին վրայ, զոր բաւարար կը կարծեմ ընդհանուր պաշտօնավարութեանս մասին գաղափարը լրացնելու, միացնելով

Յիշատակագիրքիս և Ազգայնաբանիս մէջ և Խոհի ու Խօսքիս սկիզբները գրուածներուս հետ :

## ԿԹ

Իստանպուլ, 1918 յետհոռար 25/10 մարտ Կիր.

Պատրիարքութեանս ժամանակին յիշատակները լրացնելու համար թող ներուի քանի մի անհատական և զուտ անձնական դէպքեր առաջ բերել. ո՞չ ապաքէն ինքնակենսագրութիւնը այն տեսակ ակնարկներու ալ համարձակութիւն կուտայ :

Պարտաւորեալ ըլլալով անձամբ արքունեաց, նախարարութեանց և դեսպանատանց և վարժարանաց և անկելանոցաց շրջիլ, անհրաժեշտ դարձած էր ամսական վարձքով կառք պահել, որ որչափ ալ ծանօթ և գիտցուած ըլլար, վտանգներէ ազատ չը մնաց : Առաջին անգամ 1897 յուլիս 22/3 օգոստոսին Գուլգարուէ գալուս Ալիպէյ ելքէն բարձրացած ատեննիս՝ ղեկը կառքէն բաժնուեցաւ, և կառքը ամենայն ուժգնութեամբ սկսաւ դէպի վար սուրալ : Բարեբախտաբար բարապան Կարապետ Սրապեանի առած շարժումէն կառքը գնաց մայթերու զարնուիլ ու կեցու, և մօտակայ Աճառեանց տունը հանգստանալով՝ կրցայ ճանապան շարունակել : Ուրիշ փոքր վտանգներ ալ անցուցած եմ 1903 մարտ 13/26ին Գատըրկայի էջքին վրայ, և 1904 յունիս 10/23ին Ղալաթիոյ մէջ, բայց մեծագոյնը տեղի ունեցաւ 1903 մայիս 12/25ին Տուլմապաղչէի էջքին ստորոտը. ձիերը սանձարձակ վազած ատեննին բեռնաբարձ գոմէշի կառքի մը կը հանդիպին, ուսկից հեռանալու ճիգին մէջ կառքը կը շրջի և կը վնասուի, այլ ես բարեբախտաբար ի կախ կենալով անվտանգ կ'ազատիմ, և արքունական ախոռապետին մօտ հանգստանալով ետ կը դառնամ :

Հեռաւոր թողեր ալ այցելել փափաքելով 1904 յուլիս 26/8 օգոստոսին Ազատը գացած էի. Ալէմտաղ ալ երթալու պատրաստուած ատեն, Իւսկիւտարի մէջ շարժումը ընդարձակուելուն արքունեաց կողմէ արգիլուեցայ, բայց միտքս չփոխեցի, առաջ

տնեցիները օդափոխութեան ղրկեցի, և 1906 մայիս 13|26ին քրոջս հիւանդութիւնը պատճառելով, առանց կանուխէն լուր տարածելու, գացի և թաղին կացութեամբ ալ հետաքրքուեցայ:

Կայսեր հաստատած բարեգործական և հանրօգուտ հաստատութեանց այցելութիւնները զանց չըրի, իբր քաղաքավարական պարտականութիւն, և այս նպատակով այցելեցի նախ Բերայի բարձունքին վրայ բացուած մեծ անկեղանոցը, 1903 յունիս 25|8 յուլիսին Չինիլիքէօչկի հնութեանց թանգարանը, և 1905 մարտ 30|12 ապրիլին Համիտիյէ հիւանդանոցը, բերանացի կամ գրաւոր գոհունակութիւն ալ յայտարարելով:

Պապական անսխալութեան դէմ բողոքելով հռոմէական եկեղեցիէ բաժնուող, երբեմն կարմեղական արեղայ, տիեզերահռչակ ատենաբան Հայր Յակինթոս Լօաղօն (Hyacinthe Loyson), որուն հետ սերտ մտերմութեամբ կապուած էինք Եւրոպիոյ մէջ, յատկապէս այցելելու համար Կ. Պոլիս էր եկած, և 1901 յունուար 6|19ին Մոնդեան տօնին Մայր Եկեղեցւոյ մէջ իմ ձեռքէ հաղորդուեցաւ: Սոստովանութեան համար Մկրեան Յովհաննէս աւագերէցը յանձնարարեր էի, և այս առթիւ խոստովանութիւնը ու մեղայն իտալերէնի թարգմանեցի, իբրև երկուքին հաւասարապէս ծանօթ լեզու:

Յատկապէս զիս տեսնելու համար 1901 սեպտեմբեր 3|16ին Կ. Պոլիս եկաւ իտալացի մտերիմներէս զօրավարութեան աստիճանով ծովակալութեան բժշկապետ Փելիքս Սանթինի (Felice Santini), որ միշտ ալ թղթակցութիւն կը պահէր: Ինչպէս նաև իւր ընկերակիցը բժշկական ուսուցչապետ Հեկտոր Մարքիաֆավա (Ettore Marcjafava), որուն անունը յիշեցի 1875ի հիւանդութեանս և Բարիդ երթալուս առթիւ (Տէս Լ): Ետքէն երկուքն ալ ծերակոյտի անդամակցութեան բարձրացան:

Եռածայն երգեցողութեան տուած քաջալերութեանս իբր նըշանակ պիտի յիշեմ 1906 ապրիլ 13|26ին Ղալաթիոյ դպրաց դասուն, երգակցութեամբ յատուկ պատարագ մատուցանելս Ս. Լուսաւորիչ եկեղեցին, և Մայր Եկեղեցւոյ դպրաց դասուն երգեհոն նուիրելս:

Երգեցողութեանց կանոնաւորութեան որչափ հետամուտ, այնչափ ալ ծեփծեփեալ քաջկոտուքներուն հակառակ եմ եղած, և կրնամ ըսել, թէ եռածայնի պաշտպանութեան մեծ գրգիռը եղած է մեր երաժիշտ տիրացուներուն կամահաճ և քմահաճ եր-

գերը խափանել, և խաղերով ձայնագրեալ եղանակներու հպատակ պահել: Այդ նպատակով Իւղաբերից Արիներուն, պատարագի ՀնՏրեալին, Խաչի Այսօր երեւումին, և ուրիշ նմանօրինակ կրտորներուն ամփոփ եղանակներ պատրաստել տալով կիրառութեան մուծեր էի:

Մայր եկեղեցւոյ մէջ ամպիոն մը շինուած է ժամանակին իբր քարոզելու դիւրութիւն, փորձի համար 1902 մարտ 24/6 ապրիլին ուղեցի անկէ քարոզ խօսիլ, բայց տեսնելով որ եկեղեցւոյն սիւները լսելութիւնը կը խանգարեն, փորձը անյաջող դատեցի, և շարունակեցի եկեղեցւոյն բեմէն քարոզել, երբեմն ալ պատրիարքական Թոռէն ծանուցումներ ընել:

Երթեւեկի դժուարութեանց աստիճանը ցուցնելու եւ իմ միջամտութեան ընդարձակութիւնը բացատրելու համար բաւական ըլլայ յիշել, թէ նոյն իսկ Բարձրդրան օրէնսգէտ Գաբրիէլ Նորատունկեանի եւ Հանրօգուտ Շինութեանց գիտական ճիւղին պետ Գաբրիէլ Սերվիլչէնի դարմանի համար Եւրոպա երթալուն արտօնութիւնները ձեռք բերելու համար իմ յատկապէս արքունեաց դիմելու և դիմումները կրկնելու և պէտք տեսնուեցաւ, զի նախարարներուն խնդրանքին իսկ զլացմամբ պատասխանուած էր: Այսչափ բաւական ըլլայ մնացեալները հետեւցնելու:

Եթէ նմանօրինակ պարագաներ քաղել ուզուի, շատ դէպքեր եւ դէմքեր կրնայի յառաջ բերել, բայց բաւական բան Յիշատակագիրի եւ Ազգապատումի մէջ և Խոնի ու Սոսիս սկիզբը ակնարկուեցան, և ամբաստանութեանց վրայ խօսուած ատենը պիտի կրկնուին, առ այժմ կը փակեմ պատրիարքութեանս նկարագիրը, և կ'անցնիմ անոր վերջանալուն և վերջանալէն ետքը տեղի ունեցած դէպքերուն վրայ խօսիլ:

## Լ

Դաւնակոս, 1918 փետրուար 26/11 մարտ Բջ:

Եկեղեցական պաշտօններ իրենց բնութեամբ առանց պայման նաժամի եւ իբր ցկեանս տեւողական կը տրուին: Սակայն Տաճկաստանի մէջ այդ ձեւը բոլորովին խափանուած է, եւ պատճառն

ալ Եկեղեցականի եւ հոգեւորականի հետ աղգային եւ քաղաքա-  
կան գործունէութիւն ունենալնին է, որ առիթ կ'ընծայէ ձրգ-  
տուններու եւ ընդհարումներու, հակառակութիւններու ու լը-  
քումներու, եւ յառաջ կը բերէ տարածամ փոփոխութիւններ:  
Իմ պաշտօնավարութեանս տեւողութիւնը իննեւտասներորդ դա-  
րուն սկիզբէն մինչև վերջը պաշտօնի հասնող Կ. Պոլսոյ պատրի-  
արքները գերազանցեց, տասուերկու տարիէ միայն երեքուկէս  
ամիս պակաս, որ է կըր հաշուով տասուերկու տարի: Գուցէ  
աւելի ալ երկարէր, եթէ օսմանեան Ազատութեան հռչակումը  
տեղի չունենար, որ հինը դադրեցնելու և ամէն բան նորելու  
մարմաջը արծարծեց. Կ. Պոլսոյ պատրիարքն ալ բացառութիւն  
չէր կրնար կազմել, և ահա՛ իմ ալ պաշտօնէ դադրելուս իսկա-  
կան շարժառիթը:

Ազատական առաջին շարժումը տեղի ունեցաւ Եւրոպակող-  
ման Մանասթր քաղաքը, 1908 յուլիս 10|23ին. նոյն երեկոյ ես  
լուրը առի հեռագրական գործակալութեանց ձեռքով. միւս առ-  
տու յուլիս 11|24ին երկտող մը երեւեցաւ լրագիրներու մէջ, թէ  
օսմանեան երեսփոխանութեան վերաբայումը հրամայուած է սահ-  
մանադրութեան համաձայն: Ես օրը օրին ձեռնարկեցի Ազգային  
Սահմանադրութեան պահանջներն ալ պատրաստել, այսինքն է՝  
Ընդհանուր Ժողովոյ վերակազմութիւնը, Եկեղեցական Համագու-  
մարի հաւաքումը, վարչական գործերու որոշումը, և յուլիս  
17ին տօնական յիշատակութեան մը պաշտօնական պայմաննե-  
րով: Հրաժարելու հարկը զգացած էի, բայց անպատշաճ կը դա-  
տէի առանց օրինական դիրքը վերանորոգելու՝ պաշտօնը ու պա-  
տասխանատուութիւնը լքանել, զոր պէտք էր վերանորոգեալ իշ-  
խանութեան փոխանցել: Սակայն յուլիս 16|29ին հրաժարելու  
պարտաւորուեցայ հակառակորդ գործունէութեան պատճառով:  
Այդ գործունէութեան մէջ երեք տարբեր տարրներ յայտնի կը տես-  
նուէին. կուսակցականութիւնը, ղեւոնդականութիւնը և անձնա-  
կանութիւնը, որոնք՝ առանց պայմանաւորեալ համերաշխութեան՝  
միեւնոյն նպատակի կը դիմէին. Օրմանեանը պատրիարքութենէ  
հեռացնել, զի իրենց նպատաւոր չէր եղած, և ստուգիւ ալ չէր  
եղած, վասնզի հակառակին օգտակարութեան չէր համոզուած:

Կուսակցականութեան բուն պետերը, որոնք արտասահման  
կը գործէին, տակաւին Կ. Պոլիս դառնալ չէին կրցած երեք չորս



օրերու մէջ, հետեւաբար երկրորդականներ էին մայրաքաղաքին մէջ շարժումի ձեռնարկողները, բայց իրենց գործը ըստ ամենայնի համաձայն էր պետերու ուղղութեան, որոնք վրայ հասնելով զայն իւրացուցին և ընդարձակեցին: Ղեկնդականութեան պետերը Մազսուտեան և Երէցեան ներկայ էին, և թէպէտ ակներև հրապարակի վրայ երեւնալէ կը զգուշանային, սակայն իրենց փաստաբաններն ու պաշտպաններն ու թեւարկուներն էին որոնք շարժումին կ'առաջնորդէին և շարժումին իսկութիւնը կը մատնանշէին, զի ես պատասխանատու կը նկատուէի Մազսուտեանի Կ. Պոլիս բերուելուն, անոր հաշիւներուն պրպտուելուն, և անոնց թերի ու ապօրինի կողմերուն մէջտեղ հանուելուն, հետեւաբար վրէժխնդիր զգացումը սոսիթէն օգտուելու պատեհը կ'ընծայէր իրենց: Իսկ անձնականութեան տարրը մեծ ու պզտիկ ներկայացուցիչներ շատ ունէր, զի ես երբեք ընդհանուրին զոհողութեամբ մասնաւորներ գոհացնելու չէի հետեւած, բայց յուլիս 16/29ին ցոյցին զլուս գտնուողներ՝ Աւետիս Սուրէնեան, Խընդիր Սիմոնեան և Արիստակէս Գասպարեան՝ չուղելով իսկ ինքզինքնին կը մատնէին. կարողութեամբ չափաւոր բայց յաւակնութեամբ մեծամիտ փաստաբաններ՝ ո՛չ իմ և ո՛չ Վարչութեան վրայ նպաստաւոր գաղափարներ չէին ազդած, պաշտօններու մարմանին յագուրդ չէր գտած, անձնական շահու ծրագիրնին ընթացք չէր ունեցած. իրենց վայրոյթին ենթարկուելիս բնական հետեւանք էր:

Իմ վրաս խօսելով պաշտօնէ քաշուելու բնաւ դժուարութիւն չունէի: Վարչական պաշտօնները իբր պարտադիր բայց ապաշնորհ հարկ նկատած եմ, և ինձ սիրելին ու հաճելին միշտ ուսումնական ու զրականն եղած է, սակայն հարկին հպատակիլն ու անխարդախ գործադրելն ալ իբր խիղճի նուիրական պարտաւորութիւն ընդունած եմ: Ահա՛ պատրիարքական պաշտօնը յամառօրէն պահելուս ներքին պատճառը: Նոյն էր այս անգամ ալ. չփոթ ժամանակի և անկերպարան պարագայից մէջ պատրիարքարանը անտէրունչ թողուլ և պատրիարքական իշխանութիւնը անգոյութեան մատնել, կրնար պատասխանատուութիւն հրաւիրել և անախորժ հետեւանքներու տանիլ, անոր համար ո՛չ հրաժարականը կանխեցի, ո՛չ կանխելու յորդորներուն անսացի, եւ ո՛չ առանց օրինաւոր կամ ապօրինի հրաւերի մը գործել ուզեցի:

Յուզիս 16|29 առաւօտուն իմ հրաւիրած ժողովին իջայ, ուզեցի ցոյցը տեսնալ, ուզեցի Վարչութեան միտքը իմանալ, ուզեցի ինծի կռուան մը ունենալ: Յոյցը 40-50 հոգւոյ գործ մըն էր, Ղալաթիոյ սպասուորներն ու հետաքրքիրներն ալ միասին համընդունուի: Վարչութեան ժողովականները իմ հրաժարիլս առաջարկեցին և յորդորեցին, իբրև հանդարտութեան միջոց և իբրև իրենց ապահովութեան պայման: Այն ատեն միայն հրաժարականս գրեցի, յատկապէս յիշելով Ազգ. Սահմանադրութիւնը տասուերկու տարի ամբողջութեամբ պահելս, և կատարեալ վիճակի մէջ ազգին յանձնելս: Այս պարագաներն են որ իմ և ուրիշներուն միջև բացատրութեանց տարբերութիւն մը յառաջ բերած են: Անոնք սովորած են զիս տապալած, մերժուած, գահընկէց և պաշտօնանկ ըսել, իսկ ես հրաժարած ըսած եմ և թերևս երկուքնիս ալ իրաւունք ունինք: Անոնք երեւոյթին կը կառչին, ես ներքինին կը նայիմ. հրաժարելու պատրաստական ըլլալով մէկտեղ, ցոյցն ու Վարչութեան միտքը ինծի հիմ ընել ուզած եմ, հրաժարականին ճանպարհ իմ կամքով բացած եմ, ցոյցը գիտակցաբար հրաւիրած եմ, քանի որ նախաձեռնութեամբս վրաս պատասխանատուութիւն հրաւիրելէ զգուշացած եմ: Այսօրուան օրս ամէն բերան իմ քաշուիլս մնասակար եղած կը ճանչնան և որով իրաւունք պիտի ունենային զիս մնասին պարտական ընել, եթէ ես ցոյցէն ժամ մը առաջ ինքնայորդոր հրաժարագիր ստորագրած ըլլայի: Ուրախ եմ որ իմ ընթացքին մէջ ես արդարացած կը մնամ:

Պատրիարքութենէ հրաժարողներուն կամ հրաժարեցուցուողներուն ես առաջինը չեմ, և վերջինն ալ չեղայ: Իննեւտասներորդ դարու առաջին տարիէն սկսելով մինչև այսօր միայն Ներէս Վարժապետեանն է որ աթոռի վրայ վախճանեցաւ, եթէ չյիշեմ Իգնատիոս Գաղմաձեանը որ աթոռ չնստած վախճանեցաւ: Ամէն հրաժարողներուն գործը հրաժարած օրերնին փակուեցաւ, պաշտօնէ դադարումնին ուզուեցաւ և դադարեցան, և այլևս անցեալով զբաղող չեղաւ. ինծի միայն պահուած էր հրաժարականի օրէն ամբողջ չորսուկէս տարի անցեալին ներքև մնալ, կախակայեալ կացութիւն մը վարել, ամբաստանուիլ, հարցաքննուիլ և դատուիլ, որ ոչ մէկ հրաժարեալ կամ դադարեալ պատրիարքի դէմ գործածուած էր: Շիոթ ժամանակին հետեւանքն էր այս,

Թէ պժգալի կիրքերու ժայթքումն էր. եղելութեանց պատմութիւնը պիտի բացատրէ :

## ՀԱ

Դասնակոս, 1918 փետրուար 26/11 մարտ ԲՂ.

Աթոռէ իջնելս և պատրիարքութենէ դադարիլս բաւական չեղաւ երեք հազարաւոր տարրներն ալ գոհացնել. նախատելու և անարգելու և մինչև իսկ տանջելու ձգտող կիրքեր ասպարէզ եկան: Յունիս 16/29ին Ղալաթիոյ ժողովարանէն տուն եկած էի, հետեւարար պէտք եղած կարգադրութեամբ պատրիարքարանէ մեկնած չէի, միայն թէ ինչինչ կարեւոր բաներ ձեռքի պայուսակիս մէջ էին, և ինչինչ ալ նախատեսութեամբ նախընթաց օրերու մէջ տուն բերած էի, և սկսայ հնարաւորութեան ներածին չափ գործառնութեանցս ամփոփումն ընել: Առաջին ձայները որ անձնականիս դէմ սկսան լսուիլ՝ Նպաստից դրամը աղիկամի գործածած, և լաւ մաս մը, մինչև 30-40,000 ոսկի, իւրացուցած ըլլալս էր. ուստի ես ալ պարտաւոր էի անկէ սկսիլ և Նպաստից հաշիւներն ու տեղեկագիրը պատրաստել, որպէսզի հրատարակեմ և զրոյցները վերջացնեմ: Դրամական զեղծարարութեան խնդիրը դիւրաւ մատնացոյց կ'ընէր երեք տարրներէն ղեւոնդականութեան վարած գլխաւոր դերը, մանաւանդ որ անձնականութեան տարրին գլխաւորներն ալ Մագսուտեանի փաստաբաններն էին: Զրոյցը ծրագիրի, ծրագիրը գործի, և գործը գործադրութեան շուտով յառաջեցին, սպառնական լուրեր բերողներն ալ պակաս չեղան, և յունիս 25/7 օգոստոսին տխուր իրականութիւնը յայտնուեցաւ: Մատթէոս Իզմիրլեան նախորդ պատրիարքի ստորագրութեամբ գրուած մըն ալ տպագրութեամբ ցրուեցաւ, թէ արդեօք Օրմանեանի փախչելէն ետքը իրմէ հաշիւ պիտի պահանջուի, ուսկից ծագում առաւ զիս հսկողութեան ներքեւ առնելու և փախուստ արգիլելու գաղափարը: Իզմիրլեան գրուածին հեղինակութիւնը մերժեց, բայց քննութիւն բանալէ և մերժումը ասպացուցանելէ

զգուշացաւ, կ'երեւի որ եթէ գրուածը յերկրուած էր, համա-  
 մտութեան վրայ վստահութիւնը ստացուած էր: Վերոյիշեալ օրը  
 յանկարծ Ըթըր փողոցի թիւ 1 բնակարանիս շուրջը խաժամուծի  
 ամբոխ մը լեցուեցաւ, օտարազգի հեռաքրքիրներ և ձայնակից-  
 ներ ալ խառնուեցան, հայհուռներ բարձրացան, աղաղակներ շատ-  
 ցան, պատուհաններու երկաթներէն մագլցողներ ալ եղան: Նը-  
 պատակն էր զիս բռնի պատրիարքարան տանիլ ու փակել, զի ես  
 առանց պատրիարքարանի գրաւոր հրամանին տեղէս չմեկնիլս կը  
 պնդէի: Ժամերով տեւեց այս խայտառակութիւնը, մինչև որ ոս-  
 տիկանութիւնը միջամտեց, և ինքն ուղեց տիրանալ իմ անձին,  
 և ոստիկանական նախարարութեան մէջ ապահովել: Պաշտօնա-  
 կան հրամանին պարտաւորուեցայ համակերպիլ. կառք բերուե-  
 ցաւ, ոստիկաններուն հետ նստեցանք, և հաւաքուած խաժա-  
 մուծով շրջապատուած անցանք Բերայի և Ղալաթիոյ մեծ փո-  
 ղոցները և կամուրջը, և Պապը Ալիի պողոտայէն վեր պարտապորդ-  
 ներ տակցան, աղաղակներ չլռեցին, երեք չորս տեղ անիւները  
 մնասելու և կառքը ու մէջինները վտանգելու փորձեր ալ եղան:  
 Կառքին մէջ սղմրտկուած խայտառակ կատակերգութեան վերջը  
 կը դիտէի, աստուածային աջոյն պահպանութեան կը յանձնուէի  
 և կը հաւաստեմ թէ ներքին այլայլութիւն չէի զգար: Բարձրդու-  
 ոէն անդին խաչփողանին վրայ մրցակից պայքար մը սկսաւ ոստի-  
 կաններու և զիս պատրիարքարան տանիլ ուղղուելուն միջև, զի ա-  
 ռաջինները ոստիկանութեան ապարանքը տանիլ կը պնդէին, բայց  
 յաղթանակը ետքիններուն մնաց, և ուղիղ հասանք պատրիար-  
 քարան, ուսկից հեռացած էին Դուրեան տեղապահ և պաշտօնեայք.  
 միայն ոստիկանները յաջողեցան խուժանը ներս չընդունիլ, եւ  
 զիս ժողովական սենեակը ապահովել: Իրողութիւնը Իթթիհատի  
 Կեդրոնէն կը լսուի և կը տեսնուի, և հայ ամբոխին իւրովի դա-  
 տի ու վճիռի ու գործադրութեան յաւակնիլը ապօրէն կը նկա-  
 տուի, ուստի կ'որոշուի միջամտել և զիս տուն դարձնել: Թուրք  
 լրաբեր մը կը կանխէ տեղեկութիւն բերել, մինչ Չիլինկիրեան  
 վարդապետ և Ինճէեան Միհրան փաստաբան (այժմ Մատթէոս  
 եպիսկոպոս) կ'ուզեն զիս մնալու համոզել, իսկ ես կը նախադա-  
 սեմ իշխանութեան յանձնուիլ: Շուտով կը հասնին Իսմայիլ Հազ-  
 գը պէյ հազարապետ, Թալէաթ պէյ (այսօր Մեծեպարքոս) եւ  
 Նէճիպ պէյ, ամբոխին կը յայտարարեն՝ թէ հայ եղբայրներ ազա-

տուժեան իմաստը լաւ չեն հասկցած, թէ գործերնին ապօրինի է, թէ պէտք է չեղածի վերածուի: Ինծի ալ ամէն վստահութիւն կը ներշնչեն, կառք բերել կուտան, հեծեալ ոտիկաններու ջոկատ մը կը հրամայեն, և միասին կառք նստելով զլիս մինչեւ Բերայի տունս անվտանգ ու ապահով կը հասցնեն: Բերայի ոտիկանութեան հակիչներ՝ Րիզա Թէվֆիգ և Սէլիմ Սըրրի պէյեր պէտք եղած միջոցները ձեռք կ'առնեն, նոր հաւաքուած ամբոխը կը ցրուեն, զգուշութեան պահակներ կը դնեն, և Իթթիհատի գլխաւորներէն ուրիշներ ալ լուր առնելու կը փութան: Այցելուներ ալ կ'ունենամ. բարեբախտաբար տնեցիք վիւղագնացութեան գտնուելով սիրտհատնում չեն ունենար, և արկածին լուրը յաջող վերջաւորութեան հետ միասին կ'առնեն: Ահա՛ այդ եղելութեան գլխաւոր վիճերը, զոր այլուր աւելի մանրամասնութեամբ պատմած եմ և որ ուրիշ արդիւնք չունեցաւ, բայց եթէ օտարազգիներուն աչքին հայութեան անունը կոտրել, և ազգային օգտին և պատիւին իսկ անգիտակ ըլլալնին հաստատել: Սակայն ցոյցին ներքին հեղինակներուն կարճամիտ ձգտումներէն տարբեր բան մը չէր սպասուեր:

Երբոր արտաքին կերպով վնասելու դիտումը չիրականացաւ, մեծ զարկ տրուեցաւ անտեղի գրութիւններու և աղտեղի պատկերներու, որոց տարածման համար ստորին միջոցներու իսկ դիմում եղաւ: Նոյն իսկ ջերմ համակիր ճանչցուած հրապարակագիրներ և գործադիրներ տիրող հոսանքէն տարուեցան, և բարեմտութեամբ կամ շահադիտութեամբ սկսան ձայնակցիլ և գործակցիլ: Իւրաքանչիւր ոք իր միտքով պարագայ մը խճբծելով նոր մեղադրանք մը կազմել կը ջանար կամ նոր բան մըն ալ լինքն ըսած ըլլալ կ'ուզէր: Օրմանեանի դերը թատերական բեմի վրայ հանելու ալ հասան, և ծանօթ բարեկամ մը խեղկատակ դերակատարութիւնը ստանձնեց: Միւս կողմէն աւելի գործունէութիւն ցուցնելու հետամուտներ պաշտօնական ամբաստանութիւններ ալ սկսան բանաձեւել, և անոնց ոյժ տալու համար երեսփոխանութեան առջեւ հանել, և օրինական գործողութեան տարագ զգեցնել: Նպատակն էր Օրմանեանը գործունեայ ասպարէզէն միանգամընդմիշտ հեռացնել. բարձր դիրք ունեցողներ ալ այս բանին կամակից էին, զի այս կերպով իրենց ճանպան աւելի բաց կը նկատէին:

Այս ամէն ժխորին և ասուլիսներուն մէջ հանդարտ մնացող և անտարբեր դիտողը կարծես ես միայն էի, գրուածները կը կարգայի, տպուածները կը տեսնէի, խօսուածները կը լսէի, բայց ո՛չ պատասխանել կը մտաբերէի եւ ո՛չ հերքել կ'աշխատէի: Համոզուած էի թէ սուան ու անհիմնը օր մը չէ օր մը իր իսկութեամբ կը յայտնուի, և թէ իմ կողմէ որևէ գիր կամ խօսք կըրնար խճճողներուն նիւթ մատակարարել: Արդէն անոնք ալ այնպիսի ոճ մը կը գործածէին որ զիս պատասխանելու ստիպէն, և խմբագիրներ ալ ինքնամատոյց կ'ըլլային ինչ ալ գրեմ նոյնութեամբ և արագութեամբ հրատարակելու: Զիս գրգռելու միտքով մինչև իսկ լռութիւնը հաւանութիւն կը ցուցնէ, կամ հերքելու անկարողութիւնը կը յայտնէ կ'ըսէին, բայց ես իմ նախընտրած ճանապէս չէի շեղեր, և լռու կը մնայի ամէն յարձակմանց դէմ, անբացատրելի անտարբերութեամբ. զի ամենուն յայտնի էր որ ո՛չ խօսքի դանդաղ էի և ո՛չ գիրի ծուլացող: Այլ ինչ որ օրինական էր գայն անթերի կատարել փութացի. պաշտօնական գիր ու թուղթ ու կնիք Դուրեանի փոխանցեցի, որ տեղապահ ընտրուած էր յուլիս 16|29ին ժողովին մէջ իմ մասնակցութեամբ: Նպաստից հաշիւներն ու տեղեկագիրները ձեռագիր և ստորագրեալ յղեցի, Նպաստից դրամէն երեք հազար ոսկիէն աւելի պատրաստը անոր անունին դարձուցի, պատրիարքարանի մէջ պահուած իրաց տեղերը ցուցուցի, գրասեղանին ու դրամարկղին և յատուկ դարաններու բանալիները յանձնեցի. փոխանցումները իմ կողմէս լրացնելու համար Տիգրան Բարաղամեան և Խաչիկ Խորասանճեան վստահելի անձերը փոխանորդ նշանակեցի, եւ 1908 օգոստոս 28|10 սեպտեմբերին հրաժարագիրէս քառասուն օր ետքը ամէն բան աւարտած էր, և օրինաւորապէս լրացած ըլլալուն պաշտօնագիրն ալ պահանջեցի և ստացայ: Ելեմտական զեղծարարութեան և դրամաշորթ նենգութեան վրոյցը, որ այնչափ շըշուկ և շոինչ յուզած էր, ինքնին լռեց և թաղուեցաւ, և այլ եւս անպաշտօն կամ պաշտօնական կերպով հրապարակի վրայ չը լսուեցաւ:

Բարեմիտ ծանօթներէն քանիններուն հոգ էր եղած թէ ինչո՛ւ յուլիս 11|24էն ետքը, և յատկապէս 13|26 կիրակի օրը իսկոյն հրապարակ չեմ նետուած և պոռոտախօս ու մեծադղորդ քարոզներով ժողովրդականութիւն շահիլ չեմ ուզած, որով հնար կ'ըլ-

լար, կ'ըսեն, պաշտօնի վրայ մնացած ըլլալ և ազգային օգտին ծառայել: Ոչ թէ անձիս պաշտպանութեան, այլ եղելութեանց բացատրութեան համար այս մասին ալ քանի մը տողեր աւելցընեմ: Մինչև կիրակի տակաւին պաշտօնական կատարելու յայտարարութիւններ չէին եղած, և ամենայն ինչ ժողովրդական շարժումէ անդին չէր անցներ: Մինչև կիրակի ո՛չ Բարձրդուռն ու կառավարութիւնը և ո՛չ Յունաց և ուրիշ պատրիարքարաններ պաշտօնական ցոյց մը չկարգադրեցին, ինչպէս որ շաբաթ օրէ ամէն տեղէ լուրեր առած և ստուգած էի: Եթէ կիրակին ես հրապարակ լիջնայի՝ անձնական նախաձեռնութեամբ և ոչ վարչական կերպարանով բան մը ըրած պիտի ըլլայի, մինչ ժողովներ յատկապէս հրաւիրած և հինգշաբթի 17|30ին տօնական հանդէսը կատարել կարգադրած էի, որ աւելի օրինաւոր և պատուաւոր եղած պիտի ըլլար: Ժողովրդականութիւն շահելու ունայնամիտ ճիգեր ինձի ընտանի չեն եղած, որ այս տնգամ ալ նոյն ոճին հետեւէի: Մանաւանդ թէ գիտէի որ ինձի դէմ հակառակութիւնը վարող տարրները կանխամտածութեամբ տողորեալ էին, եւ եթէ ես յանկարծ այս տեսակ քայլ մը առնէի, ամենայն հաւանականութեամբ ստապատիր ցոյցերով ժողովուրդը խաբելու եւ պաշտօնի վրայ մնալու հետապնդող պիտի կածուէի և պիտի ըսուէի, որ փոխանակ զիս զօրացնելու՝ աւելի տկարացնելու պիտի ծառայէր: Բարեմիտներ, որ իմ պատրիարք մնալս կը փափաքէին, հարկաւ կարողութեանս վրայ նպաստաւոր գաղափար ունէին, և ուրեմն պէտք էր որ իմ ընթացքս յարգէին, և ո՛չ թէ ինձի խելք սորվեցնելու փութային: Բոլոր կեսնքս կը վկայէր թէ ես ժամանակին պարագաները յօգուտ զործածելու սկզբունքով տողորուած մէկն եմ, և թէ սահմանադրական օրէնքին տիրապետութիւնը ճանչցող, Սահմանադրութեան ներքեւ ապրած, սահմանադրական կերպերը գիտցող, սահմանադրական պայմաններէն օգուտ քաղող միակ եկեղեցականն եմ, որ կրնայի Սամանեան Սահմանադրութեան ներքեւ հայութեան օգտին աշխատիլ, և ուրիշներէն շատ աւելի յաջողիլ: Գուցէ իսկ Սամանեան Սահմանադրութեան անունով պանծացող, անոր հաստատութեան աշխատող, բայց սահմանադրական կացութեան անփորձ վարիչներուն ալ օգնական և աջակից կ'ըլլայի, և հայութեան հանդէպ անոնց համակրութիւնը աւելցնելու և անփորձ պահելու կը յան-

ջողէի : Եթէ իմ նկատմամբ այդ մտայնութիւնը ունեցողներ չը գտնուեցան, ես զայն մուրալու պէտք չունէի : Ազգային ծառայութեան ես պաշտօնեայն եմ, ծառայութեան կոչողներ ուրիշներ են, ես ինծի համար պաշտօն փնտռելու ո՛չ պարտք ունէի, եւ ո՛չ ալ փնտռած ատենս աղնիւ զգացում ցուցուցած կ'ըլլայի : Բայց նոր չէ որ ոչ միշտ իսկական կարողութեան և ոչ վկայեալ փորձառութեան տէրերը կը փնտռուին, այլ ստէպ ցուցադրութիւնն ու ցուցամուտութիւնը, անխորհուրդ ձեռնարկն ու վրտանգաւոր քայլը կը նախադասուին, յառաջ անցնողներ ձեռուրնին լուսլով դուրս կ'ելլեն, իսկ փաստը հանրութիւնը, և մեր առիթին մէջ՝ հայութիւնը կը կրէր :

## ԼԲ

Դաւնասկոս, 1918 փետրուար 27/12 մարտ ԳՂ.

Մասթէոս Իզմիրլեան նախորդ պատրիարք 1896է 1908 իբր աքսորական մնացած էր Երուսաղէմի Ս. Յակոբեանց մայրավանքը Յորենաթաղի Կիրակոսեան ընդարձակ յարկաբաժինը. Վեհապետեան պատրիարքի և բովանդակ միաբանութեան կողմէ մտադրութեան առարկայ եղած, թէպէտ ոչ ամենուն հաւասարապէս համակրելի, ղեւոնդական խնդիրէն ծագած բաժանմանց պատճառով : Ես աշխատած էի զինքն Կ. Պոլիս դարձնել տալ և շատ ալ հետապնդած՝ այդ խնդիրը չկրկնելու համար Համիտէ ազդարարութիւն ընդունելու չափ : Բայց յաջողած էի զինքն ներքսազոյն կողմեր աքսորելու որոշումը խափանել տալ, և ինքն ալ անձանօթ չէր այդ եղելութեանց : Սակայն առաջին օրէն իր արևը հաշտ չէր եղած ինծի հետ. Ներսէս պատրիարքն ալ մեղադրած էր առաջին օրը ինծի ծայրագունութիւն տուած ըլլալուն համար, և քանիցս երեսս զարկած էր ի ծնէ հայադուան չըլլալս : Ինչևիցէ սահմանադրական ազատութեան հռչակուելէն և ընդհանուր ներումէն օգտուելով Կ. Պոլիս դարձած էր և արքայավայել հանդէսով ընդունուած, երբ ես արդէն հրաժարած և տունը փա-



կուած էի, և կը սպասէի որ իւր նախկին վերաբերումն ալ փոխուած ըլլայ. սակայն Իզմիրլեանի կիրքը խոշոր մնացած էր, ինչպէս խոժոռ մնացած էր իւր դէմքը, իմ բարի գալստեան և բարեմաղթութեանց գիրս ալ անպատասխանի թողլու եւ լռութեան մէջ թաղելու չափ: Պատրիարքական աթոռ վերադառնալը ես ալ իրաւացի կը դատէի, իբր արքայական հրամանով տուած բռնի հրաժարականին փոխարինութիւն, և այդ զգացմամբ ալ շնորհաւորութիւն գրեցի՝ միշտ անպատասխանի մնալու պայմանով: Հոկտեմբեր 22|4 նոյեմբերին պատրիարք ընտրուեցաւ, 31|13ին ուխը ըրաւ և պաշտօնի ձեռնարկեց, նոյեմբեր 1|14ին ալ կաթողիկոսական առաջին ընտրեալ հոչակուեցաւ, այնպէս որ այլեւս իրեն յառաջացման արգելք ըլլալուս վախ մը չունէր: Եթէ կանուխէն Ընդհանուր Ժողովին մատուցանել տրուած ամբաստանագիրը արդիւնք մը պիտի ունենար, արդէն ունեցած էր, և Ռուսահայերէ իմ ընտրելութեան մասին ցուցուած փափաքը ամբաստանութեան փաստով ետեւ թողուած էր: Այդ փափաքը գուցէ արդիւնք ունեցած ըլլար, եթէ իրաց վիճակը փոխուած չըլլար, բայց այլեւս նշանակութիւն չունէր, սակայն Իզմիրլեանի իմ նրկատմամբ հայեցուածը միշտ նոյն կը մնար, պատրիարքութիւնը ձեռքը և կաթողիկոսութիւնը առջեւը ըլլալով մէկտեղ:

Ընդհանուր Ժողովոյ առաջին անգամ իւր նախագահած 1908 նոյեմբեր 7|20ի նիստը իբր ազգային կենսական և կարեւորագոյն գործ նկատեց իմ մասին տրուած ամբաստանագիրը, և նախագահին հովանաւորութեամբ առաջին խնդիր ըրաւ այդ գրուածը: Նիստը կառավարող ատենապետ բժիշկ Վահրամ Թորգոմեան, դիտել տուաւ իրեն՝ թէ Սահմանադրութեան նկատի առած պատրիարքի դէմ ամբաստանութիւնը պաշտօնի վրայ եղող պատրիարքը հեռացնելու համար կազմուած է, և ո՛չ հրաժարեալ պատրիարքը դատելու. սակայն Իզմիրլեանի պէտք էր որեւէ կերպով զիս նախատել, և իւր ազդեցութեամբ գիրին նկատառումը եւ Քննիչ Յանձնաժողովի կազմութիւնը որոշուեցան, թէպէտ Յանձնաժողովի ամբողջացումը հազիւ դեկտեմբեր 19|1 յունուար 1909ին լրացաւ: Այլեւս ես պաշտօնապէս ամբաստանուել մըն էի, ձայնէ գուրկ, պաշտօնի անընտրելի, և՛ Իզմիրլեանի եզրակացութեամբ՝ եկեղեցական պաշտամանց մասնակցելէ արգիլուած, ինչոր տարիներ տեւեց, և չվերջացաւ՝ բայց եթէ իւր գերեզման մտնելէն ետքը:

Յանձնաժողովն այլ այդ մտայնութեանց առջև գործելը և ըշտապելը իրեն պարտք չսեպեց, և կարծես թէ այն ամբաստանագիրը, որուն հիմամբ ինք ընտրուած էր, անբաւական սեպելով, նոր ամբաստանագիրներ հայթայթելու ատեն սուլաւ, որոնք իւր ընտրութեան ատեն նախատեսուած չէին: Ես որ Գումգաբուի խայտառակ ցոյցէն բնաւ այլայլած չէի, և որուն տառապանքէն հիւանդացած այլ չէի, կարեւոր ցնցուեցայ նոյեմբեր 7|20ի որոշումէն, գործին պաշտօնականութիւնը և իշխանութեան կանխամտածուած թշնամութիւնը չարաչար ազդեցին վրաս. երկրորդ օրն իսկ ծանրապէս հիւանդացած էի, 10|23ին ուղեղիս մէջ արեան համախռնութիւնը (Congestion Cerebrale) յայտնուած էր. իսկ հիւանդութեան տակաւ զայրանալը և վտանգաւոր դառնալը նոյեմբեր 25|8 դեկտեմբերին եօթը բժշկապետներու խորհրդակցութեան հարկը պատճառեց. Տէրամբ վտանգին առջեւը առնուեցաւ, բայց ձմեռնային եղանակը կազդուրումը դանդաղեցուց:

Իսկ Քենիչ Յանձնաժողովը 4-5 ամիսներ գրաւ ամբաստանագիրները հաղորդելով դրաւոր բացատրութիւն պահանջելու, զոր ես քանի մը օրով լրացուցի ու յղեցի. իսկ Յանձնաժողովը դարձեալ ձգձգեալ յապաղումը շարունակեց, կ'երեւի թէ իրեն տրուած հրահանգը գործ վերջացնել չէր, այլ զիս ընկճեալ և նըկուն վիճակի մէջ պահելու առիթ պատրաստել:

Այս միջոցներուն ես 3-4 անգամ բերանացի տեսակցութեան մը շնորհը խնդրեցի Իզմիրլեանէ, այլ միշտ պատիպաս դարձուածներով կամ լռին մերժմամբ շնորհին չարժանացայ, գուցէ կը վախնար որ ներքինը արտայայտելու հարկին ներքեւ դտնուէր: Այսպէս անցան օրերը մինչև որ իւր կաթողիկոսութիւն Ռուսաց կայսրէն հաստատուեցաւ, և 1909 մայիս 23|5 յունիսին Կ. Պոլիսէ մեկնիլը որոշուեցաւ: Այն ատեն միայն մտաբերեց որ Ռուսահայոց աչքին կրնար տգեղ երեւնալ զիս բնաւ տեսնել չուզելը, և մայիս 18|31ին տեսակցութեան հրաւէր ստացայ և հրաւէրը չը մերժեցի և իրեն ներկայացայ Բերա Թոգաթլեան պանդոկը, ուր իջեւանած էր ուղեւորութեան պատրաստուելու համար: Մեր խօսակցութեանց նիւթերը հատուածիս համար շատ կարեւորութիւն չունին, միայն նշանակալից էր եկեղեցական պաշտամանց արգելքին համար տուած բացատրութիւնը, թէ անախորժ ցոյցի մը առիթ տալ չէր ուզած, մինչ միւս օր ժամանակ լրագիրի տը-

նօրէնին ըսած, և տնօրէնն ալ իւր լրագիրին մէջ հրատարակած էր, թէ ամբաստանեալ ըլլալու համար ներել չկրնալը յայտնած ըլլայ: Տեսակցութիւնը ընդարձակօրէն հրատարակած են Յիշատակագիրքի մէջ: Իզմիրլեան չմեկնած մայիս 22|4 յունիսին աւմէն միջոց գործածեց Դուրեանի պատրիարքութիւնը յաջողցնելու, իրեն հրահանգներուն հաւատարիմ կամակատար մը թողած ըլլալու համոզմամբ, և միւս օր 23|5ին հանդարտ սիրտով ուղեւորեցաւ Օտեսա և անտի Բեթրպուրկ, չօժուած ու գործի շսկած զգուշաւորութեան խրատներ լսելու համար ոռւսական կառավարութենէն, որուն յայտնի էին Իզմիրլեանի հակառուսական զգացումները, ամէն առիթներով՝ մանաւանդ պոլոժէնիական խընդիրներով արտայայտուած: Իզմիրլեան հեռացած էր, բայց իւր հաստատած դրութիւնը իրմէ ետքն ալ տեւեց: Քննիչ Յանձնաժողովը, որ 1908 դեկտեմբեր 19|1 յունուար 1909ին կազմուած էր, տարի մը ետքը՝ 1909 դեկտեմբեր 12|25ին զիս բերանացի բացատրութեանց կը հրաւիրէր, և իբր տարի մի եւս ետքը՝ 1910 հոկտեմբեր 22|3 նոյեմբերին իւր տեղեկագիրը կը ներկայացնէր: Թուականները պերճախօս մեկնաբաներ են տիրող նպատակին թաքուն կողմերը արտայայտելու: Վաւերագիրներ և յիշատակագիրներ չունիմ այս պահուս իմ ձեռքիս տակ որ ամբաստանութեանց քաղուած մը կարենամ ներկայել. գրութիւններ և հարցաքննութիւններ հրատարակուած են Յիշատակագիրքի մէջ և հետաքրքիրներ կրնան այնտեղ տեսնել: Ընդհանուր կերպով աննշանակ և անկարեւոր կէտեր են, որոնք որչափ ներկայացնողներուն, նոյնչափ ալ հարցաքննիչներուն և իշխանութեան վրայ եղողներուն և ժողովականներուն անուղղակի միտքերով գործելը կ'ապացուցանեն, այսինքն է՝ ասեն անցունել և զիս նկուն պահել. կը կարծէին թերեւս որ եթէ հրապարակի վրայ ըլլայի՝ իրենց տնօրէնարար պիտի ազդէի: Ամբաստանութեան նիւթ էին Սահմանադրութիւնը լիապէս գործադրած չըլլալս՝ երբ բարձր ու բուն հրաման մը զայն արգիլած էր. մասնաւոր կարգադրութիւններ իւրովի կատարած ըլլալս՝ երբ Սահմանադրութիւնը հարկին ներքեւ ամէն իրաւասութիւն կուտայ պատրիարքին. վարչական ժողովներ նորոգած չըլլալս՝ երբ կայսերական բացարձակ արգելք մը նորոգել չէր ներեր, և այլ ասոնց նման անհիմն և անտեղի խճրճանքներ, որոնք տարիներով զբաղեցուցած են Խորհրդարանական Քննիչ

Յանձնաժողովը, Ընդհանուր Ժողովին և պատրիարքական իշխանութեան կամակցութեամբ: Այս կարգին կրնան յիշուիլ Տէրունեան Յովհաննէսը թողօնի մը վայելքէն արգիլելս, որուն անիրաւարար ձեռնամուխ լինել կ'աշխատէր. Չըպլագեան Ղազարօսին քեռորդւոյն մահուան առթիւ չբողոքելս՝ երբ ինքն անձամբ պաղատախառն խնդրած էր պատրաստուած բողոքները ետ ձգել. Էքսէրճեան Հմայեակ քահանայի մէկ ազգակիցին ազգակցական մերձաւորութիւնը չներելս՝ երբ բաւական պատճառ չը կար. կեսարացի քահանայի մը դէմ Ժողովին կողմէ կարգալոյծ ընելու որոշումը առժամաբար կարգազուրկ ընելու փոխելս՝ երբ պահանջուած կանոնական ազգարարութիւնները լրացուած չէին. և ուրիշ ասոնց նման պատահարներ, զոր ամբաստանողներ բերան առնելու իսկ պէտք էր քաշուէին, սակայն բուն նպատակը յանցապարտ ընել չէր, այլ ամբաստանութեանց պատրուակով ընկճուած պահել:

Ամենէն աւելի խօսուածը և ապացուցական կարծուած ամբաստանութիւնը Լահէյի Սաղաղական Ժողովին ուղղած հեռագիրս է, որուն պատճէնը տեսած չէին և ենթագրական հիմամբ իբր ազգային շահուց մատնութիւն կ'որակէին: Հեռագիրը ստիպողական դարձած էր Պուլկարահայոց մասնակցութեամբը, որոնք պատրիարքարանիս իրաւասութեան ներքեւ էին իբր սակաւին օսմանեան գերիշխանութեան ենթարկեալներ, պարունակութիւնը համիտեան բռնութեանց նպաստուոր բնաւ ակնարկ չունէր, եւ ժամանակն ալ անժամանակ էր, զի Ժողովին արդէն որոշում տրուած ըլլալը ստուգուելէն ետքը յղուած էր, ինչպէս որ հաստատուեցաւ հեռագրատունէն իմ հանել տուած վաւերական պատճէններով, և այդ ամբարտակն ալ քանդուեցաւ:

Քննիչ Յանձնաժողովը 1908 նոյեմբերէն մինչև 1910 հոկտեմբեր քաշքշելէն ետքը՝ վերջապէս տեղեկագիր մը ներկայած էր, և ստիպեալ ամբաստանութեանց հիմ ու կարեւորութիւն չունենալուն ակնարկած, և այս պատճառով տեղեկագիրը Ընդհանուր Ժողովին մէջ քննալու թողուեցաւ, և գործը դարձեալ երկարելու համար նոր ամբաստանութեան դուռ մը բացուեցաւ: Իգմիլլեան կաթողիկոս 1910 դեկտեմբեր 11|24ին վախճանած էր, բայց կարծես թէ իր հոգին տակաւին կը սաւառնէր, և 1911 յուլիս 8|21ին գործը Ատենապետաց Դիւանին կը յանձնուէր, իբր

Քննիչ Յանձնաժողովով քննել նոր ամբաստանութիւնը, իբր թէ ես եղած ըլլամ ուսական կառավարութեան Դաշնակցականաց դէմ բացած հալածանքին գրգիռը: Բոլոր փաստարանութիւնը կը հիմնուէր ուսական դեսպանատան երկրորդ թարգմանին ըսած քանի մը բառերու վրայ, զորս նա յիշած ըլլայ իր մէկ նամակին մէջ, և ուսական դատախազն ալ ակնարկած կ'ըլլայ իւր ամբաստանագիրին մէջ: Ատենապետաց Դիւանը հարցուփորձը յետաձգեց մինչև հոկտեմբեր 1911 նոյեմբեր, և անհիմն զրոյց ըլլալը շատ շուտ և դիւրին յատնուեցաւ թուականներու բաղդատութեամբ, և երրորդ քարտուղարի մը ակնարկին պետական գործողութեան մը հիմը դառնալու անբաւականութեամբ: Այս Յանձնաժողովին տեղեկագիրն ալ 1911 դեկտեմբեր 23/5 յունուար 1912ին ներկայացուեցաւ, և ամենայն ինչ առձեռն պատրաստ ըլլալով մէկտեղ, տարի մը եւս յետաձգուեցաւ ամբաստանութեանց վերջաւորութիւնը, և հազիւ թէ 1912 դեկտեմբեր 21/3 յունուար 1913ին որոշում տրուեցաւ և վերջացաւ: Դուրեան պատրիարքն ալ հրաժարած էր արդէն և 1911 դեկտեմբեր 2/15ին Արշարունի Յովհաննէս յաջորդած էր, և անոր օրուան պահուած էր չորսուկէս տարի ամբողջ ձգձգուած, քաշկռտուած, խժրժուած դատաստանին վերջաւորութիւնը: Եւքը այն եղաւ ինչ որ առջի օրէն ալ ակներեւ էր. ամբաստանութեանց մերժում և անպարտութեան հռչակում: Անբարեմիտ հակառակութեան հիմը Իզմիրլեան պատրիարք դրած էր, Դուրեան պատրիարք չէր կարողացած կամ չէր ուզած իւր վարդապետին կազմած դրութիւնը այլայլել, Արշարունի պատրիարք յաջողեցաւ խիղճի ձայնը լսելի ընել: Որոշումը տրուեցաւ Ընդհանուր ժողովի միաձայնութեամբ. զի քսանի չափ բուն հակառակորդներ հակառակ քուէի անիրաւութիւնը զգալով՝ ձեռնպահ մնալ նախադասած էին: Արշարունիի օրովն էր նաև որ չորս տարիէ աւելի լռելէ ետքը առաջին անգամ պատարագեցի Սան-Սթէֆանոյի Ս. Ստեփանոս եկեղեցին 1912 օգոստոս 12/25ին՝ ձեռնադրութեանս յօրելեանական տարեմուտին: Դուրեան ալ 1910 յուլիս 4/17ին Ղալաթիոյ Ս. Լուսաւորիչ եկեղեցին պատարագել արտօնած էր, այլ գործադրութիւնը խափանուած էր պատրիարքական կարգադրութեանց անբաւականութեան պատճառով: Հատուածիս նպատակն էր ամբաստանութեանց խընդիրին ընթացքը լուսաբանել, յայտնուած հոգւոյն և իրողութեան

Թեանց տրուած գոյնին իսկութիւնը արտայայտել, ուստի զանց ըրի բոլոր մանրամասնութեանց մտնել, և երկարապատում ըլլալ: Ինչոր կ'ուզէի յայտնել՝ կամայական ու քմահաճ ձգձգումներ. գրածներս բաւական են ապացուցանել, թէ ամբաստանութիւն կազմելը օրէնքէ դուրս էր, և չօրսուկէս տարի երկարելը օրէնքի հակառակ էր:

## ԼԳ

Դասնակիս, 1918 փետրուար 27/12 մաս ԳՂ.

Առանձինն հատուածի նիւթ ընել կ'ուզեմ ամբաստանութեան հանդէպ իմ անձնական վերաբերումս, ստիպուելով կրկնել նաև ինչինչ վերեւ ակնարկածներէս:

Երկու տարբեր շրջանակներու մէջ կրնային նկատի առնուիլ ամբաստանութիւններ, և այնպէս ալ նկատեցի: Մէկը անպաշտօն՝ լրագիրներու, զրոյցներու բարբանջանքներու շրջանակը, որուն հանդէպ կատարեալ անտարբերութիւն պահեցի, ո՛չ այլալեցայ և ո՛չ զայրացայ, ո՛չ պատասխանեցի և ո՛չ հերքեցի, այլ թող տուի որ խօսին ու գրեն մինչև որ իրենք ալ ձանձրանան, և ի զուր յոգնելնին տեսնելով լռեն:

Միւս շրջանակը պաշտօնականն էր, որուն դէմ սկիզբէն անտարբեր չկրցայ ըլլալ, այլ յետոյ կրցայ ինքզինքս անտարբերութեան տալ: Նոյեմբեր 7/20ին Ժողովին որոշումը զիս կաթուածահար ըրաւ և մինչև մահամերձ հիւանդութեան հասցուց, ուսկից հազիւ կատարելապէս ազատեցայ 1909 յունիս 1/14է մինչև սեպտեմբեր 14/27 Սան-Սթէֆանօ գիւղի օդափոխութեամբ: Անկէ ետքը տան մէջ փակուած կեանքէն ալ հրաժարեցայ, եւ սկսայ երեկոյները պտոյտի ելլալ Բերայի բարձունքներուն օդաւէտ կողմերը: Երբոր մարմնական յուզումէն ազատեցայ՝ հոգևոյ յուզումէն բոլորովին զերծ չէի, և քանիցս պատրիարքներու և երեսփոխանութեան դիմում ըրի որոշումը շտապելու և գործը վերջացնելու համար: Բայց այդ փափաքէն ալ հրաժարեցայ երբ

որ Դիմաքսեան Հմայեակ եպիսկոպոս յատենի ժողովոյն դիտողութիւն ըրաւ, թէ իմ գրութիւններով ժողովը ժամաւաճառ ընել կ'ուզեմ: Այնուհետեւ ինչպէս յուզումէ ու այլայլութենէ ազատ էի, նոյնպէս վերջացնել տալու փափաքէն ալ հրատարեցայ, և այլեւս թող տուի որ ինչ կ'ուզեն ընեն և ինչչափ կը բաղձան երկարեն, և հոգւոյ ու միտքի կատարեալ անսարքերութեամբ նայեցայ ամէն անցուղարձերուն:

Իմ մտաւորական անդորրութեան լուսաւոր փաստ են այս միջոցին արտագրած գրական արդիւնաւորութիւններս, և ի լոյս ընծայած լուրջ երկասիրութիւններս: Ասոնց մի փոքր մասը իմ անձնականիս կը պատկանի, ինչպէս են Նպաստից Յանձնաժողովոյ Տեղեկագիրը, և երկոտասանամեայ պատրիարքութեան Յիշատակագիրքը: Առաջինը շուտով տպուեցաւ և ցրուեցաւ, և իր արդիւնքը ունեցաւ, վասնզի բանաձեւուած ամբաստանութեանց մէջ բնաւ գրամական ղեղձումներու ակնարկ չեղաւ, թէպէտ առաջին անգամ անոնցմով սկսաւ ամբաստանութեանց գրութիւնը: Կը յուսայի որ վարչական ամբաստանութեանց զրոյցներն ալ պիտի կրնայի նոյն կերպով կարճել, և Յիշատակագիրքին ձեռք զարկի, բայց որովհետեւ ես գործը չաւարտած վարչական ամբաստանութիւնները պաշտօնական շրջանակին մուծուեցան, այլեւս աւելորդ սեպեցի Յիշատակագիրքը շարունակել և հրատարակել, սպասելով պաշտօնական ձեռնարկներուն լրանալուն: Պահ մը առկախ թողուելէն ետքը նորէն ձեռք առի լրացնել, որպէսզի ձախող որոշման մը պարագային իբրեւ հերքում ու պատասխան մէջտեղ հանեմ: Վերջէն երկրորդ մաս մըն ալ աւելցուցի պաշտօնական գործողութեանց վաւերական տեղեկութիւնները պարունակող. երկու մասերն ալ տպագրեցի առձեռն պատրաստ ունենալու համար, բայց երբոր ամբաստանութեանց ընթացքը բացարձակ անպարտութեան վճիռով փակուեցաւ, այլեւս աւելորդ կը դառնար պաշտպանողականներ հրատարակել, և տպագրուած պրակները կը պահուին Տէր-Ներսէսեան Վահրամ և Հրաչեայ եղբարց մօտ, և միտքս է մէջտեղ չհանել մինչև մահուանս օրը, և անկէ ետքը հրատարակելը արտօնել իբրև մահավերջիկ երկասիրութիւն: Երկու պրակները միանալով քառածալ երկիջեան 160 երեսէ աւելի հատոր մը կը կազմեն: Որչափ ալ Յիշատակագիրքը հանդարտ հոգւով գրուած է, սակայն հնար չէ որ վշտացած

սիրտի արձագանգներ չհնչեն անոր մէջ, որոնցմէ բոլորովին անմասն կը մնան միւս աշխատութիւններս:

Պատրիարքութեան օրէն Լոյս կրօնաթերթի մէջ սկսած էի չորս Աւետարաններու Հանապատուը հրատարակել, և կրօնաթերթին դադրելէն ետքը կը շարունակէի Արեւելք օրաթերթին մէջ, և գործը հասուցած էի մինչև աւանակով Երուսաղէմ մտնելուն յաջորդող օրերը: Առաջին գործս եղաւ նախապէս հրատարակուած յօդուածները վերաքննել, և Աւետարանին պատմութիւնը լրացնել մինչև Պենտեկոստէի օրը: Զոր և աւարտեցի 1909 յունուար 25/7 փետրուարին: Հանապատուը չորս Աւետարաններուն պարունակութիւնն է շարայարելով և համաձայնեցնելով և բացատրելով պատմուած, բազմաթիւ դրուագներով ճոխացած եւ Պաղեստինի տեղագրական պատկերներով զարդարուած: Տպագրութիւնը աւարտեցաւ 1911 փետրուար 11/24ին: Այդ աշխատութեան մէջ նպատակն էր Աւետարանը ժողովուրդին ընտելացընել. անոր համար պարզ և յստակ ոճով ըրած եմ խմբագրութիւնը, վարդապետական և քննադատական խնդիրներուն խորերը չեմ մտած, թէպէտ թեթեւակի ակնարկել և դիւրամատոյց կերպով բացատրել զանց չեմ ըրած: Գիրքը լաւ ընդունելութիւն գտաւ ժողովուրդին մէջ, և քահանայական դասուն շատ օգտակար եղաւ. առաջին տպագրութիւնը գրեթէ սպառած է: Գործը ութամսով 1100 երես հատոր մը կազմած է, և դրամական շահ մը չսպասելուս համեմատաբար դիւրագնոյ վաճառման յանձնուած է:

Իմ գաղափարս եղած էր որ յառաջագէմ Եւրոպան ի նպաստ Հայոց շահագրգռելու համար աւելի օգտակար է Հայոց իսկութիւնը լաւ ուսումնասիրութիւններով ծանօթացնել, քան իրենց տառապանքներով գութ շարժել կամ աղաչանքներով ողորմութեան յորդորել: Այդ գաղափարիս հետեւանքն էր որ ձեռնարկեցի գաղղիերէն աշխատութիւն մը պատրաստել Հայոց Եկեղեցի (Eglise Arménienne) մակագրութեամբ, և համառօտ ու պարզ կերպով ամփոփելով անոր պատմութիւնը, դաւանութիւնը, բարեկարգութիւնը, վարչութիւնը, արարողութիւնը, գրականութիւնն ու ներկայ կացութիւնը, նպատակ ունենալով ամէն կէտի մէջ անոր հնութիւնը, ուղղութիւնն ու ազատախոհութիւնը պանծացընել, և Հայոց Եկեղեցին ներկայացնել իբրև տիպար մը որ կըր-



նայ հիմ ըլլալ բաժանեալ եկեղեցիներուն միութեան մօտենալու :  
 Տպագրութիւնը ուղեցի Բարիզ ընել տալ . զի հարկաւ Բարիզէ  
 ելած գիրք մը աւելի յարգ ու վարկ կ'ունենար քան թէ Կ. Պոլ-  
 լիս հրատարակուածը : Ուստի Փրետերիկոս Մաքլէր (Frederic Mac-  
 ler) հայագէտ ուսուցչապետին միջնորդութեամբ Էրնէսթ Լըրու-  
 (Ernest Lerout) հրատարակիչ-գրաւաճառին հետ պայմանաւորուե-  
 ցանք , և վերջին փորձերը ես ալ տեսնելով 1910 յուլիս 12/25ին  
 լրացեալ առաջին օրինակը ստացայ : Այդ հրատարակութիւնը բա-  
 ւական արձագանգ ունեցաւ Եւրոպիոյ մէջ , Հայոց վրայ նպաս-  
 տաւոր գաղափար կազմելու ծառայեց , եկեղեցական բարեկար-  
 գութեամբ զբաղողներուն առատ նիւթ ընծայեց , մինչև իսկ Լու-  
 դովիկոս Ֆիւկէրօն (Louis Fugairon) բժշկապետը թղթակցութեան  
 սկսաւ , Գաղղիոյ մէջ Հայ Եկեղեցւոյ ճիւղ մը հաստատելու հա-  
 մար : Օտարազգեաց մէջ ստացած համբաւէն աւելի ազգայնոց  
 կողմէ ալ գնահատուեցաւ , զի Հայ Եկեղեցւոյն վրայ այսչափ ամ-  
 փոփ և այսչափ կանոնաւոր տեսութիւն ներկայացնող գիրք մը  
 չկար : Թէ՛ Ռուսահայերու և թէ՛ Տաճկահայերու կողմէ յայտ-  
 նուած փափաքանաց վրայ ես ինքս հայերէնի վերածեցի և Կա-  
 րապետ Արապեան Զմիւռնիացի վաճառականին նիւթական օգ-  
 նութեամբ տպագրութիւնը վերջացուցի 1911 ապրիլ 30/11 մա-  
 յիսին , և հետզհետէ երկրորդ և երրորդ տպագրութիւններ ալ  
 կատարուեցան , միշտ աւելի դիւրագին ձեւով՝ տարածումը ըն-  
 դարձակելու համար , զի դպրոցներու մէջ ալ իբրև ձեռնարկ ըն-  
 դունուեցաւ : Գրիգոր Գրիգորեան (Gregory) , հնդկահայ պետական  
 պաշտօնեայ հանգստեան կոչուած և Լոնտրա հաստատուած , ան-  
 գլիերէն թարգմանութիւնը կատարեց և ճոխ կերպով տպագրեց ,  
 Մանչեսթրի եպիսկոպոս Ուելտօնի (Welledon) գնահատական յա-  
 ուաջաբանով . որուն նախընծայ օրինակը ստացայ 1911 ապրիլ  
 26/9 մայիսին : Ռուսահայեր ալ ուղեցին ռուսերէնը ունենալ  
 Ռուսաց ծանօթացնելու համար , որ և կատարուեցաւ Մոսկուայի  
 մէջ Լազարեան Ճեմարանի ուսուցիչ Կարապետ Կոստանեան ու-  
 սուցչապետի հոգածութեան և Բուտաղեան Արսէն վաճառականի  
 նիւթական օգնութեամբ , և առաջին օրինակը ստացայ 1913 յու-  
 նիս 17/30ին : Երկրորդ անգղերէն թարգմանութեան մըն ալ ձեռ-  
 նարկեց Նիւ Եորքի մէջ Հայագիտական Հանդեսի խմբագրապետ Ար-  
 շակ Մահտեսեան , վերջէն հասորի վերածելու դիտմամբ , սա-

կայն վերջին լուրը չեմ ստացած: Գերմաներէնի ալ թարգմանուեցաւ Յովհաննէս Լէքսիուս (Johannes Lepsius) հայտնամ երէցին հոգածութեամբ, այլ տպագրուած ըլլալուն տեղեկութիւնը դեռ չեմ առած: Այսպէս Հայոց Եկեղեցի երկասիրութիւնս, եւ անով Հայոց Եկեղեցւոյն արժանիքը բոլոր լուսաւորեալ և գիտական աշխարհին մէջ տարածուեցաւ: Հայ հռոմէականներն ալ անկէ օգտուեցան Հռոմի հանդէպ պահանջնին զօրացնելու, որով պապն ալ իմ գիրքը դատապարտեց և իւր արգիլիսլ գրոց ցուցակին (Index) անցուց 1911 ապրիլ 26/9 մայիսին, որ վնասէ աւելի օգուտ բերաւ անոր տարածման, ինչոր իմ բուն նպատակաւ էր և անոր համար ամէն թարգմանութեանց յօժարակամ արտօնութիւն տուի, առանց որևէ փոխարինութիւն կամ շահակցութիւն պահանջելու: Փափաքս էր որ ուրիշ մասնագէտներ ալ նրմանօրինակ երկասիրութիւններ հրատարակեն, Հայոց ազգութեան, հնութեան, քաղաքակրթութեան, գրականութեան, վաճառականութեան վրայ, և քանիներու ալ յորդոր կարդացի, բայց տակաւին հետեւողներ չունեցայ:

Աւելի մեծ աշխատութիւնս եղած է Ազգասպասուանը, որ է Հայ Եկեղեցւոյ և Հայ Ազգի զուգընթաց պատմութիւնը, և որուն ձեռնարկեցի Հայոց Եկեղեցի երկասիրութիւնս աւարտելէ անմիջապէս ետքը՝ 1910ին վերջերը, բայց հրատարակութիւնը սկսաւ գործը յառաջացնելէ ետքը, 1912 օգոստոս 1/14ին, և առաջին պրակը լոյս տեսաւ օգոստոս 31/13 սեպտեմբերին: Ազգասպասուանը կրնայ իւր տեսակին մէջ նշանաւոր երկասիրութիւն մը ըսուիլ, զի աշխարհաբար լեզուով, կատարեալ ընդարձակութեամբ, քրննադատական ոճով, ժամանակագրական ճշգրութեամբ, և անճշգրութեանց ուղղութեամբ հաւասար ուրիշ գործ մը տակաւին հրատարակուած չէ, մանաւանդ յատուկ մտադրութիւն դարձուած է Մխիթարեան հրատարակութեանց կաթողիկական քաջքշուքները մերկացնելու և հերքելու: Գործին առաւելութիւններէն մէկն ալ ամէն մի եղելութեան կամ ճշգրութեան համար աղբիւրը նշանակելն է: Հրատարակութիւնը հետզհետէ լոյս տեսաւ Պարզեանց Սուքիաս եպիսկոպոսի արդեամբ և քառածալ երկիջեան տասը թերթերէ բաղկացեալ պրակներով, որոնցմէ տասը հատը առաջին և տասնութէկ հատը երկրորդ հատորը կը կազմեն, ընդամենն 3400 էջ, պատմական ցուցակներէն գատ, որք պատմու-

թիւնը կը հասցնեն Քրիստոսի օրէն մինչև 1808 տարին, Դանիէլ Սուրմառեցի կաթողիկոսի մահը: Պատմութիւնը պիտի շարունակուի մինչև հրատարակութեան վերջին օրը, և Երուսաղէմ եղած ժամանակա հաստը մի եւս կազմելու բաւական ձեռագիր պատրաստած եմ, և պատմութիւնը հասուցած մինչև Իզմիրլեան Մատթէոս կաթողիկոսի օծումը 1909ին: Բարեպատեն առիթին կը սպասէ անոր տպագրութիւնը, և ներկայիս տիրող ռազմական կացութեան վերջանալուն ալ կը մնայ յետին ժամանակակից միջոցին ստուգապատումը պատրաստել, եթէ Տէր հոճի արևս երկարել, որ մտնելու ժամուն մօտեցած է:

Գրական աշխատութեանցս մասին տուած տեղեկութեանցս նպատակը կրկին էր, զի երկասիրութիւններս ծանօթացնելու ատեն կ'ուզէի առաւելապէս զայն շեշտել՝ թէ այնչափ միտքի ու սիրտի հանդարտութիւն ունէի, որ երբ մէկ կողմէն անտեղի եւ անիրաւ հալածանքը կը շարունակէր, ես կրնայի ամփոփ միտքով և անվրդով սիրտով լուրջ ուսումնասիրութեանց և օգտակար աշխատասիրութեանց նուիրուիլ: Այդ ընթացքին կ'առաջնորդէր զիս իմ բնածին բերմունքը, ներքին ու խորին համոզմունքը, փորձառական գործունէութեան զգացումը, և եթէ անզգամութեամբ խօսիլ կը ներուի, աշխարհի վրայ իւր ետեւէն հետք ու անուն թողլու ուղիղ փառասիրութիւնը, զի ասոնք ամէնքն ալ հաւասարապէս գրական կեանքին առաւելութիւնը կ'ապացուցանեն, եւ ես ուրախ եմ որ վերջապէս առաջնորդական և պատրիարքական ապաշնորհ վարչականութիւններէ ետքը զուտ գրական կեանքի նուիրուելու բախտն ունեցած եմ: Ահա՛ իմ գլխաւոր նպատակս, տես՛ իմ ներքին զգացումս:

Հետեւաբար ո՛չ ազգի դէմ ցուած եմ և ո՛չ հալածողներուն դէմ զայրացած, և ո՛չ ալ քէն ընելով ազգին օգտակար գործմը տեսնելու պատենը մերժած: Կնքահօրս Մաղաք Փափազեանի որդին Յակոբ Փափազեան ամուրի սեղանաւորը, Մուրատեան վարժարանի աշակերտ, իբր երախտագիտական նշանակ բարեգործութեան մը նպաստելու միտքն ունէր և բնական կերպով Մխիթարեանց յանձնելու կը միտէր: Ես կրցայ զայն համոզել և իւր միտքը հայ հանրութեան կողմը դարձնել, և այս կերպով չորս հազար ոսկւոյ նուիրատուութեամբ գնուեցաւ Վէնսան Ծաննի հանգուցեալ հայազգի դեղագործին տունն ու պարտէզը, որ

պատկից էր Բերայի էսայեան վարժարանին, և անոր մէջ հաստատուեցաւ թաղական մանկապարտէզը, իրապէս պարտէզի առաւելութիւնները վայելելով, զոր անուանով միայն ունէր Ս. Երրորդութիւն եկեղեցւոյ բակին սալայատակին վրայ: Այդ գնումը տեղի ունեցաւ 1910 դեկտեմբեր 8/21ին, ճիշդ հալածանաց տաք միջոցին: Գարակէօզեան Տիգրանի կտակին կարգադրութիւնը պատրիարքութեանս ատեն կատարած էի, կը մնար միայն Ս. Փրկչեան որբանոցը յարմար և վայելուչ տեղ մը փոխադրել: Այդ նպատակին յարմար դատուեցաւ և գնուեցաւ Բերա, Շիշլիի բարձունքին վրայ, կիսաշէն հիւանդանոց մը բաւականաչափ պարտէզով: Գարակէօզեան գերդաստան և գերդաստանին կողմէ սեղանաւոր Եղուարդ գործին վարիչներէն էր, և ինծի դիմեց շէնքին նորոգութեանց, փոփոխութեանց և յաւելուածոց հակել, և անոնք լմննալէն ետքը որբանոցի փոխադրութեան, ներքին վարչութեան, աշակերտաց դաստիարակութեան, ուսմանց կարգաւորութեան վրայ պէտք եղած հսկողութիւնը կատարել, եւ ես յօժարակամ լրացուցի այդ աշխատութիւնները՝ երեկոյեան պտոյտներուս նպատակակէտ ընելով Գարակէօզեան ազգային որբանոցը, և ամէն մանրամասնութեանց հետեւելով, պաշտօնեաները հրահանգելով, և աշակերտները խրատելով: Այս յիշատակութիւններն ալ կը հաւաստեն թէ ի՛նչ հանդարտ զգացումով կը դիտէի շուրջս յարուցուած հալածանաց և զրկմանց ճիգերը:

ՀԴ

Դաւնակոս, 1918 փետրուար 28/13 մարտ ԴՂ.

Երբոր պաշտօնական կեանքը կը դադրի՝ միջադէպներ, պահանջներ, ընդհարումներ միանգամայն կը դադրին, կեանքը միօրինակ նոյնութիւն կը ստանայ, յիշատակներու նիւթեր և բացատրութեանց պարագաներ կը նուազին, կենսագրական յիշատակներ գրողն ալ չի կրնար երկարօրէն դիպուածներ պատմել և ոչ պատահարներու ցուցադրութեան պարտաւորուիլ: Ուստի թէ-

պէտ պատրիարքութենէ հրաժարելէս սինչև հալածանքներու վերջանալը և անպարտութեան վճիռը ամբողջ չորսուկէս տարիներ անցան, սակայն նորութիւններ քիչ եղան, և առանց նորութեանց կեանքը քիչ խօսքով սպառեցաւ, ուստի ուրիշ ըսելիք չունենալով՝ պէտք է անցնիմ նոր ժամանակամիջոցի մը համագամանքները բացատրելու: Իրաւ անցած միջոցին գլխաւոր դիպումաձեւերէն մին էր Կ. Պոլսոյ մէջ ծագած յեղափոխութիւնը, եւ Սուլթան Ապտիւլհամիտի ծերակոյտի և երեսփոխանութեան համագումար որոշմամբ գահընկէց հռչակուիլը, և իւր եղբօր Մէհմէտ Ե. Բէշատի գահ բարձրանալը 1909 ապրիլ 14|27ին, սակայն ես ոչ մի յարաբերութիւն չունենալուս յիշատակութեան իսկ պէտք չտեսայ: Նոյնը պիտի ըսեմ Ատանայի և Կիլիկիոյ Հայոց կոտորածի մասին, որուն մէջ ո՛չ պաշտօնապէս և ո՛չ անպաշտօն ընելիք մը չունէի: Այդ գլխողութիւնները անցողակի փակելով կ'անցնիմ նոր ժամանակամիջոցին, զոր իդէպ կը կարծեմ կազմել անպարտութեան վճիռէն սինչև Երուսաղէմի լիազօր պատուիրակ ընտրուիլս և ուղեւորիլս, որ է տարուան մը և չորս ամսուան ժամանակ. այս միջոցն ալ հետաքրքրական նորութիւններէ և բացատրական պահանջներէ զուրկ ատեն մը:

Անպարտութեան վճիռով կապանքներէ արձակուած ըլլալով պաշտօնական շրջանակի մէջ մտնելու արտօնուած կ'ըլլայի, եւ առաջին անգամ 1913 մարտ 14|27ին եկեղեցական երեսփոխան ընտրուեցայ, որ և մարտ 29|11 ապրիլին վաւերացաւ: Ես չուզեցի հրաժարիլ անաշխատ կերպով ազգային կեանքի մէջ գլխունուած ըլլալու համար, զի երեսփոխանութիւնը հնգետասանօրեայ նիստերու պարզ ներկայութիւնն է, խօսելու պարտք մը չըկայ, և երեք նիստին անգամ մը գտնուիլ բաւական է: Առաջին անգամ ներկայ եղայ մայիս 17|30ի նիստին, անգամ մըն ալ եւ երկու պատրիարքի բացակայութեան իբրեւ նախաթող եպիսկոպոս նախագահական Հայր Ատրը ըսի: Բայց երբ յուլիս 19|1 օգոստոսին կրօնական ժողովականութեան ընտրուեցայ, իսկոյն հրաժարեցայ, զի վարչական ասպարէզէ հեռու մնալ կը փափաքէի, և հրաժարականս ալ ընդունուեցաւ օգոստոս 2|15ին: Բայց կրօնականի ընտրութիւնը նորոգուեցաւ վեց ամիս ետքը՝ 1914 փետրուար 28|13 մարտին, ուսկից հրաժարիլ յարմար չէր, զի երեսփոխանութեան մէջ պայքարի նիւթ եղած էր իմ ընտրուեց

Թիւնը, և համակիր ընտրողներ պզտիկ ձգել պիտի ըլլար իրենց յաջողութիւնը անարգելս. միւս կողմէ պատրիարքն ալ Դպրեւ վանքի տշակերտութենէն Չաւէն Տէր-Եղիայեանն էր, որ զիս մօտը ունենալու մեծ փափաք կը յայտնէր: Ուստի պարտաւորուեցայ ընդունիլ, և առաջին նիստին, 1914 մարտ 19|1 ապրիլին, առաջին ատենապետ ալ ընտրուեցայ, սակայն երկար չպաշտօնավարեցի, զի ապրիլ 26|9 մայիսին Կ. Պոլիսէ մեկնեցայ: Աչքառու պարագայ մը եղած էր 1912 նոյեմբեր 8|21ին Տէր-Եղիայեանի պատրիարքական ուխտին օրը իմ և Դուրեանի իբր նախաթու երեսփոխաններ անոր երկու կողմը գտնուելնիս, որ իրեն ուսուցիչն ու տեսուչն եղած էինք:

Գաւառական պաշտօններու ալ հրաւերներ ստացայ, զանազան վիճակներէ մտադրութիւններ յայտնուեցան, Ատանա հաւանութիւնս խնդրեց ընտրութիւն կատարելու համար, Եգիպտոս ընտրութիւն ալ կատարեց 1913 նոյեմբեր 3|16ին, բայց ամենուն բացասական պատասխան տուի. Եգիպտոսի հրաժարական ալ հեռագրեցի նոյեմբեր 14|27ին, և Գաւառական Ժողովը յակամայից պարտաւորուեցաւ զիջանիլ և ընդունիլ նոյեմբեր 20|3 դեկտեմբերին: Պօղոս Նուպար բաշա հայկական գաւառաց բարեկարգութիւնը հետապնդելու համար Բարիզ գտնուած ատեն զիս իրեն գործակցութեան հրուիրեց և ճանապարհածախսն ալ յղեց, սակայն զայն ալ մերժեցի և գումարը դարձուցի: Միայն չկրցայ դիմադրել մեծեպարքօս Քեամիլ բաշայի հրաւերին, որ հայ գաւառաց բարեկարգութեան համար ազգայիններէն ոմանց հետ մըտերմական խօսակցութիւն մը կազմակերպելու առթիւ, եկեղեցականներէն զիս էր հրաւիրած, և պարտաւորուեցայ երկու անգամ Բարձրդուռ երթալ, և խորհրդակցութեանց մասնակցիլ, որ ինչպէս նախատեսելի էր՝ գործնական արդիւնք չունեցաւ, եւ Քեամիլ բաշայի իւր անկեղծ խոստումը իբր երաշխաւորութիւն ներկայած ատեն, համարձակեցայ հարցնել՝ թէ ո՞րչափ ատեն պաշտօնի վրայ մնալու երաշխաւորութիւն ունի:

Երբոր վարչական պաշտօններէ կը խուսափէի, եկեղեցականներու և ուսումնականներու յօժարափոյթ հետեւեցայ, քարոզի և դամբանականի հրաւերներուն շուտով հաւանեցայ, Քահանայական Միութեան դասախօսութիւնները քաջալերեցի, կարգադրեցի և բանախօսեցի: Բերայի էսայեան Սանուց լսարաններուն

ալ ասենարանեցի, Դպրեվանքի քսանեհինգամեակին առթիւ 1914ին կատարուելիք հանդէսին և հրատարակուելիք հատորին համար մտադիւր աշխատեղայ, և գլխաւոր զբաղումս եղաւ Ազգասրսուռնի շարունակութիւնը և հրատարակութիւնը, և Հայոց Եկեղեցւոյ երրորդ տպագրութիւնը, որ անգամ մը Տէր-Ներսէսեան տպարանին հրդեհին մէջ, 1903 մայիս 10|23ին, հրկիզուելէն ետքը, սեպտեմբեր 23|6 հոկտեմբերին կրկին սկսաւ տպագրուիլ: Արդէն յիշած եմ Գարագէտեան ազգային որբանոցին համար շարունակական աշխատակցութիւնս, զոր հնարաւոր չափով տարածեցի նաև Օրթոքէոյ փոխադրուած Ս. Փրկչեան, և Խասքէոյ հաստատուած Գալֆայեան աղջկանց որբանոցներու վրայ ալ:

Առողջութեան համար որչափ ալ անհոգ չէի և կանոնաւոր կենցաղով և հանապազօրեայ պտոյտներով զայն կը պահպանէի, սակայն դարձեալ ծանր ու վտանգաւոր հիւանդութեան ենթարկուեցայ 1913 օգոստոս 18|31ին, որ առաջ իբր ուղեղային արեան համախոռնում (Congestion Cerebrale) ներկայացաւ, և վերջէն վատ օղի (Malaria) տենդային տափնապ յայտնուեցաւ, բժիշկներն իսկ երկանաց մատնեց, և անեցիները Ղալաթիոյ փրկչական պատկերը բերել տալու մղեց օգոստոս 28|10 սեպտեմբերին: Բայց Տէրամբ այս անգամ ալ վտանգէ ազատեցայ սեպտեմբեր 9|22ին: Այդ հիւանդութեան օրերուն էր որ Վիենայի Մխիթարեաններէն Հ. Գաբրիէլ Մենեվիշեան գլխ դարձի բերելու և հոմէադաւանութեան վաստկելու միտքը կը յղանար, և երկու անգամ քրոջս Եւգինէի հսկողութեամբ արգիլուելով, անոր բացակայութեան միջոցին սեպտեմբեր 18|1 հոկտեմբերին կը յաջողէր մօտս գալ անկողինի ծառայած միջոցին:

Ազգասիրական խօսակցութիւններէ հոգեւորականներու եւ անոնցմէ դարձի յորդորներու անցնելով՝ կը ջանայ գլխ իր միտքին համոզել, պատէ օրհնուած պղտիկ խաչ մըն ալ ընծայ ներկայելով: Խաչը կ'ընդունիմ, խաչին ամէն տեղ նոյն եղած ըլլալը յայտնելով, և ձեռքս ալ շօշափելի փաստ մըն ալ ունենալ ուզելով, իսկ յորդորներուն խստիւ կը պատասխանեմ և ուժիս բաւելուն չափ բացատրութիւններ ալ կուտամ, և 1875ին Վիենայի մէջ իրենց արբահօր միջնորդութեամբ Հասունեանի ըրած ապարդիւն ջանքերն ալ (Տե՛ս I.) կը յիշեցնեմ, որով Մենեվիշեան ձեռնունայն կը մեկնի: Կասկածելով որ յերիւրուած զրոյց-

ներով կրնայ միտքերը պղտորել, մտերիմներու ձեռքով իսկութիւնը հրապարակ կը հանեմ: Միջադէպը բաւական ասուլիսներու նիւթ կ'ըլլայ, և Մենեվիչեան կը ստիպուի Վիեննա մեկնիլ: Հիւանդութեանս անդրադառնալով՝ հետեւորդ տկարութեան պատճառով սեպտեմբեր 26|9 հոկտեմբերին Մեծկղզի օդափոխութեան կ'երթամ, և երեք շաբաթէ բաւական կազդուրուած կը դառնամ, և աշխատութիւններս կը շարունակեմ: Վատօգէն յառաջ եկած վտանգալից տազնապը բժշկապէս տարօրինակ պատահար մը նըկատուելով, զիս խնամող Թորգոմեան բժիշկը յատուկ տեղեկագիրի նիւթ ըրած, և նոյեմբեր 26|10 դեկտեմբերի Հայ Բժշկական Ընկերութեան նիստին մէջ ընթերցած, և Բժիշկ հանդէսի մէջ հրատարակած է:

Իրաւ շատ կարեւոր յիշատակներ չեն այս ժամանակամիջոցին համար յառաջ բերածներս, այլ արդէն ըսի թէ անպաշտօն կեանքը աղքատ է հետաքրքրական յիշատակներէ, եւ ես չեղածը չէի կրնար յերիւրել: Իբրև լրումն աւելցնեմ, թէ պաշտօնավարութեանցս միջոցին պահեստի գումար ունենալու ո՛չ աշխատած և ո՛չ յաջողած եմ, եւ վերադարձէս սկսելով հայթաթել կրցած իբր 1300 ոսկւոյ գումարին արժեթուղթերը պատրիարքութեանս օրէն Տէր-Ներսէսեան քեռայրիս և քեռորդիներուս փոխանցած էի՝ ամուրի քոյրս Եւգինէն պահպանելու պայմանով: Պատրիարքարանի վրայ ունեցած եօթն հարիւր և աւելի ոսկւոյ պահանջաւ ժամանակին վարիչները զլացան, դրամական ամբաստանութիւն տեղի չունենալով և անպարտութեան վճիռն ալ տրուած ըլլալով իսկ, այնպէս որ ամէն միջոցներէ զուրկ մնացած պիտի ըլլայի, եթէ կառավարութենէն հրաժարեալ պատրիարքներու տրուած հանգստեան թոշակը ինծի ալ շնորհուած չըլլար, որ 1908 նոյեմբեր 29|12 դեկտեմբերին հաղորդուեցաւ և 1909 յունուար 27|9 փետրուարէն սկսելով վճարուեցաւ:





## ՆԵ

Դասնակոս, 1918 փետրուար 28/13 մարտ ԴՂ

Օսմանեան ազատութեան հռչակուելէն և ռուսականին ալ  
անկէ քիչ առաջ հրատարակուելէն սկսելով, երբ որ ամէն կողմ  
վերանորոգում և բարեկարգութիւն սկսաւ խօսուիլ, մեր ազգ  
գին մէջ ալ եկեղեցական բարեկարգութեան խնդիրը ընդարձակ  
ուեցաւ, և ամէն կողմէ խօսակցութիւններ և խմբագրութիւն  
ներ, ծրագիրներ և առաջարկներ սկսան: Երևան գալ, իւրաքան  
չիւր ոք իր տեսութեանց կամ հաճոյից համեմատ եկեղեցական  
նոր կացութիւն մը ստեղծել փափաքելով: Այս խուռն ու բուռն  
արտայայտութեանց մէջ ես սիրեցի յամառ լռութիւն պահել,  
գիտնալով որ բոլոր գրողներ և խօսողներ զհողմն արածեն, և ըզ  
գալի հետեանք մը պիտի չկարենան ունենալ, քանի որ իրենց  
համար հաստատուն հիմ մը չունէին, և բոլոր փաստերնին ժամ  
մանակին պահանջին, ժամանակակից հոգւոյն, և ժամանակնե  
րու փոփոխութեան վրայ հիմնուած էր, որոնք առաձգական ի  
մաստ ունին և հաստատուն գետին չեն ընձեռեր: Բայց եթէ  
այն ատեն լռեցի ու չխօսեցայ, հարկաւ ես ալ իմ տեսութիւն  
ներս ունէի, մանաւանդ եկեղեցական նիւթերուն մասին շատե  
րէն աւելի ծանօթութիւն ունենալովս: Արդ ինչ որ ցարդ գրա  
ւորապէս չեմ հրատարակած, գոնէ այս Խոհի ու Խոսքերու մէջ  
յիշատակել կ'ուզեմ, բոլորովին ծածկած չըլլալու համար:

Նախևառաջ պիտի գիտեմ թէ Բարեկարգութիւն բառը, զոր  
գաղղիերէն Discipline բառին իբր համանշանակ գործածել սովոր  
ենք, երբեք կարգը այլայլել ու փոփոխել չի նշանակեր, և շատ  
տարբեր է Réforme բառէն զոր յաճախ Բարեփոխութիւն կը թարգ  
մանենք: Բարեկարգութեան բուն իմաստն է եղած կարգ ու կայ  
նոնը ճշգրութեամբ և լրութեամբ գործադրել ու պահել, զանցած  
ռութենէ զգուշանալ, զեղծումէ խորշիլ, հաւատարմութեամբ  
հետևիլ: Ըստ այսմ անոնք որոնց բուն նպատակն է եկեղեցական

կանոնները փոփոխուած, ծէսերը համառօտուած և պարտքերը թեթեցած տեսնել, Բարեկարգութիւն բառը սխալմամբ կը գործածեն, եթէ գիտակցաբար ներքին միտքերնին արտաքին վարագոյրով ծածկել չեն մտաբերեր:

Երկրորդ գիտողութիւնս է, թէ օրէնսդիտական առողջ ըսկզբունքով, օրէնքներ և կանոններ կրկին ծագում կրնան ունենալ, մէկը վարէն վեր և միւսը վերէն վար յառաջելով: Վարէն վեր է ծագումը՝ երբոր մարդուն միտքն ու կամքն է անոր ծընունդ և կեանք տուողը. միտքը օգտակարութիւնն ու յարմարութիւնը կը դատէ, և կամքն ալ իրականացումն ու գործադրութիւնը կը հրամայէ: Այսպէս են ամէն մարդկային օրէնքներ և կանոններ, ինչ ալ ըլլայ իրենց բնութիւնը, և ինչ հեղինակութեամբ ալ կատարուի անոնց վճռուիլն ու հրամայուիլը: Իսկ վերէն վար է ծագումը՝ երբոր գերագոյն իշխանութիւն մը իւր բացարձակ հեղինակութեամբ և կատարեալ իրաւունքովը բան մը կ'որոշէ, կը վճռէ և կը հրամայէ: Այսպէս են ընդհանրապէս կրօնական օրէնքներն ու կանոնները, որոնք աստուածային գերագոյն իշխանութեամբ հաստատուած են, և մարդիկներուն հաղորդուած, որ գիտական բացատրութեամբ Յայտնութիւն կը կոչուի, և կը պարունակէ տեսական և գործնական մասեր, հաւատալիք ճշմարտութիւններ և կատարուելիք գործեր:

Ընդհանուր սկզբունքով օրէնքի մը և հրամանի մը փոփոխութիւն միայն օրէնքին տէրը կամ օրէնսդիրը կամ ծագում տուող իշխանութիւնը կրնայ տալ, և հետեւաբար մարդկային միտքն և կամքը ձեռնհաս չէ Աստուծոյ հաստատած ու յայտնած օրէնքը ու կանոնը փոփոխել, և որոնք որ բարեկարգութիւն ըսելով կը մտաբերեն կրօնական յայտնեալ օրէնքը փոփոխել, թեթեցնել կամ դադրեցնել, առողջ սկզբունքի հակառակ կը խօսին, և երբ կը կարծեն նպատակին դիմել, ո՛չ արդար և ո՛չ իրաւացի և ո՛չ իսկ մտաւորական սկզբանց համաձայն կը խօսին: Քրիստոնէական օրէնքներու և կանոններու գալով, ընդունուած է որ անոնց հեղինակը ինքն Քրիստոսն է, որ խորհուրդներն ու հրամանները առաքեալներուն հաղորդեց ու սորվեցուց, անոնք ալ աշխարհի հաղորդեցին ու սորվեցուցին և առաքելական եկեղեցի կազմակերպեցին: Առաքելոց հետևող հայրապետներ ու վարդապետներն ալ առաքելոց անունով գործեցին և առաքելոց հեղինակութեամբ զօրա-

ցան: Մարդկային միտքն ու կամքը տեղի տուաւ աստուածային իշխանութեան, և քրիստոնէութեան վերաբերեալ ամէն խնդիրներ ո՛չ միտքի գորութեամբ և ո՛չ կամքի հաճութեամբ և ո՛չ ժամանակի պահանջից փաստով լուծուեցան, այլ դէպ ետև բարձրանալով՝ առաքեալներուն հաստատածն ու սորվեցուցածը փրկատըրուեցաւ, և առաքելական հեղինակութեամբ զօրացաւ առաքելական եկեղեցին:

Անուրանալի է սակայն՝ որ եթէ մարդկային միտքն ու կամքը իշխանութիւն և հեղինակութիւն չունի կրօնական օրէնքներ և կանոններ փոփոխելու, շատ յարմարութիւն ունի անոնք ազաւազելու և եղծանելու, և այս է իսկական պատճառը որ քրիստոնէութեան միակ բունը բազմաձիւղ ծառի նման բազմաթիւ ոստերու բաշխուած է, և բազմատեսակ եկեղեցիներ կը պարունակէ, որոց իւրաքանչիւրն ալ իւր ուղղափառութիւնը, այսինքն ուղիղ առաքելութիւնը կը պնդէ, թէպէտև իրարու անհամաձայն ըլլալովնին հարկաւ չեն կրնար ամէնքն ալ ուղիղ ուղղափառութեամբ ճոխանալ: Ուրեմն անհրաժեշտ է այժմեան քրիստոնէութենէ ետ ետ բարձրանալով՝ մինչև հնադոյն դարերը հասնիլ, և այն ալ ո՛չ թէ յանկարծական ոստումով մը հինը վերանորոգելու մարմաջով, որ տևողականութեան և շարունակութեան փաստը չունի իրեն կողմ, այլ սկիզբէն դէպ առաջ շարունակութեամբ որոնելով՝ թէ ո՛ւր կանգ առած է իւրաքանչիւրին վերջնական կազմակերպութիւնը: Այդ տեսութեամբ միանգամ ընդ միշտ դուրս թողած կ'ըլլանք նորադանդական կամ բողոքական դրութիւնը, որ վեշտասաներորդ դարուն մէջ յանկարծական ոստումով մը առաջին դարուն վերադառնալ կարծեց, և առանց իրեն հիմ ունենալու աւանդական շարունակութիւնը և տակաւ կազմակերպութիւնը, իւր միտքին յղացմամբ և հաճոյից որոշմամբ ուղեց սկզբնական դարը կերպարանել և վերանորոգել, որով իսկապէս կրօնական և քրիստոնէական սկզբունքէն շեղեցաւ, և մարդկային միտքն ու կամքը իբր իրաւացի իշխանութիւն և բաւարար հեղինակութիւն ընդունուած եղաւ:

Կը մնան ուրեմն մեր առջև հին եկեղեցիներ կոչուածները, լատինական և յունական և հայկական դրութիւնները, որոնք կրնան բաղդատութեան դրուիլ իրարու հետ: Արդ թէպէտև հետևողներու թիւով անհաւասար են, ինչ որ պարզապէս քաղա-

քական անցքերու հետևանք է, սակայն Աւետարանի ալ վկայութեամբ հօս փոփոխիլը քաջալերուած է իբրև արքայութեան երկնից արժանացող և վայելող: Լատինականը իւր կազմակերպութիւնը մինչև 1870 կը հասցնէ, Վատիկանեան Ժողովով հռչակուած պապին անսխալականութեամբը, նախընթաց տարիներու մէջ ստացած քաղաքական ուղղութեամբը, և պետական ճոխութեամբ կատարած փոփոխութիւններովը, որոնք զինքը յայտնապէս կը հեռացնեն զուտ քրիստոնէական և ստոյգ առաքելական դրութենէն: Յունական եկեղեցին ալ իւր կազմակերպութիւնը կը հասցնէ մինչև 864, Փոտիոսի և Կերուլարիանի ժամանակ ստացած կերպաւորութեամբը, և բիւզանդական կամ կայսերական դրութեամբ ձևակերպուած եկեղեցիովը, որ հոյնպէս շատ հեռու կը մնայ նախնական դարերէն, և ակնյայտնի կը ցուցնէ արտաքին ազդեցութեամբ աղաւաղուած ներքինը: Իսկ հայկական եկեղեցին իւր պաշտօնական կերպաւորումը կը դադրեցնէ 431ին Նիքիոսի Ժողովով, որով մերձաւորագոյն կը գտնուի առաքելական և նախնական կազմաւորութեան, և աւելի մօտաւոր կ'ըլլայ վերէն վար եկող օրէնքներուն և կանոններուն, և հետևաբար երբոր երեք՝ այսինքն հռոմէական և բիւզանդական և հայկական դրութեանց բազդատութեանը կը մտնենք, հայկականը անհակառակ կը ստանայ առաւելութեան արժանիքը, և պիտի հռչակուի աւելի հաւատարիմ հինին, աւելի պահապան նախնականին, աւելի հետևող ուղիղին:

Սակայն այդ առաւելութիւնը կը վերապահեմ և կը վերագրեմ պաշտօնական և սեպհական հայկական դրութեան, և չեմ տարածեր այժմեան կիրառութեան մէջ եղող դրութեան վրայ, վասնզի համարձակօրէն պիտի ընդունիմ թէ մեր եկեղեցին ալ ունի այժմ յաւելուածական և աղաւաղական մասեր, որոնք ամենայն իրաւամբ կրնան ուղղելի ըսուիլ. միայն թէ ինչ որ մեր մէջ յաւելուածական և աղաւաղական է, կատարեալ պաշտօնական ձև չէ առած, և պաշտօնական դրութիւնը հաստատուն կը մնայ 431ին կամ Երրորդ Ժողովի հիման վրայ, և ինչ որ պատահամբ կամ անհոգութեամբ, կամ բռնութեամբ կամ տգիտութեամբ եղած է, կրնայ ամենայն իրաւամբ ուղղուիլ, խոհեմութեան և պատշաճօղութեան պայմանները ամուր պահելով: Սուքերնիս տեսականէն գործնականին և վերացականէն թան-

ձրացեալին բերելով՝ պէտք է ընդունինք թէ մեր եկեղեցւոյն մէջ շատ մը կէտեր՝ սովորական, ծիսական, կանոնական, դաւանական՝ յոյնէն ու լատինէն վերջին ատեններ ներմուծուած են, և յանգագաստ օրէնքի կարգ անցած են, և այսօր այնպէս կը կարծուին՝ իբրև թէ Թարգմանչաց դարուն կամ Լուսաւորչի ժամանակին աւանդութիւններն ըլլան:

Յունական եկամուտները յունական տիրապետութեան հետեանքն եղան, երբ մինչև իսկ բռնութիւններ ի գործ դրուեցան Հայ Եկեղեցին յոյնին ձուլելու կամ նմանցնելու: Հայերը այն ատեն մասնաւոր զիջողութիւնները իբրև մեծագոյն չարիքէն ազատելու միջոցներ ընդունեցին: Լատինական եկամուտները առաջին անգամ Հայաստանի Ունիթորներուն գործունէութենէն բղխեցան, և մեր վարդապետներ լատին դպրոցամուղ դրութեան (Scholasticisme) փայլէն շլանալով՝ բաւական սեպեցին անջատման չորս կէտերէն, այսինքն՝ Պապուքեակ, Քաւարակ, Ուղոյ քոյսուակ ու Երկու քեռքեակ դուրս եղած լատին վարդապետութիւնները առհասարակ իւրացնել, և նոյնիսկ Գրիգոր Տաթևացին իւր Հարցմանց Գիրքին մէջ այդ տկարութենէն ազատ չէ մնացած: Հայաստանի Ունիթորներէն ետքը Կիլիկիոյ Աղթարմաները աւելի ևս ընդարձակեցին այդ ուղղութիւնը, և ամենէն վերջը Միթարեան միաբանութիւնները իրենց կաթովկամիտ հրատարակութիւններով և վարդացման պատրուակներով ևսքան զևս սփռեցին ու ընտելացուցին լատինական եկամուտները: Ես ազատաբար կ'ընդունիմ բառնալ և հեռացնել մեր եկեղեցիէն ամէն յունական եւ լատինական յետին ժամանակներու յաւելուածները ու աղաւաղումները, և համամիտ եմ մեր դաւանականը ամփոփել Եփեսոսի Ժողովով, մեր կանոնականը կազմել Թարգմանչաց դարով, մեր ծիսականը ձեւակերպել առաւուելին Օձնեցիի ժամանակով, մինչև իսկ կը հաւանիմ Շնորհալիի յաւելուածները կամաւորութեան վերածել և պարտաւորիչ չճանչնալ: Ահա՛ իմ ըմբռնած եկեղեցական բարեկարգութիւնս, հիմնական սկզբունքներու դէմ չմեղանչելով, հայկական դրութեան հաւատարիմ մնալով, և իրապէս ու տիրապէս բեռերը թեթեւցընելու նպատակին ծառայելով: Շատ առիթներ ունեցած եմ իբրև ուսուցիչ և իբրև ուսումնասիրող մասնաւոր կէտեր զննելու և քննելու, և միշտ շատ թեթև և շատ ամփոփ գտած եմ:

Հայ Եկեղեցւոյ նախնականը, նուազ բեռնաւորեալ իւր դաւանականը, ազատական իւր դրութիւնը, և դիւրատար իր կանոնները: Հետեւորար բաւական է եկամուտները վերցնելով զուտ հայկականը պահել, որ շատերուն փափաքած թեթեւութիւնը իրականանայ, ո՛չ թէ ժամանակի պահանջին կամ ժամանակին մտայնութեան կամայական փոստով, այլ նախնականութեան և պահպանողականութեան հիմամբ հաստատուած: Շատ օրինակներ կրնայի յառաջ բերել խորհուրդներու և արգելքներու, ազգացուցութեան և օրինականութեան, քահանայութեան և նուիրապետութեան վերաբերեալ նիւթերէ, այլ որովհետև զգացումներս բացատրել է նպատակ և ո՛չ վարդապետել ու վիճարանիլ, զանց կ'ընեմ այս մանրամասնութեանց միջամտել:

Գործադրութեան մէջ խոհեմութեամբ և խոհականութեամբ վարուելու պայմանը յիշեցուցի, վասնզի գիտեմ թէ դիւրին չէ նախապաշարմանց դէմ մաքառիլ, օգտակար չէ խիղճեր վրդովել, վնասակար է գահավէժ որոշմանց հետեիլ, վտանգաւոր է առանց նախապատրաստութեանց ձեռնարկներ ընել: Ուստի ինչպէս անզգալարբար մուտք գտած են եկամուտները և տեղ գրաւած են աղաւաղումները, պէտք է որ նոյնպէս ալ անզգալարբար վերցուին և աստիճանաբար անհետանան: Այդ կէտը Հայոց Եկեղեցի գիրքիս մէջ ալ բացատրած եմ: Երբոր էջմիածին ուսուցիչ էի, երջանկայիշատակ Մակար կաթողիկոսի խօսած եմ, բանիբուն և կարող և խոհական եկեղեցականներէ Յանձնաժողով մը կազմել, որ խնամով ուսումնասիրէ նախնական Հայ Եկեղեցին իւր ամէն տարրներով, զտէ և զատէ հինն ու նորը, սեպհականն ու եկամուտը, և իւր աշխատութեանց արդիւնքը կանոններու և հրահանգներու կերպով բանաձևէ, և իւր աշխատութիւնը անպաշտօն տպագրութեամբ յղուի եպիսկոպոսներու, կարող վարդապետներու, ուսեալ քահանաներու և հմուտ աշխարհականներու, և անոնց տեսութիւններն ու կարծիքները հաւաքուելով Յանձնաժողովին դառնան, որ երկրորդ խմբագրութեամբ ընդունելի կարծիքները իւրացնէ, և այդ երկրորդ խմբագրութիւնը՝ իբրև պատրաստ նիւթ՝ ազգային եկեղեցական մեծ ժողովի մը հանուի, և հաստատութիւններով ու փոփոխութիւններով վաւերանայ, և Հայ Եկեղեցւոյ դաւանութեան ու վարչութեան, կանոնականութեան ու արարողութեան օրինագիրք ըլլայ, և ըստ

այնմ սկսի կատարուիլ ամենայն ինչ որ Հայ Եկեղեցւոյ կեանքը կը կազմէ և անոր զուտ ինքնութիւնը կ'ապահովէ: Կաթողիկոսը առաջարկս ընդունելի դատեց, և ինծի պիտի յանձնէր նախապատրաստութիւններով զբաղիլ ամառնային արձակուրդին ատեն, սակայն ես կանուխէն պարտաւորուեցայ Էջմիածինէ մեկնիլ (տե՛ս ԽԵ), ինքն ալ շատ չապրեցաւ, և դադափարը գործնականութեան չմտաւ: Սակայն ինչ որ յապաղած է՝ կորած չէ, կ'ըսէ լատին առածը (Quod differtur non aufertur), և ոչինչ կ'արգելու՝ որ ինչ որ այն ատեն չկրցաւ գործադրուիլ, առաջիկային կարենայ իրականանալ:

Այսչափ ինչ բաւ ըլլայ ընդհանուր խնդրոյ մը նկատմամբ, և նորէն դառնամ կենսագրական յիշատակներու:

## ԼԶ

Դասնակոս, 1918 մարտ 1/14 ԵՂ:

Սաղիմական կամ ղեւոնդական խնդիրին՝ ընթացքը, և իմ ունեցած մասնակցութիւնս, և խնդիրին իսկութեան մասին տեսութիւններս գրած եմ մինչեւ պատրիարքութեանս վերջը (տե՛ս Կ), բայց պատրիարքութեան հետ՝ մասնակցութիւնս ալ վերջացաւ և այլեւս այդ խնդիրով չզբաղեցայ մինչև 1914ին պատուիրակութեան պաշտօն ստանձնելս: Հետեւաբար 1908էն 1914 վեց տարուան գործողութիւնները ինձմէ օտար մնացած են, և անոնցմով զբաղելու ալ պէտք չէի զգար, եթէ դարձեալ խնդիրին հետ մասնակցելու չպարտաւորուէի, զի եղելութեանց ընթացքը և կապակցութիւնը դիւրահասկանալի ընելու համար հարկ կ'ըլլայ միջանկեալ վեց տարիներու գործողութիւնները համառօտիւ քաղել, գոնէ իբրեւ լրացուցիչ տեղեկութիւն: Բայց վաւերական աղբիւրները չունիմ ձեռքիս տակ, և միայն յիշողութեամբ պիտի կարենամ համառօտ բան մը գրել:

Վարչութեան Ատենապետաց Յանձնաժողովը, որ իր տեղեկագիրը մատուցանելու վրայ էր, իրօք ալ զայն ներկայեց Դուր-

եանի տեղապահութեան միջոցին, բայց Երեսփոխանութիւնը կազմուած և գործի ձեռնարկած ըլլալուն, և Երուսաղէմի համարատուութիւնը ընդունող և հաշիւները քննող Կեդրոնի իշխանութիւնը Սահմանադրութեան համաձայն Երեսփոխանութիւնն ըլլալով, Վարչութեան եկած տեղեկագիրը Երեսփոխանութեան յանձնուեցաւ, եւ գործն ալ անոր ձեռքն անցաւ: Երեսփոխանութիւնն առանց մերժելու այդ տեղեկագիրը, որ Մագսուտեան Ղեւոնդ վարդապետին նպատաւոր չէր, որոշեց գործը աւելի խորապէս քննել տալ, և իւր մէջէն նոր Յանձնաժողով մը կազմեց իրապէս փորձառու եւ վկայեալ անձերէ, որոնք բոլոր անցեալ տեղեկագիրները եւ հաշուեթուղթերը նոր քննութեան ենթարկելով՝ Մագսուտեանը 11,000 ևւ այսչափ սակւոյ գումարի գեղծարարութեան պարտաւոր դատեցին, նոյնչափ գումարը իրմէ պահանջել եզրակացուցին, եւ Երեսփոխանութիւնն ալ անոնց տեղեկագիրը հաստատեց եւ Մագսուտեանը վճարման դատապարտեց:

Բայց մինչև որ այդ վճիռը տրուէր, Երուսաղէմի կացութիւնը բոլորովին այլափոխուած էր, Դուրեանի տեղապահութեան ատեն ազդեցութիւնը Իզմիրլեանի ձեռքն էր, յետոյ պատրիարքութիւնն ալ իրեն անցած էր, եւ հաշուեպահանջ կողմը կը սպասէր որ Իզմիրլեան կտրուկ որոշմամբ խնդիրը վերջացնէր, և իւր ձանձկացած եւ ուսումնասիրած գործը փակէր: Իզմիրլեան եթէ հաշուեպահանջութեան հեղինակը չէր, հրահրիչն էր եղած, գործին մանրամասնութեանց տեղեկացած, պատրիարքարանի ալ տեղեկագիրներ յղած եւ կերպով մը գործը իւրացուցած, ունէր տեղեկութիւն, ունէր իշխանութիւն, ունէր յօժարութիւն, և կրնար իւր գիտակցութեամբ եւ իւր ազդեցութեամբ Վարչութիւնն ալ Երեսփոխանութիւնն ալ վերջնական որոշման մը առաջնորդել, մանաւանդ որ Կեդրոնն ալ շատ աննպաստ տրամադրուած էր Մագսուտեանի հանդէպ: Հակառակ այդ ակնկալութեանց՝ Իզմիրլեան անգործ մարդ մը դարձաւ, Երուսաղէմի մէջ հաշուեխոյսներ զօրացան, հաշուեպահանջները տապալեցին, փախըստեամբ կեանքերնին տպահովելու պարտաւորեցին, Վեհապետեան պատրիարքն ալ իրենց համակերպելու եւ գործակցելու ստիպեցին, եւ Մագսուտեանի հակառակ տրուած վճիռը մեռեալ տառ գարձուցին:

Յակոբ Աշոտ Փափագեան եպիսկոպոս, Գէորգ Ֆիքրի Աճէմ-



եանի եւ Հայկազուն Պեկեանի հետ քննիչ եւ կարգադրիչ յղուեցան, բայց կացութեան տիրապետող հաշուեխոյս Ղեւոնդականներ պատուիրակութիւնը ո՛չ ճանչցան եւ ո՛չ ընդունեցան, որ մազապուր Յոպպէ ապաւինելով անգործ Կ. Պոլիս դարձաւ: Յոպպէ ապատանող հաշուեպահանջներն ալ անձամբ խօսելու և գործելու համար Կ. Պոլիս ուղեւորեցան:

Միւս կողմէն Մազսուտեան Ընդհանուր Ժողովոյ վճիռին քննադատութիւնները կը հրատարակէր, հաշիւի եւ եզրակացութեան սխալներ մատնանիչ կ'ընէր, եւ իւր զօրացած դիրքովը կը յոխորտար: Վճիռին գործադրութեան կերպը գտնելու համար հրաւիրուած փաստաբաններ ալ գործին անհնարութիւնը կը յայտնէին, զի Երեսփոխանութիւնը պետական դատարան չէր, որուն վճիռը կարենար գործադիր իշխանութեան յանձնուիլ:

Գործերու այդ առաջին արարուածին երկրորդ մը կը յաջորդէր: Իբրեւ թէ բոլոր անկարգութեանց պատճառ Վեհապետեան պատրիարքն ըլլար, յատենի Երեսփոխանութեան պաշտօնապէս կ'ամբաստանուէր, կը դատապարտուէր, պաշտօնանկ կը հռչակուէր, եւ Յակոբեան Դանիէլ վարդապետ տեղապահ կ'անուանուէր, և տեղապահին անկարգութիւնը դարմանելու համար Պարզ և Փափազեան, Օսմանեան Դրամատան համարակալը, օգնական կը արուէր, և իրաւունք փնտռելու եկող հաշուեպահանջներն ալ միասին Երուսաղէմ կուգային, բայց վանք մտնելու համար հարկ կ'ըլլար օրինաւոր պաշարում և ռազմագիտական միջոցներ գործածել: Թէպէտ վանքին կը տիրանային, և Վեհապետեան բռնութենէ ազատած զիրենք կը քաջալերէր, բայց միւս կողմէն թատերական խաղ մը կը խաղցուէր, զի պաշտօնական պատրիարքին պատուոյ իրաւունքները պահուած էին, և զինքն գործէ հեռու պահելն ալ ձերութիւնը չյոգնեցնելու պատրուակով կը վարագուրուէր: Յակոբեան եպիսկոպոսանալու համար Էջսիածին կ'ուղեւորէր, Տրդատ Պալեան եպիսկոպոս կը փոխանորդէր, բայց ան ալ իւր կարգին իւր խաղը կը խաղար, եւ Երուսաղէմի վիճակը չէր բարւոքուէր, Մազսուտեան ալ տպահովութեամբ իւր ընթացքը կը շարունակէր: Երբ Վեհապետեանը ամբաստանելու գաղափարը ծագեցաւ, անուղղակի թելադրած էի պատրիարքը պաշտօնանկ չընել, այլ անոր օգնական մը յղել, և երթալու յօժարութիւն իսկ յայտնած էի, բայց այդ ատեն Օրմանեանը լը-

սել և Օրմանեանի գործ յանձնել ներեալ չէր, նա ամբաստանեալ մըն էր, եւ անվերջանալի դատավարութեան ենթարկուած կը մնար:

Երրորդ արարուածը կը բացուէր Հայկ Սօճասարեան ուսուցչին պատուիրակութեամբ, որ պաշտօն ունէր պատրիարքական ընտրութեան համար ընտրելեաց եօթնանուն ցանկը պատրաստել տալ, զի 1910 հոկտեմբեր 5/18ին Վեհապետեան վախճանած էր, և աթոռը իսկապէս թափուր էր: Սօճասարեան կուգար, Միաբանական Ժողով կը գումարուէր, ընտրելեաց ցանկը կը քուէարկուէր, բայց հաշուեխոյս Աւետիսեանաց մեծամասնութեանը շնորհիւ ցանկը կը կազմուէր եօթը անարժան կամ անյարմար անուններով: Սօճասարեան առանց դիտողութեան ցանկը Կ. Պոլիս կը տանէր, բայց հոն ինքն ալ ցանկին անընդունելի եւ անգործողներէ ըլլալը կը յայտարարէր, Երեսփոխանութիւնն ալ նոյն որոշումը կուտար, եւ Երուսաղէմ կը գրուէր նոր և յարմարագոյն ցանկ մը պատրաստել: Սակայն ցանկը քուէարկող մեծամասնութիւնը իւր ըրածը կը պաշտպանէր, եւ նոր քուէարկութեան չէր մօտենար, եւ գործը կը քաշքշուէր:

Իբրեւ անելանելի կացութեան դարման նոր պատուիրակութիւն մը յղել կ'որոշուէր, և յառաջ կը կոչուէր համարակալ Պարգև Փափազեան, որ տեղապահի ընկերանալով գործունէութիւն էր ցոյց տուած եւ Երուսաղէմը ուսումնասիրած: Իրմով սկսող չորրորդ արարուածը աւելի դժխեմ տեսարան կը բանար, զի այս անգամ կագ եւ կռիւ, խարազան և գաւազան հրապարակ կ'իջնէին, Փափազեան պատուիրակ խարազանով վանքէն կը հանուէր, և Յակոբեան տեղապահ պարզապէս կ'արտաքսուէր, Յոպպէ կ'ապաւինէր, և Երուսաղէմ հաշուեխոյս Աւետիսեաններու բաց ասպարէզ կը դառնար: Թէպէտև Տնօրէն Ժողովը, որ այս առթիւ բացարձակ վարիչ էր դարձած, բոլոր հաշուեխոյսներէ չէր կազմուած, և յանուն Տնօրէնին Աճէմեան Սարգիս վարդապետ, հաշուեպահանջներու գլխաւորներէն, փոխանորդ կամ վարիչ էր նըշանակուած, սակայն միաբանական մեծամասնութեան գործունէութիւնը կը տիրապետէր, Յակոբեան Յոպպէ կը մնար, կէս անիշխանական ձեւը կը շարունակէր, և Կեդրոնը նորօրինակ կամ տարօրինակ դադափարներու կը մղուէր:

Իչաչնակցական խումբը գործը ձեռք կ'առնէ և արմատաքի

դարման պատրաստել կ'ուզէ. ազատական կոչուած խումբը, ինչ-  
 պէս ուրիշ առիթներու մէջ, այս պարագային ալ ոյժ կուտայ  
 Դաշնակցութեան, միւս կուսակցութիւններ ալ հակառակ չեն ըլ-  
 լար, և արմատաքի դարման կարծուած ծրագիրը, որ է Երու-  
 սաղէմի համար նոր Կանոնագիր մը, հապճեպ շտապով եւ գործին  
 օտար գործիչներով կը խորհուի, կը կազմուի, կը ներկայուի,  
 կը քուէարկուի և կը հաստատուի 1913 դեկտեմբեր 7|20ին: Այս  
 ալ կ'ըլլայ սաղիմական եղբերգութեան վերջին արարուածը: Նոր  
 Կանոնագիրին պարունակութիւնը մէկ բառով բացատրել ուզած  
 ատեննիս կրնանք ըսել՝ Երուսաղէմի պատրիարքութիւնը աշխար-  
 հականացնել, Աթոռն ալ, վանքն ալ, միաբանութիւնն ալ միան-  
 ցամայն: Երուսաղէմի եկեղեցական մարմինը ամբողջապէս, իւր  
 գլխով և իւր անդամներով, կը կապտուէր ամէն իրաւունքներէ,  
 ըլլան վարչական կամ տնտեսական, ըլլան ներքին կամ արտաքին,  
 և կը մնար միայն պատարագ մատուցանելու, ժամերգութիւն կա-  
 տարելու, և թափօր շրջելու իրաւունքը: Երուսաղէմի թէ՛ վար-  
 չական և թէ՛ տնտեսական գործերը կը յանձնուին Կ. Պոլիս նըս-  
 տող և հինգ անգամէ բաղկացած Խնամակալութեան մը, որուն  
 վրայ կը հսկէ Վարչութիւնը, և ասոր վրայ ալ Երեսփոխանութիւնը:  
 Իսկ Երուսաղէմի մէջ գործողներուն գլխաւորը կ'ըլլայ Երեսփո-  
 խանութենէ ընտրուած ներկայացուցիչ մը, որ ամէն ժողովներու  
 պիտի մասնակցի, ամէն գործերու պիտի միջամտէ, ամէն գան-  
 զատ ու բողոք պիտի ընդունի և որոշէ, և առանց որոյ հաւա-  
 նութեան ու հաստատութեան բան մը պիտի չգործուի, և ո՛չ իսկ  
 աշխատուոր միաբան մը հնար պիտի ըլլայ ընդունիլ: Խնամակա-  
 լութիւնը պիտի ընտրէ և Վարչութիւնը պիտի հաստատէ և զրկէ  
 չորս աշխարհական պաշտօնեաներ իբր կալուածապետ, մատակա-  
 րար, համարակալ և գանձապահ, որոնք միանալով պիտի կազ-  
 մեն Տնտեսական Մարմին մը: Այս պաշտօնեաներն ու ներկայա-  
 ցուցիչը պիտի ունենան իրենց հետ օգնականներ և ստորադաս  
 պաշտօնեաներ, ամէնն ալ աշխարհականներ և անորոշ թիւով,  
 որչափ որ ուզեն կամ հարկաւոր կարծեն: Բոլոր այդ պաշտօն-  
 եաները վճարեալ պիտի ըլլան Երուսաղէմի սնտուկէն. ներկայա-  
 ցուցիչին ամսականը յիսուն ոսկի, և մնացածները անոր համե-  
 մատութեամբ: Ներկայացուցիչն ու Տնտեսական Մարմինը վար-  
 չականութեան ալ տէր պիտի ըլլան, զի ամէն գործ վերջիվեր-

ջոյ ծախքի մը կամ թոշակի մը պայմանը կ'ենթադրէ, և ծախք ու թոշակ անոնց բացարձակ ձեռնհասութեան յանձնուած պիտի ըլլան: Եւրոպիոյ մէջ նոր օրէնքներ դրուեցան, բնութիւններ ջրնջելու կամ եկեղեցական պաշտօններ ամփոփելու համար, բայց եկեղեցականութիւնը պահելու և եկեղեցականութիւնը աշխարհականացնելու գիւտը հայ Դաշնակցականներու և իրենց համախոհներուն պահուած էր: Երեսփոխանութեան մէջ գտնուեցան այդ ծրագիրին դէմ խօսողներ, և յատկապէս եկեղեցականներ, բայց իրենց ձայնը ազդեցութիւն չունեցաւ, և նոր Կանոնագիրը լաւ մեծամասնութեամբ քուէարկուեցաւ: Ես ալ Երեսփոխանութեան մէջ մտած էի 1913 մայիսէն ի վեր, այլ Կանոնագիրին վիճաբանուած և քուէարկուած ատենը ծանր հիւանդութեանս և ապաքինութեանս ատենին կը զուգադիպէր, և պաշտօնապէս խօսելու առիթ չունեցայ, սակայն ամէն առթի և ամէն պարագայի մէջ հակառակ կարծիք ունենալս յայտնած էի, և ընդդիմագիր ըլլալս հրապարակալուր էր: Միաբանութիւնն ալ լուռ չէր կեցած, նամակներով և հեռագիրներով դիտողութիւններ ըրած էր, յիշելով յատկապէս Աթոռոյ պարապութեան ատեն փոփոխութիւն չընելու, և առանց միաբանութեան հաւանութեան Կանոնագիր չայլայլելու կանոնները, սակայն իւր ձայնը նկատի չէր առնուած: Քուէարկուելէն ետքն ալ իւր ընդդիմութիւնը յայտնած էր, եւ Վարչութիւնը հայրապետական հեղինակութեամբ միաբանութիւնը լռեցնելու համար 1913 դեկտեմբեր 19|1 յունուար 1914ին, Գէորգ Ե. կաթողիկոսի դիմած էր, բայց կաթողիկոսն ալ միաբանութեան իրաւունք տուած էր, եւ 1914 փետրուար 14|27ի կոնդակով Աթոռոյ պարապութեան ատեն փոփոխութիւն կատարելը ապօրինի դատած, և քուէարկեալ Կանոնագիրը մինչև ցընտրութիւն նորոյ պատրիարքի անդործագիր թողուլ հրամայած էր:

Ահա՛ համառօտ քաղուած մը 1908 յուլիսէն մինչև 1914 ապրիլ տեղի ունեցած Երուսաղէմի անցքերուն, որոնք առիթ ընծայեցին իմ լիազօր պատուիրակ ընտրուելուս և Երուսաղէմ ուղեւորելուս:

## ԼԷ

Դասնասկոս, 1918 մարտ 2|15 Ուր.

Վարչութեան կողմէ պատուիրակ ընտրուելա տեղի ունեցաւ Սառն Ժողովոյ 20 ներկաներու 18 քուէով 1914 ապրիլ 21|4 մայիսին, և ուղեւորելու 26|9ին: Ընտրութիւնը տեղի կ'ունենար նոր Կանոնագիրին հաստատուելէն ետքը, իսկ ես այս Կանոնագիրին ընդդիմադիր էի, ուստի առաջին անգամ պէտք է այս առեղծուածը պարզել:

Այն Վարչական Սառն Ժողովը, որուն հովանաւորութեան ներքե կազմուեցաւ 1913 դեկտեմբեր 7|20ի Կանոնագիրը, գործէ քաշուեցաւ 1914 տարւոյն սկիզբները, և փետրուար 28|13 մարտին նոր Վարչութիւնը ընտրուեցաւ, որուն ես ալ անդամակից ըլլալ ստիպուեցայ և Կրօնականի ստենապետութիւնն ալ ստանձնեցի, ինչպէս յիշած եմ: Նոր Վարչութիւնը խոհականագոյն տարրերն է կազմուեցաւ, որ դիւրաւ զգաց նոր Կանոնագիրին գործադրութեան անյարմարութիւնը, սակայն Ընդհանուր Ժողովէ հաստատուած որոշում էր, և որոշումը իր ոյժն ունէր: Կանոնագիրը փոփոխելու համար Երեսփոխանութեան դարձնել ապաժամ էր և ելքն ալ յեղակարծ, զանց ընել և անգործ թողուլ դիւրին չէր, զի պաշտպաններ ունէր, գործադրելն ալ նոր Վարչութեան համոզման համաձայն չէր: Իբրեւ միջոսահման եղանակ մը Վարչութիւնը եկաւ Երեսփոխանութեան առջեւ յայտարարել, թէ գործադրութիւնը դժուարութեանց կը բաղխի և շատ նախապատրաստութեանց պէտք ունի, ուստի ինքն առայժմ պիտի աշխատի գետինը պատրաստել, որ հնար լինի գործադրութեան անցնիլ: Այդ գաղափարը կոչուեցաւ գործադրութիւնը հեռապնդել, և մէկ կողմ թողուեցաւ գործադրել բացատրութիւնը: Երեսփոխանութիւնն ալ թափանցեց գործին ներքինը, և գոհ եղաւ որ իր պատիւը կը պահուի, և Վարչութիւնը ազատութիւն ստացաւ իւր ծրագրած ձեւով գործել և պարտաւորութենէ ալ զերծ մնալ, զի

հետապնդողը ելքը չ'երաշխաւորեր: Այդ բանաձեւին մէջ գլխաւոր դերն ունէի, և ահա թէ ինչո՛ւ զայն իրականացնելու համար իմ վրաս դարձաւ Խառն ժողովին միաձայնութիւնը, զի երկու պակաս քուէներէն մէկը իմս էր: Այլեւս ինձի անհնար էր խուսափիլ, և յօժարակամ յանձնառութիւնս յայանեցի: Արդէն երկար տարիներէ ի վեր Սուրբ Տեղերը և Պաղեստինը տեսնելու փափաքն ունէի, և ահա՛ առիթը կը ներկայանար. մեծ համարում ունէի Երուսաղէմի Աթոռին կարեւորութեան վրայ, և ահա՛ այդ նպատակին աշխատելու դուռը կը բացուէր. հաստատուն էր նոր կանոնագիրը վիժեցնելու դիտումս, և ահա՛ անոր բախտը իմ ձեռքս կը յանձնուէր: Ահա՛ առեղծուածին յուժումը: Պատուիրակութեան աշխարհական ընկեր մը աւելցնել պէտք էր, եւ ընտրուեցաւ Քաղաքական ժողովականներէն Գէորգ Կիւրեղեան փաստաբունը, որ յանձն առաւ միայն համառօտ ժամանակ մը գործակցիլ, գլխաւորապէս կալուածական վաւերագիրները ուսումնասիրելու համար, որոց մասնագիտութիւնն ունէր: Երեսփոխանութիւնը կանխած էր իրեն ներկայացուցիչը ընտրել Վահան Թէքէեան բանասէրը, վարչական եւ վանական եւ եկեղեցական նախընթաց շունեցող մը, որ կը ցուցնէր թէ Երեսփոխանութիւնն ալ մեծ կարեւորութիւն չէր տար իւր ներկայացուցչին գործունէութեան: Անոր ուղեւորութիւնն ալ յետաձգել տալ դիւրին չէր, երթալն ալ արդարացնելու համար ըսուեցաւ թէ հետապնդող Պատուիրակութեան կ'ընկերանայ տեղն ու գործը սերտելու և ուսումնասիրելու, որպէսզի կանոնագիրին գործադրութեան ժամանակը հասած աւտեն պատրաստ գտնուի:

Ուղեւորութիւնս տեղի ունեցաւ ընտրութենէն հինգ օր ետքը, ապրիլ 26/9 մայիսին, զի շտապեցնող պարագայ մըն ալ վերայ եկած էր: Երուսաղէմէ մասնաւոր հեռագիր մը զեկուցած էր թէ փոխանորդութիւնը վարող Աճէմեան գաղտնի կերպով վանական գոյքեր իւրացուցած և Պիլէճիք իւր ծննդավայրը յղած է. սնտուկները Զմիւռնիոյ մէջ առաջնորդարանի ձեռքով զննութեան ենթարկուած էին, և պէտք էր այդ գործը շուտով քննել, ստուգել և դարմանել: Մասնաւոր կերպով յանձնարարուեցաւ Պարգև Փափաղեան պատուիրակը խարազանող վարդապետը պատժել, ինչպէս նաև Յոպպէի մէջ սպասող արտաքսուած տեղապահին կացութիւնը ճշդել և պատշաճը կարգադրել: Ասոնք և ուրիշ

նմաններ գլխաւոր պաշտօնին յաւելուածներ կը կազմէին: Ես կանխեցի ուղեկիցներէս առաջ մեկնիլ, թէ Զմիւռնիոյ առաջնորդ Ինճէեան Մատթէոս եպիսկոպոսի հրաւերը յարգելու, և թէ Աճէմեանի սնտուկներուն գործը նայելու համար: Շաբաթ ապրիլ 26/9 մայիսին Կ. Պոլիսէ մեկնեցայ, կիրակի առտու Կէլիպոլուցիներէ պատուասիրուեցայ, երկուշաբթի 28/11ին Զմիւռնիա հասայ, հայ եւ յոյն առաջնորդներու և ազգայնոց ամէն դասակարգերու ցուցադիր պատուասիրութեամբ, գիշերեցի մեծամեծներէն էստեան Ղուկասի տունը, հրաւերներ ունեցայ, կուսակալէն պատուուեցայ, պատյտներ ըրի, քարոզեցի, եւ չորեքշաբթի 30/13ին նոր հասնող Կիւրեղեանի և Թէքէեանի հետ դարձեալ նաւելով մայիս 1/14ին Պիրէոն և Աթէնք շրջեցայ, 3/16ին Աղեքսանդրիա հասայ, ուր Պողոս Նուպար բաշա յատկապէս Գահիրէէ եկած էր անձնական ծանօթութիւն ընելու, և 5/18ին Յոպպէ ու 6/19ին Երուսաղէմ մտայ փառաւոր հանդիսութեամբ: Ինծի ուղեկից էին չորս վարդապետներ, յատկապէս դիմաւորելու եկած, Վահան Քէշիշեան թարգման, Սիմէոն Թելեան Յոպպէի տեսուչ, Ղուկաս Յովհաննէսեան Ռէմլէի տեսուչ, եւ Մատթէոս Գայրզճեան Եգիպտոսի տեսուչ: Երուսաղէմի պաշտօնավարութիւնս 1914 մայիս 6/19էն մինչև 1916 օգոստոս 6/19 ճիշդ երկու տարի ու երեք ամիս տեւած է, որուն ներքին ուղղութիւնը եւ արտաքին նշանակութիւնը բացատրելու չմտած, իդէպ կը համարիմ մասնաւոր եւ կղզիացեալ դիպուածները քաղել:

Աճէմեանի սնտուկները պատրիարքարանի ազգարարութեամբ Զմիւռնիոյ մէջ վար դրուած, և առաջնորդարանէ ու մաքսէ նշանակուած անձերու կողմէ զննուած, և պարունակութիւնը մի առմի արձանագրուած էր, և անձնական գոյքերէ տարբեր վանական և ո՛չ մի բան գտնուած էր: Ես միասին առած էի զննական արձանագրութեանց բնագիրները, իսկ Աճէմեան Երուսաղէմի մէջ կառավարութեան ձեռքով քննութիւն բանալ տուած, և տեղեկատուութիւնը Պողոս Վարժեան երիտասարդ սարկաւազի վրայ հաստատուած էր, և Վարժեան իբրև զրպարտիչ պետական դատարանի յանձնուած և վանական կարգադրութեամբ ալ Ռէմլէի Ս. Գէորգ վանքը ապաշխարութեան ղրկուած էր: Զմիւռնիոյ քննութեամբ զրպարտութեան մասին երկբայութիւն չըլլալով, Վարժեանի համար եկեղեցական խիստ պատիժ կը պա-

հանջուէր ինձմէ, սակայն մասնաւոր քննութեանց ձեռք կը հաստատուէր թէ նա հաշուեխոյս կողմին գլխաւորներուն ձեռք միամիտ գործիք մը եղած էր հեռագիրը յղելուն մէջ, հաշուեպահանջ Աճէմեանը աղարտելու և վանական կառավարութեան մէջ փոփոխութիւն յառաջ բերելու դիտմամբ: Ըստ այսմ արդարութիւնը կը պահանջէր պատիժներ աւելի բարձրէն սկսիլ, ինչ որ միաբանութեան մէջ նոր միջադէպերու առիթ պիտի ընծայէր: Ուստի բաւական սեպեցի ժամանակ մը ևս Վարժեանը ապաշխարութեան ներքեւ թողուլ, խստիւ խրատել, և կառավարական դատարանին առջև ալ գործը դիւրացնելով խնդիրը փակել:

Պարզեւ Փափագեան պատուիրակի վրայ խարազանը փորձողը եղած էր Հմայեակ Երէցեան վարդապետը, դիւրագրգիռ ու գրգռիչ, յախուռն ու առջև նետուող անխորհուրդ քնաւորութիւն մը: Վստահելի եւ լիովի պատմութիւններ հաստատեցին թէ բաւական թիւով խուճբ մը եղած էր Փափագեանի վրայ յարձակողը, լուտանքներ խօսելով, սպառնալիքներ կըրկնելով, և տհաքեկել աշխատելով, որոց կարգին Հմայեակ ալ ձեռք նետած էր իւր խարազանին, որ աւելի անունին նշանակութեամբը քան թէ հարուածին ուժգնութեամբը կարեւորութիւն կ'առնէր: Ըստ այսմ պատուիրակին դէմ եղած անարգանքը, որ խնդիրին էութիւնը կը կազմէ, միայնոյ Հմայեակի գործը չէր եղած, և մէկ տեսութեամբ մը աւելի ծանր էին լուտանքն ու սպառնալիքը, քան խարազանին փորձը, և եթէ գործը իւր խսկութեան մէջ նկատի առնուէր, պէտք էր մէկէ շատ աւելի անձերու վրայ տարածել խստութիւնը, նոյնիսկ Չիլինկիրեան Եղիշէ եպիսկոպոսէ սկսելով, որ պատուիրակը հալածողներուն գըլուխը անցած էր: Արդ իմ նպատակս և իմ պաշտօնս կը պահանջէր աւելի միջադէպները պակսեցնել և յարմարիլ, քան թէ նորեր ստեղծել, ուստի խոհեմութիւն սեպեցի միայնոյ Հմայեակի հանդէպ լռութիւն պահել, քան թէ շատերու դէմ խստանալ:

Վարչութեան առաջարկած էի որ ինձի տրուելիք պաշտօնը նման ըլլար Անդրիանուպոլսեցի Պօղոս պատրիարքի պաշտօնին՝ իբրև Ծայրագոյն կառավարչութիւն կատարեալ իշխանութեամբ գործելու և ուրիշի կապուած չըլլալու պայմանով, մինչ Պատրիարկութիւնը, որչափ ալ յիսգօր յաւելուածով զար-



դարուած՝ տեղական պաշտօնէութիւնը չէր դադրեցներ, և Տնօրէնէն անկախաբար գործելու իրաւունք չէր տար, և պէտք կ'ըլլար շատ մը ձեւակերպութիւններէ անցիլ, մինչև որ բան մը որոշել տրուէր և որոշումը գործադրութեան դրուէր: Տնօրէնն ալ հինգ անդամ ունէր, Դաւիթ Տէրտէրեան լուսարարապետ և Սարգիս Աճէմեան փոխանորդ՝ հաշուեպահանջներէն էին, Վահան Քէշիշեան թարգման՝ երկու կողմերն ալ կը շօշափէր, Աթանաս Ասլանեան Ս. Յարութեան Տեսուչ և Յարութիւն Պարոնեան դիւանապետ՝ հաշուեխոյս կողմին կը պատկանէին, այնպէս որ ոտքի ամուր կըռուանն ալ կը պակսէր ազգու տնօրինութիւններ ընելու: Միւս երկու անդամակիցներ՝ Գրիգորիս Պոյաճեան և Հմայեակ Երէցեան առջի օրէն հրաժարած էին և գործունէութիւն ունեցած չէին: Պոյաճեան նոր հրաւերիս ալ հրաժարականով պատասխանեց:

Առաջին գործը, զոր անձնական իշխանութեամբ կարգադրեցի, ելեմտից տեսչութիւնը Պարոնեանէ առնելն էր, զի գործը փափուկ էր, ինքն ապիկար, և Մագսուտեանի հրահանգներուն ծառայ էր: Մագսուտեան Վերիտոն կը մնար և Պարոնեանի հետ շարունակ թղթակցութեան մէջ էր: Այդ միտքը Երուսաղէմ չհասած յղացեր էի, և Գայրգճեանը, որ Գահիրէի կալուածոց տեսուչն էր և Աղեքսանդրիա ողջունելու եկած էր, միասին առած և Երուսաղէմ բերած էի: Այս առաջին փորձը յաջող քալեց, բայց շուտով զգացի թէ պատուիրակի անունն ու կերպարանը պիտի չներէ շարունակ այսպէս ազատաբար գործել:

Իբրև պաշտօնակից կամ ընկերակից ինձի հետ եկողներ, Կիւրեղեան և Թէքէեան, շատ քիչ ատեն մնացին Երուսաղէմ: Կիւրեղեան ամիս մը կամ քիչ աւելի զբաղեցաւ հին մուրհակները, հրովարտակները ու կալուածագիրերը պրպտել, և անոնց մէ ամփոփում մը քաղել, և իւր գործը աւարտած սեպելով և Կ. Պոլսոյ մէջ փաստաբանական յանձնառութիւններ ունենալով մեկնեցաւ Կ. Պոլիս, և պատուիրակութիւնը իմ վրաս մնաց ամբողջապէս: Վարչութիւնը խորհեցաւ քաղաքական ժողովականներէն Բարսեղ Աւետիսեան վաճառականը յաջորդ յղել, սակայն դեռ խորհուրդը չիրագործուած պատերազմներու շփնդը սկսաւ, և գործը դժուարացաւ, և մինչև վերջը առանց գործակիցի մը նացի:

Թէքէեան առջի օրեր բնաւ դիտողութիւն չունէր, և հանձ

պիստ կ'ապրէր Չարտախ կոչուած յարկաբաժինին մէջ, որ վանքին տրամադրելիներուն մէջ ընտրելագոյն սեպուած է: Արդէն որոշուած էր որ իբրև ներկայացուցիչ գործունէութիւն պիտի չունենար, սակայն հաշուեխոյսներ սկսան իրեն մօտենալ, զինքն գրգռել, գործունէութեան յորդորել, անոր ձեռքով զիս չափաւորելու կամ չէզոքացնելու համար: Նոր Կանոնագիրին դէմ բողոքողներ նոր Կանոնագիրին պաշտպան դարձած էին. Թէքէեան ալ միամտաբար, կամ թէ իրեն գործունեայ գիրք մը ստեղծելու մտայնութեամբ, սկսաւ իւր յարկաբաժինէն գանգատիլ, և պատրիարքարանի մէջ պաշտօնատեղի ուզել գործերուն մօտէն հսկելու համար: Հարկադրուեցայ իրեն գալու Նպատակը իրեն յիշեցնել. գիրի դիմեց, գիրով ալ պատասխանեցի. չէի կրնար Կանոնագիրի գործադրութեան անցնիլ, քանի որ դեռ հետապնդութեան վրայ էինք: Կեդրոնին ալ դիմեց, անկէ եկող նամակներուն ալ յստակօրէն պատասխանեցի: Բնակութիւնը քաղաքամիջի պանդոկ մը փոխադրեց, այն ալ աննշանակ թողուցի, և օրուան մէկը լսեցի որ առանց լուրի և առանց հրաժեշտի Եգիպտոս մեկնած է: Ամսաթոշակի պահանջման խնդիր յարօյց, պաշտօն չունենալով թոշակ պահանջելուն չհամակերպեցայ. Կեդրոնը իրեն ձեռքը գտնուող երուսաղիմապատկան գումարներէ վճարում մը ըրաւ, անոր ալ դիտողութիւն ըրի. վերջապէս ինքն ալ ստիպուեցաւ լռել, և նոր Կանոնագիրին գլխաւոր տրամադրութիւններէն մին փակուեցաւ ու վերջացաւ իւրովի: Այս ամէնը կատարուած էր մեր գալու ենկրորդ ամիսը չլրացած:

Վարժապետութիւնը կամ ուսուցչութիւնը ինձի ընածին ախտ մը դարձած է, և ամէն պաշտօններու մէջ դպրոցական զբաղումներու լայն բաժին տուած եմ: Տարբեր չէր կրնար ըլլալ Երուսաղէմի պաշտօնն ալ, ուր Ժառանգաւորաց Վարժարան մը կար, շատ համեստ և պարզ նախակրթական ծրագիրով: Քիչ մը շարժում ազդելու համար մայիս 19|1 յունիսէն, այսինքն հասնելէս երկու շաբաթ ետքը, սկսայ շաբաթական ազատ դասուխօսութիւններ ընել, որուն միաբաններէն ալ բաւական թիւով կ'ունկնդրէին: Նիւթ ընտրած էի Հայ Եկեղեցւոյ պատմութիւնն ու վարդապետութիւնը: Իսկ սուելի հիմնական բան մը ըրած ըլլալու համար լրացուցիչ դասարաններ բանալու աշխատեցայ, որ նպատակով մէկ երկու տարի առաջ Մոսկուայի մեծամեծներէն

Յովհաննէս Ժամահարեանց դրամագլուխ մըն ալ նուիրած էր, բայց գործադրութիւնը կը յապաղէր: Յուլիս 28|10 օգոստոսին նոր շրջանաւարտները զատեցի, և առանձին յարկաբաժինի մէջ ղետեղեցի, և սեպտեմբեր 22|5 հոկտեմբերին դասախօսել սկսայ, նիւթ ունենալով Աւետարանի ներածութիւն, տրամաբանութիւն ու հոգեբանութիւն, և բնական ու ջատագովական աստուածաբանութիւն: Իսկ 1915 հոկտեմբեր 14|27ին նոյն տարւոյ շրջանաւարտներէն երկրորդ դասարան մը կազմեցի, և առաջիններուն սկսայ տեսական և բարոյական աստուածաբանութիւն, առաքելական թղթոց ներածութիւն, գրաբարի վարժութիւն, և ատենաբանութիւն. իսկ 1916 հոկտեմբեր 24|6 նոյեմբերին լրացուցիչ դասարանները կամ լսարանները եղան երեք, և երկրորդ տարւոյ նիւթերու շարունակութենէն զատ՝ կանոնագիտութիւն կամ եկեղեցական օրէնագիտութիւն ալ աւելցաւ: Այդ ուսուցչական աշխատութիւնները կատարեցի միշտ սիրայօժար յանձնառութեամբ, առանց որևէ փոխարինութեան: Ուսուցչական զբաղումներս դադարեցան 1917 ապրիլ 12|25ին, երբոր դպրանոցի աշակերտները նոր օրէնքներու զօրութեամբ զինուորագրուիլ ու ու մեկնիլ պարտաւորուեցան:

Յրիւ նիւթերէն առայժմ այսչափը քաղելով կ'անցնիմ պատճուիրակութեան յատուկ գործունէութիւնս բազատրել:

ԼԸ

Դաւնասկոս, 1918 2|15 մարտ Ուրբ.

Կեդրոնական Վարչութեան մտադրութիւնն էր, որ Յակոբեան տեղապահ գործի գլուխ դարձուէր, զի Վեհապետեանի պաշտօնանկութենէն ետքն ալ՝ մահուամբը թափուր մնացած աթոռին տեղապահ հաստատուած էր, առանց միտք դարձնելու մահուան պարագաներէն ծագող միաբանութեան ընտրողական իրաւունքին: Ասով Յակոբեան նախապէս զինքը ընդունողներէն ալ սկսած էր իբր ապօրինի պաշտօնավարող մը նկատուիլ, և այս

տեսակէտը շեշտուած էր իւր անունին ընտրելեաց եօթնանուն ցանկին մէջ չմտնելովը: Արդէն խումբ մը զինքը բռնի վանքէն վտարած էր, և ինքն ալ անգործ Յոպպէ կը մնար, որ համակիր խումբէն ալ իբրև ապիկարութեան նշանակ կը նկատուէր, այնպէս որ վանքին մէջ ո՛չ այս և ո՛չ այն կողմէն անոր համակիր և պաշտպան մէկ մը չկար: Ինչ ալ ըլլար Կեդրոնական Վարչութեան մտադրութիւնը, ես չէի կրնար զինքը միասին Յոպպէէ Երուսաղէմ բերել, և երբոր միատեղ գալու շարժումներու սկսաւ, հարկ սեպեցի ազդարարել որ համբերէ մինչև որ ես Երուսաղէմի մէջ կարևորը կարգադրեմ: Չմոռնանք յիշել, որ եթէ ես իմ ձեռքով տեղապահութիւնը վերականգնէի, շատ ամփոփած պիտի ըլլայի իմ պատուիրակութեան գործունէութիւնը:

Երուսաղէմ հասնելով իրականութեան աւելի մօտէն հասու եղայ, որ Յակոբեանը տեղապահ ուզող մէկ մը չկար, և ես ընդհանուր կամքին վրայ բռնացած պիտի ըլլայի, եթէ Յակոբեանին պաշտպան կանգնէի: Մինչև իսկ իմ ընդունելութեան առաւելագոյն շքեղութիւնն տրուած էր, երբ հեռագիրով լուր առած էին թէ Յակոբեանը միասին չեմ բերեր: Յակոբեան գրեթէ հանապազօրեայ թղթակցութեան սկսաւ իր իրաւունքները ինծի հաղորդելու, և պաշտօնագիրներու պատճէններով հաստատելու, որոց միշտ յետաձգման դրութեամբ պատասխանեցի, թէ տակաւին պէտք եղած նախապատրաստութիւնները լրացած չեն, մինչև որ ինէ իրեն նպաստաւոր որոշում մը ունենալէն յոյսը կտրելով, Յոպպէէ մեկնեցաւ Կ. Պոլիս երթալ որ Կեդրոնին մէջ իւր իրաւունքը պաշտպանէ: Բայց ես փութացի գործերուն իսկական վիճակը հաղորդել, և Կեդրոնն ալ հակառակ որոշումէ զգուշացաւ, քարոզչական պաշտօն տուաւ, թէպէտ տեղապահ կոչման կիրառութիւնը չդադրեցուց, մինչև որ նա Անդրիանուս պոլսոյ կուսակալութենէն իբրև կասկածելի ամբաստանուեցաւ, և Բարձրդուռէն զայն պաշտօնի չգործածելու հրաման տրուեցաւ: Այսպէս միանգամընդմիշտ տեղապահութեան խնդիրը փակուեցաւ:

Երբոր Կ. Պոլիսէ կուգայի, Արդարութեան և Կրօնից և Ներքին Գործոց նախարաներէն պաշտօնագիրներ ունէի Երուսաղէմի կառավարչութեան ուղղուած, որոնց մէջ ըսուած էր թէ Երուսաղէմի հայ պատրիարքութեան գործերը պիտի հոգայ ու վարէ: Այս գիրերը բաւեցին որ կառավարութիւնը, որ վերա-

պահութեամբ Աճէմեան Սարգիս վարդապետի դիմումները կ'ընդունէր, այլևս ունկնդրութիւնը դադրեցնէ, և ինծի հարկ ըլլայ յարաբերութիւնները ձեռք առնել: Սակայն տակաւին ներքինին մէջ փոփոխութիւն մտածանել չուզեցի, մինչև որ Աճէմեան, որ սնտուկներուն միջադէպին ատենէն վանքէ հեռանալ մտադրած էր, օղափոխութեան պէտք ունենալը պնդեց և յամառեցաւ, և վերջապէս ստիպուեցայ մեկնիլը արտօնել 1914 յուլիսի մէջ: Այսպէս փոխանորդութիւնն ալ վերջացաւ, և գործոց բնական ընթացքով լիազօր պատուիրակութիւնը ներքին վարչութեան փոխուեցաւ առանց անունը փոխելու, և ինծի անցան բոլոր մեծաւորական գործունէութեան պատկանեալները՝ Տնօրէն Ժողովոյ նախագահութիւն, կառավարական յարաբերութիւն, պաշտօնագիրներու ստորագրութիւն, պատահական խնդիրներու լուծում, առօրեայ կարգադրութեանց հրամանատուութիւն, ժամարարներու ժամուցներու բաշխում, հաշիւներու վերահսկողութիւն և արդէն եկեղեցւոյ մէջ ձախակողմեան դասը առանց պատուանդանի աթոռը առջի օրէն գետեղուած էր: Միայն չուզեցի նոր կամ նորոգեալ պարտամուրհակները ստորագրել, ապագային խնդիրի նիւթ տուած չըլլալու համար, և Տնօրէն Ժողովով այդ ստորագրութեան իրաւունքը լուսարարապետ Դաւիթ Տէրտէրեանի տրուեցաւ, որ իբրև փոխ-նախագահ ճանչցուած էր:

Իբր Երուսաղէմի վարիչ պաշտօն վարելս երկու տարի տևեց 1914 օգոստոսի սկիզբէն մինչև 1916 օգոստոսի սկիզբը:

ԼԹ

Դաւեանկոս, 1918 մարտ 2/15 Ուր.

Որևէ գործի մէջ կատարեալ գիտակցութեամբ յառաջելու պայմանն է՝ ամէն պարագայից մօտէն և լիազօյն և վստահելի տեղեկութիւններ ունենալ. և որովհետև Երուսաղէմի մեծ խընդիրը հաշուական էր, նախևառաջ ուզեցի անոր վրայ աշխատիլ, և ստոյգ տեղեկութիւններ քաղել, և քաղածներս գիրի առնուլ:

Պարտքի խնդիրը առաջին էր, և պէտք էր գիտնալ անոր սկզբնաւորութիւնը, շարունակական աճումը, տճման պատճառները, և պարտատէրներուն ո՛վ և ո՛ւր ըլլալը: Այս նպատակին համար հին հաշուետոմարները գիւաններէն հանեցի, քաղուածոներ կազմեցի, տարեկան փոփոխութիւնները ճշգեցի, ինծի օգնական ունենալով ելեմտից տեսուչ Գայրզճեան վարդապետը, և համարակալ Սողոմոն Գրիգորեանը: Այդ զննութեանց արդիւնքն եղաւ որ Աղեքսանդրիոյ ծանօթ գետինին վաճառումին վրայ, ինչ ալ ըլլային վաճառումին մասին դիտողութիւնները, 1900 ապրիլին վերջը, Աթուին ելեմտական ամսվերջին, հաշուեփակը առանց պարտքի գոցուած էր, և նոր պարտքը գոյացած էր 1900 մայիսէն սկսելով: Այդ 1900էն 1905 հինգ տարիներու մէջ Մագսուտեան Անոնդ վարդապետի տեսչութեան ներքեւ գոյացած պարտքը 1905 ապրիլի հաշուեփակին եղած էր 23,000 ոսկի: Այդ հաշուեփակէն մինչև 1914 ապրիլի վերջ հաշուելի բաղադրեալ տոկոսը 4 առ 100 սակով ալ 10,000 ոսկւոյ կը մօտենար, որով Մագսուտեանի տնտեսութեան վրայ ծանրացող պարտքը կ'ըլլար 33,000: Իսկ 1914 ապրիլի հաշուեփակը 38,000 ոսկւոյ պարտք կը ցուցնէր, Մագսուտեանի տեսչութեան հետեւող ինը տարիներու մէջ բարդուած պարտքը կ'ըլլար միայն 5000, որ համեմատաբար շատ թեթեւ գումար մը կը կազմէ նախընթաց հինգ տարիներու վրայ հաշուելիք պարտքին համեմատութեամբ, և ինքնին կը հերքուի Մագսուտեանի կողմէ իր տեսչութենէ ետքը գոյացած պարտքերուն մասին ձայնարկուած աղաղակները: Այդ եզրակացութիւնը ցուցուած է մանրամասնօրէն կազմուած ցուցակներով և բացատրութիւններով, որոնք Հաշուական Տեղեկագիրին առաջին մասը կը կազմեն:

Վանքին ընդհանուր հաշիւներն ալ ուզեցի քաղել, այն օրէն սկսելով որ վերջին անգամ Երեսփոխանութենէ վաւերացուած են, բովանդակ քսանեմէկ տարիներու հաշիւներ, որոնք կը կազմեն Երուսաղէմի հաշուական համարատուութիւնը, և որուն մէջ տարիէ տարի կը տեսնուին մանրամասնեալ հաշուեցուցակները, բաղդատական տեսութիւնները ու բացատրական տեղեկութիւնները: Այդ ընդարձակ Տեղեկագիրը մաքուր ընդօրինակութեամբ և բազմագրութեամբ կարևոր տեղեր հաղորդուեցաւ, բայց շինութեանց և նորոգութեանց, վաճառմանց և գնմանց

գործողութիւնները, որոնք Մագսուտեանի տնտեսագիտութեան գաղտնիքները կը կազմեն, հաշուետոմարներու մէջ չկային և Տեղեկագիրին մաս չկրցան կազմել: Այս աշխատութեամբ ոչ միայն ես կրցայ ներքին համոզում և լիակատար գիտակցութիւն կազմել, այլ թերի մնայած պաշտօնական գործողութիւն մը լրացուցած եղայ, եւ հետաքրքիրներուն ճարակ և յագուերդ մատակարարեցի:

Կարգը հասած էր նոր Կանոնագիրին մասին կարծիքս համարձակաբար յայտնելու, և այս նպատակով գրեցի Դիտողագիրը, որուն մէջ խիստ քննադատութեամբ միառմի յառաջ բերած եմ անոր պարունակած անտեղութիւնները և ազգային կեանքին վնասները և տիրող օրէնքներու հետ հակասութիւնները: Իբրև նախաբան յիշուած ընդհանուր տեսութիւններէ ետքը, բացատրաբար յառաջ բերուած են Երուսաղէմի Աթուին դիրքը, Ազգային Սահմանադրութեան սկզբունքները, Ուլնեցի Կարապետ կաթողիկոսին հռչակած և Հաննայի կոչուած նղովքները, և զանազան խնդիրներու առթիւ տեղի ունեցած որոշումները: Անցած եմ քաղել նոր Կանոնագիրին բարոյական և նիւթական մնասները և երևակայուած օգուաները իրականացնելու անբաւականութիւնը, ակնարկուած են միտքերը վրդովող եղելութեանց իսկական պատճառները, փակած եմ անձիս նկատմամբ խօսուած կէտերուն լուսաբանութեամբը: Դիտողագիրը տպագրուեցաւ քառածալ երկիջեան 24 երեսներով, և ցրուեցաւ բոլոր միաբաններու, Կեդրոնի պաշտօնական անձերու, երեսփոխաններու և առաջնորդներու, խմբագիրներու և ազգային խնդիրներով զբաղողներու, ամէն կողմերէ գնահատուեցաւ և իւր արդիւնքն ալ ունեցաւ, զի նոր Կանոնագիրը այլևս մոռացութեան մէջ թաղուեցաւ:

Միշտ Երուսաղէմը իւր իսկութեան և կարևորութեան մէջ ազգին ծանօթացնելու համար ձեռնարկեցի Հայկական Երուսաղէմի Նկարագիրը պատրաստել, պէտք եղած ծանօթութիւններով ճոխացած: Աւարտած եմ Ս. Յակոբեանց մայրավանքը և մայր եկեղեցին, իրեն յարակից եկեղեցիներով և շինութիւններով և տիրող սովորութիւններով: Մտադիր էի սեպհական և ընկերովի Սրբավայրերն ալ նկարագրել, կալուածներն ու ստացուածները պատկերացնել, հանդէսներն ու յարաբերութիւնները բացատրել,

սակայն ուրիշ զբաղումներ վրայ հասան և խափանուեցայ: Եթէ գործը այդ մասերով լրացած և պատկերազարդ տպագրուի, ուխտաւորներուն ձեռքը օգտակար ուղեցոյց և հեռաւորներուն ձեռքը յագեցուցիչ տեղեկատու մը կրնայ ըլլալ, և Երուսաղէմի վրայ վարկպարտի դատաստաններ չընելու և ազգային շահին հակառակ միտքեր չունենալու կը ծառայէ:

Ձեռնարկեցի Կնճիռ մըն ալ գրել Ղևոնդական կնճիռը ու Մագսուտեանի դերը լիովին լուսաբանելու համար, սակայն երբոր հաշուական բաղդատութիւններու մտայ, զգացի որ առանց վաւերական աղբիւրներ ունենալու վճռական բան մը անհնար պիտի ըլլար ըսել, և գրութիւնը կիսկատար թողուցի:

Այդ գրութիւնները գրուեցին Երուսաղէմ հասնելէս ետքը սահող առաջին ամիսները, որոնք բոլորովին պատուիրակութեան պաշտօնիս հետ կապուած էին, եւ նպատակին անհրաժեշտ էին: Յաջորդ 1915 տարւոյ սկիզբէն, և ճշգիւ յունուար 9/22էն ձեռնարկեցի Ազգապատում աշխատութիւնս լրացնել, որ մինչև 1808, կամ մինչև Դանիէլ Սուրմառեցի կաթողիկոսին մահը, գրուած և երկու հատորներով տպագրուած էր: Նոր աշխատութիւնը սկսայ Եփրեմ Զորագեղցի կաթողիկոսով, և մինչև 1917 հոկտեմբեր աշխատեցայ, ուրիշ զբաղումները չյետաձգելու պայմանով, և երկասիրութիւնս հասցուցած եմ մինչև Մատթէոս Իգմիրլեան կաթողիկոսին օծումը 1909ին: Վերջերս պարտաւորուելով Երուսաղէմէ մեկնիլ և այլևս գիր ու գիրք, յիշատակագիր ու վաւերագիր չունենալով ձեռքիս տակ, շարունակութիւնը թողած եմ բարեպատեհ ժամանակին, եթէ կեանքի օրեր և ոյժ և գրութեան միջոց և ուշ ունենամ:

Առայժմ Դամասկոսի պանդխտութեան կամ տարագրութեան մէջ, յիշողութենէ զատ տրամադրելի աղբիւր չունենալով, 1917 նոյեմբեր 22/5 դեկտեմբերէն իվեր, իբրև ժամանցի զբաղում սկսած եմ սոյն կենսագրական Խոնի ու Սուսերս գրել:

Կապիմ:

Կապիմ:

Կապիմ:

Կապիմ:

Կապիմ:

Կապիմ:

Կապիմ:

Կապիմ:



2

Դառնակոս, 1918 մարտ 2/15 Ուր

Երուսաղէմի պաշտօնավարութեանս միջոցը թէպէտ երկու  
տարի երկարեցաւ, բայց պէտք է խոստովանիմ՝ թէ ո՛չ պահանջ  
ընկածին և ո՛չ փափաքածիս չափ արդիւնաւոր չեն եղած: Շատ  
գեղեցիկ ծրագիրներով և շատ ընդարձակ միտքերով ճանապարհ  
լած էի Կ. Պոլիսէ. տիրող խնդիրները վերջացնել, հաշուական  
կացութիւնը բացատրել, համերաշխութիւն գոյացնել, միաբա-  
նութիւնը ոգևորել, վանական հոգին վառել, բարեկարգութիւն-  
ները լրացնել, վարժարանը բարձրացնել, և տիպար վանքի մը  
պահանջած պայմանները լրացնելով՝ արժանաւոր գլուխի մը յանձ-  
նել: Այս նպատակին համար պէտք էր Կեդրոնէն կատարեալ զօ-  
րութիւն ու պաշտպանութիւն ունենալ, և ազգէն նիւթական  
միջոցներու առատութիւն ձեռք ձգել: Թէպէտ Կեդրոնէն կատար-  
եալ զօրութեամբ օժտուած չէի, բայց մեծ յոյս ունէի հետզհետէ  
ընդարձակել և աւելցնել, մանաւանդ եթէ շօշափելի բարւոքումներ  
տեսնուիլ սկսէին: Իսկ նիւթականին համար բարեսէր ու բարե-  
պաշտ, բարեգործ և բարերար անձանց անունները կ'որոճայի,  
մանաւանդ մեծ յոյս դրեր էի ռուսահայոց և գաղթահայոց ունեոր-  
ներուն վրայ, որոց մէջ վստահութիւն և համակրութիւն վայե-  
լելու նշաններն ունէի: Այն երեք ամիսներու մէջ, որ 1914 մա-  
յիսի սկիզբէն մինչև օգոստոսի սկիզբը անցան, հազիւ թէ հնար  
էր տեղը ճանչնալ, պարագաները ուսումնասիրել, տեղեկութիւն  
հաւաքել, և գիտակցութիւն կազմել, հարթելով նաև Աճէմեան,  
Յակոբեան և Թէքէեան միջադէպները, զորս վերև բացատրեցի,  
և որք անհրաժեշտարար ժամանակի կորուստ պատճառեցին:

Հազիւ թէ նախապատրաստութիւնները վերջացուցած կը  
կարծէի, և ահա՛ 1914 օգոստոսին պատերազմի առաջին ռումբը  
կ'արձակուէր Եւրոպիոյ մէջ և երկու կողմերու դաշնակիցներ և  
բարեկամներ, մէկը միւսին ետևէն, պատերազմիկ պետութեանց

թիւերը կը ստուարացնէին: Սեպտեմբերի մէջ օսմանեան կայսրո լթիւննալ իւր մասնակցութիւնը կը յայտարարէր, և բոլոր Եւրոպա ամբողջաբար պատերազմի դաշտ կ'ըլլար, և պատերազմին համեւրոպական կերպարանը չճշդուած համաշխարհական կը դառնար: Այսպէսով նախնական ծրագիրիս հիմերը քարուքանդ կը տապալէին, պաշտօնական գորութիւնը անհնարութեան կը մատնուէր, նիւթական գորութեան ակերը ու խողովակները կը խցուէին, անձնական և անհատական գործունէութենէ, և սեղմ շրջափակին տկարացած ոյժերէն զատ առձեռն պատրաստ միջոց չէր մնար, գեղեցիկ ծրագիրները երազ կը դառնային:

Այդ բռնադատեալ կացութեան առջև հարկ կ'ըլլար ինքն իր մէջ ամփոփուիլ, վանական կեանքին կանոնաւորութիւնը ապահովել, վարժարանին ընթացքը չխափանել, եկեղեցական պաշտամունքը թերի չթողուլ, Աթոսին դիրքը չվտանգել, ներքին համաձայնութիւնը պահպանել, միջադէպներ ստեղծողներուն ու գլուխ վերցնողներուն ասպարէզ չտալ: Մանավեան Յարութիւն սարկաւազի անդեղ խառնակութեանց և գրգռութեանց տարուքերեալ ձեռնարկները կարգալուծութեամբ և արտաքսմամբ վերջ գտան, չորս սարկաւազներու ըմբոստութիւնը ժամանակաւոր ուրարազրկութեամբ դադրեցաւ, Չիլինկիրեան Եղիշէ եպիսկոպոսի գլխաւորութեամբ Երէցեան Հմայեակ և Սամուէլեան Սերովբէ վարդապետներու Ընդհանուր Ժողովի և ընտրեալ Տնօրէնին համար կազմած շարժումը սաստով մը խափանուեցաւ, Չիլինկիրեանի կեդրոնին ուղղած բողոքը յանդիմանական պատասխանով վիժեցաւ, նոյնին վանական գործոց համար զինուորական և քաղաքական իշխանութեանց դիմելը պատշաճ ազդարարութեանց շնորհիւ արդիւնք չունեցաւ, վերջապէս կացութիւնը վրդովելու և միջադէպներ գրգռելու փորձերուն ասպարէզ չտրուեցաւ, և սովորական կեանքը շարունակեց և ասկէց աւելին ալ չէր կրնար պահանջուիլ խանգարեալ և խաթարեալ պարագաներու բռնակալ տիրապետութեան ներքև:

Ամենէն տկար կողմերնիս գրամական անձկութիւնն էր: Վանական հասոյթը ուխտաւորական արդիւնքներէ և կալուածական վարձքերէ կը բաղկանայ. առաջինը խալառ ցամքեցաւ, և երկրորդը անուանական դարձաւ, վարձակալներուն անկարողութեան կամ գործերնին դադրեցնելնուն պատճառաւ, և վրձ

ճարտղներուն ալ հետզհետէ արժէքը կորսնցնող թղթագրամով տալուն համար: Գերագոյն և հզօրագոյն հարկին առջև փոխառութեանց լուծին ներքև մտնելէն զատ միջոց չմնաց, և ծանր տոկոսով փոխառութիւններ կնքել ստիպուեցանք, և ես ալ համակերպիլ պարտաւորուեցայ, միայն թէ զգուշացանք կալուած և ստացութիւն ձեռքէ հանելէ, և առառաւելն քիչ մը բան գրբաւի ենթարկելու հարկին հպատակեցանք: Ասոր հետ մէկտեղ սնունդը չհասուցինք այն խեղճութեան, որուն հասուց ինծի յաջորդող իշխանութիւնը. եթէ ինչինչ ծախքեր յապաւեցինք՝ մեծ գրկանքներ չպատճառեցինք, ժամուցները մինչև վերջը հնչուն գրամով տուի, հալածեալ և տարագիր ազգայիններու բաւականաչափ օգնեցինք, զինուորական պահանջներու և գրաւումներու ալ ենթարկուեցանք. վերջապէս գիրքերնիս չստորնացուցինք:

Իմ վրաս խօսելով, քեռայրիս Միհրան Տէր-Ներսէսեանի 1914 հոկտեմբեր 25/7 նոյեմբերին վախճանելէն ետքը կառավարութենէ վճարուած հանգստեան թոշակը անոր որբերուն և քրոջը յատկացուցած էի, Երուսաղէմի պաշտօնը ստանձնելուս առթիւ որևէ ամսաթոշակէ և փոխարինութենէ հրամարած էի, և նոյնիսկ ճանապարհածախսի համար ստացած գումարս պատրիարքարանի պահանջիս հաշուել յօժարած էի, Երուսաղէմի և պատրիարքարանի սնտուկներուն բեռ չըլլալու համար, պատրիարքարանէ նոր առհաշիւներ ստանալու համար ալ դժուարութեանց կը հանդիպէի: Սնունդիս համար Երուսաղէմի վանքին խոհանոցէն ու մառանէն կիսովի կ'օգտուէի, բայց ինէ ալ ծախսել պարտաւոր էի, որ է ըսել թէ դիւրութեանց մէջ գտնուող մը չէի: Արդէն ըսի թէ փոքրիկ խնայողութիւնս քեռայրիս և քեռորդիներուս փոխանցած էի, և քեռայրիս մահուամբ այն ալ թողօնին խառնուած կը մնար, և չէր կրնար կարգադրուիլ մանչ զաւակին օտար և ոչ բարեկամ երկիր գտնուելովը, ինչ որ քեռայրիս եղբոր խարկանքներուն պատճառանք կը դառնար:

Ահա՛ դարձեալ միջոց մը որ, անպաշտօն վիճակի ցամաքութեան կերպարանը կը ղգենու, և նորութիւններու ու միջադէպներու պաշար չ'ընծայի և կենսագրական յիշատակները չի ճռխացներ: Երբ յուսալի էր բեղմնաւոր արտի մը հանդիպելով լան հունձք ունկնալ, խոպան ու խոզան երկրի անպաղուձեան կը

հանդիպիմ, զի չէ թէ իղձն ու բաղձանքը, այլ գործն ու եղև լուծիւնը կենսազիրներու նիւթ կը մատակարարեն:

## ԶԱ

Դաւնակոս, 1918 մարտ 3/16 Շք.

Ս. Յակոբեանց վանքի հիւրերուն համար լաւագոյն և յարմարագոյն յարկաբաժինը Յորենաթաղի վրայ եղող Կիրակոս պատրիարքէ շինուած յարկաբաժինն է, ուր բնակած են նաև Խըրիմեան և Իղմիրլեան իրենց ակամայ ուխտաւորութեան միջոցին. նոյնը պատրաստուած էր ինծի համար: Մայր տաճարի արևելակողմէն 17 ոտքով մեղմօրէն բարձրացող սանդուխ մը մեծ բակէն կը հանէր Յորենաթաղի բակը, որ Կալիվրայ ալ կը կոչուի, երբ աջ դառնալով դարձեալ 17 ոտքով ցից սանդուխ մը կը հանէ յիշուած յարկաբաժինը: Միջավայրը սրահ մըն է երեք բաժինով, առաջին մուտքը ապակեփեղկով ալ դատուեցաւ, և հոն կը բացուին խոհանոցն ու արտաքնոցը. միջին մասին վրայ կը բացուին երկու սենեակներ, որոց մէկը ննջարանս էր և միւսը հոգածու վարդապետին պահուած. երրորդ մասը երեք ոտք ևս բարձր է, և անոր վրայ կը բացուին զբողմանց սենեակը և ճաշասրահը: Ինչպէս կը տեսնուի՝ բաւական ընդարձակ և հանգիստ յարկաբաժին մըն է: Զբողմանց սենեակին մէջ ունէի երկու պարզ գրասեղաններ, մին պաշտօնական և անձնական գրութեանց և միւսը գրական աշխատութեանց յատկացեալ. կարասին ալ գոհացուցիչ էր:

Զիս հոգալու և խնամելու որոշած էին Սահակ վարդապետ Աստուածատուրեանը, բնիկ Կ. Պոլսեցի, Պէշիքթաշի թաղէն, առաջ Երուսաղէմի վանք եկած, յետոյ էջմիածին փոխադրուած, Մայր Տաճարին լուսարար և Խրիմեան կաթողիկոսի փոքրաւոր եղած, և էջմիածին ձեռնադրուած: Խրիմեանի վախճանէն ետքը Մշոյ Ս. Կարապետը կ'երթայ, և դարձեալ Երուսաղէմ կուգայ իբրև հիւր. բնութեամբ հեղահամբոյր և աշխատութեամբ ան-

խոնջ, տնաշէն և տանտիկին անձ մը, տնական ամէն տեսակ աշխատութեանց գիտակ և վարժ, ու յետին ծառայութիւններէ իսկ չխորշող: Ես որ տնական հոգածութեանց ո՛չ վարժութիւնն ունէի և ո՛չ գիտակցութիւնը, անփոխարինելի բախտ մը ունեցայ այսպիսի ինամածուով մը, որ ինձի բնաւ հոգի ու ջանքի պէտք չթողուց, որչափ ատեն որ Երուսաղէմ մնացի:

Օրական աշխատութիւններս յայտնի եղան արդէն Երուսաղէմի պաշտօնավարութեանս մասին գրածներէս. ընդհանրապէս օրն ի բուն սենեակիս մէջ կը զբաղէի, պաշտօնական և ուսուցչական պաշտօններով պատրիարքարան ու վարժարան գացած ժամերէս զտա: Այցելութեանց համար վանքի մէջ կը շրջէի որչափ որ պիտոյից ու պատշաճից պայմանները կը պահանջէին, իսկ երեկոյեան հանգիստի համար, ստէպ պատրիարքարանի լըքեալ պարտէզը յարդարել տալով՝ հոն ատեն կ'անցունէի, և առաջին ամառը քաղաքին հետաքրքրական տեղերը տեսնելու կը շրջէի: Միաբաններէն ամենուն հետ լաւ յարաբերութիւններ ունենալու հոգ կը տանէի, բայց աւելի մտերմօրէն մօտս յաճախողներն ու բանիմաց կերպով խօսակիցներն էին Դաւիթ Տէրտէրեան, Մատթէոս Գայրգճեան և Մեսրոպ Նշանեան վարդապետները, առաջին երկուքը արդէն յիշուած և ներկայացուած գրութեանս մէջ, իսկ երրորդը վարժարանի ու տպարանի ու թանգարանի տեսուչ, և վանականներուն ամենէն ուսումնականը:

Եկեղեցական պաշտամանց անպակաս էի առտու և երեկոյեանու ի երթալու և չվերջացած չելլալու պայմանով: Որովհետև վանքին մէջ Չիլինկիրեանէ զատ եպիսկոպոս չկար, և նա ալ առանց փոխարինութեան աշխատանքներու հետամուտ չէր, գրեթէ հաստատուն հանդիսապետն կ'ըլլայի նախատօնակներու և ատեաններու, թափօրներու և գնացքներու, որոնք Երուսաղէմի մէջ յաճախ ու երկար են, և իրաւունքի պարագաներ պարունակելուն՝ անտնօրինելի պարտաւորիչ են: Պատարագի մատուցմանց համար գլխաւոր Սրբավայրերու շրջանը լրացնել ջանացի, իսկ անկէ գուրս միայն բացառիկ պարագաներուն յանձնառու կ'ըլլայի, եպիսկոպոսական պատարագներու մի մասը թագագիր վարդապետներու յատկացնելով:

Կերակուրի կողմէ ստամոքսիս մարսողականութիւնը նուազած ըլլալուն, պարտանոր էի թեթև ուտելիքներով և չափաւոր

քանակներով սնանիլ. սուրճէ ալ կտրուած ըլլալով, ծխախոտն ալ արդէն բնաւ գործածած չըլլալով, թէյն էր իմ նախասիրածը և գործածածը. առաւօտեան նախաճաշս և երեկնադէմին նախընթրիքս սրճախառն կաթ էր, ճաշին և ընթրիքին չափաւոր կ'ուտէի, ապուր մը, կերակուր մը, և աղանդեր կամ միրգ մը: Կը սիրէի մերթընդմերթ սեղանակից ունենալ գլխաւոր միաբանները, ուստի տարեդարձներու և անուանակոչութիւններու առիթներ կը կազմէի: Նոր հասնելուս մէկ մէկ անգամ բոլոր վեղարաւորները ճաշի հրաւիրեցի, մերձաւորութեան առաջին քայլը առած ըլլալու համար, իսկ անկէ ետքը բնական էր որ աւելի մօտէն վարուողին ես ալ աւելի մօտիկ ըլլայի:

Պաշտօնական թղթակցութիւններս ես ինքնին կը գրէի, ի բաց առեալ Տնօրէնին որոշմամբ միաբանական շրջանակին մէջ հաղորդուելիքները, զորս կը հոգար դիւանապետ վարդապետը, որուն օգնական տրուեցաւ Յակոբեան տեղապահին գրագիրը՝ Աշոտ Նշանեան, որ տրամադրելի մնաց Յակոբեանի Կ. Պոլիս մեկնելէն ետքը: Տաճկերէնի քարտուղարութիւնը կը վարէր Սուղամոն Գրիգորեան համարակալը, իսկ գաղղիերէն ու իտալերէն գրուելիքները ինձի կը մնային:

Երուսաղէմի օդին հետ շատ հաշտ ապրեցայ, և հիւանդութիւն ըսուելու արժանի տկարութիւն չունեցայ: Զբաղումներս ալ չափով ու կանոնով և միատեսակ շարունակութեամբ կատարելս օգնած է առողջութիւնս պահպանելու:

Բնակած յարկաբաժինս փոխել պարտաւորուեցայ երբոր Կիլիկիոյ կաթողիկոս Սահակ Սապայեան՝ Սիսի վանքէն տարագրուելէն և միջոց մը աստ և անդ թափառելէն ետքը՝ Սիւրիոյ ընդհանուր հրամանատար և ծովակալ նախարար Ահմէտ Ճէմալ բաշայէ արտօնուեցաւ Երուսաղէմի վանքը բնակիլ, և անակընկալ հասաւ 1915 հոկտեմբեր 31/13 նոյեմբերի գիշերը: Պարտք ու պատշաճ էր իրեն յարմար և ազատ յարկաբաժին մը յատկացնել, և որովհետև իմ բնակածէս յարմարագոյնը չկար, որոշեցի զայն յանձնել: Ինձի համար Ս. Մինաս կոչուած պատրիարքարանի արտաքին թաղին մէջ ծուռ սանդուխի սենեակները յարկաբաժինի վերածուեցան, սանդուխին գլուխը գոցուելով խոհանոց եղաւ, գլխաւոր սենեակին դուռը ներսի կողմը բացուեցաւ, Ս. Մինասի սենեակներէն մին իբրև ննջարան աւել-

ցուեցաւ, ընդհանուր արտաքնոցներէ մին ալ զատուեցաւ, և Ս. Մինասի թաղին վրայ գոհացուցիչ յարկաբաժին մը կազմելով նոյեմբեր 22/5 դեկտեմբերին հոն փոխադրուեցայ, և Կիրակոսեան յարկաբաժինը յանձնեցի Սապայեանի, իր հետևորդ Մխիթարեան Գիւտ եպիսկոպոսին հետ:

Երուսաղէմի մէջ անձնական տեսակէտէ անցուցած կեանքին վրայ ալ գաղափար մը տուած ըլլալու համար այսչափը բաւական կը սեպեմ: Այս միջոցը կը սկսի 1914 մայիսին և կը տևէ մինչև 1916 օգոստոսը, երբ կազմակերպական փոփոխութիւն մը զիս ալ պարտաւորեց իմ կեանքս փոփոխելու:

## ԶԲ

Դաւնասկոս, 1918 մարտ 3/16 Շք.

Փոփոխութեանց նշանակութիւնը լաւ ճշդելու համար պէտք է անոնց պատճառին բարձրանալ, ինչ որ զիս կը ստիպէ ազգային տագնապին վրայ խօսիլ: Որչափ ալ նիւթը փափուկ, ակնածութիւնները շատ, ստոյգ տեղեկութիւնները քննելի, և վաւերագիրներ տնգոյ ըլլալուն, շատ աւելի հաճելի էր այդ պատճառները չպրպտել, և ազգային տագնապին վրայէն լռութեամբ անցնիլ, սակայն գրուածի մը կապակցութիւնը այնպիսի անտրանօրինելի հարկ մըն է, որ բռնադատիչ գորութիւն կը կազմէ և յակամայից հպատակելու անհրաժեշտութիւնը կը ստեղծէ: Ուստի այդ նիւթին ալ մտնենք այնչափ, որչափ հարկը կը պահանջէ, որչափ թերի տեղեկութիւնները կը ներկայեն, որչափ վերջ չգտած եղելութիւններ կը ներեն:

Համաշխարհական պատերազմին բերմամբ նորէն իրարու դէմ կը գտնուէին ռուսն ու թուրքը, հինաւուրց ոսոխներ, և հնար չէր որ պատերազմի մէկ ճիւղն ալ չբացուէր ռուսութուրք ասիական սահմանադրուխին վրայ: Շարժումը տեղի պիտի ունենար հայաբնակ, կամ՝ բուն բառը գործածելով՝ Հայաստան հողին վրայ, և ռուսական յարձակողականը, չէր կրնար յօգուտ

չգործածել տեղական հայ տարրին օժանդակութիւնը. ուստի ուսական կառավարութեան հովանաւորութեամբ կը պատրաստուին ուսական բանակին մարտակից ըլլալու սահմանուած խումբեր: Խումբ մը կը կազմուի տաճկահայ փախստականներէ և գաղթականներէ, որոնց սիրտին մէջ անջինջ կը մնար անցեալ կոտորածներուն և աւերածներուն տխուր տպաւորութիւնը, իրենց սիրելիներուն մահը և իրենց ստացութիւններուն կորուստը: Խումբ մըն ալ կը կազմուի կովկասահայ կամաւորներէ, որոնք կէս մը ազգային եռանդեամբ և կէս մը պետական դըրդմամբ իրենց համարիւն եղբարց բարօրութեան երևակայութիւններով կ'օրօրուէին: Խումբ մըն ալ կը կազմուի ուսական կանոնաւոր զինուորութեան մէջ գտնուող հայերէ, զորս եթէ զինուորական սովորութիւնը առաջ հեռու երկիրներ կը ցրուէր, այսօր իրենց տեղը կը հաւաքէր, գիտնալով որ կրկին եռանդով կրկնապատիկ ոյժ մը կրնան արտադրել: Ռազմական շարժումին առաջին ասպարէզ կ'ընտրուի Վանայ նահանգը, ուսական բանակին առջեւ և ետեւ կը քալեն օժանդակ խումբերը: Յարձակողը հարկաւ ո՛չ խնամելու կուգայ և ո՛չ փայփայելու, մանաւանդ երբոր վրիժառու զգացումը խոհական մտածումին վրայ կը զօրանայ: Ընդունինք ալ որ հայ կամաւորը, ուսին պատրաստածը, քիչ մը աւելի յառաջացած ըլլայ, բայց չկրնար հաստատուիլ թէ այժմեան քաշածը անցեալին քաշածէն աւելի ըլլայ, զի ստուգիւ ըրածը կրածէն աւելի չէ եղած:

Այս ասանկ ըլլալով մէկտեղ, Թուրքիոյ ազատ կառավարութիւնը, որ իւր ազատութիւնը հայ տարրին ռահանորդութեամբ և օժանդակութեամբ ձեռք ձգած էր, անօրինակ քէնի ու վրէժի խստութեան կը յորդորուի: Կրնար թերեւս արդարանալ գործ մը որ կիրքի յուզմամբ նոյն տեղւոյն վըրայ նոյնհետայն կը կատարուի, թերեւս եւ այն՝ որուն գէշ աղէկ ու աւելի պակաս օրինականութեան ձև կը տրուի, թէև վկայութիւնը սուտ և դատաստանը անարդար ըլլայ: Բայց երբ այդ պարագաներն ալ պակսին, շատ դժուար կ'ըլլայ ջատագովութեան ձեռնարկողին վիճակը, երբոր կ'ուզէ անօրինակ գործեր պատերազմական պահանջներու փաստով արդարացնել: Մանրամասնութեանց մտնել չեմ ուզեր, ամէն զըրուցուածի հաւատք ընծայելու ալ դիւրամէտ չեմ, բայց երբ



զանազան կողմերէ նոյն բաները կը կրկնուին, և երբ գործերուն հետքերն ու հետեանքները տարածուելով և ընդարձակուելով մինչև աչքի մօտ կը հասնին, դիւրին չ'ըլլար եղածը երկբայութեան քողով ծածկել կամ գործուածը հերքման պատրուակով անտեսել: Չեմ կրնար մեկնել որ վանայ եղելութեան վրէժը Պրուսայէն կամ Նիկոմիդիայէն առնուի: Չեմ կրնար համոզուիլ որ ծեր ու տղայ, կին ու պառաւ հաւասարապէս պատուհասակոծ ըլլալու ենթարկուին: Չեմ կրնար հասկնալ որ յանկարծօրէն ամբողջ ժողովուրդներ տարագրութեան հանուին, կիներ ու այրեր իրարմէ զատուին, և այրեր անձանօթ վայրերու և անկոխ ձորերու մէջ անհետանան: Չեմ կրնար բացատրել որ մանկամարդ կիներ, նորահաս աղջիկներ և անտիական տղաներ կանոնոցներու աւարաբաժին տրուին: Չեմ կրնար մտածել որ եկեղեցիներ քանդուին, վանքեր կործանուին, պաշտամունք արգիւոյն, կրօնք անարգուի, կրօնափոխութիւն հրամայուի, նոյն իսկ ազատական օրէնքներու տիրապետութեան ներքեւ: Չեմ կրնար միաքս սեղմեցնել որ անսուաղութիւնը իբրև միջոց գործածուի տարր մը ջնջելու:

Հայուն անջատողական գաղափար վերագրել սեթևեթևաբ պատճառանք եղաւ, զի հայուն բախտին իսկական դարման չէր և հնարաւորութեան հիմ չունէր և մտաբերելն ալ անխմաստ էր, և երբեք սկզբնական չեղաւ, ուրեք երբեք ծայրայեղ միտքերու մէջ ծագեցաւ. դժխեմ արարքին դժպիսի հակատուրքն էր. ծովը ինկողը օձին ալ կը փաթթուի, կ'ըսէ առածը: Ո՛վ որ դիտում ունեցաւ հայ տարրը ջնջել, պէտք էր մտածէր որ ազգ մը երկրի երեսէն ջնջել հնար չէ, մանաւանդ երբ նա աշխարհիս ամէն կողմ ցրուած ու տարածուած է, երբ ուրիշ տեղեր կարող և կարևոր կեդրոններ ունի, երբ բազմադարեան փորձառութեամբ փորձանաց դէմ առկալու փորձը տուած է: Հայը թուրքիոյ անհրաժեշտ տարրն է, թուրքիոյ վեհապետները իրենց նախաձեռնութեամբ Հայերը իրենց մականին ներքեւ հաւաքեցին և զօրացուցին: Թուրքիոյ գաւառները շէնցնողը, հողը մշակողը, արհեստներուն հետևողը, առևտուրը ապահովողը հայն է եղած և հայն է տակաւին: Հայը թուրքիայէն պակսեցնողը թուրքիոյ ոխերիմ թշնամին եղած կ'ըլլայ: Թուրքիա իւր իսկ ինքնութիւնը կը վտանգէ, երբ հայը կը ջնջէ: Բարձր տեղեր ըսած եմ, այս

առթիւ ալ կը կրկնեմ. Թուրքիոյ կայսերութեան շինուածին քարը  
Թուրքն է, շաղախը հայն է. առանց շաղախի չէնքեր չեն ամ-  
բանար, չեն բարձրանար:

Ահա՛ խորին համոզումներուս անկեղծ խոստովանութիւնը:  
Այլ յայլմէ կ'ըլլամ երբոր այնպիսի եղելութիւններ կը լսեմ որ ոչ  
տրամաբանութիւնը կ'ընդունի և ոչ հոգեբանութիւնը կը մեկնէ:  
Կը կարծեմ որ հայուն դէմ ձեռք առնուած դժնեայ ձեռնարկ-  
ները ո՛չ բարձրացուցին և ո՛չ ապահովեցին ձեռնարկողներուն  
դիտումները, և հետևութիւնը անդրագոյն ևս մղեցին քան որ-  
չափ ինչ կրնար ենթադրուիլ ձեռնարկներէն առաջ: Այսօր եթէ  
Թուրքիոյ հայաբնակութիւնը կիսուեցաւ ալ, մնացորդ կէսը ա-  
ւելի մտադրութիւն գրաւեց և աւելի կարևորութիւն ստացաւ,  
քան որչափ ինչ ունէր ամբողջ դժնեայ ձեռնարկներէն առաջ:

Ազգային աագնապին դաղափարը տալ էր նպատակս, ման-  
րամասնութեանց մանեկ չէի սիրեր, հետևաբար խորհրդածու-  
թիւններուս ալ վերջ կուտամ. և որովհետև խօսքը Երուսաղէ-  
մէն բացուեցաւ, դարձեալ Երուսաղէմ կը դառնամ: Սապայեան  
Սահակ կաթողիկոս, որ Թուրքիոյ հաւատարիմ ըլլալու կերպա-  
բանը կը վայելէր, և իբրև թէ Թուրքիոյ վարիչներէն գնահա-  
տուած ու սիրուած էր, մեծագոյն հարուածը ինքը կրեց, իւր Ա-  
թոռէն տարագրուեցաւ, ստացութիւններէն զրկուեցաւ, դիրերն  
ու գրութիւններն գրաւուեցան, կալուածները օտարացան, աստ-  
անդական թափառեցաւ և մինչև իսկ յետնեալ գիւղ մը աք-  
սորական զրկուեցաւ: Աքսորավայրը փոխուեցաւ իրաւ, երբ Ե-  
րուսաղէմի վանքին բնակութիւնը իբր շնորհ պարգևուեցաւ,  
նիւթապէս դիւրութիւն ընծայուեցաւ, այլ բարոյապէս կացու-  
թիւնը աւելի ծանրացաւ: Շնորհուած նիւթական դիւրութիւնը  
ոչ օրինական սկզբունքէ կուգար, այլ Ահմէտ ձէմալ բաշայի  
անձնական ծանօթութենէն կը բղխէր, և որ իւր Ատանայի կու-  
սակալութեան օրէն ճանչցած էր Սապայեանը և ամէն պարա-  
գայի հանդէպ հլու հպատակութեան պատրաստականութիւնը  
հասկցած, և որևէ կարգադրութեան մը կամակատար գործիք  
ըլլալուն համոզուած:

Դատնակոս . 1918 մարտ 3/18 Շք.

Հայութեան դէմ հալածանք բացողը բաւական չսեպեց հայ անհատներու կեանքին ու ինչքերուն, հայ Եկեղեցւոյ պաշտամանց ու հաստատութեանց, հայ կրօնքին ինքնութեան ու պահանջին դէմ ուղղել իւր փքինները, և նոյնիսկ պետական սկզբունքով, նախնական սուանդութեամբ և կայսերական հրովարտակով ճանչցուած ու հաստատուած հայութիւնը ուզեց իւր կազմէն զրկել, և անոր նոր կազմակերպութիւն մը տալ, որով իւր կարեորութիւնը կորսնցնէ, և, եթէ հնար ըլլար, գոյութիւնն իսկ վտանգէ: Այդ նպատակով կազմուած է Հայոց Կարողականութեան եւ Պատրիարքութեան Կանոնագիրը, որ 1916 յուլիս 19/1 օգոստոս թուականը կը կրէ, և կայսեր ու բոլոր նախարարներու ստորագրութեամբ վաւերացած է, և ո՛չ ալ, ինչպէս ուրիշ կարգադրութեանց համար սովորութիւն էր, առժամեայ ըլլալը յիշուած է, ո՛չ ալ սահմանադրական ձևով խորհրդարաններուն հաստատութեան վերապահուած է, այլ մէկ անգամէն իբրև անփոփոխելի օրէնք հռչակուած է, որով 1863ի Ազգային Սահմանադրութիւնը պարզապէս կը ջնջուի (յօդ. 37), և ոչ թէ բարեփոխութեան կամ վերաքննութեան կ'ենթարկուի, այլ իբր նորինորոյ մարմին մը կամ հասարակութիւն մը կազմուի:

Հիմնական կէտ եղած է Տաճկահայերը էջմիածնի Մայր Աթոռէն բաժնելը, որով կրայն ու յարաբերութիւնները բոլորովին կը կտրուին (յօդ. 1), իբրև թէ եկեղեցիներու նուիրապետական կարգերը և առաքելական օրէնքները քաղաքական իշխանութենէ կազմուած ըլլային, որ անոր կամքովն ալ փոփոխուէին: Հայերը Մայր Աթոռէ բաժնել նոյն է ինչ որ է կաթողիկները Հռոմէն բաժնելը. և ինչպէս այս, այն ալ օրինաւորապէս չէր կրնար հրամայուիլ: Ուրիշ բան էր եթէ պատերազմի միջոցին յարաբերութիւնները ընդհատուէին, քանի որ թշնամի տէրու-

թեանց սահմանագլուխները իրարու դէմ փակուած կը մնան և յարաբերութիւններ չեն ըլլար, նոյնիսկ անհատական նամակներով:

Իշխաւոր կարգադրութիւններէն մէկն ալ Կիլիկիոյ, Աղթամարի, Երուսաղէմի և Կ. Պոլսոյ աթոռները միացնելն և մէկի ձուլելն է: Աթոռներու գոյութիւնն ու ծագումը ու կեանքը եկեղեցական օրէնքներով եղած է, և եկեղեցական օրէնքներով միայն կրնայ փոփոխուիլ. հոգևորական իրաւասութիւնը ո՛չ քաղաքական իշխանութենէ կը բղխի, և ո՛չ քաղաքական իշխանութիւնը կրնայ տալ. տուած ալ չէ որ ետ առնէ: Հետևաբար քաղաքական իշխանութեան ոտնձգութիւնը իրաւական և օրինական սկզբունքներու հակառակ է: Քաղաքական իշխանութեան եկեղեցւոյ գործերուն միջամտութիւնը որոշ գիծերով սահմանափակուած է արտաքին հետևանքներու մէջ. անձերը ճանչնալ, իրաւասութիւննին տպահովել, գործածուած միջոցները ճշգել, և իւր դերը պաշտարանել: Երբոր հոգևորականին և իրաւասականին և նուիրապետականին միջամտել ձգտի, իւր սահմանէն անդին անցած կ'ըլլայ, և այդ քայլին հետևանքները վրան կը հրաւիրէ: Չորս աթոռներու ձուլուելէն և Մայր Աթոռոյ իրաւասութիւնը ջնջելէն ետքը, այս ամէն իշխանութիւնը իւր վրայ կեդրոնացընող անձին կեդրոնը Երուսաղէմի Ս. Յակոբեանց վանքին մէջ կը դրուի, և հայութեան կեդրոնը պետական կեդրոնէն հեռացընելով անոր կարևորութիւնը նուազել կը խորհուի, հայն ալ արևելեան փոքր ազգութեանց նման գաւառացի և գաւառաբնակ հասարակութիւն մը դարձնելով: Բայց քանի որ յոյնէն և հրեայէն դատ՝ հայ-կաթոլիկ և հայ-բողոքական հասարակութեանց կեդրոններն ալ մայրաքաղաքին մէջ կը պահուին, հայադաւան հայը, որ հայութեան գրեթէ ամբողջութիւնն է և մայրաքաղաքին մէջ ալ կարևոր տարր կը կազմէ, պէտք էր որ իւր կեդրոնը արթուն քաղաքականութիւն ունենար աչքին առաջ, որ կարենար մօտէն հսկել, եւ ոչ թէ այդ ամենակարեւոր գործը պարզ կառավարիչի մը ձեռքը թողուէր:

Վերոյիշեալ կէտերէն Սահմանադրութեան ջնջումով կառավարութիւնը ինքնիրեն հակասած կ'ըլլայ, և միւս երկուքներով իրմէ օտար եղող հոգևորականութեան հովեր առած կ'ըլլայ, որոնք կը տկարացնեն իւր ձեռնարկին զօրութիւնը:

Այն յօդուածը որով կրօնից նախարարութիւնը իբրև միակ

դիմուճի պաշտօնատեղի կը նշանակուի (յօդ. 2), թիւրիմացութեան տեղի կողտայ, դիմուճը աղաչանք ալ է, պահանջ ալ է: Եթէ պահանջի խօսք պիտի ըլլայ, հարկաւ կրօնականը կրօնքով և հոգևորականը հոգևորով կրնայ զբաղիլ և իրաւունք պահանջել: Սակայն աղաչանքին դուռը ամէն անհատի բաց է, ևս առաւել պատրիարքին, որ հայր կը ճանչցուի, և հօր մը իւր զաւակներուն ամէն տեսակ պէտքերուն համար միջնորդել արգիլեալ չէ և արգիլուիլ չկրնար: Յօդուածը հարկ էր աւելի յստակ կերպով բանաձևել:

Կանոնագիրին բոլոր յօդուածներուն մէջ տիրող հոգին սա՛ զլխաւոր կէտերուն կը վերածուին. հասարակութեան առջև իւր գործերուն միջամտելու դուռերը փակել, ժողովրդական քուէարկութիւնը իսպառ խափանել, և պատրիարքական վարչութեան վրայ ազգը հսկող և համարատու չճանչնալ: Երեսփոխանութիւնը ջնջուած է, Քաղաքականը եկեղեցականաց մասնակցութեամբ պարզ Տնտեսական մը դարձած է, առաջնորդները պատրիարքարանէ պիտի ընտրուին, թաղականները առաջնորդներէ պիտի նշանակուին, տեսուչ խորհուրդներ և հոգաբարձութիւնները պիտի վերցուին. մէկ խօսքով ազգայնութեան կերպարանը խափանուելով, ամէն բան լոկ կրօնական կերպարանի պիտի փոխարկուի: Այդ մասին խորունկ դիտողութիւններու չեմ մտներ, մասամբ Յունաց պատրիարքարանի կանոնագիրը, և մասամբ Պօլսօժէնիէ կանոնագրութիւնը նոր կանոնագիրին դրութեան կերպով մը կը մօտենան, և հնար չէ պնդել թէ հոգևորական իրաւասութիւնները և եկեղեցական կանոնները կը խանգարուին: Միայն թէ պետական շահը ուղիղ նկատած չեմ կարծեր, որ երբ պատրիարքարանը տկարացնել կ'ուզէ, զայն աւելի զօրացուցած կ'ըլլայ բացարձակ տէր ընելով ազգին գործերուն, ինչ որ օրինակով և փորձով ալ տեսնուած է Յունաց պատրիարքարանին վրայ:

Դիտողութեան արժանի կը տեսնեմ նաև առաջնորդութիւնները առնուազն 15,000 հոգիէ կազմուած հայաբնակութեանց ենթարկել (յօդ. 23): Առաջնորդարանները ժողովուրդը խնամելու և ժողովուրդին հսկելու համար հաստատուած են, և խընամքն ու հսկողութիւնը ոչ թէ անձերու թիւով, այլ տեղւոյ սահմանով կրնայ իւր գործը արդիւնաւորել: Ծանօթութիւն ու

մերձաւորութիւն, յարաբերութեանց դիւրութիւն ու տեղերու կարեւորութիւն, ասոնք են որ պէտք էր նկատի առնուէին, եւ յարմարագոյն կ'ըլլար թերեւս պայմանը կուսակալութեանց սահմաններուն կապել, քան թէ հայաբնակութեան ազգահամարին վրայ հիմնել: Նոր կազմակերպութեան վրայ այդ դիտողութիւնները բաւական սեպելով, և ընդարձակագոյն և մանրամասնեալ քննադատութենէ խուսափելով՝ անցնինք անոր գործադրութեան պարագաները պատմել, որ իմ կեանքիս ալ փոխուելուն պատճառ եղաւ:

Կանոնագիրը յատուկ տրամադրութիւններ նշանակած էր բոլոր աթոռները իր անձին վրայ միացնող կաթողիկոս - պատրիարքին ընտրութեան համար, և իր կանոնը յարգած ըլլալու համար կը սպասուէր որ ընտրողական գործողութիւններ հրամայէր: Սակայն այդ կէտին մտադրութիւն չդարձուեցաւ, և կառավարութիւնը իւրովի իր նոր կազմած պաշտօնը իր ուզած անձին յանձնեց, և Սապայեան Սահակ կաթողիկոսը բովանդակ թուրքիոյ Հայոց կաթողիկոս - պատրիարք նշանակեց: Այդ ընտրութեան մէջ Ահմէտ Ճէմալ բաշայի դերը կասկած չի վերցնել, որ, ինչպէս յիշեցի, Ստանայի կուսակալութեան ժամանակէն անոր նպատակայարմարութեան վրայ համոզում գոյացուցած էր. ծանր կասկածներ յայտնուած են նոյնինքն Սապայեանի ալ այդ գործին մէջ դեր ունեցած ըլլալուն վրայ, որոնք ծագած են մէկ քանի անգամ երկուքին առանձինն տեսակցութեանց վրայ տարածուած շշուկներէն, եւ Սապայեանի օր առաջ սպասողական կերպով Ռէմլէ քաշուելէն, իսկ սպասածին յապաղելուն վրայ լռին դառնալէն: Միայն ստոյգ է որ ոգևիւն կ'աշխատէր և ամէն միջոցներ կը գործածէր Երուսաղէմի թափուր Աթոռը վրաւելու, որ երիտասարդութենէն իվեր իր երազն էր եղած, գուցէ աթոռներու ձուլման կէտը իւր նպատակին մէջ եղած չէր, բայց իբրև իւր գլխաւոր նպատակին յարակից պայման՝ սիրով ընդունած կ'ըլլայ:

Յուլիս 29|11 օգոստոսին Երուսաղէմ կը հասնի առջի օր Նախարարութենէն տրուած պաշտօնական հեռագիրը, և Սապայեան իսկոյն իւր շնորհակալութիւնը կը հեռագրէ, և առանց վարանման, առանց խորհրդակցութեան, առանց բացատրութիւն պահանջելու կամ լուսաբանութեան սպասելու՝ յանձնառու կ'ըլ-

լայ պաշտօնի մը, որուն իսկութեան անգիտակ կ'ենթադրուէր : Այս պարագային որեւէ անձ կամ խորհրդակցութեանց պիտի դիմէր, կամ բացատրութիւն պիտի խնդրէր, և կամ լուսաբանութեան պիտի սպասէր, որով Պապայեանի փութկոտ շնորհակալութիւնը նախապէս գործին մէջ գեր ունեցած ըլլալը կը հաւաստէ : Միւս օր յուլիս 30|12 օգոստոսին միաբանութիւնը ժողովի կը հրաւիրէ, հեռագիրը և հրամանը, նոր կազմակերպութիւնը և իւր պատրիարքութիւնը կը հաղորդէ Չիլինկիրեանի ձեռքով, որ Միաբանական Ժողովներուն վերջին տարւոյն ատեն նապետը գտնուած էր. թէպէտ նոր գումարումը նոր դիւանով պէտք էր բացուէր : Ես բոլորովին անգիտակ՝ միաբաններուն երթուղարձէն կը հետաքրքրուիմ, և իրողութիւնը կը լսեմ, և միաբաններուն շնորհաւորութեան համար Պապայեանի մօտ երթալէն և դառնալէն ետքը ես ալ կ'երթամ ցաւ յայտնելու որ ինչ գաղտնի պահել ուզած էր, և դիտնալով ալ որ վարիչը ես եմ, զիս զանց ըրած, և զիմած էր մէկու մը որ բնաւ կերպարան և պաշտօն չունէր : Բայց շատ յառաջել չուզեցի, երբ ինքն յայտարարեց թէ սխալմունք մըն էր եղաւ : Հարկաւ կամաւոր էր սխալմունքը, զիս իբրև հակառակորդ ենթադրելով, և արգելք մը հանել կրնալէս խիթալով :

Երեկոյին նորէն կը դառնամ մօտը ուղղակի քաղաքավարական պարտք կատարելու, յայտարարելով որ հայ ազգութեան կերպով մը գոյութիւնը ճանչցուած ըլլալուն փաստ մըն է եղածը, և ինքն ալ իբրև պարտք կրնայ յանձնառու լինիլ բեռ ստանձնելու, բայց զգոյշ լինի որ լպրծուն գետնին վրայ չսահի, իւր անունը ատելի չդարձնէ, ազգին մէջ վատ յիշատակ մը չթողու, և եթէ չսպասեց կանուխէն պայմանները իմանալու և հրովարտակը տեսնելու, գոնէ առաջիկային ծանր քայլ առնէ և ամուր կենայ, և հոգ տանի որ եկեղեցական իրաւունքները և ազգային եկեղեցւոյ միութիւնը չտուժեն, և գայթակղութեան առիթներ չտրուին : Մեկնելու ատենս երբոր օգնութիւն կը խընդրէր, և օգնութիւնը աջակցութիւն և գործակցութիւն կը մեկնէր, պատասխանեցի թէ՛ Ինֆլանսոյց չեմ ըրար, հրանանե չեմ փախչիր :

Իր փափաքն էր ժամ առաջ պատրիարքարան մտնել և ամթոռ բազմիլ, բայց յայտարարեցի թէ պէտք էր պատրիարքա-

րանը մաքրել և յարդարել, և աթոռ բարձրանալն ալ եկեղեցական արարողութեամբ կատարել: Ուստի պէտք եղած կարգադրութիւնները փութացնելու հոգ տարի և հսկեցի, և վերջապէս օգոստոս 6/19ին, կիրակամուտի երեկոյին, կիրակոսեան յարկաբաժինէն թափօր կազմելով, և հանդիսական Հրաշափառով եկեղեցի առաջնորդեցի, և աթոռ բարձրացնելով շնորհաւորական արարողութիւնն ալ լրացուցի ու լրացնել տուի:

Յաջորդ օր, օգոստոս 7/20ին կիրակի կէսօրին, ես ալ իմ բնակութիւնս դարձեալ ծորենաթաղի կիրակոսեան յարկաբաժինը փոխադրեցի, պաշտօնական ամէն միջամտութենէ և մասնակցութենէ հեռացայ: Նորա առաջին հրամանն եղած էր վարի դասէն իմ աթոռը վերցնել տալ, բայց լուսարարապետը փորձով գիտնալով որ ի գուճս նստելով քանիցս վնասուած եմ, և միշտ յօտընկայս մնալն ալ դժուար է, միջնորդեց պղտիկ աթոռակ մը դնել, և համոզում գոյացնել տալով զետեղեց:

## 27

Դաւնասկոս, 1918 մարտ 6/19 Գշ.

Օգոստոս 6/19ին Սապայեանը առաջնորդած էի պատրիարքութեան յարկաբաժինը, 7/20ին փոխադրուած էի կիրակոսեան յարկաբաժինը, 8/21ին հազիւ թէ տեղաւորուած էի, կառավարութեան թարգմանն ու ոստիկանապետը կը ներկայանան երեկոյին դէմ, և կառավարիչին կողմէն կ'ազդարարեն, որ մինչև երեք օր պէտք է մեկնիմ և Ներքին Գործոց նախարարութեան հրամանին համեմատ Դամասկոս բնակիմ: Բնական էր որ եկողներուն բան մը չէի կրնար ըսել, միայն թէ կրնայի մտածել թէ ի՞նչ էր այդ հրամանին շարժառիթը: Դիպուած մը տեղի չէր ունեցած, կազմակերպական փոփոխութիւնը շատ մօտ էր, ուրեմն կանխաւ կարգադրուած տնօրէնութիւն էր, որ ուրիշ բան չէր կրնար ըլլալ, բայց եթէ նոր կազմակերպութեան իմ կողմանէ հակառակութիւն ենթադրելը, և Սապայեանի նորոտացիկ կա-



ցութեան դժուարութիւն հանել կարենայս, և այս տեսակէտով Սապայեանի ալ կամակից գտնուած ըլլալը հաւանական կը դառնար, և լսողներուն միտքերը այն կողմ կը միտէին: Ես փութացի թէ՛ ընդհանուր հրամանատար ձէմալ բաշայի և թէ՛ ներքին Գործոց նախարար Թալէաթ պէյի հեռագրել, թէ ես գործէ քաշուած և միայն եկեղեցական ու գրական զբաղմանց մէջ փակուած, իմ սիրած առանձնական կեանքին նուիրուած եմ, և կը խնդրեմ ձերութեան օրերս վանական հանդարտութեան մէջ անցունել: Կաթողիկոսն ալ վերջապէս համոզուեցաւ թէ իմ մէջ հակառակութիւն ու դժուարութիւն յարուցանելու բնաւ արամագրութիւն չկայ, ուստի 11|24ին Երուսաղէմ մնալու համար ինքն ալ հեռագրեց ձէմալ բաշայի, և կառավարիչին կողմէն թոյլտուութիւն ստացուեցաւ մինչև հեռագիրներուն պատասխանին հասնելուն ուղևորութիւնս յապաղել: Սակայն ես պատրաստութեանց սկսայ՝ հրամանին փոփոխութեան վրայ շատ յոյս չդնելով: Բայց հակառակ ակնկալութեանս 17|30ին կառավարիչին կողմէ հաղորդուեցաւ թէ Երուսաղէմ մնալու բարձրագոյն հաւանութիւն ստացուած է, և 19|1ին ալ ձէմալ բաշայէ ուղղակի կաթողիկոսին հասած հեռագիրը նոյնը հաստատեց, և այսպէս տասուերկու օրեր աւել առանց անստոյգ վիճակը վերջացաւ, և սկսայ ինձի համար նոր և առանձնական կեանք մը կազմել:

Առաջին որոշումներէս մին եղաւ աւագերիցութեան կարգը մտնալ և կարգավարութիւն ընել ուրիշ վարդապետներու պէս, որ Երուսաղէմի վանքին սովորութեամբ չորս օրով կը լրանայ, որ են՝ մուտք, աւագերէց, հետևակ, ելք: Առաջին անգամ կարգի մտայ օգոստոս 23|5 սեպտեմբերին Յովակիմայ և Աննայի տօնին օրը, զի նախընթաց օրը մուտքի պատշաճ չկար: Հանդիսապետութեան հարկն ալ քիչցաւ եպիսկոպոսներու շատնալովը. նախատօնակի և տտեանի կը մասնակցէի եթէ կաթողիկոսներ հանդիսապետը, իսկ ուրիշ եպիսկոպոս եղած ատեն՝ դասին մէջ տեղս կը մնայի: Երբոր դպրոցական տարին ալ բացուեցաւ, հոկտեմբեր 24|6 նոյեմբերին, սկսայ դասախօսել երեք լրացուցիչ դասարաններու կամ լսարաններու միանգամայն: Այդ միջոցին Արմաշի Դպրեվանքի աշակերտներն ալ Երուսաղէմ եկած էին: Սգուտ քաղելով պաշտօնական տաղտկանքներէ ազատելէս, սկսայ կանոնաւոր կերպով հետևիլ Ազգապատմութիւն շարունակու-

թեան, և այս աշխատութիւնը աւելի ևս ընդարձակուեցաւ երբոր 1917 ապրիլ 12/25ին դասախօսութիւններն ալ դադրեցան աշակերտաց զինուորագրուելովը. կեանքիս մնացած կէտերը մնացին ինչպէս էին (տե՛ս ԶՂ): Պատրիարքարանի պարտէզը կաթողիկոսին յատկանալուն, սկսայ վարժարանի պարտէզը յաճախել, իսկ պառոյտներս գրեթէ խափանուեցան. չէի ուզեր աչքի դարնելու ձևով մէջտեղերը երևնալ: Վարակիչ ախտերու շատնալը և փողոցներու խառն բազմութեամբ խռնուիլն ալ իրենց դերը ունեցան:

Կաթողիկոսի հետ յարաբերութիւնը պահեցի պաշտօնակա՛ն և պատշաճական պահանջներու չափով. ութը տասը օրը գիշեր մը այցելութեան ալ կ'երթայի, ուր մեր խօսակցութիւնները գրազարական ու պատմական ու ծիսական շրջանակէն դուրս չէին ելար: Առաջին օրը խնդրած աջակցութիւնը ու խորհրդակցութիւնը անգամ մը միայն տեղի ունեցաւ Կ. Պոլսոյ պատրիարքական փոխանորդը նշանակելուն առթիւ, այլ երկրորդ մը տեղի չունեցաւ. ոչ ինքն պաշտօնական գործողութեանց վրայ խօսք կը բանար, և ոչ ես հարցում կ'ուղղէի. պաշտօնական շրջանակէն բոլորովին հեռու մնալս ինձի շատ հաճելի էր: Իր կողմէն պահուած լռութիւնը աւելի շեշտուեցաւ Մագսուտեան Ղևոնդ վարդապետի ներկայութենէն, զոր անմիջապէս վերիտօնէ բերեջ տուաւ, ելեմտից տեսչութիւնը յանձնեց, եւ իրեն վարչական ու անտեսական խորհրդական նշանակեց, և պաշտօնապէս ալ հռչակեց համախմբեալ միութեան: Մագսուտեան պաշտօնական վճռով մը դատապարտուած էր, և դատապարտութեան զօրութիւնը չէր ջնջուեր կազմակերպական փոփոխութեամբ, մինչև որ նոր պաշտօնական գործողութիւն մը չկատարուէր: Մագսուտեանի համար նոր պաշտօնատուութիւն մը տեղի չունեցաւ, և մէկէն նոյն պաշտօնին դառնալը, որուն մէջ զեղծարարութեան վճիռի ենթարկեալ էր, օրինական ու խոհական միտքերու վրայ լաւ ապաւորութիւն չըրաւ: Մագսուտեան սկսաւ իսկոյն իւր շահը կարգադրել, որուն միայն նուիրուած էր, և դարձեալ նոյն ուղղութեամբ կը քալէր: Վանական հաշուետու մարներու մէջ երկու հաշիւ բացուած էր իւր անունին. մէկուն մէջ պարտապան կը ցուցուէր իւրացուցած գումարներուն, միւսին մէջ պահանջատէր կը ցուցուէր իւր կալուածական հասոյթ-

ներուն, որոնք իրեն չէին վճարուեր, բայց առանձինն կը նշանակուէին հաշուեյարդարութեան ատեն նկատի առնուելու համար: Մագսուտեան նկատի իսկ չառաւ պարտապան հաշիւը, և սկսաւ գանձել պահանջատէր հաշիւը, և այդ նպատակով մինչև իսկ վանքապատկան ընտիր և ապահով կալուածներ վաճառուեցան: Խապայեան հոգւով սրտով Մագսուտեանի կապուած, եւ ոտքով ձեռքով անկէ կաշկանդուած, ո՛չ ձեռնարկեց և ո՛չ մըտաբերեց արգիլել կամ մտադրութիւն դարձնել հաշիւ պահանջելու, և հաշիւ քննելու պայմանն ալ մոռցաւ, թէպէտ իւրովի Տնօրէն ժողով մըն ալ անուանեց անուանական կերպով: Մագսուտեանի բարեկամներէն դիտողութիւն չէր սպասուեր, իսկ նախկին հաշուեպահանջներն ալ, ժամանակին դժնէութեան և նոր կազմակերպութեան հարուածին ներքև, խոհեմութիւն սեպեցին լռել ու չխօսիլ, քանի որ հակառակ ոյժ մը չկար ուսկից պաշտպանութիւն յուսացուէր. իմ ալ ուղղութիւնս ու յորդորներս նոյն եղան. անպտուղ ձեռնարկներէ զգուշանալ և թողուլ որ ժամանակը, եթէ հասնի, ինքն կարգադրէ անկարգ եղելութիւնները:

Խապայեան նոր կազմակերպութիւնը լրացնելու կամ իւր դիրքը ամրապնդելու համար ձեռնարկեց Հոգևոր և Խառն ժողովները կազմակերպել: Հոգևորը տասուերկու հրովարտակով ճանչցուած առաջնորդներէ, և Խառնը Հոգևորէն առնուած չորս եկեղեցականներէ և ութը աշխարհականներէ պիտի բաղկանար: Հոգևորին համար այս անգամ բացառութիւն եղած էր կէսը ոչառաջնորդներէ ալ առնել: Շուտով լսուեցաւ թէ ազդարարութիւն եղած է կաթողիկոսին երբեմն պատրիարքները զործի չխառնել, ինչ որ շատ հաճութեամբ լսեցի, գործի կոչուելուն վտանգէն ազատուելով: Հրովարտակով ճանչցուած առաջնորդներ գտնուեցան՝ Ստեփանոս եպիսկոպոս Յովակիմեան Նիկոմիդիոյ, Կարապետ եպիսկոպոս Մազլըմեան Պանարմայի, Պետրոս եպիսկոպոս Սարաճեան Հաճնոյ, Մովսէս վրդ. Ոսկերիչեան Անտիօքայ, և Գարեգին վրդ. Խաչատուրեան Իկոնիոնի, որոնց միացուեցաւ Եղիշէ եպիսկոպոս Չիլինկերեան երբեմն առաջնորդ Բաղիշոյ: Վերջինէն զատ միւս հինգերը տարագրեալ ու զանազան կողմեր ցրուած էին, և այդ առթիւ արտօնուեցան Երուսաղէմ գալ. մնացեալ վեցերուն համար քանիններ առաջարկուելով մեր-

ժուռեցան, ինչպէս Մկրտիչ Կախկոպոս Աղաւնուհի, Երուանդ վրդ. Փէրտահճեան, Սմբատ վրդ. Սալպաշեան, իսկ ընդունուածներն եղան՝ Տրդատ Կպս. Պալեան, Մաղաքիա Կպս. Տէրունեան, Մեսրոպ Կպս. Նարոյեան, Գլուա Կպս. Մխիթարեան, Դաւիթ վրդ. Տէրաէրեան և Գրիգորիս վրդ. Պոյաճեան: Ասոնցմէ առաջին երեքը Մաղնիսայէ և Կ. Պոլիսէ չմեկնեցան, և Հոգևոր Ժողովը կամ Սինոդը ինք անդամով մնաց, բայց քանի մը նիստեր ըրաւ աննշանակ որոշումներով, որոց գլխաւորներն եղան երկու երեք ամուսնալուծութիւններ: Իսկ Սառն Ժողովը չկրցաւ ժամանակին լրանալ. ընդունուածներն ալ չեկան, ժողով ալ չկազմուեցաւ ու չգործեց:

Խապայեանի պաշտօնավարութիւնը, Երուսաղէմի մէջ 1916 օգոստոս 6 | 19էն՝ աթոռ բարձրանալէն՝ մինչև 1917 նոյեմբեր 6 | 19՝ Երուսաղէմէ մեկնելուն օրը, տասնուհինգ ամսուան միջոց մըն է, որուն վրայ ընդհանուր տեսութիւն մը ըրած ատեննիս, պիտի խոստովանինք թէ նշանակելի օգտակարութիւն մը չունեցաւ: Կիլիկեցիք արդէն իրմէ ուժացած էին Սսոյ Աթոռին վրայ եղած ժամանակ արդիւնք արտագրած չըլլալուն համար, Թուրքիոյ Հայոց միակ Աթոռը անցնելով՝ վրան փոփոխութիւն չտեսնուեցաւ: Քանի որ տառապեալ տաճկահայ ազգութեան միակ և ամէնիշխան պետը կը դառնար, և պարզ կառավարական տուուչութեամբ այդ պաշտօնը կը ստանար, իրաւունք ունէր իւր ժողովուրդին պաշտպանութիւնը առաջարկել և անոր պէտքերուն հոգածութիւնը պահանջել, եթէ ոչ քաղաքականը, գոնէ հոգևորականն ու կենցաղականը: Նա չհամարձակեցաւ և ո՛չ իսկ առաջարկել որ աստ և անդ մնացած կամ խմբուած տաճկահայութեան մնացորդները հոգևոր մխիթարութենէ չզրկուին, և առանց հոգևոր մխիթարութեան չմնան. թող թէ բռնադատիչ ուրացութեանց դէմ բողոքել, անիրաւ գրկանաց դարման պահանջել, և սպանութեանց ու թշուառութեանց վերջանալը խնդրել: Արդէն ըսի և կը կրկնեմ՝ թէ հոգևորականին համար պահանջ և կենցաղականին համար խնդրանք չկրնար գլուցուիլ կրօնական պետի մը, մանաւանդ կառավարութեան կամքով պաշտօնի անցած պետի մը. Կարողիկոս և Պասրիարֆ միացեալ կոչումները պէտք էր որ իրենց ընդարձակութեամբը արդարանային: Ընդհակառակն որոշմանց մէջ վարանոտ, յարաբերութեանց մէջ երկչոտ, ձեռ-

նարկներու մէջ անգործ կեանք մըն էր զոր անցուց, Երուսաղէմի մէջ բաւականաւորով և գոհունակութիւն զգալով, Երուսաղէմի ըղձացեալ Աթոռին տիրապետած, պատուոյ արտաքին նշաններով փառաւորուած, և Մագսուտեան բարեկամին օգտակար եղած ըլլալուն համար: Եւ ո՛չ ալ Երուսաղէմի Աթոռին և միաբանութեան օգուտ մը կամ օգնութիւն մը ըրաւ: Իրաւ դժնդակ էին ժամանակները, այլ փոյթն ու ջանքը կրնար աւելի բան մը ընել, քան թէ յետին պայմանի և խեղճ սնունդի հասցնել միաբանութիւնը. արդէն չափով տրուած հացն ալ կը մատակարարուէր իննսուն հազար քիլօ ցորենով, զոր ժամանակին ես էի ապահոված ընդհանուր հրամանատարութենէն, եւ աւելորդ պարծենկոտութիւն էր Մագսուտեանի բերնով կրկնուածը՝ թէ չարաչար կը տառապի հացը ճարելու համար:

Անհարկի և վտանգաւոր յայտարարութիւն եղաւ տուած ստորագրութիւնը, թէ վանքին ետևը պարիսպներու ներքեւ եղած ընդարձակ գետինը առանց իրաւունքի (Տուրուի) գրաւուած է Աթոռէն: Ահմէտ Ճէմալ բաշայի բաղձանքներէն մէկն էր քաղաքներու մէջ հանրային պարտէզներ կազմակերպել: Այդ նպատակին համար նախապէս պահանջած էր Աթոռէն ընդարձակ գետինը կամ Մեծ Արտը որ քաղաքին միջավայրը կը գանուի, և թէպէտ շատ աշխատած էի գետինին անյարմարութիւնը առջև դնելով ստացութիւնը ազատել, սակայն անհնարութեան հպատակելով հաւանած էի գետինին մի մասը միայն թողուլ և այն ալ հանրային պարտէզ ըլլալու պայմանով քաղաքապետութեան (Պէլեֆէյէ) յանձնել, որ եթէ չըլլար՝ ետ առնելու իրաւունք ունենայինք: Գետինին վրայ բաւական աշխատութիւն կատարելէն հաքը ձեռնհաս անձեր ալ անյարմարութիւնը տեսան, գործը կիսկատար թողուեցաւ և վանքին ետևի գետինին վրայ դարձաւ Ճէմալին աչքը: Անոր բանակցութեանց վրայ էինք երբոր կազմակերպական փոփոխութիւնը տեղի ունեցաւ, և ես դորձէ քաշուեցայ: Իմ առաջարկներն էին՝ որ առաջին առնուածը ետ տրուէր, վանքին մօտ կտորը չգրաւուէր, տարեկան ցորեննիս ապահովուէր, և դարձեալ հանրային պարտէզի պայմանով վանքին նուէրը ըլլար: Սակայն Սապայեանի յայտարարութեամբ առաջ առնուած գետինը ետ չտրուեցաւ, գետինը ամբողջաբար գրաւ-

ունեցաւ, եւ վանքը առանց իրաւանց տէր դարձող խոստովանու-  
ունեցաւ:

Հնգհանուր կերպով կէտեր յիշելս բաւական ըլլայ իմ խոհ-  
քերս կամ մտածումներս իմացնելու:

## ՁԵ

Դաւնաւկոս, 1918 Վարս 6/19 ԳՂ.

Կենսագրական Սոնի ու Սուֆերու վերջին հանգրուանին հա-  
սայ. ճիշդ չորս ամիս է այսօր որ Երուսաղէմէ մեկնած եմ, եւ  
շաբաթ մը պակաս է որ Դամասկոս կը գտնուիմ. հոս եմ կա-  
թողիկոսն ու վեց սինոդականները կամ Հոգեւոր Ժողովի  
անդամները և կաթողիկոսին սարկաւազն ու խոհարարը (տե՛ս  
Ձ.) : Բնակութիւննիս առժամեայ փոփոխութիւններէն ետ-  
քը այսօր ազգային սեպհականութեանց մէջ ամփոփուած է:  
Ես ու Չիլինկիրեան եպիսկոպոս ու Պօյաճեան վարդապետ  
բուն վանքին մէջն ենք, կաթողիկոս Ոսկերիչեան վարդա-  
պետով, ու սարկաւազով ու խոհարարով հին տեսչարանին  
մէջ հաստատուած է, Մաղլըմեան ու Սարաճեան եպիսկոպոսներ  
ու Սաչատուրեան վարդապետ վանքին յարակից տունին մէջ  
սենեակներ ունին: Կեանքերնիս ու կերակուրնիս բաժան բաժան  
է: Կաթողիկոսը ծանր գտաւ Երուսաղէմէ տարագրեալներնիս մի-  
ասնական կեանքով պահել, ինչպէս Երուսաղէմի Յունաց պա-  
տրիարքը իրեններուն հետ կը պահէ, և Խրաֆանչիւր ոֆ զիւնքը հո-  
գայ հրամանով ցրուեց: Ես ուրիշ փորձերէ ետքը Սաչատուր-  
եան վարդապետի հետ սեղանակցութեան ձև մը հաստատած եմ  
և անով կը կառավարուիմ, միւսներն ալ մէկով երկուքով ան-  
կախաբար կ'ապրին:

Կաթողիկոսը տէրութենէ ունեցած տասն հազար դահեկանի  
ամսականով, իր ունեցածով և պատահաբար ձեռքը հասածով  
կը կառավարուի. սինոդականներ այստեղ իրենց նուիրուած ցո-  
րենի նպաստին դրամէն օգտուեցան. ես պատրիարքութենէ պա-

հանջիս հաշուոյն մասնավճարներով կ'ապրէի, թէպէտև ոսկե-  
դրամ պահանջածս թղթադրամով կը վճարուի, որուն հարիւրը  
տասնուհինգէ քսանի մէջտեղերը կը խաղայ, իսկ պետական թո-  
շակս որք քեռորդիներուս և քրոջս տրամագրել ստիպուած եմ:  
Երբոր նեղուիլ սկսայ յունուարի մէջ՝ պետական նպաստ խընդ-  
րել պարտաւորուեցայ և դինուորական իշխանութենէ ամսական  
պարէն ստացայ: Իմ օրինակէս քաջալերուած կաթողիկոսն ու  
ժողովականներն ալ նոյն օգնութիւնը խնդրեցին և ստացան փե-  
տրուարի վերջերը: Ժողովականներուն վեց ամիսէ ի վեր անվճար  
հաղար դահեկանի ամսականները այս օրեր կարգադրել և վճա-  
րել աւետուած է: Սակայն քաղաքին վիճակը տարապայման  
նեղցած և սուղութիւնը առասպելական աստիճանի բարձրացած  
է. այսօր քաչ մը սև և խմոր հացը թղթադրամ հարիւր քսան  
ուհինգ դահեկանի գնելու ստիպուած ենք. արծաթ մէճիտիյէն ալ  
արժէքը կորսնցուց, արծաթախառն մետաղով մէճիտիյէներ հրա-  
պարակ հանուելուն պատճառով:

Առողջութիւնս վտանգուեցաւ քաղաքիս խոնաւ միջնուորտէն.  
առաջ ամիսուկէս յամառ փորհարութեամբ նեղուեցայ, յունուար  
23/5 փետրուարին քառօրեայ տենդով հիւանդացայ, որ երկիցս  
կրկնուեցաւ և զիս զգալապէս տկարացուց. վերջերս ջղացաւով  
ալ տառապեցայ, և դեռ ասոնց ամենուն ազդեցութենէն ազատ  
չեմ: Որչափ ալ բժիշկներ կազմս և կենսական գործարաններս  
զննելով՝ զիս կատարելապէս առողջ և տոկուն կը գտնեն, սա-  
կայն ոչ-կենսական տկարութիւններն ալ բաւական վհատեցու-  
ցիչ ազդեցութիւն կը գործեն, միանալով տեսութեան ու լսե-  
լութեան ու մարսողականութեան օրէօր աւելի տկարանալուն  
հետ: Ընդհանուր հրամանատար Ահմէտ Ճէմալ բաշա, որուն հոս  
հասնելէն անմիջապէս ետքը ներկայացայ 1917 նոյեմբեր 15/28ին,  
առաջարկեց և խոստացաւ զիս Կ. Պոլիս զրկել և հանգստացնել,  
սակայն ինքն Կ. Պոլիս երթալով ալ, և Ներքին Գործոց փոխ-  
նախարարութեան անցնելով ալ խոստումը չկրցաւ իրագործել, և  
կ'երևի թէ կեդրոնական կառավարութեան կողմէ աննահանջելի  
անհամաձայնութեան հանդիպած է: Այստեղ լուրջ աշխատու-  
թեան ձեռնարկելու բնաւ դիւրութիւն չունենալով, և անկայուն  
կացութեան մէջ բան մը կարգադրել անհնար ըլլալով, տասնու  
չորս քառակուսի մէդր տարածութեամբ սենեակի մը մէջ փակ-

ուած, ամենայն ինչ անոր մէջ լրացնելու ստիպուած, սենեակի ծառայութիւններն ալ անձամբ կատարելու պարտաւորուած, և գլուխեան համար կէս քառակուսի մէդրէ պակաս հասարակ սեղան մը միայն ունենալով՝ իբրև ժամանցի զբաղում ոոյն խոնի ու Սուֆերս գրել որոշեցի, որչափ ալ կենսագրական յիշատակներ գրելու շատ փափաքող չէի, և կ'երևի որ երբ հատուածներու շարքն ալ աւարտեմ, գործս ընդօրինակելէ զատ զբաղում պիտի չկարենամ գտնել: Օրերս ընդհանրապէս առանձինն կ'անցունեմ. յունուարի մէջ նպաստաւոր օգերով կրցայ քիչ մը պտոյտներ բնել, և գիշերները ծանօթներու տուներն այցելել, իսկ յունուար 23/5 փետրուարին տենդով հիւանդանալէս ի վեր դուրս ալ ելած չեմ, օգերն ալ անկէ ետքը աւելի խառնակեցան, անձրև և խոնաւ և ցուրտ շատցան, զգուշաւորութեանց հարկը սաստկացաւ, և այս կացութեան ներքև կը գտնուիմ այսօր ալ, և օգերուն շտկուելուն և իմ լիապէս կազդուրուելուն կը սպասեմ որ քիչ մը աւելի շարժուն կեանք մը նորէն ձեռք առնել կարողանամ:

Դամասկոսի անհատական կեանքս պատկերացնելու այսչափը բաւական կը սեպեմ, և հանրութեան կ'անցնիմ, զի Դամասկոս կարևոր և մտադրութեան արժանաւոր ազգային կեանք մը ունի այսօր: Հաստատուն հայ տեղացին զանազան կողմերէ եկած և բնիկ դարձած չորս հարիւրի իսկ չէր հասներ, այլ այսօր հայաբնակութիւնը քաղաքիս մէջ տասը հազարէ աւելի կ'ըսուի: Ազգային տագնապին առիթով տարագրեալներուն և կոտորածով ու հիւանդութեամբ ու անսուաղութեամբ պակասածներուն բեկորներն են ասոնք, զորս երեք մարդասէր զգացումներ յորդորուցան հաւաքել, և անկոխ անապատներէ և անշէն ձորերէ բերելով ստոյգ մահուան ճիրանէն ազատեցին: Ընդհանուր հրամանատար Ահմէտ Ճէմալ բաշա, և այժմ Դամասկոսի կուսակալ Թահսին պէյ, և ասոնց մտադրութեանցը լիովին գործադրող, առաջարկներու հնդինակ և միջոցներու պատրաստող հայ գաղթականութեանց քննիչ և հսկիչ Հասան Վասֆի պէյ, ասոնք են այն երեքները զորս պատուով յիշել պարտաւորութիւն կը զգամ, արդիւնքները մօտէն տեսնելէս ետքը: Այստեղ հաւաքուած Հայերուն մէկ մասը ինքզինքնին ապրեցնելու կարողներ էին, իբր կէս մասը առևտուրներու և արհեստներու և պաշտօնէութեանց մէջ մասնողներ էին, որ ինքզինքնին և իրենցները անօթի չձգելու



չափ միջոց կը ճարէին, իսկ բոլորովին լքեալներ, անոք այրիներ, անտիրական որբեր այրիանոցի և որբանոցի մէջ հաւաքուած էին, մէջտեղ մնացողներն ալ ազգային ազքատախնամի մը նպաստներէն կ'օգտուէին: Գէշ աղէկ տանելի և ուրիշ տեղերու հետ բաղդադամբ լաւագոյն վիճակ ունէր դամասկաթնակ հայ տարագիրը մինչև վերջին փետրուար ամիսը:

Այդ միջոցին սկսան երևան գալ նոր դժուարութիւններ, արմտեաց սպառուած գիները բարձրացուց, զինուորական պէտքը պատրաստ պարէնը քիչցուց, գերմանական շահադիտութիւնը տրամադրելին նուազեցուց, միջոցներու պակսիլը աշխատութիւններն ալ պակսեցուց, արաբական ըմբոստութիւնը հայթայթումները դժուարացուց, Իսամական ընդհանուր կեանքը ցընցուեցաւ, տարագրեալ հայուն կեանքը սառեցաւ, վատթարագոյնօրերու ստուերամած երևոյթով միտքեր զգածուեցան: Եւ ահա՛ 1918 փետրուար 17/2 մարտ շարաթ առաւօտուն ոստիկաններ և զօրականներ արևէն առաջ փողոցներ կ'ելլան և դիմացնին ելլող հայ տարագրեալը կը հաւաքեն, չուաններով իրարու կը կապեն և առջևնին ձգելով զինուորութեան կը տանին, այնպիսի և այնչափ անկարգութեամբ՝ որ մինչև իսկ կիներ ալ զինուորադրութեան անունով կը ձերբակալուին: Ո՛չ լուր տրուած էր, ո՛չ ազդարարութիւն եղած էր և ո՛չ հրաման հրատարակուած էր. գաղտնածածուկ գործադրութիւնը գաղտնախառն նպատակ մը ունէր անշուշտ, և արևելեան ռուսութեանք սահմանազլուխներուն վրայ ռուսական բանակին քալելովը կովկասային խումբերու Տաճկաց վրայ խոյանալուն հակարարքը կարծուեցաւ. պատրուակեալ կոտորածին զոհեր պատրաստելու կերպ մը, ինչպէս առաջ այս միտքով խօսքեր կը սպրդէին տաճիկ բերաններէ: Ահե եւ սարսափը տիրեց, շուկաներ պարպուեցան, խանութներ գոցուեցան, տուներ փակուեցան, ամենայն ոք կեանքը ազատելու շտապի մէջ՝ գտած ծակը ծածկուեցաւ, մինչ միւս կողմէն խրոխտ խօսքեր համարձակ կը կրկնուէին:

Շփոթին ու սարսափին ուղիղ հետևանքն եղաւ զիներուն յանկարծ բորձրանալը ու ցորենին և ալիւրին և հացին առասպելական զիներուն թեւակոխելը: Ատոնց հետ համեմատաբար ամենայն ինչ կը սղէր. կառավարութիւնը իւր բացած որբանոցին և այրիանոցին հացն ու պարէնը կը դադրեցնէ, զինուորական

հրամանատարութիւնն իւր զինուորներուն օրական հացը կը կիսէ, իսկ նպաստ ընդունողներուն բոլորովին կը զլանայ, մինչ միւս կողմէ տուներ կը խուզարկուին՝ պահուելու արտադրութիւնները, և բռնութիւններ կը գործուին՝ ծածկուածներ իմանալու: Այլևս ո՛չ արհեստաւորն և ո՛չ խանութպանը ո՛չ իրեն սնունդը կը գտնէ և ո՛չ իրեններուն օրապահիկը կը ճարէ. անօթիներ փողոցներու մէջ կը նուազին և կ'անշնչանան. այրիանոցի և որբանոցի մէջ անօթութենէ մեռնողներ վերջին երկու շաբաթներու մէջ հարիւրէ աւելի կը համրուին: Անսուստութեան տագնապէն խուճախ խուճախ անօթիներ խանութները կողոպտելու կը յարձակին, խանութներ ապրանքնին ապահովելու համար կը փակուին, ծանր գիներով գնելու լուծին ներքև խոնարհողներն ալ փնտռածնին չեն գտներ: Ահա՛ քաղաքիս տխուր պատկերը երեք շաբաթէ իվեր. սոյն այս օրն ալ տակուին իւր խստութեամբը կը շարունակէ:

Հասան պէյ, որ կեդրոնական որբանոցով մը և այրիանոցով մը և երեք խառն մասնաճիւղերով 1700 տառապեալներու սնունդը կը հոգար կառավարութեան հացով ու պարէնով, այսօր յուսաբեկութեան մատնուած է: Աղքատախնամի անդամները իրենց անձը ազատելու համար ծածկուած՝ ո՛չ կրնան նպաստ հաւաքել և ո՛չ նպաստ բաշխել: Զինուորական հրամանատար Մէհմէտ Ճէմալ բաշա կեդրոնի հրամանէն դուրս բան մը ընել չկրնալը կը պատասխանէ և անդէն զինուորի իմա՛ տարապարհակ գործաւորի պէտք ունենալը կը պնդէ, կուսակալ Թահսին պէյ առայժմ յուսադրական խոստումներով կը գոհանայ և իր բարեմիտ բարեացակամութեամբը կ'երաշխաւորէ: Կաթողիկոս-պատրիարք Սապայեանը կրնար, կամ պարտաւոր էր, հնարաւոր հոգածութեան համար ամէն միջոց գործածել, բայց այն ալ անբացատրելի անգործութեան մատնած է ինքզինքը: Կարօտներու ձայները զինքն կը նեղեն, լքեալներու թախանձանքներ զինքն անհանգիստ կ'ընեն, անոնց ձեռքէն ազատելու համար դեկտեմբեր 7/20ին Լիբանանի Զահլէ աւանը օդափոխութեան գնաց, ձմեռուան ցուրտին ձիւնապատ գազաթներ մօտենալով և միայն յունուար 22/4 փետրուարին Իամասկոս դարձաւ: Հանրութեան պաղտփարը, ազգային թէ օտարազգի, պաշտօնական թէ անպաշտօն, տխուր տպաւորութեամբ տեսաւ տառապեալ ժողովուրդին հայր ըլլալու պարծեցողին՝ տառապելոց ձեռքէն խուսափելու փութալանու-



... անհրաժեշտ է զննել և քննարկել նրանց հարմարությունը և կարգավիճակը, և հարմարեցնել նրանց կարգավիճակը իրենց շրջանում և ստանդարտի մոտեցմանը: Դրանով էլ կարգավիճակը կստանա իր ստանդարտի մոտեցումը:

Իստանբուլ, 1918 Վարս 7/20 '12.

Քեհնսագիրը շատ կը տարբերի պատմագիրէն. սա եղելու թեանց կարգով կը քալէ, իսկ նա ըմբռնմանց և զգայմանց կը հեռանի, և կարգն ու շարքը կ'անահսէ, որով երբեմն կը ստիպուի յետահայեաց ակնարկներու վերադառնալ: Ես ալ նոյն ստիպման դիմաց կը գտնուիմ, ինչինչ դիպուածներու մասին տեսութիւններս յայտնելու համար:

Իզմիրլեանի օժումէն առաջ կայսեր ներկայանալու եղած հրաւերը յատուկ պատիւ չէր, այլ յատուկ զգուշաւորութիւն, անոր միտքը հակառուսական ըմբռնումներէն դարձունելու համար: Իզմիրլեան Կ. Պոլսոյ մէջ Պօլօթէնիէի քննադատողներուն գլուխն էր եղած, ռուսական կարգադրութիւնը բռնութիւն որակած, պռոտախօս փքիններ արձակած, տեղեկագիր խմբագրած, նոր ծրագիր կազմած, Մակար-Մելքիսեդեկ խնդիրը բորբոքած, և պիտի երթար նոյն այդ կարգադրութեամբ եկեղեցին կառավարել: Ականջէ տկանջ խօսուած լուրերն ալ հաստատեցին, թէ պատուասիրական ցոյցերուն հետ նշանակալից ազդարարութիւններ ալ ունեցաւ Բեթրպուրկի նախարարներէն: Այս նախազգուշական միջոցը իր արդիւնքն ունեցաւ. Իզմիրլեան Ռուսիոյ մեծ գովաբանող մը դարձաւ, արդէն Օտեսա ոտք կոխելէն սկսած էր Ռուսաց կայսրութիւնը ու օրէնքները օրհնաբանել նոյնիսկ Ռուսահայոց չափազանց երեւնալու չափ, ճիշդ այն ատեն որ Ռուսիոյ կառավարութիւնը հայ կուսակցականաց դէմ սաստիկ հալածանք յարուցած էր:

Իզմիրլեան չմեկնած ամէն ջանք ըրաւ որ Դուբրեանը պատրիարքական աթոռ բարձրացնէ, որպէսզի Կ. Պոլսոյ մէջ իրեն սպասարկու ունենայ իւր ձեռնաստունը: Երբ 1909 մայիս 22/4 յունիսին Դուբրեան ընտրուեցաւ, Իզմիրլեան Գումգարու իջնալով ընտրութեան կը հսկէր, և յաջորդ օրը 23/5ին Կ. Պոլիսէ

կը մեկնէր: Սակայն Դուրեան կ'երևի նորա նպատակին չծառայեց: Էջմիածնի դիւանին մէջ իմ Խրիմեանի գրած շարունակական և ընդարձակ տեղեկագիրներս կարդալով՝ Իզմիրլեան սկսած է ցաւով գանգատիլ, որ Դուրեան զինքն անցուդարձերէն անտեղեակ կը պահէ:

Իզմիրլեանի էջմիածին հասնելէն ետքը օծումը յունիսէն սեպտեմբեր յապտեմբր, և այդ միջոցին Բիւրականի մէջ անգործ ամիսներ անցունելը, և օժման հանդէսին փառաւորութեան համար ժամանակին անօգուտ վատնումը լաւ տպաւորութիւն չազդեց: Իզմիրլեան արտաքին ցոյցերը անարգող, և պարզասէր անձ կը ճանչցուէր և այնպէս ալ կ'երևէր Կ. Պոլսոյ մէջ, բայց կ'երևի թէ սխալ չէ առածին պատգամը, թէ Փառք գրասրս փոխեն (Honores mutant mores):

Միջադէպ մը աւելի շեշտեց Իզմիրլեանի և Դուրեանի յարաբերութեանց ցրտութիւնը: Կուսակցականներ շատ կը պնդէին եկեղեցիները բաց ունենալ, իրենց պոռոտախօս ատենաբանութեանց բեմ կազմելու համար: Մինչ խոհական հասարակութեան խիղճը գոց կ'ուզէր եկեղեցիները, անոնց նուիրականութիւնը պաշտպանելու համար: Բերայի Թաղ. Խորհուրդը մերժած էր Դաշնակցականաց առաջարկը Ս. Երրորդութիւն եկեղեցին մեծ ցոյցի մը տրամադրելու, իսկ Դուրեան պատրիարք չկրցաւ Դաշնակցականաց չհնազանդիլ, և ցոյցն ու ատենաբանութիւններ կատարուեցան եկեղեցւոյն մէջ: Ատենաբանը Դաշնակցականաց դէմ ուսական հալածանքէն զգածուած՝ աչքը կը գոցէ ու բերանը կը բանայ ուսական կայսրութեան դէմ: Դեսպանատունը իրողութիւնը իր կառավարութեան կը հաղորդէ, կառավարութիւնն ալ կաթողիկոսին կ'ազդարարէ որ այդ ցոյցերը խափանել տայ, կաթողիկոսն ալ մեղադրանաց խօսքերով հրահանգներ կ'ուղղէ պատրիարքին: Դուրեանի ծանր կուգայ որ հեռուէն պատրիարքարանի գործերուն միջամտութիւն կ'ըլլայ, և բանիւ ու գործով իւր դժգոհութիւնը կը յայտնէ:

Իզմիրլեան 1909 սեպտեմբեր 13/26ին օծուած, 1910 դեկտեմբեր 11/24ին վախճանեցաւ, միայն տասնուհինգ ամիս պաշտօնավարութեամբ, որուն վրայ ինքն ալ ցաւելով, իւր անկողինին մէջէն կը յայտարարէր, թէ այդչափ կարճ ժամանակի համար չէր արժեք տեղէն շարժուիլ և պաշտօնի անցնիլ: Իւր մահը

արագահաս եղած ըլլալուն մեկնութեան պէտք տեսնուեցաւ, եւ Տէր - Մկրտիչեան Կարապետ եպիսկոպոսի կողմէ ուղղուած դիտողութեան քանի մի ոչ անպատշաճ խօսքերը իբրև պատճառ խօսուեցան: Սակայն Իզմիրլեան արդէն սիրտի հիւանդութիւն ունէր, և սարի առաջ ճարտար բժիշկներէ քննուելով զգուշութեանց հրահանգներ, և յատկապէս ծխախոտի կիրառութենէն զգուշանալու ազդարարութիւն ստացած էր, իսկ ինքն կարևորութիւն չէր տուած, և իւր չափազանցեալ ծխամոլութիւնը անփոփոխ կը շարունակէր: Յուզման մը պահուն սիրտի կաթուածին ենթարկեալ ըլլալը նախատեսուած էր. յուզումն ալ իւրօք տեղի ունեցած է, բայց ոչ Տէր - Մկրտիչեանի խօսքերէն, զի Իզմիրլեան եկեղեցականի մը քանի մի բառերէն այլայլօղջ չէր: Վստահելի աղբիւրէ քաղուած լուրեր կը հաւատասեն, որ դաշնակցական կազմակերպութիւնը հալածանքէն ու դատաստանէն ազատուելու համար, Իզմիրլեանի առաջարկած է կուսակցութեան արամադրելի ընել Գէորգ Գ.ի կողմէ Ճեմարանին համար հաստատուած երեք հարիւր հազար ռուբլիի գումարը: Իզմիրլեանը ուզելով ալ չէր կրնար ուղածնին ընել, քանի որ Պօլսօթէնիէի զօրութեամբ սինոդի և պրոկուրորի հաւանութիւնը անհրաժեշտ էր, մինչ Դաշնակցականները առաջարկը պահանջի, և պահանջը ստիպման հասցնելու չափ կը յառաջեն, և յուզման պատճառը իրենք կ'ըլլան, և քողարկելու կեղծիքը իրենք կը ստեղծեն:

Այդ կէտերը յիշեցի, ոչ թէ Իզմիրլեանի մինչև վերջը իմ վրաս հաշտ աչքով հնայելէն զրգուուած, այլ եղելութեանց մասին ունեցած տեղեկութիւններս ծածկած չըլլալու համար: Իրաւ է որ Կ. Պոլիսէ մեկնելէն ետքը այլևս իրեն գիր կամ հեռագիր չեմ ուղղած, զի մինչև իւր մահը ամբաստանեալի անունը վրայէս չէր վերցած, և իր ունենալիք վարմունքը կասկածելի էր ինծի համար. Կ. Պոլսոյ մէջ պահած ընթացքը կասկածս կը զօրացնէր:

Իզմիրլեանի յաջորդին ընտրութեան ատեն, 1911 դեկտեմբերին, տակաւին կը տեւէր վրաս ամբաստանեալի անունը, սակայն ռուսահայ հասարակութիւնը, որ կարևորութիւն չէր տար Տաճկահայոց Երեսփոխանութեան ընթացքին, բռուն ցոյցերու և յայտարարութեանց սկսաւ զիս իբր կաթողիկոսական ընտրելի ներկայելու: Գլխաւորապէս Տիգրիսի և Նոր-Նախիջևանի մէջ գոաւարումներ տեղի ունեցան միտքերնին հռչակելու, բաղմունք

Թիւ ստորագրութիւններով հեռագիրներ ալ ուղղեցին ինծի: Սակայն Ռուսահայոց այդ մտադրութիւնը աւելի ևս գրգռեց Տաճկահայոց մէջ գործող կուսակցականները և պաշտօնականները, զի այդ շարժումին մէջ առաջիններ իրենց նպատակին և երկրորդներ իրենց պատուոյն հակառակ նշաններ կը նշմարէին: Էջմիածնի միաբանութեան մէջ ալ համաձայնութիւնը կը պակսէր, զի գործօն դեր ստանձնողներուն մէկ մասը կը սիրէր իրեն ձեռքը գործիք դարձող կաթողիկոս մը, և միւս մասը եկեղեցւոյ բարփաւածման և պայծառութեան ծառայող անձ մը ունենալ կը փափաքէր: Այսպէս կը մղուէր իմ անունի շուրջը ծագած պայքարը, որուն մէջ անտարբեր մնալէ և ձայն չհանելէ զատ բան մը չէի կրնար ընել, զի հետապնդել օրինաւոր և պատուաւոր չէր, ելքն ալ բնուէ հաւանական չէր: Իսկ կանխաւ հրաժարական հրատարակել բարեկամ անձերը վիրաւորել էր, և կերպով մը ինքզինքը ցուցադրել էր: Սակայն առանձինն և մտերմաբար չէի վարաներ յայտնել՝ թէ կեղակարծ և անհաւանական նպատակի համար պայքարիլ աւելորդ էր: Ասով մէկտեղ ոչ միայն լրագրական յօդուածներով, այլև յատուկ տետրակներով իմ ընտրելիութիւնս պաշտպանողներ պակաս չէին:

Վերջին պայքարը պաշտօնապէս մղուեցաւ դեկտեմբեր 12|25 ին ընտրելեաց քառանուն ցանկը քուէարկելու առթիւ, ուր իմ ընտրելիութեան աշխատողներ պնդեցին անունս քառանուն ցանկին անցունել, յուսալով անկէ ետքը դադանի քուէի մէջ շատեր իրենց կողմն ունենալ: Բայց յաջողութիւն չունեցան, և ցոյցը կատարեալ ընելու միաքով քսանեւջորս եկեղեցական ու աշխարհական քուէարկուներ, Պարզեանց Սուքիաս եպիսկոպոսի գլխաւորութեամբ, ժողովը թողուցին ու մեկնեցան: Ասոր վրայ անստոյգ կացութիւն մը կը ծագի, մեկնողներ կ'ենթադրեն ընտրողական գործողութիւնը խափանել, ուրիշներ կը կարծեն այս կերպով Դուրեանի ընտրութիւնը յաջողցնել: Պետական ներկայացուցիչը մնացողներուն թիւը բաւական կը դատէ օրինաւոր ընտրութիւն կատարելու: Դուրեանի ընտրութեան համաձայնութիւն ցուցնելով ներքին նպատակնին յաջողցնելու աշխատողներ վերջին պահուն իրենց յայտնած համաձայնութեան հակառակ կը քուէարկեն, և 13|26ի քուէարկութեան մէջ երկու առաջարկելիներէն Սուրէնեան, Դուրեանէ մէկ երկու քուէ աւելի ստանալով,

առաջին քնտրելի կ'ըլլայ, կայսերական որոշումն ալ այդ առաւելութիւնը կը յարգէ, և 1912 յունիս 11/14ին Սուրէնեան կ'օծուի և Գէորգ Ե. կոչմամբ աթոռ կը բարձրանայ: Ինծի համար գոհունակութեան առիթ էր դարձեալ տաղտաղանքի և տագնապի չմատնուիլս, թէպէտ կրնայի յուսալ որ եկեղեցական բարեկարգութեան համար կարևոր քայլեր առնելու պատեհ ունենամ, միշտ այն ուղղութեամբ որ իմ համոզումս է եղած, և զոր յատուկ հատուածով բացատրեցի (տե՛ս ՀԵ): Իմ ուսումնասիրութեանցս մէջ զանազան կէտեր որոճացած եմ, զլիսաւորապէս քահանայական դասակարգին բարձրացման, ամուսնական օրէնքներու ուղղութեան, տօնական և պահեցողական կարգերու կանոնաւորման, և առհասարակ եկեղեցական օրինադիրքի մը կազմաւորման շուրջը:

Գէորգ Ե. կաթողիկոս հասարակ կրթութեան և հասարակ կարողութեան տէր անձ մըն է, նախնական կրթութիւնը պետական և ոչ - ազգային վարժարանի մը մէջ առած, բայց ունի ունակական վարժութիւն Աթոռի գործերուն՝ երկարատե առաջնորդութեամբ, սինոդականութեամբ ու տեղակալութեամբ: Միտքով անձուկ, կամքով տկար, գործով դանդաղ, շրջանակի ազդեցութեան հրպատակող, թելադրութեանց դիւրաւ համակերպող անձ մըն է Սուրէնեան, գործերը իրենց կայուն վիճակին մէջ վարելու յարմար, և լաւ ու վատ առաջարկութեանց հաւասարապէս հետեւելու պատրաստական: Եկեղեցական գործոց շարքին ըրած միակ նշանաւոր գործը՝ հարսանիքի արգիլեալ օրերը նուազեցնելու կոնդակն է: Նախապէս Կ. Պոլսոյ Աթոռն ալ կարծիք յայտնելու հրաւիրուեցաւ, և Կրօնական Ժողովէ ուսումնասիրութեան Յանձնաժողով մը կազմուեցաւ, որուն ես ալ մասնակցութեան կանչուեցայ, և պաշտօնական պատասխանն ալ ես գիրի առի, և կաթողիկոսական կոնդակն ալ մեր գրութեան համաձայն կազմուեցաւ: Գլխաւոր սկզբունքն եղաւ թէ հարսանիքի արգելքը պահոց օրերու պահանջից և տէրունի տօնից յարգանաց համար է հաստատուած: Սակայն աւելորդ էր լուր օրերու տերունիները այդ աստիճանի բարձրացնել և կը բաւէր արգելքը միայն հրամայեալ և նախնական տէրունիներու վրայ ամփոփել: Պահոց օրերէն ալ մեծ պահքի միջոցէն դուրս տօնի հետ կապակցած պահքերը կիսովի և կազմուեցաւ կրնային նկատուիլ և արգելքի չենթարկուիլ, պահելով



միայն պաշտամամբ լրացած պահքերու օրերը ու արգելքը : Այս կերպով կիրակիներէ եւ մեծ պահքէ դուրս քիչ օրեր կը մնային արգելքի ենթարկուած , իսկ կիրակիներուն համար ալ որոշուեցաւ եկեղեցական օրը նախընթաց երեկոյէն հաշուել ըստ նախնական սովորութեան , և կիրակիի երեկոյեանէն ետքը պսակադրութիւնը արտօնել :

Գէորգ կաթողիկոսին անունը աւելի հռչակ ստացաւ , երբ այս վերջին տարիները սկսաւ սաստիկ յուզուիլ Հայկական Արքեպիսկոպոսի Սուրէնեան համակերպելով իւր կաթողիկոսարանի գործերուն գործիչներուն թելադրանաց , և ուսական կառավարութեան ընդգրկած ուղղութեան , իւր ստորագրութիւնը չզլացաւ թղթակցութեանց և գրութեանց և յայտարարութեանց , որոց մէջ կը բացատրուէին գաւառացի տաճկահայ հասարակութեան տառապալից վիճակը , տաճիկ կառավարութեան պաշտօնէից կողմէ գործուած կամ թոյլատրուած անկարգութիւնները , և հայութեան դէմ բացուած հալածանքը՝ բունի տարագրութեանց և զրկանաց , յափշտակութեանց և սպանութեանց միջոցներով : Ասով էջմիածնայ կաթողիկոսը օսմանեան կառավարութեան յայտնի թշնամի և զրպարտիչ նկատուեցաւ , և ատելութեան ու հակառակութեան տուարկայ դարձաւ , և նոր կազմակերպական փոփոխութեան զօրութեամբ՝ Թուրքիոյ հայութիւնը Մայր Աթոռոյ իրաւասութենէն հանել հրամայուեցաւ , և քաղաքական իշխանութեամբ նորատեսակ կաթողիկոսութիւն մը ստեղծուեցաւ : Այդ անցուղարձերու մէջ Սուրէնեանի անունը ոմանց կողմէն պարսուուեցաւ և ոմանց կողմէ գովուեցաւ , իւրաքանչիւրին ըմբռնման և մտայնութեան համաձայն , բայց միշտ առանց Գէորգի գործնական և խոհական արժանեաց ոչ գովեստին և ոչ պարսաւին : Տակաւին կը տւէ Գէորգի անունին շուրջը այդ ներհակընդդէմ կարծիքը , և պիտի տւէ ցորչափ շարունակեն աշխարհի վրայ համաշխարհական պատերազմին արհաւիրքը , և հայութեան վրայ շփոթ կացութիւնը և աղետալի տապնապը :

## ԶԷ

Դասնասկոս, 1918 Վարս 8/21 ԵՂ.

Պատերազմի արհաւիրքը երեքուկէս տարիէ ի վեր այնպէս ազդած է բովանդակ աշխարհի վրայ, և պատերազմի աղէտները այնչափ ծանրացած են անխտիր ամէն երկիրներու մէջ, որ ամենուն բերանն է ոչ միայն համաշխարհական պատերազմին վերջանալը, այլև անգամ մըն ալ պատերազմին տեղի չունենալը, և նոյնիսկ պատերազմը գրգռողներ ու վարողներ ու երկընցընողներ կը փութան յայտարարել, թէ պատերազմ կ'ընեն պատերազմները իսպառ դադրեցնելու համար: Այս իմաստով տեսութիւններ, կարծիքներ, տուաճարկներ, ծրագիրներ, դաշնագիրներ ալ շարունակ երևան կուգան: Թող ինձի ալ ներուի այդ նիւթին նկատմամբ տեսութիւններս պարզել, որչափ ալ նիւթը ինձի օտար և շրջանակէս դուրս ըլլայ, սակայն իբրև գիտական հարց ես ալ խորհած եմ անոր վրայ, և ըստ գիպաց կարծիքներ ալ յայտնած:

Իմ տեսութեամբ պարզապէս ինքնախաբուծիւն (utopie) մըն է միտքի տեսութիւններով և սրտի զգացումներով պատերազմին վերջանալուն սպասել, իբրև թէ եղբայրական սկզբունքը, մարդկային զգացումը, մարդասիրական տեսութիւնը, հետեանքներու աղէտը, համասեռներու կապակցութիւնը, արդարութեան զօրութիւնը, բարոյական տեսակէտը, և ասոնց նման ուրիշ շատ մը մտածումներ պիտի կարենան վերջ տալ պատերազմներուն: Անեկն վայրագ զագանը վարդն է ըսուած է, իսկ ես սովոր եմ կրկնել՝ Շահն է աշխարհի շահն շահը, բացարձակ իշխանը, գերագոյն ազգակը, և ամենատէր բռնակալը: Հետեաբար չեմ ուզեր և ոչ խօսքի նիւթ ընել բանաստեղծներու երևակայական թռիչները, քերթողներու վերացական գաղափարները և բարեմիտներու սնավաստակ փափաքները: Բանական տեսութիւնը չի կրնար զսպել մարդկային ձգտումը, երբոր խնդիրի նիւթ է իր շահը, և երբ կը զգայ իր զօրութիւնը:

Չորաքեան դեմ իրաւունք արժեք չունի (Conbro la forza ragion non vale): Աշխարհի վրայ տեղի ունեցող առաջին հակառակութիւնը կամ վէճը, մնասին երկիւզը և օգուտին փոփաքը բնական զօրութեամբ լուծուեցաւ. կայէն սպանութեամբ լուծեց Աբէլի դէմ զգացած հակառակութիւնը, թէպէտ երկուքը եղբայրներ էին, ո՞ւր մնաց ուրեմն արեան ձայնը, ո՞ւր իրաւունքի սկզբունքը, ո՞ւր սիրտի զգացումը: Բիրտ ոյժի զօրութիւնը նուիրագործուեցաւ, և ո՛չ իրաւունքի արդարութիւնը: Այն օրէն մինչև այսօր նոյն է տիրող ընթացքը, և եղբայրասպան պատերազմներն են խնդիրներ լուծելու միջոցները:

Այլ սակայն եթէ ընթացքը իւր էութեան մէջ նոյն մնաց, իւր կերպարանին մէջ փոփոխութիւն կրեց. երկու ներհակ զօրութեանց վրայ երրորդ գերագոյն զօրութիւն մը սկսաւ իւր ազդեցութիւնը զգայնել, և ներհակընդդէմ պայքարները լռեցնել: Հայր մը կրցաւ երկու զաւակներուն վէճը իւր ձայնովը վերջացընել. գերագոյն զօրութիւն մը երկու նուազ զօրութիւնները լռեցուց: Այս փորձը իրեն յաջող հետեանքներ ունեցաւ, հայրական իշխանութիւնը կամ զօրութիւնը ընդարձակուելով նահապետական դարձաւ, նահապետականը իշխանականի փոխուեցաւ, իշխանականը թագաւորական եղաւ, թագաւորականը պայմանադրականի անցաւ, պայմանաւորականը օրինական կազմակերպուեցաւ, օրէնքը իւր որոշ օրէնքները ունեցաւ, և այսօր մարդկային ընկերութեանց մէջ օրէնքը գերագոյն զօրութիւն եղաւ, որով ոչ միայն անհատ անհատի, հանրութիւն հանրութեան, ընկերութիւն ընկերութեան, այլ մինչև իսկ անհատը իւր կառավարութեան դէմ օրէնքի զօրութեամբ իրաւունք պահանջելու և խնդիր լուծելու բաց ճանպայ մը ունի իւր առջև: Յառաջխաղացութիւնը մեզ կը հասցնէ տէրութիւն տէրութեան դէմ, կամ ուրիշ բացատրութեամբ, ազգ ազգի դէմ հանող խնդիրներու լուծման ոյժը փնտռելու: Բայց այդ լուծման ներքին իսկութիւնը փնտռելու չմտած, հարկ է մէկ երկու օժանդակ կէտեր բացատրել:

Առաջին յիշեցնելիքնիս այն է, որ ամէն շրջանակի մէջ ծագած խնդիրներ, թէպէտ միշտ շահու տեսակէտէն կը յուզուին, սակայն իրենց բնութեամբ երկու տեսակ են. մէկուն մէջ պարզ նիւթական շահն է խնդիրին առարկայն, հաշուական ձև ունե-

ցող, չափի և թիւի պայմանով յուզուած, քանակի և որակի տարբերութենէն բղխած, և աւելիի ու պակասի վէճով արծարծուած: Իսկ միւսը անձնական ըմբռնումէ մը, մեծութեան ձրգտումէ մը, պատուոյ զգացումէ մը, ազդեցութեան առաւելութենէ մը, գործունէութեան ազատութենէ մը, կամ վնաս խափանելէ մը, կամ ուրիշ նմանօրինակ բնական ու բանական տեսակէտէ մը բղխած է, արտաքին պարագաներու չափէն ու թիւէն կախում չունի, և ամենափոքր պատահարէ մը ամենամեծ պահանջ կը զարթուցանէ: Այդ երկու տեսակէտներուն առաջին յիշածնիս տնտեսական է, իսկ երկրորդը քաղաքական կը կոչենք, առաւելապէս տէրութիւն տէրութեան դէմ պարագային վրայ հիմնուելով:

Միւս նախագիտելիքն է որ օրինական գերագոյն զօրութեան գործնական վիճակի անցնելուն համար երեք տարրներ անհրաժեշտ են. առաջին՝ որոշ ու յատուկ և օրինագիրքի մէջ ընդունուած և զօրութիւնը ամբողջ պահած օրէնք մը, երկրորդ՝ օրէնքը մերձեցնող, խնդիրը վճռող, և գործադրութեանը կարող իշխանութիւն մը, և երրորդ՝ դատախազ և դատափետ կողմերուն չափուած ու ձևուած, որոշուած ու ճանչցուած անհատականութեամբը (individualité): Անհատականութիւնը բնական (naturelle) կը կոչուի, երբոր որեւէ մարդկային անհատի մը վրայ է խօսքը, բարոյական (morale) կ'անուանուի՝ երբոր որեւէ կազմակերպուած և օրինաւորապէս ճանչցուած ընկերութեան կամ մարմինի մը վրայ կը խօսուի. քաղաքական (politique) պիտի կոչէինք՝ երբոր խօսքը տէրութեան մը կամ ազգի վրայ դառնար, ինչ որ մինչև հիմայ տեղի ունեցած չէ, իսկ պատերազմները դադրեցնելու համար անհրաժեշտ պահանջ է:

Նախագիտելիքներու երկու դլուխները իրարու միացուցած ատեննիս, յայտնի է որ բնական անհատականութիւնը ունի իրեն համար պետական օրինագիրքը և դատական իշխանութիւնը՝ թէ անտեսական և թէ քաղաքական խնդիրներուն համար, և անոնց ձեռքով կրնայ ստանալ իւր իրաւունքին պաշտպանութիւնը և պաշտպանութեան իրականացումը և անիրաւ հակառակորդին զսպումը: Իրեն առջև բաց է նաև կամուտր ատենի (arbitrage) միջոցը, երբոր երկու կողմեր համաձայնին խնդիրը լուծելու կոչուած անձերու վրայ, անոնց խիղճին և ընդհանուր

արդարութեան սկզբունքին տալով օրէնքին ոյժը, և կամաւոր յանձնառութեամբ լրացնելով գործադրութեան մասը:

Ինչ որ կը նշմարուի բնական անհատականութեան վրայ, նոյնութեամբ կը պատշաճի բարոյական անհատականութեան վրայ, որ այս տեսակէտին ներքեւ բնաւ չի տարբերիր բնական անհատականութենէ, միակ պայման ըլլալով որ բարոյական մարմինը օրէնքէ և իշխանութենէ հաստատուած ըլլայ, իւր կազմակերպութեան պայմանները որոշուած և ճշդուած ըլլան, և բարոյական մարմինին անունին գործը վարող անհատականութիւնները պարտուպատշաճ ընտրութեամբ և հաստատութեամբ արտօնուած ըլլան: Օրէնքներն ու դատարանները միւսնոյններն են, այլ պիտի զատորոշուին՝ համաձայն բարոյական մարմինին հպատակութեան և գործին տեղւոյն տարբերութեան: Բարոյական մարմիններուն համար աւելի յաճախ և աւելի դիւրամատոյց է կամաւոր ատեաններուն եղանակը, քանի որ շատ կէտեր անոնց համար կամաւոր պայմանագրութեամբ հաստատուած են:

Այժմ գանձ մեր բուն նպատակին, այսինքն քաղաքական անհատականութեանց, տէրութիւն տէրութեան և ազգ ազգի դէմ հանող խնդիրներուն: Եթէ ասոնց խնդիրները պարզ տնտեսական են դիւրաւ կրնան լուծուիլ կամաւոր ատեաններու ձեռքով, մինչև որ օրինական և հաստատուն ատեաններ կարենան կազմուիլ: Կա Հէյի (La Haye) ատեանը տակաւին կատարեալ կերպարան մը չառաւ: Վերջին տարիներու մէջ փորձով տեսանք Եւրոպիոյ մեծ տէրութեանց Ամերիկայի փոքր հանրապետութեանց հետ կամաւոր ատեանի տռջև դատուիլը, և մեծ տէրութեան անիրաւ վճռուած ատեն յօժարութեամբ համակերպիլը: Ըսել է որ տնտեսական խնդիրներ դատարանով լուծելու կերպը սկսած է, և շարունակելով աւելի կանոնաւոր և աւելի ընդհանրացեալ ձև մը կրնայ ստանալ, և այդ երեսէն ծագելիք պատերազմները կրնան խափանուիլ:

Բոլոր խնդիրը կը կեդրոնանայ ուրեմն քաղաքական անհատականութեանց քաղաքական խնդիրով իրարու դէմ պայքարի մտնելնուն վրայ: Քաղաքական շահը հնար չէ ո՛չ չափել և ո՛չ որակել, ըմբռնման և զգացման հետեանք է անոր կարևորութիւնը, և իրարու հանդէպ բռնուած դիրքին, ստացած առաւելութեան, ապագայ հնարաւորութեան, փորձառական կամ երե-

ւակայական գնահատումներու արդիւնք է տրուած արժէքը, և անոր հիմամբ ընտրուելիք ընթացքը, արգիլուելիք վնասը, ձեռք ձգուելիք օգուտը: Այս մասին ո՛չ պատճառարանութիւն, ո՛չ կշռադատութիւն, ո՛չ խոհականութիւն իրական արժէք չունին. կիրքն է որ կը յուզուի, ձեռնարկ մըն է յանկարծ կ'ըլլայ, և անգամ մը նետը աղեղէն արձակուելուն պէս՝ այլևս ետ չի դառնար, ինչպէս եղաւ ներկայ համաշխարհական պատերազմը:

Արքայազարմ իշխան մը աւստրիական հողի վրայ սերպիացի անչափահաս երիտասարդէ մը կը սպաննուի. Աւստրիա Սերպիոյ թագաւորութեան բողոք և պահանջ կ'ուղղէ, Սերպիա մինչև աստիճան մը պահանջը հաճեցնելու կը զիջանի, Աւստրիա զիջումը տեսնելով պահանջը կը սաստկացնէ, Սերպիա չկարենալով մինչև հոն զիջանի՝ դժկամակութիւն կը յայտնէ, Աւստրիա պատերազմի ռումբը կ'արձակէ, Սերպիա կը ստիպուի պատասխանել, Ռուսիա իւր պաշտպանեալը չ'ուզեր անօգնական թողուլ, Գերմանիա իւր նիզակակից Աւստրիոյ օգնութեան կը հասնի, Գաղղիա իւր նիզակակից Ռուսիոյ օգնելու կը շարժուի, Գերմանիա Պելժիոյ չէզոք հողէն Գաղղիոյ վրայ կը քալէ, Պելժիա անձնապաշտպանութեան կը ստիպուի, Անգղիա չէզոքութեան իրաւունքի և դաշնագիրի անարգուելուն վրէժխնդիր կը յայտնուի, Թուրքիա իւր նիզակակից Գերմանիոյ հետեւելու կը ստիպուի, Իտալիա իւր շահերուն անտեսուելուն համար դաշնակիցներէն կը բաժնուի և թշնամի կը դառնայ, և ահա պատերազմը համեւորպականի կը փոխուի, և վերջէն ուրիշ տէրութեանց ալ աւելնալովը համաշխարհականի կը վերածուի: Այդ անեղակի ժխորին արմատը իշխանի մը սպանութիւնն է, որևէ մարդասպանութեան պէս տեղական եղեռնադատ ատեանով վերջանալիք դիպուած մը: Բայց այս երեցածն է: Բուն իսկութիւնը Գերմանիոյ քառասուն տարիէ իվեր զինուորականութիւն զօրացնելով, և ամէն կողմ տարածուիլ և սզդել ուղելով՝ խրոխտանալու սկսիլն է, և իւր նպատակին ոյժ աւելցնելու համար առիթի սպասելն է, մինչ միւս տէրութիւններ դիւրութիւն և ասպարէզ տալու մտադիր չէին: Ահա՛ քաղաքական անհատականութեանց քաղաքական շահը, որ ինչպէս ասկէ առաջ կ'ըլլար, և ասկէ ետքն ալ պիտի ըլլայ, ո՛չ սիրտի զգացումներով կ'արգիլուի, ո՛չ դատարանով կը լուծուի, ո՛չ իրաւունքի հիմամբ կը պարզուի: Բիրտ ոյժն է

շարժող և շարժուող ազգակը որ առջև կ'անցնի իրաւունքի պատրուակով իրաւունք սանակոխելու :

Որպէսզի առանց բիրտ ոյժի քաղաքական կնճիռներու այդ ճիւղն ալ կարենայ լուծուիլ, պէտք է որ այս ալ ունենայ իւր օրինագիրքը, իւր դատական իշխանութիւնը, և իւր ճշդուած անհատականութիւնները : Այն ատեն միայն, ինչպէս բնական անհատ մը անպատիժ կերպով ուրիշին կեանքը վերջացնել և ըստացութիւնը գրաւել չի կրնար, և ինչպէս բարոյական անհատականութիւն մը չի կրնար ուրիշ բարոյական անհատականութեան մը ասպարէզը համարձակօրէն ինքն գրաւել, նոյնպէս ալ հնար չըլլայ քաղաքական անհատականութեան մը ուրիշ քաղաքական անհատականութեան երկիրը մտնել, ստացութիւնը սեպհականել, կտցութեանը վնասել, գոյութիւնը վրտանդել : Այս նպատակին համար օրինագիրքի մը կազմութիւնը անհնար չեմ տեսներ, վասնզի վերիվերոյ իրաւունքի սկզբունքները նոյն են, և միայն ընդարձակութեամբ և պարագաներով կը տարբերին : Դատական իշխանութեան մը կազմութիւնն ալ անհնար չեմ նկատեր, զի կամաւոր ատեաններու դրութեամբ, հնար է երկցագոյն և ազդուագոյն տէրութեանց ներկայացուցիչներէն բարձրագոյն արիսպագոս մը հաստատել, որոշեալ պայմաններով հաւաքուիլ և վճուել, և վճիռը բոլոր տէրութեանց ազդեցութեամբ գործագրել :

Իմ տեսութեամբ բուն խնդիրը և անլուծելի հանգոյցը երրորդ արտայայտիչ պայմանն է. քաղաքական անհատականութեանց որոշումն ու կազմութիւնը, կամ որ նոյն է՝ անոնց գոյութեան պայմանները : Խնդիր է թէ ինչո՞վ քաղաքական անհատականութիւն մը պիտի որոշէ իր սահմանները, իր պարունակութիւնը, իր միութիւնը, իր գոյութիւնը : Որո՞նք պիտի ըլլան միութեան պայմանները, մինչև ո՞ւր պիտի տարածուին ինքնուրոյն վարչութեան կամ ազատ տէրութեան պահանջները : Մինչև հիմայ այդ մասին նախընթաց մը չէ եղած, ըլլայ իսկ թերի և անկատար, որ կարենար իբրև նմոյշ ծառայել, և գնելով վերցնելով, աւելցնելով ու յապաւելով, կատարելագոյն ձևի վերածուէր, հետևաբար ամենայն ինչ պէտք է ի նորոյ ստեղծուի, խորհուի և գործուի :

Ընկերվարականութիւնը (Socialisme), որ կը յաւակնի նոր դաս

րուն աւետարանը դառնալ և մարդկութեան բոլորովին նոր ձեւակերպութիւն մը տալ, մէկդի թողլով իր անխորհուրդ և յախուռն ձեռնարկները, երկու կէտ այժմ կը պաշտպանէ իբրև հիմնական սկզբունք և հին աշխարհը յեղափոխելու միջոց, որոց այժմեան տէրութիւններն ալ կամաց կամաց կը մօտենան: Այդ երկուքներն են՝ մնայուն զինուորականութիւնը ջնջել, և փոքր ազգութեանց իրենց բախտն ու կառավարութիւնը որոշելու իրաւունք տալ: Սակայն երբոր մնայուն զինուորականութիւնը կը վերցուի, զէնքն ալ չի վերցուիր, այլ զինեալ ազգութեան ծրագիրը կը ներկայացուի: Ամէն քաղաքացի զինավարժ պիտի ըլլայ, կազմութիւններ ու բաշխումներ և հրամանատարութիւններ որոշուած պիտի ըլլան, զէնքերը կեդրոնի մը մէջ պիտի պահուին, և երբ պէտքը յայտնուի, ամէն քաղաքացի պարտաւոր պիտի ըլլայ զէնք առնել ու ճակատ երթալ և հրամայեալ տեղը հրամայեալ գործը կատարել: Չեմ յիշեր որ կանանց ալ յատուկ զինուորական ծառայութիւններ որոշուած ըլլան, բայց այս ինչ ստոյգ է, որ այս կերպով զինուորականութիւնը ոչ թէ կը ջրնջուի, այլ կը տարածուի և կը զօրանայ. արդէն այս է այսօր Գերմանիոյ վրայ տեսնուած զինուորական ոյժին ազրիւրը: Գերմանական օրէնքով ամէն արու՝ նախակրթարանէն սկսելով՝ մարզանք կը ստանայ, և չափահաս եղած ատեն արդէն պատրաստուած զինուոր է, և պաշտօնէն ու գործարանէն, արտէն ու կըրպակէն կոչուած ատեն իբրև վարժ զինուոր գործի կը ձեռնարկէ: Հետեւաբար չեմ կարծեր որ այս առաջին պայմանով զինուորականութիւնը ջնջուի և պատերազմը դադրի:

Գալով երկրորդ կէտին, որ է փոքր ազգութեանց իրենց կացութիւնը որոշելու իրաւունք տալ, կամ ուրիշ բառով քաղաքական անհատականութիւն սահմանել, չեմ գիտեր ի՞նչպէս պիտի որոշուին փոքր ազգութիւնները, մինչև ո՞ւր պիտի իջնայ փոքրկութեան չափը, ո՞ր յարաբերութեամբ պիտի կազմուին ազգութիւնները. աւանդութեա՞մբ, արիւնո՞վ, լեզուո՞վ, կրօնքո՞վ կամ թէ կամաւոր ընտրութեա՞մբ. մինչև ո՞ւր պիտի յարգուի նախազրաւման (prescription) սկզբունքը, ի՞նչ արժէք պիտի ունենայ երկարատե տիրապետութիւնը, ի՞նչ վիճակ պիտի ունենան ցրուեալ գաղթականութիւնները, ինչո՞վ պիտի ոչնչանայ ազգի մը գոյութեան իրաւունքը. վերջապէս շատ մը ևս այսօր



տեսակ պատճառներ: Խօսքը աւելի պարզելու և միտքը լուս և ա-  
յայտնելու համար օրինակով խօսիմ, և օրինակը մեզի մօտ տե-  
ղերէն առնեմ: Հայը ամենէն փոքր ազգութիւն մը նկատուած է  
արդէն և իր բախտը որոշելու իրաւունք տալ կը խօսուի. ո՞վ  
պիտի ըլլայ այդ իրաւունքը վայելող հայը, ո՞ւր է այդ իրաւ-  
ունքը վայելող հայուն տեղը: Եթէ հայաբնակ կամ Հայաստան  
կոչուած օսմանեան նահանգներ միայն պիտի առնենք, անոր  
չափ կողմերը Քիւրտերն ալ կան, Միջագետքի մէջ Արաբացիներ,  
և Ասորիներ, Վանայ կողմը Քաղզէացիներ, Սեբաստիոյ կողմեր-  
թուրքեր, Տրապիզոնի կողմը Լազեր և ցրիւ գտնուող Եգերա-  
ցիներ: Միթէ հայ չե՞ն ուսական նահանգներու մէջ գտնուող  
երկու միլիոն Հայերը, միթէ հայ չե՞ն պարսկական գաւառներու  
մէջ ապրող մօտ հարիւր հազար Հայերը, հապա Փոքր Ասիոյ,  
Կոստանդնուպոլսոյ, Պուլկարիոյ, Եգիպտոսի և Ամերիկայի մէջ  
գտնուողները: Ասոնք իրենց բնակավայրի՞ն վրայ պիտի հաշուուին,  
թէ Հայաստան տէրութեան բացակայ քաղաքացիներ պիտի սեպ-  
ուին: Վրացիներն ալ փոքր ազգ մըն են, բայց իրենց գլխաւոր  
քաղաքները Հայերով լեցուած են և հայ ազգեցութիւն կը կրեն:  
Հա՞յը վրացի պիտի սեպուի, թէ վրացին հայ: Լեհաստան մը  
կազմուեցաւ իբրև փոքր ազգութիւն, բայց Աւստրիոյ Կալիցիան  
անոր չխառնուեցաւ, Բրուսիայի Բողէն և Կնէզէնը լե՞հ չհրատա-  
րակուեցան: Օրինակները շատ ևս կրնայի յիշել, այլ զանց կ'ը-  
նեմ: Հեռութիւնը այս է, թէ աւելի քան ազգութիւնը՝ պէտք  
է երկրի բաժանումը պնդել, և որոշ սահմանի մը մէջ գլխաւոր  
և աւանդական տեղը նկատի առնել, բայց այն ատեն ալ ծանր  
խնդիրներ պիտի ծագին երկիրներու բաժանմանց սահմանները  
ճշդելու ատեն:

Ամէն պարագայի մէջ պէտք է միանգամընդմիշտ գորդեան  
հանգոյցը աղեքսանդրեան սուրով մը լուծել, և գործնական ու-  
րատ կարելւոյն տրամաբանական ու քաղաքագիտական պահան-  
ջից համաձայն պայմաններ հաստատել, որպէսզի վերև ակնարկ  
կուած քաղաքական անհատականութիւնները հաստատուին, և  
քաղաքական շահու խնդիրները ամուր կռուան գտնեն, և բնա-  
կան ու բարոյական անհատականութեանց նման հաստատութիւն  
ունենան, օրէնքով պաշտպանուած և իրաւունքով ճոխացած ան-  
հատականութիւններ դառնան, անձեռնմխելի գոյութիւննին ա-

պահովուի, պայքարները անպատուղ և ապարդիւն դառնալով լը-  
ռեն, և պատերազմներու նպատակը ջնջուելով դադարին ու վեր-  
ջանան: Եթէ շահը շահով մը չզսպուի, ոչ մի այլ ոյժ կամ փաստ  
կամ մտայնութիւն կամ զգացում չի կրնար բիրտ ոյժով ձեռք  
ձգուելիք նպատակները անհետացնել, և Արէլներու վրայ յարձա-  
կող կայէնները աշխարհի վրայէն վերցնել:

Վերև յիշած գործնական և տրամաբանական և քաղաքա-  
գիտական պայմանները զտել զատել և հաստատել, գիտեմ որ  
ոչ մէկուն կամ մէկային գործն է, և ոչ դիւրաւ որոշուելիք  
ձեռնարկ է, այսու ամենայնիւ կ'ուզեմ այստեղ քանի մը կէտեր  
առաջ բերել, գոնէ իմ մտաւորական աշխատութեանս և ուսում-  
նասիրութեանցս արդիւնքը յայտնած և հաղորդած ըլլալու հա-  
մար: Եւ անո՛ր իմ խոհքերուս համառօտ ամփոփումը:

Քաղաքական անհատականութեան կամ ազգութեան մը կազ-  
մութեան արտադրիչները ցեղական ծագման և սեպհական երկ-  
րամասի կէտերն են:

Երկու կէտերն ալ դարերու ընթացքով պատահական յուե-  
լումներու կամ յապաւումներու ենթակայ են:

Ազգութեան մը գոյութիւնը չի կրնար պաշտպանուիլ, երբ  
իւր երկրամասէն օտարացած է և ցեղական տարրը միլիոնի մը  
չի հասնիր:

Փոքր ազգութիւն է այն՝ որ գոնէ մէկ միլիոն անհատ ու-  
նի, մեծ է տասը միլիոնէ, և երիցագոյն է քսանուհինգ միլիոնէ  
աւելի անհատ ունեցողը:

Ազգութիւն կազմելու պայմաններ են՝ պատմական գոյու-  
թիւն, քաղաքական կեանք, և քաղաքակրթեալ տէրութիւն ու-  
նեցած ըլլալը:

Էական պայման է սեպհական դպրութիւն և գրական կեանք  
ունեցած ըլլալը և տակաւին զայն պահելը:

Իիրտ ոյժով տիրապետութիւնը իրաւունք չ'արտադրեր, երբ  
ցեղական ձուլման, նիւթական յառաջդիմութեան, բարոյական  
զարգացման և քաղաքական բարգաւաճման առաջնորդած չէ:

Ազգութեան մը բնական անհասներ են ծագմամբ ու յարաբե-  
րութեամբ անոր հետ կապուածները. լեզուի կիրառութիւնը էական  
պայման չէ. կրօնքի տարբերութիւնը բացասական պայման չէ:

Կազմուելիք ազգութեան մը ձայնատու են ցրուած անհատ-

ներն ալ, որոնք կեդրոն դառնալու կամ կեդրոնին հետ կապուելու պատրաստ են :

Կազմուած ազգութեան մը կրնան պատկանիլ անոր երկրին մէջ ծնածները, և հինգ տարի իրական և տեական բնակութիւն ունեցողները, եթէ կ'ուզեն այդ պայմաններէն օգտուիլ և իրենց նախնականէն հրաժարիլ :

Կազմուած ազգութեան մը պատկանող բայց ուրիշ տէրութեանց ներքեւ գտնուող մասերը, պէտք է առանց դժուարութեան նոյն ազգութեան թողուին ու կցուին :

Ազգութեանց գերագոյն արխագագը կը կազմուի երկրագոյններէն և մեծերէն և փոքրներէն նշանակուած չորս չորս անդամներով . մասնակցութեան տեղութիւնը տարեկան է, և շարքը նախակարգեալ յաջողութեամբ կը կարգադրուի :

Նախագահութիւնը վեցամսեայ է և ընտրական, և պարզ ատենապետական գործողութենէ աւելի դեր չունի :

Իւրաքանչիւր խնդրի դատավարութեան առթիւ, դիմամարտ դատախազներ իրաւունք ունին շահակից և կասկածաւոր ազգութեանց և ներկայացուցիչներու անձնականութեանց դիտողութեամբ փոխանակողներ պահանջել :

Դատավարական ձեւերը ընդհանուր սովորութեամբ ընկալուողներու հետեողութեամբ կը պահուին :

Գերագոյն արխագագին պաշտօնէական մարմինը տարբեր տարբեր ազգութիւններէ պիտի առնուի, արխագագին ազատ ընտրութեամբ :

Գերագոյն արխագագը պիտի գործէ որեւէ ազգութենէ կամ տէրութենէ անկախ և ուղղակի ժողովին իշխանութեան հպատակող քաղաքի կամ աւանի կամ գղեակի մը մէջ :

Ծագումով ազգութեան մը պատկանող անհատներ ազատ կերպով ուրիշ ազգութեան և տէրութեան կրնան պատկանիլ կամ անցնիլ, երբոր միլիոնէ պակաս տարրի մը, կամ էական պայմանները չլրացնող տարրի մը կը պատկանին, և կամ պարզապէս ուրիշի մը անցնիլ կ'ուզեն :

Ընդունուած է երկրագոյն և մեծ և փոքր ազգութեանց դաշնակցական կապակցութիւնը դիւանագիտական յարաբերութեանց, ընդհանուր շահերու միացմանց, բարգաւաճման միջոցներու դիւրութեանց և իրերապաշտպան կապակցութեանց նպատակակէտներով :

Ազգութեանց կամ տէրութեանց անձեռնմխելիութեան դէմ մեղանշողներ գերագոյն արիսպագին վճռով և երիցագոյն ու մերձաւոր տէրութեանց ձեռքով կը զսպուին, հատուցմունք և տուգանք գերագոյն արիսպագէն կը վճռուին, եթէ փոխադարձ հաւանութեամբ չեն կարգադրուիր:

Քաղաքական անհատականութեանց քարտէսի մը կազմութիւնը անհրաժեշտ է, ինչպէս բնական անհատականութեանց ազգահամարը, և բարոյական անհատականութեանց արձանագրութիւնը:

Ամփոփումս թէև շատ թերի և զտուելու ու շտկուելու կարօտ, դոնէ կրնայ իմ միտքս յայտնել, և ուրիշներու միտքը բանալ:

Այստեղ կ'ուշարտին ցարդ մտածած ու մտադրած նիւթերս, և մինչև որ նոր մտածումներ, նոր նիւթեր զարթուցանեն, կ'ուզեմ միջանկեալ կերպով նախնիքներուս, ծնողքներուս և ազգատոհմիկներուս վրայ փոքրիշատէ տեղեկութիւն տալ, իմիչներով զիս ճանչցնելու նպատակով: Կը փոփաքէի ազգային ընդհանուր կացութեան վրայ տեղեկութիւններ ապա և տեսութիւններ պարզել, սակայն հարկ էր հաստատուն և աւեղական կըռուանի մը վրայ գտնուիլ, մինչ այսօրուան օրս երերեալ և տատանեալ վիճակի մը մէջ կը գտնուինք, և սպասելու հարկ կը ծագի:

## ԶԸ

Դաւնակոս, 1918 Մարտ 9/22 Ուր.

Նախնիքներուս վրայ ծանօթութիւններս դարերով վեր չեն բարձրանար, եւ պիտի բաւականանամ լսածովս ու միտքս պահածովս: Ասկէ իբր 130 տարի առաջ Ռոտոսթօ կամ Թէքիրտալ կը գտնուի եղեր Տէլիօրմանլը Յովհաննէս, Դանուրի հարաւային եզերքը Տէլիօրման գաւառէն եկած, առոյգ երիտասարդ մը, բուն և հուժկու, որ իրեն բնաւորութեան յարմար կը գտնէ Յէնիչէրի դունդին մէջ զինուորագրուիլ, ինչ որ այն ատեններ քրիստոնեայ կամաւորներու ալ ներեալ էր, եւ այդ անունին ներքեւ համարձակ ու ազտա կեանք անցունել: Ազգով հայ, կրօնքով

հայադաւան, ծագմամբ ալ պէտք է պատկանի Անեցի կոչուած Բաղրատունեաց ժամանակի գաղթականութեանց, որոնք Սեւ Շովի հիւսիսէն պատելով և տեղ տեղ բաշխուելով՝ աւելի առաջ անցնողներ մինչեւ Դանուբի գետեզերքները հասան: Յովհաննէս 1785ին կ'ամուսնանայ, եւ նոր փեսայութեան մօտ օրերը դաւաճանութեամբ կը սպաննուի իւր զինուորակիցներէն, որոց վրիժառութեան առարկայ եղած է եղեր իւր բուն և ահացուցիչ գործերով, գուցէ և յաջողակութեան նախանձով, և կրօնական տարբերութեամբ: Նորապսակ այրին յղի վիճակի մէջ մայրաքաղաք կ'ապաւինի, եւ Թընկրեանց տունը պատսպարան կը գանէ, կ'աշխատի և կը խնամուի, ուր և 1786ին զաւակը կը ծնի, որ թէպէտ Ղալաթիոյ Ս. Լուսաւորիչ եկեղեցին կը մկրտուի Աստուածատուր անունով, այլ մայր և տղայ հռոմէադաւան ուղղութեան կը հետեւին, որուն կը պատկանէր Թընկրեանց գերդաստանը, իրենց ասպնջական տունը: Այս պարագաներով հայրական պապենական ճիւղէն բնաւ ազգակից ու մերձաւոր չունինք, զի Յովհաննէս Ռոտոսթոյի մէջ պանդուխտ է եկած, այն տեղ հետք չէ թողած, ինչպէս ստուգած եմ Ֆէսլեան Արխատակէս ծերունի աւագերէցէն, իսկ Տէլիօրմանի կամ Վիտին քաղաքի մէջ բնու յիշատակութեան չեմ հանդիպած:

Աստուածատուր կ'երեւի իր հօրմէն արիւն քաշած է, զոր երբեք ճանչցած ալ չէր, զի երիտասարդութեան ատեն ինքն ալ ծովակալութեան նաւագներու (գալիւն) գունդին կ'արձանագրուի, ազատ ու համարձակ կեանք կը վարէ, բայց տակաւ հանդարտելով՝ դերձակութեան կը հետեւի, միշտ ծովակալութեան (Բէրսանէ) ծառայելով, ուր մինչեւ ձեւող կարող վարպետի (մատար) աստիճանին կը բարձրանայ: Քսանըհինգ տարեկան եղած ատեն 1811ին Կ. Պոլսոյ մէջ կ'ամուսնանայ Տալիթա Եէնիսէրքիսեան օրիորդին հետ, գուտար Անկիւրացի ցփսիավաճառ Սարգիսի, որ Անկիւրիոյ հռչակաւոր այժեմագ ցփսիներու (սօֆ) առատուրով և ընտանեօք մայրաքաղաք փոխադրուած էր. բայց Սօֆձուխանին մէջ նախապէս ուրիշ Սարգիս մըն ալ եղած ըլլալով, Եէնի-Սէրքիս (Նոր-Սարգիս) մակղիր կոչմամբ կը սկսի որոշուիլ:

Աստուածատուրի և Տալիթայի զաւակներ եղած են աղջիկ մը վաղամեռիկ, Յովհաննէս՝ երոպական դերձակութեան հետեւող և ամուրի մեռած 1881 ապրիլ 27/9 մայլիսին, Անտոն որ հայրս

է, և Միքայէլ ամուսնացեալ և զաւակաց աէր և եղբօրը Յովհաննէսի արհեստակից ընկեր: Հայրս եղած է որ ընտանեկան ուրոշ տոհմանուն մը ունենալու փափաքով՝ իւր մեծ հօրը Տէլիօրմանը մականունը Օրմանեան ձեւին վերածելով՝ հաստատուն տոհմանուն մը յատկացուցած է մեր ազգատոհմին: Ինչպէս կը տեսնուի Օրմանեան տունէն միայն Միքայէլի զաւակները ունինք իբր ազգական. իսկ Նէնիսէրքիսեանց ճիւղէն ազգակցութիւնը բաւական ընդարձակուած է:

Մօրենական կողմէն Միասէրեան գերդաստանին կը պատկանիմք, բնիկ Անկիւրիոյ և հռոմէադաւան, որուն մասին դիւանական գրութեանց մէջ հանդիպած եմ, թէ շուրջ 1735ին Միասէր օղլու Օքսէնտ Կաֆայէ Անկիւրիա գաղթած և ազգատոհմին արմատն է եղած: Ինչպէս յայտնի է, Կաֆայի հայութիւնն ալ Բապրատունեաց գաղթականութեամբ կազմուած է, որով երկու կողմէն ալ միեւնոյն բնադաւառի սերունդին պատկանած կ'ըլլամ: Չեմ կրցած ստուգել թէ Օքսէնտ Միասէրեան արդէն հռոմէադաւան Կաֆայէ եկած է, թէ ոչ Անկիւրիոյ կրօնափոխութեան առթիւ հռոմէադաւանութիւնը ընդունած է: Օքսէնտի թու կամ թուսնորդի կը կարծեմ Պետրոս Միասէրեան՝ մօրենական մեծ հայրս, Անկիւրիա մնացած շուրջ 1790ին, դերձակութեամբ գրադած, և այնտեղ 1817ին պսակուած՝ 1798ին ծնած Վերոն Պալեանի հետ, որուն նախնեաց վրայ անդեկութիւն չեմ կրցած քաղել, բայց Պալեանք ալ Անկիւրիոյ լաւ տուներէն մէկն են եղած: Պետրոս և Վերոն զաւակներ ունեցած են, բայց շատ վաղամեակ կը եղած են, Ալիքսան մանչ մը երիտասարդ տարիքին ամուրի վախճանած է, իրենց զաւակներէն միայն մայրս Եղիսաբէթ ապրած է, որով այս կողմէն ալ մօտիկ ազգականներ չեմ ճանչցած: Միասէրեան էր Հայր Միքայէլ, Անտոնեան միաբանութենէն, Պետրոսի հօրեղբօրորդի մը, ինչպէս նաև Հայր Ռափայէլ արքահայր, Հայր Միքայէլի եղբօրորդի, երկուքն ալ միաբանութեան ուսումնական վարդապետներէն, որոց աշակերտած եմ Հռոմի վանքին մէջ: Պալեան տունէն ճանչցայ միայն Էմմանուէլ վարդապետը, Վերոնի եղբօրորդի, որ հռոմէադաւանութենէ Հայ Եկեղեցւոյ վարդապետ եղաւ, և յետոյ այն ալ լքելով ամուսնացաւ, և փոխկառավարիչի (գայճագած) պաշտօն վարեց զաւառներու մէջ: Նախնեացս վրայ աւելի անդեկութիւն չունիմ, և կ'անցնիմ ծնողացս:

Հայրս Անտոն ծնած է 1817 Կաղանդի գիշերը, յունվար 1|13  
ին, եւ Ղալաթիոյ Ս. Լուսաւորիչ եկեղեցին մկրտուած յունուար  
4|16ին: Տղայութեան ատեն՝ 1825ին՝ կ'աշակերտի լատին վեղա-  
րաւոր Փրանկիսկեանց (Franciscani couventuali) Բերայի Ս. Ան-  
տոն (Sant Antonio) վանքի դպրոցը, և քաղցրաձայն ըլլալով՝ եր-  
գեցողութեանց կը մասնակցի և խաղերէն լեզուի կ'ընտելանայ:  
Հռոմէադաւաններու 1828ին Կ. Պոլիսէն հեռացուելուն առթիւ  
նոյն վանքին մէջ գիշերօթիկ կը մնայ, եւ 1829 մայիսին Դադ-  
մատացի Ճիօվանի Պրաթիչ (Giovanni Bratic) նաւապետէ մը իբ-  
րեւ որդեգիր թրիէսթէ կը տարուի, այլ սակայն նաւապետին  
կինը չի հաճիր ամուսնոյն ըրածին և տղան կը նեղէ, որ ճա-  
րահատ Կ. Պոլիս դառնալ կ'ուզէ, և նաւապետը կը դարձնէ  
1830ին երկու երեք ամիս առագաստանաւի ճամբորդութեամբ  
թէ երթալուն եւ թէ գալուն: Իտալերէնի հմտութեամբը Կ.  
Պոլսոյ մէջ անմիջապէս դեղագործութեան կ'աշակերտի լատին  
Թօտօրաքիի դեղարանը, մինչեւ որ արհեստին անիրանալով՝ 1836  
ին դեղագործ Մաղաք Փափազեանի հովանաւորութեամբ սե-  
փական դեղարանի տէր կ'ըլլայ Ստամպօլ քաղաքամէջը, Մար-  
բուճճուլար փողոցը, Եարլմ խանի ներքեւը: Անկէ ետքը՝ 1838  
փետրուար 12|24ին կը նշանուի Եղիսաբեթ Միասէրեանի հետ,  
և 1839 յունվար 22|3 փետրուարին կը պսակուի Բերա, Լա-  
լէ փողոց, հօրը տունին մէջ: Ինչ ետքը ապրիլի մէջ տունը  
կ'այրի, և Այասփաշա տաճկաբնակ փողոցի մէջ տուն մը կը փո-  
խադրուին, ուսկից հայրս ու մայրս կը դատուին և կը բը-  
նակին Բերա, Եօզուրթհանէ փողոց, յետոյ թիւ 9 կարգաթիւով  
նշանակուած, Լէքէճեան Անտոնի տունին մէկ սենեակը: Հայրս  
չէր կրնար յարմարիլ հօրը և ևղբայրներուն արբեցողական սովո-  
րութեան, և այդ էր պատճառը որ հօրմէն կը զատուէր:

Մայրս Եղիսաբեթ, Անկիւրացւոց աղաւաղմամբ էսամ կոչ-  
ուած, ծնած է Անկիւրիա 1823 յուլիս 24|5 օգոստոսին, և 1824  
ին իննամսեայ սանդիաց մանուկ՝ ծնողացը հետ Կ. Պոլիս կը փոխա-  
դրուի, բայց հռոմէադաւան Անկիւրացւոց Կ. Պոլիսէ հեռացուելուն  
առթիւ, 1828 փետրուար 2|14ին ծնողացը հետ դարձեալ Անկիւրիա  
կը դառնայ: Հինգ տարեկան փոքրիկ աղջկան միտքին վրայ այն-  
պիսի սաստիկ տալաւորութիւն մը կը թողու աքսորի պետական  
պաշտօնէից ընկերացող հայ քահանային երեւոյթը, որ, մինչեւ

ուչ ատեններ չէր կորսուած այդ տպաւորութիւնը: Անկիւրիայէ կը վերադառնան 1830ին, և մայրս նուրբ ասեղնագործութեան վարպետուհի մօտ արհեստին մէջ կը յառաջանայ, բայց զուրկ կը մնայ դպրոցական կրթութենէ և կարգալ գրելու կարողութենէ, որ այն ատեն սովորական ալ չէր աղջիկներու համար: Տնական կեանքով և արհեստին հետեւողութեամբ կը մեծնայ մինչև հօրս հետ ճանչցուիլը 1838 փետրվար 10|22ին, և 12|24ին նշանուիլը, և 1839 յունուար 22|3 փետրուարին պսակուիլը: Հայրս 22 և մայրս 16 տարեկան են եղած պսակուած ատեննին:

Անտոնի եւ Եղիսաբեթի զաւակները տասն են եղած, և են՝ Պետրոս 1840 փետրուար 11|23ին ծնած, որուն անունը առնուած է մօրենական մեծհօրս անունէն, որ փափաքած է իւր անունը տալ իւր թոռանը: Երբ հայրս իւր ծնողաց հետ չէր կրցած համաձայնիլ, աներն ու զոքանչը իրեն մօտ կը բռնէր, մանկամարդ ամուսնոյն օգնութեան և խնամոց համար: Անդրանիկ Պետրոս կը մեռնի 1841 օգոստոս 4|16ին, մէկուկէս տարիէ եօթն օր պսակաս տարելով, և կը թաղուի Բերայի Թագսիմ գերեզմանոցն, վերի ծայրի բարձրավանդակին վրայ, ուր կը գտնուէին Եէնիսէրքիսեանց զանազան ճիւղերուն գերեզմանները:

Պօղոս, որ ես եմ, 1841 փետրուար 11|23ին ծնած, անդրանիկին ծնած օրէն օրը օրին ճիշդ տարի մը ետքը: Կը մկրտուիմ Ղալաթիոյ Ս. Փրկիչ եկեղեցին փետրուար 18|2 մարտին, պաւառացի քահանայէ մը, որուն անունը տոմարին մէջ չեմ գտած. կնքահայր կ'ունենամ Մաղաք Փափազեանը, որ հօրս պսակին և անդրանիկին մկրտութեան ալ այդ դերը վարած է, և միշտ եւ յամենայնի հօրս պաշտպանն ու հովանաւորն եղած է: Պօղոս անունը դրուած է իբր Պետրոսին կապակից անուն: Ծնունդիս օրը այն տարին հանդիպած է Բուն Բարեկենդանի երեքշաբթիին, որ հռոմէադաւաններու սովորութեամբ դեռ Բարեկենդան կը սեպուի, և մօրս երկունքին ժամուն, տաճկական ժամահաշուով զիչերուան երեքին, Լէքէճեանց վերի սենեակը Բարեկենդան փակելու ուրախութիւններ կը կատարուին եղեր: Գաւառացի քահանային անձարակ կերպով մկրտութիւն կատարելէն, ականջիս ջուր է գացեր, որուն պատճառաւ տկարութիւն եմ անցուցեր, խեւէս խորան են բացեր որուն սպին դեռ կը մնայ, և տկար տղայութիւն ունեցեր եմ, և բժշկութեանս համար մայրս Բերայի



Ս. Անտոն եկեղեցին ուխտ է բեր, և միջոց մըն ալ վանական Փրանկիսկեանց տարազը հազուեցուցեր իւր փոքրիկ տղուն : Իմ ծնունդէս վեց ամիս ետքը անդրանիկ Պետրոսին մեռնելովը անդրանկութեան ժառանգ ևմ եղած : Կենսագրական գրութեանս մէջ արդէն գրուեցաւ տղայութենէս սկսելով (տե՛ս ԺԸ) :

Մարտիրոս 1843 յունուար 18|30ին ծնած, կէս գիշերէն երեք ժամ ետքը : Միւս օր դայեակը ըստ հին սովորութեան արիւն հանելու (հաճածա՞ք) սովորութիւնը կը կատարէ, բայց վէրքերը աղէկ չպատելուն, տղուն արիւնը առատ կը հոսի, և երեկոյին հայրս գործէ դառնալուն նորածինը հոգեվարք կը գտնէ և ինքն մկրտութեան ջուրը կուտայ, և Մարտիրոս անունը կը դնէ արիւնազանգ մեռնելուն համար միօրեայ կեանքով յունուար 19|31 : Կաթոլիկ վարդապետներէն Ամբրոսիոս Մաղաքեան կը սկսի խնդիր յուզել՝ թէ հայրս մկրտող դառնալուն համար ամուսնութիւնը լուծուելիք կ'ըլլայ, այլ Հասունեան եպիսկոպոսը փոխանորդ Մաղաքեանը կը լռեցնէ և հօրս զայրոյթը կ'իջեցնէ ու կը հանդարտեցնէ :

Վիչէն, 1844 փետրուար 21|5 մարտին ծնած, կէս օրէն ժամ մը ետքը, և մարտ 1|13ին մկրտուած : Կարմրուկ հիւանդութենէ մը ետքը, զոր միասին ունեցանք, աւելի տկար մնաց, և քիչ մը տան դպրոց յաճախելէն ետքը՝ վերջին տարին ինծի հետ միասին Անտոնեանց նախակրթարանը կ'երթար : Եօթը տարին լրացուցած էր երբ ես Հռոմ կը մեկնէի, և ինքն զաւակներուն երկցագոյնը կը մնար :

Կոմիտաս, 1845 հոկտեմբեր 14|5 նոյեմբերին ծնած, կէս գիշերէն երկու ժամ ետքը, և 29|10ին մկրտուած, կազմով առողջ և հասակով բարձր. ճիշդ հինգուկէս տարեկան էր իմ Հռոմ մեկնելուս ատեն, և կը պատրաստուէր Վիչէնի հետ Անտոնեանց նախակրթարանը երթալ իմ մեկնելէս ետքը :

Ագապի 1848 յունուար 4|16ին, կէս օրէ երկու ժամ առաջ ծնած, և 11|23ին մկրտուած, յիսնօրեայ մանուկ՝ հնտախտէ կը մեռնի մարտ 16|28ին : Ագապի անունը կնքահօր Մաղաք Փափազեանի կամքով էր դրուած, որ Սոփիա ամուսին և Պիատոս ու Էլպիս աղջիկներ ունենալով, երրորդ աղջիկ չէր ունեցած, և Սոփիայի դստերաց անունները իւր սանին վրայ ուզած է լրացնել :

Սերովբէ 1849 մարտ 24/5 ապրիլին ծնած կէս օրէ ժամ մը առաջ և 30/11ին մկրտուած, երկու տարին նոր լրացուցած և և հապիւ ոտք ելած մանկիկ էր, երբ ես Հռոմ կը մեկնէի:

Այսպէս եօթը զաւակներէն Պետրոս և Մարտիրոս և Ագապի վաղամեակի էին եղած, և երեք ալ տունը կը մնային, Վիչէն և Կոմիտաս եւ Սերովբէ, երբոր ես 1851 մայիսին Հռոմ աշակերտութեան կը մեկնէի: Կեանքերնիս բոլոր Բերա անցած էր, ուր իմ ծնելէս առաջ հայրս ձեռնարկած էր սեպհական փայտաշէն տուն կառուցանել Ֆէրիտիյէ փողոցը, յետոյ ՅՅ թուահամարով նշանակուած, ուր քիչ ետքը փոխադրուած էր, և այն տունին մէջ ծնած են Մարտիրոսէ սկսած հինգ զաւակները: Միւս երեք զաւակները առայժմ չեմ յիշեր, զի հատուածս Հռոմ երթալուս հոնգրուանին փակել է նպատակս:

Հայրս իր դեղագործութիւնը կը շարունակէր յաջող ընթացքով, և դիւրակեաց ոճով կ'ապրեցնէր ու վայելուչ ձեւով կը պահէր իր տունը: Իր գբադումը դեղ պատրաստելէ և վաճառելէ աւելի փորձառական բժիշկի (empiriste) ընթացք էր, և յատկապէս գաղանի հիւանդութիւններ կը դարմանէր, որոց համար շատեր պաշտօնական բժիշկի դիմելէ կը քաշուին, իսկ հօրս պէս ծանրագլուխ անձի մը դեղարանին ներքին սենեակը խնամուել աւելի հաճելի և դիւրին կը գտնեն: Այս սենեակին պատին վրայ հայրս մեծ տառերով գրած ունէր. Tu te domiue speravi non confundar coi aeternum, զոր վերջէն Հայերէնի փոխեց. Ի քեզ Տէր յուսացայ, մի՛ անսպէցից յախճան: Հայր Աթանաս Տողրամանեան վարդապետ, տանը խոստովանահայրը, որ աւանդական դեղերով բժշկութեան հետեւող էր, և մինչև արքունական կանոնոցը մուտք ունէր, հօրս պատրաստել կուտար իր դեղերը, որոնցմէ զանազան մասնադեղեր հայրս ալ կը գործածէր: Կանոնաւոր և տնտես կենցաղ ունէր հայրս, բոլորովին տանը ու աղոցը հոգածութեան և կրթութեան նուիրուած: Ազգային զգացմանց ալ եռանդուն էր, և ժամանակին ազատամիտներուն նշանաբանն եղող Համազգեաց Ընկերութեան հիմնադիր ընկերներէն մէկն էր: Թրիէսթէ գացած ըլլալուն առթիւ աւսարլուացի հպատակի անցագիր ունեցած է, զոր միջոց մը պահած և զլիսարկ ալ գործածած է, որ Սինեօր Անտոնաքի կոչման պատճառ եղած է: Բայց յետոյ հայրենասիրական զգացմամբ անցագիրը կը պատռէ:

գլխարկը կը նետէ եւ օսմանեան հպատակութիւնը ձեռք կ'առնէ : Կը յիշեմ եւս որ ձեռքէն եկածին չափ եղբայրներուն արբեցողական միտումը մեղմելու ալ կ'աշխատէր : Իսկ մայրս աշխատասէր, տնաշէն, համեստարարոյ և ճարտար կին մըն էր եղած, տան ամէն պէտքերուն ճարտար և ինքնին հոգացող, որով միակ ազատ խինի մը օգնութեամբ բազմաթիւ զաւակներու վրայ ծնողի եւ խնամածուի պարտքերը լրացուցած է, և տունն ալ վայելուչ և պատուաւոր կերպով պահած : Հայրս ու մայրս ձեռք ձեռքի տրուած իրենց խնայողական ճիգերով ամառնային միջոցներուն օգտփոխութեան համար գիւղագնացութեան պէտքն ալ դանց չէին ըներ, և լաւ կը յիշեմ Վոսփորի Պէյգողը և Մարմարայի Հէյպէլի կղզին անցուցած գուարճութեան օրերնիս : Հայրս ձկնորսութեան ալ սիրահար հետեւող մըն էր, կարթերը իւր ձեռքով կը պատրաստէր, յատուկ նաւակ ու նաւավար կը պահէր, և մինչև Վոսփորէն դուրս ալ ձկնորսութեան կ'եղնէր : Առաջները ծխախոտի մոլի ըլլալու չափ գործածող մըն էր, ծխախոտը հակերով կը գնէր, լաւ տերեւները ինքը կը զտէր, և կտրտողը աչքին առջև գործելու համար տուն կը բերէր, բայց երբոր փասսը ըզգաց, կիրառութիւնը իսպառ գաղբեցուց : Տնական պարէններն ալ անձամբ պատրաստող էր. ապուխտի, երչիկի, ազած ձուկերու պահեստները և մոմի պաշարը իւր ձեռքէն կ'անցնէին, եւ հետամուտ էր ձմեռուան պէտքը աշունէն համբարուած ունենալ : Հասոյթի զանազան տեսակները ծախքերու զանազան տեսակներու կը պատշաճեցնէր և զատ զատ կը պահէր, և ինքն իրեն ալ չէր ներեր մէկը միւսին գործածելու : Քաղցրեղինաց պատրաստութեան մէջ ալ մայրս կատարեալ արհեստագործութիւն ունէր : Վերջապէս համեստ չափով բայց կանոնաւոր ընթացքով բարօրութեան վիճակ ունէր առանին կեանքերնիս :

Իմ մեկնած ատենս հայրական ու մայրական պապերս ու մամերս չորսն ալ կենդանի էին. մայրականները մեզի հետ բնակակից էին, իսկ հայրականները Միքայէլ հօրեղբօրս հետ կ'ապրէին : Միքայէլ ամուսնացած էր Մինասեան Աբուհիի հետ 1844 յունիս 18/30ին, անդրանիկը՝ Յարութիւն ծնած էր 1845 ապրիլ 1/13ին, որուն համար սովոր էր նա կատակարանել, թէ ապրիլ 1 էր երբ խաբուեցայ, թէ ոչ այս անպիտան աշխարհը եկողը ես չէի : Երկրորդ զաւակը Ստեփան և երրորդը Սօֆիա ես չգացած ծնած էին արդէն :

Ազգակիցներէս Միասէրեան և Պալեան և Օրմանեան ճիւղերէն եղողները արդէն յիշուեցան, իսկ Եէնիսէրքիսեան ճիւղը բոլոր աղջիկներէ կազմուած է, զի հայրս միակ մօրեղբայր մը ունեցած է որ սերունդ ալ չէ ունեցած: Մօրաքոյրներէն Սրբուհի ուխտագիր ամուրի մնացած է, և հիւանդութենէ մը տեսութիւնը կորուսած է. Լուսիա օտարազգի Զուբբարի (Zuppar) հետ ամուսնացած է. բայց ամենէն ընդարձակ ճիւղը եղած է Գանթարեանի կողակից Աննա մօրաքրոջը սերունդը, որուն հետ մեր յարաբերութիւնները աւելի սերտ են եղած: Այս ճիւղէն է Յովհաննէս Գանթարեան, որ բարեկեցիկ վիճակ ունեցած է, և զաւակներէն աւելի կարեւոր դիրք ունեցած է Անտոն Գանթարեան, ծխախոտի ընկերութեան ղիւանապահը: Նոյն սերունդին կը պատկանի Սովիա, Կեսարացի Գալֆայեան Գէորգի կողակիցը, որուն զաւակներէն Ամբրոսիոս և Սորէն առաջ Վենետիոյ Մխիթարեան, ետքէն Հայ Եկեղեցւոյ վարդապետներ, Ամբրոսիոս ամուսնացած և Սորէն եպիսկոպոսացած, և Նարպէյ ու Լուսինեան անուններով ինքզինքնուն արքայազուն իշխանութեան հովեր և ձեւեր տուած: Ասոնց քոյրն է Տիկին Աննիկ Մարկոսեան, Աննա մօրաքրոջ սերունդէն, աւելի խօսուած են նաև Սրապ Թղլեան արդիւնաւոր ու ծանօթ ուսուցիչը և Քերիմեանց բարեկեցիկ գերդաստանը, և ճիշդ այդ վերջիններուն տունն է հանդիպած հօրս ու մօրս իրար ճանչնալը:

Նախնեացս ու ծնողացս վրայ տեղեկութիւնները մինչև 1851 ին Հռոմ Անտոնեանց վանքը աշակերտութեան երթալս հասցնելով հատուածս կը փակեմ և շարունակութիւնը նոր հատուածի կ'անցունեմ, ուր դէպքերու փոխադարձ յարաբերութեանց պիտի հանդիպինք, որոնք թէպէտ յիշուած են, բայց տեղեկութեանց կապը կապելու համար նորէն պիտի յիշուին:

## ՁԹ

Դաւնակոս, 1918 մարտ 9/22 Ուր.

Ընտանեկան յիշատակներս նախադասած եմ միշտ նիւթերու համաձայնութեամբ ամփոփել, քան թէ ժամանակագրական կար-

գին հպատակիլ, ինչ որ աւելի յարմար կը դատեմ եղելութեանց մասին որոշ գաղափար կազմել տալու :

Հոռմ մեկնած ատենս չորս պապոնքս կենդանի էին ըսած էի, սակայն անոնց վախճանը ուշացած չէ և յետսընդգէմ կարգով եղած է, նուազ տարիք ունեցողէն դէպի աւելի ունեցողին յառաջելով : Առաջին վախճանողը եղած է մօրենական մեծ մայրս Վերոն 1851 յունիս 18|30ին, տակաւին յիսուն երեք տարեկան, և մեկնելէս միայն 36 օր ետքը : Միւս տարին 1852 հոկտեմբեր 1|13ին կը վախճանի մօրենական մեծ հայրս Պետրոս 63 տարեկան : Տարի մը ետքն ալ կը վախճանի հօրենական մեծ մայրս Տալիթա 1853 օգոստոս 28|9 սեպտեմբերին՝ 66 տարեկան : Անանկ որ 1866ին Կ. Պոլիս դառնալուս միայն հօրենական մեծ հայրս Աստուածատուրը կենդանի գտայ, որ վախճանեցաւ 1867 սեպտեմբեր 20|2 հոկտեմբերին՝ 82 տարեկան, միեւնոյն օրը որ երկրորդ անգամ Հոռմ կ'ուղեւորէի և ճիշդ շոգենաւ մտնելէս ետքը : Մերձաւորագոյն կորուստը ունեցած եմ ամենէն պզտիկ եղբորս Սերովբէի մահուամբ 1857 յուլիս 15|27ին, տակաւին եօթ ուկէս տարեկան, որ թաղուած է Գատըքէօյի Հայոց Գուշտիլի գերեզմաննօցը : Լսած եմ որ պզտիկին մահը տեղի ունեցած է անճարակ վարժապետի մը դայն ահացուցիչ ձեւերով սարսափահար վախցնելէն :

Տան կացութեան վրայ տարբերութիւն յառաջ բերած է 1855 յուլիս 20|1 օգոստոսին Բերայի մեծ հրդեհը, որուն մէջ այրած է Բերայի մեր փայտաշէն տունը, երբ անեցիք Գատըքէօյ գիւղագնացութեան կը դանուէին, և ստիպեալ ձմեռն ալ նոյն գիւղը կ'անցունեն : Գիւղը այդ միջոցին ընդարձակուելու շարժում մը ունէր, և մանաւանդ Ներոպայիք աւելի ոյժ տուողներ էին, Սիոնեան մայրապետներ (Soeurs de Sion) օրիորդաց գիշերօթիկ վարժարան կը բանան, Լաբլանշ (Laplanche) գաղղիացին մասնաւոր լաւ վարժարան մը կը կազմակերպէ, օդն ու ջուրն ալ հաճելի կը դառնան, որով հայրս ալ կ'որոշէ այնտեղ հաստատուիլ եւ Բերայի ժխորէն հեռանալ : Բերայի հրկիզեալ տան հողը կը վաճառէ, և Գատըքէօյ Գուշտիլի փողոց թիւ 20 բաւական ընդարձակ հող մը կը գնէ, Օտարանոց (Չէ-բի-տի) կոչուած նոճիներուն կից, և 1857 մարտ 6|18ին նոր փայտաշէն տունի հիմնարկէքը կը կատարէ, և շինուածը շուտով բնակելի վիճակի հասցնելով :

հոն կը փոխադրուի: Միայն թէ գետինը խոպան և դառիվեր ըլլալուն՝ շատ ծախքերու կը պատաւորուի զայն ձեւի բերելու, և մէկը միւսէն բարձր մասերով բանջարանոցի և ծաղկանոցի վերածելու, և շրջապատը և բաժինները որմափակ ամրացնելու, բայց ինքն շատ գոհ կը մնայ պարտէզներու մէջ և դիմացը բաց օդաւէտ բնակութիւն մը պատրաստած ըլլալուն համար: Գատըքէօյ չեկած 1852 յուլիս 31/12 օգոստոսին աղջիկ դուռակ մը ունեցեր էր, վաղամեռիկ Ագապին հաշիւի չառնելով վեց մանչերու վրայ բողձացեալ առաջին աղջիկը, որ կը մկրտուի Եւգինէ անունով և էֆտիկ փողաքչական աղաւաղմամբ: Երկու եւս աղջիկներ Գատըքէօյի տունին մէջ կ'աւելնան, Լուսիկ 1858 փետրուար 12/24ին ծնած և փետրուար 26/10 մարտին տան մէջ մկրտուած, և Ագապի 1861 յուլիս 11/23ին ծնած և 16/28ին մկրտուած, որուն վրայ կրկնուած է վաղամեռիկին անունը: Այս երեքով կը լրանայ ծնողացս տասը զաւակներուն շարքը:

Հայրս եռանդուն կերպով զաւակացը կրթութեան և ուսման հետամուտ՝ առաջները տեղւոյն թաղական և տնական դպրոցներէ կ'օգտուի, և վերջէն Վիչէնին ու Կոմիտասին Լաբլանշի վարժարանը լրացեալ ընթացք կատարել կուտայ, և Եւգինէն Սիոնեանց մօտ գիշերօթիկ կը դնէ, և անոր երկու տարի մնալէն ետքը կը հանէ և Լուսիկը կը դնէ: Մանչ զաւակներու ապագային համար, իմ արդէն եկեղեցականութեան մտած ըլլալովս, մէկը բժշկութեան և միւսը դեղագործութեան կը սահմանէ, և այս նըպատակով Վիչէնը 1863 սեպտեմբեր 19/1 հոկտեմբերին ճանապոյ կը հանէ Հոռմ, իտալական համալսարանի ընթացքը ընելու, օգտակարագոյն դատելով ինծի մօտ ըլլալը և վաճառի մէջ կանոնաւոր կեանքը: Թէպէտ Հայր Ռափայէլ Միասէրեան վանահայրը աշխարհական երիտասարդին համար քաղաքական կեանքը յորմարագոյն նկատելով՝ առջի օրեր Վիչէնը Ռուպինօ ուսուցիչին տունը կը գետեղէ, սակայն հօրս պնդելուն վրայ շուտով բընտկակցութեան և սեղանակցութեան կ'ընդունուի ամսաթոշակի վճարմամբ: Վիչէն երկու տարի իտալերէն և լատիներէն լեզուներու վարժուելէ և փիլիսոփայութեան դասերու հետեւելէն ետքը, համալսարանին մէջ բժշկական դասընթացներու ձեռնարկեց, և կանոնաւորապէս շարունակեց, և վանական շրջանակի մէջ ապրեցաւ. միայն անգամ մը, 1868ին

ամառնային մեծ արձակուրդին, Կ. Պոլիս գնաց ու դարձաւ:

Կոմիտաս, որ դեղագործութեան սահմանուած էր, միջոց մը հօրենական դեղարանը վարժութեանց հետեւեցաւ, և երբ Կ. Պոլսոյ զինուորական բժշկական վարժարանը սկսաւ ցերեկեայ ազատ աշակերտներ ընդունիլ, Կոմիտաս դեղագործութեան ճիւղը մտաւ, զինուորական համազգեստ հագնելով: Բայց շուտով միտքը փոխեց, աչքին ստորին և ծառայական երեւցաւ դեղագործութեան զրադիլը, և փափաքեցաւ կատարեալ բժշկական ընթացք շարունակել: Թէպէտ եղբայրը արդէն բժշկութեան հետեւելու ըսկըսած, սակայն հայրը չուզեց զուակին փափաքին արգելք բլլալ, և դիւրաւ հաւանեցաւ որ նա ալ բժշկութեան հետեւի օսմանեան զինուորական վարժարանին մէջ, և այսպէս երկու եղբայրներ միանգամայն բժիշկ ըլլալու պատրաստուեցան: Օսմանեան վարժարանին ուսուցչական լեզուն գաղղիերէն էր երբոր Կոմիտաս կ'աշակերտէր, անկէ ետքը գաղղիերէնը խափանուեցաւ և թուրքերէնը ուսուցչական լեզու ընդունուեցաւ: Բայց միշտ Կոմիտասի օսմանեան աշակերտութենէն ելլելը զինքը աւելի մօտիկ պահեց թուրք տարրին, երբոր իբրեւ վկայեալ բժիշկ աշխատութեան ասպարէզը թեւակոխեց:

Ընտանեկան կեանքը ընաւ երբեք տարբերութիւն չունէր այն կերպարանէն, զոր նախընթաց հատուածիս մէջ պատկերեցի և նորէն կրկնելու հարկ չեմ տեսներ, և կը բաւականանամ գըլխաւոր դէպքերը քաղելով: Երբոր 1866 փետրուարին Հոռմէն դարձայ, տան մէջ աւելցած երեք քոյրերէս զատ գտայ նաեւ Եէնիսէրքիսեան Սրբուհի հօրս մօրաքոյրը, որ թէպէտ տեսութենէ զրկուած, սակայն մեծապէս օգտակար կ'ըլլար մօրս ոչ միայն տնական գործերու մէջ, այլ առաւելապէս պղտիկները ըզբաղեցնելու և պահպանելու համար: Սուր լսելութեամբ և ամուր յիշողութեամբ ամէն բանի կը հետեւէր, և ակնկալութենէ շատ վեր գործունէութիւն ունէր:

Գատըքէօյի մէջ հայ կաթոլիկ եկեղեցի չկար, և Գուշտիլի ու Սէօյիւտլի թաղարածիւններու մէջ բաւական թիւով հայ կաթոլիկ ընտանիքներ կային: Իմ գալէս օգտուելու և գոնէ կիրակնօրեայ և տօնական պատարագներ ունենալու համար, կանուխէն հայրս պատարագամատոյց սեղան կազմած մը և մայրս պատարագի զգեստ մը պատրաստած էին, և տան միջին սրահը

մատուռի վերածելով՝ կանոնաւոր կերպով պատարագել սկսա՛ց ի միութարութիւն հայ կաթողիկ ընտանեաց, որոնք 50-60 հոգիէ աւելի կը խոնուէին կիրակի և տօն օրերը, և ես ինծի պարտք սեպեր էի անպակաս գտնուիլ, և ուրիշ պաշտօն յանձն չառնել:

Մինչեւ 1867 սեպտեմբեր 4. Պոլիս մնացած միջոցս ընտանեկան շրջանակի մէջ նորութիւն տեղի չունեցաւ. եղբայրներս իրենց բժշկական ուսմունքը կը շարունակէին, Եւզլինէ վարժարանէն հանուած էր մօրը օգնական ըլլալու, Լուսիկ վարժարան կը մնար, և Ագապի դեռ տհաս մանուկ էր: Երկրորդ անգամ Հռոմէ դառնալէս ետքը՝ 1869 փետրուար 15|27ին վախճանեցաւ Միքայէլ հօրեղբայրս ալ, որ կանուխէն իւր Յարութիւն և Ստեփան վաւակները Հռոմի Անտոնեանց վանքը զրկած էր, այլ անյարմար դատուելով ետ դարձուած էին, և հօրերնուն մահուան ատեն երկուքն ալ զինուորական դեղագործութեան մտած էին, աչակերտութիւննին աւարտելով պետական ծառայութեան մտնելու միտքով, ինչպէս որ ալ գործադրեցին: Ստեփան 1878 պատերազմին Պոսնայի բանակին ծառայութեան զրկուեցաւ, սակայն ոչ տեղը հասնելուն, և ոչ ուր մնալուն և ինչ ըլլալուն լուրը կրցաւ առնուիլ և անյիշատակ անհետացաւ: Իսկ Յարութիւն Կ. Պոլսոյ մէջ բաւական յաջող ասպարէզ ունեցաւ, դեղօրէից ըշամարանին տեսուչ նշանակուեցաւ, և կայսերական պալատ ալ ընդունուեցաւ կենդանիներ զմուսելու պաշտօնով: Ընտանեկան յիշատակներս ասոնցմէ զատ նկատողութեան արժանի պատահար մը չեն ներկայեր, մինչև այն միջոցը՝ որ 1871ին գործակատարութեան պաշտօնով չորրորդ անգամ Հռոմ դարձայ:

Երբոր հոն հասայ Վիչէն իւր ընթացքին վերջերն էր, և 1872 յուլիս 28|9 օգոստոսին իւր աւարտական քննութիւնը տուաւ, և գործօն բժիշկի վկայականը ստացաւ կատարեալ յաջողութեամբ: Մինչև այն ատեն կենակից էինք երկուքնիս, և երբ գործօն կեանքի պիտի սկսէր, ուզեց յարմար տեղ մը քիչ մը ազատ բժշկութիւն ընել և յանձն առաւ Անքոնա գաւառի մէջ Արչեվիա (Arcevia) գիւղի պաշտօնական բժշկութիւնը: Նոյն տարին Կոմիտաս ալ Կ. Պոլսոյ մէջ իւր ընթացքը աւարտեց, բայց հմտութիւնը ընդարձակելու և գիտութիւնը կատարելագործելու համար նա ալ իմ մօտս եկաւ 1872 սեպտեմբեր 29|11 հոկտեմբերին միւս օր Վիչէն ալ Արչեվիայէ դարձաւ և 30|12ին երեք եղբայր-



ներ միասին Հռոմ գտնուեցանք, եւ միասին ապրեցանք մինչեւ 1873 յունուար 8|20, երեք ամիս ժամանակ, երբ Վիչէն կատարելագործման նպատակով Բարիզ մեկնեցաւ և Կոմիտաս մնաց ինծի հետ չորս ամիս ժամանակ ևս: Մինչև այն ատեն ձախորդութեան դժնդակ շունչը կարծես չէր համարձակած մեր ընտանեկան շրջանակին վրայ ազդել, բայց մինչև վերջ նոյնպէս տեւելը ապահովուած չէր: Նոյն 1873 տարւոյ ապրիլի վերջին օրերը հայրս ձեռքէ դեղ կը մատակարարէ բարեկամ մէկու մը, այլ անմտադրութեամբ մէկ անօթի տեղ ուրիշ անօթ մը կը բանայ, դեղին կերպարանին նմանութիւնը մտադրութիւնը չարթնցնելը, և տուածը վնասակար դեղ ըլլալով, առնողը կը թունաւորուի և կը մեռնի, և իսկոյն ապրիլ 30|12 մայիս կիրակի օր հայրս ձերբակալուելով դէպքին անգիտակ Սկիւտար կը տարուի, դեղին մնացորդը իրեն կը ցուցուի, իր տուած ըլլալը կը յայտնէ և դեղը առնելու հրաւիրուած ատեն անվրդով բերանը տանիլը՝ անգիտակցութեան և անմտադրութեան փաստը կ'ըլլայ, մարդասպանական կասկածը կը փարատի, անմտադրութեան կամ թէ անհոգութեան պատասխանատուութիւնը կը մնայ, և ձերբակալութիւնը կը շարունակէ: Տունի մէջ գործելու ուրիշ մարդ չգլտնուելով եւ մայրս ալ այս տեսակ գործոց ոչ փորձը եւ ոչ կարողութիւնն ունենալով, շիտթած մէջ տեղ կ'իյնայ, պաշտօնական և անպաշտօն բարեկամաց դիմելէ ու շրջելէ զատ ուրիշ բան չի կրնար ընել, բայց ամէն կողմէ ընդունելութիւն և քաջալերութիւն կը գտնէ, և վերջապէս հայրս երաշխաւորութեամբ տուն կը դառնայ, սակայն գործէ կը քաշուի ինքն իր վրայ վստահութիւնը վերցնելով և համարձակութիւնը կորսնցնելով:

Հռոմի մէջ լուր չէինք առած այս անցուդարձերուն վրայ, և միայն երկու շաբաթ ետքը մայիս 14|26ին պատահմամբ Կ. Պոլսոյ լրագիրներու վրայ կը կարդանք ձախորդութեան և ձերբակալման լուրը, և անմիջապէս Կոմիտասի Կ. Պոլիս երթալը կ'որոշուի, ոչ միայն զի նա միայն էր տրամադրելի անձը, այլ զի կառավարական գործոց ալ յարմարութիւն ունէր իւր յարաբերութիւններով և ծանօթութիւններով, փորձառութեամբ և բնաւորութեամբ: Ուղևորութեան համար ճար ճարակ ընելով միւս օր 15|27ին ճանապարհ կը դնեմ Վիչէնայի վրայէն, որպէսզի անարգել կարենայ անցնիլ, քանի որ Միջերկրականի

ճանաչով ատեն պիտի կորսնցնէր տիրող հնաախտին և զգուշու-  
թեան արգելարանին (հարանճին) պատճառով: Կոմիտաս Կ. Պոլիս  
հասնելով գործը ձեռք կ'առնէ, քաղաքական և դատական պաշ-  
տոնատանց առջև գործին բնաւորութիւնը հաստատելու համար  
պէտք եղած միջոցները կը գործածէ: Վիչէնի ալ լուր կուտամ  
որ Կ. Պոլիս դառնալու փութայ, երբ Բարիզէ Լոնտրոն անցած կը  
գտնուէր: Նա ալ իւր ծրագիրը ամփոփելով Բարիզ կը դառնայ,  
և անկէ Հռոմ կը հասնի հոկտեմբեր 1|13ին, և 10|22ին Հռոմէ  
ալ կը մեկնի Կ. Պոլիս դառնալու, երբ ես ալ կ'ելլամ Հիւսիսա-  
յին Իտալիոյ պտոյտը ընելու, իբրև պահանջ մը Le Vatican et Les  
Arméniens հատորին հրատարակութեան աշխատութիւններէն հանգ-  
չելու համար: Հօրս գործը անհնար կ'ըլլայ բոլորովին դատարա-  
նէն ազատել, և անհոգութեան կամ անմտազրութեան անուամբ  
լոկ հինգ կամ վեց ամսուան բանտարկութեան վճիռը կը  
տրուի, և զայն լրացնելու համար 1874 սեպտեմբեր 7|19ին կեդ-  
րոնական բանտը (Մէհճերհանէ) կը մտնէ, և դեկտեմբեր 23|4 յու-  
նուարին մասնաւոր զեղչով մը կ'ելլէ: Սակայն ինչպէս առաջ՝  
նոյնպէս անկէ ետքն ալ կամաւորապէս գործէ քաշուած, հան-  
գըստեան կոչուածի կեանք մը կը սկսի վարել, երբ տակաւին  
վաթսուն տարեկան իսկ չէր: Տունին արտաքին կառավարու-  
թիւնը երկու բժիշկ եղբայրներուս վրայ կը մնայ, խառնուելով  
հօրս արամադրելի միջոցներուն, իսկ հայրս տան ներքին հոգա-  
ծութեան կը նուիրուի: Եղբայրներուս կամքով կ'որոշուի նաև  
Քատըքէօյէ Բերա դառնալ, երկու բժիշկներու աշխատութեանց  
ասպարէզը ընդարձակելու համար, ինչպէս որ ալ կը գործա-  
դրուի 1875 մայիսին, վարձելով Թագսիմի թաղաբաժինին մէջ  
Էթըր փողոց թիւ 1 անկիւնի տունը, Սուրբ Յովհան Ոսկեբերան  
հայ կաթոլիկ եկեղեցւոյ և գաղղիական հիւանդանոցին ետևի դը-  
րան դիմացը: Այստեղ իջայ ես շիտակ 1876 մայիս 7|19ին վեր-  
ջին անգամ ըլլալով Հռոմէ դառնալուս: Բոյրերէս Եւգինէ և  
Լուսիկ բաւականաչափ օգտուած էին Քատըքէօյի վարժարանէն,  
իսկ Ազապիին անհնար եղաւ կանոնաւոր վարժարան յաճախել,  
սակայն նա ալ մասնաւոր դասերով և լուրջ ինքնօգնութեամբ  
իւր քոյրերուն հաւասար կրցաւ յառաջանալ:

Այլևս երեք եղբայրներ միասին էինք տան մէջ, հայրերնիս  
ալ գլուխնիս, որ փութաց վաճառել Քատըքէօյի տունը 1878

յուրիս 23/4 օգոստոսին, պարապ մնալով գրաւուելէն վախնու-  
լով և գինը տոկոսի դնելով: Տան կացութիւնն ու բարեկեցու-  
թիւնը պակաս բան մը չունէր, և իւրաքանչիւր ոք իւր ընթաց-  
քը կանոնաւորապէս կը կատարէր և կ'արդիւնաւորէր: Վիշէն աւ-  
ւելի Բերայի մէջ ունէր իւր յաճախորդները, և Ս. Յակոբայ հայ  
կաթոլիկ անկեղանոցին բժշկապետն ու հոգաբարձուն էր: Կոմի-  
տաս աւելի Ստամպօլի կողմը կ'աշխատէր թուրք յաճախորդնե-  
րու և գաւառացի ազգայիններու, և իրեն խորհրդակցութեան  
սենեակ հաստատած էր Կամուրջին գլուխը, Վալիտէ Խանի ան-  
կիւնը, Ծաննի դեղարանին վրայ: Երեք քոյրեր ալ տան ներ-  
քինները կը հոգային մօրերնուն առաջնորդութեամբ, և սպաս-  
սաւոր մը ու խոհարարուհի մը ծառայութեան գործերը կը հո-  
գային: Իւր ձեռք ալ ընտանեկան յիշատակաց հանգրը-  
սուն մը կը կազմեն, Հայ Եկեղեցւոյ վերադարձէս նոր հատուած  
մը գատելով:

## 2

Իւանակոս, 1918 մարտ 10/23 Եր.

Առաջին կէտը որ այս պարագային միտք կ'իյնայ, վերա-  
դարձի մտադրութեանս մասին տնեցւոց վերաբերումն է: Ուստի  
անմիջապէս պէտք է յայտնեմ, որ թէ հայրս և թէ երկու եղ-  
բայրներս առանց այլևայլութեան ինծի համամիտ գտայ ըստ ա-  
մենայնի, գործօն դեր ալ ստանձնելու չափ համարձակ: Արդէն  
յիշեցի թէ հայրս Համազգետաց Ընկերութեան հիմնադիրներէն էր  
եղած, հակահասուներան պայքարին մէջ եռանդուն յառաջընթաց-  
ներէն էր, ընթերցմամբ և տեղեկութեամբ կաթոլիկութեան պա-  
պական ծայրայեղութիւններէն զզուած էր, ուստի բնաւ վարա-  
նում չունեցաւ անկէ բաժնուելու: Եղբայրներս՝ արդէն զարգա-  
ցեալ և ուսեալ անձեր և համարձակ գործիչներ՝ անպայման ջա-  
տապով յայտնուեցան, քոյրերս առանց խնդիրին խորը մտնելու  
իրենց յարգած և յարգելի եղբայրներուն հետեւելու կամքն ու-

նէին. կը մնար մայրս որուն միտքէն չէին հեռացած 1828ի տը-  
պաւորութիւնները. միանգամայն անուս անձանց բնական եղող  
նախապաշարման և հնացեալ վարժութեան ազդեցութիւններէն  
զերծ չէր: Մենք իրեն վրայ ծանրանալ չուզեցինք, ինքն ալ  
բաւականացաւ իւր խոստովանութեան և հաղորդութեան մասին  
ազատ մնալ, յօժարական հաւանելով որ իւր անունն ալ իրեններուն  
հետ հայ պատրիարքարանի տոմարներուն մէջ արձանագրուի, և  
բնաւ դժգոհութիւն ու դժկամութիւն չցուցուց իրեններուն ըրա-  
ծին կամ ընելիքին վրայ. ուրախութիւն և գոհունակութիւն իսկ  
զգալով Հայոց պատրիարքարանի կողմէն իւր մեծ զաւակին ստա-  
ցած ղիրքին և պատուոյն և վառաւորութեան վրայ: Նա բնաւ  
այլայլութիւն չզգաց երբ 1879 հոկտեմբեր 28|9 նոյեմբերին Հա-  
յոց պատրիարքարան երթալու մեկնեցանք ես եւ հայրս եւ եղ-  
բայրներս, ու երբ ես կաթողիկ շղարշաւոր գտակը թողլով հայ  
փակեղով տուն դարձայ: Քանիցս ներկայ ալ գտնուեցաւ իմ կա-  
տարած հանդիսութեանց: Խոստովանահայր ունեցաւ Հայր Նի-  
կողոս Պապչեան վարդապետը, որ իրեն մօրաքեռ թուան էր, Հա-  
կահասունեանց ջերմ վարիչն էր, ինծի ալ մտերիմ էր, ղիրքին  
փափկութիւնը կը զգար և ըստ այնմ կը վարուէր: Հետեւաբար  
բնաւ երբեք ղիտողութեան գէպք չպատահեցաւ, երբոր տունը  
հայ քահանաներով և վարդապետներով և եպիսկոպոսներով կը  
լեցուէր, և երբ Ներսէս պատրիարք իր այցելութեամբ տուներ-  
նիս պատուեց, որուն մայրս իւր անկեղծ յարգանքները ներկա-  
յեց, և ուրիշներէն ալ չխորշեցաւ:

Մտադիր չեմ այլևս ընտանեկան կեանքերնուս մանրամաս-  
նութեանց մանել, ինչ որ գրեցի բաւական է զայն լիովին պատ-  
կերացնելու. միւս կողմէն ամէն ընտանեկան կեանքեր իրարու կը  
նմանին, և բաւական է աստիճանը և գլխաւոր պարագաները  
ճանչնալ որ մնացածն ալ ամէն ոք կարենայ միտքովը կազմել:  
Ուստի պիտի գոհանամ միայն գլխաւոր գէպքերը յիշել և քանի  
մի ընդհանուր տեղեկութիւններ տալ:

Հայ պատրիարքարանի իրաւասութեան անցնելէն հտըր ազ-  
գային կեանքին հետ մերձաւորութիւն և մասնակցութիւն գո-  
յացնելու առիթներ պիտի ներկայանային մերիններուն: Հօրս  
սարիքը և անփորձութիւնը չէր ներեր նորինորոյ գործունէու-  
թիւն կազմել, ուստի ոչ իրմէ պահանջուեցաւ և ոչ ինքն ու-

զեց ազգային պաշտօն մը կամ գործունէութիւն ունենալ: Իսկ Վիչէն կատարեալ ազգային կեանք ունեցաւ, Ս. Յակոբայ հայ կաթողիկ տնկելանոցի պաշտօնէն անմիջապէս Ս. Փրկչեան Ազգային Հիւանդանոցի բժշկութեան անցաւ, իբրև բժշկապետ Միքայէլ Ռափայէլեանի օգնական կամ փոխանակող՝ անոր հիւանդութեան և Կ. Պոլիսէ բացակայութեան պատճառով, որուն յաջորդեց ալ մահուանէ ետքը իբրև միակ բժշկապետ: Այն ատեն Ազգային Հիւանդանոցը զանազան ճիւղերու համար տարբեր բժշկիկներ չէր պահեր, այլ միակ բժշկապետ մը ներքին և արտաքին հիւանդութիւնները կը խնամէր, վիրահատ և յիմարաբոյժ էր միանգամայն: Վիչէն այս բոլոր գործերը կը լրացնէր երկու հերթապահ օգնականներու հետ: Հօգաբարձութեան ալ խորհրդակիցն էր ամէն պարագայի մէջ, նոյնիսկ շինութեանց և արտաքին կարգադրութեանց համար, և իւր կազմած տարեկան և քառամեայ տեղեկագիրները իբրև գլուխ գործոց կը յարգուին տակաւին և գերազանցող չունեցան: Ճշգրտապահութեամբը և ճարտարութեամբը բժշկական մարմինին մէջ ալ նշանաւոր տեղ գրաւած էր, և Քեաթիպեանի հռչակեալ անունով պզտիկ Քեաթիպեան կոչուիլ սկսած էր: Վիչէն ազգային երեսփոխան ալ ընտրուեցաւ և վարեց, Բերայի թաղական և վարժարանաց հոգաբարձու ալ եղաւ, ամէն խնդիրներու հետևող և կարծիք տուող, որով կատարեալ ազգային կեանք ունեցող մը եղաւ: Այնպէս չեղաւ Կոմիտաս, որ բնական բերամբը ճաշակ չէր առներ և ախորժ չէր զգար հանրային գործերէ, զորս զուր ջանք և անօգուտ վաստակ կը դատէր, և տարապարհակ աշխատանքի տեղ կը դնէր, եւ բնաւ ազգային պաշտօնի մը յանձնառու չեղաւ, նոյնիսկ Ազգ. Հիւանդանոցի բժշկութեան, եւ միայն պատահաբար եղբօրը հիւանդութեան օրերը անոր բացակայութիւնը լրացուց եղբայրական զգացմամբ: Քոյրերէս աւելի Ազգային եղած է որ փոքրիշատէ կանացի ձեռնարկներու մասնակցութիւն ունեցած է, բայց միշտ առանց գործօն դեր ստանձնելու:

Ընտանեկան շրջանակի գլխաւոր և նշանակելի դէպքեր ամուսնութիւններն են, և կ'անցնիմ անոնց մասին անկաշկանդ և անպատրուակ կերպով իրողութիւնները պատմել: Երեք եղբայրներէն ես իրիցագոյնը կուսակրօնութեան նուիրուած էի, երեք քոյրերէս ալ երիցագոյնը Եւզինէն ամուրի մնաց, և մեր տանը

տանտիկինը եղաւ, երբոր հետզհետէ մայրս սկսաւ ծերանալ ու տկարանալ և ցնդիլ: Միւս չորսերը ամուսնութեան ներքեւ մըտան, և ընդհանուր կերպով պիտի յայտարարեմ, թէ որչափ բաղդաւոր եղանք փեսաներնուս կողմէն, նոյնչափ դժբախտ եղանք հարսերնուս կողմէն: Գլխաւոր պատճառներէն մին կրնամ ըսել ժամանակի պարագայն. քոյրերս յորմար տարիքի մէջ ամուսնացան, մինչ եղբայրներս ամուսնանալու համար նախապէս արժանաւոր դիրքի մը միջոցները պատրաստելու դիտմամբ որոշումնին և գործադրութիւննին յապաղեցին, և բնական կերպով այդ միջոցին պատահական յորաբերութիւններ ունեցան, և ապաժամ ամուսնութեան տտեն աւելի պատահարաց քան բուն նպատակին հետեիլ պարտաւորուեցան:

Առաջին ամուսնութեան օրհնութիւնը ընդունողը եղաւ քոյրերէս երկրորդը Լուսիկ, որ 1886 հոկտեմբեր 30/11 նոյեմբերին պսակուեցաւ Բերս, և օրհնութիւնը կատարուեցաւ Ս. Յարութեան եկեղեցին: Լուսիկի հետ ամուսնացողն եղաւ Գաբրիէլ Լէքէճեան, նոյն այն Լէքէճեան Անտոնի որդին, որուն սուներ տեղի ունեցած էր իմ ծնունդը: Գաբրիէլ աշակերտած էր Անտոնեան միաբանութեան, և հետզհետէ յառաջանալով քահանայական ձեռնադրութիւն իսկ ընդունած էր շատ տհաս երիտասարդութեան մէջ, սակայն շուտով զգալով վրան դրուած բեռին իրեն անյարմարութիւնը, գրեթէ թօթափած էր և աւելի նկարչութեամբ կը զբաղէր: Իւր մեծաւորներն ալ զինքն չէին ստիպեր, եւ մինչեւ իսկ զինքն արտօնեցին սքեմը թողուլ և Եւրոպիոյ մէջ արուեստը կատարելագործելու երթալ, և այսպէս 1879 օգոստոս 2/14ին Կ. Պոլիսէ Հռոմ մեկնեցաւ, և լաւ զարգացում ունեցաւ: Տարիներ ետքը իբրեւ պարզ աշխարհական Հայոց պատրիարքարանին իրաւասութեան ներքեւ մտաւ, և իբր գործի ասպարէզ Եգիպտոս գնաց, ուր նկարչութեան հետ լուսանկարչութեան ալ հետեւեցաւ, մինչև որ կրցաւ իրեն սեպհական լուսանկարչատուն բանալ: Միշտ և յամենայնի պարկեշտ և օրինաւոր կեանք ունեցած էր, ուստի ընտանիք կազմելն ալ պայման ու պարտք դատեց, Կ. Պոլիս եկաւ, քրոջս ձեռքը խնդրեց, և ծնողք ու եղբայրներ, տաներէց ու պատրիարք դիւրաւ հաւանեցան, և այսպէս կնքուեցաւ և օրհնուեցաւ Օրմանեան Անտոնի որդեւոր և Լէքէճեան Անտոնի որդւոյն ամուսնութիւնը: Ծնողները

իրարու նախածանօթ եղած էին, թէպէտ Լէքէճեան Անտոն չէր ապ-  
րեր այլևս: Գաբրիէլ և Լուսիկ անմիջապէս մեկնեցան Եգիպտոս,  
Լէքէճեան Գահիրէի մէջ առաջնակարգ հաստատութիւն մը հիմնեց  
եւ պահեց, իւր նկարներուն Լոնտրայի ցուցահանդէսին մէջ  
վարձատրուելուն վրայ, անդղիական բանակին լուսանկարիչ ան-  
ուանուեցաւ, նկարչութեան արուեստին հմտութեամբը Եգիպտոս-  
ի լուսանկար տեսարաններուն ճաշակի գերազանցութիւնը ար-  
ւաւ, եւ ընդհանուր հռչակ ստացաւ: Գաբրիէլի և Լուսիկի ըն-  
տանեկան կեանքը մաքուր և երջանիկ և նախանձելի եղաւ,  
և երբեք իր վրայ դիտողութեան առիթ չտուաւ: Միակ աղջիկ  
զաւակ մը ունեցան, 1889 հոկտեմբեր 22|3 նոյեմբերին որ Էլիզ-  
Ատրինէ կոչուեցաւ գեկտեմբեր 29|10 յունուարին կատարուած  
մկրտութեան ատիւ, բուսականաչափ ուսում և կրթութիւն ըս-  
տացաւ և 1909 փետրուար 5|18ին ամուսնացաւ մահճաբարձ եր-  
կաթուղեաց Գահիրէի փոխ-տեսուչ Ճանիկ Չազըրի հետ: Լու-  
սիկի ամուսնութեան ատեն ես կարին կը գտնուէի, բայց իմ հաւ-  
ւանութիւնս յօժարակամ յայտնեցի, զի սկզբունքով անդարմա-  
նելի կացութիւն չեմ ընդունած, և պատուով ու օրէնքով եկե-  
ղեցականութենէ հրաժարողներուն երբեք արգելք չեմ եղած, մաւ-  
նաւանդ թէ քաջալերած եմ աղտեղի եկեղեցականութեան նա-  
խադասելով: Իսկ անձին կողմէ Գաբրիէլ աշակերտութենէն ինձի  
ծանօթ էր, և իր պարկեշտ ու բարեմոյն բնաւորութեան կատա-  
րելապէս գլխակ էի, և վերջին անգամ Հռոմ երթալուն ալ հա-  
մաձայնած և օգնած էի Անտոնեան միաբանութեան մէջ ունե-  
ցած պաշտօնական դիրքովս: Գաբրիէլ և Լուսիկ, և յետոյ Էլիզ  
և Ճանիկ ալ, քանի անգամներ կ. Պոլիս այցելած են, և միշտ  
մեզի հիւր եղած: Գաբրիէլ և Լուսիկ 1893 մարտ 6|18ին Գահի-  
րէէ Ամերիկա ալ գացին, և իրենց լուսանկարները Չիգակոյի  
(Chicago) արուեստահանդէսին մէջ վարձատրուեցան, և նոյեմբեր  
25|7 գեկտեմբերին Գահիրէ դարձան:

Երկրորդ ամուսնութիւնը եղաւ Վիչէնիներ, որ իւր անորոշ  
կենդանի ձանձրացած և ընտանեկան օրինաւոր կեանք կազմե-  
լու փափաքով՝ յանկարծական որոշումով և հապճեպ ընտրու-  
թեամբ կը նշանուի ու կը պսակուի Աշնանեանց դուստր և Մաք-  
սուտեանց քեռորդի Երանուհի օրիորդի հետ, ազգակցաց անուն-  
ներուն քան թէ օրիորդին ծանօթութեան վրայ հիմնելով իւր ըն-

տրութիւնը, պարագայ մը որ Վիչէնի ծանրախոհութենէն օտար էր, բայց կ'երեւի թէ բուն իղձ մը տիրապետած էր իր վրայ: Ես բացակայ էի և էջմիածին կը գտնուէի: Պսակի օրհնութիւնը կատարուած է 1888 փետրուար 29/12 մարտ նահանջ օրը և Վիչէն տուն փեսայ գացած է Օրթաքէօյ հարսին ընդարձակ տունը, ուր այրի մայր ու աղջիկ միայն կը բնակէին: Հարսին եղբայրը Տիրան Աշեան դատական պաշտօնով Զմիւռնիա կը մնար: Վիչէն քառասունը չորս տարեկան էր, ընտրածն ալ շատ հեռու չէր, որ նպաստաւոր պարագայ կրնար ըսուիլ՝ եթէ օրիորդին նախընթացը գոհացուցիչ և բնաւորութիւնը յարմար ըլլար: Վիչէն զգացած էր իր հապճեպ ընտրութեան ձախողութիւնը, երբոր օգոստոս 11/23ին Կ. Պոլիս դառնալուս առաջին տեսակցութիւնը ունեցանք: Դեկտեմբեր 11/23ին իւր անդրանիկը ծնաւ, որ Հրանտ Նիկողոս կոչուեցաւ 1889 մարտ 3/15ին կատարուած մկրտութեան ասեն, և երկրորդ անունը դրուեցաւ ի յիշատակ հանդուցեալ մօրենական մեծ հօրը: Վիչէն շուտով կորսնցուց իւր զըւարթութիւնը, ամուսնական նոր յարկը սկսաւ իրեն ծանր գալ, և քաղցիկով հիւանդութեան մըն ալ բռնուեցաւ, որ պատահական վարակումէ աւելի ներքին վիշտին արտադրութիւնը համարուեցաւ: Կողակցին խնամքը սպասուածը չէր, որ տունէն հեռացնելու իսկ կ'աշխատէր, ինչպէս յաջողեցաւ, և 1889 հոկտեմբեր 29/10 նոյեմբերին Ս. Փրկչեան Հիւանդանոցը փոխադրել տուաւ, ուր Վիչէն այնչափ աշխատութիւն կրած և երախտիք ունեցած էր: Ես Արմաշէ դալուս առթիւ նոյեմբեր 16/28ին այցելեցի խեղճ եղբօրս նոյն հիւանդանոցին մէջ, ուր տասը տարիէ իվեր հազարաւորներ խնամած էր, և այժմ ինքն կը խնամուէր հողաբարձութեան սիրայորդոր ջանքով: Վերջինը եղաւ մեր այդ տեսակցութիւնը, զի դեկտեմբեր 3/15ին վշտագին կեանքին վերջ կուտար, քառասունըհինգ տարի ինը ամիս եւ տասուերկու օր ապրած, և 4/16ին Բերայի Ս. Երրորդութիւն եկեղեցին յուղարկաւորութիւնը կը կատարուէր, համակրութեան և պատուոյ մեծամեծ ցոյցերու մէջ: Վիչէն եղբայրս իւր բնաւորութեամբ եւ իւր ճարտարութեամբ, իւր ազգային ծառայութիւններով եւ Հիւանդանոցի մէջ խնամախնիրու երախտածանօթ զգացմամբ բարձր դիրք մը ստեղծած էր սիրաերու զգացումին, աղգային շրջակային, և բժշկական մարմինին մէջ հաւասարապէս, և եթէ



Կեանքը վաղահաս մահուամբ կարճուած չըլլար, ազգին և քաղաքին բժշկական դասակարգին մէջ յառաջագաս տեղը գրուելու սահմանուած էր: Հայրս Շիշիի գերեզմանատան մէջ թաղ մը գնած, շրջապատած, և Օրմանեան Գերդաստան արձանագրութեամբ մարմարեայ կոթող մըն ալ կանգնած էր, Մեր հաստատուն քնակափայրը այս պիտի ըլլայ ըսելով: Վիչէն առաջինն էր որ այդ թաղման թաղին մէջ կը թաղուէր, և իւր անունը կոթողին վերեր կ'արձանագրուէր: Երանուհի հարսին ընթացքը պաղուծիւն թողած էր երկու տուներու մէջ, և յուղարկաւորութեան տիրութիւն ընողը Կոմիտաս եղբայրնիս եղած էր, և հետեւաբար փոխադարձ երթեկն ու յարաբերութիւնն ալ դադարած էին, և հազիւ թէ պատրիարքութեանս ատեն բարապանի ձեռքով եղբորորդիս բերել տալով տեսած եմ: Վիչէնի ժառանգութեան գործերուն ալ բնու միջամտութիւն չըրինք. տղուն ընթացքն ալ մայրը իւրովի կարգադրեց, բայց տարի անցնելով և պատրիարքութեանս դիրքէն հրապուրուելով պահ մը սկսան մօտենալ, և մենք համակերպեցանք, և Հրանտը մեծ դրամատան մը մէջ գետեղելու ալ յաջողեցայ, սակայն յետոյ դարձեալ իւրովի զբաղումներ գտան և հետեւեցան, երկդիմի անձանց մօտեցան և մայրը մեզմէ դադարնի իւր զաւակը լատին ծէսով հասարակ դասակարգէ լատին կոթողիկի մը աղջկան հետ ամուսնացուց 1914 յունուար 27/9 փետրուարին, փեսան ալ հարսին դաւանութեան հպասակեցնելով, որով դարձեալ յարաբերութիւններէ խզուեցան, մեր գերդաստանին ուղղութենէն օտարացան և փոխադարձ ընտանեկան կապակցութենէ ալ բաժնուած եղան:

Երրորդ ամուսնութիւնը Ագապիին եղաւ: Կարնեցի Տէր-Ներսէսեան Խաչատուր Խանի կրտսեր զաւակը Միհրան իմ Կարնոյ առաջնորդութեանս պարագայով տունին ծանօթ և երթեկեկող եղած էր, և այդ տոթիւ Ագապիին վրայ համակրութիւն սկսած էր զգալ: Բայց զօրաւոր դիրք մը չունէր, եղբօրը Տիգրանին և Եօզղատցի Ասլանեան Տիգրանի ընկերակցութեամբ փոքր սեղանաւորութեամբ կը զբաղէր, որ շատ համեստ դիրք մը կրնար հայթայթել: Բայց եղբօրս Կոմիտասի հետ սերտ մտերմութիւն ունէր, սա ալ անոր վրայ մեծ համակրութիւն կը տածէր, բարեմոյն բնաւորութեան, պարկեշտ կենցաղին, մաքուր սիրտին և աչալուրջ գործունէութեան ականատես ըլլալով: Այսպէս երբ

կուրքը կը համաձայնին, մեր ընտանեկան շրջանակին մէջ Կոմիտաս համոզում գոյացնել կուտայ. միւս կողմը արդէն պատրաստակամ էր, և վերջապէս 1890ին գործը որոշման կը յանգի, սեպտեմբեր 6|18ին պաշտօնական նշանագրութիւնը կ'ըլլայ, և նոյեմբեր 12|24ին պսակի օրհնութիւնը տեղի կ'ունենայ, զոր ետինքս կը կատարեմ մեր տան մէջ յատկապէս Արմաշէ Բերա դալով: Նշանագրութեան ատեն Գարրիէլ ու Լուսիկ ալ եգիպտոսէ Կ. Պոլիս եկած կը գտնուէին, բայց պսակին չէին կրցած սպասել: Նշանաւոր պարագայ էր երկու կողմի ծնողաց չորս խնամիրներուն կենդանի և յօբելեար եղած ըլլալը: Միհրան տուն փեռայ կ'ընդունուի, զի Վիչէն հեռացած և վախճանած էր, Կոմիտաս պաշտօնապէս միայն բնակակից կը սեպուէր, հայրս ծերացած էր, ևս Արմաշ էի, տունը ծիր հոգացողի պէտք ունէր: Առաջին առթիւ Միհրանի դիրքն ալ կը բարւոքուէր, զի պղտիկ սեղանաւորութենէն Անքր (Ancre) ապահովագրական ընկերութեան անցած, անկէ ալ Բարիզի Իւնիօն (Union) ապահովագրական մեծ ընկերութեան կ'անցնէր Սիմօն Գոյսէրլեանի տեսչութեան ներքեւ, և ապահովագրութեան կենաց ճիւղին պէտք կը նշանակուէր: Միհրան և Ագապի իրարու կատարելապէս յարմարած էին և իրարու վրայ կը գուրգուրային: Մայրս փեռան սիրեց, Եւզլինէ քոյրս շատ գոհ մնաց, և ամենայն ինչ կանոնաւոր կ'երթար:

Առաջին զաւակնին ծնաւ 1892 ապրիլ 20|2 մայիսին, ճիշդ այն օրերը որ ևս Արմաշէ եկած Կ. Պոլիս կը գտնուէի Էջմիածին պատրիարքական պատգամաւոր երթալու համար, և յանձնարարեցի մկրտութիւնը յապաղել մինչև դառնամ, և ևս անձամբ կատարեմ, ինչպէս ալ ըրի մայիս 17|29ին, ոչ թէ հանդիսողիրի, այլ մկրտիչ քահանայի դերը կատարելով և երախան ձեռքովս աւագան իջեցնելով: Անունը Պօղոս դրի, իմ առաջին անունս նորոգելով, թէպէտ կնքահայրը Վահան կ'ուզէր, և Պօղոս-Վահան ալ ըսի, բայց Պօղոս անունը տիրեց, զոր թէպէտ նախապէս սովորական և ոչ նորալուր գտան, սակայն իմ անունս ըլլալովը պատուաւոր դարձաւ: Ես բնաւ նորածինի և մանկիկի փորձառութիւնը չունէի, զի ես ինքս տղայ մեկնած էի տունէն 1851ին, և երբ 1866ին դարձայ նոր քոյրեր արդէն աղջիկներ էին: Պօղոսը ինծի հետաքրքրական առարկայ դարձաւ, և այն օրեր որ Արմաշէ կուգայի, հոգեբանական գննութիւններ կ'ընէի:

Թէ ի՛նչ կերպերով գիտակցութիւնը կը սկսի և կը զարգանայ պզտիկ տղոց վրայ, և այդ նպատակով փորձեր ալ կ'ընէի խաղալիքներով և զանազան մանր առարկաներով. այբուբենի տառերն ալ խաղալիքներու ձեւերով ճանչցնել տալու յաջողեցայ: Պէտք է ըսել թէ փորձերս ալ լաւ գետնի վրայ կ'ըլլային, զի ուշիմ տղեկ մը եղաւ Պօղոս, և մշակուելով աւելի եւս բացուեցաւ: Տնեցւոց ալ հրահանգներ պակաս չէի ըներ, թէ ի՛նչ խօսքերէ պէտք է զղուշանան, և ի՛նչ ձեւերու ու կերպերու պիտի հետեւին: Մայրը ինքն կատարեց ստնտուի դերը, իր գաւակը ուրիշի յանձնելէ զգուշանալով, և ամէն մի պզտիկ բանի համար սիրտ կը հատցնէր: Կոմիտաս ալ բժշկական տեսակէտէն խնամքն ու հրահանգները զանց չէր ըներ: Հօրս համար թող զգուշու առաջին տոիթն էր, զի Վիչէնի զաւակը հեռու մնացած էր, և մօրը պող յարաբերութիւններն ալ դիւրութիւն չէին ընծայած:

Ազապի երկրորդ զաւակին ծնունդէն առաջ տեղի ունեցաւ հօրս մահը 1894 տարիլ 1/13ին: Բաւական ատենէ ի վեր շնչարգելութիւն մը կը տիրէր վրան, որ երթալով սաստկացաւ, և տարիքին յառաջանալովը աւելի արգեցիկ դարձաւ և վտանգաւոր երեւոյթներ սկսան երեւան գալ: Մահուանէ երկու շաբաթ առաջ Կոմիտաս լուր տուած էր, թէ վտանգը կը մօտենայ, սակայն ես Արմաշէ չհեռացայ, պաշտօնական զբաղումներս չէին ներեր, վերջին ատեններ ալ եկած տեսնուած էի, գալով ալ բանի մը օգտակար ըլլալիք չունէի, վտանգն ալ յանկարծական տագնապի մը պատահականութենէն կախում ունէր: Իրօք ալ մահուան օրը Կոմիտաս եկած տեսած էր, և վտանգի նշան չնշմարելով մեկնած էր, երբօր հազիւ թէ նա քիչ տունէն կը հեռանայ, յանկարծական տագնապ մը հօրս շունչը կը սպառէ, և Կոմիտասի ետեւէն մարդ և լուր հասցնելու և ետ կոչելու կը ստիպուին: Հայրս վախճանած էր 77 տարի և 3 ամիս ապրած, մինչև վերջին վայրկեանը ուշը վրան էր, ըրածին ըսելիքին գիտակ, անտական գործոց կը հետեւէր: Իտալերէն լեզուի հմտութիւն ունէր, գաղղիերէնը հասկնալու ինքնօգնութեամբ հասած էր, գործէ և առեւտուրէ և ապրանքէ լաւ կը հասկնար, խնայողական բայց ոչ կծծի մատակարարութիւնը կը սիրէր, զաւակացը զարգացման նախանձախնդիր և աշխատող եղած էր, սուտէ և խաբէութենէ խորշելով կը խորչէր, պարտք ունենալէ այնպէս կը խորչէր որ անհան-

գիտտ կ'ըլլար եթէ տեղ մը պարտք ունենար, և վճարելու ինքը կը փութար տանիլ և յանձնել: Կրօնասէր էր և պատուիրանապահ, բայց և կրօնական խնդիրներու վրայ սեպհական տեսու թիւններ ունէր, որոնք սխալ և մոլոր չէին, բայց ինքնատիպ կնիք կը կրէին: Առակներու և առածներու ընդարձակ կիրառութիւն ունէր, և զուարթութեանց ու զուարճութեանց հաճոյքով կը մօտենար: Դեղարանը փակելէն ետքը իւր արտօնագիրով, փորձառական և ոչ վկայեալ դեղագործներու դեղարաններուն պատասխանատուութիւնը կը ստանձնէր և օրը հոն կ'անցունէր: Վերջին ատեններ Մաննի մեծ դեղագործին երկու դեղարաններէն Բերայինը իւր անունով կը գործէր: Մէկ խօսքով իւր տեսակին մէջ անարժէք մէկ մը չէր: Յուղարկաւորութիւնը կատարուած էր ապրիլ 3/15ին կիրակի օր, մեծաշուք հանդէսով և ներկայից խուռն բազմութեամբ, և թողուած է Շիշլի գերեզմաննոցը իւր պատրաստած թաղման թաղին մէջ, իսկ ես ապրիլ 21/3 մայիսին Արմաշէ գալով գերեզմանին այցելեցի: Նոյն օրը վախճանած էր Միքայէլ հօրեղբօրս վերջին զաւկին բժիշկ Պետրոսի Վահրամ նորածինը, զոր մեր թաղին մէջ ամփոփել տուի: Իսկ Միքայէլի մեծ որդին Յարութիւն անագան ամուսնացած էր նոյն 1894 տարւոյ յունուար 30/11 փետրուարին:

Միհրան և Ագապի երկրորդ զաւակ մը ունեցան նոյն 1894 տարւոյ սեպտեմբեր 1/13ին երբ բոլոր Կ. Պոլիս և Բերա յատկապէս երկրաչարժի անուղողի մէջ էր, ամէն ոք գետնայարկեր իջած էր բնակիլ, և Ագապիի երկունքն ալ տունին վարի սենեակին մէջ տեղի ունեցած էր: Մկրտութեան համար սպասեցին որ ես Արմաշէ գալով անձամբ կատարեմ, սակայն գալս դժուարացու, և վերջապէս կատարել տուին նոյեմբեր 20/2 զեկտեմբերին: Միհրանի պսակին և Պօղոսի մկրտութեան կնքահայր եղեր էր Տիգրան եղբայրը, երկրորդ զաւկին ալ կնքահայր եղաւ Տիգրանի մեծ որդին Վահրամ, և երախային անունը կոչուեցաւ Արաքսի-Իսկուհի, երկրորդ անունը Միհրանի մօր անունէն առնելով: Կրնար վախցուիլ որ երկրաչարժի անուղողը մօրը և տղուն վրայ ազդէր, սակայն երկունքն ալ անվտանգ ու անհետեւանք անցուցին տազնապը:

Միհրան և Ագապի յատկապէս Արմաշ եկան իրենց զաւակներով Իպրեվանքի սաներէն առաջին դասարաններուն քահան

նայական ձեռնադրութիւն և արեղայական օրհնութիւն տալու առթիւ, որուն ներկայ գտնուեցան 1895 յունիս 18/30ին, և երբ հօթն նորընծաները Կ. Պոլիս բերի Իզմիրլեան պատրիարքի ներկայելու, օգոստոս 23/4 սեպտեմբերին նորընծայից հացկերոյթ մըն ալ տրուեցաւ մեր տունը, որուն ներկայ եղան նաեւ Մշոյ միաբան Ներսէս Խարախանեան և Երուսաղէմի միաբան Վահրամ Աղարեան վարդապետներն ալ: Նորընծաները Կ. Պոլիս էին տակաւին, երբ Կոմիտասի պսակը օրհնեցի:

Կոմիտաս շատոնց կենակից էր դերասան Յովհաննէս Աճէմեանի կնոջ՝ հին դերասանուհի Շաղիկ Քէօյլիւեանի հետ, որ ամուսինէն բաժնուելէն ետքը ուրիշներու հետ ալ կենակցած էր: Աճէմեան դեռ կ'ապրէր, և ամուսնալուծում պահանջել դժուար էր, զի յանցապարտութիւնը հաւանաբար կնոջ վրայ պիտի ծանրանար և վճիռը նպատակին պիտի չծառայէր: Այլ երբ Աճէմեան մեռաւ, խնդիրը դիւրացաւ, և կենակցութիւնը օրինաւորութեան դարձնելու համար ջանացի պսակի օրհնութիւնը ալ, և դործին ազեղ կողմը փակել: Կոմիտաս և Շաղիկ շատ սիրով ապրած էին, և այնպէս ալ շարունակեցին ապրիլ, միայն թէ կնոջ շուտ կեանքը, անխորհուրդ ծախքերը, քմահաճ պահանջները, ծանր նրստան եղբօրս վրայ, որ չկրնալով դիմադրել և ուղելով կինը միշտ գոհացնել՝ պարքալի տակ ինկաւ, կնոջ անխոհեմութիւնը իր գործերուն ալ վնասեց, ներքնապէս նեղուեցաւ, բայց կարծես թէ կնոջ կողմէն դիւթուած էր որ անոր ամէն ձգտումներուն, հաճոյքներուն, և նոյնիսկ անխորհուրդ և նախապաշարեալ ուղղութեան համակերպելով համբերեց և կրեց, սակայն նիւթական նեղութեան հետ իրեն քաջակորով առողջութիւնն ալ գամագիւտ եղաւ: Պսակի օրհնութիւնը կարծես աւելի վնասակար քան թէ օգտակար եղաւ այս կողմէն, զի Շաղիկի վրայ վստահութիւն ներշնչեց չլքուելու և չարձակուելու, և աւելի ուժգնութեամբ իւր ընթացքին մէջ յառաջացաւ: Սակայն իմ դիտումս բարոյական տեսակէտն էր, և ծանր էր ինձի եղբօրս օրէնքէ դուրս կենակցութեան մէջ գտնուիլը: Այս ալ երկրորդ հարսն եղաւ, որ, ինչպէս կանխեցի յիշել, բարեբախտութիւն չբերաւ, և պատճառն ալ դարձեալ ապաժաման ամուսնութիւնն էր, զի Կոմիտաս յիսուն տարեկան էր պսակին օրը:

Միհրանի և Ապապի երրորդ զաւակը ծնաւ 1896 օգոստոս

23|4 սեպտեմբերին, Կ. Պոլսոյ մեծ կոտորածէն և երկիւղալի տազնապէն միայն ինն օր ետքը, որուն մէջ Ագապի ալ մեծ յուզումներ ունեցած էր, թէ Միհրանի և թէ ինծի համար երկիւղներ ալ կրած էր, սակայն այս անգամ ալ մայր ու աղայ անվնաս ու անվտանգ անցուցին: Պատրաստուած ըլլալով Արմաշ դառնալ, սեպտեմբեր 7|29ին մկրտութիւնը կատարել տուի բոլորովին պարզ կերպով և անձամբ դրոշմի մասը կատարեցի: Ինչպէս իւր տեղը գրած եմ, սեպտեմբեր 10|22ին մեկնեցայ հոկտեմբեր 15|27ին դարձայ, և նոյեմբեր 6|18ին պատրիարք ընտրուեցայ, և այդ կէտէն նոր հանգրուան մը կը կազմեն հատուածը փակելու, որ արդէն ալ բաւական երկարեցաւ, իրարմէ անկախ միջադէպներուն յատուկ բացատրութիւններ պահանջելուն պատճառով:

ՆԱ

Իստանպուլ, 1918 ապրիլ 18|1 մայիս ԴՉ.

Պատրիարքական ընտրութիւնս ինչպէս զիս յուզած էր, նոյնպէս անեցիներն ալ սկիզբէն, թէպէտև պատուոյ բարձրացումը լաւ տպուորութիւն յառաջ կը բերէր: Կ. Պոլսոյ շփոթ վիճակէն իրենք ալ տաղտկացած և անստուգութենէ նեղուած Կ. Պոլիսէ հեռանալու գաղափարը ունեցած էին, և որոշման իսկ հասուցած և պատրաստութեան ձեռնարկած. Միհրան քեռայրս ալ Եգիպտոս էր ուղևորած՝ այնտեղ իրեն համար կացութիւն մը եւ ընտանեաց համար բնակարան մը պատրաստելու, որով ընտրութեան օրերը նա Կ. Պոլիս չէր գտնուեր: Սուաջին ըմբռնումներ հետզհետէ մեղմացան, և իմ ալ կամակար յանձնառութիւնս, տրնեցիներն ալ հանդարտեցուց, և սկսան միայն գործին հրապուրիչ կողմը մտածել, և պատրիարքական աստիճանին պահանջած տնական յարմարութեան և զգեստներու պիտոյից և պաշտօնական պայմաններու աշխատիլ, մինչև որ հաստատութիւնը տեղի ունեցաւ, և 1896 նոյեմբեր 20|2 դեկտեմբերին զիս պատրիարքարան առաջնորդելու համար պատուիրակութիւններ, պաշտօ-

նէութիւններ, բարեկամներ և հետաքրքիրներ տունը լեցունցան, և մեծաշուք հանդերձանօք մեկնեցայ: Այն օր ամենուն աչքին զարկաւ մօրս ուրախութիւնը իւր զուկին փառաւորութեան համար, և լրագիրներն ալ խօսքերէ ու վարմունքէ իբրև նշանակալից պարագայ յատկապէս փութացեր էին յիշատակել՝ զլիաւորապէս յաջողութեան համար սրտագին մաղթանքները: Կոմիտաս եղբայրս գիւղէն իջած էր ընտրութեան միւս առտուն, իսկ Միհրան Եգիպտոսի մէջ հեռագրական գործակալութենէն իմացած էր ընտրութիւնը և Եգիպտոս գտնուող քրոջս ու քեռայրիս հետ խնդակցութիւններ կը փոխանակէին, և տեղափոխութենէ ձեռնմխութիւն ըլլալով օր առաջ Կ. Պոլիս դառնալու պատրաստութեանց կը ձեռնարկէր: Իմ միտքս հանգուցեալ հօրս կ'երթար, որ հարկաւ դժուարութեան մտածումներէ անկախաբար, մեծ ուրախութիւն և մխիթարութիւն պիտի զգար իւր որդւոյն ազգային շրջանակին մէջ բարձրագոյն դիրքի հասնելուն վրայ: Վիչէն ալ չկար որ ազգային գործերու փորձառութիւնն ունէր, և եղելութիւնը իւր իսկութեան մէջ կրնար գնահատել:

Միհրան շուտով կը դառնար, և տնական նոր կարգադրութեանց գլուխը կ'անցնէր, իսկ դեռ նա չհասած Գոմիկ Հիւնքեարպէյէնտեան բարեկամն էր, որ արտաքին գործառնութեանց և պատրաստութեանց հոգը ստանձնեց, զի պատրիարքարանի և հիւանդանոցի պաշտօններով ազգային սովորութեանց և պատշաճից կատարելապէս տիրացած էր: Թէպէտ առջի օրեր այս ու այն կողմէ տկնարկներ եղան որ հաստատուն բնակութիւնս պատրիարքարանի մէջ ըլլայ, սակայն ես չորեքշաբթիէ կիրակի չորս օր մնալով տուն դարձայ, որովհետև նշանակութիւն չունէր պատրաստ և հանգիստ տուն ունեցած ատեն, պատրիարքարանի մէջ նեղուիլ և անհանգիստ ապրիլ: Արդէն նախորդ պատրիարքներն ալ՝ Վարժապետեան, Վեհապետեան, Աչրգեան և Իզմիրլեան պատրիարքարանէ դուրս բնակութիւն ունէին, և պատրիարքարանի բնակութիւնը Խրիմեանով վերջացած էր, երբոր պատրիարքարանին մէջ խոհանոց պահելու սովորութիւնը խափանուեցաւ և Գոմիկ Հիւնքեարպէյէնտեան՝ որ մատակարարն էր՝ պաշտօնով հիւանդանոցի գրասենեակը փոխադրուեցաւ: Միայն պէտք էր որ տուն մնացած ատենս առձեռն գործողութեանց ու պաշտօնական և անպաշտօն այցելութեանց եկողներ դժուարութեան

չհանդիպէին, անյարմարութիւն տեղի շունենար և խօսքի տեղի չտրուէր: Այս նպատակով խիստ հրահանգներ տուած էի որ իմ տուն գտնուած տաննա տղաքը մէջտեղերը չգտնուին և տղայական խաղ ու աղաղակէ զգուշանան, տնեցիներն ալ եկող գացողներու հետ չհետաքրքրուին, այլ եկողներ տունը մնացող բարապանի ձեռքով սենեակս առաջնորդուին, և ելեքտրական զանգակով տրուած նշանին համեմատ պատուասիրութիւններ բարապանի ձեռքով կատարուին, և գրեթէ կատարելապէս պաշտօնական ձև պահուի: Ընդունելութեան սրահն ալ, որ իմ աշխատութեան սենեակիս հանդիպակացն էր, միշտ տրամագրելի մնայ պատուաւոր և պաշտօնակերպ այցելութեանց համար:

Իմ տնական կեանքս ալ կանոնաւորութեան վերածած էի: Երեկոները պատրիարքարանի գործերը աւարտելով կամ դադրեցընելով ուշ տուն կը դառնայի, ուր ընդհանրապէս կ'աշխատէի հասած նամակները կարգալու և մակագրելու, ծանօթագրուած գիրերը աչքէ անցունելու, պատրաստուած նամակները քննելու և ստորագրելու: Կարևոր գիրերը անձամբ կը պատրաստէի, ինչ որ դժուար էր պատրիարքարանի մէջ ընել՝ եկող գացողի, խօսող խնդրողի և պաշտօնէից դիմումներու պատճառով. թողօրուան մէջ այս ու այն տեղ այցելելու համար ծախուած ժամերը: Այս զբաղումները կը կատարէի մինչև եւրոպական ժամը 8, որ ընթրիքի հաստատուն ժամն էր, և անկէ ետքը ժամանակ մը հանգիստ ընելով ննջելու ատենը կը հասնէր: Առաւօտները տունէ չելած կը ճաշէի, պատրիարքարանի մէջ երեկոյեան դէմ թէյով կամ օշարակով և պաքսիմատով կը գոհանայի: Կիրակիները եկեղեցւոյ կը նուիրէի, և երկուշաբթիները անձնական ըզրադմանց համար տուն կը մնայի, սակայն սովորութիւնս գիացողներ հոն ալ հանդարտ չէին թողուր: Ամառուան միջոցին գիւղերու տօնական օրերուն կամ մասնաւոր այցելութիւններու առիթներով շաբաթ երեկոյէն գիւղ կ'ելլէի, վարժարանը կ'այցելէի, ծանօթ տուն մը հիւր կ'ըլլայի, կիրակին դարձեալ եկեղեցւոյ և կարևոր այցելութեանց կը յատկացնէի և երկուշաբթիներ քիչ մը շունչ առնելու համար պտոյտ մը կը կատարէի: Աշխատութեանս յաճախութիւնն ու կանոնաւորութիւնը ամենուն աչքին վարկած էր: Այս մասերը ընտանեկան կեանքին հետ ալ կապուած ըլլալուն այստեղ բացատրել անյարմար չսեպեցի: Աւելցնեմ



որ հակառակ չարաչար աշխատութեանցս՝ պատրիարքութեանս միջոցին ծանր հիւանդութիւն չեմ ունեցած: Առողջապահական պայմաններու ալ խնամով հետեւած եմ: Ակուաներս կանուխէն վատացած ըլլալով 1893 փետրուար 13|25էն սկսայ ամբողջական ատամնաչար գործածել, ոտքիս երակներուն ուռելուն պատճառաւ (Varice) 1902 դեկտեմբեր 4|17էն առածգական զանկապաններ կամ առողջապահական փաթաթներ կրելու ստիպուեցայ: Առանին մարմնամարզի սովորութիւն ալ պահեցի, 1902 մարտ 20|2 ապրիլէն երկաթեայ զոյգ գունդերու և 1904 մարտ 3|16էն առածգական գործեաց կիրառութեան ալ սկսայ:

Տեսական հանգամանքներէն մէկն ալ տունին նեղ դաշն եղաւ, բայց չուզեցի տուն տեղ փոխելով աչքի զարնել, և օգուտ քաղեցի մեր բնակած Ըթրր փողոցի վարձու տունին միւլենոյն սեպհականութեամբ երեք յարակից տուներ ըլլալէն, երկրորդը Ագարճա փողոցին կողմէ և երրորդը շեղակի երկու փողոցներու մէջ: Բնակութեան ընդարձակութիւնը պահանջ դարձաւ ինծի՝ պէտք եղած մասերէն, տղայոց մեծնալէն, և հիւրերու տրամադրելի տեղ ունենալէն: Նախապէս 1899 մայիս 2|14ին Ագարճայի կողմի տունէն երկու սենեակներ մերինին կցեցի, մօրս մահուանէն ետքը 1902 փետրուար 7|20ին անկողինս անոր սենեակը փոխադրեցի, զոր առաջ մեծ և ամբողջական վարագոյրով զատած էի աշխատութեան սենեակին մէջ, և երբ այսչափն ալ չը բաւեց, 1905 հոկտեմբեր 30|12 նոյեմբերին երկու սենեակները թողլով՝ երրորդ տունը ամբողջաբար կցեցի, ներքին անցքեր բանալով, և հոն զետեղեցի ննջասենեակս ու գրադարաններս, և Միհրան ու Ագապին իրենց զաւակներով: Տուներու կցման աշխատութիւնները հոկտեմբեր 24|6 նոյեմբերին սկսան և նոյեմբեր 7|20ին աւարտեցան:

Պատրիարքութեանս ժամանակի տնական յիշատակներն ալ նախընթացներուն պէս նիւթերու նմանութեամբ և յարակցութեամբ պիտի շարունակեմ պատմել, և ոչ ժամանակագրութեան հետեւելով:

Քեռորդիներուս ուսումնական ընթացքէն սկսելով, երեքն ալ՝ Պողոտն ու Արաքսին ու Սիրարփին՝ չորս տարեկան ըլլալնուն Համազգեաց օրիորդաց վարժարանը սկսայ յղել, ուր մանր մանչերն ալ կ'ընդունուէին, և կարող ու բարեկամ տեսչուհի մը

յատուկ կերպով պիրենք կը խնամէր: Այնտեղ շարունակեցին մինչև 1902, ուսկից նոր դպրոցական տարեմուտին՝ սեպտեմբեր 19|2 հոկտեմբեր՝ էսայեան երկսեռ վարժարանը փոխադրեցի: Իմ ուղղութիւնս եղած է որ նախակրթական ուսումը ազգային շրջանակի մէջ տրուի, որպէսզի իրենց ինքնութիւնը կազմուի, և անկէ ետքը միայն օտար վարժարաններ անցնին լեզուներու և ընդարձակագոյն ուսումներու համար: Պօղոս երկու տարիով էսայեանի վերի դասարանները աւարտեց, 1904 սեպտեմբեր 6|19 ին Բերայի Սուլթանիյէ վարժարանը մտաւ, և երկու տարի ալ հոն շարունակելէ ետքը՝ 1906 սեպտեմբեր 7|20 ին Փօր գաղղիացոյն բացած գաղղիական վարժարանը անցաւ, աւելի ևս գաղղիերէնի մէջ զօրանալու համար, որուն ընթացքը լրացուց 1908 ին, երբ ես ալ պատրիարքութենէ հրաժարեցայ: Տղուն ապագայ զբաղումին համար նախադասեցի վաճառականութիւնը, որ բաց ասպարէզ ունի իւր առջև՝ աւելի ազատ կեանք մը քան որեւէ պաշտօնէութիւն, և նոյն իսկ բժշկական ու փաստաբանական ընթացքէն աւելի: Այս նպատակով 1909 յունուար 2|15 ին Միհրան Մուրատեան կարող և յաջող, ուղղամիտ և խղճամիտ վաճառականի մօտ դրինք, ուր երկու տարի գործնական վարժութիւնն ընելէն ետքը՝ Մուրատեանի խորհրդով Մարալիիա գընաց վաճառականական վարժարանի ընթացք կատարելու: Միհրան ինքն անձամբ տարաւ տղան 1910 սեպտեմբեր 8|21 ին, որ քննութիւն տալով երկրորդ դասարան ընդունուեցաւ, և Միհրան սեպտեմբեր 28|11 հոկտեմբերին Կ. Պոլիս դարձաւ: Պօղոս երկու տարիով ընթացքը լրացուց, և Մուրատեանի Մանչեսթրի վաճառատունը մտաւ 1912 յուլիս 21|3 օգոստոսին, և կատարելապէս անգղիական առևտրականութեան մէջ վարժուեցաւ: Երկու տարի ետքը Մուրատեան մտադիր ըլլալով իտալական վաճառատուն մըն ալ բանալ, Պօղոսը Միլանօ բերել տուաւ, սակայն վերահաս պատերազմը գործին սկզբնաւորութիւնը խափանեց, և Պօղոս Իտալիայէ Եգիպտոս անցաւ յաջող ժամանակի սպասելու նպատակով:

Իսկ աղջիկներէն Արաքսի 1906 սեպտեմբեր 5|18 ին էսայեանի ընթացքը աւարտելով, Բերայի անգղիական օրիորդաց վարժարանը մտաւ, իսկ էսայեանի շրջանաւարտի վկայականը ստացաւ 1907 փետրուար 3|16 ին հանդիսական գումարման մէջ:

Միւս տարին 1907 դեկտեմբերին Սիրարփի ալ իրեն ընկերացաւ և ընթացքին շարունակեցին տարւոյ մը տարբերութեամբ: 1911ին Արաքսին դարձեալ զրկել աւելորդ դատուեցաւ, բայց որովհետև 1912ին Սիրարփի ընթացքը լրացնելով վկայական պիտի ստանար, Արաքսին ալ նորէն վարժարան դարձաւ և վերջին տարին միասին ըրին: 1913 յունիս 14|27ին աւարտական քննութիւննին տուին և դեկտեմբեր 6|19ին վկայականնին ստացան: Երկուքին ալ ընթացքը յաջող եղաւ, մանաւանդ Արաքսիինը, որ 1907 դեկտեմբեր 6|19ին չորս, և 1908 դեկտեմբեր 5|18ին հինգ մրցանակներ միանգամայն ստացաւ, և վերջին 1913 տարին անգղիական ընդհանուր վարժարանաց մրցման քննութեանց մէջ առաջին մրցանակին արժանացաւ: Սիրարփի ալ միշտ անոր ամենամօտ հետևողն էր եղած և մրցանակներ ստացած: Վարժարանէ ելնելէն ետքն ալ առանին աշխատութիւնները շարունակեցին, Արաքսին աւելի ոյժ տուաւ երաժշտական ու գծագրութեան ճիւղերուն, իսկ Սիրարփի գրական և լեզուական ճիւղերուն հետևեցաւ:

Մայրս տարիքը առնելով զառամութեան նշաններ սկսաւ ցոյց տալ, ինչ որ իմ տեսութեամբ իդէպ է վերագրել միտքի անմշակութեան, զի միւսնոյն տարիքին մէջ հայրս երբեք այդ վիճակը չունեցաւ: Մարմնով ալ հեազհետէ կը տկարանար, կը կծկէր և կը պզտիկնար, և հարկ կ'ըլլար զգեստները շարունակ կարճեցընել: Ժամ մը առաջուան եղելութիւններուն յիշողութիւնը կը կորսնցունէր, ընդհակառակն իր երիտասարդութեան և հարսնութեան պարագաները կը պատմէր շարունակ: Իր սովորական փափաքն ու աղօթքն էր որ երեք օրէ աւելի մահուան անկողին չունենայ, և փափաքն ալ կատարուեցաւ, զի 1902 յունուար 10|23ին անկողին ինկաւ, և այցելող բժիշկը կենսական ոյժերուն սպառումը հաւատտեց, և 14|27ին հոգին աւանդեց: Մինչև յետին վայրկեանը սիրտի հանդարտութիւն վայելած ըլլալու համար՝ իւր խոստովանահայր Պազչեանը կանչեցի վերջին թոշակը մատակարարելու, առանց սակայն հրապարակային ցուցադրութեան, ինչ որ նա ալ ամենայն խոհեմութեամբ կատարեց, եւ յուզարկաւորութեան մասին խնդիր չյուզուեցաւ, զի անձնագրական տոմսն ալ (ժամանէյէ Բեշեբէ) Հայոց պատրիարքարանին իրաւասութեան ներքեւ ըլլալը կը հաստատէր: Յուզարկաւորու-

Թիւնը պատրիարքի մը տիրամօր արժանաւոր հանդիսութեամբ և փառաւորութեամբ կատարուեցաւ յունուար 16|29ին, բոլոր եպիսկոպոսներ և վարդապետներ, և ամէն եկեղեցիներէ բազմաթիւ քահանաներ հաւաքուած էին դազադին շուրջը և մի մասն ալ դասին մէջ իբր սգաւոր կայնած. իսկ ժողովրդեան բազմութիւնը անհամար, և ժողովականներու և մեծամեծներու դասակարգէն բազմաթիւ յոյժ: Ես դասին մէջ մնացի և եղբօրս Կոմիտասի հետ բազմութեան ցաւակցական ողջոյնները ընդունեցի, և յետոյ մեռելաբարձ կառքին ետեւէն մինչև Շիշլիի գերեզմանոցը ընկերացայ: Տիրամօրս նկարագիրը կանուխէն տուած եմ և կրկնելու պէտք չեմ տեսներ. նա ապրեցաւ եօթանասուն երկուքուկէս տարիէ քանի մը օր պակաս, հօրս մահուանէ ետքը եօթը տարի և իննուկէս ամիս եւս ապրեցաւ և անկէ տասնինը ամիս աւելի ապրած եղաւ:

Մօրս մահը բնութեան օրինաց համաձայն էր, եւ պարզապէս կենսական զօրութեանց պակսելովը կը վախճանէր, որով ցաւը կը մեղմանար, իսկ ինչ որ կատարելապէս ցաւալի եւ անակնկալ եղաւ Ագապի քրոջս մահն էր, որ սաստկապէս ազդեց բոլոր ընտանեաց և իմ վրայ յատկապէս: Ամենէս պըզտիկն էր, տակաւին քառասուն և չորսուկէս տարեկան էր, հազիւ տասնեւհինգ տարիէ իվեր ամուսնացած էր, երեք մանրուք զաւակներ կը թողուր իննէ տասուիրեք տարեկան, որոնք մայրենի խնամոց անհրաժեշտ պէտք ունէին: Ծանր հիւանդութիւններ չէր քաշած, անձնական սկարութեան նշան չէր տուած, և բոլորովին չսպասուած մի պահուն 1905 դեկտեմբեր 11|24ին անկողին ինկաւ, և 20|2ին հոգին աւանդեց: Հիւանդութիւնը թոքատապ (Pneumonie) դատուեցաւ, որ թոքերը յանկարծ և ամբողջաբար գրաւեց, և խեղճը չկրցաւ սաստկութեանը դիմանալ և ինն օրով կեանքը վերջացաւ: Այնչափ անակնկալ էր Ագապիին մահը, որ առաջին գոյժին ժողովուրդին մէջ հիւանդագին Եւգինէն մեռած կարծուած էր, և ոչ թէ առողջ Ագապին: Ես մինչև վերջին շունչը քովը մնացի և յետին պահուն ուրիշները հեռացնելով բժիշկին հետ մինակ էի, բժշկական խնամքը պակաս չեղաւ, դարմանողը Վահրամ Թորգոմեան, եղբայրը Կոմիտաս Օրմանեան ու դրացին Մազսուտ Շէրպէթեան բժիշկներ ջանքերնին պակաս չըրին, այլ չյաջողեցան: Յուղարկաւորու-

Թիւնը տեղի ունեցաւ դեկտեմբեր 23/5 յունուարին, որ աւելի նշանաւոր դարձաւ հանրային սուգի նշանակութեամբը, քան հանդիսական լիուլի պարագաներովը: Իւր քաղցր բնաւորութեամբը, գրաւիչ վարմունքովը, սիրայորդոր ջանքերովը, աղքատաց կարեկցութեամբը ընդհանուր համակրանաց առարկայ էր. էսայեան վարժարանի կարօտ աշակերտաց և աշակերտուհեաց կարող տուներէ պարբերաբար ճաշի կերակուր մը պատրաստելու գործին նախաձեռնարկը և յորդորողը ինքն էր եղած: Թաղումը տեղի ունեցաւ Շիշլիի գերեզմանատունը ընտանեկան թաղին մէջ, ուր եղբօրմէս, հօրմէս ու մօրմէս ետքը ինքն չորրորդ կ'երթար յաւիտենական քունը ննջելու, եւ ես անձամբ օրհնեցի եւ կնքեցի անոր գերեզմանը: Յուղարկաւորութեան օրը պատարագի մատուցումը դժուար ըլլալուն 1906 յունուար 15/28ին յատուկ հոգեհանգստեան պատարագ մատուցի Ս. Երրորդութիւն եկեղեցին, մօրս յիշատակն ալ կըրցելով, որուն մահուան չորրորդ տարեդարձը կը լրանար: Փափաքելով Ագապիին յիշատակը անմահացնել, որեւէ փառաւոր մահարձանէ նախադասելի համարեցի գրաւոր յուշարձան մը կանգնել Ագապի վերտառութեամբ, բաւական ստուար հատոր մը, որուն սկիզբը կենսագրական և մահագրական (Neerologique) յօդուած մը ևս ինքս խմբագրեցի զգայուն շեշտերով, և անոր ետեւը հաւաքեցի խօսուած դամբանականները եւ կարգացուած ուղերձները, լրագրական յօդուածները, յիշատակին նուիրուած ցաւակցական նամակները, և իւր անձնական հատորին (Album) մէջէն գլխաւոր գրուածները: Հատորը սգակերպ շքեղութեամբ կարգադրեցին իւր կեսրարթուներ Վահրամ եւ Հրաչեայ, եւ 1907 յունուար 1/14ին առաջին օրինակներ հրատարակ հանեցին: Ես փութացի մի մի օրինակ նուէր զրկել բոլոր անոնց, որոնք եկեղեցական հանդիսութեան, յուղարկաւորութեան մասնակցութեամբ, ցաւակցական գիրերով, յատուկ հրատարակութեամբ, մասնաւոր այցելութեամբ և ըղձից յայտարարութեամբ իրենց համակրութիւնը վկայեցին քրոջս յիշատակին: Ագապիին անմայր թողած որբերուն մայրական խնամքը կատարեալ հոգածութեամբ և լուրջ արթնութեամբ ստանձեց մօրաքոյրնին Եւգինէ, և կրնայ ըստել թէ կատարեալ մայր մը եղաւ, մօր պակասութիւնը զգալի չընելու չափ:

Ազգականական շրջանակէն տեղի ունեցած մահերէն յիշեմ յետագաներն ալ: Հօրեղբօրորդիս Յարութիւն, պետական դեղագործ և արքունական զմուսագործ, վախճանեցաւ 1898 սեպտեմբեր 8/20ին, ամուսնութենէն հինգերորդ տարին չլրացած, միակ փոքրիկ աղջիկ մը թողլով զոր Միշէլին (Micheline) կոչած էր՝ իբր Միքայէլուհի՝ իւր մօրը յիշատակին. մօրմէս քսան ամիս ետքը 1903 սեպտեմբեր 12/25ին մեռաւ անոր մօրքեռորդին Պիրիճիկ Առաքելեան, Սիւսիլ (պճնագարդ) կոչուած ճաշարանապետ Գրիգորի կողակիցը, որ միակ զաւակ մը ունեցած է Անտոն՝ հեռագրական պաշտօնեայ, և երկուքն ալ իրմէ շատ առաջ վախճանած էին: Ազգային մահուանէն ալ քսան ամիս ետքը՝ 1906 սեպտեմբեր 1/14ին կը վախճանէր անոր ները Աղաւնի, Տիգրան աներձագին կողակիցը, չորս մանչ և երկու աղջիկ չափահաս զաւակներու մայր, որուն յուղարկաւորութեան անձամբ նախագահեցի:

Մահերու դիմաց պսակներէն ալ ինչինչ յիշատակած ըլլալու համար աւելցնեմ հանգուցեալ Ալեքսանդր Տէր-Ներսէսեանի դաստեր Արուսեակի ամուսնութիւնը ծանօթ տաճկաբան ուսուցիչ և հեղինակ և Պետական Խորհրդոյ օգնական անդամ Պետրոս Կարապետեանի հետ 1904 օգոստոս 30/12 սեպտեմբերին, որոնց գործը դիւրացնելու համար մեր տունը սրամադրած էինք իրենց փոխադարձ տեսակցութեամբ, և Լուսիկ քրոջս դուստր էլիզ ալ 1909 փետրուար 5/18ին Գահիրէի մէջ պսակուեցաւ մահճաբարձ շոգեկառաց ընկերութեան Գահիրէի փոխ-տեսուչ Կ. Պոլսեցի Ճանիկ Չազըրի հետ: Իսկ 1913 յուլիս 29/11 օգոստոսին ուսուցչուհի Չապէլ Համբիկեան պսակուեցաւ Ամերիկեան քարիւղի ընկերութեան պաշտօնեայ Պետրոս Ալեանագեանի հետ. Չապէլ ոչ միայն քեռորդիներուս ուսուցչութիւնն էր վարած, այլ իբրև տնեցի մը մտերմութիւն էր պահած և Ազգային հիւանդութեան ատեն տղայոց հոգն էր ստանձնած: Նոյն 1913 տարին օգոստոս 28/10 սեպտեմբերին Տիգրան Տէր-Ներսէսեանի կրտսեր դուստրը Արուսեակ պսակուեցաւ առևտրական Գէորգ Գուլումճեանի հետ: Կարապետեանենց և Ալեանաքեանց պսակը անձամբ օրհնեցի, իսկ Գուլումճեանց պսակին անկողին ինկած հիւանդ էի:

Ընտանեկան յիշատակներուն կարգին տեղի կրնան ունենալ ուղևորութիւններն ալ. թէպէտև մեր տունէն միայն Միհրան քեռ

ուայրս եղաւ, որ ապահովագրական ընկերութեան գործերով 1903 փետրուար 16|1 մարտին Եգիպտոս, 1908 յունիս 16|29ին Սօֆիա, 1909 հոկտեմբեր 18|31ին Բարիզ, 1909 փետրուար 10|23ին դարձեալ Եգիպտոս և 1909 օգոստոս 31|13 սեպտեմբերին Սելանիկ ուղևորեցաւ, և կարճ միջոցի մէջ գործերը աւարտելով դարձաւ: Արդէն 1910 սեպտեմբեր 8|21ին Մարսիլիա գացած էր Պոլսոս որդին առևտրական վարժարան տանելու, իսկ 1913 ապրիլ 3|16ին Մանչեսթր գնաց զաւակը տեսնելու, և մայիս 8|21ին Զմիւռնիոյ Ծոցին մէջ վտանգուող շոգենաւէն անվտանգ ազատելով 11|24ին Կ. Պոլիս դարձաւ: Իրեն Մէճիտիյէ երրորդ աստիճանի շքանշան ստացած էի, ինչպէս և Կոմիտաս եղբօրս համար երրորդ աստիճանի սամանիյէ, սակայն յետոյ Կոմիտաս կայսերական կանանոցին համար նշանաւոր ծառայութեան մէջ գլանուելով առաջին աստիճանի մեճիտիյէով, իւլայի աստիճանով, պալատական խորհրդակից բժշկութեամբ և քաղաքագլխութեան բժշկական ժողովականութեամբ առաւելապէս վարձատրուեցաւ: Իսկ Լուսիկ քոյրս 1899 յուլիս 17|29ին ամուսնոյն և զաւակին հետ, և 1906 յուլիս 3|16ին միայն զաւակին հետ Կ. Պոլիս եկան և երեք ամիսէ վերադարձան: Ճանիկ և Էլիզ ալ 1909 յունիս 2|15ին և 1911 ապրիլ 18|1 մայիսին Կ. Պոլիս այցելութեան եկան և ամիս ու ամիսուկէսէ Եգիպտոս վերադարձան: Իբրև տնական յիշատակ մը աւելցնեմ ևս 1897 փետրուար 13|25ին հօրս սեպհական Մարբուճճըլար փողոցի դեղարանին վաճառումը:

Միջագէպ մըն ալ յիշեմ պատրիարքութեանս սկիզբէն մինչև Երուսաղէմ ուղևորիլս անցած տասնևութ տարիներու յիշատակները փակելու համար, ուր նոր հանգրուան մըն ալ կը կազմեմ վերջին տարիներու յիշատակները զատելու համար: Անպարտութեան վճիռէն առաջ 1912ին լրագրական խմբագրի մը հետ տեսակցութեան առիթով պատահաբար խօսքը Աւետիս Սուրէնեան փաստաբանին վրայ կը դառնայ, և ես համարձակօրէն անոր յաջողութեան վրայ գաղափար մը շունենալս կը յայտնեմ: Խմբագիրը այդ տեսակցութիւնը յօդուածի նիւթ կ'ընէ և Սուրէնեանի համար խօսուածն ալ կը պատմէ: Սուրէնեան իբր թէ ես իւր վարկը կոտրած և շահուն մնասած ըլլամ, քաղաքական դատարանի առջև զիս դատի կը կոչէ, գործը կը յանձնեմ Գրիգոր Զոհրապ փապաբանին, զի սենեակին մէջ մէկու մը միայն խօսուած

խօսքը դատի նիւթ չի կրնար ըլլալ, իսկ հրապարակողը ես չեմ: Զոհրապ պատշաճ գրութիւնը պատրաստեց և մատուցուեցաւ, որուն վրայ Սուրէնեան նոյեմբեր 1/14ի դատավարութեան օրը, դատարանի առջև դատը ետ կը կոչէ, գովեստի խօսքեր ալ կ'ընէ, և խնդիրը կը փակուի: Այս ալ իւր տեսակին մէջ նորութիւն մըն էր, և կ'երևի այս կերպն ալ պէտք չէր պակաս մնար, որ պատահարներուն տեսակները լրանային:

## ՆԲ

Դաւնաւիտ, 1918 ապրիլ 19/2 մայիս Եջ.

Երուսաղէմի պատուիրակութեամբ 1914 ապրիլ 26/9 մայիսին Կ. Պոլիսէ մեկնելէս անմիջապէս ետքը առաջին յիշատակելի եղելութիւնը Եւզինէ քրոջ եւ Արաքսի ու Սիրարփի քեռորդիներու՝ ապրիլ 30/13 մայիսին Եւրոպա մեկնելնին է: Միհրան քեռայրս փափաքելով իր աղջիկներուն եւրոպական կեանքի ծանօթութիւն տալ՝ կ'որոշէ որ անգամ մը մինչև Մանչեսթր երթան Պօղոս եղբայրնին տեսնելու, իրենց մայրաղիր դարձած Եւզինէ քոյրս ալ միասին: Այս նպատակով Մարսիլիոս, Բարիզ եւ Լոնտրա դադար առնելով, և քաղաքները ճանչնալով Մանչեսթրը, ուսկից միևնոյն ճանապով երկու ամիս ուղևորութեամբ յուլիս 1/14ին Կ. Պոլիս կը դառնան: Միհրան ալ իր գաւազներուն զարգացմամբ և երջանկութեամբ ապրող հայր մըն էր, և ուրախ սիրտով անոնց յառաջդիմութեամբ կը մխիթարուէր, երբոր յանկարծական հիւանդութիւն մը՝ սիրտի տկարութեամբ ծանրացած՝ քիչ օրով հոկտեմբեր 25/7 նոյեմբերին զայն ալ կը տանի իւր սիրելւոյն Ագապիին հետ միանալ յաւիտենականութեան ծոցը, անոր մահուանէ մերձաւորաբար ինը տարի ետքը, և իւր կեանքին վաթսուներորդ տարին հազիւ սկսած, զի ծնած էր Կարին 1855 յուլիս 29/11 յուլիսին: Յուզարկաւորութիւնը կատարուած է 27/9ին արժանաւոր վայելչութեամբ, և Օրմանեանց ընտանեկան թաղը թաղուած: Ես գոյժը առի 26/8ին, և նոյեմբեր 2/15ին յատուկ



հողեհանգստեան պատարագ և պաշտօն կատարել տուի Երուսաղէմի Ս. Յակոբեանց Մայր Եկեղեցին: Միհրան իւր ղիրքն ու գործը պատուով ու յաջողութեամբ կատարելու կարողութիւն ու հմտութիւն ու վարժութիւն ունէր, բայց ուր առաւել կը գերազանցէր՝ իւր պարկեշտ և կանոնաւոր, բարեմօյն և շինիչ, որդեաէր և տնաշէն բնաւորութիւնն էր, որով Ազապիի հետ կատարեալ զուգակից մըն էր և ընդհանուր համակրութիւն կը վայելէր: Տունը գրեթէ անոք և անօգնական կը մնար, եւ ներքին հոգածութեան հետ արտաքիններն ալ Եւզինէ քրոջս վրայ կը ծանրանային, և ինծի հարկ կ'ըլլար քաջակերութեամբ և հրահանգներով զիրենք զօրացնել: Ինչ որ կայութիւնը աւելի կը ծանրացնէր՝ արդէն տարածուած պատերազմի վիճակն ու մանչ զաւկին Պօղոսին արտասահման գտնուիլն էր, որ հնար չէր թողօնը կարգադրել և ժառանգական գործողութիւնները լրացնել, որով ինծի կը մնար քեռորդիներու խնամքը ստանձնել եւ անոնց պէտքերը հոգալ: Եղբայրս արդէն շատոնց տունէն բաժնուած էր, իսկ որբերուն հօրեղբայրը իր անձնական շահին մշակողն էր. արդէն եղբայրը տուն փեռայ էր և եղբորորդիները իրեն գրեթէ օտար կը սեպեր: Միհրանի մայրը Իսկուհի Տէր-Ներսէսեան ծընեալ Յովասափեան, գրեթէ իննսունամեայ, տակաւին կ'ապրէր իւր որդւոյն մահուան ատեն և ուսկից կը ծագէր Տիգրանի՝ Տէր-Ներսէսեան Միհրանի ժառանգութեան մասնակցելու ձգտումը, նոյնիսկ մօրը 1916 փետրուար 7|20 ին մեռնելէն ետքը ձեռնարկներ ընելով և մաս մըն ալ իւրացնելով:

Երբ քեռայրիս մահուան պարագաներով կ'ըբազէինք, եղբորս Կոմիտասի մահուան գոյժը վրայ կը հասնէր: Կոմիտասին իր կենսական կորովը կորսնցուցած և հիւժելու ճանապան մտած ըլլալը արդէն յիշեցի, այդ վիճակին հետեանքն էր իր մահը, որ տեղի կ'ունենար 1915 յունուար 6|19ին Պէոյիւքտէրէ գիւղը Վերին Վոսփօրի վրայ: Յուղարկաւորութիւնը տեղի կ'ունենար միւս օրը 7|20 Ծնունդի Մեռելոցին Բերայի Ս. Երրորդութիւն եկեղեցին, իսկ գոյժը ինծի կը հասնէր 9|22ին: Կոմիտաս զաւակ չունէր, իւր կնոջ առաջին ամուսինէն ունեցած աղջիկը Սաթենիկ ամուսնացած էր, եւ եղբորս դրամական կայութիւնն ալ պարտքերու ներքեւ էր, ուստի բնաւ անոր թողօնին չուզեցի միջամտել: Այրին Շաղիկ ալ երկու ամիս ետքը կը վախճանէր,

մարտ 5/18ին, և Պէօյլւքտէրէի եկեղեցին կը կատարուէր յուղարկաւորութիւնը, որով այս կողմէն ամէն գործ ու խնդիր ինքնին կը փակուէր:

Այս պարագաներուն ժամանակ պատերազմին արհաւիրքը երթալով կը սաստկանար, և Կ. Պոլիս մայրաքաղաքն ալ Տարսուսնէի պատերազմին հետեանօք տագնապէ եւ արկածէ կը սկսեր վախնալ, և շատեր հեռանալու որոշում կուտային, մերօնք ալ քոյրս Եւզինէ և քեռորդիներս Արաքսի և Սիրարփի՝ նոյն տպաւորութեան ներքեւ 1915 օգոստոս 4/17ին Կ. Պոլիսը կը թողուին և կ'երթային Պուլկարիոյ Սօֆիա քաղաքին մէջ բնակիլ: Սակայն Պուլկարիա ալ պատերազմին մասնակցելու որոշում կուտար, և պատերազմական շռինդը դարձեալ մերայնոց վրայ վատ տպաւորութիւն կ'ազդէր, որով Սօֆիա հասնելնէն եօթը ամիս ետքը՝ 1916 մարտ 31/13 ապրիլին Պուլկարիոյ մայրաքաղաքէն ալ հեռանալով կը դիմէին Հելվետիոյ շէյքք և հանդարտ երկիրը, և ճանապարհուն պատերազմական շարժումներով խճողուած ըլլալուն՝ ամսօրեայ ուղեւորութեամբ մայիս 1/14ին կը հասնէին ժընէվ գաղղիերէնախօս քաղաքը, եւ հոն կը դադարէին, ուր չորս ամիս ետքը սեպտեմբեր 11/24ին կուգային իրենց միանալ Եգիպտոս բնակող Լուսիկ քոյրս իւր Էլիզ դաւակով, վերջնոյս օգափոխութեան պէտք ունենալուն պատճառաւ, և անշուշտ միւսներուն ալ հոն գտնուելէն քաջալերուելով:

Այսօր տակաւին ժընէվ կը գտնուին Եւզինէ ու Լուսիկ քոյրերս եւ Էլիզ ու Արաքսի ու Սիրարփի քեռորդիներս: Քոյրերս իրենց և իրենցներուն հոգածութեամբ կը զբաղին, իսկ քեռորդիներէս Արաքսի երաժշտութեան և նկարչութեան գլխաւոր հաստատութեան կը յաճախէ և գովելի աշխատութեամբ իւրաքանչիւր վեցամսեային դասարան փոխելով կը յառաջդիմէ, եւ կատարեալ արուեստագէտ մը ըլլալ կը խոստանայ: Սիրարփի դրական ճիւղին հետեւելով Լեզուաց եւ Դպրութեանց բարձրագոյն վարժարանին ընթացքը յաջողութեամբ աւարտեց, և այժմ նոյն ճիւղին համալսարանական ընթացքին ձեռնարկած է, և երբ մէկ կողմէն կ'աշակերտի, միւս կողմէն ուսուցչութեամբ ալ զբաղիլ սկսած է: Իսկ Էլիզ իրեն ասպարէզ ընտրելով հիւանդապահական աշխատութեանց ճիւղը, ամենայն լրջութեամբ քաղաքին գլխաւոր հիւանդանոցին մէջ կը պաշտօնավարէ և կը զարգանայ:

Բերայի մեր բնակած տունին կցուած երկրորդական տունը արդէն Կ. Պոլիսէ մեկնելէս ետքը Միհրանի կենդանութեան պարպել ու թողուլ տուած էի, իսկ գլխաւոր տունը տակաւին մեր վրայ կը մնայ վարձքով, զի թէ զայն պարպել անհնարին իմն է, և թէ օրըստօրէ խաղաղութեան վերահաստատուելուն պատրաստ տուն ունենալը անհրաժեշտ է թէ ինծի և թէ մերայնոց: Իսկ առայժմ նոյն տունին մէջ իբրև պահպանող և խնամող կը մնան հանգուցեալ Ալեքսանդր Տէր-Ներսէսեանի զաւակները Սըմբատ և Վարդան, Զարեհ և Սաթենիկ, ական ունելով որ օր առաջ ինծի ալ կը յաջողի մայրաքաղաք և մեր տունը դառնալու արտօնութիւն ստանալու, որ ընդհանուր հրամանատար Ահմէտ Ճէմալ բաշայէ 1917 նոյեմբեր 15 | 28ին ինքնայորդոր առաջարկուեցաւ և խոստացուեցաւ, սակայն դեռ չարդիւնաւորեցաւ, ինքն ալ Կ. Պոլիս դարձած և Ծովային Նախարարի պաշտօնին ձեռնարկած և պահ մըն ալ Ներքին Գործոց Նախարարութեան տեղակալութիւնը ստանձնած ըլլալով մէկտեղ: Իսկ Կ. Պոլսոյ մէջ իմ գործերուս հողածութիւնը և պէտք եղած ատեն ներկայացուցչութիւնը յանձնած եմ Միհրանի Տիգրան եղբօր որդւոյն Հրաչեայի՝ Ալեքսանդր եղբօր որդւոյն Զարեհի օժանդակութեամբ:

Մեր տան ընտանեկան կեանքէն փոքրիշատէ տեղեկութիւններ հաղորդեցի, այնպէս որ հնար է յստակ գաղափար մը կազմել անոր անցեալին և ներկային վրայ, և գրածս բաւական սեպելով այս նիւթն ալ կը փակեմ: Այժմեան կացութիւննիս յայտնի կը տեսնուի, երեք եղբայր ու քոյր կը մնանք Անտոնի եւ Եղիսաբեթի տասը զաւակներէն, չորսը վաղամեռիկ, երեքը գործունեայ ճանապու մէջ տարածամ վախճանած: Ես այստեղ Դամասկոս, ուր իբր տարազիր կը մնամ, կեանքի հանգստութեան պահանջներէն զուրկ, և պարբերական տենդով նեղուած վերջին ամիսներուն մէջ: Տենդին կրկնումներով տկարացած՝ և այսօր ալ, որ պարբերական օրս է, Աւագ Հինգշաբթի ըլլալով և եկեղեցին ալ աչքիս առջև տեսնելով մէկտեղ եկեղեցի իջնալ եւ պաշտամանց մասնակցիլ չկրցայ: Երկու քոյրերս և երեք քեռորդիներս ժընէվ կը գտնուին, ինչպէս վերը գրեցի, իսկ Միհրանի Պողոս որդին կը գտնուի Եգիպտոս եւ իր չափին մէջ առևտրական գործով կը զբաղի կ'ըսեն, թէպէտ ստոյգ և որոշ լուրեր չունիմ: Անորոշ և անստոյգ կացութիւն մը կը տիրէ ամենուս վրայ, և պիտի տէր

րէ ցորչափ համաշխարհական պատերազմը տեւէ եւ ընդհանուր հաշտութեամբ կանոնաւոր և կարգաւոր կեանքը չվերահաստատուի, որուն երբը մեր մակաբերական հաշիւներէն օտար կը մընայ, և մօտաւոր իրականութեան նշաններ չներկայեր: Տէր տեսցէ և ողորմեսցի:

ԸԳ

Դասնասկոս, 1918 ապրիլ 20/3 մայիս Ուր.

Սոնի ու Սուսիս համար ցարդ մտադրած նիւթերս սպառեցի, սակայն այդ գրութիւնը ինծի ժամանցի պատրուակ մըն է ներկայ անգործ վիճակիս մէջ, ուստի ըստ դիպաց եւ ըստ պարագայից նոր հատուածներ աւելցնելու պէտքը կը զգամ անձնական և պատահական, հանրական ու գիտական նիւթերու վրայ անխտիր: Բնական է որ միտքիս խոհիբերը գրիչի ներքեւ խօսքի փոխարկեմ, եւ տեսութիւններս ու տեղեկութիւններս գիրի աւանդեմ: Հետեւաբար, եթէ երբեք պատեհ առիթը ներէ կամ յորդորէ գրածս հրատարակութեան տալ, թող ընթերցողը ի զուրկարգ ու կանոն, շարք ու խնամք չփնտռէ գրածիս մէջ, եւ քննադատութեանց չաճապարէ:

Այս յառաջաբանէ ետքը կ'ուզեմ ամփոփում մը տալ իմ գրական կեանքիս, համախմբելով ինչ որ այդ կեանքին շուրջը կը դառնայ, թէպէտև շատ կէտեր գրածիս ընթացքին մէջ ցրիւ յիշատակուեցան, բայց յատուկ ամփոփում մը կրնայ լուսագոյն գողափարը տալ ինծի սիրելագոյն եղող նիւթին վրայ:

Գրական կեանքի հիմը կը կազմէ մէկուն ինչ ունեցած ըլլալը կամ ստացած միտքի մշակութիւնը: Երկու եղած են իմ կատարած շրջանները, խօսքը չընելով մանկական ժամանակի տարրական մասին: Մէկը՝ Անտոնեանց վանքին մէջ բարձր նախակրթարանի ընթացքը, և միւսը Հռոմի Աթոռին համալսարանական դպրանոցին եկեղեցական գիտութեանց շրջանը: Առաջինին մէջ աւանդուած նիւթերն եղան հայերէն, իտալերէն, գաղղիկ-

րէն և լատիններէն լեզուներ, կրօնագիտական եւ Ս. Գրոց պատմական գիտելիքներ, աշխարհագրութիւն և պատմութիւն, տրամաբանութիւն և հոգեբանութիւն, իսկ գիտութեանց մէջ միշտ համարողականը աւանդուեցաւ: Հայերէնը՝ բացառաբար գլխաբարը եղաւ միշտ, ճարտասանական եւ չափաբերական վարժութիւններ, աշխարհաբարը երբեք դասաւանդութիւն չեղաւ. մինչև իսկ ընկերական նամակները գրաբար կը գրէինք իրարու. աշխարհաբարը անհատական վարժութեան սահմանին մէջ մնաց, որուն ես աւելի հետեւողութիւն ունեցայ, եւ ամենէն լուրջ աշխատութիւններս ալ աշխարհաբար հրատարակած եմ, ժողովրդական եւ սահուն լեզուով, ինչ որ հետեանք էր աշխարհաբարի կարևորութեան եւ բաւարարութեան մասին ունեցած համոզումներուս: Իտալերէնի գործածական լեզուի չափ ընտելացած եմ 22 տարի Իտալիա բնակելով. լատիններէնը դըպրոցական ուսմանց շրջանակին մէջ միայն ծառայած է, իսկ գաղղիերէնի վարժութիւնս աւելցած է պաշտօնական կեանքի մըսնելէս հտքը: Հռոմէական Դպրանոցի ուսմանց ծրագրին մէջ յունարէնի և եբրայեցերէնի միամեայ դասեր կային, սակայն կամաւոր և յոյժ տարրական ըլլալուն, և վանական գրադմանց տեսնու աւելցնելու համար չէի հետեւած, որ եթէ զանց ըրած չըլլայի՝ գուցէ ապագային դարգացնելու և օգտակար ընելու պատճառ եղած կ'ըլլար: Եւրոպա ուղևորութեանց առիթով գերմաներէնի քանի մը ամիսներով զբաղեցայ, սակայն առիթը անցնելէ հտքը զարգացնելու պատեհ չեղաւ և չքուեցաւ: Տաճկերէնը վանական ծրագրին մէջ չկար և գուրկ մնացի, այլ երբ պաշտօնական կեանքի մտայ, պէտքը զգալի եղաւ ու քանի մը անգամ դաս առնել սկսայ, բայց գործը մնաց վարժութեան, ու պաշտօնական խօսակցութեան տիրացայ, մաքուր եւ յստակ գրուած մը կարգալու չափ եղայ, բայց գիրի չկրցայ վարժուիլ:

Ուսմանց մէջ աւելի դրականին քան թէ հաճոյականին հետեւած եմ: Ուստի ինծի նախագասելի եւ նախասիրելի եղած է պատմական ճիւղը, որուն մէջ բազմահատոր գործեր երիտասարդութեանս ատենը կարգադրած եմ. բանաստեղծական մասը դիւշատ չէ հրապուրած: Իրաւ պատանեկութեան եւ առաջին երիտասարդութեան տարիներուս ես ալ բաւական չափաւ բաներ գրած եմ, բայց աւելի վանքի մէջ գրական երեկոյթներու, եւ

տօնական ու շնորհաւորական պարագաներու մէջ պէտք եղածը լրացնելու համար: Աշխատութեանցս մէջ ալ միշտ պատմականը եղած է որ առաջին տեղը զբաւած է: Ընթերցանութիւններու մէջ ալ բանաստեղծութիւններ, գիւցազներգութիւն, վիպասանութիւններ չեն եղած նախընտրածներս, և ինչ որ ալ այս ճիւղէն կարգացած եմ, պատմական առընչութիւն կազմածներն են եղած, քան թէ պարզ երևակայականները:

Գիտական շրջանները անցուցած եմ Հռոմէական Գպրանոցի համալսարանը. փիլիսոփայական ընթացքին մէջ մտած են՝ տրամաբանական, հոգեբանական, և բարոյական իմաստասիրութիւններէ զատ, համարողական եւ բնագիտական դասերն ալ. ասոնց հետեւած եմ ինամով մրցման յաղթանակները ստանալու չափ, բայց յետոյ յատուկ հետապնդութիւն չեմ ըրած: Աստուածաբանական և իրաւագիտական շրջանը բացառապէս կրօնական և վարդապետական նիւթեր կը պարունակեն, որոնց մէջ յաջողութեան լիազոյնը արտադրած եմ, բայց ապագային պէտքն ու պարտքը լրացնելու չափ միայն հետեւած եմ, գլխաւորապէս ուսուցչութեան և ջատագովութեան նպատակով, և ոչ յատուկ զբաղման նպատակ դնելով: Ինչ որ ինծի բոլորովին օտար մնացած է՝ երաժշտական ճիւղն է, ձայնի անյարմարութիւնը անդրատին վանական շրջանէն այս վարժութիւններէն եւ հմտութիւններէն, և այդ կացութիւնը ապագային ալ շարունակած է, որով կատարելապէս տգիտութեան վիճակ մը պահած եմ մինչեւ վերջ: Բնական բերմամբ մը խորշած եմ նաև անդամագննական հմտութիւններէ, վախճանալով որ անկատար եւ չափաւոր հմտութիւն մը աւելի վնասակար կը դառնայ, անձնական զգայութիւնները խղճահարտական կասկածներու ենթարկելով: Ահա զբական կեանքիս կրաւորական կողմը:

Ներգործականը երկու գլխաւոր ճիւղերու մէջ կը սիրեմ նրկատել, այսինքն՝ ուսուցչական պաշտօններու և հեղինակութեան արդիւնքներու մէջ:

Ուսուցչութիւնը կարծես յատուկ կոչումս եղած է, զի 1860 հոկտեմբեր 28/9 նոյեմբերին սկսայ դասախօսել Անտոնեանց վանքը, եւ դեռ վերջին օրեր կը դասախօսէի Երուսաղէմի վանքին մէջ: Դասախօսեցի Անտոնեանց վանքը, որչափ ատեն որ այնտեղ մնացի, ամէն տեսակ նիւթերու՝ հայերէնի, լատիներէնի, իմաս-

տասիրութեան և աստուածաբանութեան ճիւղերուն մէջ . Բրօքա-  
 կանտայի վարժարանին հայերէնի ուսուցիչ եղայ, Կ. Պոլիս եղած  
 տեղնս դասախօսեցի Անտոնեանց Շիշլիի գիշերօթիկ և Համազգա-  
 յին օրիորդաց վարժարաններուն մէջ, և Հոռմէ քաջուելնէն ետ-  
 քը Օրթաքէօյի վանական ուսումնարանին մէջ: Կարնոյ առաջ-  
 նորդութեան տակն թաղական վարժարանին մէջ դասատու-  
 թիւն ստանձնեցի, Կ. Պոլսոյ Կեդրոնականին կրօնուսոյց եղայ,  
 էջմիածնի Ճեմարանին աստուածաբանութեան նիւթեր աւանդե-  
 ցի, Արմաշի Դպրեվանքին գլխաւոր ուսուցիչն եղայ, պատրի-  
 արքութեանս տակն վարժարաններ շրջած տեղնս դասախօսա-  
 կան հրահանգներ և ուղղութիւններ կը սուցնէի, Երուսաղէմի  
 մէջ ալ լրացուցիչ դասարաններ կազմակերպեցի եւ ուսուցչու-  
 թիւնը իմ վրաս առի: Ուսուցչութեան յարակից էր վարժարա-  
 նական տեսչութեան պաշտօնը, զոր նոյնպէս գրեթէ բոլոր կեան-  
 քիս մէջ վարեցի ըլլայ իբր օգնական, ըլլայ իբր գլխաւոր, ըլ-  
 լայ իբրև վերին հսկող: Առաջին սկզբնաւորութիւնը ըրի Անտոն-  
 եանց վանքը 1859 հոկտեմբեր 5/17ին իբր օգնական, զոր երկար  
 տարիներ վարեցի և յետոյ գլխաւոր տեսչութեան անցայ, Կ. Պոլ-  
 սոյ գիշերօթիկին փոխ տեսուչ եղայ, Համազգայինին ընկերա-  
 կից տեսուչ, Օրթաքէօյի վանքին տեսուչ, Կարնոյ վարժարան-  
 ներու տեսչութիւնը ուղղակի վրաս առի առաջնորդութեանս տ-  
 տեն, Արմաշի Դպրեվանքին տեսուչ և վերատեսուչ եղայ յաջոր-  
 դաբար. տեսակ մը վերին հսկողութիւն էր պատրիարքութեան  
 տակն վարժարաններու մասին կատարած և մօտէն ունեցած հո-  
 ւածութիւնս: Այնպէս որ կրնամ համարձակ յայտարարել թէ  
 բոլոր գործունեայ կեանքս վարժարաններու մէջ անցած է, նոյն  
 իսկ վարչական պաշտօններ վարած տեղնս: Տեսակ մը ուսուց-  
 չութիւն է քարոզչութիւնն ալ, որուն խնամով հետեւած եմ, եւ  
 ընդհանուր ըմբռնման մէջ իբրև ընդունելի և գնահատելի քարո-  
 զիչ մը ճանչցուած եմ: Քարոզչութեանս մէջ հետեւած ուղղու-  
 թիւնս եղած է անխափր ժողովուրդին հասկացողութեան համա-  
 ձայն խօսիլ, հետեւաբար երբոր հարկ եղած է՝ բարձր ոճ գոր-  
 ծածած եմ, բայց ամենէն սովորական, չըսեմ ստորին, ոճով խօ-  
 սած եմ յետամնաց գիւղերու մէջ: Չանայցած եմ միշտ բարոյա-  
 կան գիտինի վրայ մնալ, վարդապետական նրբութիւններէ եւ  
 հռետորական դարձուածներէ խորշած եմ սկզբունքով, պատմա-

կանը գործածած եմ պէտք եղած չափով միայն: Դամբանականներու և հարսանիքներու մէջ զգուշացած եմ մարդահաճոյ և շողոքորդ ակնարկներէ, իսկ հանդիսական ատենաբանութեանց մէջ աշխատած եմ գործնական գեախնի վրայ մնալ, կացութիւնը անխարդախ բացատրել, և պէտք եղած պայմանները հրահանգել: Քարոզչական ոճը Դպրեվանքացւոյ ալ յատկապէս աւանդած եմ, և Դպրեվանքի ոճը սկսած է բեմերու վրայ տիրապետել, հնօրեայ ոճէն բոլորովին տարբեր, աւելի արդեցիկ և աւելի գնահատուած:

Կարգը եկաւ որ զրական կեանքին մէջ արդիւնաւորած աշխատութիւններս ալ յիշեմ: Անտոնեանց վանքին մէջ առօրեայ բաներ եղած են պարագայից համեմատ արտադրումներս, ոտանաւորներ՝ որոնք քանի մը տեսարակով հաւաքած եմ և քանի ալ ձուռեր, որոնցմէ շատեր պահուած չեն: Երբոր գործունեայ ասպարէզը մտայ՝ նախևառաջ հակահասուներեան պայքարին դիմաց գտնուեցայ, և իբր պարտաւորեալ աշխատութիւն և իբր ժամանակի պահանջ ձեռնարկեցի լրագրական յօդուածներու եւ յատուկ տեսարակներու հրատարակութեան. լրագրական յօդուածները ոչ միայն հայերէն թերթերու, այլև գաղղիերէն լրագիրներու ալ տարածեցի, իսկ մասնաւոր տեսարակները արդէն յիշած եմ իրենց կարգին: Այս աշխատութիւնը աւելի ընդարձակուեցաւ Հռոմի գործակատարութեան տարիները, գլխաւորաբար խտայերէն լրագիրներու ու հանդէսներու մէջ, և որպէսզի մեր ղիտած նիւթերը անցընեմ, հարկ եղաւ քաղաքական թղթակիցի դերն ալ ստանձնել, և յատկապէս երկու թերթերու կանոնաւոր և շաբաթական թղթակցութիւններ ստալ: Նպատակին աւելի ևս օգտակար ըլլալու համար թղթակցութիւնը Հռոմի և Գաղղիոյ զանազան գաղղիերէն թերթերու տարածել հարկ եղաւ, այնպէս որ կատարեալ լրագրական խմբագիրի աշխատութիւնը կատարեցի բաւական տարիներ: Միևնոյն ատեն հանդէսներու ընդարձակ յօդուածներ, եւ հինգ վեց առանձին տեսարներ ալ հրատարակեցի, մինչև հարիւրի մօտ էջերով, որոց գլխաւորն եղաւ Վասիլյան եւ Հայր գաղղիերէն հրատարակութիւնը 300 երեսներէ բաղկացեալ: Այս առաջին գործունեայ շրջանին աշխատութիւնները գրեթէ բացառաբար հակահասուներեան խնդիրին շուրջը կը դառնան:



Հայկական Եկեղեցի վերադարձիս ատենները նշանակութեան արժանի կրնան սեպուիլ ատենաբանութիւններս, որոնք լրագիրներով եւ մասնաւոր տետրներով ալ հրատարակուեցան, ամէնն ալ պարագայից բերմամբ արտասանուած լսարաններու մէջ: Միւսոյն ատեն լրագիրներու ալ թղթակցութիւններ և յօդուածներ կուտայի երբեմն ծածկանունով և երբեմն առանց որևէ ստորագրութեան, ինչ որ կարինէ ալ շարունակեցի Կ. Պոլսոյ ազգային և օտարազգի թերթերու: Գլխաւորապէս Մասիս և Արեւելք օրաթերթերու մէջ ընդարձակ և շարունակական յօդուածներ ունիմ զանազան ազգային խնդիրներու վրայ:

Էջմիածնի ձեռնարկներն աւսուցչութեանս ատեն սկսայ զաստիասական ձեռնարկներ կամ դասագիրքեր պատրաստել բնական եւ տեսական աստուածաբանութեան համար կանոնաւորապէս և ուրիշ նիւթերու համար մասնաւորապէս: Այս ձեռնարկները դեռ ձեռագիր կը մնան, և գործածուած են Արմաշի Իրպարեվանքին եւ Երուսաղէմի Իպրանոցին համար ալ: Զանազան կողմերէ խնդրանքներ և առաջարկներ եղած են որ կատարեալ Աստուածաբանութիւն մը պատրաստեմ, սակայն մինչև հիմա խոյս տուած եմ այս միտքէն: Համոզուեմ այն է թէ մեր այժմեան դաւանական և կանոնական և ծիսական դիրքը շատ եկամուտ պատուաստներ ունի գլխաւորապէս լատինականէն, որ բաւական ազդեցութիւն գործած է մեր Եկեղեցւոյն վրայ Հայաստանի Ունիթորներուն և Կիլիկիոյ Աղթարմաներուն և Մխիթարեան գիրքերուն ձեռքով: Եթէ այժմեանը աւանդեմ, եկամուտները հաստատած ըլլալէ կը վախնամ, իսկ եթէ գրելու ձեռնարկեմ, տակաւին ժամանակը հասած չեմ կարծեր, եւ այս երկու ծայրերուն մէջ այդ նիւթով չզբաղիլը աւելի ապահով սեպած եմ:

Իսաստիասական ձեռնարկները կամ առձեռն դասագիրքերը Արմաշի մէջ ալ պատրաստած եմ գլխաւորաբար Նոր Կտակարանի ներածութեան և մասնաւորապէս տօնից ու ծիսից տոմարագիտութեան եւ աշխարհագրութեան դասերու համար, որոնք նոյնպէս ձեռագիր կը մնան, զի ամիսափոյ պատրաստուած դրպրոցական գործեր են: Աւետարաններուն մասը Հանսպրատնիս մէջ խտացած է և Առաքելական Գործոց և Թղթոց մասը յարմար ատենին կը մնայ, որուն դեռ ակնկալու կը սպասեմ: Իպրեվանքի վերատեսչութեան եւ Կ. Պոլսոյ պատրիարքութեան միջոցին

այ շարունակած եմ գլխաւոր նիւթերու մասին լրագիրներու եւ հանդէսներու գրութիւններ տալ, և Մասիս ու Լոյս կրօնաթերթերու այ հրատարակութեան և խմբագրութեան համար ջանք ու աշխատանք պակաս չընել:

Գրական արդիւնաւորութեան համար յարմարագոյն եւ իմ ձգտումներու երջանկագոյն ժամանակամիջոցը եղած է պատրիարքութենէն ելլելէս կամ հրաժարելէս ետքը՝ երբ կրցած եմ քանի մը լուրջ գործեր հրատարակ հանել, ինչպէս են՝ Հաւնարասունքը, գաղղիերէն և հայերէն Հայոց Եկեղեցին և Ազգապատումը: Առաջին գործը իր մէջը լրացեալ է, սակայն առաքելական մասը անոր լրացուցիչը պիտի ըլլայ. երկրորդը ինքնիրմով լրացած է, իսկ երրորդը շարունակութեան եւ աւարտման կը կարօտի: Երուսաղէմի մէջ պատրաստած եմ Երրորդ Հատորի մը բաւական գրուած, որ մինչև քսաներորդ դարու սկիզբները կը հասնի, սակայն դեռ բաւական նիւթ կայ գրելիք: որուն համար առկախ եղելութեանց աւարտման և տագնապալից ժամանակին դադարման սպասել անհրաժեշտ է: Երուսաղէմի մէջ զբաղեցայ տեղական խնդիրներով ալ եւ կազմեցի քսանըմէկ տարուան հաշիւներու ու պարտքերու բազմագրեալ Տեղեկագիրը, վերջին Կանոնագիրին մասին տպագրեալ Դիտողագիրը, և Երուսաղէմի հայկական սեպհականութեանց ձեռագիր Նկարագիրը, այս վերջինը կը կարօտի Ս. Յակոբեանց մայրավանքէն դուրս եղող մասերուն լրմանը:

Այստեղ Դամասկոսի մէջ անկայուն վիճակի մէջ և գիրքէ ու գրադարանէ զրկուած, նոյնիսկ գրելու յարմար սեղանի մը կարօտ, ժամանցի նպատակով խոնք ու խօսքս գրել ձեռնարկեցի, սպասելով որ հանդարտ դիրքի և առձեռն միջոցներու և գրական դիւրութիւններու բնական գրութիւնը վերստանալով կարենամ օրերուս վերջին մասն ալ օգտակար ընծայել թերի աշխատասիրութեանցս լրացմամբ, գլխաւորապէս Հաւնարասունքի և Ազգապատումի շարունակութեամբ, որոց ետեւէն, եթէ տակաւին կեանք ունենամ, Ծիսակրան Բառարան մը կազմելու գիտաւորութիւնն ունիմ, որուն նմոյշները Հիւանդանոցի Ընդարձակ Օրացոյցներուն մէջ երեցած են, և աւելիին ալ փափաքներս կը ձրգտին, թէպէտ կեանքի տարիներս յոյս չեն ներշնչիր: Կազմս և կենսական դործարաններս զննող բժիշկներ վստահացուցիչ գուշակութիւններով կ'ուզեն քաջալերել, որոց խօսքերը անոյշ կը

հնչեն լսելութեանս, սակայն ստուգութիւն չեն տար մտայնութեանս: Ապրիլնք ուրեմն որչափ կենաց Տէրը ժամանակ կը շընորհէ, և քանի ժամանակ կ'ունենանք գործեսցուք գրարիս:

ԸԴ

Դաւնակոս, 1918 ապրիլ 25 | Տ մայիս ԴՉ.

Իբրեւ անցելոց յիշատակ՝ Մահացուցակ մը կ'ուզեմ կազմել այստեղ այն գլխաւոր անձերու, որոնց հետ գործունեայ կեանքիս մէջ շփումներ ունեցած եմ, լոկ մեր յարաբերութեան պարագաները յիշելով և իրենց մասին անկաշկանդ տեսութիւններ աւելցընելով: Ոմանց անունները արդէն իրենց կարգին յիշուեցան, սակայն դարձեալ ակնարկել աւելորդ չեմ կարծեր: Հարկաւ չենթադրուիր որ կատարեալ Մահացուցակ մը ըլլայ իմ կազմելիքս, զի կատարեալ ցուցակ մը շատ երկար հաւաքածոյ մը կազմած պիտի ըլլար, այլ կը բաւականանամ անոնցմով՝ որոնք աստ և այժմ միտքիս առջև կը ներկայանան և յիշողութեանս մէջ կը նորոգուին:

Հ. Պօղոս Վարդապետ Պոյնուէյրիեան Անտոնեան միաբանութեան հին և արդիւնաւոր անդամներէն, որ 1851ին զիս շոգեհաւ առաջնորդած էր Հռոմ աշակերտութեան երթալուս ատեն: Ա.մէն ատեն սրտակից և աջակից եղած էր իմ ընթացքիս և գործերուս, ես ալ անոր օգնած էի Գործ կայ գործող չկայ մակագրութեամբ ազգային գործունէութեան մասին գործնական հրատարակութեան, իսկ Հասունեան Քաղաքակրթական ինքն խմբագրած էր և Տիգրիս ապագրել տուած: Առաջնակարգ դեր ունեցաւ վանքին վաճառումէն ետքը գումարին կիրառութեան և Գազունճեանի հաշուական խնդիրներուն մէջ: Անտոնեանց մէջէն նա եղաւ որ զիս գովեց և քաջալերեց վերագարձս կատարելու: Բնութեամբ անկեղծ և համարձակ, սիրելի եղած էր միաբանութեան և ժողովուրդին: Վախճանեցաւ ի Կ. Պօլիս լի աւուրբք ի խոր ծերութեան 1881 դեկտեմբեր 5 | 17ին, երբ ես կարին կը գտնուէի:

Գեորգ Դ. Քերեսկենեան, Ամենայն Հայոց Կաթողիկոս, որուն կեանքն ու գործերը արդիւնաւոր և գովելի եղած են, և կաթողիկոսաց շարքին մէջ նշանակալից տեղ մը գրաւելու արժանացած է: Իւր օրով էջմիածնի Աթոռը վարչական և մատակարարական և ուսումնական բարեկարգութիւն և զարգացում ստացած է, որոնց պատմութիւնը ծանօթ է արդէն: Իւր օրով տեղի ունեցաւ իմ վերադարձս, օրհնութեամբ ողջունեց իմ դիմումս և սիրով պատասխանեց իմին իրեն ուղղած յարգանաց և հպատակութեան նախընծայ գրութեանս, միայն ընթացք չտուաւ Ներսէս պատրիարքի կողմէ առաջարկուած լանջախաչի շնորհման, երբ արդէն Կարնոյ առաջնորդ ալ էի: Իւր մահը առիթ եղաւ Աթոռին եռամեայ պարապութեան, որ իմ եպիսկոպոսական ձեռնադրութեանս յապաղման ալ պատճառ եղաւ: Վախճանեցաւ յէջմիածին 1882 գեկտեմբեր 6/18ին ծերութեան տարիքի մէջ:

Հ. Սուքիաս Վարդապէտ Գազանեան, հրաժարեալ արքահայր Անտոնեանց, յառաջագոյն թեմակալ արքեպիսկոպոս Անտիոքայ, յետոյ լոկ անուանական արքեպիսկոպոս: Իւր կեանքէն և գործերէն բաւական բան պատմած եմ սոյն գրութեան մէջ: Նա վարժարանի տեսուչ էր երբեմն, երբ ես Հռոմի աշակերտութեան մտայ, բայց ոչ շատ ետքը Կ. Պոլիս գնաց: Կարողութենէ զուրկ չէր, և բաւական գործունէութիւն ունեցած էր, սակայն յաջողութեամբ շատ չփայլեցաւ: Հակահասունեան պայքարին նախայարձակը և գրեթէ առաջնորդը եղաւ, բայց և միանգամայն անձնական տեսութիւնները շատ հետապնդելով նպատակին չհասաւ, Անտոնեան միաբանութիւնը անպայման կերպով Հակահասունեան խնդիրին մէջ խառնեց և մինչև քայքայման աստիճանը տարաւ անոր մասնակցութիւնը: Դրամական գործերու մէջ անկշիռ և անհաշիւ վարմունքը զինքն ստիպեց արքահայրութենէ հրաժարիլ: Ազգային և միաբանական շրջանակներէ հաւասարապէս մէկ կողմ թողուելով, և էնֆլիյէճեանի հակառակութեան յաղթանակել չյաջողելով, վերջապէս Հռոմի հետ հաշտուելու խոնարհեցաւ, և 1876էն ետքը առանձնական և աննշանակ կեանք մը վարեց: Վախճանեցաւ Կ. Պոլիս 1883 յուլիս 1/13ին, երբ ես Կարինէ նոր դարձած մայրաքաղաք կը գտնուէի:

Տիպիկ Նազըր Վահանեան, ծնեալ Արզումանեան, մայր Ար-

դարութեան Գործոց խորհրդական Յովհաննէս Վահանի և գրագէտ ու լայնախոհ Տիկին Սրբուհի Տիւսարի: Հայ ազգին մէջ կանացի դարգացման զլիաւոր ծագում և զարկ տուող, յարգելի և աշխատասէր կին մը, որ կրնայ բարձրագոյն դիրքն պրաւունք ըսուիլ ազգային տիկնանց մէջ: Նախագահեց Դպրոցասէր Տիկնանց Ընկերութեան, իւր ազդեցութեամբ շատեր գործի մղեց, Անտոնեանց բացած Համազգեաց օրիորդաց վարժարանի խնամակալուհի եղաւ, և ինծի յանձնեց ազգային լեզուի և հմտութեանց մէջ առաջնորդել իւր երկու աղջիկ թոռներն, որոնք եղան Տիկին Սրաքսի Յովհաննէս Կիւլպէնկեան՝ հանգուցեալ, եւ Տիկին Ասթինէ Գարրիէլ Սերվիչէն: Վախճանեցաւ Կ. Պոլսոյ ՍանՍթէֆանօ գիւղը 1884 յուլիս 17|29ին խոր ծերութեան տարիքի մէջ, երբ ես տակաւին մայրաքաղաք կը գտնուէի:

Յովհաննէս Չամիչեան, երբեմն Առեւարական և Երկրագործական գործոց նախարար եղած: Հակահասուհեան հասարակութեան ամենէն խոհական ու ծանրագլուխ և բանգէտ անձը կրնար ըսուիլ իրաւամբ. կանուխէն Հասուհեանի դարձուածներուն հակառակորդ եղած, անկեղծօրէն փարած էր հակահասուհեան շարժումին, թէպէտ պարզ ժողովականէ աւելի դեր ստանձնել չէր ուզած, բայց իւր խօսքերն ու կարծիքները միշտ պերակշիւ կարեւորութիւն ունէին: Բայց երբ տեսաւ որ անձնականութեան վէճեր օրըստօրէ կ'ընդարձակուին, և գործին ուղղութիւնը ու յաջողութիւնը կը վտանգեն, հետզհետէ սկսաւ գործնական մասնակցութենէ քաշուիլ: Երբոր ես վերադարձի ծրագիրներով կը զբաղէի, և պէտք ունէի Հակահասուհեանց ապագային վրայ ճիշդ գաղափար ունենալ, ինծի գործոց կանոն ընելու համար Չամիչեանի դիմած եմ ստէպ՝ Բիւրէլեանի ընթացքին, Գաղանձեանէնֆիլյէճեան առանին պայքարին և Կէօչէեան Յակոբի հակառակութեան մասին խորհրդակցելու, և անոր ալ յուսաբեկ նախատեսութիւնները ազդած են իմ վրայ մտադրութիւնս հանդարտ սիրտով եւ անվրդով միտքով կառավարելու: Վերջի ատեններ ինքն Չամիչեան ալ գործէ քաշուած դիրք ունէր, թէպէտ իմ ծրագիրիս իրեն անյարմար ըլլալը կը յայտնէր: Վախճանեցաւ Վոսփոյի Արնավուտքէօյը 1884 հոկտեմբեր 18|30ին հակահասուհեան դրութեան մէջ, Կարին դառնալու համար Կ. Պոլիսէ մեկնելէս գրեթէ ամիս մը ետքը:

Ներսէս Վարժապետեան, արքեպիսկոպոս և պատրիարք Կ. Պոլսոյ և կաթողիկոսական ընտրութենէ հրաժարեալ, հանրածա- նօթ անուն եւ ազգային մեծ գործիչ, թէ ներքին վարչութեան տեսակէտէն և թէ յատկապէս ազգային ապագայ բարօրութեան համար ունեցած նախաձեռնութեան կողմէն: Պատմութիւններ ընդարձակ խօսած են այս մասին, ես ալ զանազան հատուած- ներուս մէջ անդրադարձած եմ այդ մասին, որ Հայկական Խնդիր անունը առաւ: Մանրամասնօրէն բացատրած եմ՝ թէ Ներսէսի նախաձեռնութիւնը կատարելապէս օրինաւորութեան գետինին վրայ էր, օսմանեան քաղաքականութեան դէմ բնաւ կէտ մը չունէր, մանաւանդ թէ օսմանեան տէրութենէ ալ հովանաւո- րուած էր: Պէտք եղած կերպով լուսարանած եմ նաև կաթողի- կոսական ընտրութենէ հրաժարելուն պարագան և Ազգապատմութիւն մէջ պատշաճ ընդարձակութեամբ պատմած եմ իր գործերը: Գա- լով իմ վրայ՝ խոստովանած եմ և կը կրկնեմ թէ Ներսէսի անձը, վարմունքը, արժանիքը և արդիւնաւորութիւնը լաւ մաս մը ու- նեցած են իմ վերադարձիս իրականացման մէջ. փոխադարձաբար Ներսէս ալ իր կողմէ իմ վրայ չափազանց վստահութիւն, սէր և համակրութիւն ցուցուցած է, և իւր մահուն անկողինէն Կա- րին դառնալս փութացնել հրամայած է, որպէսզի իմ դիրքս որ և է կերպով վտանգի կասկածէն ազատ մնայ: Ներսէս տարածում վախճանեցաւ, 47 տարեկան, իր հնացեալ շաքարախտի հետեւա- նօք, Վոսփորի Օրթաքէօյի մէջ 1884 հոկտեմբեր 26/7 նոյեմբե- րին, Կ. Պոլիսէ մեկնելէս ամիս մը և Կարին հասնելէս 15 օր ետքը: Իր կենսագրականը ես խմբագրեցի Արեւելք օրաթերթին համար:

Գրիգոր Վարդապետ Էնֆիլիսեան, Զմմառի աշակերտութենէն, չափաւոր կարողութեան և ուսման տէր, բնաւորութեամբ գոր- ծունեայ և աշխատասէր, այլ յախուռն և կրքոտ և բուռն, եւ իւր կարողութիւնը անձնականին գործածելու հակամէտ, որով որչափ արդիւնաւոր եղաւ հակահասունեան պայքարին, նոյնչափ պատճառ եղաւ անոր քայքայուելուն: Պաշտօնական անուն եւ դիրք մը չստանձնելով ամէն գործի և ընթացքի տիրանալ աշ- խատեցաւ, Յովնան Քիւրէլիանը պատրիարք ընտրել տուաւ իբ- րև իրեն գործիք, սակայն չկրցաւ խափանել անոր դասալիք փա- խուստը: Եպիսկոպոսոսաց Ժողովին ատեն իրաւանց պաշտպանու-

թեան համար հրատարակութիւն մը հանեց, և Հակահասունեանց Մեհմուռայի Հախախտ լրագիրը իր ձեռքին մէջ ամփոփեց, սակայն հանրային խնդիրները անձնական շահէն զերծ չպահեց: Քիւրէլեանի փախուստէն ետքը պատրիարքական տեղապահութիւնը վարեց, առանց պաշտօնական անուանման, Գրգանձեանի և Անտոնեանց տապարէզ շտալու համար ամէն միջոց գործածեց, եւ թէպէտ կրցաւ անոնք արգիլել, սակայն իրեն ձեռքին տակ հակահասունեանութիւնը իւր նշանակութիւնը կորսնցուց, և Քիւրէլեանի դասաւթութիւնն ալ իրեն վրայ պատասխանատուութիւն հրաւիրեց: Շատ աշխատեցաւ, շատ յոգնեցաւ, առաջներ արդիւնք ալ ունեցաւ, բայց երբ կիրքը սաստկացաւ, կարծես թէ ինքն իւր արգիւնքները ոչնչացուց, կիրքի բռնութեան տակ հիւժեցաւ, և նոյնիսկ կեանքը վրայ տուաւ, երբ տակաւին տարիքն ու կորովը իրեն աւելի երկար գործունէութիւն կը խոստանային: Վախճանեցաւ Բերա 1886 փետրուար 27/11 մարտին:

Մկրտիչ Սանաւարեան, ռուսահայ առեւտրական և դրամատէր, Վան ծնած բայց տղայութենէն Կովկաս փոխադրուած: Մրտաւորական կարողութեամբ չափաւոր, այլ սիրտի բարութեամբ չափազանց մեծ անձնավորութիւն, որ զանազան մասնաւոր բարեգործական նպատակներէ ետքը, յատուկ և մեծ վարժարանի մը գաղափարը ընդգրկեց Կարապետ Եղեանցի խորհրդով, վարժարան մը՝ ամբողջապէս և ուղղակի տանկահայ գաւառաց օգուտին նուիրուած: Հաստատութեան մասին առանձինն խօսած եմ (տե՛ս Լէ): Իմ մասնակցութիւնը եղաւ իր ծրագիրին գործադրողն ըլլալս Կարնոյ մէջ, և զինքն անձամբ ճանչցայ Կարին այցելելուն առիթով. փառաւորութեան մէջ համեստ, կենցաղին մէջ բարի, վարմունքին մէջ համեղ, յարաբերութեան մէջ գրաւիչ, յարգելի և պատուելի անձնավորութիւն մը: Վախճանեցաւ Բարիզ 1890 մայիս 19/31ին, բայց թողուեցաւ Տփղիս, և մարմինը Կ. Պոլիսէ անցնելուն պատշաճ պատիւներ ընծայուեցան, երբ ևս Արմաշ կը գտնուէի: Իրեն յիշատակին այբուբենական տուներով շարակահանման դովաբանութիւն մը հրատարակեցի:

Մակար Ա. Տեր-Պետրոսեան, Ամենայն Հայոց Կաթողիկոս: Մակարի արժանաւորութեան վրայ առաջին գաղափարը կազմած էի Ներսէս պատրիարքի վկայութեամբ, երբ կամաւորապէս ընդ-

հանրացած կարծիքով՝ հին ժամանակներու մարդ, յետսամիտ եւ նոր գաղափարներու թշնամի անձ մը կը նկարագրուէր, այդ գաղափարը աւելի կը զօրանար, երբ երկրորդ ընտրեալ կամ ընտրելի ըլլալով քուէից կարգով՝ ուսաց կայսրութենէն կաթողիկոսութեան կը բարձրացուէր: Մելքիսեղեկի ետ թողուիլը բացատրած եմ իր կարգին, թէ ընտրողներու կողմէն անընտրելի ըլլալը գիտնալով աւելի քուէ առած էր, իսկ ուսական կառավարութեան կողմէն սատիկանական նկատմամբ յետաձգուած էր և կանուխէն ալ յետաձգելի ըլլալը ազդարարուած էր: Տաճկահայոց երեսփոխանութեան մէջ ծագած կարծեաց տարբերութիւնը վերջապէս յաջող լուծման կը յանգէր Յարութիւն Վեհապետեան պատրիարքի յաջող վարչականութեամբ: Ներսէս պատրիարքի վկայութեամբ կազմած գաղափարս հաստատութիւն գտաւ՝ երբոր եպիսկոպոսական ձեռնադրութեան համար էջմիածին գացի և ոռաջին անգամ զինքը ճանչցայ, առաւել ամեցաւ գաղափարս՝ երբոր դպրոցական տարի մը ուսուցչութիւն վարեցի էջմիածինի Ճեմարանին մէջ: Կրնամ հաւատաւել թէ զրեթէ ոչ ոքէ պատկառանք չեմ զգացած իմ ներսս, թէպէտ յարգանք և սէր ունեցած եմ իւրաքանչիւրին արդիւնաւորութեան և արժանեաց, Սակարթերեւս միակն է որ պատկառանք ազգած է վրաս: Ազգային և եկեղեցական նիւթերու մասին կատարեալ հմտութիւն ունէր, թէպէտ արտաքին ուսումներէ զուրկ էր. նորութեանց հակառակ չէր, երբոր ուղղութիւնը լաւ էր. Ճեմարանը ներկայ ժամանակին պահանջից և բարձրութեան հասցնելու համար բրած ջանքերը լուսաւոր փաստերն են: Վախճանեցաւ էջմիածին 1891 ապրիլ 16/28ին, խորին ծերութեան տարիքը հասած:

Խորէն Արքեպիսկոպոս Գալֆայեան, Գանթարեան, Խորխոռունի, Նար-Պէյ, Լուսինեան, զանազան ժամանակներ գործածած ազգանուններուն համեմատ: Իրարու մերձաւոր ազգականներ էինք, զի հօրենական մեծ մայրս Տալիթա և իւր յօրենական մեծ մայրն Աննա հարազատ քոյրեր էին: Խորէն արժանեաց տէր անձ մըն էր իբր գրագէտ և բանասէր, իբր տեղնաբան և ճարտարախօս, իբր բանիմաց և քաղաքագէտ, և այս տեսակէտէն ընդհանրապէս գովուած է, և գովուած է արժանապէս: Սակայն իւր թեթեւ և երեւոյթի զակատեալ բնաւորութեամբը ինքն իւր արժանիքը նրա պիտեցուց, աւելորդ ձգտումներով օրինաւորը կորսնցուց, և երկ



դիմի ընթացքով իւր վախճանը մթապնեց և փութացուց: Բարոյական կեանքին մէջ անդգոյշ ընթացքը, զարդարանքի և պերճանքի տարապայման սիրահարութիւնը, շպարի և հրապուրանքի անձնուէր միտումը, աւելի արդիւնք երեւցնելու քան գործելու ջանքը, արքայազարմ իշխան ըստելու համար հետապշնդած կեղծիքը, արքունեաց ստրկային հայ երեւցած ատեն՝ նոյնին դէմ գաղտնի ձեռնարկները, ասոնք ամէնքը իւր կեանքը ըստորնացուցին, և պատրիարքութեան հասնելու անյագ տենչն ալ յուսակորոյս թողուցին, և կաթուածահար անշուք մահ մը պատրաստեցին, որչափ ալ զայն եւսքանգեւս ստորնացնելու մեղադրանքէն դիւրին չէ արդարացնել Աշըգեան Սորէն պատրիարքը: Վախճանեցաւ 1892 նոյեմբեր ամսոյ առաջին օրերը, որու յուղարկուորութեան ներկայ եղայ պարզ գուգադիպութեամբ Արմաշէ գալով:

Գարեգին Ապիսկոպոս Սրուանձեան, Բերայի քարոզիչ, նախապէս զանազան գաւառական և առաջնորդական պաշտօններ վարած, հայագէտ և հայրենագէտ, Վան ծնած և բոլոր հայաբնակ գաւառներ շրջած, և գնահատելի յիշատակներ և տեղեկութիւններ և հին աւանդութեանց և մնացորդաց հաւաքածոներ հրատարակած, որով հայագիտութեան շրջանակին մէջ արդիւնաւոր հեղինակ հանդիսացաւ, ազգային ծառայութեանց անխոնջ մշակ նդաւ, ժողովրդական հոգածութեանը համար արժանապէս գովուեցաւ, ուղղամիտ և բարեմոյն բնաւորութեամբը ընդհանուր համակրութիւն շահեցաւ: Անխորհուրդ ձեռնարկներէ ոգւով չափ հեռու՝ բայց օրինաւոր հայրենասիրութեամբը զբաւրտուեցաւ և կասկածաւոր երեւնալու դժբախտութիւնն ունեցաւ: Իւրարու շատ մօտաւոր սիրելիներ էինք, դէմքով և կազմով եւ տարիքով ալ շատ նմանութեւն ունէինք, մինչև իսկ ծանօթներէ իրարու տեղ շփոթուելու չափ. եպիսկոպոսութեան ալ օծակիցներ եղանք: Կանխահաս մահուամբը յուսալից կեանքը կընքեց 51 տարեկան եղած ատեն, որուն կարծես թէ առիթն ալ ընծայեց առողջապահական և բժշկական խնամքները անարգելով հակառակ իր վրայ տիրացած աղպիւնիներն, որ իր առողջ կազմին ալ դաւաճանեց: Դեռ Կ. Պոլիս կը գտնուէի, 1892 նոյեմբեր 17/29 ին իւր մահուան օրը, և Աշըգեան պատրիարքի կողմէն Նար-

Պէյի զլտցած հանդիսաւոր յուղարկաւորութեան Սրուանձտեանի վրայ կրկնուիլը արգիլելու համար՝ խորին վիշտիս և սաստիկ ցաւիս հակառակ՝ պարտաւորութեցայ պատարագելու և դամբանականը խօսելու յանձնառու ըլլալ, այլյայլմէ զգածուած և թախժութեամբ տոգորուած վիճակի մէջ :

Յակոբ Կեօչեեան, հակահասուենեան մեծամեծներէն, նախա-յարձակ գործող, հակառակութեանց պատրաստական, նախա-զգուշութեան անմտադիր անձնաւորութիւն մը, իւր նշանաւոր դրամատիրութեան և յախուռն բնաւորութեան վրայ վստահացող, հակառակ իւր կրթութենէ և զարգացումէ զուրկ ըլլալուն : Որչափ օգտակար եղաւ հակահասուենեան շարժումին սկիզբները անձնական ջանքերով և նիւթական զոհողութիւններով, նոյնչափ ալ վերջերը գործին վտանգուելուն պատճառ եղաւ, ընկերակիցները պաղեցնելով, կամապաշտ ձեռնարկներով, էնֆիյէճեանի առաջարկներուն կուրօրէն հետեւելով, ն անոր թելագրութեանց անձուկ գործադիր հանդիսանալով : Վերջին ատեններ իւր իսկ որդւոյն տեղեկատուութեամբ աքսորուեցաւ ալ, և դառնալէն ետքը տուանձնական կեանքի մէջ քաշուեցաւ և մեռաւ Բերս 1893 յունուար 10/22ին :

Գրիգոր Կիւսիւկեան, վաճառական, շատ չէր զրուցուած, բայց մեղի համար նշանակութիւն ստացաւ, երբ Աբիկ Ունձեանի յորդորմամբ Արմաշի Դպրեվանքին նոր ուսումնարանին շինութեան ծախքը ստանձնեց, և Դպրեվանքին բարերարներու կարգը դասուեցաւ : Վախճանեցաւ Գատրքէօյ 1894 նոյեմբեր 25/7 դեկտեմբերին :

Հ. Սերովքե Վարդապետ Հանրմեան, Անտոնեան միաբանութեան բաւական զարգացած և շատ աշխատած մէկ անդամը : Առաջին անգամ աշակերտութեան երթալուս տեսուչի օգնական նշանակուեցաւ մեր վրայ, ուսուցչութիւն ալ ըրաւ, վանահայր ալ եղաւ, թէ Անտոնեանց դատին և թէ Անտոնեանց տաղնապին մէջ դեր ունեցաւ : Հոռմի մէջ մահամերձ հիւանդութեանս ատեն յատկապէս Կ. Պոլիսէ եկաւ թէ զիս հոգալու և թէ գործերուն աիրանալու : Մինչև վերջն ալ սիրոյ յարաբերութիւննիս ա-

նեղծ պահուեցաւ : Վախճանեցաւ 1898 մայիս 21/2 յուլիսին Օրթաքէօյի Անտոնեան նոր կազմուած վանքը պատրիարքութեանս երկրորդ տարին :

Ստեփանոս Պետրոս Ժ. Ազարեան, Հայ կաթողիկոս կաթողիկոս-պատրիարք, հմուտ և զարգացեալ, բանգէտ և վարչագէտ անձնաւորութիւն, Հասունեանի աջակից և օգնական եղած, եւ անոր կաթողիկոսական նպատակներուն կատարելապէս համամիտ, սակայն բոլորովին հակոտնեայ կերպով, զի ուր Հասուն ամէն բան բուն զօրութեամբ և ակնյայտնի հակառակութեամբ կ'ուզէր յաջողցնել, Ազարեան շահեցողական և խաբուսիկ կերպերով կ'ուզէր իրականացնել : Ուստի ամենուն հետ բարեկամական ձեւեր, խաբէական կերպեր, ստապատիր եղանակներ և կեղծաւոր ձեւեր կը գործածէր, և անով իւր դիտումին ու նպատակին հասնիլ կ'աշխատէր : Ազարեանի հետ մօտէն յարաբերութիւններ պահած եմ կեանքիս առաջին շրջանին մէջ, գրեթէ մտերմական կոպեր ունեցած ենք Եպիսկոպոսաց Ժողովին ատեն, թէպէտ ոչ ես հաւատացած եմ անոր անկեղծութեան, և ոչ նա հաւատացած է իմ անկեղծութեան : Պատրիարքական ընտրութենէն ետքն ալ քաղաքավարական և պատշաճողական յարաբերութիւնները անթերի պահեց, և այցելութեանց և հանդիպմանց ատեն սիրալիր ձեւեր երկուքներնուս կողմէն ալ հաւաստապէս գործածուեցան : Ազարեանի շահեցողական ձեւերը լաւ ծառայեցին հակահասունեանութիւնը անհետացնելու, մինչ Հասունեանի բուն ընթացքը ծառայած էր զայն գոյացնելու և արծարծելու : Մեռաւ Բերս 1899 ապրիլ 19/1 մայիսին, երբ տակաւին գործելու ուշն ու ոյժը կը պահէր :

Գրիգորիս Եպիսկոպոս Ալեքանեան, Սկիւտար Սէլամիէյի քարոզիչ, Թոշնիկ անունով ալ ծանօթ երբեմն Թոշնիկ Պեգաւեան լըրագիրի խմբագրապետ եղած ըլլալուն համար : Թէպէտ Կ. Պոլսեցի, բայց աւելի գաւառական գործիչ եղած իբր վարժապետ, իբր վարդապետ և իբր Եպիսկոպոս : Վերջին անգամ Մշոյ առաջնորդութենէն կառավարական հրամանով հեռացուած եւ Սկիւտարի Ս. Խաչի քարոզչութեան մէջ մնացած, վարչական ժողովներու մուտքը արգիլուած, և Կիլիկիոյ կաթողիկոսութեան ընտրութիւնը մերժուած : Հնար չէ ուրանալ Ալեքանեանի ան-

հատական կարողութիւնը, անխոնջ աշխատասիրութիւնը, և հան-  
րային շահերու նախանձախնդրութիւնը: Ուղղամտութեանը մա-  
սին ալ ներքնապէս կասկածելի չէր, բայց արտաքին համարձակ  
և յախուռն կերպերը և ակնածութեանց գէժ ըմբոստ վարմունքը  
զինքն կասկածելի ըրին: Մեր յարաբերութիւնները միշտ լաւ ե-  
ղան մինչև իւր մահը 1899 օգոստոս 15/27ին, և յօժարակամ  
գացի վայելուչ և փառաւոր ընել իւր յուզարկաւորութիւնը:

Խորէն Աերգեան Արեւայիսկոպոս, նախկին պատրիարք Կ.  
Պոլսոյ և նախընթաց վանահայր Արմաշի: Ուսմամբ և զարգաց-  
մամբը գոհացուցիչ, վարքովն ու բարքովը գովելի, սկզբունք-  
ներովը յետադիմական ըլլալու չափ պահպանողական, վարչա-  
կան ու քաղաքական ձիրքերէ զուրկ, տնտեսական մատակա-  
րարութեան մէջ տկար. ահա՛ Աշըգեանի ներքինը քանի մը տո-  
ղերով ամփոփուած: Իբրև վանահայր բաւարար պաշտօնավա-  
րութիւն ունեցած էր, վանքին տնտեսականութեան բացառու-  
թեամբ, իբրև պատրիարք անբաւարար նկատուեցաւ և իրաւամբ,  
կառավարութեան հանգէպ համակերպող և խոհական ընթացքը  
մինչև ստորնութեան մղեց, անխորհուրդ ձեռնարկներու գէժ  
զգուշութիւնը դրգուիչ ձեւերու հասուց, վարչական գործերուն  
ուղղութիւնը անատուգութեան մատնեց: Գուցէ այս պարագա-  
ներու մասին իրմէ աւելի մեղադրելի ըլլան զինքն ընարողներն  
ու բարձրացնողներ, բայց ինչ որ իրեն անձնականին կը վերա-  
գրուի աներկբայաբար, ապագային կառավարական լաւ թոշակի  
արժանանալու համար ազգային գործոց մասին անփութութիւնն  
է, միանգամայն իւր դիրքը ապահովելու համար եպիսկոպոսա-  
կիցները կասկածելի ցուցնելու և նկուն պահելու միտումներուն  
հետ: Պատրիարքութենէ հրաժարելէն ետքը բոլորովին անգործ  
կեանք մը անցուց, և վախճանեցաւ Մազրիքէօյ 1899 հոկտեմբեր  
26/7 նոյեմբերին, օրը օրին Ներսէս պատրիարքի մահուանէն 15  
տարի ետքը, որուն յայտնի մեղադրողն եղած էր իւր խօսքե-  
րուն և գիրերուն մէջ: Կանուխէն իրարու հետ լրագրական վէճ  
մը մղած էինք. նա Ասողիկ և ես Տիրայր ծածկանուններու ներ-  
քև, բայց յարաբերութիւնն իս շատ անուշցաւ Դպրեվանքի հիմ-  
նարկութեան և յառաջդիմութեան ձեռնարկներով. և Դպրե-  
վանքի անունը յատկապէս կը յիշեմ իբրև իրեն պաշտօնավա-  
րութեան պատուաբեր և արդիւնաւոր և նշանակալից գործը:

Գրիգոր Զսնճեանց, ուստանայ խմբագրապետ, որ ազգային շրջանակին մէջ մեծ գործունէութիւն չէր ունեցած յառաջագոյն, բայց 1894է 1896 տաճկահայ գաւառներու տաղնապէն ետքը, մեծ փութաջանութեամբ արդարացուց լրագրական խմբագրութիւնը, որբոց և կարօտելոց ի նպաստ յատուկ հրատարակութեամբ և եօթը որբանոցներու ծախքերը հանգանակութեամբ հոգալով: Վախճանեցաւ Մոսկուա 1900 օգոստոս 27|9 սեպտեմբերին և յատուկ հոգեհանգիստով փութացի փառաւորել իւր յիշատակը և վկայել ազգային երախտածանօթութիւնը:

Տիկին Արթուրի Տիւսաբ, դուստր Տիկին Նազլը Վահանեանի, և քոյր Արդարութեան Նախարարութեան խորհրդական Յովհաննէս Վահանի, ազգային հոգւով ոգևորեալ և ազգային դրագիտութեամբ զբաղեալ, թէպէտ եւրոպացիի հետ ամուսնացեալ, այսինքն արքունական նուագածուաց վարիչ Բօլ Տիւսաբ բաշայի հետ: Իւր ազգային վէպերը իրաւամբ գնահատուեցան, Դպրոցասէր Տիկնանց Ընկերութեան նախագահութիւնը վարեց թէ մօրը օգնականութեամբ և թէ ուղղակի անձամբ, անձնական աշխատութիւններ յօժարակամ կատարեց Ընկերութեան նպատակը ընդարձակելու: Ասոնց հետ մէկտեղ համախմբութեանց մէջ իբրև աչքաուս անձնաւորութիւն պատուուեցաւ, և զրական ու գիտական շրջանակներու մէջ պատուոյ տեղ դրաւեց անհակառակ: Իւր հայադաւան կրօնքը անեղծ պահեց, թէպէտ զաւակները լատին կաթոլիկութեան մէջ էին, սակայն իւր սիրեցեալ դասեր Տօրինի (Տորոթիա) ծաղկահասակ տարիքին մէջ մահը բոլորովին այլայլեց իր էութիւնը, զինքն անմխիթար սուգի տուաւ, թախժութիւնը ու տխրութիւնը աճեցնելու ջահակիր ստեղծեց, իւր զուարթութիւնը և առողջութիւնը մինչև իսկ խօհականութիւնը գիտակցաբար փճացուց, և վերջին վայրկեանին հռոմէադաւան մեռնիլ ուզեց, որպէսզի դասեր գերեզմանին քովը հանգչելուն արգելք չյարուցուի: Վախճանեցաւ Բերա 1901 յունուար 3|16ին: Իմ ծանօթութիւնս իրեն հետ վերջին անգամ Հռոմէ գալէս ետքը սկսաւ, և փոխադարձ յարգանաց և գնահատման կապը մինչև վերջը շարունակեց. միայն չկարողացայ զինքը ի բաց կեցնել իւր դիտեալ վճռականութեան վտանգաւոր յամառութենէն:

Յարութիւն Բաբա Տաշեան, Արտաքին Գործոց Նախարարու-

Թեան խորհրդական և Ազգային Վարչութեան ատենապետ, գաղ-  
ղիական վարժարանաց ընթացիւք զարգացեալ, ազգային գործե-  
րու շարունակ մասնակցած, պետական պաշտամանաց մէջ վար-  
ժուած և յառաջացած մինչև վէզիրութեան աստիճան, և քաղաքա-  
գիտական բարձր հանճարով օժտուած, դիւանագիտական պրու-  
թեանց քաջավարժ հեղինակ, և կայսերական իշխանութենէն յար-  
գուած և համակրուած: Տատեան մեծ յարգ ու վարկ և բարձր  
անուն ու պատիւ վայելեց ոչ միայն ազգային, այլև արքունական,  
պետական, դեսպանական և եւրոպական շրջանակներու մէջ: Իրա-  
րու անձանօթ չէինք կանուխէն, բայց սերտ յարաբերութիւնն իս  
իւր ատենապետութեամբ և իմ պատրիարքութեամբ աճեցաւ,  
գործակցութիւնն իս անթերի եղաւ ու մնաց, թէպէտ տարբեր  
տեսութեանց կէտեր ունէինք, մանաւանդ կուսակցականներու  
հանդէպ գործածուելիք միջոցներու մէջ, զորս նա կը կարծէր  
դիւրաւ շահիլ նիւթական և դրամական միջոցներով, սակայն  
իւր փորձերն իսկ զինքն յուսախաբ թողուցին: Վերջին անգամ  
Իզմիրլեանի հրաժարելէն և անոր Վարչութեան ցրուելէն ետքը՝  
ազգային վարչութիւնը կառավարական ձեւէն ազգային ձեւի վե-  
րածելու մէջ տարած ջանքը ու ստացած յաջողութիւնը իւր գե-  
րազանց երախտիքն եղաւ: Վախճանեցաւ 1901 հոկտեմբեր 7/20  
ին, դրամական ոչ ընդարձակ վիճակի մէջ, արդէն երբեք այդ  
մասին հաստատուն դիրք չէր ունեցած:

Ստեփան Բաշու Ասլանեան, գինուորական բժշկապետ և Ազ-  
գային Վարչութեան երկրորդ ատենապետ, որ քսանօրեայ տար-  
բերութեամբ կը հեռուէր առաջին ատենապետին յաւիտենական  
ուղևորութեան: Օսմանեան վարժարանին առաջին քրիստոնեայ  
աշակերտներէն, մեծ յաջողութեամբ շրջանը աւարտած և եւրո-  
պական հաստատութեանց մէջ գիտութիւնը կատարելագործած,  
կառավարական պաշտօններուն մէջ մինչև զօրավարութեան աս-  
տիճանին բարձրացած, և երկար ժամանակ ուսուցիչ ալ եղած:  
Իսկ ազգային շրջանակին մէջ խոհական գործիչներու կարգին  
առաջնակարգ դիրք և ջանք և արդիւնք և յաջողութիւն ունե-  
ցած, այն աստիճան որ կրնանք համարձակ հաւաստել, թէ չէ  
եղած ազգային խնդիր մը որուն մէջ Ասլանեան գործօն դեր և  
խոհական արժանիք ունեցած չլլայ: Մանրամասնութեանց մէջ

մանել դժուար կ'ըլլայ, զի պէտք կ'ըլլար 1855է տաղին ունեցած ազգային կեանքը ամբողջաբար քաղել և Ազգային Սահմանադրութեան սկզբնաւորութեան անցքերը պատմել: Ասլանեանի ազգային գործոց մէջ կատարելապէս սուղուելը զինքն ալ պահ մը կասկածելի ցուցուցին, այլ շուտով իսկութիւնը յայտնուեցաւ, և իւր նախնական դիրքը կատարելապէս վերանորոգուեցաւ: Կանուխէն շատ մօտէն յարաբերութիւններ պահելու առիթ չէինք ունեցած, բայց վերջին վարչութեան մէջ շատ սրտակից կապերով իրարու մօտեցանք, և փոխադարձ յարգն ու համակրութիւնը, համամտութիւնն ու դործակցութիւնը երթալով աճեցաւ, այնպէս որ իւր վերջին կամքերն իսկ ուզեց ինձի աւանդել: Ութսունամեայ էր վախճանած ատեն, այլ երիտասարդական աշխոյժն ու կրեոյթն, մտայնութիւնն ու աշխատութիւնն կատարեալ էր տակաւին, և բժշկաց վկայութեամբ իւր ախտին ներքին պատճառը եթէ թաքուն մնացած չըլլար, դեռ երկարամեայ ժամանակ ևս ապրիլը աներկբայ էր: Վախճանեցաւ 1901 նոյեմբեր 17/30ին, և Շիշլիի գերեզմանատան մէջ ես ինքս հողացի վայելուչ մահարձան մը կանգնել:

Պօղոս Պետրոս ԺԱ. Էմմանուէլեան, կաթողիկոս-պատրիարք Հայ կաթողիկոսաց. Ազարեանի յաջորդեց զմմառեան եպիսկոպոսներու քուէներով, որոնց միաբանութենէն էր և Բրօքալիանտայի աշակերտած ըլլալով աւելի ուսումնական էր, թէպէտ մայրաքաղաքի կեանքին և գործերուն փորձառութիւնը չունէր: Երկար չեղաւ պաշտօնավարութիւնը, բայց խնդիրներու տեղի չը տուաւ և պատուովը վախճանեցաւ 1904 ապրիլ 5/18ին: Զինքն կը ճանչնայի Բրօքալիանտայի աշակերտութենէն, թէպէտ յետոյ յարաբերութիւն և շփուելու առիթ չէինք ունեցած, և պաշտօնավարութեան միջոցին ալ հաշտ ապրեցանք:

Է. Յուսիկ Վարդապետ Պաղտասարեան, Անտոնեան միաբանութենէն, որուն հետ միասին Հոռմ ուղևորած էինք 1851ին, չափաւոր կարողութեան տէր, համեստ ձիրքերով ճոխացած. միաբանութեան մէջ աչքառու դիրք չգրաւեց, աւելի գաւառական պաշտօններով զբաղեցաւ, և վախճանեցաւ Օրթաքէօյի վանքը 1905 յունուար 14/27ին:

Կարապետ Եզեանց, ռուսական կառավարութեան բարձր աստիճանաւոր եւ Հանրային Կրթութեան գլխաւոր պաշտօնեայ, միանգամայն ազգային գործիչ, Բեթրպուրկի հայ ուսանողաց պաշտպան, ես և գրողէտ, յատկապէս իրեն ճիւղ ընտրելով օտարազգի հեղինակներու գործերէն Հայոց վերաբերեալները թարգմանութեամբ ազգին ծանօթացնելը: Բայց իւր աւելի մեծ արդիւնքը եղաւ ռուսահայ երկու բարերարներուն՝ Սանասարեանցի եւ Իգմիրեանցի՝ ներշնչողն, յորգորողն, առաջնորդողն եւ գործադրողն եղած ըլլալը: Սանասարեանցի վարժարանը և Իգմիրեանցի գրական մրցանակը ծանօթ հասաատութիւններն են, եւ նշանակալից է անոնց կեդրոնն ու մատակարարութիւնը Տանկահայոց յանձնուելու միտքը: Ինքն ալ մասնաւոր կտակ մը ունեցաւ Սանասարեան վարժարանին ի նպաստ: Վախճանեցաւ Բեթրպուրկ 1905 մայիս 31/13 յունիսին, և յիշատակը կատարեցինք Կ. Պոլսոյ մէջ ալ:

Աբիկ Ուննեան, վաճառական եւ սեղանաւոր, պետական բարձր աստիճանաւոր, և ցորենի ու ալիւրի գործարանատէր և կառավարական հայթայթիչ: Ուսմամբ և կրթութեամբ զարգանալու առիթ չէր ունեցած, բայց ուշիմութեամբ եւ փորձառութեամբ ամէն տեսակ գործունէութեան քաջավարժ էր, կատարեալ կրօնասէր եւ եկեղեցասէր, անհամեմատ ազգասէր եւ փութաջան գործիչ, ամէն տեսակ ձեռնարկներու մասնակցող և առաջնորդող, նուիրող և բարերարող, որ վրեթէ իր սրալին վըրայ բռնադատող մէկ մըն էր: Նոյնիսկ ազգային բարօրութեան և ապագային խնդիրներէն հեռու չէր, այնպէս որ այս անուամբ բանտարկութիւն և դատապարտութիւն ալ կրեց: Միայն անխօհեմ ձեռնարկներէ զգուշաւորութիւնը եւ կուսակցական բռնադատութեանց չհպտակիլը դաւաճան ձեռքեր քաջալերեցին իրեն կեանքին շնայելու և սպանութեան յանդգնեցան 1905 Օգոստոս 13/26ին Ղալաթիոյ հրապարակին վրայ: Սովետոց նպաստող 1880ի Յանձնաժողովը, Սկիւտարի Ս. Կարապետ եկեղեցւոյ շինութիւնը, և մանաւանդ Արմաշի Դպրեվանքը Աբիկ Ուննեանի անունը անմահացնող յիշատակներ են: Իրեն հետ յարաբերութիւններս աւելի սերտ եղան Սովետոց Յանձնաժողովին և Արմաշի Դպրեվանքին գործերով. պատրիարքութեանս ատեն ալ ա-



ուանց պաշտօնական դեր ստանձնելու աջակից եւ խորհրդակից եղաւ: Արդէն իր ոճն էր ամէն գործի մասնակցիլ, այլ պաշտօնական դեր չստանձնել:

Տիգրան Եղուսեան, զարգացեալ անձնաւորութիւն, պետական բարձրաստիճան պաշտօնեայ՝ դատական ճիւղին մէջ, իսկ ազգային շրջանակին մէջ առաջին երկտասարդութենէ սկսելով մինչեւ ծերութիւնը և մինչեւ վերջին շունչը պաշտօնական գործունէութենէ երբեք չպակսած, եւ ամենէն բարձր դերերը վարած, Երեսփոխանութեան եւ Վարչութեան ատենապետած, եւ պահ մը պաշտօնէական դրութիւն փորձուած ատեն՝ առաջին և նախադաս պաշտօնէութիւնը վարած: Եղուսեան մեղմ բնաւորութեամբը, առանց կիրքի, առանց բռնադատութեան համոզիչ խօսքերովը և հաշտարար ընթացքովը ատենական գործերը յաջողցնելու մասնագիտութիւնն ունէր, և այս ոճին ախպարը կը նկատուէր: Վախճանեցաւ Բերա, Շիշիի թաղաբաժինը, 1906ին, ուր փոխադրուած էր Եէնիքէօյի տունը հրկիզուելէն ետքը: Մեր յարաբերութիւնը միշտ սերտ և մտերմական եղաւ ամէն ժամանակ, թէ պաշտօնական և թէ անպաշտօն կեանքին մէջ: Եղուսեան մեղմ բնաւորութեան հետ պինդ օրինապահութիւն ալ ունէր, և նշանակալից պարագայ մըն է այս մասին Միտհաթ բաշայի դատին ամբաստանիչ ատեանին անդամակցութեան կոչուած ըլլալով, հրաժարեալ Սուլթան Մուրադը եւ մայր կայսրուհին ամբաստանութենէ ազատելու մասին կատարած նախաձեռնութիւնը՝ օրինական պայմանաց տկարութեան փաստով, որչափ ալ բարձրագոյն հաճոյքը հակառակը կը փափաքէր:

Բարբողիմես Արեւիսկոպոս Չամիչեան, պատրիարքական տեղապահ եղած, եւ երկար տարիներ Պրուսայի առաջնորդութիւնը վարած, գործունէութենէ ոչ անմասն, այլ փառքի երեւոյթներու և արտաքին շքեղութիւններու հոգի տուող, եւ այս նպատակին հասնելու համար միակ միջոց պետական պաշտպանութիւնը կարծելով՝ ամէն տեսակ ստորնութիւն և շողոքորթութիւն և հլու հպատակութիւն յօժարակամ կատարող: Անձնական կենցաղով ալ հաճոյից եւ ախորժակաց չափազանց ծառայող, մինչև իւր մարմնոյ առողջութիւնն ալ գոհելու չափ: Այս պաշ-

բազմաներ արգելք եղան որ իւր բաղձանքներուն պաշտօնակէտը կարենար ձեռք ձգել, և Կ. Պոլսոյ պատրիարքական աթոռը բարձրանար, որուն համար թէպէտ կառավարական պաշտպանութիւնը ձեռք ձգել կարծեց, սակայն ոչ ազգը հաճեցաւ և ոչ պաշտպանութիւնը գործնական եղաւ, զի արքունեաց մէջ իսկ իրեն մասին խօսուեցաւ թէ մարդը մարդելոյզէն կրնան զանազանել: Իր գիւտը եղաւ ինքզինքը աշտ Գապուէն (ազատագրութիւն յանձն չառնող ստրուկ) անուանել: Նա չյուսաց որ պատրիարքութիւնը ինձի վիճակէր, թէ ոչ Եգիպտոսի համար ուզած անցագիրս շուտով կը հանէր. ընտրութենէն ետքը բեկանել տալու ջանքերն ալ չյաջողեցան, սակայն ես բարեկամական յարաբերութիւն չպակսեցուցի, և զինքն Կ. Պոլիսէ հեռացընել տալու համար եղած թիւադրանքներուն ալ չհետեւեցայ, որ իրեն ականջն ալ հասաւ, եւ շնորհակալութեան եկաւ եւ սկսաւ պաշտօնավարութիւնս գովաբանել:

Մկրտիչ Ա. Խրիմեան, Ամենայն Հայոց Կաթողիկոս, որու մասին այնչափ խօսուած և այնչափ գրուած է և այնչափ ալ հանրածանօթ են իր գործերը, որ այստեղ բացատրութիւն աւելցնել յայտնի աւելորդաբանութիւն եղած կ'ըլլար. բաւական ըլլայ ուրեմն մեր յարաբերութիւնները յիշել եւ իր մասին իմ տեսութիւնս պարզել: Ազգային շրջանակի մէջ երկուքնիս ալ գործիչ գանուելով՝ միշտ իրարու հետ սերտ և անկեղծ յարաբերութիւն ենք պահած. ես յարգած եւ պատուած եմ անոր անձնաւորութիւնը ու արժանիքը, նա պատուով վերաբերուած է իմ ուսմանցս եւ հմտութեանցս: Առաջին տեսակցութիւնը ունեցանք երբոր զայն Վանէն հանելով Կ. Պոլիս կը տանէր կառավարութիւնը, և ես զինքը Կարնոյ մէջ հիւրընկալեցի: Իւր կաթողիկոսական ընտրութեան քաջալերիչ եղայ և երկու քուէով մասնակցեցայ, պատրիարքութեանս ատեն միշտ իրեն պատիւն բարձր պահել աշխատեցայ օսմանեան արքունեաց և կառավարութեան առջև, Մայր Աթոռոյ խնդիրներուն աջակցեցայ, և իբրև ազգային կեդրոն, զինքն միշտ գիտակ պահեցի ամէն անցուդարձերու եւ խնդիրներու: Խրիմեան բոլորովին սիրտ եւ զգացում էր, խոհական զգուշաւորութիւն, վարչական նրբութիւն, գործունէութեան ճարտարութիւն իրեն սեպհական չէին. իր նշանաբանն

ալ էր՝ Ինձ խորհիչ չի: Ամէն պաշտօններէ անցաւ՝ վարժապետ, վարդապետ, առաջնորդ, վանահայր, պատրիարք, կաթողիկոս, և կրնանք համարձակ ըսել՝ թէ ո՛չ մէկուն մէջ նշանակալից յաջողութիւն չունեցաւ, շատ պաշտօններէն գանգատներով հեռացուեցաւ, սակայն երբեք ընդհանուր համակրութիւնը եւ պատելութեան հասնող յարգանքը չկորսնցուց: Ա՛յս էր Խրիմեանի բնաւորութեան գաղանկիքը, իւր ժողովրդական վարմունքը, իւր անկեղծ և անսեթևեթ խօսակցութիւնը, չնայելով որ կատարեալ աշուղ մըն էր, և իւր բոլոր աշխատասիրութիւնները այս ճիւղին կը վերաբերին, և ութսունը անցունելէն ետքն ալ տակաւին բանաստեղծական քերթուածներ էին իւր ժամանցի զբաղումները: Այդ համոզումը առաջնորդեց իւր կաթողիկոսական ընտրութիւնն ալ, և ես իբր ընտրող համարձակ յայտարարեցի՝ թէ Խրիմեանը պիտի ընտրենք, ոչ թէ Աթոռին արդիւնաւորութիւն աւելցընելու, այլ Աթոռին վրայ համակրութիւն հրաւիրելու համար: Ինչ որ Խրիմեանի ճշմարիտ և սեպհական արդիւնքն է, գուառաբընակ հայուն բարօրութեան համար եղած ջանքերուն ստեղծիչն ու սկզբնապատճառն եղած ըլլալն է, որչափ ալ գործը իր նըպատակակէտէն անդրագոյն ևս քալած ըլլայ: Լի աւուրբք ութսունևեօթնամեայ վախճանեցաւ էջմիածին 1907 հոկտեմբեր 29/11 նոյեմբերին, եւ թէպէտ կառավարութիւնը իւր Կ. Պոլիսէ անցնիլը արգիլած և իրմէ ձեռնադրուելու համար պացողներուն դժուարութիւն յարուցած էր, սակայն ես չվարանեցայ անօրինակ հանդիսութեամբ յիշատակը կատարել:

Յովհաննէս Աւագ Քահանայ Մկրեան, քահանայական դասակարգին մէջ աչքառու դէմք մը: Կանուխէն ազգային և կրօնական նիւթերու և գործերու հետեւող, իւր հօրենական Պարտիզակ աւանին մէջ գլխաւորներէն մին եղած է և առեւտուրով ըզբաղած: Պատահական ձախողուած է մը ազդուած եկեղեցականութեան կը դիմէ, պահելով առաջին կեանքին վարժութիւնն ու կերպերը: Իրմով իրականացաւ շատոնց մոռցուած նորութիւն մը, այսինքն քահանայի մը պատրիարքական փոխանորդութեան կոչուիլը, զոր կատարեց Ներսէս պատրիարք, և Մկրեան բաւական ազդեցիկ և գործունեայ փոխանորդութիւն վարեց բուլական տարիներ, սակայն վեղարաւորներու դէպ չեկաւ և ամէն տե

սակ գժուարութիւններ ստեղծեցին, մինչև որ ստիպուեցաւ հրաժարիլ: Ներսէս ուրիշ քահանայ մը կոչեց փոխանորդութեան, սակայն Մկրեանի կարողութիւնը չունէր և շուտով քաշուեցաւ, և դարձեալ վեղարաւորներ գրաւեցին պատրիարքական փոխանորդութիւնը: Իսկ Մկրեան միշտ պահեց իր դիրքը և արժանաւորութեան աստիճանը, որ շատերէ իբր խրոխտութիւն նկատուեցաւ, սակայն յայտնի էր որ քահանայութեան ստորնութիւնը անտանելի էր Մկրեանին՝ վեղարաւորաց ճոխանայուն հանգէպ: Բայց ես միշտ այլապէս նկատեցի, քահանայական դասակարգին բարձրանալուն ջերմ պաշտպան մը ըլլալով: Իր միջնորդութեամբ առաջին անգամ Ներսէս պատրիարքի ներկայացայ 1877ին, և մինչև վերջը մտերմական մնացին մեր յարաբերութիւնները, եւ պաշտօնավարութեանս մէջ միշտ ձեռնտու գրտնուեցաւ: Փոխանորդութենէն ելլալով Պարտիզակ չդարձաւ, Բերայի քահանայական խումբին անդամակցեցաւ, եւ Աճէմեան Գրիգոր աւագերէցին մահուանէ ետքը աւագերէցութիւն տլ վարեց: Վախճանեցաւ Բերա 1910 սեպտեմբեր 14|27ին. իսկ ես ամբաստանեալի կացութեան մէջ ըլլալով չկրցայ յուղարկաւորութեան մասնակցիլ:

Յարութիւն Արքեպիսկոպոս Վեհապետեան, պատրիարք Երուսաղէմի, յառաջն կ. Պոլսոյ, եւ աւելի առաջ 21 տարի Կարնոյ առաջնորդութիւնը վարող: Սա ալ նշանաւոր անձնաւորութիւններէն է, որուն ծագումն ու պաշտօնները ու արդիւնքները հանրածանօթ են, եւ իմ բացատրութեանցս չեն կարօտիր: Վեհապետեանի հետ անձնական յարաբերութիւն ունեցած չէինք, զի իմ Ղալաթիոյ քարափէն Սև Ծովի շոգենաւը մտած ատենս, նա Սև Ծովի ուրիշ շոգենաւէն Ստամպոլի քարափը կ'ելլար: Կարնեցւոց զիս ընտրելու համար զինքն հրաժարեցնելը հարկաւ իրեն գիւր պիտի չիգար, սակայն Կարին հասնելով զինքն վատաբանողները լռեցնելս եւ զինքն պաշտպանելս այնչափ գիւր եկած էր իրեն, որ անկեղծ սիրոյ կապ մը գոյացուց մէջերնիս: Իւր կ. Պոլսոյ պատրիարքութեան ատեն ամէն կերպով զիս պատուեց ու պաշտպանեց, և ես իմ պատրիարքութեանս ատեն իւր պատիւը բարձր պահել աշխատեցայ, հակառակ որ իննսնամեայ տարիքի մօտ իւր կորովը կորուսած և քղւոն հակառակութիւն-

ներէն թուլցած, փոփոխական պարագաներու հետ փոփոխուելու կը ստիպուէր: Սակայն ուղղամտութիւնը իրմէ երբեք չպակասեցաւ, եւ նիւթական կարողութիւնը ոչ անձին՝ այլ Աթոռին ծառայեցուց. եւ երբ ճշմարտութիւն մը ճանչցաւ, զայն ընդգրկելու բնաւ չվարանեցաւ: Կեդրոնական Վարչութեան զինքնամբաստանելով պաշտօնանկ հռչակելը ոչ միայն անիրաւ այլեւ աննպատակ և անխորհուրդ ձեռնարկ մըն էր, նոյն օրերուն տիրող պետական ուղղութեան հետեանքով, որ սակայն Վեհապետեանի պատիւը չստորնացուց, իսկ Աթոռին դործին բնաւ օգուտ չբերաւ, և մինչև այսօր Աթոռին դատարկ մնալը անոր հետեանքն եղաւ, իբր զի Խապայեանի պետական հրամանով Աթոռը զրաւելը, ազգային օրինականութեամբ և եկեղեցական կանոնով կատարուած գործ չի կրնար համարուիլ: Վեհապետեան վախճանեցաւ 1910 հոկտեմբեր 5/18ին:

Մասքեոս Բ. Իզմիրլեան, Ամենայն Հայոց Կաթողիկոս, դարձեալ հանրածանօթ մի անձնաւորութիւն, որուն գործոց և պաշտօնավարութեանց վրայ տեղեկութիւն տալու կարօտութիւն չի զգացուիր: Իզմիրլեանի հետ յարաբերութիւննիս սկսաւ վերագարձէս ալ առաջ. անկէ ետքը յանձնաժողովներու մէջ միասին զլտնուեցանք, և իւր և իմ պատրիարքութեանց ատեններուն շարունակ շփման մէջ եղանք, և իմ պաշտօնէ հեռանալէս ետքն ալ հալածանաց պարագաները ճշմարտուեցան: Իմ կողմէս իրեն դէմ որևէ դեր մը կատարած ըլլալս չեմ յիշեր, սակայն չեմ գիտեր ինչո՞ւ առջի օրէն մինչև վերջ անհամակիր զգացում մը ունեցաւ, զոր ստէպ գործով և երբեմն խօսքով ալ յայտարարել չվարանեցաւ: Անոր աչքին մեծ թերութիւնս էր ի ծնէ հայադաւան չըլլալս, թէպէտ ես կը պատասխանէի թէ աւելի լաւ է գիտակցաբար մտնելը քան պատահաբար մէջը գտնուած ըլլալը: Իզմիրլեան ունէր անխոնջ գործունէութիւն մը ազգային պաշտօններու մէջ, անբասիր կեանք իւր անհատական կենցաղին մէջ, և նախանձայոյզ ընթացք օրինապահութեան առջև: Բնութեամբ խիստ և կրքոտ, միշտ ընդդիմադիր ուղղութեան հետեւեցաւ, սկսելով Ղալաթիոյ Օճախին մասնակցութենէն, բայց վարչական կարողութեան մէջ խիստ չափաւոր ըլլալով՝ միշտ ուրիշին ազդեցութեան ներքև գործեց. առաջ Ղալաթիոյ Օճախին:

առաջին պատրիարքութեան ատեն Հնչակեանց, երկրորդ պատրիարքութեան ատեն Դաշնակցականաց, եւ կաթողիկոսութեան ատեն միաբանութեան շահագէտ խմբակին: Որչափ ալ այս մասին Խրիմեանի հետ նմանութիւն մը կը կրէր, սակայն չկրցաւ իւր շուրջը անկեղծ համակրութեան շրջանակ մը կազմել, և այնչափ անձկացեալ կաթողիկոսութիւնն ալ տասնևհինգ տարի չկրցաւ վայելել, և իւր բուն կիրքերէն ծագած սիրտի ախտէն ու իւրայնոց կողմէ կրած տագնապէն անակնկալ վախճանեցաւ 1910 դեկտեմբեր 11/24ին:

Հայր Յակիմընու Լոազօն, (Père Hyacinthe Loyson) լատին եկեղեցական, երբեմն Կարմեղեան կրօնաւոր, պապական անսխալութեան դէմ բողոքող, հռոմէական եկեղեցիէ անջատուող, ընդդիմադիր հրատարակութեանց հեղինակ, հին կաթողիկոսութեան հետևող, ազատօրէն ամուսնացող, և իբր պերճախօս քարոզիչ և տանաբան՝ տիեզերական հռչակ ստացող: Ծանօթութիւնն իս սկսու 1871ին վերջին անգամ երթալու ատեն, եւ մեզ իրար մերձեցնողը եղաւ երկուքներնու ալ հաւասարապէս Վատիկանի դէմ վարած պայքարը: Մտերմութիւնն իս հետզհետէ անկեղծ իմ Հռոմ եղած տարիներու մէջ. իւր գործունէութեան ալ օգնեցի զանազան առիթներու մէջ, խորհրդակցութեամբ եւ քաջալերութեամբ ալ աջակցեցայ, իսկ Կ. Պոլիս դառնալէս ետքը շարունակ թղթակցութիւն պահեցինք. իմ վերագործս և պաշտօններս զինքն աւելի ոգևորեցին, իսկ պատրիարքութեանս ատեն իրեն սիրտի և խիղճի կատարեալ հանդարտութիւն պարգեւեց առաքելական եկեղեցւոյ մը նուիրապետութեան մեծ աստիճանաւորէ մը իւր ընթացքին հաւանութիւն գտնելը: Լոազօն սիրտի և զգացման մարդ՝ վարչական գործերու մէջ յաջողութիւն չունեցաւ, և ժընէվ և Բարիզ կազմակերպած հասարակութիւնները չկրցաւ մինչև վերջ կառավարել, և գրեթէ ամէն եկեղեցականներէ և դաւանութիւններէ անկախ դրութիւն մը ունեցաւ: Իւր համակրութիւնը մեծ եղաւ դէպի Հայոց եկեղեցին և իւր հոգեւոր սփոփանքը ուզեց անկէ ընդունիլ, իւր ութսունամեայ տարեդարձին առթիւ հոգևոր մխիթարութիւնն ալ Բարիզի հայ եկեղեցւոյ մէջ ընդունեց, Երուսաղէմի և Կ. Պոլսոյ մէջ Հայոց եկեղեցին հաղորդուեցաւ, և վերջին թոշակը Բարիզի տեսուչ Քիպարեան

Վասմշապուհ քահանային ձեռքէն առաւ: Վախճանեցաւ 1912 յունուար 27/9 փետրուարին Բարիզի մէջ:

Սաւինա Արեւիսկոպոս Պարզեանց, Մայր Աթոռոյ նշանաւոր եպիսկոպոսներէն մէկը, շատ պաշտօններ վարած եւ շատ անցքեր անցուցած, լաւ ձիրքերու տէր, և գրական աշխատութեանց ձեռնտու և քաջալերող: Միայն թէ բուռն և խիստ, անկախ և անվերապահ բնաւորութեամբը այնչափ համակրութիւն չգոյացուց իւր շուրջը, որչափ արդիւնաւորութիւն և արժանաւորութիւն ունէր: Մայր Աթոռոյ պաշտօններուն մէջ ամէն տեղ և ամէն ատեն օգտակար հանդիսացաւ, թէ Աթոռին մէջ և թէ վիճակներու մէջ, բայց իւր անունը աւելի փառաւորեց շատ կարևոր գործերու հրատարակութեան ծախքերը նուիրելով: Այս կարգէն եղաւ Ազգապատմիս երկու հատորներուն տպագրութեան ծախքը ստանձնելն, որուն համար երբոր իրեն շնորհակալութիւն գրեցի, պատասխանեց թէ Հայ Եկեղեցւոյ ընդարձակ և ճշգուտ պատմութիւնը ունենալու համար ինքն պատրաստ էր խմբագրութիւնն իսկ վճարել, մինչ լոկ տպագրութեան ծախքով նպատակին իրականացման համար ինքն պարտաւորութիւն կը զգայ շնորհակալութիւն մատուցանել: Մեռնելէն ետքն ալ հրատարակութեանց օգնութիւնը շարունակելու համար, նոյն նպատակին կտակեց իւր թողօնը: Մեր յարաբերութիւնները շատ չէին եղած՝ առիթներ ունեցած չըլլալով, բայց Ազգապատմէն ետքը չափազանց յարգալից եղաւ, և այդ զգացման հետեանքն էր 1911ի Կաթողիկոսական Ընտրողական Ժողովին մէջ իմ անուանիս շուրջը կաղմակերպած ցոյցը: Վախճանեցաւ էջմիածին 1914 սեպտեմբեր 12/25ին, երբ Երուսաղէմ կը գտնուէի:

Յակոբ Փափագեան, կնքահօրս՝ Փափաղեան Մաղաքի որդին եւ քոյրերուս կնքահայրը, սեղանաւոր Լոնտրա հաստատուած, և վերջին տարիներ գործէ քաշուած եւ Կ. Պոլիս հանգրստեան կեանքի մտած: Եղբայրական յարաբերութիւն ունեցանք, թէպէտ քիչ ատեն իրարու մօտ եղանք: Մահամերձ հիւանդութենէս ետքը զիս 1875ին հիւրընկալեց, իսկ հանրութեան օգտակար եղաւ Բերայի Էսայեան վարժարանին յարակից Ծաննիի տունին ու պարտէզին 4000 ոսկի գինը վճարելով եւ

Թողը վայելուչ մանկապարտէզով օժտելով՝ իմ թելադրութեանս համաձայն: Իւր կենդանութեան ուղեց որ անունը գաղտնի մընայ և միայն մահուանէ հաքը կաթովիկի մը ընդհանուր ազգութեան համար ըրածին յայտնուիլը յանձնարարեց: Վախճանեցաւ Բերա 1916 ապրիլ 11/24ին:

Է. Ռափայեյ Վարդապետ Միասեբեան, Անտոնեան միաբանութեան արբանայր, իմ առաջին աշակերտութենէս ուսուցիչս, և հետզհետէ տեսուչս եւ վանահայրս եւ վերջէն արբանայրս ալ եղած: Ուսեալ և հմուտ անձնուորութիւն՝ որ միայն մէկ երկու տարւոյ բացառութեամբ բոլոր կեանքը վանական շրջանակի մէջ անցուց, և օգտակար եղաւ իր խոհական ընթացքով և գրական արդիւնքներով: Արբանայրութեան ընտրուեցաւ 1876ին Անտոնեանց տապնապին ժամանակ եւ Գաղանձեանի հրաժարելէն ետքը՝ չկրցաւ միաբանութիւնը վերստին գորայնել և վերականգնել, և միայն տիրող կացութիւնը պահելու աշխատեցաւ իւր քսանամեայ արբանայրութեանը միջոցին: Վերադարձէս հաքն ալ սիրոյ յարաբերութիւնները անթերի պահեց, եւ պատրիարքութենէս ետքը յարգանայ յարաբերութիւններ ալ բարդեց: Իննսնամեայ վախճանեցաւ Օրթաքէօյ 1917 փետրուար 8/21ին:

Այս տեղ կը փակեմ Մահացուցակս, որ՝ ինչպէս կանխաւ յայտարարեցի՝ գլխաւորապէս իմ վրայ տպաւորութիւն թողուցող անունները կը պարունակէ, ապաթէոջ՝ եթէ բոլոր ծանօթները ուղէի յիշել, անհատնում ցուցակ մը պէտք կ'ըլլար կազմել: Չկրցի յիշատակել կարգ մը ազգայիններու եւ երեւելիներու անունները, որոնց հետ սերտ յարաբերութիւն ունեցած եմ, սակայն ոմանց յիշատակութիւնը գրութեանս մէջ եղած է, եւ ամէնն ալ գրել երկար կ'ըլլար:

ՆԵ

Իստանբուլ, 1918 ապրիլ 29/12 մայիս 4իւր.

Ինչպէս վերջինքը կեանքիս ամենէն ցայտուն յիշատակն է կրնամ ըսել՝ զի վարչական կեանքը արդէն իմ միտքովս նուազ կարեւոր



ւորութիւն ունեցող է, իսկ Դպրեւանքին մէջ եւս գրական կեանք վարեցի, և աշակերտութիւն մըն ալ հասուցի, որով կրաւորապէս և ներգործապէս իմ սիրած միջավայրիս մէջ ապրեցայ: Այս վայրկեանիս հոն կ'երթայ իմ միտքս, և այնչափ արկածալից տագնապներուն կարգին, զորս ազգովին կրեցինք ու կը կրենք, եւս մեծ նշանակութիւն կուտամ Դպրեւանքի տագնապին, որ այսօր ոչ եւս է: Արմաշ գիւղի հայարնակութեան հետ Դպրեւանքն ալ տարագիր եղած է, եկեղեցին տակնուվրայ եղած է կ'ըսեն, Չարխափանի պատկերը, աւագ սեղանը, Գարագոչի գերեզմանը խախտած են կ'ըսուի, վանքն ալ զրաւուած է և պատերազմիկներու որբերուն պատսպարան է նշանակուած: Աշակերտութիւնը մասամբ ցրուած, մասամբ Կ. Պոլիս փոխադրուած, անկէ ալ Երուսաղէմ բերուած, իսկ այժմ տարիքի պահանջմամբ զինուորագրուած, կէսը ծառայութեան մէջ, կէսը այս ու այն կերպով ծառայութենէ ազատ:

Երբոր Դպրեւանքի ներկայն ոչնչացած է, և առաջիկային վերակազմելու և վերականգնելու հաւանականութիւնը նուազած է, անցեալը կը մնայ քաղցր յիշատակ, որ Սոսիներու մէջ գլխաւոր սեղ մը կը գրաւէ, և Սոսի վերածուելով՝ մխիթարութեան առիթ կրնայ ընծայել, որչափ ալ վերյուշութեան կարգին դարձեալ արկածներ են որ դիմացնիս պիտի ելլան, և տագնապներ են որ ցաւերու պատճառ պիտի ըլլան: Սակայն չէ՞ որ մեր սիրելիներուն ալ կորուստն որոճալով ինքզինքնիս սփոփած կը զգանք: Ահա՛ այդ դիտմամբ է որ գրութեանս կարգին հատուած մըն ալ կուգամ նուիրել Դպրեւանքի աշակերտութենէն յառաջ եկած վեղարաւորներուն, համառօտակի քաղելով իրենց կեանքն ու գործունէութիւնը, և ներկայելով այժմեան կոցութիւնը, որչափ որ գիտեմ և իմացած եմ, թէպէտ ոչ ամէնքը վաւերական ստուգութեամբ: Դպրեւանքի վեղարաւորներուն թիւը 35 է, առաջին 14ը ինձմէ, և երկրորդ 14ը Դուրեանէ ձեռնադրուած, և մեր հեռանալէ ետքը վեցը Յովակիմեանէ ձեռնադրութիւն առած, հսկ վերջին երկուքը Նարոյեանէ: Եւ երկու խմբովին ձեռնադրութիւն ըրի և երեք մասնաւոր, երկու ձեռնադրութիւն ըրաւ Դուրեան, երկուք ալ Յովակիմեան, և մէկ անգամ միայն Նարոյեան: Այսչափը իբր նախարան յիշելով՝ անցնիմ երեսուն եւ վեցերուն վրայ միառմի խօսիլ, իրենց ձեռնադրութեան կարգին հետեւելով:

1. Բարգէն Կիւլիսեբեան, աւագանի անուամբ Յարութիւն, Այնթապցի: Բացման օրը ներկաներէն չէր, բայց տարիքի պահանջամբ առաջ անցաւ: Լիազօյն շրջան վարող Խօթնիրու խումբէն 1895 յունիս 18/30ին ձեռնադրուած, 1896 մայիս 26/7 յունիսին մասնաւոր վարդապետութիւն և 1897 հոկտեմբերին ծայրագոյն վարդապետութեան աստիճան ստացած, որ իր ընթացքը փակեց Եղիշէի Պատմութեան վրայ քննական աւարտաճառով: Վանքէն առաջին մեկնողներէն մին եղաւ 1896ի տապնապին ատեն: Առաջնորդի պաշտօններ վարեց Ճանիկ և Մուշ, վերջին տեղէն բանտարկութեամբ հանուեցաւ և Կ. Պոլսոյ մէջ քարոզչութեամբ և զրականութեամբ զբաղեցաւ, քանի մը հրատարակութիւններ արտադրեց, գլխաւորաբար Լոյս կրօնաթերթին խմբագրապետն եղաւ: Ազատութեան հռչակուելէն ետքը Գաղատիոյ առաջնորդ ընտրուեցաւ և վիճակին վրայ եպիսկոպոս ձեռնադրուեցաւ: Իւր փափաքն էր Եւրոպա անցնիլ ու եւսքանգեւազարգանալ, և վերջապէս յաջողցուց Այնթապի Ճեմարանին հանգանակութեանը համար մինչև Ամերիկա երթալ, ուր գտնուեցաւ պատերազմին սկիզբէն, և այլեւս հոն մնաց: Վերջերս Գաղղիա եկած ըլլալը և այժմ Բարիզ գտնուիլը լսուած է: Բարգէնի տիրող նկարագիրը ուսումնասիրութիւն է՝ վարչականէն ոչ զուրկ: Այստեղ անցողակի յիշեմ, թէ իմ նպատակս եղաւ հայ եկեղեցական նախնեաց մոռցուած անունները վերջիշել մեր սաներուն վրայ, և Դուրեան ալ ինչ ետք նոյն միտքին հետեւեցաւ:

2. Խոսրով Պեհրիկեան, աւագանի անունով Խաչատուր, Զարացի, բացման օրը ներկայ հղողներէն և առաջին շրջանի Խօթններէն մին: Իւր աւարտաճառին նիւթը Տաթեւացիին գործերը եղան: Առաջնորդական պաշտօններ վարեց Տրապիզոն, Մուշ եւ Խարբերդ. վերջինէն հանուեցաւ Ազատութեան հռչակուելուն կուսակցականաց գրգռմամբ: Բաւական նեղուեցաւ Կ. Պոլսոյ մէջ, մասնաւոր քարոզչութիւններ ալ վարելով, և ուր ուրեմն Կեսարիոյ առաջնորդ ընտրուեցաւ, և անագան եպիսկոպոսական ձեռնադրութիւն ստացաւ պատերազմին սկսելուն ատենները, որ իրեն դէմ ամբաստանութեան պատճառ եղաւ, իբր թէ թշնամի երկրէն գրգռութիւն բերած ըլլայ. բանտարկուեցաւ, դատուեցաւ, և բողոքներէ ետքը աքսորուեցաւ Տիարպէքիւր երթալ:

սակայն տեղը չհասաւ, և ճանապարհի վրայ սպաննուած ըլլալը կը հաստատուի: Սոսրովի նկարագիրը հանդարտ և խոհական վարչականութիւնն է եղած:

3. Զաւեն Տեր-Նղիայեան, աւագանի անուամբ Միքայէլ, սերունդեամբ Սղերդցի, ծննդեամբ Մուսուլցի, իսկ աննդեամբ Պաղտատցի: Իպրեվանքին երկրորդ տարին մտաւ աշակերտութեան, իբր քահանայական աստիճանի սահմանուած, որուն կը պատկանէր իւր գերդաստանը իբր քսանհինգ ծնունդներու յաջորդութեամբ, բայց երբոր երրորդ տարւոյ վերջը ընկերները կուսակրօնութեան նուիրուիլ հաւանեցան, ինքն ալ անոնց հետեւիլ ուզեց: Իւր աւարտածուող գրեց Օձնեցիի մատենագրութեան վըրայ: Իրեն յանձնած էինք Իպրեվանքը երբ ես ու Իուրեան մեկնեցանք 1896ին: Իսկ Կ. Պոլիս գալով պահ մը քարոզչութեամբ զբաղեցաւ, գլխաւորապէս Սասքէօյի արկածեալ թաղը: Առաջնորդական պաշտօն վարեց Կարին և Վան, ուսկից Տիարպէքիւր անցաւ, և նոյն վիճակին վրայ եպիսկոպոսական ձեռնադրութիւն ստացաւ: Արշարունի պատրիարքի հրաժարելէն ետքը՝ երբ Երեսփոխանութիւնը հիներէն ձեռք քաշելով նորերուն անցնիլ որոշեց, Զաւէն նախադասուեցաւ և պատրիարք ընտրուեցաւ 1913 օգոստոս 30/12 սեպտեմբերին, և վիճակներու այցելութեամբ Կ. Պոլիս հասնելով՝ գործի ձեռնարկեց նոյեմբեր 8/21ին: Երեք տարի պաշտօնավարեց, մինչև որ կառավարական հրամանով տաճկահայ մեծ Աթոռները մէկի վերածուեցան և Սահակ Սապայեան Կիլիկիոյ կաթողիկոսին տրուեցան. Զաւէն պատրիարքութենէ հանուեցաւ, Պաղտատ յղուեցաւ, ուսկից Մուսուլ անցած՝ Պաղտատի գրաւուելուն առիթով, և տակաւին հոն մնացած գիտենք զինքն անպաշտօն կացութեան մէջ: Զաւէնի նկարագիրն է արթուն և տոկուն վարչականութիւն:

4. Մուսեղ Սերոբեան, աւագանի անուամբ Արտաշէս, Ասլանպէկցի. բացման օրերուն ներկաներէն մին, և առաջին շրջանի եօթներէն մին: Աւարտածառի նիւթն առաւ Նարեկացիի Աղօթամատենանը: Առաջնորդական պաշտօն վարեց Արարիկիւր, ուսկից յարմար դատեցի հեռացնել զրպարտութեանց չընդարձակուելուն համար, որով կրցաւ Ատանայի առաջնորդ ընտրուիլ, և եպիս-

կոպոսական ձեռնադրութիւն ալ առաւ Կլիփկիոյ Աթոռէն իւր ընկերներէն առաջ: Ազատութենէ ետքը համարձակ գործունէութեան ձեռնարկելուն պատճառաւ, Ատանայի կոտորածէն ետքը իրեն դէմ ալ դատապարտութիւն վճռուեցաւ ի բացակայութեան, զի փութացած էր կանխաւ Եգիպտոս մեկնիլ, ուսկից Ամերիկա անցաւ: Շատ աշխատեցաւ Մայր Աթոռոյ եպիսկոպոսաց շարքին մտնել, որ կարենայ Ամերիկայի առաջնորդ ըլլալ, և մինչև իսկ այս նպատակով էջմիածին ալ գնաց, սակայն Գէորգ Ե. կաթողիկոս ամուր մնաց անոր առաջարկը մերժելու մէջ, որով այժմ Պոսթընի մէջ կը մնայ, իբրև պարզ եկեղեցական պաշտօնեայ կամ, ինչպէս կ'ըսեն, իբրև հոգեւոր հովիւ: Մուշեղի նկարագիրն է եռանդուն և համարձակ և բուն գործունէութիւն թէ գրական և թէ վարչական ասպարէզներու մէջ, չափազանցութենէ չխորշելու չափ առաջ մղուող, որով չէ քաշուած կուսակցականներու իսկ համակիր և խորհրդակից երեւալ:

5. Սմբատ Սասեքեան, աւագանի անունով Գրիգոր, Ատաբաղարցի, առաջին ներկաներէն և առաջին եօթներէն մին. ընթացքը փակեց Լամբրոնացիի վրայ աւարտաճառով: Գաւառական պաշտօն վարեց Նիկոպոլիս, որ է Շապինգարհիսար, եւ անկէ Կարին անցաւ, որուն վրայ եպիսկոպոս ալ ձեռնադրուեցաւ, և պաշտօնը մինչև պատերազմի սկիզբը և մինչև Հայոց տարագրութիւնը շարունակեց: Քաղաքացիներու հետ ինքն ալ ելլելու կը ստիպուի, և վստահելի տեղեկութիւնները կը հաւատատեն Երզնկայէ մեկնելէն ետքը սպանուած ըլլալը: Սմբատի նկարագիրն է քաղցր և համեղ գործունէութիւն, պարտքէն ու պահանջէն ոչինչ թերի չթողլով:

6. Աղան Համամեան, աւագանի անունով Նշան, Ապուլեիցի, որ երբեմն Արծրունի ալ ստորագրած է, իբրև Աղան անունին յարակից և իբրև Ակնայ գաղթականութեան բնաշխարհ: Աւարտաճառին նիւթ տուած է Լուսուորչի Յաճախապատումը: Իւր առաջին գործունէութիւնը Դպրեվանքին մէջ կեդրոնացաւ իբրև տեսուչ և իբրև ուսուցիչ: Կազմով ոչ զօրաւոր և միանգամայն սաստիկ ջղային ըլլալով, պատահական պարագաներէ ազդուելով և խրտչելով՝ հալածանաց մենամոլութեամբ (Manie de

persécution) ախտացաւ ուսկից զինքն բուժելու համար հայրենիքը օգափոխութեան դրկեցի, դիւրին պաշտօններու տարի, ազատ թողուցի, Հիւանդանոց փակեցի՝ ըստ պարագայից, սուկայն ոչ մէկէն կրցաւ օգտուիլ: Իմ հրաժարելէս ետքն ալ ընդհանրապէս Ազգային Հիւանդանոցը մնաց միշտ նոյն վիճակի մէջ, մինչև որ տարւոյս սկիզբները վախճանած ըլլալուն գոյժը առինք: Իւր նկարագիրը աւելի գրական գործունէութիւնը եղած պիտի ըլլար, եթէ առողջութիւն վայելէր:

7. Մաքոց Փափագեան, աւագանի անունով Ներսէս, Վահնեցի, Մեարտի շուշտակ վարդապետի որդին և յայտնի զրոյ Վրթանէսի և գործիչ Վահանի եղբայր. առաջին շրջանի եօթներուն վերջինը, որ Շարականները առած էր իբրև աւարտաճառի նիւթ: Որչափ բնութեամբ երկիւղած, նոյնչափ բերմամբն ալ յախուռն: Առաջին անգամ Կ. Պոլիս դառնալուն տեղապահ Չամիչեանէն հակառակութեան առարկայ եղաւ և Պուլկարիախոյս տուաւ, ուր Խրիմեան կաթողիկոսէ առաջնորդական փոխանորդութեան պաշտօն ստացաւ և յետոյ առաջնորդութեամբ Ամերիկա փոխադրուեցաւ: Հոն կուսակցականներու հետ շփմամբ անոնցմէ կը վատկուի, և ազատ գործիչ ըլլալու համար սքեմն ալ կը թողու, իւր երէց եղբոր Յուսիկի սիրուհին ալ կը շահի, և այս վիճակին մէջ ազատութեան հռչակուելէն ետքը Կ. Պոլիս կուգայ և Ներսէս անունով Դաշնակցականաց բերան կողմ Ազասաւարս թերթին մէջ իբր խմբագիր և իբր մատակարար կը պաշտօնավարէ, մինչև պատերազմի և տարագրութեանց ատենը, և Ազասաւարսի ջնջման ատեն ինքն ալ կը ձերբակալուի և կ'աքսորուի ու կեանքն ալ վրայ կուտայ ուրիշ սպանելոց շարքին, ինչպէս հասած լուրերէ կ'իմանանք: Մաշթոց գրական և գործնական լաւ եկեղեցական եղած կ'ըլլար իւր առաջին մտայնութեան հետեանօք, եթէ պատահարներու բերմամբ տարադէպ շփումներու մէջ գտնուած չըլլար:

8. Թաթուլ Դուրեան, աւագանի անունով Սարգիս, Կ. Պոլսեցի, մօրենական կողմէ Դուրեանի ազգակից: Դպրեվանքի տաղնապի ատեն 1896 սեպտեմբեր 15 | 27 ին ձեռնադրուած չորսերուն առաջինը, որուն մասնաւոր վարդապետութիւնը

տուի 1897 դեկտեմբեր 21/2 յունուար 1898ին: Առաջնորդական պաշտօն վարեց ի Զմշկածագ, յետոյ ի Պանարմա, ապա ի Պիլեճիք, և հուսկ յետոյ ի Գոնիա: Սիրտը ուղիղ, աշխատութիւնը լաւ, խօսքը սնականածու, վարմունքը յախուռն. մեծ յաջողութիւն և արդիւնաւորութիւն չի կրցաւ կազմել իւր գործունէութեան մէջ: Արիւնի տկարութեամբ հիւանդացաւ, և բժշկութեան համար Գոնիայէ Զմիւռնիա անցնելով՝ հոն տարածամ կնքեց իր կեանքը, պատերազմէն բաւական առաջ: Թաթուլի նկարագիրը խառնուրդ մըն էր, որուն մէջէն դժուար է ճշդել տիրասկտող կողմը:

9. Փառէն Մելխնեան, աւագանի անունով Ներսէս, ծննդեամբ Հոռմկլացի, սննդեամբ Այնթապցի. երկրորդ շրջանի ձեռնադրուած չորսերէն մին, որուն մասնաւոր վարդապետութիւն տուի 1898 մարտ 1/13ին: Առաջ Արմաշի մէջ աշխատեցաւ, առաջնորդական պաշտօն վարեց Սղերդ և Եդեսիա և Մարաշ, բայց գլխաւորապէս Ատանայի կոտորածէն ետքը որբոց և աչրեաց հագարածութեամբ արդիւնաւորեցաւ, հուսկ յետոյ Պաղտատի առաջնորդութեան գնաց: Հոն էր պատերազմի միջոցին, երբ քաղաքին գրաւման ատեն յաջողած է տեղէն չհեռանալ, ուր տակաւին կը մնայ և կը պաշտօնավարէ: Փառէնի նկարագիրն է խօսքէ ու երևնալէ խուսափիլ, լռին գործել և արդիւնաւորապէս աշխատիլ:

10. Վահրիճ Շահլամեան, աւագանի անունով Դաւիթ, ծննդեամբ Կիւմիւշխանէցի, սննդեամբ Տրապիզոնցի. երկրորդ շրջանի չորսերէն մին, որուն մասնաւոր վարդապետութիւն տուի 1898 հոկտեմբեր 10/22ին: Առաջնորդական պաշտօններու մէջ գտնուեցաւ Վան, Գոնիա, Անկիւրիա և Ռոտոսթօ: Չափազանց յախուռն բնաւորութիւնը հակառակութեանց առարկայ եղաւ շատ կողմերէ, մինչև որ դաւաճանութեամբ սպաննուեցաւ Կ. Պոլիս, Ազատութեան հռչակուելուն ամիսները. ոմանք ըսին ազգային գործոց թշնամութեամբ և ուրիշներ բարոյականի վրիժաւորութեամբ: Վահրիճի արդիւնաւոր կեանք մը անհնար չէր ըլլար, եթէ իւր խօսից և վարմանց խոհականութիւն խառնելու զգուշաւորութիւն ունենար:

11. Թորգոմ Պիլինեան, որ յետոյ թարգմանաբար Գուշակեանի փոխուեցաւ, աւագանի անունով Մկրտիչ, Պարտիզակցի երկրորդ շրջանի չորսերէն վերջինը, որուն մասնաւոր իշխանութիւն տուի 1899 դեկտեմբեր 21/2 յունուարին: Վանական պաշտօններու մէջ աշխատեցաւ սկիզբները և Գուրեանի մեկնելէն ետքը փոխ-վանահայր և վերատեսուչ ալ ընտրուեցաւ: Առաջնորդական պաշտօնով գնաց Սեբաստիա, որուն վրայ եպիսկոպոս ալ ձեռնադրուեցաւ, այլ յետոյ հրաժարեցաւ: Եգիպտոս տեղապահ գնաց և առաջնորդ ընտրուեցաւ, և տակաւին պաշտօնի վրայ է այնտեղ, թէպէտ վերջերս Բարիզ գացած ըլլալը լսուեցաւ և դառնալէն լուր չառինք: Թորգոմ ծանրապլուխ և գործին տէր առաջնորդ մըն է, որ համակրութիւն և յարգանք ալ կը վայելէ:

12. Գնէլ Գալիսեան, աւագանի անունով Ներսէս, Կ. Պոլսեցի. առաջին շրջանի աշակերտներէն էր, բայց տարեկան քննութեանց չմասնակցեցաւ Կ. Պոլիս գացած ըլլալով, և մնաց երկրորդ շրջանին, և ընկերներուն 1896ին ձեռնադրուած ատեն դարձեալ Կ. Պոլիս գտնուելով և ժամանակին չգալով, դարձեալ ետև մնաց, և վերջապէս առանձինն ձեռնադրեցի Գատրքէօյի եկեղեցին, 1897 յունուար 19/31ին, և նոյն տարւոյ դեկտեմբեր 21/2 յունուարին մասնաւոր իշխանութիւն ալ տուի: Առաջնորդական պաշտօն վարեց Մուշ, այցելու գնաց Ռուսմանիա և եպիսկոպոս ձեռնադրուեցաւ, և վերջէն Սեբաստիայէ ընտրուեցաւ: Տարագրութեան ատեն աթոռէն վտարուած և կենաց վտանգի ալ հանդիպած ըսուեցաւ, սակայն վերջէն կուսակալի պաշտպանութեամբ ազատ մնացած ըլլալը իմացուեցաւ, և Կ. Պոլիս փոխադրուեցաւ, ուր այժմ Գատրքէօյի քարոզիչ է: Գնէլ լաւ ձիրքեր ունի, բայց հանդարտութիւնը ստէպ մինչև դանդաղութեան կը հասցնէ:

13. Տիրայր Մարգարեան, աւագանէն Երուանդ, Կ. Պոլսեցի. երրորդ շրջանէն միակ կուսակրօնութեան հետևողը, զոր առանձինն ձեռնադրեցի 1897 սեպտեմբեր 28/10 հոկտեմբերին Սամաթիոյ եկեղեցին և մասնաւոր իշխանութիւն տուի 1898 օգոստոս 15/27ին: Իւր գործունէութիւնը ամփոփուեցաւ Դպրեվանքի մէջ

փոխ-տեսչութեամբ և պատրիարքարանի մէջ կրօնական դիւանապետութեամբ: Տիրայր կազմով նիհար ու մանր ըլլալով՝ ժողովրդական մեծ տպաւորութիւն գործելու յարմար չեղաւ, թէպէտ գրական գործունէութեամբ կարողութեան տէր էր: Վերջերը որոշեց Կ. Պոլիսէ հեռանալ և Ամերիկա մեկնեցաւ, ուր կը գտնուի տակաւին քաղաքներէն մէկուն մէջ հոգեւոր հովիւի պաշտօնով:

14. Մկրտիչ Զլղասեան, աւագանի անունով Յովնան, Դատուանցի. երկրորդ չրջանի աշակերտներէն, որ կուսակրօնութեան յանձնատու չըլլալով մեկնած էր Դպրեվանքէն, և երբ Տրապիզոնի վիճակէն Ղզանայի վրայ ուղեցին քահանայանալը, ես ինքս ձեռնադրեցի Սկիւտարի Ս. Կարապետ եկեղեցիին մէջ 1898 յուլիս 12/24ին, Դպրեվանքցւոց քահանայութեան ղիմելը քաջալերելու դիտմամբ: Տրապիզոնի վիճակէն Սելանիկի գաղութին մէջ քահանայագործելու փոխադրուած էր, երբ պատահական արկածով երէցիկներ ու զաւակը կորսնցուց: Անկէ ետքը Եթովպիոյ գաղութին քահանայութեան յղեցի, և անկէ դառնալէն ետքը արեղայ օրհնեցի: Առաջնորդական պաշտօններու մէջ մնաց ժամանակ մը, և Զուէն պատրիարքի Տիարպէքիրէ գալէն ետքը վիճակին տեղապահութեան կոչուեցաւ, մինչև վերջին տարագրութեան միջոցը: Վստահելի լուրեր կրակով սպաննուած ըլլալը կը հաւաստեն: Բաւական գործունէութիւն ունէր, սակայն իւր կենցաղին մասին աննպաստ խօսքեր շատ եղան: Այստեղ կը փակուի իմ ձեռնադրած տասնուչորսերուն շարքը:

15. Մետրոպ Նաբոյեան, յաւագանէն Սաչատուր, Արդերդցի՝ Մշոյ գաշտէն: Դպրեվանքի տաղնապի միջոցին ցրուած դասարանին մնացորդներէն: Դուրեան Եղիշէ եպիսկոպոսէ ձեռնադրուած 1901 մայիս 20ին, յետագայ ինն ընկերներով միասին: Իւր գործունէութիւնը Դպրեվանքին մէջ ամփոփուեցաւ, որուն փոխվանահայր և վերատեսուչ ալ անուանուեցաւ, և այդ անունով եպիսկոպոսացաւ: Պաշտօնը պահեց մինչև տարագրութեան օրը, և Գոնիա աքսորուեցաւ, ուսկից դարձեալ Կ. Պոլիս տարուեցաւ, և այժմ Պէշիքթաշի քարոզչութիւնը կը վարէ: Պետական նոր կարգադրութենէ ետքը կրօնական ժողովի կամ Սինոդի ան-



դամ ընտրուեցաւ և հաստատուեցաւ, բայց հրաժարեցաւ և կը շարունակէ Պէշիքթաշի քարոզչութիւնը վարել:

16. Սահակ Օսապաեան, աւագանէն Քերովբէ, Սեբաստացի, Սեբաստիոյ առաջնորդ Պետրոս եպիսկոպոսի հետ Կ. Պոլիս եկաւ, և անկէ Դպրեվանք յղուեցաւ, և Դուրեանի ձեռնադրած տասներէն մին եղաւ: Առաջնորդական պաշտօններ վարեց Սեբաստիա, Սամսոն և Պրուսա, ուսկից ինքնամատոյց յանձնառու եղաւ Երզնկա երթալ պատերազմի դժուարին ժամանակամիջոցին, այլ տեղը չհասաւ, և Շապինգարահիսարի կողմերը ըսպաննուեցաւ: Գաւառական պաշտօններու համար արթուն և անձնուէր պաշտօնեայ մըն էր:

17. Մեհրուժան Գոնսոլեան, Աշխարունի, աւագանէն Տիգրան, Մարզուանցի. Դպրեվանք յղուեցաւ պատրիարքութենէս ետքը. ձեռնադրուեցաւ տասներու շարքին մէջ, առաջնորդական պաշտօնով Արաբկիր յղուեցաւ, և գոհացուցիչ պաշտօնավարութիւն ունէր, երբ անակնկալ որոշմամբ սքեմէ և կուսակրօնութենէ հրաժարեցաւ և ուսուցչութեամբ սկսաւ զբաղիլ: Այդ վիճակին մէջ տարագրութեան ենթարկուեցաւ, և տիրող խռնակութեանց միջոցին հաւանաբար բռնական մահուամբ կեանքն ալ կնքեց:

18. Երուանդ Փերսահնեան, աւագանէն Յովհան, Ամասիացի, նախընթացին ընկեր վանք երթալուն մէջ և տասն օժակիցներէն մին: Ուսուցչական պաշտօնով գանուեցաւ Ամասիա, և առաջնորդական պաշտօնով Քղի և Երզնկա, և վերջէն Զաւէն պատրիարքէ պատրիարքական փոխանորդութեան կոչուեցաւ, և անոր պաշտօնէ դադարելէն ետքը սա ալ Երուսաղէմ յղուեցաւ: Սինոդի անդամակցութիւնը կառավարութենէ չընդունուեցաւ, և Երուսաղէմ կը գտնուէր երբ մենք անկէ հեռացանք, և կը կարծենք թէ այնտեղ կը մնայ քաղաքին պրաւուելէն ետքն ալ: Երուանդի նկարագիրը լաւ վարչականութիւն է:

19. Արսաւազդ Գալեհեան, աւագանէն Եփրեմ, Պրուսայի Եէնիճէէն, տաղնապի ժամանակին ցրուած դասարանին մնացորդներէն և Դուրեանէ միասին ձեռնադրուած տասներէն մին: Դա

ւառական ինչինչ պաշտօններէ ետքը Եդեսիոյ առաջնորդ ընտրուեցաւ և գովութեամբ վարեց. տարագրութեան ժամանակ Եդեսացւոց ընդդիմութեան մասնակից սեպուեցաւ, և քաղաքին ընկճուելուն վրայ ինքն ալ դատուեցաւ ու սպաննուեցաւ: Արտաւազդ վարչական խոհականութեան հետ յատուկ յաջողակութիւն և գործունէութիւն ունէր երգեցողութեան և երաժշտութեան համար:

20. Կորիւն Եսայեան, աւագանէն Բարունակ, Ասլանպեկցի. սա ալ ցրուած դասարանին մնացորդներէն, և տասներուն մէջ ձեռնադրուած: Իւր համարձակ տեսութիւններով և չափազանցեալ յայտարարութիւններով պաշտօնական դիտողութեան ենթարկուեցաւ, և Բալուի պաշտօնավարութենէն ետքը Մարաշի առաջնորդութեան կոչուեցաւ Մուշեղի պաշտպանութեամբ, եւ արթուն գործունէութիւն ցուցուց: Սակայն մահացու հիւանդութեան հանդիպելով տարածամ կերպով մահկանացուն կնքեց Մարաշի մէջ:

21. Ղեւոնդ Դուրեան, աւագանէն Գառնիկ, Սկիւտարցի, Դուրեանի մերձաւոր հօրենական ազգակցութեամբ: Դպրեվանք գնաց պատրիարքութեանս ատեն և տասներու դասարանին ընկերակցեցաւ և միասին ձեռնադրուեցաւ: Պատրիարքարանի մէջ անձնական քարտուղարութիւն վարեց. մէկ երկու մանր հրատարակութիւններ ալ հանեց, և վարդապետներէ շատերուն կասկածելի դառնալուն պատճառով՝ նորոգուած Կրօնական Ժողովոյ անդամակից ընտրուեցաւ. Դուրեան տեղապահէն փոխանորդութեան կոչուեցաւ և անկէ ետքն ալ շարունակեց, թէպէտ նպաստից բաշխման գործին մէջ խօսից առիթ տուաւ: Անդրիանուպոլսոյ առաջնորդ ընտրուեցաւ և նոյն վիճակին վրայ եպիսկոպոսացաւ: Պուլկարիա այցելու ղրկուեցաւ եւ առաջնորդ ընտրուեցաւ, և պուլկարական կառավարութենէ ալ ընդունուեցաւ, և նոյն պաշտօնին վրայ կը մնայ մինչև ցայսօր: Վարուելու և շահելու կարողութիւն ցոյց տուած է իւր պաշտօնավարութեանց մէջ:

22. Գարեգին Խաչատուրեան, աւագանէն Խաչիկ, ծննդեամբ Տրապիզոնցի և սննդեամբ Կ. Պոլսեցի: Մխիթարեանց Մուրատ-Ռափայէլեան վարժարանին ալ աշակերտած, այլ դաւանական

աարբերութեան պատճառով ետ եկած և եկեղեցականութեան փափաքով Դպրեվանք գացած, և տասներուն դասակից և օժակից եղած: Ուսուցչական և տեսչական պաշտօն է ունեցած Ստյաթոռին մէջ, եւ առաջնորդական պաշտօն վարած Մարաշ եւ Արաբկիր. Դպրեվանքին մէջ ալ ուսուցչութիւն եւ տեսչութիւն ըրած է, և վերջէն Գոնիայի առաջնորդ ընտրուած և յաջողակութեամբ վարած է: Տարագրութեան առթիւ Մամպուճ տարուած, ուսկից Երուսաղէմ եկաւ Սինոդի անդամակցութեան ընտրուելով եւ հաստատուելով, եւ կաթողիկոս-պատրիարքին իւր ժողովականներուն հետ Երուսաղէմէ հեռացուցուած ատեն Գարեգին ալ Դամասկոս եկած, ուր կը մնայ տակաւին: Վարչական եւ ուսուցչական ճիւղերու հետ՝ եւ թերեւս աւելի՝ գրականին հետամուտ է նա, յատկապէս բանասիրական ճիւղը մշակելով:

23. Գրիգորիս Պալաֆեան, աւագանէն Գրիգոր, Կ. Պոլսեցի, Սանասորեան վարժարանէ ընթերցաւարտ եղած, մեքենագիտութեան հետեւելու համար Գերմանիա յղուած, և դառնալէն հաջորդապէս երկաթուղեաց եւ էրէյլիի ամխահանքերուն մէջ պաշտօն վարած: Քանիցս եկեղեցականութեան փափաք յայտնելէ հաջորդ, իմ մէկ անորոշ գրութեամբս Զօնկուլտաքէ Արմաշ կ'երթայ եւ Դուրեանէ յարմար դատուելով՝ տասներու դասարանին մէջ կ'ընդունուի եւ միասին կը ձեռնադրուի: Գասթէմունի առաջնորդական պաշտօնով երթալէն հաջորդ պատրիարքարանի անձնական քարտուղարութեան մէջ Ղևոնդ Դուրեանի հետ միասին կը պաշտօնավարէ և նոյն պատճառով Կրօնական ժողովի ալ կ'անդամակցի: Գերմանիա վերադարձած էր աստուածաբանական ուսմանց մէջ զարգանալու համար, երբ պատերազմի սկիզբները Կ. Պոլիս կը դառնայ, և մայրաքաղաքէ որոշակի հեռացուածներէն մին կ'ըլլայ, և մինչև Տէր-Զօր կը յղուի. սակայն կը յաջողի Պաղտատի երկաթուղւոյն մէջ իրրեւ պաշտօնեայ մտնել, եւ վերջերը Իսլահիէի կողմերը կը յղուի, սակայն այս օրեր ուր գտնուիլը ստուգուած չէ: Աւելի արտաքին դորձառնութեանց քան թէ եկեղեցական աստիճանին պահանջից յարմարութիւն եւ վարժութիւն կը ցուցնէ:

24. Եղիշեկ Խաչերեան, աւագանէն Սուրէն, Պարտիզակցի:

Դպրեվանքի տագնապէն առաջ աշակերտութենէ արձակուած կենսական գործարանաց տկարութեան պատճառով, բայց յետոյ վտանգէ զերծ կարծուելով՝ Դուրեանէ հրաւիրուած, և իւր իսկ անունով ձեռնադրուած տասներուն շարքին, միանգամայն Չմիւռնիոյ առաջնորդութեան գացած ատեն միասին տարած: Սակայն վիճակը ծանրանալով՝ հիւժախտէն վտանգուած կը վախճանի իւր նորահաս երիտասարդութեան տարիքին մէջ:

25. Պարգեւ Դանիելեան, աւագանէն Հայկ, Ոսկեղջուրի Խասգիւղցի. իբրև որբ և անօգնական տղայ գերմանացի մարդասէրներէ Գերմանիա կը տարուի Կ. Պոլսոյ 1896ի կոտորածէն ետքը, բայց կրօնափոխութեան չհաւանելով պատրիարքարան կը դիմէ և զինքը ետ բերել կուտամ և Դպրեվանք կը յղեմ: Կ'աշակերտի Դուրեանի վերատեսչութեան երկրորդ շրջանին, որոցմէ չորսը արդէն սարկաւազ եղած էին Դուրեանի Չմիւռնիա մեկնած ատեն, ուստի քահանայական և արեղայական կոչման ժամանակը հասնելուն՝ յատկապէս զինքը Չմիւռնիայէ կը հրաւիրեմ իրենները ձեռնադրելու, ինչպէս որ ալ կը գործադրուի: Պարգեւ Նիկոմիդիոյ առաջնորդին օգնականութենէ ետքը ուրիշ առաջնորդական պաշտօններ վարեց և տարագրութեան միջոցին Պրուսայի վիճակը կը գտնուէր, ուսկից ոչ միայն տարագրուեցաւ, այլև ամբաստանուեցաւ և դատապարտուեցաւ և Տէր-Չօրի մէջ բանտարկուեցաւ: Վերջին տեղեկութեանց համեմատ բանաէ ազատած առանձնական կեանք կը վարէ նոյն կողմերը: Պարգեւի չի պակսիր ոչ աշխատասիրութիւնը և ոչ յաջողակութիւնը:

26. Շաւարժ Սահակեան, աւագանէն Արշաւիր, Շապինգարահիսարցի, Դուրեանի վերջին ձեռնադրած չորսերէն մին. առաջնորդական պաշտօնով գտնուեցաւ զլիսաւորապէս Եւզոկիա, և արդիւնաւոր աշխատութեամբը կը գովուէր, երբոր տարագրութեան միջոցին հեռացուեցաւ, և նոյն առիթով սպաննուեցաւ, ինչպէս վստահելի տեղեկութիւններէ կը քաղենք: Խոհականու անխոնջ աշխատող մըն էր, որ լաւ ապագայ կը խոստանար:

27. Շահե Գասպարեան, աւագանէն Հմայեակ, Այնթապցի, և չորս օժակիցներէն մին: Հալէպի առաջնորդութենէ վերջը Ատանայի առաջնորդութիւնը կը վարէր ընդհանուր համակրութեամբ

ու արդիւնաւոր դործունէութեամբ, երբ ուսումնական զարգացման փափաքանօք պաշտօնէ հրաժարեցաւ և Ամերիկա ուղևորեցաւ: Այնտեղ կը գտնուի տակաւին և աստուածաբանական ճիւղին համալսարանական կանոնաւոր ընթացքը կը կատարէ յաջողութեամբ, միանգամայն հոգևոր հովիւի եկեղեցական պարտաւորութիւնն ալ կը լրացնէ: Ապագային համար արժանաւոր և օգտակար զարգացեալ եկեղեցական գործիչ մը ըլլալու սահմանուած կը տեսնուի:

28. Պսակ Տեր - Խորէնեան, աւագանէն Անուշաւան, Գուրտպէլէնցի, Գուրեանի վերջին չորսերուն կրտսերագոյնը: Միջոց մը մայրաքաղաքի մէջ քարոզչութեամբ և մասնաւոր աշխատութիւններով վարժուելէն ետքը՝ առաջնորդական պաշտօնով Բղի և անկէ Խարբերդ յղուեցաւ, և ակնկալութիւնները արդարացուց: Սակայն տարագրութեանց ատեն նա ալ քաղաքէն հանուեցաւ և ճանապարհին սպաննուեցաւ, ժիր երիտասարդութեան հասակին մէջ, երբ լաւագոյն ակնկալութիւններու իրաւունք կ'ընծայէր: Այստեղ կը փակուի Գուրեանի ձեռնադրած տասնուչորսերու շարքը:

29. Սուրէն Գալեմեան, աւագանէն Պօղոս, Արաբկիրցի, Գուրեանի օրէն կազմուած դասարանէն, որոց սարկաւազութիւնը ես տուած էի, իսկ քահանայական ձեռնադրութիւնը կատարուեցաւ իմ պատրիարքութենէ ելլելէս ետքը, և Նիկոմիդիոյ առաջնորդ Յովակիմեանի յանձնարարուեցաւ 1909ին վանք ելլալ և ձեռնադրել, ինչպէս որ ալ կատարեց: Սուրէն Բաղէշի առաջնորդութիւնը կը վարէր տարագրութեան ատեն, և քաղաքացուց հետինքն ալ հանուեցաւ, և սպաննուած ըլլալը վստահելի լուրերէ քաղուած է: Գործունեայ և աշխոյժ բնաւորութեամբ ապագային համար լաւ յոյսեր կը ներշնչէր:

30. Գեղամ Թեվեֆեյեան, աւագանէն Խաչիկ, Շապինգարահիսարցի, վերինին ընկերակից և օժակից: Առաջնորդական պաշտօնով Բղի յղուեցաւ և ազգային տագնապին ատեն սա ալ տարագրուեցաւ և սպաննուեցաւ: Բնութեամբ հեզ և մեղմ, բայց գործով ժիր երիտասարդ էր Գեղամ եւ յուսալից ապագայ կը խոստանար:

31. Վահրամ Նազարեթեան, աւագանի անունը պահած, Նիկոմիդացի, եւ վերջին երեքներուն ընկերակից եւ օժակից: Սա կանուխէն մտադրած էր Թուրքիայէ հեռանալ, և առաջին առիթով Ամերիկա ուղեւորեցաւ, ուր հոգեւոր հովիւի պաշտօն կը վարէ, այլ թէ զարգացման կը հետեի՞, մեզի անձանօթ կը մնայ:

32. Համազասպ Եղիսեան, աւագանէն Յակոբ, Եօզղատցի, վարժապետութեամբ զբաղած և կանուխէն ալ Իպրեվանք գալու խնդրանք մատուցած, բայց յետաձգուած տարբեր յարաբերութեան մէջ գտնուելուն համար: Վերջերը նորէն դիմում կ'ընէ և կ'ընդունուի հասունացեալ տարիքի մէջ, եւ ձեռնադրութեան պատրաստուած երկու սարկաւազներու կ'ընկերակցի, եւ ասոնք ալ կը ձեռնադրուին Յովակիմեանէ 1910 ին: Առաջնորդական պաշտօնով կը յղուի Սամսոն - Ճանիկի վիճակը կառավարելու, և տարագրութեան ատեն քաղաքէն կը հանուի եւ կը սպաննուի:

33. Հրանդ Յովասափեան, աւագանէն Արմենակ, ծննդեամբ Կարնեցի, կամ աւելի ճիշդը Ռապաթ գիւղը ծնած եւ Կարին մկրտուած, եւ անդեամբ Կ. Պոլսեցի դարձած: Յովակիմեանի վերջին ձեռնադրած երեքներէն մին: Համեստ և փութաջան երիտասարդ մըն էր, և Զմիւռնիոյ առաջնորդ Ինճէեանէ ալ օգնական ընտրուած և գոնութեամբ ու գովութեամբ պահած էր: Սակայն կենցաղին վրայ կասկածներ հրաւիրելով արձակուած և Կ. Պոլիս դարձած էր, ուսկից տարագրութեանց առթիւ Իոնիա աքսորուողներէն մին կ'ըլլայ, բայց կառավարութեան անձնուէր ծառայութիւն խոստանալով կ'ազատի, եւ Կ. Պոլսոյ մէջ Տանար շաբաթաթերթը կ'սկսի հրատարակել կառավարութեան ծախքով և ուղղութեամբը: Այս է իւր այժմեան զբաղումը Ֆէրիքէօյի քարոզչութեան հետ միասին:

34. Հմայեակ Պաղսասարեան, աւագանէն Թորոս, Պիլէճիքցի, նախընթաց երկուքին օժակից: Առաջնորդական պաշտօնով Մալաթիա գտնուեցաւ, բայց իւր ընթացքն ու կենցաղը ծանր մեղադրանաց տեղի տուաւ, և տարագրութեան ատեն իւր գլուխէն ալ փորձանքներ անցան, մինչև զինուորագրուելով՝ զորձաւորներու խումբին մէջ դրուցաւ, եւ վերջապէս ազատելով

Երուսաղէմ յղուեցաւ, ուր թողուցինք զինքը և անշուշտ այնտեղ կը մնայ տակաւին:

Նարոյեան իւր Արմաշի պաշտօնավարութեան ատեն երկու սարկաւազներ ձեռնադրած էր, որոնք տարագրութեան առթիւ Կ. Պոլիս եկած էին աշակերտներուն հետ: Հոն պատրիարքարանի հաւանութեամբ երկու սարկաւազները կը ձեռնադրէ, բայց առաջին պատարագնին չմատուցած՝ Երուսաղէմ երթալու համար ճանապայ կը հանուին, ուր իրենց նախընծայ պատարագնին ալ մատուցին սովորական հանդիսութեամբ: Այս երկուքն են.

35. Մամբրէ Սիրունեան, աւագանէն Արշամ, Կարնեցի, որ Երուսաղէմի մէջ դպրանոցին կառավարչութեան կոչուեցաւ:

36. Խորէն Թաւնեան, աւագանէն Կարապետ, Զիլէցի, որ ժամարարութեան և կարգավարութեան կը հետևէր և չափաւոր կերպով ալ ուսմանց կը զբաղէր պարապորդութենէ խուսափելու համար:

Ահա՛ 1889էն մինչև 1916 քսանըեօթը տարիներու մէջ Դըպրեվանքի տուած վեղարաւորաց արտադրութիւնը երեք հարիւրէ աւելի ընդունուած աշակերտութեան մէջէն: Այս երեսունըվեցները կրնանք այժմ բաշխել հետևեալ կերպով.

Հիւանդութեամբ վախճանածներ՝ 4 — Աղան, Թաթուլ, Կորիւն, Եղիշէ:

Բռնամահ վախճանածներ՝ 13 — Խոսրով, Սմբատ, Մաշթոց, Վահրիճ, Մկրտիչ, Սահակ, Մեհրուժան, Արտաւազդ, Շաւարշ, Պսակ, Սուրէն, Գեղամ, Համազասպ:

Աւելի կամ նուազ խստութեամբ տարագրուածներ՝ 8 — Զաւէն, Երուանդ, Գարեգին, Գրիգորիս, Պարգև, Հմայեակ, Մամբրէ, Խորէն:

Արտասահման գտնուողներ՝ 7 — Բաբգէն, Մուշեղ, Թորգոմ, Տիրայր, Ղևոնդ, Շահէ, Վահրամ:

Հանդարտ մնացածներ՝ 4 — Փառէն, Գնէլ, Մեսրոպ, Հրանդ:

Եպիսկոպոս եղողներ՝ 9 — Բաբգէն, Խոսրով, Զաւէն, Մուշեղ, Սմբատ, Թորգոմ, Գնէլ, Մեսրոպ, Ղևոնդ:

Կարգաթողներ՝ 2 — Մաշթոց, Մեհրուժան:

Դպրեվանքը որչափ ալ վեղարաւորաց զարգացման նպատակին կը հետևէր, քահանայութեան և վարժապետութեան դասակարգերն ալ բարձրացնելու նպատակին կը ծառայէր, և իւր առաջին շրջանը ասոնց բաւականութիւն տալու ծրագիրով կազմած էր: Սակայն Դպրեվանքի առաջին շրջանը լրացնողներն իսկ ստորնացուցիչ և անգոհացուցիչ կը տեսնէին քահանայական աստիճանը, և խորշելով կը խորշէին քահանայական դասակարգին մանելէ: Ըստ այսմ երեք հասունացեալ տարիքով քահանայութեան պատրաստուելու համար եկողներէն զատ, որք են՝ Պուքրէշի Յարութիւն Սարգիսեանը, Մարաշի Հմայեակ Վարժապետեանը և Այնթապի Ներսէս Թավուզճեանը, նաև Ջլղատեանէ զատ՝ միայն երեք հատ կը յիշեմ քահանայ ձեռնադրուած Դպրեվանքցիներ, որք են Եղնիկ Թէքէեան՝ Մըխալըճցի, Համազասպ Պետիկեան՝ Վառնացի և Արշակ Նժդեհեան՝ Կովկասցի: Շատեր շատ տեղերէ հրաւիրուեցան, բայց մերժեցին: Հետաքրքրական է այս մասին Զաւէնի պարագան: Երբոր առաջին շրջանին երրորդ դասարանը աւարտողներուն կուսակրօնութեան մասին առաջարկներ կ'ուղղէի՝ զինքն զանց ըրի, քանի որ քահանայութեան նպատակով եկած էր՝ իւր հօր Պաղտատի փոխանորդ Աւետիս Տէր-Եղիայեան քահանայի առաջարկութեամբ: Ուստի ինքն ներկայացաւ իրեն մասին հարցում ուղղելու, և երբ ես կանխաւ եղած մտադրութիւնը յիշեցուցի՝ «Ի՛նչ, ըսաւ, անոնք վարժապետ և եպիսկոպոս պիտի ըլլան և ես քահանայ մնալով անոնց ոտքին խալիւ՞՞ պիտի փռեմ»: Եւ այս կերպով ինքն ալ կուսակրօն սարկաւագութեան ընդունուեցաւ: Բախտը անանկ բերաւ որ առաջին ինքն պատրիարք ընտրուելով՝ ամենէն աւելի բարձրացած եղաւ:

Իսկ վարժապետութեան հետևողներ շատ եղան, գրեթէ բոլոր Դպրեվանքի ծրագիրին առաջին մասը լրացնողներ, նոյնիսկ ամբողջապէս չլրացնողներն ալ:

Ինծի չիյնար Դպրեվանքին արդիւնաւորութիւնը գովաբանել, սակայն իրողութիւններ ինքնիրեն կը խօսին: Դպրեվանքով կուսակրօն եկեղեցականութեան զարգացումը ընդարձակուեցաւ, պատիւը բարձրացաւ, արդիւնաւորութիւնը տարածուեցաւ, անձնուէր ծառայութեան սկզբունքը նուիրագործուեցաւ, և զաւառներու ու վիճակներու պէտքերը լրացնելու փու-



Թաղան և յօժարակամ աշխատողներ առատացան: Ի պրեզիանքի վեղարաւորներէն մէկուն կամ մէկալին վրայ նշմարուած կամ խօսուած թերութիւններ կոչումին էութեան դէմ չեն, և առաւելագոյն արդիւնաւորութեան մէջ կ'ընկղմին, և վերջապէս երբեք հրեշտակներ հասուցած ըլլալու յաւակնութիւնը չունինք և չունեցանք, ապաթէ ոչ այս բժախնդիրներ Յիսուսն ալ պիտի քննադատէին և պարսաւէին՝ տասներկու ընտրուածներէն մին Իսկարիովտացին եղած ըլլալուն համար:

## ԸԶ

Դատնակոս, 1918 ապրիլ 30/13 մայիս ԲՂ.

Գրութիւնս իւր պատահական և կցկտուր ոճովն ալ բաւականաչափ տեղեկութիւն տուած կը կարծեմ՝ թէ՛ իմ կենսագրական տեղեկութեանցս և թէ՛ մտաւորական տեսութեանցս մասին, այնպէս որ գայն աչքէ անցընողը կրնայ որևէ գաղափար մը կազմել անձիս նկատմամբ, և որովհետև անկեղծօրէն իսկութիւնը յայտնել ջանացած եմ, կրնայ միանգամայն իւր սկզբունքներուն և գաղափարներուն համեմատութեամբ զիս գնահատել կամ քննադատել:

Ինչ որ առաջին տեսութեամբ մը ամենուն աչքին պիտի զարնէ, կեանքիս այլևայլութիւններն են: Սովորական կեանքերը ընդհանուր նկարագիր մը կամ կերպարան մը կ'ունենան, և իրենց կենցաղն ու զբաղումը, գործերն ու անցքերը անոր շուրջը կը դառնան, և միօրինակութիւն մը կը տիրէ՝ ոչ աստիճանով այլ տեսակով, կ'աճի կամ կը նուազի, կը շատնայ կամ կը քիչնայ, բայց վերջապէս միեւնոյն կեանքի շրջանակին մէջ կը մնայ: Ասոր հակառակը եղած է իմ կեանքը. շատ մը իրարմէ սարբերու իրարու անյարիր շրջաններու համախմբութիւն մը, անկապակից տեսութեանց միաւորութիւն մը, եւ փոխադարձաբար՝ անկախ գործերու գումարում մը: Ես իսկ վարանոտ անորոշութեան մէջ կը գտնուիմ, երբոր կ'ուզեմ ճշգել թէ ինչ եղած

է կեանքիս տիրող նկարագիրը: Ո՛ւր Անտոնեանց վանքին երկիւղած ու բարեպաշտ ուսանողը, և ո՛ւր Վատիկանի դէմ պայքար մղող հաստատամիտ գործիչն ու գրիչը: Ո՛ւր հռոմէական դրութեան ջատագով աստուածաբանը, և ո՛ւր հակահռոմէական աստուածաբանութեան եռանդուն ուսուցիչը: Ո՛ւր եւրոպական ոստաններու մէջ հանգստաւէտ կեանքով ապրողը, և ո՛ւր Հայաստանի անկոխ լեռներն ու անշէն ձորերն ու շինական խրճիթներուն մէջ զուարթամիտ թափառողը: Ո՛ւր պահպանողական սկզբունքներով սնած ու գործած աշակերտը, և ո՛ւր ազատամիտ եւ լայնախոհ սկզբունքներու հետեւողն ու պաշտպանողը: Սակայն իրականութիւն մըն է, որ այս ամէնն ալ ճշմարտուած են իմ կեանքիս մէջ, եւ իրարու ներհակ ծայրերու ծառայելով մէկտեղ՝ ո՛չ ինքնութիւնս եմ կորուսած, և ո՛չ իսկութիւնս շփոթած, ո՛չ անարգանաց հանդիպած, և ոչ զարմացմանց տեղի տուած, այլ միեւնոյն և ինքնիրեն համաձայն անհատականութիւնս եմ պահած:

Ես իմ մէջս ամփոփուելով՝ այս տարբերեալ ու տարուբերեալ ու ի չհամազգեաց կազմակերպեալ կեանքիս ուրիշ մեկնութիւն չեմ գտնար, բայց եթէ լաւագոյնին դիմելու անկեղծ տենչանքը, և անդրագոյն մղումէ առաջ եկած վիճակիս և համոզմանս անկեղծօրէն ծառայելը, և լաւէն լաւագոյնին և լաւագոյնէն ամենալաւին տեսութիւնն ու գիտակցութիւնն ստացած ատեն, համարձակ յառաջանալու հաստատուն միտքս, ասոնց հետ միացընելով տեսականաբար (որէնքին և գործնականաբար Իշխանութեան հեղինակութիւնը յարգելու անխարդախ կամքը: Այդ ընթացքը ոչ հողերանական ներհակութիւն և ոչ տրամաբանական հակասութիւն կը ներկայէ, և հետեւաբար գործադրելի ըլլալու դժուարութիւն չի պարունակեր:

Նորահաս կամ լաւ եւս տնաս աշակերտութեանս ժամանակ տեսածիս հետեւելով և թելադրուածին համակերպելէ տարբեր բան մը չէի կրնար ընել, և խղճմտութեամբ վարեցի այդ դերը օրինակելի ճշդապահութեամբ: Կրօնական սկզբունքներս, դաւանական ըմբռնումներս, գործնական արարքներս միեւնոյն ուղղութեան վրայ պահեցի. տարբեր համոզում չէի կրնար ունենալ, տարբեր ընթացք ալ պէտք չէր որ ունենայի: Չափահաս աշակերտութեանս և հետախոյզ ճիգերուս մէջ գտնուած դաւանանքս

սկսաւ զիս չգոհացնել, հռոմէացաւան սկզբունքներուն հիմերը սկսան տկար երեւնալ, գործածուած փաստեր կամայականութեան ձեւեր և այլևայլութեան իմաստներ սկսան ցուցնել, բայց տակաւին իմ վրայ չէի զգար այնչափ հեղինակութիւն և այնչափ փորձառութիւն, որ կարենամ կացութիւնը յուզել և խղել: Եկեղեցական պատմութեան մրցակից քննութեան մէջ միջնադարեան հաւատաքննութեան պաշտպանութիւնը նիւթ տրուեցաւ, այնպէս պաշտպանեցի՝ որ մրցանակը տարի, թէպէտ համոզումս լիուլի չէր: Աստուածաբանական մագիստրոսութեան հանդիսական քննութեան մէջ պապական իշխանութիւնը այնպէս պաշտպանեցի՝ որ հռոմէականներն ալ զարմացուցի, թէպէտ ըմբռնումս համաձայն չէր: Սակայն համալսարանական ծրագիրը այս էր, և ես այս ծրագիրին աշակերտած էի, և ուսումնական իշխանութեան հեղինակութեանը դէմ ըմբոստանալու ոչ պարագայք կը ներէին և ոչ օրինաւորութիւնը կը թոյլատրէր: Պարտեոյ եւ Պահանջից և Պատշաճից հպատակիլը գերագոյն իմաստութիւնն է, ուսկից երբեք բաժնուիլ չեմ ուզած:

Հակահասունեան խնդիրին ախոյեաններէն եղայ, գործով պայքարեցայ, գրիչով մաքառեցայ, հռոմէական պապութեան դէմ համարձակ կռուեցայ, ես որ հռոմէական դրութեան խորերը թափանցած էի և հռոմէականութեան հլու հպատակ կը կարծուէի: Սակայն անիրաւ պահանջները, ապօրէն ձեռնարկները, անձնատէր նպատակները, անարգարանալի արարքները մերկապարանոց և սկնյայտնի էին. առաջին ըմբռնումներս աճած էին, փորձառութիւնս լրացած էր, մտայնութեանս փոփոխութիւնը կատարեալ էր, աւելի առաջ ալ երթալու մտադրութիւնս կազմուած էր, բայց աստիճանաբար յառաջելը խոհեմութեան պահանջ էր, և ես այս միտքով ճանապոյ կ'ելլայի: Ոչ կիրքն էր իմ առաջնորդը և ոչ շահն էր իմ ռահահորդը: Հաւանաբար աւելի հանգիստ և օգտաւէտ ապագայ մը կը խոստանար ինձի հռոմէացաւան եկեղեցին, քան տառապեալ ու տազնապեալ հայադաւան եկեղեցին, որուն հեռուէն հեռու կը դիմէի, սակայն բարոյական պարտք կը զգայի ոչ անձնդիւրութեան, այլ անձնուրացութեան նպատակով գործել: Սքեմը թողլով, ոչ մերժելով և ոչ հրաժարելով, աշխարհական կեանք ալ վարեցի, բայց աշխարհիկ կենցաղի չծառայեցի, յանձնարարեալ գործունէութիւն իրը պայման

գործածեցի, չափն ու կանոնը այնպէս խղճմտօրէն կարգադրեցի, որ ոչ մեղադրանքի տեղի տուի և ոչ վերստին սքեմի դարձած ատենս զիտողութեան պատճառ տուի, և ոչ ալ դժուարութեան զիմաց գանուեցայ. անցողական միջադէպի մը պէս աննը՝ շանակ պահեցի. կերպարան մըն ալ այս էր որ անցուցի. կերպարաններու տարբերութեան մէջ թիւ մը միայն աւելցուցի:

Հայադաւան Եկեղեցին վերադարձայ, ուսկից մէկ երկու ծնունդով միայն հեռացած էին նախնիքս, և որուն աւազանին մէջ կնքուած էին հայրս և մեծ հայրս: Այս անգամ ալ ոչ բախտն էր իմ փնտռածս և ոչ փառքն էր իմ հետապնդածս: Ներսէս պատրիարքէն խնդրած էի զիս վարչական ստպարէզէ հեռու պահել և գրական համետ չըջանակի մը մէջ թողուլ: Ներսէս ինքն ալ վերադարձիս օրուան զգայուն ատենաբանութեան մէջ ըսած էր. «Հոռմին տպարանքը թողուցիք և Հայուն հիւղակը եկաք». բայց և կ'աւելցնէր. «Հոն հիւր էիք, հոս տանուտէր էք, այն ձերը չէր, այս ձերն է»: Ահա՛ իմ ընթացքիս ալ հիմը: Հայ Եկեղեցւոյն վրայ այնչափ աւելցած էր համակրանքս, որչափ ուսումնասիրած եմ անոր ներքինը. այնչափ ազատամիտ և լայնախոհ դտած եմ անոր իսկութիւնը, որչափ բաղդատած եմ ուրիշ եկեղեցիներու հետ: Այս բաղդատական և խորաթափանց հետազօտութիւնը չեմ կարծեր թէ հայ եկեղեցականութեան մէջ աւելի լիովին կատարող կամ աւելի հեղինակօրէն կատարել կրցող ուրիշ մը գտնուի: Պարագաներն են որ զիս երկկողմանի կանոնաւոր ուսումնասիրութեանց մտցուցին, և ես եղելութիւնը գիտել կուտամ և ոչ թէ կարողութիւն կ'ուզեմ ցուցնել: Սակայն Հայոց Եկեղեցին կը նկատեմ իւր նախնական կացութեան մէջ, Պարթևազանց և Թարգմանչաց դարերու եկեղեցին, զերծ ունիթորական և աղթարմայական և Մխիթարեան պատուաստներէն: Հայոց Եկեղեցի հրատարակութեանս մէջ այս միտքս երկարօրէն բացատրած եմ. ա՛յն է իմ դաւանանքս, ա՛յն է իմ հաւատքս:

Կրօնական սկզբունց մէջ պահպանողական մըն եմ, բայց պահպանողականութեամբ աղաւաղմանց և յաւելմանց պաշտպանը չեմ. հինն է իմ նպատակս, նորելիքները և եկամուտները և օտարամուտները պաշտպանել պահպանողականութիւն չէ: Դարուս հոգին թեթեւութիւն կ'ուզէ. պարտաւորիչ կէտեր քիչ, միտք յոգնեցնողը սակաւ, ձեռք կաշկանդողը պակաս, բեռ աւ

ւելցնողը նուազ, եւ այսպէ՛ս է Հայոց Եկեղեցին: Բայց պիտի կարենա՞նք այդ վիճակը իրականացնել, օտարամուտը թօթափել, նորելիքները կարճել, եկամուտները վտարել: Այսօրուան վաղուան գործ չէ ասիկա. իմ արեւն ալ մտնելու վրայ է, ես տեսնելու յոյս չունիմ. բայց ապագային վրայ յոյս ունիմ, միայն թէ օրինաւոր ճանաչով յառաջացուի, յախուռն ձեռնարկներէ զգուշացուի, կամայական որոշումներու տեղի չտուի, նախնականը ըլլայ օրէնք, բուն հայկական Եկեղեցին ըլլայ զգուշութիւն:

Ոչ փափաքած՝ այլ պարտաւորութեամբ գաւառական առաջնորդութիւնը յանձն առի յօժարակամ. հարկաւորը կամաւոր ընել գործոց կանոն է ինծի համար. հարկը արդիւնքի փոխակերպել իմաստութիւն է իմ համոզմամբ: Եւ որովհետեւ պարտաւորութիւնը գերագոյն տէր է՝ մոռցայ գրականը, մոռցայ ուսումնականը անձնական տեսակէտէն, վարչութիւն ու կրթութիւն եղան այն օրէն իմ երկու թեւերս, որոնցմով գործեցի, որոնցմով սաւառնեցայ: Առաջնորդարան և վարժարան, քաղաք և աւան, գիւղ և շէն եղան ասպարէզս, միայն ասոնց դարձուցի մտադրութիւնս, զի շատ բաներու ետեւէն միանգամայն հետապնդողներ՝ ոչ մէկուն մէջ կրնան յաջողիլ: Նոր կեանք և նոր կերպարան, ոչ եւս հռոմէական դաւանական ուսումներ, ոչ եւս կաթօլիկական ումպէտ պայքարներ, ոչ եւս գիրի և գիրքի քաղցր զբաղումներ. ժողովրդական տառապանքներու հոգացողութիւն, հայաբնակ անկիւններու այցելութիւն, նեղութիւններ եւ դժուարութիւններ խափանելու՝ գոնէ նուազեցնելու՝ ջանքեր, մանուկներ դաստիարակելու, վարժարաններ շատցնելու և բարեկարգելու փութաջանութիւն. ահա՛ նոր կեանքիս կերպարանը, նախընթացէն բոլորովին օտար, կարծես բերում ու միտում այլայլած, էութիւն և բնութիւն փոխած մէկն ըլլայի:

Նորութիւն մըն էր հայաբնակ գաւառներու բարօրութեան խնդիրը, և ես ալ հայաբնակ գաւառներէն կարեւորագոյնին մէջ պաշտօնի գլուխ կը դտնուէի. անտարբեր գտնուիլ անհնար էր, և կը խոստովանիմ թէ չգտնուեցայ: Ասով չեմ իմանար թէ կուսակցութեանց մէջ գտնուեցայ, կամ կուսակցականաց համակիր եղայ, կամ անխորհուրդ ձեռնարկներու մասնակցեցայ, կամ վրտանգաւոր քայլեր քաջալերեցի: Գործը իրեն օրինաւոր և ար-

դարացի կողմն ալ ունէր և անկէ դուրս չելայ: Զրպարտուեցայ, բայց չամբաստանուեցայ. հսկողութեան ենթարկուեցայ, բայց չդատապարտուեցայ. առանց պաշտօնական որևէ ձեւի մը ենթարկուելու՝ ազատօրէն իմ տեղս դարձայ և դերս պահեցի: Ահա՛ բազմակողմանի կեանքէս նոր դրուագ մըն ալ:

Առաջնորդութիւնը թողլով ուսուցիչ եղայ. նոր կերպարանափոխութիւն սովորական առմամբ դժուարահաւատալի, գործունեայ կերպով դժուար իրականալի, բայց ինծի համար ոչ մէկը և ոչ միւսը. օրինաւոր իշխանութեան կամքը կը պարտադրէր, անհատական բերմունքս ալ համոձայն էր. առաջնորդը լռեց, ժողովրդական տաղտապանքը հեռացաւ, գիրի ու վիրքի, դասերու պատրաստութեան և աւանդութեան շրջան մը բոլորեցի, որ ոչ նախընթացին հետ կապ ունէր, և ոչ հետեւորդին վրայ ազդելու նպատակն ունէր: Տարբերեալ կերպարաններու թիւ մըն ալ այս էր:

Նոր կերպարան Արմաշի Դպրեվանքին մէջ՝ վանական կենաց պահպանութեամբ, հասարակաց կեանքի կանոնաւորութեամբ, վանահայրական մատակարարութեամբ, տեսչական հսկողութեամբ, ուսուցչական աշխատութեամբ, դասագիրքի պատրաստութեամբ, լեռներու մէջ առանձնացեալ, ժխորէ հեռու, վարչական զբաղումներէ ազատ, ներքին կեանք վանքին մէջ, արտաքին կեանք վանքին համար: Այս կերպարանն ալ վարեցի կատարեալ համակերպութեամբ, ախորժ հաճութեամբ, խղճամիտ ճշդութեամբ և անձնուէր պարապմամբ, իբրև թէ ուրիշ բան եղած չըլլայի. բայց չմտնամ որ վանական կանոնաւոր կեանքը իմ սկզբնական օրանս էր եղած:

Վանական առանձնութենէն և գրական զբաղումներէն ետքը դարձեալ ժխորին մատնուեցայ պատրիարքական աթոռին վրայ, ամենէն փոթորկալից և կատարեալ տազնուպալից օրերուն մէջ: Կոտորածներու արիւնը դեռ չպսղած, տառապելոց կականը դեռ չդադրած, որբոց և այրեաց վիճակը դառնացած, անօթիներու և մերկերու թախանձանքները բարձրացած, միջոցներու անբաւականութեան հետ խառնուած, բանտերը զրպարտեալներով լեցուած, դատապարտութիւնները անկշռադատ բազմացած, փախըստականներուն ընտանիքները լքուած: Ասոնց հանդէպ վեհապետ մը կիրքով ու կամքով զայրացած, կառավորութեան նշա-

Նաբանը հայը զրկելն ու վտանգելն եղած, տիրող տարրը սուր շողացնելու և հրազէն պարպելու անպայման արտօնուած, կուսակցական խումբեր զայրացած և զայրացնելու ջանադիր, պաշտպան տէրութիւններ անկարեկիր հանդիսատեսներ դարձած, եւրոպական քաղաքականութիւնը անգործութեան մտած, եւ այս վիճակին մէջ ես հայ տարրը պաշտպանելու, պահպանելու, խընամելու, դարմանելու և բարւոքելու պատասխանատուութեան ներքեւ ընկճուած: Կերպարան մը նոր և նորատեսիլ, անով աւելի դժուարացած՝ որ դիմադրելու միջոցներէ ալ զրկուած կը մնայի, միայն անձնական արթնութիւն, անխոնջ աշխատութիւն, պարագաներու ուսումնասիրութիւն և միջոցներու հայթայթման ճիգերուն վրայ դնելով բոլոր յոյսը:

Երբոր մէկ կողմէն պայքարի ճիգն էր որ կը ծանրանար, պէտք էր ներքին վարչութեամբ ալ զբաղիլ, թաղերու մատակարարութեան հսկել, գաւառաց կազմակերպութիւնը հոգալ, վիճակները առաջնորդներով և վարչութիւններով զօրացնել, վարժարանաց բարեկարգութիւնը քաջալերել, մանկտւոյն առողջ դաստիարակութեան հոգ տանիլ, տնտեսական կացութիւնը ամրացընել, եկեղեցիներու և վարժարաններու անհրաժեշտ նորոգութիւնները լրացնել, եկեղեցական պաշտամանց պայծառութիւնը աւելցնել, քարոզչական պարտաւորութենէ կտեւ չմնալ, միջանկեալ խնդիրները վաճից չընել, Երուսաղէմի կնճիւռով յոգնիլ, էջմիածինի կալուածները պաշտպանել, կարեւոր գրութիւնները անձամբ խմբագրել, և ուրիշ շատ մը այս տեսակ խնդիրներն ու գործերն ալ խնամով հետապնդել, որ տարբեր կերպարան մըն էին վերոյիշեալին յարակից և ընթացակից:

Պատրիարքութենէ ետքը հալածեալի և ամբաստանեալի կերպարանը սկսաւ, և կամայական երկարաձգութեամբ չորս ու կէս տարի շարունակեց. կուսակցական հակառակորդներ զինուեցան, բարեացակամներ գործունեայ դեր ստանձնել շհամարձակեցան, Իզմիրլեան պատրիարք գրգռեց, Իուրեան պատրիարք ներքին իղձը յայտնելու արիութիւն չունեցաւ: Իսկ ես պահ մը վերջ տալու քայլեր առի, այլ շուտով համոզուեցայ գործին քմահաճ կամայականութեան, և այլեւս ձեռնթափ հղայ, և խոր անտարբերութեան մէջ թաղուելով՝ գրաւոր և կարեւոր երկասիրութիւններով ժամանակս արդիւնաւորել ջանացի. կերպարան մըն ալ այս նախընթացներէն տարբեր:

Վերջընթերը Երուսաղէմի պատուիրակութիւնն է, որ պատե-  
րազմի շահնդներով նպատակին չհասաւ. վերջինը Սապայեանի  
նոր պաշտօնը և պատրիարքարանի պետական կամքէ բղխած նոր  
կանոնագիրն է, և այժմեանը Գամասկոսի տարագրութիւնս է :  
Երեքն ալ իրարմէ տարբեր և այժմէութեամբը ծանօթ կերպա-  
րաններ :

Գործնական կեանքիս փոփոխած կերպարաններուն համաձայն  
է իմ ալ պարագայից համեմատ կերպարանափոխուիլը, այնպէս  
որ կարենամ իւրաքանչիւր փոփոխութեան անձնաւորութիւնը ըլ-  
լալ, և իւրաքանչիւրին մէջ ա՛յն միայն ըլլալ՝ ինչ որ կացութիւ-  
նը կը պահանջէ, և անխառն ու անխարդախ իւրաքանչիւրին նը-  
ւիրուիլ :

Ա.ու այս օգտուած եմ թէ հմտական պաշարէն և թէ համա-  
ձայնութեան հոգւոյն առաւելութիւններէն. խօսակցութեանց մէջ  
իսկ իւրաքանչիւրին հետ ըլլալով ինչ որ անոր անձը կը պահան-  
ջէ և ինչ որ խօսից նիւթը կը պարտադրէ : Շատեր ըսած են ինծի  
համար՝ թէ ինծի հետ ամէն նիւթի վրայ հնար է օգտակարապէս  
խօսակցիլ, և իրօք ալ խօսից և գործոց կանոն ըրած եմ ինծի՝  
իւրաքանչիւր տեսակցութեան կամ խորհրդակցութեան կամ խօ-  
սակցութեանց ատեն՝ անոր նիւթով միայն զբաղիլ և անոր շըր-  
ջանակէն դուրս չելնել, և այս նպատակը միանալով ամէն նիւ-  
թի մասին տեղեկութիւն համբարած ըլլալու ջանքին հետ, դիւ-  
րացուցած է այդ դերը, որ շատերու զարմանք պատճառած է,  
իսկ իմ կարծեօք պարզ ունակութեան արդիւնք է :

ՂԷ

Դաննակոս, 1918 մայիս 4/17 Ուր .

Մինչեւ հիմա աւելի անցեալով զբաղեցայ քան թէ ներկա-  
յով, ոչ միայն իմ անձնական շրջանակիս, այլեւ ազգային պա-  
րունակին մէջ, եւ բնական է որ ես ալ յորդորուիմ յայտնել,  
հանդիպողն ալ հետաքրքրուի իմանալ՝ թէ ի՛նչ ըմբռնում և ի՛նչ



տեսութիւնն ունիմ հայութեան ներկայ վիճակին վրայ: Սակայն ներկայն կայուն կացութիւն մը չէ, հետեանքն է մերձաւոր անցեալին, և նախընթացն է մօտակայ ապագային. ուստի այս առընչութիւնները հնար չէ զանց ընել, երբոր կ'ուզուի ներկայն պատկերացնել: Մերձաւոր անցեալը գիտնալու համար ճշգուած և վաւերացուած տեղեկութիւններ պէտք են, և մօտակայ ապագայն մտկաբերելու համար վստահելի և ապահով ծանօթութիւններ պէտք են, ինչպէս համարողական գիտութիւնն ալ ծանօթներու պէտք ունի որ անծանօթը լուծէ: Իսկ ես աստ և այժմ ոչ մերձաւոր անցեալին համար ճշգուած և վաւերացուած տեղեկութիւններ ունիմ և ոչ մօտակայ ապագայի համար վստահելի ու ապահով ծանօթութիւններ ունիմ: Եւ այս պատճառով մինչև այս կէտս վարանեցայ և խուսափեցայ հայութեան ներկային վերայ հատուած մը նուիրել. սակայն կը զգամ թէ բոլորովին խոյս տալով ալ պիտի չարդարանամ. ես պակաս մը պիտի զգամ, հանդիպողն ալ պակաս մը պիտի փնտռնէ, թէ ի՛նչ է վերջապէս այս աւուր մտայնութիւնը, թէ այս ինչ տարի այս ինչ օր ի՛նչ են եղեր տիրող տեսութիւնները և փայփայուած ըմբռնումները: Վերջապէս ես վարանումներս ցրուելով բան մը պիտի գրեմ, ոչ իբրև ստուգութիւն և ոչ իսկ իբրեւ մեծ հաւանականութիւն, այլ լոկ իբրեւ յիշատակութիւն մը, թէ ի՛նչ կը մտածուի կամ ի՛նչ կը բաղձացուի այսօր հայութեան զանազան շրջանակներուն եւ զանազան ազդեցութեանց ենթարկեալ բաժիններուն մէջ:

Հայը արդէն վայրովատին և աշխարհի ամէն կողմերը ցրուած, և տարբեր տպաւորութեանց ներքև տարբեր ըմբռնումներով տողորուած, այսօր եւս քանդուած բաժանեալ և տարբերեալ վիճակ մը ունի: Իւր բաժիններուն գլխաւորները կը գտնուին Կովկաս, Թուրքիոյ ներքնագաւառներ, Ասիական Թուրքիոյ արեւմտեան կողմեր և ամերիկեան գաղութ. իսկ երկրորդական բաժիններ կը սեպուին Եգիպտոս, Պուլկարիա, Գաղղիա և Եւրոպիոյ զանազան երկիրներ: Պարսկահայը կրնանք նկատել իբր Կովկասի յարակից, և հնդկահայը յատուկ կացութիւն չունեցող: Այս բաժիններուն մէջ ընդհանուր տիրապետող ըմբռնումը երկունքի դրութիւնն է, իբր այն թէ 1878ին յղացուած և աւելի կամ նուազ սաստկութեամբ եւ աւելի կամ նուազ խոհականութեամբ որոճացուած կայուն բարօրութեան գաղափարին լոյս ա-

րեւ ելլելուն ժամն ու ժամանակը հասած ըլլայ: Եւ որովհետեւ բարօրութիւն, բարւոքում, զարգացում եւ երջանկութիւն այն գաղափարներն են որոնք որեւէ մտայնութեան համար գրուել նկարագիրով կը կերպարանուին, հայ եղողին եւ հայութիւնս զգացողին համար ալ այս գաղափարներ անձկայի եւ փարելի երեւոյթ չունենալ չեն կրնար. տարբերութիւնը կը մնայ եռանդի աստիճանին և իրականութեան եղանակին վրայ:

Գլխաւոր բաժիններուն գլխաւորագոյնը անտարակոյս կովկասն է այսօր: Կայսերական Ռուսիան այն կողմէն արշաւասոյր յարձակում մը կազմակերպեց Թուրքիոյ դէմ, որուն առաջին գիծին վրայ կը գտնուէին հայկական գաւառները, և իրեն զէնքին յաջողութեանը օժանդակ ըրաւ հայը, իբրեւ զինուորական գործողութեանց գործակից. հաւաքեց և զինեց որչափ արամադրելի հայ գտաւ իրեն շուրջը և իրեն ձեռքին տակ, և անոնցմով կազմեց տաճկահայ փախստականներու և հալածանքէ խուսափողներու և կոտորածներէ զայրացածներու վրիժառու խումբ մը, և կովկասահայ կամաւորներէ կազմուած և իւր զինուորագրութեանց շարքերու մէջէն մեկտեղ բերուած հայ զինուորականաց ստուար գունդ մը: Արշաւանքին առաջին նպատակակէտ ընտրեց Վանայ կուսակալութիւնը իբր աւելի հայաշատ և նուազ պաշտպանուած, և պատերազմական յետ և յառաջներէ ետքը այնտեղ հաստատեց իւր տիրապետութիւնը, ներելով որ հայկական կերպարան մըն ալ ունենայ ուսական էութեան ներքեւ: Իսկ իւր կանոնաւոր բանակներով իւր գրաւումները տարածեց Կարնոյ, Տրապիզոնի և Բաղէշի կուսակալութեանց վրայ, երբեմն յառաջելով, երբեմն ընկրկելով, պատերազմական գործողութեանց բախտին համաձայն, սակայն հետզհետէ հաստատուն ձեւ մը աւելցընելով իւր գրաւումներուն: Բնական էր որ այդ յաջող երեւոյթներ հայուն իղձերը գգուէին, և կանխաւ յղացուած գաղափարին ծնունդը մօտալուտ կարծուէր:

Սակայն շուտով ցնդեցան այդ երազները: Ռուսիա յեղափոխուեցաւ, կայսրութիւնը կործանեցաւ, ժողովրդական կամ լաւ եւս ռումկական իշխանութիւններ իրարու յաջորդեցին, ընդբեկուող Ռուսիոյ մէջ գտնուող զանազան ազգութեանց ինքնօրէնութիւնը հռչակեցին, և միաւորութիւնը քակտեցին, և տասնեակ մը ազատ կառավարութիւններ գոյացուցին: Կեղրոնական

բաժինին գերման ու ռուս հաշտութեան խոնարհելուն հետևանք՝ այս դրութիւնը գրեթէ օրինական ձեւ մը առաւ, ռուս բանակներ քաշուեցան ոչ միայն Թուրքիոյ գրաւեալ երկիրներէն, այլեւ 1878ին իբրեւ երաշխաւորութիւն պահուած գաւառներէն. Կովկաս ինքնիրեն ազատ հանրապետութիւն եղաւ, բայց զինուորական պատրաստութիւն և զօրութիւն չունէր, Օսմանցիները անարգել վերադարձան պարպուած երկիրները, հայուն փայլուն երազը խանգարուեցաւ, և ամենայն ինչ անստոյգ կերպարան առաւ: Կովկասը, որ իբրև միակ տէրութիւնը կը ներկայանայ, երեք տարրներու համախմբութիւն մըն է. հարաւակողմը հայազգի, միջավայրը վրացի, հիւսիսակողմը բուն կովկասցին, այսինքն լեռնաբնակ զանազան ցեղեր՝ իսլամական կրօնքով միայն իրարու մօտեցած: Երեք տարրները երեսփոխանութիւն և վարչութիւն ունին այսօր համեմատական բաժանմամբ, մաս մըն ալ ռուսականին տալով, թէպէտ պարզ ազանդաւորներու բազմութիւն մըն է, և սեպհական բնաշխարհ և բնակավայր չունի: Բայց այս կացութեան մէջ մինչև ո՛ւր է ներքին կապակցութիւնը, ինչչո՛վ ունեցած է փոխադարձ շահակցութիւնը, ի՞նչ հիմամբ համատարած է գործադրութիւնը, մեզի համար գաղտնիք են տուկաւին: Հայերու շարժումներ կը լսենք, բայց վրացւոյն և կովկասցւոյն համընթացեալ չենք լսեր. կարգ մը լուրեր կը շրջին, բայց ստուգութիւնը չապահովուիր, և հաստատուն ելքի մը կը ռուսան չեն ընծայեր: Կովկասի յարակից կը նկատուի Վանայ նահանգը, որուն հայաձև ռուսական տիրապետութիւնը պահ մը դադրեցաւ, և օսմանեան գրաւումի ենթարկուեցաւ: Վերանորոգուեցաւ կ'ըսեն, հայաձևը բուն հայկական եղաւ կ'ըսեն, բայց ոչ լսուածը ստուգուած է, և ոչ շարունակութիւնը ապահովուած: Կովկասի բաժինին գործունէութիւնը բաղձանաց հիմ կրնայ ըլլալ, բայց ակնկալութեանց կռուան ըլլալու համար շատ մը նոր պայմաններու կը կարօտի և առկախ խնդրոց լաւ լուծումէն կախում ունի:

Անցնինք Թուրքիոյ ներքնագաւառներու բաժինին, որ կը բաղկանայ Կարնոյ, Տրապիզոնի և Բաղէշի կուսակալութիւններէն, որուն կրնար պատկանիլ Վանայ կուսակալութիւնն ալ, սակայն կովկասային գործունէութեան կերպարան ստացաւ, և անոր մէջ յիշատակել յարմարագոյն դատեցի: Կուսական զէնքերու ար-

դիւնքը և ուսական կայսերութեան տիրապետութիւնը խնդու-  
թեամբ ողջունուեցաւ այս երկիրներուն մէջ մնացորդ բեկորներէն  
և շատ ալ բնական էր: Աւելի փորձանքներու ենթարկուած, աւ-  
ելի կոտորածներով տարուած, աւելի զրկումներով վշտացած  
գաւառներն էին, որոնց աչքին ամէն փոփոխութիւն բարեգու-  
շակ էր, մանաւանդ երբ նոր եկողն ալ հրապուրիչ տեսութիւն-  
ները չափազանցօրէն կը շուայէր: Այս շատ բնական ու արդա-  
րացեալ երեւոյթը օսմանեան կառավարութեան աչքին անարդա-  
րանալի ու յանցապարտ շարժում երեւցաւ, և անոր իրականա-  
նալուն ալ չսպասեց, այլ կանխեց և ընդհանուր տարազրութեան  
գաղտնիարը կազմեց և կազմածը գործադրեց: Քաղաքներու եւ  
գիւղերու հայաբնակութիւնները հապճեպ շտապով խմբովին ճան-  
պայ հանուեցան՝ անպատրաստ և անպատասպար վիճակի մէջ:  
Իրենց բնակավայրէն հեռանալէն ետքը՝ անկոխ լեռներու և ձո-  
րերու մէջ մասամբ պատրուակով և մասամբ բռնութեամբ նեղ  
ժամանակի մէջ միասին առնուած նիւթական միջոցներէն կո-  
ղոպտուեցան, եկեղեցականներ և գլխաւորներ նախապէս, բոլոր  
այրեր անոնց ետեւէն՝ կիներէն զատուեցան, և անձանօթ անկիւն-  
ներու մէջ յայտնի հրացանաձգութեամբ գետին փռուեցան, եւ  
սպաննուած ու վիրաւոր և կիսակենդան խառն կերպով հողով  
ծածկուեցան, և կամ գիշակեր թռչնոց կեր թողուեցան: Հնա՞ր  
էր միթէ որ այս դժպհի որոշումը և դժնեայ գործադրութիւնը  
աննկատ անցնէր ուսական գունդերէն և իրենց հետեւող հայ  
կամաւորաց ջոկատներէն, և փոխափարձ վրէժխնդրութեան զայ-  
րոյթը չգրգռէր, և ո՞վ պիտի ըսուի աւելի մեղապարտը, յա-  
ռաջընթաց գործունէութեամբ օրինակը տուո՞ղը, թէ հետեւորդ  
գործունէութեան օրինակին նմանողը:

Ռուսական կառավարութեան փոփոխութեամբը և մասնա-  
ւոր հաշտութեան հետեւանքովը այս կուսակալութիւններ եւ  
անոնց յարակից գաւառները ուսական բանակներէ պարպուե-  
ցան, կովկասեան նոր տէրութիւնը հաշտութիւնը մերժեց, եւ  
յերաշխի գաւառները ետ տալը հերքեց, բայց իւր որոշումը եր-  
կընցնելուն համար պատրաստ զօրութիւնը դեռ չունէր, և եռա-  
տարր ժողովուրդներու ներքին կազմակերպութիւնը և շահա-  
կից գործունէութիւնը դեռ կարգադրած չէր: Օսմանցին պարապ  
թողուած երկիրները մտաւ, և տեղացի Հայերու վրայ բռնանալ

սկսաւ, որուն հայ կամաւորներու ջոկատները դարձեալ փոխադարձել ձեռնարկեցին, և աւելին ալ ընել սպառնացին, եթէ տաճկահայ բեկորներուն վրայ տէրութեան ձեռքը ծանրանար: Այսպէս պատմուեցաւ, թէպէտ վաւերականութիւնը չգիտցուեցաւ, բայց օսմանեան կառավարութեան ձեռքը կարծես թէ պահ մը թեթեւեացաւ, և հրապարակագրութիւնը կովկասի հայը թուրքիոյ հայերէն զատել սկսաւ, և վերջինը առաջինի գործերուն անպատասխանատու ճանչնալ յայտարարեց, ինչ որ բան մը անցած դարձած ըլլալու նշանակ կրնայ ընդունուիլ: Թէպէտ այս բաժինին մէջ գործուածներն ալ մեզի ակնկալութեանց ապահով կրուական մը չեն ներկայեր:

Ասիական թուրքիոյ արեւմտեան նահանգներուն բաժինը հայուն կողմէն ոչ մի շարժում, ոչ մի խլրտում, ոչ մի գործունէութիւն չներկայեց. բայց այս բաւական չեղաւ որ հանդարտ մնալով հանդարտութիւն վայելեր: Պետական հարուածը անոնց վրայ ալ տարածուեցաւ, և տարագրութեանց որոշումը, կողոպտելու եղանակը, կոտորելու հրամանը անողոք կերպով գործադրուեցաւ, Սերաստիոյ եւ Տիարպէքիի կուսակալութիւններէն մինչեւ Անդրիանուպոլսոյ կուսակալութիւնը տարածուեցաւ ներքնադաւառներէն սկսուած դժպի հրամանը եւ դժնեայ գործագրութիւնը: Երբ գործ կամ փորձ պակսեցաւ՝ իբրև աջգարսուցում՝ կասկածն ու կեղծիքը, գրպարտութիւնն ու քսութիւնը, նենգութիւնն ու խաբէութիւնը իբր փաստ գործածուեցան ամբողջ հայութիւնը ամբաստանելու, անդատաստան դատապարտելու, և առանց օրէնքի գործադրելու: Բոլոր թուրքիոյ ընդարձակութեան մէջ չմնաց քաղաք մը, չմնաց աւան մը, գիւղ մը որուն հայաբնակութիւնը իւր տեղը մնացած ըլլար: Հեռաւոր վայրեր վտարուեցան, անտպատներու մէջ ցրուեցան, անպատասպար թողուեցան, այրեր կիներէ զատուելով՝ անխնայ սպաննուեցան, եկեղեցականներ և գլխաւորներ առաւելագոյն խստութեան ենթարկուեցան: Տարագրութեանց ճանպան դիտկներով սերմանուեցաւ, նիւթական միջոցները կողոպտուեցան, օրապահիկի հայթայթումը զլացուեցաւ, գացած տեղերնին ժողովրդեան շահադիտութեան ենթարկուեցան, վարակիչ ախտերու յաճախութիւնը ընդարձակուեցաւ, անօթութենէ նքթեալներու նուազումը ընդհանրացաւ. ո՛չ թէ տասանորդեցին, ո՛չ թէ կիսեցին, այլ

բնաջինջ ընել ջանացին տարագրեալ խումբերը, օրինաց պաշտպանութենէն և իրենց իրաւանց վայելումէն զրկեալ եղկելիները: Նիւթականին հետ բարոյական հալածանքն ալ սասակացաւ. եկեղեցիները փակուեցան, սրբութիւնները պղծուեցան, պաշտամունք արգիլուեցան, կրօնափոխութիւնը բռնադատուեցաւ, չհաւանողները պատժապարտուեցան, հայաջինջ քաղաքականութիւնը յետին նրբութեան հասաւ, գիւտերը աճեցուց, միաքերը սրեց, ձեռքերը ժրեց, հայութեան գերեզմաններ բրեց: Թուրքիոյ հայաբնակութիւնը երկու միլիոնի մօտ կը հաշուուէր, միլիոն ու կէսի երկբայութիւն չկար, այսօր մէկ միլիոնը գումարելու և գոյութիւնը ապացուցանելու փաստ կը պակսի:

Կ. Պոլիս մայաքաղաքէն տեղացիներուն խմբովին տարագրութիւնը խնայուեցաւ, բայց երեսուն հազարէ աւելի դաւաճացիներ դուրս հանուեցան ու տեղերնին չհասան: Իբրև կուսակցական շարժմանց պետեր կամ գործակիցներ կամ համամիտներ կամ համակիրներ նկատուեցան ամէն անոնք որ խօսիլ ու զրել գիտէին կամ դիտցող կ'ենթադրուէին, և աքսորուեցան, ցրուեցան, հալածուեցան, անհետացան, փոքր մաս մը ժխտրին մէջ չկորսուելու համար խոյս տալով հեռացաւ: Զմիւռնիս կասկածաւոր կարծուածներ չունենալով՝ ազատեցաւ կուսակալի եւ առաջնորդի համաձայնութեամբ: Բերիս, Դամասկոս, Վերլտոն և Երուսաղէմ միայն, իբրև հայկական շարժումներէ անմասն տեղեր և արաբական գաւառներու մէջ աննշանակ կէտեր՝ խնայուեցան, բնիկները մնացին, բայց տարագիրներ կացութիւնը խճողեցին. անոնք ալ հալածանաց հետեւանքներէն անմասն չմնացին:

Տաճկահայը դեռ բնաջինջ եղած չէ, և եթէ երեքէն մէկն ալ մնացած ըսենք, իւր կարևորութիւնը կորուսած չէ. հայը աղքատ կալութեամբ կ'օրօրուի, թուրքը կասկածով կը հալածէ, և որովհետև գործածուած անյուր բռնութիւնները օտարներն իսկ խօսելու գրգռեցին, այսօր բռնութեանց ձևը փոխուած է, բայց հալածանքին էութիւնը կը պահպանուի: Տարագրեալներ իբր աներկիր աքսորական եւ իբր օրէնքի շրջանակէ դուրս թողուածներ՝ գինուորագրութենէ զերծ թողուած էին, այսօր անոնք ալ զինուորութեան կը կոչուին, գինուորական աշխատութեանց ծառայելու, որ աւելի տաժանակիր աշխատութեանց դատապարտութեան պայմանը կ'արդարացնէ քան թէ կանոնաւոր և օրինական զի-

նուսրութեան կը նմանի: Փողոցներէ որսալով, տուներ կոխելով, դուռներ կտարելով զինուոր կը հաւաքեն, հեռաւոր կողմեր տարապարհակ աշխատութեան կը զրկեն, ուտեստնուն պահեստը կը զլանան, և անօթութենէ և հիւանդութիւններէ կը մահանան: Անոնք ալ անոնց կիներն ու զաւակները ու ազգակիցները պաշտպանէ ու պահապանէ զրկուելով՝ իրենց կարգին անոնք ալ կ'անհետանան, տասնեակներով հանապազօր գերեզմաննոց կը յուղարկուին և հողին ներքե կը ծածկուին: Ներքին փոխառութիւն մը կը բացուի, և հայը կը պարտադրուի որ իւր ունեցածը կառավարութեան յանձնէ, իսկ սւրիշ ազգերու ո՛չ խօսքը կ'ըլլայ և ո՛չ յորդոր կը կարգացուի, զի հայուն ձեռքէն իւր գրամն ալ կորզել կ'աշխատուի: Իսկ անոր գոնէ հոգևոր մխիթարութիւնը վերադարձնելու, բեկորները իրենց կրօնքով մխիթարելու խօսքն իսկ չըլլար. գրամնին տալով հաւատարմութիւն վկայելնուն խօսքն է որ կը կրկնուի:

Հայաբնակութեան արմատին տապարն ալ դրուեցաւ. Կ. Պոլսոյ պատրիարքութիւնը ջնջուեցաւ, պատրիարքը աքսորուեցաւ, Երուսաղէմի պատրիարքութիւնն ալ վերցուեցաւ, Սասն և Աղթամարայ կաթողիկոսութիւններ ձուլուեցան, Մայր Աթոռի առաքելական իշխանութիւնը քաղաքական իշխանութեամբ անգոյ հռչակուեցաւ, և բոլորէն դումարուած նոր իշխանութիւն մը ստեղծուեցաւ, և լուռ բերանի, անխօս շրթունքի, անգործ ձեռքի, անշարժ սիրտի մը յանձնուեցաւ, որ անունը զրուցուի, իսկ գործը խափանուի, երևոյթը արգարանայ և իրականութիւնը չքանայ:

Օսմանեան ազդեցութեան ներքե գտնուող հայուն կացութիւնը պարզեցի. խաւարային է ներկայն, մթին է առաջիկայն, բայց ապագային չանցած միւս բաժիններն ալ ներկայեմ:

Արտասահմանի գաղութներուն գլխաւորը այսօր Ամերիկեանն է, վերջէն սկսուած բայց շուտով աճած՝ նոր աշխարհին ընծայած չահի դիւրութիւններով և գործի ընդարձակութիւններով: Գաղութը կազմուած է ընդհանրապէս հալածանքէ և նեղութենէ և կարօտութենէ խոյս տուողներու բազմութեամբ, որոնց սիրտին մէջ չէ մարած անցեալին կրակը, որ կը բորբոքէ վրիժառութեան բոցերը: Ուստի բոլոր մտադրութիւննին կը դառնայ իրենց թողած, բայց շարունակ կարօտցած, հայկական

գաւառներուն շուրջը: Անկէ եկող կամաւորներ բաւական կան, անկէ ընձեռնուած օժանդակութեանց չափը պզտիկ չէ, այնտեղ հրատարակուած գրգութեան սաստկութիւնը մեծ է: Ազատ երկրի մէջ ազատ կը խօսին, գիրար կը հրահրեն և հայկական գետինին վրայ աշխատողները կը քաջալերեն:

Եգիպտոսի գաղութը հին է, նոր դիմողներով աճած է. առնօք ալ իրենց կարգին ամերիկահային նման աշխատողներ են, սա առաւելութեամբ որ Եւրոպիոյ մօտ ըլլալով և ջոջ անձնաւորութիւններ ունենալով, եւրոպական շփմամբ գործը առաջնորդելու գիւրութիւն կ'ունենան, մինչ ամերիկահայը ամբողջ հասարակ դասակարգով կ'ամփոփուի: Եգիպտոսէ բղխեցաւ Բարեգործական հաստատութիւնը՝ հայը կրթութեամբ եւ ունեւորութեամբ զարգացնելու նպատակով, որեւէ քաղաքական շարժումէ անկախաբար, սակայն օսմանեան կառավարութիւնը հայուն կրթուիլն ու հարստանալն ալ չսիրեց, և ոչ-քաղաքական նպատակ մը քաղաքականի որակեց, և այս միտքով հետապնդեց ու հալածեց:

Ուրիշ կողմեր գանուող գաղութներէն ուսմանահայը շուտով ազգային զգացումները կորուսած է, պուլիարահայը իւր տէրութեան օսմանցիին հետ բարեկամութեան և դաշնակցութեանը պատճառով լռել ստիպուած է, անգղիահայի ուշնուրուշը առևտուրի բոլոր սրտով նուիրուած է, գաղղիահայն է որ Բարիզի մէջ, թէպէտ քիչուոր, բայց կեդրոնական դիրք մը առած է, և ուղղակի եւրոպական տէրութեանց և ազդեցութեանց մօտ գործելու, լուսաբանելու, յորդորելու, շարժելու գերերը կը վարէ, իբրև բոլոր արտասահմանին ներկայացուցիչ և գիււանագլխական ջանքերու վարիչ:

Ներկայն ստուերագծեցի համառօտ ակնարկներով, սակայն արդէն ըսի որ ներկայն ոգևորողը ապագայն է, և եթէ հայուն զգացումն ալ փնտուենք, իր այսչափ տառապանքներուն մէջ, ապագային ակնկալութիւնը պիտի գտնենք իբրև գինքը ոգևորող կենսական զօրութիւն: Ներկայ տառապանքը կը սիրէ նկատել իբրև երկանց ցաւեր, որոց վերջը խնդութիւն պիտի յաջորդէ, և պիտի ուրախանայ թէ՛ ծնաւ վարդ յաշխարհ, հայ աշխարհը լոյս տեսաւ: Այս տեսակէտն ալ ուրեմն զննենք, ոչ թէ լոկ զգացմանց և ըզձից շրջանակին մէջ փակուելով, այլ քաղաքագիտական



պարունակէն և դիւանագիտական եղանակէն ալ քննելով, որչափ մեր միտքը կը գօրէ, անցեալը կը թելադրէ և ներկայն կը տըրամադրէ:

Ամենուն բերանն է թէ հայուն բարօրութեան ժամանակը հասած է, և թէ այս պատերազմին ընթացքին մէջ շարունակ կրկնուած փոքր ազգութեանց ազատագրութեանց ծրագիրէն օգտուողներէն առաջիններէն մէկը հայն է անշուշտ:

Այս կարծիքին իբր հաստատութեան փաստ, կը խօսուի թէ հայը շատ կրեց, և այսչափ կրածը պարտալի չի կրնար երթալ: Պատճառաբանութիւն մը՝ որ իմ տեսութեամբ ոչ քաղաքականութեան կը յարմարի և ոչ դիւանագիտութեան կ'օգնէ: Քաղաքագիտութիւնն ալ, դիւանագիտութիւնն ալ ո՛չ սիրտ ունին և ո՛չ խիղճ. գութ անոնց բառարանին մէջ չկայ. իրաւունք ըսածնին ալ շահն ու օգուտն է. քաղաքագիտութեան և դիւանագիտութեան ձեռնածուներ՝ եւրոպական մեծ տէրութիւններ, և ներկայ առիթին մէջ Անգղիա և Գաղղիա ոչ կապ մը ունին Հայաստանի կողմերը, և ո՛չ շահ մը կը յուսան անոր կացութենէն: Ռուսիա կրնար շահ մը ունենալ, բայց այն ալ քայքայուեցաւ, և եթէ չքայքայուէր, միայն իրեն աւարաբաժինը ընդարձակել կը խորհէր, և ոչ թէ ուրիշը երջանկացնել: Չեմ ուրանար թէ կովկասահայը բաւական լաւ կեանք մը ունէր ռուսական կառավարութեան ներքեւ, սակայն այն կանոնաւոր և զարգացման հետամուտ տէրութեան մը ընթացքին հետեւանքն էր, անկախաբար այս կամ այն տարրին օգտակար ըլլալու դիտումէն: Ուստի հայուն շատ կրած ըլլալը, շատ օգտուելուն հաստատուն փաստ մը չէ իմ տեսութեամբ:

Ռուսիոյ քայքայուելուն վրայ կովկասեան Հանրապետութիւն մը կազմուեցաւ անոր բեկորներէն, որուն մէջ հայը կովկասցի և վրացի տարրներուն հետ երրորդ մըն է, և թէպէտ թիւով երկուքէն ալ նուազ ըլլայ, սակայն դիրքով ու դերով, արժէքով ու վարժութեամբ երկուքն ալ կը գերազանցէ, և կովկասեան Հանրապետութեան մէջ գերակշիռ տեղ մը կրնայ գրաւել: Սակայն հետեւանքը հայկական չըլլար՝ եթէ երեքէն կազմուած միապաղաղ տէրութիւն մը պիտի ըլլայ հաստատուածը. հայ անհատներ կրնան բախտաւորուիլ, բայց ազգութիւնը իբր հանրութիւն չահած չըլլար: Թող որ եթէ կովկասահայով միայն Արարա-

տի ու Արցախի ու Փայտակարանի նահանգները պիտի իմանանք, տասնուհինգ նահանգներուն մնացորդները բան մը վաստկած չեն ըլլար, նոյնիսկ եթէ այն երեք նահանգները Կովկասեան Հանրապետութեան մէջ ինքնօրէն կացութիւն և ինքնավար տէրութիւն ալ կազմած ըլլան: Ուրեմն այդ ենթադրութիւնն ալ ժրպտուն երես մը չի ներկայեր:

Կ'ըսուի ևս թէ յաղթութիւնը աներկբայաբար համաձայնական խումբին պիտի ըլլայ՝ տոկոսութեան պատճառով, անկախաբար ուրիշ որեւէ առաւելութենէ, վասնզի ամբողջաբար ինքզինքը սպառելու պարտաւոր չէ Գերմանիոյ պէս, այլ ամէն կողմերէ մարդ և մթերք և պարէն կրնայ ճարել ազատօրէն և ճարելու համար դրամական անսպառ կտրողութիւն ունի: Իսկ համաձայնականներուն ծրագիրին էական մի մասը օսմանցին կըրճատել ու ամփոփել է, և առաջին կրճատուելիք մասը արևելակողմէն հայկական գաւառները կը կազմեն: Ուստի եթէ ոչ երբեմն միութիւն կազմած վեց կուսակալութիւններ (Վելայաիւ Սիբիէ) համանգամայն, գոնէ կարևորագոյնները օսմանցիէն պիտի առնուին, և իրենք իրենց ինքնավար կառավարութիւն մը պիտի կազմեն: Գաղափար մըն է որ հայկական միաքերուն մէջ կրնայ տեղի ունենալ, այլ խնդիր է թէ եւրոպական տէրութեանց մէջ ալ տեղի ունի՞ արդեօք: Գիտեմ որ եւրոպական տէրութեանց բերանը այդ խօսքը կայ և հրապարակագիրներուն գրիչին ներքև այսպիսի տողեր կ'երևան, այլ՝ Ըսուածին և եղածին միջև մեծ հեռաւորութիւն կայ, կ'ըսէ առածը (Dal delto al fatto de'un gren tratto):

Կը մնայ որոնել և որոշել թէ ո՞վ պիտի ըլլայ հայուն բարօրութիւն պատրաստողն ու գործադրողն: Հասարակաց ըմբռնումը իւր հաւատքը հաստատած է եւրոպական տէրութեանց վրայ, որոնք Պերլինի դաշնագիրը ստորագրեցին, և գլխաւորապէս երեքին վրայ, Սնգղիա և Փաղղիա և Ռուսիա, որոնք անգամ մըն ալ գործադրել տալու համար մէջտեղ ելան, և վեց կուսակալութեանց դրութիւնն ու բարեկարգութիւնը կազմակերպեցին: Արդ Պերլինի դաշնագիրէն քառասուն տարիներ անցած են, և դաշնագիրին ճշգրտածը մեռեալ տառ մնացած է բովանդակ այս երկարամնայ միջոցին մէջ, մինչ ինչ որ ուրիշ յօդուածներով որոշուած է, անմիջապէս գործադրուեցան: Միթէ՞ այսչափը չի բաւեր հետեցնելու թէ ընելու միտք չունին: Գիտեմ ևս որ ա-

նոնք Եւրոպիոյ մէջ գործող կուսակցականները գրգռեցին իրենց առիթ մը պատրաստել, և երբոր անոնք միամտաբար խորհուրդին հետեւեցան՝ հայուն վրայ կոտորածներ հասան, և եւրոպական տէրութիւններ անկտրեկիր հանգիստեաներ եղան: Ո՞վ մեզ կը վստահացնէ թէ այս անգամ թելադրուած գրգռութիւնները և խոստացուած պաշտպանութիւնները առաջիններէն տարբեր են. ո՞չ տալաքէն մէկ նշանակէ ալ շատ բաներ կրնան հետեւիլ (Ab uno disce omnes): Մինչև որ յայտնապէս չցուցուի կամ չտեսնուի որ եւրոպական տէրութիւններ Հայաստան մը կազմելու կամ Հայաստան մը բարւոքելու մէջ իրենց օգուտ մը ունին, ո՞չ խօսքերնուն հնար է հաւատալ, և ո՞չ խոստումներնուն վստահիլ: Ահա՛ իմ փորձառական հաւատքի առաջին կէտը:

Եւրոպա ըսի ընդհանրապէս, բայց հարկ է մասնաւորել և ամփոփել Անգղիոյ և Գաղղիոյ վրայ. Աւստրիա և Փերմանիա՝ իբրև թուրքիոյ գաշնակիցներ՝ այդ կէտին վրայ չեն մտածեր իսկ. Իտալիա սկիզբէն անտարբեր մնացած է ասիական խնդիրներու մէջ. Ռուսիա արդէն քայքայուած՝ կամովին հրաժարեցաւ նոյնիսկ իրեն հայատակ ազգերու շահերէն, և իրաւունքները իր կամքին ու բախտին թողուց, հետեւաբար այն ալ հին հաշիւէն դուրս ելաւ և մեկուսացաւ:

Ամերիկա իրեն նուիրագործած սկզբունքէն վերջերս հեռացաւ, նոր Աշխարհին Հին Աշխարհին մէջ գործ չունենալուն մօտրոյեան սկզբունքը թողուց, և համեւրոպական պատերազմը իւր միջամտութեամբ համաշխարհականի վերածեց. կրնա՞յ արդեօք յուսացուիլ որ հայուն համար ալ աշխատի: Ամերիկահայ գաղթականութիւնը այդ յոյսը կը տածէ և ամերիկեան կառավարութեան մօտ դիմումներ կը կազմակերպէ, սակայն Ամերիկա շատ հեռու է հայկական նահանգներէն: Համակրութիւն կրնայ ունենալ, գուցէ և միջնորդութիւն մը ընել, բայց գործի ձեռնարկելը շատ հաւանական չէ. արդէն Ամերիկա ալ անգղիական ըսկզբունքներով տոգորուած կառավարութիւն մըն է:

Հայը ինքնիրեն կրնա՞յ արդեօք իւր նպատակին մէջ գլուխ ելնել: Այսօր Դաշնակցական շարժումը իւր իսկութեան մէջ գաղթած կրնայ համարուիլ իւր բուն պետերուն անհետանալովը, և այժմ գործի վրայ ելողներ, եթէ Դաշնակցական պետ ալ ըլլան, տարբեր ուղղութեան ծառայող են, կանոնաւոր վիճուորականու-

Թիւն, զէնքը ձեռքին ճակատամարտ մղող և ռազմագիտական սկզբունքներով գործող: Սակայն ի՞նչ կրնայ ըլլալ այդ զինուորական ոյժը, և ի՞նչչափ կրնայ տոկալ կազմակերպեալ տէրութեան մը ճիգերուն դէմ: Կ'ըսուի թէ նախապէս հայթայթուած ռուսական զէնքերուն և ռազմամթերքներուն տեղ՝ անգղիական տուուչուլթիւններ փոխանակեցին, սակայն ի՞նչ և ի՞նչչափ ալ ըլլայ անգղիական առատածեռնութիւնը, չափաւոր բան մը կըրնայ ըլլալ, այնչափ որչափ Անգղիա իւր դիտումը յառաջ վարելու համար որևէ օժանդակ ոյժ մը պահել կը մտադրէ. բայց այն օրէն որ իւր նպատակին հասնի՝ հայն ալ կը մոռնայ, Հայաստանն ալ, և հայը ինքնիրեն մնացած իւր տկար և չափաւոր կազմովը չի կրնար մեծագոյն ոյժին դիմադրել, և իւր ակնկալութիւնները կը ցնդին, և հայը հայով կազմակերպելու գաղափարը վաղանցուկ երազ կը դառնայ:

Հնա՞ր է արդեօք Կովկասեան Հանրապետութեան ձեռնարկութենէն բան մը յուսալ: Եթէ Կովկաս իւր այժմեան դիրքով ու չափով երեք տարրներէ միապաղաղ տէրութիւն մը պիտի ըլլայ՝ հաւանական չէ, կարծեմ, որ ոչ իրմէ բաժին մը պակասուելուն հաճի, և ոչ իրեն նոր մասեր յատկացնելու յանդգնի: Իսկ եթէ երեք տարրներ կատարելապէս զատուելով երեք անկախ կառավարութիւններ կազմեն, հայը ինքնիրեն մնացած, հայը հայով կազմելու ենթադրութեան դարձած կ'ըլլանք, որուն վրայ արդէն կարծիք յայտնեցի:

Կարծողներ կան որ հայուն ապագայ բարօրութեան մէկ հաւանական գործիչը օսմանցին կամ տաճիկը կրնայ ըլլալ, և թէ հայուն առջև միակ բաց ճանպան տաճիկին փարիլ ու տաճիկէն յուսալն է: Արդ եթէ տաճիկը իւր այսօրուան քաղաքական մըտայնութեամբ պիտի մնայ, այդ ենթադրութեան հաւանակունութիւնը կը քիչնայ. այժմեան քաղաքականութիւնը Թուրքիա ըսուած տէրութիւնը ամբողջապէս թրքացնելն է, հայն ու քրիստոնեայն բնաճինջ ընել կամ աննշանակ գոյութեան վերածել, որ խօսքի նիւթ իսկ չկարենայ ըլլալ: Միւս կողմէն ոչ-թուրք իսլամները, քիւրտն ու լազը, չէրքէզն ու եիւրիւքը, արաբն ու պէտէվին հոգւով ու սիրտով, լեզուով ու կենցաղով թրքացնել, որպէսզի Թուրքիա միատարր ու միապաղաղ երկիր մը ու տէրութիւն մը դառնայ նման Գերմանիոյ, որ գերմանա-

ցիէն զատ տարր մը չի պարունակեր: Արդ այս դրութեան մէջ հայուն բարեյոյս ըլլալուն ո՛չ նշոյլ կը մնայ և ո՛չ կռուան: Իսկ եթէ Թուրքիա սթափուի, և փոխանակ Գերմանիան ընդօրինակելու՝ իրեն աւելի մօտիկ Աւստրիան ընդօրինակէ, այն ատեն կրնայ Փոքր Ասիան թուրք պահելով՝ հայը, քիւրտը, ասորին և արարը ինքնավարութեամբ օժտել, և պետական միութիւնը իւր մականին ներքե պահել, և հաւանաբար իւր երկրին զարգանալուն և իւր տէրութեան զօրանալուն ալ նպաստած ըլլալ: Բայց ենթադրելի՞ է արդեօք այդ լուծումը: Որովհետեւ տաճկին վրայ կը խօսինք՝ իդէպ է տաճկական առած մը յիշել: Տաճկին մէկուն ըսեր են՝ թէ հոգեհան հրեշտակը էզրայէլ տուներուն տղայ կը բաժնէ. մարդը պատասխաներ է, եթէ մերինը չառնէ՞ տալիքէն շնորհակալ ենք: Հայեր երբեմն օսմանեան կառավարութեան հետ սիրով և խաղաղութեամբ ապրեցան, բայց այն ատեն հայը կը նկատուէր իբրև կարևոր մի տարր երկրին վաճառականութեան և արհեստագործութեան համար. լայնախոհ կերպով անձեռնմխելի թողած էր անոր կրօնքը, լեզուն, զարգացումը, և ազգային կեանքին միջամուխ չէր ըլլար: Հնար պիտի ըլլա՞յ այդ սկզբունքին և այդ ընթացքին վերադառնալ:

Հայուն համար տաճկական ձեռնտուութեան գաղափարը տարածելու համար յատուկ բերան եղաւ Տաճար երբեմնի կրօնաթերթը, որուն կառավարութիւնը յատուկ խմբագրութիւնն ալ կազմեց, ծախքն ալ հոգաց, ուղին ալ պատրաստեց, սակայն այն ալ այնչափ յառաջ տարաւ իւր պաշտպանած կէտը, որ փոխանակ հայը հրապուրելու և գգուելու, անոր աւելի սիրելի և աւելի սիրտին մօտ կէտերը սկսաւ անարգել, մինչև իսկ անոր առաքելական նուիրապետութիւնը և անոր կրօնքին հիմնակէտը խախտելու ձեռնարկեց, այնպէս որ եթէ այս պիտի ըլլայ տաճկական ձեռնտուութիւնը, անկէ խորչեցնելու քան թէ հրապուրելու ծառայած պիտի ըլլայ անոր փաստաբանը:

Իմ յօդուածս կատարեալ յոռետեսութիւն մը եղաւ, և ամէն ենթադրութիւնները դժուարութեան ենթարկելով, հայուն ապագային բաց ճանապայ մը չթողած եղայ, սակայն ես եղելութիւնները յառաջ բերի, անցեալէն ապագայն չափել թելադրեցի, և փորձառութեամբ գործնականը լուսաբանել ջանացի: Իմ սիրտս ու միտքս ալ կ'ըմբոստանայ յուսաբեկ գաղափարներու դէմ, որ

կեանքերը կը թուլցնէ և ջիղերը կ'ընդարմացնէ: Եթէ երբեք տեսութիւններս հրապարակ ելլան, և գործն ալ տակաւին վերջնական ձև ստացած չըլլայ, կը փափաքէի որ գրածներս իբր խթան ծառայէին, զի դժուարութիւնները ցուցուցած ատենս ինչով յաջողիլ կրնաին ալ յիշեցի. գործիչներ կրնան այդ տեսութիւններէն օգտուիլ, և գործը յաջող ելքին առաջնորդել: Միւս կողմէն գիտեմ որ աշխարհի մէջ անհնար բան չկայ, ուստի անհաւատալի չէ որ յանկարծական մտայնութեան մը և սիրտի բուռն շարժումի ներքև և համակրութեան արտակարգ ցոլացումի զօրութեամբ այնպիսի լուծում մը տրուի՝ որ առաջին տեսութեամբ դժուարին կամ անհնարին պիտի երևար: Այսպիսի մի վերջաւորութեան համար համաձայնական միութեան յաղթանակը և անոր հակատաճկական միտքը իբրև իրենց դիւրին լուծում՝ կրնան գտնել հայկական գաւառներու ինքնօրէնութեամբ անջամամբը, և այս ձևն է որ աւելի կը յեղյեղուի այսօր հայաստաններու բերանը, և հայուն համակիր տէրութեանց ծրագիրին մէջ:

Պատերազմներուն վերջաւորութիւնը, հաշտութեան սեղանին շուրջը պատգամաւորներուն համախմբութիւնը մօտ օրերու մէջ հաւանական չերևար, բայց մօտ կամ հեռու՝ օր մը չէ օր մը իրականութիւն պիտի ըլլայ. յոյսով և ակնկալութեամբ սպասենք այն օրուան. զի ո՛վ որ կ'ապրի՝ ելքը կը տեսնայ (Qui vivra vera): Այսօր աւելի բան մը ըսել դիւրին չէ, բայց այսօրուան գրածս ալ իբրև վերջնական ու վճռական չեմ ներկայեր, անստուգութեան ժամանակ ստուգութիւն չի փնտռուիր. գուցէ պարագաներ փոխուին, նոր շրջաններ երևան գան, վաւերական կամ գոնէ վստահելի լուրեր հասնին, և մտայնութիւններ փոխուին, կամ տեսութիւններ ալ փոփոխուին, և այն ատեն պիտի չքաշուիմ նոր կացութիւնը լուսարանել, և աւելի յուսադրութեամբ խօսիլ քան ինչ որ այսօր չկրցայ ընել:

ԸԸ

Դասնակոս, 1918 մայիս 6/19 Կիր.

Խոնիք ու Խօսիքս ընթացքը կենսագրական ուղղութիւն մը առաւ սկիզբէն մինչև վերջը, զի նաև ընդհանուր տեսութիւնները և վերացական հայեցողածքներ կենսագրական բնոյթ ունին, քանի որ մտայնութիւնս կը պատկերացնեն, և հետազօտութեամբ կամ փորձառութեամբ ստացուած մտաւորական կեանքս կը լուսաբանեն: Բայց կենսագրական յիշատակներ, Խոնիք ու Խօսիքս, մտածումներ կամ գործողութիւններ, հմտութիւններ կամ համոզումներ, և ուրիշ ինչ ալ ըլլայ որ իմ անհատականութեանս հետ կապ ունի, պարզապէս հանգամանքներ և պատմական պարագաներ են, իսկական էութիւններ չեն. կեանքիս փոփոխութեանց պատմութիւնն են, կեանքի իսկութեան բացատրութիւն չեն: Արդ էականը կը կանխէ պատահականը, և հանգամանքներ հաստատուն եսին շուրջը կը դառնան, առանց այս հաստատուն եսի գոյութիւն ալ չէին կրնար ունենալ: Պէտք չէ՞ր արդեօք որ նախապէս էականը և իսկականը և հաստատականը բացատրէի, պատահականին և անցողականին և փոփոխականին վրայ չխօսած: Սակայն գիտական ուղղութեամբ գրուած մը պատրաստել չէր նպատակս, ինչպէս ամէն կենսագիրին ալ հասարակ է. այսու հանդերձ իբրեւ կենսագրականին լրումն՝ ընդհանուր և վերացական և գիտական տեսութեամբ կեանքի էութեան և իսկութեան վրայ յօդուած մը գրութեանս լրացուցիչ մասը կը նկատեմ, և եթէ ոչ առաջ՝ գոնէ վերջը այդ նիւթն ալ շօշափելու կը մտնեմ:

Մարդիկ կեանքը զգայական գողափարին վրայ հիմնած են ընդհանրապէս, և կեանքով կ'իմանան այն միջոցը որ օրօրոցին և գերեզմանին մէջտեղը կը պարունակուի: Օրօրոցէն առաջուանը չեն փնտուեր, գերեզմանէն ետքինը չեն խորհիր, և կեանք կ'ըսեն ցորչափ լոյս արեւ կը վայելեն, և ցորչափ կենսական ոյժեր կը գործեն: Այս է կեանքը իւր բնական կամ լաւ ևս բը-

նութենական առման մէջ, որ հասարակ է և անբանին, և կերպով մը նաև բուսականին, որ բուսանելէն մինչև ցամքիլը գործարանական գոյութիւն մը կը ներկայէ: Պիտի բաւականանա՞նք այս կերպով ըմբռնել մարդուն կեանքն ալ, նոյնիսկ օրօրոցի և գերեզմանի միջև պարունակուած միջոցին վրայ ամփոփուելով:

Հասարակաց ըմբռնումը, ընկերային ուսումը, փորձառական գործունէութիւնը, գիտական հետազօտութիւնը բնականով չեն լրացներ մարդուն գոյութիւնը և գոյութեան տեւողութիւնը, կամ սովորական բացատրութեամբ՝ մարդուն կեանքը: Երկու ուրիշ մասեր ալ կը յարակցին մարդկային կեանքի գաղափարը լրացնելու, և բնական կեանքին հետ բանական կեանք մը և բարոյական կեանք մըն ալ կը միացուի. ծանօթ բառեր որոնց բացատրութեան պէտք չի զգացուիր: Այսպէս մարդկային կեանքին լրումը եռամասնեայ բաժիններով կ'ամբողջանայ, և մեզի իրաւունք կուտայ եզրակացնելու, որ մարդկային կեանքով ապրող չի կրնար ըսուիլ նա որ բնականով միայն կը շատանայ, և բանականը ու բարոյականը կ'անտեսէ:

Բայց չըլլայ թէ այնպէս կարծուի որ բանական ու բարոյական կեանքերը իրենց զարգացման, լրման և ամբողջական կատարելութեան մէջ կ'իմանամ կամ կ'իմացուի. անոնց ամենաթեթև վիճակն ալ և ամենանօսր երեւոյթն ալ բաւական է գոյութիւնը ապացուցանելու և կեանքը մարդկային ընելու: Անուշի՞նականին, և մինչև իսկ անտառային վայրենիին վրայ բանական կեանքը կը ճշմարտուի՝ երբ սուտը ճշմարտէն կը տարբերէ, և բարոյական կեանքը կ'արդարանայ՝ երբ չարը բարիէն կը զատէ: Մարդկային կեանքը աստիճանաբար կը բարձրանայ, բայց որչափ բանականով զարգանայ և բարոյականով կատարելագործուի, անձայրական բանականութեան և անսպառական բարոյականութեան լրմանը չի հասնիր. ամենագէտ և ամենաբարի ըլլալու առաւելութիւնը անեղական էակին սեպհականութիւնն է. եղականը կրնայ յառաջել որչափ իւր անհատական և ստացական կարողութիւնները կը ներեն, բայց անհասանելիին հասնիլ չի կրնար:

Ուրեմն մարդկային կեանքին իսկութեան պայմանները պէտք է հաստատենք երրակի կերպարաններուն ամենէն ստորին աստիճանին վրայ, որ բանականով կարող ըլլայ իւր գործոց գիտակ-



ցութիւնն ունենալ, իւր անհատական պէտքերը որոնել և որոշել ինքնիրեն բաւել, իսկ բարոյականով որևէ նոյն իսկ ամենանուազ չափով՝ ընկերային կացութեան մասնակից և ընկերութեան օգտակար ըլլալ: Չմոռնանք բնականն ալ, զի առանց բնական ոյժին հնար չէ որ բանականը գործէ, և բարոյականը արգիւնաւորէ: Առողջ միտք յառողջ մարմնի (Mens sana iu corpore sano) առածը մարդկային կեանքին լրումը կը ցուցնէ, իբր զի միտքը որ բանականին վարիչն է, բարոյականին ալ ուղղիչն է, և բնականին ալ գործիչը կրնայ ըսուիլ:

Գրութեանս ոճին հետեւելով հետազօտութիւնները պարզապէս գիտական գիտնի վրայ պահել ներեալ չեմ սեպեր, և գիտական սկզբունքէն յառաջելով, գործնական գիտնին կը հասնիմ, և անոր համեմատութեամբ մեր վարած կեանքը չափել և ծրագրել կ'ուզեմ, մէկ խօսքով կացութեան և կոչման պահանջած պայմանները ճշդել, ճշդուած պայմանները կենաց կանոն ընել, և կազմուած կանոններուն համաձայն գործունէութեան անցնիլ: Այս միտքով և այս դիտմամբ կը մտնեմ քանի մը հիմնական կէտեր յիշել, որոնցմով պէտք է կանոնաւորուի մարդկային կեանքը ընդհանուր առմամբ, և զորս իւրաքանչիւր ոք կրնայ իրեն պատշաճեցնել, մենք ալ մեր կեանքին, ես ալ իմինիս:

Առաջին կէտը կը նկատեմ՝ ոչ մի զբաղմունք անարգել, ոչ մի գործունէութիւն անգոսնել: Ստոյգ է որ կան ազնուագոյն գործեր, ընդարձակագոյն պարապմունքներ, առաւելագոյն արտադրողներ, կարեւորագոյնին ծառայողներ, բայց ուրիշ է մէկուն միւսէն առաւելութիւնը ճանչնալ, և ուրիշ է ընկերային որևէ զբաղումը արհամարհել: Աստի քան զաստի առաւել է փառօք: Բայց յետնագոյնն ալ փառք մը ունի իրեն համար: Եւ եթէ ներուի քիչ մը եւս յառաջել, համարձակ պիտի յայտարարեմ թէ ցուցադրութիւնը շեղակի կը համեմատի կարեւորութեան և անհրաժեշտութեան հետ: Շէնքերուն հաստատութեան անհրաժեշտ պայմանը հիմն է, բայց հողին ներքև ծածկուած և ոչ իսկ կ'երեւի ամենէն աւելի ցուցադրուած մասը ճակատն է, բայց շէնքին գոյութեան և հաստատութեան համար բնաւ կարեւորութիւն չունի: Օդային խառնակութեանց ներքև հերկող և ամառնային տօթին ներքև հնձող մշակը ընկերութեան մէջ նուազ պատուուած անձն է, բոցակէզ կրակին գիմաց սալը ձեծող և հրացեալ զան-

գուածը արօրի վերածող երկաթագործը ընկերութեան մէջ պատիւ վայելող չէ, բայց մեր սնունդը անոնց քրտնաթոր աշխատութեան արդիւնքն է: Գեղեցիկ ապարանքներ կառուցանող ճարտարապետը՝ աղիւսը թրծող, քարերը կտորող, շաղախը խառնող գործաւորին կը պարտի իւր պարծանքը: Առաքելական գեղեցիկ առակովը ոչ գլուխ ձեռքին և ոչ ձեռքը ոտքին կրնան ըսել՝ թէ իրենց պէտք չունին: Հետեւաբար ամէն ոք ընկերային ծառայութեամբ իրարու կապուած է, և մէկը միւսին ոչ անարգանք կրնայ ուղղել և ոչ անպէտքութիւն յայտարարել: Աս առաջին կանոն մը:

Իսկ իւրաքանչիւրին զբաղում մը որոշուելուն մէջ կամաւոր ընտրութիւններ ցանցառ են. պարագաներն են որ կ'որոշեն սովորաբար, և պարագաներն ալ ոչ կրնան դասաւորուիլ և ոչ կրնան համրուիլ: Միայն պէտք է արթնութեամբ և հսկողութեամբ հանդիպումները ուսումնասիրել, ձեռք ձգուած տոխթները գործածել, լաւագոյնի հետապնդութեամբ լաւը չկորսնցնել, պարապ մնալէ զգուշանալ, մինչև իսկ անխորհուրդ և աննպատակ ուսանողութեամբ ժամավաճառ չըլլալ, արհեստներու մեծ կարեւորութիւն տալ: Պատանիներու շուրջը տասնուհինգ տարեկան եղած տանը ապագային ինչ ընելիքը կամ ինչ կրնալ ընելիքը պէտք է որոշուի, և առաջիկային պատրաստութեամբը ըստ այնմ կարգադրուի: Ես մինչև իսկ մնասակար կը տեսնեմ տասնուվեցէն կամ տասնուեօթէն անդին ուսմանց աւելորդ հետեւողութիւնը, զի անկէ ետքը ուսանողները դժուարաւ արհեստի գործիքներուն ձեռք կը զարնեն, զարգացում ունեցած ըլլալու գազափարով մեծամտիլ կը սկսին, թերի ուսումներով լուրջ զբաղման անբաւական կը գտնուին, բախտախնդիր պարապորդութեամբ ընթացքնին կը խանգարեն, և այսպիսիներն են որ ընկերային կենաց ցեցիկը կը դառնան: Արհեստը մեր նախնիք ոսկի ապարանջան անուանեցին, որեւիցէ գործի մը յարմարութիւն ունենալը անհրաժեշտ պայման ճանչցան: Ընկերային բազմութեան հազիւ հարիւրէն տասը պաշտօնէութեամբ կը զբաղի, տասը մըն ալ ազատական զբաղումներով կ'ապրի, մնացածին հարիւրէն քառասունը արհեստաւոր է և քառասունն ալ գործաւոր: Կը սիրեմ այն որ գործաւոր մասը կը կազմէ, այն որ բազուկն ու շալակը կրնայ տրամադրել իբր վաստակի միջոց, բայց կը փափաքիմ որ արհեստաւոր դասա-

կարգը աճի և բազմանայ, մինչև իսկ երկրորդական ուսմանց ճաշակը առնողներ արհեստներու նուիրուին և իրենց ուսումնական առաւելութեամբ արհեստին ազնուացնեն, միջոցները կատարելագործեն, շահերնին ընդարձակեն: Այս ալ երկրորդ կանոն է՝ հարկաւ զբաղուամ մը սահմանել և արհեստներու կարեւորութիւն ընծայել:

Ընդհանուր մարդկային ընկերութեան մէջ չկայ անհատ մը, կամ աւելի ճիշդ՝ չի կրնար գտնուիլ անհատ մը, որ ինքնիրեն մնացած, առանց ուրիշ անհատի պէտք ունենալու, ինքնիրեն բուէ և իւրովի իւր պէտքերը լրացնէ: Ինչ որ կենցաղը կը պահանջէ ինքզինքը պահպանելու և ապահովելու, չըսեմ առատացնելու և զարգացնելու, ուրիշներու անհրաժեշտ պէտքն պատրաստելու համար. կերած հացը, հագած զգեստը, բնակած տունը, գործածած կարասին, ամէն մէկը յիսուենով հարիւրով անձերով պատրաստուած է, սկսելով երկաթը հանքէն հանող, եւ ածուխը լերան մէջ պատրաստող խեղճ գործաւորներէն մինչեւ հացը եփող փռապանը, հագուստը կարող դերձակը, տունը շինող որմնադիրը, կարասին յարմարցնող արհեստաւորը: Այս տեսութիւնը մեզ կ'առաջնորդէ եզրակացնել, թէ ինչպէս մենք պէտք ունինք ուրիշի օգնութեան, ուրիշն ալ պէտք ունի մեր օգնութեան, և պարտք ունինք ուրիշին օգնելու: Հետեւաբար ազատ տէր չենք մեր ժամերուն ու տարիներուն. անոնք ուրիշի օգտակար ըլլալու սահմանուած են, և չենք կրնար աղիկամի անգործ անցունել մեր կեանքը: Ուրիշին իրաւունքը զլացած, ուրիշին սեպհականութիւնը գողցած կը սեպուինք, երբոր ընկերային կեանքին մէջ աշխատող չենք, արտադրող չենք, ընդհանուր պէտքերուն որեւիցէ բան մը պատրաստող չենք: Ահա՛ կանոն մըն ալ՝ թէ անզբաղ և պարապորդ մնալ ներեալ չէ:

Իսկութեան հետապնդող և ստուգութիւն փնտռող ենք ի բնէ և ի ծնէ, և իսկութիւն ու ստուգութիւն ճշմարտութիւն է. ճշմարտութենէ շեղիլը անգիտակցաբար սխալ և գիտակցաբար սուտ է. երկուքէն ալ կը խորշինք. թէ վերացական սկզբունքով և թէ փորձառական վնասով: Այս է բարոյականութեան հիմը: Կեանքը բարոյական կողմ ալ ունի ըսինք, զի առանց անոր վստահութիւն կորած կ'ըլլար, ոչ մենք կրնայինք մեր գործերուն անկասկած գետին մը գտնալ, և ոչ ուրիշը կրնար մեզի հետ ան-

կեղծ յարաբերութիւն պահել. ընկերային շրջանակը փոխանակ բարութեանց և բարօրութեանց առաջնորդելու, տառապանաց և տաղտապանաց տարտարոս կը դառնար: Եւ այդ կացութիւնը ոչ մենք կը սիրէինք ունենալ, և ոչ ուրիշներ յանձն կ'առնէին տեսնալ: Ուղղութիւնը, որ ճշմարտութեան գործնականութիւնն է, կը պահանջէ որ կեանքերնիս կատարեալ և իւր ամէն մասերով լրացեալ ըլլայ, և այս նպատակը չի կրնար ձեռք ձգուիլ՝ եթէ ոչ բարոյականի հետեւողութեամբ, խարէութեանց և նենգութեանց հալածմամբ, խարդախութենէ զգուշանալով և սուտգրուցութիւնը մերժելով: Ահա՛ բարոյական կենաց կանոն մըն ալ:

Բարոյականութեան պահանջ է նաև ուրիշին իրաւունքը յարգել, որպէսզի մեր իրաւունքն ալ յարգուի: Իրաւունք ունինք մեր կենաց պահպանութեան, մեր սեպհականութեան վայելման, մեր կարողութեանց զարգացման, մեր պատուոյն յարգուելուն, մերը մեզմէ չյափշտակուելուն: Եթէ ուրիշներէ մեր իրաւունքները կը պահանջենք, և ուրիշներուն իրաւունքին վնասելէ չենք զգուշանար, լռելեայն առիթ տուած կ'ըլլանք որ՝ ինչ որ մենք ուրիշին հանդէպ կ'ընենք, ուրիշն ալ մեզի հանդէպ կարենայ ընել. զի նա ալ մեզի հետ նոյն բնութեան տէր, նոյն կացութեան մէջ, մեզի յարեաման անհատ մըն է: Եթէ կը բաղձանք որ ուրիշէն չվնասուինք, պիտի զգուշանանք ուրիշին վնասել. կեանքերնիս ընկերային է, համերաշխութիւնը պէտք չէ խանգարուի. բարոյականութիւնն է համերաշխութեան արմատը. բարոյականութենէ մերկանալ և կեանքերնիս վարել ու պահել անհնարին է. կենաց լրումը պատկերացնող երևոյթներուն և գոյութիւնը ապահովող պայմաններուն գլխաւորն է բարոյականութիւնը: Այս ալ մտադրութեան առարկայ ըլլալու է:

Երբոր բնական կեանքը անբաններուն և բուսականներուն հաւասարեցուցինք, գոյն տնարգել չէր նպատակնիս, այլ ընդարձակութիւնը ցուցնել: Բնական կեանքը միայն ապրիլ չէ, այլ լուս և տառղջ ապրիլ, և լաւութեան և առողջութեան հոգ տանիլ: Սակայն այդ հոգացողութիւնը մարմինը պարարելէ չէ, փափկակերութեամբ սնունդը չէ, ընդհակառակն՝ նա կերաւ ու յապեցաւ, ստուարացաւ և լայնացաւ, իւր տառղջութենէն ալ շեղեցաւ և անգոսնեաց զսիրելին: Առանց բժշկական հոգածութեան խորերը թափանցելու ալ փորձով և ստուգութեամբ ծաւ

նօթ է՝ որ աշխատութեան մէջ աճող, չարքաշութեանց վարժուող, չափաւորութեամբ պահպանուող, բարեխառնութեամբ շարունակողն է որ բնական կեանքը կը խնամէ ու կը պաշտպանէ: Շռայլութիւն, որկրամոլութիւն, արբեցութիւն, դատարկապորտութիւն բնական կեանքը կը դաւաճանեն. և երբ մարմինը առողջ չէ, ոչ բանականն արժանապէս կը գործէ և ոչ բարոյականը արդիւնաւորապէս կ'ազդէ:

Իեռ երկարօրէն կրնայինք շարունակել կեանքի ամէն մի հանգամանքը նկատի առնելով, և իւրաքանչիւր համապատշաճ կանոնը ուսումնասիրելով. ինչ որ ըսինք իբրև նմոյշ՝ կրնայ մընացածն ալ իմաստասիրելու առաջնորդել, ուստի կը փութամ միտքս ամփոփել և քաղուածներէն համառօտել:

1. Կեանքը կատարեալ է՝ երբոր բնականին հետ բանականն ու բարոյականն ալ կը միաւորէ:

2. Բնականին համար աշխատութիւնը չափաւոր է, բանականին համար նպատակայորմար, իսկ բարոյականին համար՝ անպայման:

3. Բնականին զարգացման ջանքը արդար և իրաւացի է, բայց նպատակին համեմատելով օգտակար կ'ըլլայ:

4. Ընկերային ամբարտակին հաստատութեան հիմը բնականն է, ատաղձը բանականն է, բայց անոնք ամրացնող շողած խը բարոյականն է:

5. Ամէն անհատի հանրական զբաղում մը անհրաժեշտ է, անզբաղ անհատը ընկերականութեան դաւաճան է:

6. Ոչ մի զբաղում իւր բնութեամբ ստորին է. ցուցադրութիւնը կարեօրութեան շեղակի կը համեմատի. ստորինը ամէն զբաղման թերին է:

7. Ազնուագոյն զբաղումներ ընկերականութեան պահանջ են, բայց գերագոյն և ընդարձակագոյն պահանջ՝ արհեստականներն են:

8. Արհեստաւոր դասակարգը իւր կարեօրութեան համեմատ պատիւ ունենալու և ստանալու արժանի է:

9. Առանց բանականի կիրառութեան և բարոյականի պահպանողականութեան՝ լոկ բնականով օդ շնչելն ու մարմին պարարելը մարդկային կեանք չէ:

10. Կեանքին լրումը գործունէութիւնն է. լաւ է կարճ կեանքը արդիւնաւորութեամբ, քան երկար կեանքը ապարդիւնութեամբ:

... անհատական կյանքի մասին ...

ՆԹ

... անհատական կյանքի մասին ...

Դասնասկոս, 1918 մայիս 7/20 Բշ.

Ամեն զրաւոր աշխատութիւն հեղինակող կամ աշխատաւիրող անձ սովորութիւն ունի Յառաջաբանով մը իւր միտքն ու նպատակը, հետեւած ոճն ու ձևը, գործածած կերպերն ու պայմանները, ուսումնասիրած գիրքերն ու աղբիւրները ցուցնել, և կերպով մը իւր գործին ջատագովութիւնը ներկայել: Այս յառաջաբանները ստոյգ է որ աշխատութիւնը աւարտելէն ետքը կը գրուին, որպէսզի եղելութիւնը լուսաբանուի, և ոչ մտադրութիւնը յայտնուի, քանի որ աշխատութեան ընթացքին կրնան մտադրութիւններ փոխուիլ, և պարագաներ ու պատահարներ կանխաւ չմտածուածը թելադրել: Սակայն գրուելով մէկտեղ գիրքին սկիզբը կը գրուին, որպէսզի ընթերցողը նախապատրաստուի և ըստ այնմ ընթերցանութեան մէջ յառաջէ և դատէ: Ես ալ Խոհի ու Խօսիս յօդուածներուն առաջին հարիւրեակը փակելուս առթիւ Յառաջաբան մը գրելու պէտքը կը զգամ, բայց վերջէն գրածս վերջին կը թողում, և Յառաջաբանի տեղ Վերջաբան տուած կ'ըլլամ:

Նախ և առաջ յայտարարեմ որ ոչ հետեւած աղբիւր ունիմ և ոչ ուսումնասիրած գիրք: Երուսաղէմէ մեկնած եմ առանց գիրքի և առանց յիշատակագիրի, հազիւ թէ առձեռն համառօտ օրագրութիւն մը առած եմ մէկտեղ, որով կրցայ ճշդել ինչինչ թուականներ, մնացածը պարզապէս և սոսկապէս ըմբռնումի և յիշողութեան արտադրութիւն է, առանց ուսումնասիրութեան գիրի առնուած, ինչպէս որ միտքիս առջև կը ներկայանար. նոյնիսկ երբեմն առանց կապի և առանց կապակցութեան: Նպատակս ալ հեղինակութիւն մը արտադրել չէ եղած, այլ միայն ժամանցի զբաղում մը ունենալ, քանի որ խաղի ու ծուխի սովորութիւնը չունիմ, այցելութեանց չըջելու սովոր չեմ, և ընթերցանութեան ալ աչքերս չեն զօրեր: Սակայն այստեղ մնայնիս մեր նախատեսու-

թենէն աւելի երկարելով, ժամանցի պէտքն ալ երկարեցաւ, գրութիւնս ալ համեմատաբար երկարեցաւ, եւ հատուածներու հարիւրեակը չափաւոր աշխատութիւն մը եղաւ, թէև առանց ծրագիրի և առանց կանոնաւորութեան:

Այս առանց ծրագիրի գործի ձեռնարկելուն իբրեւ հետեանք՝ միևնոյն եղելութիւնը կամ պատահարը, զանազան տեսակէտներով և զանազան կապակցութիւններով, նորէն ու նորէն ներկայանալուն պատճառով, անհրաժեշտ եղաւ միևնոյն բանը կրկին և երեքկին դարձեալ յիշատակել, որ եթէ կանոնաւոր հեղինակութեան մը համար թերութիւն կը համարուի, սակայն պատահական կերպով գրութեան մը համար պէտք է ներելի նկատուի: Այս դիտողութիւնը քանի մը տեղեր առիթը հանդիպելուն նշանակած եմ:

Պատահական գրութեան մէկ ուրիշ հետեանքն է, որ գրածներս նոյն օրուան և նոյն տրամադրութեան արտայայտութիւններ են, որ ոչ ապագայն կը նախագրուեն, եւ ոչ փոփոխութիւնը կ'արգիլեն, և ոչ ալ վճռական ոյժ մը կը ստանան՝ նոյնիսկ գրողին տեսակէտէն ալ: Այս նպատակով իւրաքանչիւր հատուածին վերեւ գրութեան թուականը նշանակած եմ, որպէսզի եթէ ոք քննադատելու և ուղղելու յորդորուի, նախապէս գրութեան օրն եւ գրութեան ոճն համեմատութեան եւ ըստ դատութեան դնէ, և ըստ այնմ իւր դատաստանն ընէ: Գրութեանս մէջ աւելի ժամանակին հոգին ու տեսակէտն է նկատի առնուելիք կէտը, քան թէ խնդիրին վերացական իմաստը կամ եղելութեան ընդհանուր կերպարանը:

Գաղափարներու արտայայտութեան կարգին անկաշկանդ կերպով տեսութիւններ ըրած եմ անձնաւորութեանց և եղելութեանց վրայ, և ծանր խօսքեր իսկ չեմ խնայած գործիչներու և գործողութեանց վրայ: Սակայն չկարծուի թէ անձնական կիրքի կամ յուսախաբ տկնկալութեան կամ անհաճոյ եղելութեան մը ազդեցութենէն մղուած եմ աննպաստ արտայայտութեանցս մէջ: Այս նպատակով զգուշացած եմ խիստ բառերու և ծանր անկաններու գործածութենէն, այլ աւելի եղելութեանց և գործողութեանց նոխընթաց և համընթաց և յետընթաց պարագաները մէջտեղ դնելով՝ ուզած եմ որ եղելութիւններ խօսին և գործողութիւններ աղաղակեն, և այս ոճին մէջ ոչ անիրաւ և ոչ ան-

վայելուչ պարագայ մը կը տեսնամ: Եւ այս այնչափ յայտնի է որ քննադատած անձերուս և գործերուս լուս կողմերն ալ չեմ լուսած, և նոյն անձերուն հանդէպ պատշաճից պահանջը չեմ պակասեցուցած, և նոյն գործերուն մասին հակասութիւններ չեմ ունեցած: Սակայն կեղծիքը կամ ակնածանքը իբրև պարտք չեմ համարած, երբոր խնդիրը անձնական շրջանակէն դուրս ելլելով պատմական շրջանակին կը մտնայ. և իմ տեսութեամբ հասարակաց կարծիքը նենգել եւ հանրութիւնը խտրել պիտի ըլլար եթէ իսկութիւնը ծածկէի, կամ մարդահաճոյութեամբ ծամածռէի:

Գրութեանս կարգին շատ անձեր յակոնէ անուանէ յիշուած են, նոյնիսկ կենդանի եղողներ, որոց տիտղոս կամ պատուանուն չեմ տուած: Եկեղեցականները իրենց կոչմամբ եմ յիշած, կաթողիկոս, եպիսկոպոս, վարդապետ, քահանայ. առանց կաթողիկոսին ընդհանրականութիւնը, եպիսկոպոսին արքութիւնը, վարդապետին ծայրագունութիւնը, քահանային աւագութիւնը յիշելու: Աշխարհականներուն ալ ոչ աստիճանը յիշած եմ, և ոչ պէյ կամ եփեկսի կամ աղա, պարոն կամ սիւս կոչումներ աւելցուցած եմ, և ոչ ալ վսեմութիւն և կամ ազնուութիւն, կամ մեծապատուութիւն ամականներ գործածած եմ: Արդէն պատմական ոճը այդ յուելուածները չընդունիր. միւս կողմէն այս տիտղոսները այնպէս խառնիխառն գործածուած են, որ ոչ աստիճանը և ոչ համաչափ պատիւը կ'արտայայտեն. ուզողը պէյ կ'ըլլայ, ուզողը եփեկսի, յետին դասակարգէ անձ մըն ալ թողականութեան կոչուելով ազնուաշուք եփեկսի կ'ըլլայ, և բարձր աստիճանով ճոխացած պաշտօնէին համապատիւ կը դառնայ: Որովհետեւ այս մասին որոշ սովորութիւն մը չի կայ, եւ պաշտօնական կոչմանց կանոն մը սահմանուած չէ, եւ պաշտօնականը անպաշտօնէն զատել դժուար էր, դիւրագոյն եղանակ սեպեցի բնաւին չգործածել տիտղոս կամ պատուանուն, եւ գոհանալով պաշտօնը նշանակել, իբրև իւրաքանչիւրին աստիճանին արտայայտիչ: Բացառաբար եւ ցանցառաբար քաշա տիտղոսը գործածած եմ, որովհետեւ այդ տիտղոսը քմահաճ եւ մարդելոյց կիրառութեան տակաւին մտած չէ եւ իւր պաշտօնականութիւնը անվթար կը պահէ:

Հետևած ուղղութիւնս ընդհանուր առմամբ կենսագրականն է, և անձնական եղելութեանց ու գործողութեանց շուրջը կը



դառնայ: Հանրային և ազգային եղելութիւններ և գործողութիւններ ալ շօշափած եմ, այնչափ՝ որչափ իմ մասնակցութիւնս կը պահանջէր, և ոչ խորերը թափանցելով կամ կատարեալ պատմութիւնը տալու նպատակով: Ասով մէկտեղ, ինչինչ ընդհանուր նիւթերու վրայ ալ կանգ առնել և ընդարձակագոյն տեսութիւնս յայտնել հարկ սեպեցի, մանաւանդ երբոր հարցը ինծի հետ ալ կապակցութիւն մը ունէր, և իմ տեսակէտս լուսարանել կարեոր կը դառնար: Այնպէս կը կարծեմ թէ գործին ընթացքը կը պահանջէր այս վարտողութիւնները, քանի որ Սոսիէրս էին գլխաւորապէս, զորս բացատրել կ'ուզէի, երբոր անոնք Սոսիէրու վերածելու միտքը ունեցայ և գործի ձեռնարկեցի:

Այս գլխաւոր պայմանները բացատրած ըլլալս բաւական ըլլայ գործիս ուղղութեան վրայ գաղափար մը տուած ըլլալու համար. մնացեալ կէտեր ամէն գրութեանց հասարակ պայմաններ են և յատուկ բացատրութեան չեն կարօտիր: Իսկ գործս, իբր ժամանցի զբաղում սկսուած, Դամասկոսի պանդխտութիւնն իսերկարելով՝ հետզհետէ բաւական ընդարձակ գրուածի մը ձևն առաւ, և հատուածներուն հարիւրեակին հասած, և գործին ամփոփման և փակման ձև մը տուած ատենս ալ, վերջնական փակումի միտք չունիմ: Յորչափ մեր անկայուն և տարտամ վիճակը կը շարունակէ և ցորչափ ես ժամանցի զբաղում մը ունենալու կը պարտաւորուիմ, և ցորչափ ինծի համար յարմարագոյն և դիւրագոյն և հաճոյագոյն զբաղումը գրութիւնն է, դարձեալ կ'ուզեմ ըստ պատահմանց և ըստ պարագայից նոր յօդուածներ աւելցնել, գուցէ եւ նոր պատահարներու պատճառով արդէն յայտնած տեսակէտներս փոփոխել կամ հարեւանցի անցած դէպքերը լրացնել. վերջապէս պարապորդութեամբ չձանձրանալու համար Սոսի ու Սոսիերու շարունակութիւնը իբր միջոց գործածել:

## Ճ

Յօդուածներու հարիւրեակին իբրև լրումն, այստեղ կ'աւելցնեմ կեանքիս զանազան բաժանումներուն ժամանակագրութիւնները, ո՛ւր ինչչափ մնալս, եւ պաշտօններու ինչչափ տեւելը, եւ

ուղեւորութեանց քանի օրեր յատկացուած ըլլալը զատ զատ ցուցընող, որ եթէ շատ կարեւոր կէտ մըն ալ չէ, սակայն կենսագրական յիշատակներու ամփոփում մըն է որ կրնայ հետաքրքրական դառնալ, և անգամ մը կատարուած աշխատութիւն է, զոր այստեղ յառաջ բերել տեւորդ չեմ սեպեր: Միջոցները տարիով, ամիսով և օրով հաշուած եմ: Տարիքիս լրումը այսօր եօթանասունուեօթը տարի և երեք ամիս է, ճիշդ որչափ եղաւ հօրս կեանքը, որ է ըսել՝ թէ եօթանասունութերորդ տարիէն քառորդ մը անցուցած եմ: Իւրաքանչիւր բաժանման համառօտ բացատրութիւն մըն ալ տուած եմ, ինչպէս առաջիկային կը տեսնուի:

Իբրև լրումն գրութեանս առաջին հարիւրեակին՝ կ'աւելցնեմ գլխակարգութեանց Ցանկն ալ. գլուխները խառն ըլլալուն ամփոփում մըն ալ կ'աւելցնեմ այստեղ, նոյն նիւթին կամ նոյն միջոցին վերաբերեալ հատուածները դիւրութեամբ գտնելու և հետեւելու համար, և գլխաւոր բաժանումներու համեմատ ամփոփումն ալ:

Գրութեանս հանգամանքները.— Ա. Հակիրճ Յառաջաբան, ՂԹ. Խոնճ ու Խօսքիս կազմութիւն, Ճ. Ժամանակագրութիւն և Ցանկ: Յօդուած

3

Անձնական կեանքի պարագաներ.— Բ. Առողջական վիճակ. Ե. Տարելից մը լրացած, Զ. Դամասկոսի մէջ, ԺԴ. Պատրաստուած Յիշատակագիրք, ԺԸ. Աշակերտութեան միջոց, ԻԹ. Անձնական կենցաղ, Լ. Մահամերձ խօթութիւն, ԾԴ. Տարելից մը ևս, ԿԹ. Անձնական յուշեր, ԶԱ. Անհատական կենցաղ, ԶԶ. Յետահայեաց ակնարկներ, ՂԳ. Գրական կեանքս, ՂԶ. Կերպարանի ամփոփում:

13

Առաջին գործունեութիւն.— ԻԱ. Քահանայութեան միջոց, ԻԲ. Կրօնաւորութեան միջոց, և առաջին ասպարէզ:

2

Անտոնեան Միաբանութիւն.— ԻԳ. Անտոնեանց դատը, ԻԵ. Անտոնեանց տագնապը, ԻԶ. Գործակատարութեան պաշտօն, ԼԱ. Վանքին վաճառումը, ԼԲ. Հռոմէ գալէն ետքը:

5

Հակահասունեան խնդիր. — ԻԴ. Հայ Կաթոլիկ Ժողով, ԻԶ. Հակահասունեան խնդիր, ԻԸ. Զանազան հրատարակութիւններ:

Վերադարձի հանգամանքներ. — Գ. Վերադարձի շարժառիթը, ԼԳ. Դէպի Հայ Եկեղեցին, ԼԴ. Վերջնական որոշում:

Մասնաւոր պատճօններ. — ԼԸ. Տարօնոյ քննիչ, ԼԵ. Ղալաթիոյ քարոզիչ, Խ. Բերայի քարոզիչ, ԽԳ. Վասնայ քննիչ, ԽԶ. Ատարազարի քննիչ:

Կարնոյ առաջնորդութիւն. — ԼԶ. Կարնոյ առաջնորդ, ԼԷ. Սանասարեան Վարժարան, ԼԹ. Կարնոյ տաղնապը, ԽԱ. Դարձեալ Կարին, ԽԲ. Եպիսկոպոսական ձեռնադրութիւն, ԽԴ. Առաջնորդութեան վերջ:

Արմաշի Դպրեվանք. — ԽԶ. Եկեղեցական Վարժարան, ԽԷ. Արմաշի Դպրեվանք, ԽԹ. Դպրեվանքի տաղնապը, ԿԸ. Դպրեվանքի շուրջը, ԴԵ. Արմաշական Դպրեվանքիներ:

Կ. Պոլսոյ Պատրիարքութիւն. — Է. Վարչական պաշտօն, Ը. Պատրիարքական պաշտօն, Թ. Պաշտօնէ քաշուիլ, Ժ. Պաշտօնավարութեան կերպ, ԺԲ. Արտաքիններու հանդէպ, ԺԳ. Ներքիններու հանդէպ, Ծ. Կ. Պոլսոյ Պատրիարք, ԾԱ. Փոխադարձ ընթացք, ԾԲ. Ներքին կարգադրութիւնք, ԾԵ. Հրատարականի փորձեր, ԾԷ. Մահափորձի հանգամանքներ, ԾԸ. Վարչութեան նորոգութիւն, ԿԳ. Արկածելոց նպաստներ, ԿԴ. Շինարար ձեռնարկներ, ԿԵ. Հանդիսական առիթներ, ԿԶ. Պաշտօնական դարձումներ, ԿԷ. Յարաբերական պարագաներ:

Ազգային խնդիրներ. — ԾԳ. Ապտիւլհամիտ և Հայեր, ԾԹ. Կուսակցական դրութիւն, ԶԲ. Ազգային տաղնապ, ԶԳ. Կազմակերպական փոփոխութիւն,

ՉԴ. Փոփոխութենէ ետքը, ՉԵ. Նորանոր տազնապաներ, ՂԷ. Ազգային կացութիւն:

7

Պատրիարքութեան ետքը.— Հ. Հրաժարականի իսկութիւնը, ՀԱ. Հետևորդ միջադէպներ, ՀԲ. Ամբաստանութեանց ընթացքը, ՀԳ. Հանդարտ աշխատութիւն, ՀԴ. Անպարտութենէ ետքը:

5

Երուսաղէմի գործեր.— Կ. Երուսաղէմի հաշիւներ, ՀԶ. Երուսաղէմի անցքեր, ՀԷ. Երուսաղէմի պատուիրակ, ՀԸ. Երուսաղէմի վարիչ, ՀԹ. Գրական ըզբաղումներ, Զ. Պաշտօնական կեանք:

6

Կիլիկիոյ կաթողիկոսութիւն.— ԾԶ. Կիլիկիոյ խնդիրներ:

1

Էջմիածնի գործեր.— ԽԵ. Էջմիածնի ուսուցիչ, ԽԸ. Էջմիածնի պատգամաւոր, ԿԱ. Էջմիածնի կալուածներ:

3

Եկեղեցական եւ ազգային խնդիրներ.— ԺԹ. Կուսակրօնութեան խնդիր, ԿԲ. Ամուսնական հարցեր, ՀԵ. Եկեղեցական բարեկարգութիւնն, ՉԵ. Նորանոր տազնապաներ, ՂԷ. Ազգային կացութիւն:

5

Ընդհանուր տեսութիւններ.— Դ. Հաւատք, Յոյս, Սէր, ԺԱ. Վարչականութեան ոճը, ԺԵ. Պարտաճանաչ ըմբռնում, ԺԶ. Ազատութեան սկզբունք, ԺԷ. Նախահոգութեան օգուտ, ՂԴ. Ծանօթներու մահացուցակ:

6

Ընտանեկան յիշատակներ.— ՉԸ. Նախնիք և ծնողք, ՉԹ. Ընտանեկան յիշատակներ, Ղ. Ընտանեկանաց շարունակութիւն, ՂԱ. Դարձեալ ընտանեկանք, ՂԲ. Այժմեան ընտանիք:

5

100

# ԺԱՄԱՆԱԿԱԳՐԱԿԱՆ ՑՈՒՑԱԿ

( Հ Ի Ն Տ Ո Մ Ա Ր Ո Վ )

Տեւողութիւն

	Տարի	Ամիս	Օր
1. 1841 Փետրուար 11 - 1851 մայիս 13.— Ծնունդէս մինչեւ Հռոմ աշակերտութեան երթալս ապրեցայ Բերա, Ֆէրիտիէ փողոց, ամառները օգափոխութեան երթալով, անգամ մը Պէյքօղ և անգամ մը Հալքի կամ Հէյպէլի կղզի:	10	3	2
2. 1851 Մայիս 13 - 1851 մայիս 25.— Պոլիսէ Հռոմ ուղեւորութիւնս, Զմիւռնիոյ, Մալթայի եւ Զիլիթալէքքիայի ճանպոյլ:	—	—	12
3. 1851 Մայիս 25 - 1866 յունուար 19.— Հռոմի Անտոնեանց վանքը աշակերտական կեանքս, երբեմն սեպտեմբեր հոկտեմբերին օգափոխութեան երթալով, առաջները Ֆրասքաթի, ետքէն Քասթէլ, Կանտօլֆօ, Բօրթօտանցիօ, Բօծծիօլաթինօ եւ Ֆարֆա: Այդ միջոցին Քահանայական ձեռնադրութիւնս 1863 օգոստոս 12, երբ էի 22-Յ-1 տարեկան:	14	7	24
4. 1866 Յունուար 19 - 1866 փետրուար 5.— Հռոմէ Պոլիս դառնալու ուղեւորութիւնս Անքոնայի և Թրիէսթէի ճանպոյլ, Վենետիկ ալ երթալով և դառնալով:	—	—	16
5. 1866 Փետրուար 5 - 1867 սեպտեմբեր 20.— Պոլսոյ մէջ մընացած ատենս իբր արքայօր քարտուղար, տունը Գատըքէօյ, գործը Բանկալթի, Պոլսոյ և Վոսփօրի պտոյտներ:	1	9	15
6. 1867 Սեպտեմբեր 20 - 1867 հոկտեմբեր 16.— Պոլիսէ Հռոմայ վանքը դառնալուս ուղեւորութիւնը միաբանութեան դատին առթիւ, Մարսիլիայի և Լիւլօնոյի ճանպոյլ, Բարիզ ալ երթալով ու դառնալով:	—	—	26
7. 1867 Հոկտեմբեր 16 - 1868 հոկտեմբեր 17.— Հռոմ մնացած Ժամանակս դատին խնդիրին առթիւ:	1	—	1
8. 1868 Հոկտեմբեր 17 - 1868 հոկտեմբեր 23.— Հռոմէ Պոլիս դառնալու ուղեւորութիւնս, Նաբօլիի և Մեսինայի ճանպոյլ:	—	—	8

ԲԱՅԱՌՑ ԵԱՄԱՂՔԱՄ

	Տարի	Ամիս	Օր
9. 1868 Հոկտեմբեր 25 - 1869 նոյեմբեր 1.— Պոլիս մնացած ատենս, Եպիսկոպոսաց ժողովին տարին, բնակութիւն Գատըքէօյ և Բերա, գործ Բերա:	1	—	6
10. 1869 նոյեմբեր 1 - 1869 նոյեմբեր 6.— Պոլիսէն Հռոմ ուղեւորութիւնս Վատիկանեան ժողովին առթիւ, Շիրայի և Պրինտիզիի ճանապուհ:	—	—	5
11. 1869 նոյեմբեր 6 - 1870 ապրիլ 19.— Հռոմայ մէջ մնացած ատենս, մինչև փախստեամբ Հռոմի հալածանքէն ազատելնիս:	—	5	13
12. 1870 Ապրիլ 19 - 1870 մայիս 17.— Հռոմէն փախչելով Պոլիս գալու ուղեւորութիւնս, Լիւօնօ դադարելով և շարունակելով Վիէննայի, Դանուբի և Վառնայի ճանապուհ:	—	—	28
13. 1870 Մայիս 17 - 1871 ապրիլ 24.— Պոլիս մնացած ատենս Հակահասունեան շարժումին մէջ իբրև գործող և գրող, միանգամայն վանական պաշտօններ վարելով. բնակութիւն Գատըքէօյ և Օրթաքէօյ:	—	11	7
14. 1871 Ապրիլ 24 - 1871 ապրիլ 29.— Պոլիսէ Հռոմ ուղեւորութիւնս, գործակատարութեան պաշտօնով և աշխարհիկ տարազով, Շիրայի և Պրինտիզիի ճանապուհ:	—	—	5
15. 1871 Ապրիլ 29 - 1872 յունուար 8.— Հռոմ հասնելէս ետքը վանքին մէջ բնակած միջոցս:	—	8	9
16. 1872 Յունուար 8 - 1872 սեպտեմբեր 30.— Հռոմի բնակութիւնս վանքէն դուրս փոխադրուելէս մինչև երեք եղբայրներ միասին ըլլալնիս:	—	8	22
17. 1872 Սեպտեմբեր 20 - 1873 հոկտեմբեր 14.— Երեք եղբայրներ միասին ըլլալնուս օրէն մինչև անոնց մեկնելէն ետքը հիւսիսային Իտալիոյ շրջագայութեան ելլալս:	1	—	14
18. 1873 Հոկտեմբեր 14 - 1873 նոյեմբեր 17.— Հիւսիսային Իտալիոյ շրջագայութենէս մինչև Միլանոյի մէջ Փափագեանց հետ միանալով Հռոմ դառնալս:	—	1	3

## Տեւողութիւն


	Տարի	Ամիս	Օր
19. 1873 Նոյեմբեր 17 - 1875 մարտ 20.— Հռոմի բնակութիւնս, շրջագայութենէ դառնալէն եւ Նաբոլի ալ երթալ գալէն մինչեւ մեծ հիւանդութիւնս:	1	4	3
20. 1875 Մարտ 20 - 1875 մայիս 13.— Մահացու հիւանդութեան միջոցը մինչև տունէ ելլալս:	—	1	23
21. 1875 Մայիս 13 - 1875 յունիս 20.— Հիւանդութենէս ետքը տունէն ելնելէս մինչև օգտոյտութեան համար ուղեւորիլս:	—	1	7
22. 1875 Յունիս 20 - 1875 յունիս 24.— Ուղեւորութեանս առաջին մասը Հռոմէն մինչև Փարիզ:	—	—	4
23. 1875 Յունիս 24 - 1875 յուլիս 18.— Փարիզ մնացած միջոցս, մինչև Լոնտրա մեկնիլս:	—	—	24
24. 1875 Յուլիս 18 - 1875 օգոստոս 11.— Լոնտրա մնացած միջոցս անգամ մըն ալ Փարիզ գալով և դառնալով:	—	—	23
25. 1875 Օգոստոս 11 - 1875 սեպտեմբեր 4.— Լոնտրայէ մեկնելով և Գէորգ Սամանճեանի ընկերանալով Պելճիա, Հռենոսեան երկիրներ, Հելուետիա և վրէննա պտտիլս, եւ անկէ Պաւարիա հանդիպելով Հռոմ դառնալս: Իսկ բոլոր ուղեւորորութիւնս 0-2-14:	—	—	23
26. 1875 Սեպտեմբեր 4 - 1876 ապրիլ 30.— Հռոմ դառնալէս ետքը վանքին վաճառումն ալ լրացնելով Պոլիս ուղեւորիլս:	—	9	26
27. 1876 Ապրիլ 30 - 1876 մայիս 7.— Հռոմէ Պոլիս դառնալու ուղեւորութիւնս, Մեսինայի ճանպոյտով:	—	—	7
28. 1876 Մայիս 7 - 1879 հոկտեմբեր 28.— Պոլսոյ մէջ անցուցած ժամանակս՝ Անտոնեան միաբանութեան, Հակահասունեան հասարակութեան և Հայոց պատրիարքարանի մէջ դանազան պաշտօններով, մինչև պաշտօնապէս վերադարձս:	3	5	6

ՏԵԼՈՂՈՒՅԻՆ

	Տարի	Ամիս	Օր
29. 1879 Հոկտեմբեր 28 - 1880 մայիս 12.— Վերադարձէս ետքը Պոլիս մնացած միջոցս, իբրև քարոզիչ Ղալաթիոյ, մինչև կարին մեկնիլս:	—	6	14
30. 1880 Մայիս 12 - 1880 մայիս 29.— Պոլիսէ կարին ուղեւորութիւնս:	—	—	17
31. 1880 Մայիս 29 - 1882 օգոստոս 5.— կարնոյ մէջ առաջնորդութեամբ մնալս, մինչեւ Տարօն մեկնիլս:	2	2	6
32. 1882 Օգոստոս 5 - 1882 օգոստոս 13.— կարինէ մեկնելով և խնուս այցելելով Ս. կարապետի ուղեւորութիւնս:	—	—	8
33. 1882 Օգոստոս 13 - 1882 սեպտեմբեր 9.— Ս. կարապետ մնացած միջոցս քննչական պաշտօնով:	—	—	26
34. 1882 Սեպտեմբեր 9 - 1882 սեպտեմբեր 15.— Ս. կարապետէն Ս. Յովհաննէս և անկէ Մշոյ քաղաք:	—	—	6
35. 1882 սեպտեմբեր 15 - 1882 հոկտեմբեր 12.— Մուշ քաղաք մնացածս, քննչական պաշտօնով:	—	—	27
36. 1882 Հոկտեմբեր 12 - 1882 հոկտեմբեր 28.— Առաքելոց վանք, Մատնավանք, կոփաց վանք շրջիլս մինչև Ալաշկերտի վանքը:	—	—	16
37. 1882 Հոկտեմբեր 28 - 1882 նոյեմբեր 9.— Ալաշկերտ և Բասեն շրջելով կարին դառնալս:	—	—	11
38. 1882 նոյեմբեր 9 - 1883 մարտ 24.— կարին դառնալէս մինչև Պոլիս ուղեւորիլս:	—	4	15
39. 1883 Մարտ 24 - 1883 ապրիլ 5.— կարինէ մեկնելով մինչև Պոլիս ուղեւորութիւնս:	—	—	11
40. 1883 Ապրիլ 5 - 1884 սեպտեմբեր 24.— Պոլիս մնացած միջոցս Բերայի քարոզչութեամբ, և կարնոյ առաջնորդութիւնը պահելով և տագնապին աշխատելով:	1	5	19
41. 1884 Սեպտեմբեր 24 - 1884 հոկտեմբեր 9.— Պոլսէն կարին դառնալու ուղեւորութիւնս:	—	—	15



Երկրորդ



Տեւողութիւն

	Տարի	Ամիս	Օր
42. 1884 Հոկտեմբեր 9 - 1885 յունիս 10. — Կարին հասնելէս մինչեւ Դերջան մեկնելս:	—	8	1
43. 1885 Յունիս 10 - 1885 յուլիս 10. — Դերջանի և Քղիի այցելութիւնները լրացնելով Կարին դառնալս:	—	1	—
44. 1885 Յունիս 10 - 1886 մայիս 4. — Կարին դառնալէս մինչեւ Եպիսկոպոսութեան համար էջմիածին ուղեւորելս:	—	9	24
45. 1886 Մայիս 4 - 1886 մայիս 28. — Կարինէ Տրապիզոնի և Տփղիսի ճանպող էջմիածին հասնելս:	—	—	24
46. 1886 Մայիս 28 - 1886 Յունիս 19. — Եպիսկոպոսութեան առթիւ էջմիածին մնացած ատենս: Այս միջոցին Եպիսկոպոս ձեռնադրուելս 1886 Յունիս 8, երբ էի 45-3-27 տարեկան:	—	—	21
47. 1886 Յունիս 19 - 1886 յունիս 26. — Էջմիածինէ վան ուղեւորութիւնս, Իգտիրի, Պայազիտի և Ապաղայի ճանպող:	—	—	7
48. 1886 Յունիս 26 - 1886 օգոստոս 4. — վան մնացած ատենս քննչութեան պաշտօնով:	—	1	8
49. 1886 Օգոստոս 4 - 1886 օգոստոս 23. — վանէն Կարին դառնալս Ալթամարի, Բաղէշի, Ախլաթի և Խնուսի ճանպող:	—	—	19
50. 1886 Օգոստոս 23 - 1887 մայիս 19. — Կարին դառնալէս Խաբը մինչև Թորղում մեկնելս:	—	8	26
51. 1887 Մայիս 19 - 1887 յունիս 23. — Թորղումի, Կիսկիմի, և Սպերի վիճակներու այցելութեան պտոյտս:	—	1	4
52. 1887 Յունիս 23 - 1887 յուլիս 6. — Կարին դառնալէս մինչև Կ. Պոլիս ուղեւորելս:	—	—	13
53. 1887 Յունիս 6 - 1887 յուլիս 22. — Կարինէ Կ. Պոլիս ուղեւորութիւնս:	—	—	16
51. 1887 Յունիս 22 - 1887 օգոստոս 19. — Էջմիածին չմեկնած Կ. Պոլիս մնացած ատենս:	—	—	27

	Տարի	Ամիս	Օր
55. 1887 Օգոստոս 19 - 1887 սեպտեմբեր 3.— Կ. Պոլիսէ էջմիածին ուղեւորութիւնս Պաթումի և Տփղիսի ճանապուհ:	—	—	14
56. 1887 Սեպտեմբեր 3 - 1888 յունիս 19.— էջմիածին մնացած ատենս, ուսուցչութեան պաշտօնով:	—	10	16
57. 1888 Յունիս 19 - 1888 օգոստոս 11.— էջմիածինէ Կ. Պոլիս ուղեւորութիւնս Աղեքսանդրաբոլի, Ախալցխայի և Պաթումի ճանապուհ:	—	—	22
58. 1888 Օգոստոս 11 - 1889 յունիս 13.— Կ. Պոլսոյ մէջ մնալս Գարակէօմբրիւկի և Գատըքէօյի քարոզչութեամբ և Դըպրեօլանքի պատրաստութեամբ մինչև Ատաբաղար մեկնիլս. Արմաշ ալ երթալով ու դառնալով:	—	11	2
59. 1889 Յունիս 13 - 1889 օգոստոս 23.— Ատաբաղարի և Նիկոմիդիոյ քննչութեամբ դբաղած միջոցս:	—	1	10
60. 1889 Օգոստոս 23 - 1889 սեպտեմբեր 9.— Պոլիս դառնալէս մինչև Պոլիսէն Արմաշ երթալս, այս առթիւ վերատեսչութիւնը և վանահայրութիւնը ստանձնելս. 38-6-28 տարեկան եղած ստենս:	—	—	16
61. 1889 Սեպտեմբեր 9 - 1892 ապրիլ 17.— Արմաշ մնացած միջոցս, մերթ ընդ մերթ Պոլիս և անգամ մը Պարտիզակ երթալով գալով, մինչև էջմիածին երթալու համար մեկնիլս:	2	7	8
62. 1892 Ապրիլ 17 - 1892 մայիս 2.— Արմաշէ Պոլիս գալով և շարաթ մը հոն մնալով էջմիածին հասնիլս:	—	—	15
63. 1892 Մայիս 2 - 1892 մայիս 8.— Ընտրութեան համար էջմիածին մնացած օրերս:	—	—	6
64. 1892 Մայիս 8 - 1892 մայիս 20.— էջմիածինէ Տփղիս և անտի Պոլիս, և Պոլիսէ Արմաշ ուղեւորութիւնս:	—	—	12
65. 1892 Մայիս 20 - 1896 Յունիս 18.— Արմաշ դառնալէս մինչև վերջընթեր անգամ Պոլիս գալս, մերթ ընդ մերթ գալով և դառնալով:	4	1	28

Ամբողջություն

Տեսողություն

	Տարի	Ամիս	Օր
66. 1896 Յուլիս 18 - 1896 սեպտեմբեր 10. — Պոլսոյ տաղնապի առեն հոն եղած միջոցս:	—	1	22
67. 1896 Սեպտեմբեր 10 - 1896 հոկտեմբեր 14. — Տաղնապի ժամանակ Արմաշ մնացած միջոցս: Իսկ Արմաշի պաշտօնավարութիւնս բովանդակ 7-1-5:	—	1	4
68. 1896 Հոկտեմբեր 14 - 1896 նոյեմբեր 6. — Պոլիս հասնելէս մինչև պատրիարք ընտրուելս:	—	—	22
69. 1896 նոյեմբեր 6 - 1896 նոյեմբեր 20. — Պատրիարք ընտրուելէս մինչև Ուխտի օրը գործի ձեռնարկելս:	—	—	14
70. 1896 նոյեմբեր 20 - 1899 սեպտեմբեր 23. — Գործի ձեռնարկելէս մինչև առաջին հրաժարագիրս:	2	10	3
71. 1899 Սեպտեմբեր 23 - 1899 հոկտեմբեր 9. — Առաջին հրաժարագիրիս վրայ մնացած միջոցս:	—	—	16
72. 1899 Հոկտեմբեր 9 - 1900 մարտ 8. — Առաջինը ետ առնելէս մինչև երկրորդ հրաժարագիրս:	—	4	29
73. 1900 Մարտ 8 - 1900 մայիս 13. — Երկրորդ հրաժարագիրի վրայ պնդած միջոցս:	—	2	5
74. 1900 Մայիս 13 - 1902 յուլիս 20. — Երկրորդը ետ առնելէս մինչև երրորդը:	2	2	7
75. 1902 Յուլիս 20 - 1902 օգոստոս 19. — Երրորդ հրաժարականի վրայ պնդած միջոցս:	—	—	29
76. 1902 Օգոստոս 19 - 1906 յունիս 16. — Երրորդ հրաժարագիրը ետ առնելէս մինչև չորրորդը:	3	9	27
77. 1906 Յունիս 16 - 1906 յուլիս 17. — Չորրորդին վրայ պնդած միջոցս:	—	1	1
78. 1906 Յուլիս 17 - 1908 յուլիս 16. — Չորրորդը ետ առնելէս մինչև վերջնական հրաժարագիրս: Իսկ բովանդակ պատրիարքութեանս միջոցը ընտրուած օրէն 11-8-10:	1	11	29

Տեւողութիւն

	Տարի	Ամիս	Օր
79. 1908 Յուլիս 16 - 1912 դեկտեմբեր 21.— Վերջնական հրաժարականէս ետքը ամբաստանութեանց և քննութեանց և դատաստանաց միջոցը մինչև անպարտութեան վճիռը: Սան Սթեֆանոյի գիւղապնացութիւնս 1909 յունիս 1-1909 սեպտեմբեր 14, որ է 0-3-13:	4	5	5
80. 1912 Դեկտեմբեր 21 - 1913 օգոստոս 19.— Անպարտութեան վճիռէն մինչև ծանրապէս հիւանդանալս	—	7	28
81. 1913 Օգոստոս 19 - 1913 սեպտեմբեր 26.— Հիւանդութեանս սկիզբէն մինչև Մեծ Կղզի օդափոխութեան երթալս:	—	1	7
82. 1913 Սեպտեմբեր 26 - 1913 հոկտեմբեր 17.— Մեծ Կղզի օդափոխութեան տեւողութիւնը:	—	—	21
83. 1913 Հոկտեմբեր 17 - 1914 ապրիլ 26.— Օդափոխութենէ դառնալէս մինչև Երուսաղէմ ուղեւորիլս:	—	6	9
84. 1914 Ապրիլ 26 - 1914 մայիս 6.— Երուսաղէմի ուղեւորութիւնս Զմիւռնիա, Աղեքսանդրիա և Յոպպէ հանդիպելով:	—	—	10
85. 1914 Մայիս 6 - 1916 օգոստոս 6.— Երուսաղէմի քննընթացութիւն և վարչութիւն մինչև Խապայեանի փոխանցուիլը:	2	3	—
86. 1916 Օգոստոս 6 - 1917 նոյեմբեր 6.— Երուսաղէմի վարչութիւնը թողուլէս մինչև Երուսաղէմէ մեկնիլս:	1	3	—
87. 1917 նոյեմբեր 6 - 1917 նոյեմբեր 13.— Երուսաղէմէն Դամասկոս ուղեւորութիւնս Նապլուսի և Տրայի ճանալով:	—	—	7
88. 1917 նոյեմբեր 13 - 1918 մայիս 8.— Դամասկոս հասնելէս մինչև այս ժամանակագրութիւնը փակելու օրս:	—	5	25
	77	2	27

BnF  
L&A

# Ց Ա Ն Կ

## Հասոճած

Էջ

Ա.	Հակիրճ Յառաջաբան	1
Բ	Առողջական վիճակ	2
Գ	Վերադարձիս շարժառիթը	3
Դ	Հաւատք, Յոյս, Սէր	9
Ե	Տարի մը լրացած	12
Զ	Դամասկոսի մէջ	13
է	Վարչական պաշտօն	14
Ը	Պատրիարքական պաշտօն	16
Թ	Պաշտօնէ քաշուիլ	19
Ժ	Պաշտօնավարութեան կերպը	21
ԺԱ.	Վարչականութեան ոճը	25
ԺԲ	Արտաքիններու հանդէպ	28
ԺԳ	Ներքիններու հետ	31
ԺԴ	Պատրաստուած Յիշատակագիրք	34
ԺԵ	Պարտաճանաչ ըմբռնում	36
ԺԶ	Ազատութեան սկզբունք	39
ԺԷ	Նախահոգութեան օգուտ	41
ԺԸ	Աշակերտութեան միջոցը	42
ԺԹ	Կուսակրօնութեան խնդիր	47
Ի	Կրօնաւորութեան միջոց	51
ԻԱ.	Քահանայութեան միջոց	53
ԻԲ	Առաջին ասպարէզ	56
ԻԳ	Անտոնեանց դատը	60
ԻԴ	Հայ կաթողիկ ժողով	63
ԻԵ	Անտոնեանց տազնապը	67
ԻԶ	Հակահասունեան խնդիր	71
ԻԷ	Գործակատարութեան պաշտօն	75
ԻԸ	Զանազան հրատարակութիւններ	79
ԻԹ	Անձնական կենցաղ	82
Լ	Մահամերձ խօթութիւն	86

1Ա	Վանքին վաճառումը	91
1Բ	Հռոմէ գալէն ետքը	94
1Գ	Դէպի Հայ Եկեղեցին	98
1Դ	Վերջնական որոշում	103
1Ե	Ղալաթիոյ քարոզիչ	106
1Զ	Կարնոյ առաջնորդ	108
1Է	Սանասարեան վարժարան	112
1Ը	Տարօնոյ քննիչ	115
1Թ	Կարնոյ տագնապը	118
Խ	Բերայի քարոզիչ	124
ԽԱ	Դարձեալ Կարին	129
ԽԲ	Եպիսկոպոսական ձեռնադրութիւն	132
ԽԳ	Վանայ քննիչ	136
ԽԴ	Առաջնորդութեան վերջ	140
ԽԵ	Էջմիածնի ուսուցիչ	142
ԽԶ	Եկեղեցական վարժարան	149
ԽԷ	Արմաշի Դպրեվանք	153
ԽԸ	Էջմիածնի պատգամաւոր	161
ԽԹ	Դպրեվանքի տագնապը	166
Ր	Կ. Պոլսոյ պատրիարք	170
ՐԱ	Փոխադարձ ընթացք	174
ՐԲ	Ներքին կարգադրութիւնք	179
ՐԳ	Ապաիւլճամիտ և Հայեր	184
ՐԴ	Տարեկից մը ևս	190
ՐԵ	Հրատարականի փորձ	193
ՐԶ	Կիլիկիոյ խնդիրներ	197
ՐԷ	Մահափորձի հանգամանքներ	201
ՐԸ	Վարչութեան նորոգուիլը	207
ՐԹ	Կուսակցական դրութիւն	213
Կ	Երուսաղէմի հաշիւներ	220
ԿԱ	Էջմիածնի կալուածները	229
ԿԲ	Ամուսնական հարցեր	233
ԿԳ	Արկածելոյ նպաստներ	238
ԿԴ	Շինարար ձեռնարկներ	246
ԿԵ	Հանդիսական առիթներ	252
ԿԶ	Պաշտօնական դարձուածներ	259

ԿԵ	Յարաբերական պարագաներ	267
ԿԸ	Դպրեվանքի շուրջը	271
ԿԹ	Անձնական յուշեր	277
Հ	Հրոժարականին իսկութիւնը	279
ՀԱ	Հետևորդ միջադէպներ	283
ՀԲ	Ամբաստանութեանց ընթացքը	288
ՀԳ	Հանգարտ աշխատութիւն	294
ՀԴ	Անպարտութենէ ետքը	300
ՀԵ	Եկեղեցական բարեկարգութիւն	305
ՀԶ	Երուսաղէմի անցքեր	311
ՀԷ	Երուսաղէմի պատուիրակ	317
ՀԸ	Երուսաղէմի վարիչ	323
ՀԹ	Գրական գրադոմներ	325
Ձ	Պաշտօնական կեանք	329
ՁԱ	Անհատական կենցաղ	332
ՁԲ	Ազգային տաղնապ	335
ՁԳ	Կազմակերպական փոփոխութիւն	339
ՁԴ	Փոփոխութենէ ետքը	344
ՁԵ	Ներանոր տաղնապներ	350
ՁԶ	Յետահայկաց տկնարկներ	356
ՁԷ	Պատերազմներու վերջանալը	362
ՁԸ	Նախնիք և ծնողք	372
ՁԹ	Ընտանեկան յիշատակներ	380
Ղ	Ընտանեկանաց շարունակութիւն	387
ՂԱ	Դարձեալ ընտանեկանք	398
ՂԲ	Այժմեան ընտանեկանք	408
ՂԳ	Գրական կեանքս	412
ՂԴ	Ծանօթներու մահացուցակ	419
ՂԵ	Արմաշական Դպրեվանքցիներ	440
ՂԶ	Կերպարաններու ամփոփում	457
ՂԷ	Ազգային կայութիւն	464
ՂԸ	Կեանքի իսկութիւնը	479
ՂԹ	Սոսիալ և Սոսիալ կազմութիւն	486
Ճ	Ժամանակագրութիւն և Յանկ	489